



《續修四庫全書》編纂委員會編

續修四庫全書



上海古籍出版社

八一二・史部・政書類

欽定大清會典事例一千二百二十卷（卷九百九十八至卷一千七十二）〔清〕崑岡等修

劉啟端等纂

2466/08

欽定大清會典事例卷九百九十八

都察院

憲綱

諭旨一

諭旨○天聰十年

凡有政事背謬及貝勒大臣有驕肆慢上貪酷不法無禮妄行者許都察院直言無隱即所奏涉虛亦不坐罪僕知情蒙蔽以誤國論如盡心職業秉公矢行三年考滿定加升賞○崇德元年

諭都察院各官皆朝廷諫諍之臣朕躬如有不親政務

忠良失職姦邪得位有罪者錄用有功者降誦等事

爾等有所見聞即行規諫至於諸王貝勒大臣有曠

廢職掌耽酒色好逸樂取民財物婦女或朝會輕慢

冠服不具及以不適己意託病偷安不朝參入署者

禮部稽察若禮部徇情容隱爾等察奏或六部斷事

偏謬及事未審結誣奏已結者爾等亦稽察奏聞凡

人在部控告未經審結又赴告於爾衙門者爾等公

議應奏者奏不應奏者逐之至爾衙門有受賄之弊

須互相防檢若以私讎誣劾定加爾等之罪其餘所

奏是者即為允從非者亦不加罪並不令爾等與被

劾之人質對○順治八年

諭自今以後凡有奏告之人在外者應先於各該管司

道府州縣衙門控訴若司道府州縣官不與審理應

於該管總督巡撫巡按衙門控訴若總督巡撫巡按

不准或審斷冤枉再赴都察院衙門擊鼓鳴冤都察

院問果冤枉應奏聞者不與奏聞准赴通政使司衙

門具本奏聞在京有冤枉者應於五城御史及順天

府大宛二縣告理若御史府縣接狀不准或審斷不

公再赴都察院衙門通政使司衙門具奏申告至於

六部其應呈應訴者照舊例准理若內外大小衙門

明知枉情蔽不上聞許具本至午門前進奏傳諭之

後有仍前聲冤告奏者問以重罪該部將此諭刊刻

告示廣布通知○又

諭近日痘疹甚多朕避處淨地凡滿漢蒙古官民有被

冤控告者內而赴各該衙門外而赴各該地方官告

理此時奏告之人概行禁止如有違旨奏告者按律

治罪如有枉斷負屈迫情訴告者當赴都察院通政

使司衙門如不准理亦必俟過此時再行奏告爾衙

門傳與刑部刊刻告示曉諭滿漢蒙古官民知之○

九年

諭設立都察院原為有益於國家凡宜言者言之僕官

員勤惰。政事修廢。遇有宜言之處。徇情不言。被旁人  
參論。雖悔無益。宜謹慎勉勵。欽哉。○又

諭。都察院為朝廷耳目之官。上至諸王。下至諸臣。孰為  
忠勤與否。及內外官員之勤惰。政事之修廢。皆令盡  
言。如滿漢各官。有賢有否。督撫按各官。有廉有貪。鎮  
守駐防各官。有捍禦勤慎者。有擾害地方者。皆令分  
別察奏。其推舉銓用與黜革降罰。及內外各衙門條  
陳章奏。有從公起見者。有專恣徇私者。皆令明白糾  
駁。○十年

諭。朝廷設立言官。原為繩愆糾繆。事關朕躬。尚許直言  
無隱。况諸司過失。理當糾舉。其言果當。宜虛心靜聽。  
即言有未當。止宜分析事理。聽候朕裁。不許私逞報  
復。至言官論事。亦須明白確指。不得掩拾風影。挾私  
妄訐。○又

諭。總督管轄數省。巡撫專任一方。得其人則事治民安。  
非其人則叢姦滋弊。民受其害。如不行考覈。賢否無  
辨。何以示勸懲。著以順治十一年正月。起爾部會同  
都察院。矢公矢慎。將各地方總督巡撫。嚴加考覈。分  
別確議具奏。不許通賄私行蒙蔽。徇縱向來推用督  
撫。但止舉侍郎布按。嗣後遇有督撫員缺。不拘品級。

務從公會推擇。其品行才猷素著者。將政蹟事實。詳  
註會推本內。毋得聽受鑽營。濫舉匪人。朕以澄清吏  
治。責令督撫。考覈督撫責之部院。如推舉不公。著都  
察院科道官指實糾參。○又

諭。凡糾拾反坐言官。有壞吏治。塞言路。以後科道糾拾  
官員。照大計一例處分。有挾私妄糾者。吏部都察院  
指實參奏。○十一年

諭。凡言官務在知無不言。言無不實。庶使僉壬屏迹。中  
外肅清。若緘默苟容。顛倒黑白。徇私報怨。明知姦惡  
庇護黨類。不肯糾參。而誣陷良善。驅除異己。混淆國  
是者。定行重懲。○又

諭。凡事關政治得失。民生休戚。大利大害。應興應革。切  
實可行者。言官宜悉心條奏。直言無隱。如果能抒誠  
有裨政事。朕自不靳懋賞。○十二年

諭。凡事關朕躬。何令不信。何政有差。諸王貝勒在事諸  
臣。曠職之愆。叢弊之處。及內外各司。何害未除。何利  
未興。言官各據見聞。極言無隱。一切啟迪朕躬。匡弼  
國政者。所言果是。即與採用。如有未當。必不加罪。毋  
得浮泛塞責。○十三年

諭。科道為耳目之官。職在發姦剔弊。凡大姦大惡。從未

經人糾劾者。果有見聞。即據實直陳。不許徇私黨比。撫拾塞責。將人已糾參之事。勦襲妄陳。○十八年

諭。凡言官建白。每一事著為一疏。不許一疏臚列多款。具奏。○康熙十八年

諭。自古設立臺省。原係朝廷耳目之官。上之則匡過陳善。下之則激濁揚清。務求知無不言。言無不盡。乃稱厥職。近見言官徇私好名者。不可勝數。朕自臨御以來。每期言路諸臣。化其偏私。實陳得失。輔登上理。項有以風聞言事請者。試約略論之。如今之章奏已見施行者。雖不明言為風聞。何嘗不是風聞。今若開風

聞之條。使言事者果能奉公無私。知之既確。言之當理。即當敷陳。何必名為風聞。方入告也。僕生事之小人。恃為可以風聞入告。但徇己之好惡。必致擅作威福。以行其私。彼言之者。既無確見。聽之者。安能問其是非。故曰無稽之言勿聽。弗詢之謀勿庸。正所以誠言之無據。謀之自專也。况天下之大。臣民之衆。導之以理。曉之以法。待臣下須寬。仁有容。不因細事而即黜之。所以體羣工也。用人則隨才器使。無求全責備之心。蓋以人材有不齊也。若關天下之重。朋黨徇私之情。皆國家可參可言之大事。不但科道而已。有志

之臣民。概可以言之。何在區區風聞之言。能斂戢姦貪之志氣哉。治國家者。在有治人。不患無治法耳。○

又

諭。今將科道兩衙門本章情弊。無益國計民生之處。一講晰。卿等必有至公之論。但有所見。即直言無隱。即如科道條陳一事。部議准行。又有科道官言其不可者。僕朝更夕改。何以取信於天下。如舉才能一事。人之材具不一。有能理繁者。有操守好者。有練習事務者。自古選賢任能。為治之大道。與論俸不同。其法未嘗不善。即

世祖章皇帝時。亦曾行之。偶有徇私作弊之人。將不肯寡廉者薦之。因一人而其法遂壞。自朕親政以來。如鹽差關差。數行更換。以後條陳不知又改幾次也。又如戶部銷算錢糧一事。因督撫所報不合時價。故部議駁回。而科道輒有言者。以為督撫地方大臣。斷無虛估價值。肥己行私。凡有銷算。皆不應駁查。及部議已經准督撫之銷算。不行更駁。則科道又以督撫冒銷錢糧。如草豆馬匹等項。事事皆有虛冒。部中不行詳查。概徇情面。由此觀之。應駁不應駁。何者為是。兩說俱無定論。是皆大者。餘難悉述。由此觀之。風聞言

事。明末之陋習。此例一開。恐有不肖言官。藉端挾制。罔上行私。顛倒是非。誣害良善等弊。嗣後如有大姦大貪。叅劾得實。朕法在必行。決不姑貸。○二十七年。諭。邇來科道官絕無章奏。條陳乃科道專責。惟在中無私意而已。嗣後如有條陳。著到暢春園面奏。○三十

一年

諭。國家設立言官。職司耳目。一切吏治民生。得失利弊。皆宜殫思竭慮。據實直陳。近見滿漢科道官。建白甚少。殊非朕責望言路之意。嗣後應各矢公忠。研求時務。凡有可以裨益國家之事。悉據所見奏聞。以俟採

擇。但不得懷挾私情。紛更定例。勒襲陳言。泛浮塞責。其有真知灼見。應糾劾者。即行叅奏。亦不得暗受囑託。代人報復。苛責細事。希圖傾陷。○三十三年

諭。設立科道官員。特為條奏政事。今觀都御史以至科道條奏者甚少。國家應言之事頗多。嗣後各宜端其心術。以有益國家之事條奏。○三十六年

諭。國家設立都御史科道官。以建白為專責。所以達下情而祛壅蔽。職任至重。使言官果能奉法秉公。實心盡職。則閭閻疾苦。咸得上聞。官吏貪邪。皆可釐剔。故廣開言路。為圖治第一要務。近時言官奏疏寥寥。雖

間有入告。而深切時政。從實直陳者甚少。此豈委任言路之初指乎。嗣後凡事關國計民生。及吏治臧否。但有確見。即應指陳。其所言可行與否。裁酌自在。朝廷雖言有不當。言官亦不坐罪。自皇子諸王及內外大小官員。有所為貪虐不法。並交相比附。傾軋黨援。理應糾舉之事。務必大破情面。據實指叅。毋得畏怯。貴要。瞻徇容隱。即朕躬有失。亦宜進言。朕決不加責。其有懷挾偏私。藉端傾陷者。朕因言察情。隱微自能洞悉。凡屬言官。尚各精白乃心。力矢忠諫。以無負朕殷切責望至意。○三十九年

御製臺省箴。臺省之設。言責斯專。寄以耳目。甯取具員。通明無滯。公正無偏。黨援宜化。畛域宜捐。洞達政體。斯曰能賢。古昔諍臣。風規凜然。訐謔諛論。垂光簡編。朕每覽繹。如鑒在懸。居是官者。表裏方直。精白乃心。充廣其識。國計民生。臧否黜陟。凡所敷陳。敬將悃愾。風霜之任。以懲姦慝。搏擊之威。以儆貪墨。毋撫細務。苟塞言職。毋紛成憲。安逞胸臆。書思入告。當守對揚。沽名匪正。營私孔傷。或藏嫌怨。謬為雌黃。受人指囑。尤為不減。形諸奏牘。有玷阜囊。職司獻替。亟宜審詳。敬爾在公。風紀嚴廓。辭箴用最。誕告聯常。○又

御製御史箴。柱下一星。列曜太紫。其象維何。今也御史。

泮。勵風裁。檢齊霜紀。下飭官方。上參國是。肅肅相府。

峨峨豸冠。其職清要。簪筆朝端。百司有闕。是繩是彈。

民澤或壅。是宣是殫。汝不自克。何以懲墨。汝不自正。

何以糾慝。毋畏強禦。毋縱殘賊。庶幾夙夜。邦之司直。

昔之法吏。正色臺中。為我耳目。效彼股肱。馳聲簡冊。

流美無窮。敬之敬之。罔不克恭。○雍正元年

諭。朕仰承大統。遵守成憲。首以求言為急。科道諸臣。原

為朝廷耳目之官。與朕躬最親。與國家最切。凡有所

見。自應竭誠入告。今雖備位臺垣。即將來之公卿大

吏。為科道時不能盡言。則日後官至大僚。豈能期爾

建白乎。今後各科道每日一人上一密摺。輪流具奏。

或二三人同日具奏一摺。一摺止言一事。無論大小

事務。皆可據實陳之。即或無事可言。摺內亦必聲明

無可言之故。具摺後在外候旨。或召進面見。或令且

退。所言果是。朕即施行。或未甚切當。朕亦留中不發。

決不令一人知之。儻有徇私挾讎。顯係情弊。巧為瀆

奏者。亦不能惑朕之耳目也。密摺不許人參酌。如有

漏洩。或同僚中知而言之。則同僚即可據以密聞。朕

將兩人之摺。合驗情事。能隱諱推諉乎。至於有能面

折廷諍。或彈劾權要。或更革弊端。不妨仍照舊露章

奏聞。朕亦不拒禁。爾諸臣其敬承明諭。各抒忠悃。毋

負朕懸報設鐸之意。○又

諭。外任旗員。受該旗都統參領及五旗本王公恣意需

索者。許本官據實封章密詳督撫轉奏。儻督撫瞻顧

容隱。許本官封章揭都察院轉為密奏。儻不為奏聞。即各御史亦得據揭密奏。務期通達下情。以除積弊。

○又

諭。兵部驛站關繫重大。嗣後照勘合之外。有多索一夫

一馬者。許前途州縣據實揭報都察院糾參。○又

諭。天時亢旱。朕夙夜焦勞。敬謹齋戒。久未得雨。意者用

人行政之間。尚有缺失。不能感召天和。以致甘霖未

沛。朕欲在廷諸臣直言得失。猶恐視為具文。概以諛

詞頌揚。負朕實心求言之意。今特諭爾諸臣。各具密

摺。凡朕所行之事。或有過失。務須盡言無隱。即所行

無過。或更有應行事宜。爾等各據己見陳奏。務期盡

善。使朕有則改之。無則加勉。方得古大臣責難於君

之義。至用人一途。或有未當。爾等務必據實指陳。毋

避嫌怨。即朕親信重臣。亦不妨指出。上古君臣。都俞

吁咈。至今傳為盛事。爾等若能披肝露膽。極言直陳。



即所奏未盡合宜。朕亦重其人品。僕仍瞻徇依違。浮詞塞責。朕亦薄其為人。此諭出於至誠。爾等各宜副朕實心。不可虛應故事。果有嘉謨嘉猷。得見之政事。將召天和而蘇民困。胥在於此矣。○二年奉

旨。以六科隸都察院。○又奉

旨。凡科道露章。必候朕御門聽政之日進奏。在各部院奏事之後陳奏。○又

諭。諸王貝勒屬下人。係累世效力舊人。或念其先世奉

養之恩。見幼主有過。直言規諫。或因需索不遂。並聽讒佞之言。將效力之人。妄加殘害。藉端送部治罪。則

忠直之輩。人人箝口。而讒佞小人。轉得任意橫行矣。

嗣後如此等。曾在其先世效力之人。幼主無故尋釁。妄行陷辱。藉端送部治罪者。准其聲明冤抑。或赴宗

人府。或赴都察院呈訴。該衙門奏聞詳審。果係冤情。或撥於別旗。或撥於他王門下。若所訴盡誣。加等治

罪。○又

諭。外省督撫有懷私背法逞威等事。給事中御史等受

其請託賄賂。為之徇隱。經朕聞知。將都察院堂官一併議處。至上彈劾本章。或有畏難之心。亦未可定。將

本章封固。止稱參本。不必聲明姓名事由。○三年

諭。朕為天下臣民之主。一夫不獲。尚塵朕懷。豈可令都

縣司牧。枉受冤抑乎。朕屢降諭旨。令督撫秉公體恤

屬官。尚恐有冤抑之人。嗣後道府以下知縣以上各

官。有實在冤抑被參降革者。令赴都察院具呈。確察

原委緣由。覈實具奏。其並無冤抑。實有罪愆。人品不

端。才力不及之人。妄行具呈者。亦必重治其罪。○又

諭。昔

聖祖仁皇帝明目達聰。無微不照。而關繫國計民生之

事。尤殷採訪。屢降

諭旨。令內外臣工各抒所見。不特條奏。無非欲洞悉下

情。興利剔弊。以期治臻上理也。在廷諸臣。不能仰體

聖懷。往往挾私自利。未見有剴切敷陳裨益政事者。如

科道等官之章奏。或請開例捐納。或請開設礦廠。或

請節省錢糧。種種假公濟私之處。不可枚舉。皆在

聖祖仁皇帝洞鑒之中。故近年來條奏之事。

聖心裁擇其可行者。見之施行。其不可行者。概置弗用。

而言官之不得遂其私者。反有

聖祖仁皇帝不甚納諫之妄議。此等小人情狀。朕在藩

邸知之甚悉。疾之甚深。故臨御以來。諄諄誥誡。期其

各矢公忠。直陳無隱。夫條奏者。原欲上以匡君。下以

澤民。非為臣子沽名之具也。朕原有旨。即密奏中朕不行者。若有真知灼見。力懇施行。仍准其露章陳奏。非必止於密奏也。因念諸臣之欲進言者。或有所顧忌。或有恐招怨尤。或有牽制之情。或有不便顯言之處。故令各人密封進呈。其中言有可採。招怨結冤者。朕將摺內職名裁去發出。或令諸臣會議。或即見諸施行。而外間不知何人所奏。其所以如此者。無非欲人人盡其所言。無所瞻顧迴避。而朕得收聽言之實效。於治理大有裨益之意也。乃有詐偽之人。見其所奏既行。而誇耀於人者。亦有因裁去銜名。無可稽考。竟將他人陳奏之事。而據為己有者。亦有謂出之自朕。託言諸臣。而實非諸臣之條奏者。種種浮言。深可痛恨。現今已發之條奏正多。諸臣不妨自己直認某事係我所奏。儻目今不肯明言。日後私相誇耀。或據人之名以為己有。或貪天之功以為己利。朕則不能聽其肆行巧詐。而置之不問也。又常見人文集中有擬稿未上之奏疏。夫既有此疏。何以未上。既云未上。何故存稿。此乃欺罔之徒。內懷詐偽。外託忠誠。遇事不敢直言。故飾虛詞。傳播人口。以欺世盜名。無恥之甚。且更有以特恩施行之事。而冒為己功者。如獨免

蘇松浮糧一事。係戶部所奏。恩自朕出。並無一員條陳。近聞有人自稱為彼之密奏者。人而無恥。至於此極。朕念為政之道。首在得人。故自即位以來。於文武大小臣工。皆留意簡選。而於伊等陛見之日。必召入面詢。親加訓誨。欲其潔己奉公。勤修職業。謹守法度。愛養兵民。往往丁寧詰誡。至再至三。無非諭及內外事務。及勉勵官方之語。而諸臣出外。每每任意增減。多方粉飾。以誇示於眾。竟有與原降諭旨。甚不相符者。此皆大有關係。著凡文武官員。曾經面奉諭旨。除不能記載者。俱將訓旨一一詳細將年月日一同繕

寫進呈。內外文武大臣。著自行封進。其不應摺奏之員。著封固交與該上司轉奏。自今以後。凡面奉諭旨者。亦俱著繕寫進呈。若不繕寫進呈。但私相傳播。及私自記載者。即係假捏旨意。定當從重治罪。○又滿漢科道。凡有關內外朝政吏治。每人各條奏一摺。封固進呈。若有二三事者。一事用一摺。限兩日內彙齊繳上。不可互相通知訪問。亦不可商之親友。各據己見奏聞。○四年

諭。御史謝濟世。特奏河南巡撫田文鏡貪贓壞法等款。以田文鏡之秉公持正。實心辦事。乃天下督撫中所

罕見者。貪贓壞法之事。朕可以保其必無。而謝濟世於天下。督撫中獨參田文鏡。朕不知其何心。從前

聖

祖仁皇帝見科道官員朋比作姦。互結黨與。潛通聲氣。網利徇情。私賣本章。嚇詐財賄。薦舉悉出於請求。參劾多由於囑託。至於請開捐納。請開礦廠。種種情弊。不可枚舉。及至敗露之後。則藉口風聞言事。未曾確訪。以此解免其罪。此等惡習。深可痛恨。是以

皇

考屢降諭旨切責。至再至三。並停止風聞言事。朕即位以來。因初理政務。惟恐未能周知。是以令滿漢文武諸臣及科道等官。皆用密摺奏事。蓋欲明目達聰。

盡去壅蔽。以收實效也。乃科道等官所密陳者。未見有裨益政治之事。而科臣崔致遠等挾私妄奏。不遵國憲。朕是以停止科道之密摺。令其專用本章。而猶恐其惡習尚存。頽風不改。是以諄諄訓誡。往復周詳。誠以科道乃朝廷耳目之官。關係甚重。欲正人心。端風俗。必自科道始。科道無私。方能彈劾人之有私者。若自恃為言官。可以白簡從事。而胸懷詭詐。聽人指使。顛倒是非。擾亂國政。此等之人。實大有害於人心。世道為國法之所斷。不可容。朕豈不知誅戮諫官。史書所戒。然審其緩急。權其輕重。誅戮諫官之過小。而

釀成人心世道之害大也。古人云。禮義不愆。何恤於人言。朕為天下主。豈惜此區區之小節。而忘經國之遠圖哉。謝濟世身為御史。不聞別有建白。而獨將巡撫中秉公持正之田文鏡。加以貪贓壞法之名。特疏糾參。且自稱風聞言事。顯悖

聖

祖仁皇帝之諭旨。而於欽差大臣審定之事。盡欲翻案。並將各案始末情由。及田文鏡之納賄徇情諸事。委曲描寫。若伊在旁目睹者。則其受人囑託。聽人指使。欲傾陷田文鏡。以快其報復。不問可知矣。若不嚴加訊問。則如鬼如蜮之伎倆。得行於光天化日之下。人心何由而正。風俗何由而端乎。著將謝濟世革職。令大學士九卿詹事科道等嚴訊。務將其中實情審出。不得稍有含糊。儻九卿詹事科道中。有謂言官不應加刑者。亦即據實陳奏。不得面從而退。有後言。謝濟世由翰林揀選補授御史。著將揀選之翰林院掌院交部察議具奏。又

諭

科道乃朝廷耳目之官。所關甚大。果能秉公持正。據實敷陳。方合天下之公。非。而於朝廷政事。有所裨益。昨日謝濟世參劾田文鏡貪贓壞法之事。爾等滿漢大小臣工。今日俱在朕前。朕特面加詢問。爾等

若知田文鏡果有劣迹。謝濟世所參不誣。可即出班陳奏。僕心知田文鏡居官貪婪。此時不行陳奏。而退有後言。則大有虧於臣節。尚可以為人乎。朕既歷問再四。而滿漢大小諸臣。衆口同聲。僉云田文鏡並無貪婪之事。謝濟世所參各款。事事皆虛。可見公道在人。難於掩蔽矣。夫身為言官。背公懷私。朋比結黨。將造作並無實據之浮言。轉相買囑。慫恿糾彈。以洩私忿。而報宿怨。令無知狂悖之人。愚弄指使。借風聞言事之名。以酬報私恩小惠。則顛倒是非。擾亂國政。其有害於人心風俗者不淺。我

聖祖仁皇帝神明天縱。深知其弊。屢頒

諭旨。屢加訓誡。停止風聞言事。蓋以人君圖治。固貴於明目達聰。而無稽之言勿聽。弗詢之謀勿庸。則訪聞不確者。尚不可採。而况於徇私構黨。彼此傾陷。此等風習。豈可長哉。朕即位以來。所用廷大臣。外省督撫。皆出於至公。並無平素熟識之人。惟年羹堯傅鼐。係藩邸舊屬。而此二人罪惡敗露。朕即按律置之於法。未嘗稍加寬貸。至田文鏡者。朕在藩邸時。不但不能識其面。並不知其姓名。因雍正元年。年羹堯來京。陛見時。言山西年歲歉收。皇上宜早為賑恤。朕因降旨

與巡撫德音令其查奏。及德音回奏。稱山西去年收成甚好。道途亦無飢民。實無可賑濟之處。朕以德音身為巡撫。所言如此。年羹堯之陳奏。或有未確。時田文鏡適告祭華山。回京復命。將山西通省荒歉情形。澈切敷陳。備極周詳。朕以田文鏡係告祭之員。經過山西地方。閭閻疾苦。並無責任。乃目擊民瘼。直言無隱。深屬可嘉。若非忠國愛民之人。何能如此。因遂命田文鏡往山西任賑濟之事。田文鏡到彼。盡心竭力。辦理甚妥。即以田文鏡為山西布政使。令其與諾岷料理山西一應未清案件。二人秉公和衷。將積年虧

空。及地方宿弊。剔除清理。吏治整頓一新。嗣因河南諸事廢弛。巡撫石文焯不能任勞。實心辦理。故將田文鏡調為河南布政使。令其協理。旋以石文焯調任陝西。即以田文鏡為河南巡撫。朕之所以擢用田文鏡之原委如此。即此乃田文鏡在朕前營求諂媚之事也。及為巡撫之後。三年以來。整飭河工。隄岸堅固。河汎安瀾。年歲豐稔。紳衿畏法。正己率屬。地方甯謐。而每事秉公。潔己謝絕私交。實為巡撫中之第一。李紱自廣西來京。陛見時。即奏田文鏡劾黃振國汪誠邵言。論甚為冤抑。張球居官聲名甚劣。田文

鏡並不糾參。且言黃振國此時已為田文鏡監斃滅口。未幾黃振國已從河南解赴京。依然無恙。朕不知李紱受何人意。指而捏造此不稽之言。敢於冒昧陳奏也。至田文鏡所參黃振國各案。皆係田文鏡自行奏請。特遣大臣前往審理。朕因差侍郎海壽史貽直到豫。將各案重審。皆已究訊明白。定擬具奏。其張球一案。田文鏡已經認過請罪。部議亦於張球諱盜案內。已將田文鏡處分矣。夫督撫統轄通省。地方甚廣。屬員甚眾。其居心辦事。安能盡保其無過。田文鏡始而誤信張球為可用。既而察知其不肖。即深自愧悔。據實參奏。亦可以解其從前誤用之愆。若必追究已往。藉端苛責。則督撫大吏。將何道而始能免於指摘乎。即如朕之誤用年羹堯。隆科多。始見其可用。則委任之。既覺其姦。回則法治之。一皆本乎大中至正之心。準乎公是公非之理。豈得加朕以誤用匪人之名乎。至汪誠邵言。綸即令田文鏡劾。或有未當。亦屬偶然之事。况汪誠邵言。綸皆係庸劣不堪之人。田文鏡參處並無冤抑。乃謝濟世於九卿議覆欽差所審各案。進本之前一日。特參田文鏡貪贓壞法各款。其中所言黃振國張球邵言。綸汪誠等事。與從前李

紱自廣西來京。陛見時所奏。一一昭合。朕思封疆大臣。能為朝廷實心任事。即為國之棟梁。朕之股肱。若不為保護。而任人傾陷。則朕何顏對天下封疆大臣乎。况從前特頒諭旨。言天下巡撫中實心任事。不避嫌怨。為國為民者。惟田文鏡李衛楊文乾三人。今謝濟世聽人指使。將田文鏡糾參。顯與朕之明旨相悖。且田文鏡並不可謂之權要。亦斷不能加以貪汙之名。而謝濟世為此參奏者。其意不過欲使天下督撫皆因循苟且。庸碌偷安。邀眾人之虛譽。保一己之身家。而不為國家實心效力。以快其黨錮之私心。此種結黨營私排擠傾陷之惡習。不可不嚴加懲治。是以令內閣九卿等公同研究。務得實情。將謝濟世正法。以為言官不法之戒。昨日有人密奏朕云。看謝濟世乃邊遠無知愚蠢。罔莽亡命小人。而敢以無理之事妄陳者。其中必有大姦大詐之輩。暗中指使。動以直言敢諫之美譽。使激皇上之怒。皇上必秉公執法。置之重典。今皇上有殺言官之名。其心術甚為狡獪。皇上既洞悉其姦。此時若行嚴究。何情不得。况案內必牽連多人。而謝濟世斷不肯供出實在指使之入。且使姦詐之徒。反謂得計等語。朕是其奏。暫寬此一事。

令內閣九卿等審問謝濟世時。將伊所奏田文鏡各款逐一究訊。謝濟世皆茫無憑據。俯首無詞。則其受人指使情弊顯然。李紱前任廣西巡撫。謝濟世係廣西人。自供曾於本省晉接。又於京師相見。則平日二人原有往來。未必不因李紱有私惠於彼。而欲借此酬報之也。謝濟世既自命為報效國家之人。著革職。令往阿爾泰軍前效力贖罪。此案亦免深究。如李紱蔡瑛等設有暗中指使之事。聞朕此諭。不知可自知愧悔與否。前朕曾降諭旨。凡天下官員有被上司參劾冤抑者。許令赴都察院控訴。若黃振國汪誠邵言綸關澂被參情由。果有冤抑。何不遵旨赴都察院辯理。乃黃振國汪誠邵言綸暗結黨援。搖唇鼓舌。將本身所犯之罪。巧為掩飾。布散浮言。鑽營李紱密奏朕前。今又指使謝濟世挺身陳奏。關澂以行賄被劾。乃不安本分。囑託佟鎮寄信隆科多。在朕前稱揚其善。以圖邀幸。在黃振國挾勢婪贓。狂妄不法。已罹重罪。而汪誠邵言綸關澂等處分。不過罷官。何至要結黨與。請託權要。必欲更翻前案。報復私讎。姦險至此。實為法所難容。是以將黃振國汪誠置之重典。邵言綸關澂俱令發遣邊衛充軍。正如謝濟世奏內所云。如

此則中州士庶。罔不歡欣。而百爾臣工。咸知儆戒矣。半月以前。朕面諭九卿翰詹科道。戒以構黨營私。徇情請託。言之可謂諄切矣。乃今有無理妄奏。如謝濟世者。與朕前旨顯為悖謬。可見此風一時難於悛改。而朕之所以姑寬謝濟世者。蓋以不教而殺。實所不忍。教而不久。朕亦不忍。即加誅也。爾等諸臣皆由科甲出身。將來為督撫為學政。果能公忠體國。朕必當加恩保護。斷不使萋斐之人。得以行其傾陷之計。儻懷私挾詐。顛倒是非。朕亦決不姑貸。凡此構黨排陷之風。朕必加整頓者。乃正所以為爾等諸臣之身家

子孫保全久遠之計。若諸臣果能遵朕訓旨。凡事秉公持正。合乎公是公非。則上下一心。君臣合德。永享昇平之福。豈不美歟。諸臣當共勉之。○又

諭。朕自臨御以來。凡文武大小官員進見時。必諄諄訓誨。諭以國計民生之要務。至於近日廷臣科道等官。輪班條奏。其實在可行者。即降旨施行。其似有可採者。即發令查議。其有言之未當者。或局於一偏之見。或失之迂闊難行。甚至懷挾私心。不顧大體。敷陳鄙瑣。識見庸愚。朕多召令入見。面加訓誨。剖晰其說。諭以不可施行之故。蓋朕意欲使其人曉然明白。自知

識見之淺鄙。是以降旨之時。周詳往復。不憚煩勞。僕其人退而錄記。果能深會朕心。詳釋朕旨。一一記載。略無舛錯遺漏。豈不甚善。但其事有甚難者。彼於倉猝之際。敬畏於持。或則錯會朕旨。或則記憶不全。又或書寫之間。詞不達意。或有意捏成。顛倒朕諭。所謂差之毫釐。謬以千里者。正復不少。即如啟奏折本時。大學士及學士滿漢多人。皆每日進見。素常熟習者。而面奉諭旨。退而繕寫進呈。尚且未能悉協。何況出於一人一時之奏對者乎。前者科道翰林八九十人。同奉面諭。朕令其各書呈覽。乃諸臣多寫參差。八九十員。人皆互異。且與朕旨多不相符。可見理會記載之難矣。設或漫自記錄。謬相流傳。有失降旨之本意。則所關匪細。從前屢經曉諭。曾命在廷大臣與外省文武官弁等。面奉之旨。皆書寫進呈朕覽。以防訛錯。今再行申飭。凡內外大小臣工。不論從前嗣後。倘有欲記面奉之旨者。將所記呈奏。方許存錄。倘有未經奏覽。私自存錄者。一經查出。照詐偽制書之律治罪。著各部院衙門。將此諭旨錄貼堂壁。俾現任及接任官員共知之。其各省文武官弁等。著該督撫提鎮將朕此旨。每年通行曉諭一次。僕屬員等有不知此旨

者。朕惟該上司是問。○又

諭。朕自即位以來。思念

皇考付託之重。惟恐天下之人。有一夫一婦不獲其所。自朝至夜。殫心竭慮。晷刻靡甯。無非欲休養生靈。澄清吏治。使中外永享昇平之福。以仰慰我

聖祖仁皇帝在

天之靈。即如前歲雨澤偶愆。去歲畿輔被潦。朕在宮中

虔禱

上天。叩首至於傷腫。中夜屢起。瞻望雲色。以卜晴雨。祈禱之時。嘗終日飲膳不御。不止減膳而已。此皆朕默

盡其心。不肯令人知之。在朕心以為敬

天勤民勵精圖治之意。至真至切。可以自保無少愧歉於中。故凡下詔求言之事。未曾舉行。今夏二麥登場之時。適值連雨。目前雨雖暫晴。尚未開霽。朕為小民深切軫念。且姦民郭允進私貼謠歌。有軍民怨新主之語。朕心因此反躬自省。不能無疑。或用人行政之閒。在朕已實盡其心。而眾人觀論。尚有以為未當之處。亦未可知。總之千萬人中。有一二人或有異議。朕心即欲省察而權衡之。爾內閣九卿翰詹科道等官。皆朕簡用之員。職在匡襄。誼同休戚。若朕身有過。可

直言無隱。政治得失。亦即各抒己見。據實陳奏。朕必嘉納。毋視為具文。毋有所瞻顧。苟且塞責。重負朕真切清問之至意。○七年

諭。自古明目達聰之道。欲以周知庶務。博採羣情。其責端在於臣工之襄贊。然必公正居心。斯能以忠言謨論裨益政治。苟或植黨營私。辯言亂政。此倡彼和。顛倒是非。實國家之罪人。為王章所不宥。嘗觀前明季世。一二新進後生。竊居言路。遂朋比固結。挾制大臣。把持國政。以致國是日非。而不可挽。此其炯鑒也。我

### 世祖章皇帝

聖祖仁皇帝聖神御極。大觀在上。言路宏開。羣邪屏息。一切猖狂澆薄之風。早已翕然丕變。雖有不肖之徒。亦無能施其伎倆矣。朕即位以來。以公聽並觀為務。以納忠廣益為先。既命滿漢文武大臣密陳政務。又命科道等於露章之外。准其密摺奏事。蓋以國家事務殷繁。人情弊端種種。諸臣有陳奏之心。或有不便顯言之處。故令密封進呈。所以免其瞻顧。去其嫌疑。俾得各抒所見。盡言無隱。庶國計民生。均有攸賴。又如國家任事出力勤慎素著之大臣。所辦公務既多。豈能保其無所錯誤。若因此而被指摘。殊非情理。其

他偶罹過愆。或其子弟家人生事。失於覺察。一經彈劾。若朕不加處分。則近於護庇。若加以處分。則彼之宣力甚多。而不能恕其一眚。朕心實為不忍。不若言事者密陳朕前。待朕為之斟酌輕重。訓誨區處。亦兩全之道。凡此皆須出於至公至當。方有裨益於風俗人心。非使不肖言官。藉密奏以自便其私也。乃營私植黨之徒。竟欲以此逞其姦黠。如崔致遠等不肯為都察院堂官管轄。遂邀約同官。密行告訐。狂妄恣肆。詆毀大臣。思欲喪亂國政。此風斷不可長。朕是以降旨停止科道官之密奏。止令各用露章。蓋以其在大

廷廣眾之間。自不敢挾私心而昧公道也。乃復有結黨營私之謝濟世。阿附李紱。蔡珽等。叅劾田文鏡。貪贓納賄。公然紊亂黑白。顛倒是非。又如汪浩之請改選法。輒欲輕變舊章。錢廷獻之條奏。本有命案等件。擅作威福於鄉里。其餘則摭拾陳言。苟且塞責。又或相率而為依違緘默之計。竟未見一人一事。實有所建白。裨益於國計民生者。夫以朝廷耳目之官。視國家之政治如陌路。而又欲以進諫之美譽。歸之於己。以不能納諫之名。歸之於君上。忍心害理。莫此為甚。人臣事君之義。固可存此等狡詐之心乎。自古以來。



言官以進言為職。豈容以國家之事。活一己之名。朕之廣開言路者。實欲以衆人之耳目。為朕之耳目。使民隱得聞。萬事就理。並非邀虛懷受諫之名。博建報置鐸之頌也。乃向來科道官密奏之弊如此。近來露章之習又如此。此中外所共知共見者。奚待朕之指示宣諭耶。然朕之再行訓飭者。誠以言官有補闕拾遺之職。切望其痛改頹風。洗滌故習。盡謹言獻替之道。成蕩平正直之風。如此則科道不愧諫議之官。國家得收納言之效。豈不美歟。儻復蹈昔年之故轍。則有害而無益也。○又

諭。科道乃朝廷耳目之官。專以進言為職。朕令其於露章之外。復行密奏者。蓋欲其時進謹言。匡朕不逮。有益於吏治民生也。既係密奏。則當謹慎。不謀於人。不洩於外。方無忝於事君之義。而不愧言官之任。嗣後儻有密奏之事。朕未將本人姓名發出。而本人自行露洩。或私自存稿者。一經發覺。朕必嚴究。重治其罪。

○十年

諭。文武大臣科道等官。向有輪班條奏之例。近年以來。軍務殷繁。暫時停止。今恐耳目或有未周。下情或有壅於上達者。著仍照前例輪班條奏。○十三年九月

諭。帝王御宇。必周知庶務。洞悉民依。方能措置咸宜。敷施悉協。是以明目達聰。廣咨博採。俾上無不知之隱。下無不達之情。乃治平天下之要道也。我

皇考聖明天縱。生知安行。智周道濟。昭晰靡遺。然猶虛衷延訪。公聽並觀。時令在廷。臣工條奏事件。凡有敷陳當理。裨益庶政者。立見施行。並加獎敘。十三年以來。政治澄清。蕩平正直。貽天下萬世以久安長治之麻。蓋所取於集思廣益者。非淺鮮也。以朕藐躬。何敢上擬

皇考盛德於萬一。且自幼讀書宮中。從未聞外事。耳目未及之處甚多。允宜恪遵

皇考開誠布公之舊典。令在京滿漢文武諸臣。仍照舊例輪班條奏。其各抒所見。深籌國計民生之要務。詳酌人心風俗之攸宜。毋欺毋隱。小心慎密。不得互相商榷。及私為指授。如此則朕採擇有資。既可為萬幾之助。而條奏之人。其識見心胸。朕亦可見其大略矣。

○十一月

諭。往者

聖祖仁皇帝特製臺省之箴。以重言責。

皇考世宗憲皇帝諭旨。亦諄諄及之。洵以耳目之司。乃

國是所由彰。官常所由肅也。朕以藐躬。繼承丕緒。一日萬幾。常恐措置失宜。以負

皇考付託之重。繩愆糾謬。正爾諸臣。得自竭其忠誠之會也。中外大臣。或有說法行私。及昏庸不能任職者。近者實蹟有徵。遠者輿論不協。皆宜據實彈劾。以廣朕之聰明。而近觀諸臣所奏。大率毛舉細故。無關體要。朕以實心求言。而專司言責者。仍以虛言塞責。無乃內負夙心。而外慚清議乎。其各自砥礪。凡有關於國政民依者。知無不言。無或畏憚。若仍以不急之務。漫充奏牘。或其人已自敗露。而後掩拾其非。又安用此。至於懷私挾怨。受人指囂。互相攻訐。乃

皇祖之箴。所謂尤為不臧者。有或蹈此。乃自貽伊戚也。勉之慎之。○又

諭。朕御極之初。一時見聞未徧。恐不能周知天下之庶務。欲開言路。以期集思廣益。爰遵

皇考時舊例。令滿漢文武大臣官員科道等。輪班條奏。使各抒己見。用備採擇。茲者條奏已將一周。其中固有通達治體。可以見諸施行之事。而胸無確見。真知因迫於班次已屆。勉強湊合。支贅成篇者。亦復不少。自今一輪之後。不必拘定班次。僅有所見。隨時陳奏。

此朕切望廷臣嘉謨入告。實有裨於政治之意。並非奏牘繁多。厭於披覽也。

欽定大清會典事例卷九百九十九

都察院

憲綱

諭旨二

乾隆元年

諭國家設科道官原以發抒忠悃隨時獻替為專職而進諫之道莫大乎繩愆糾謬上佐君德其規切用人行政指陳吏治民生者次之此古名臣之所以志在格君而嘉猷碩畫有造於國是民依也朕近敬閱

世祖章皇帝實錄見當時言官奏疏尚有骨鯁蹇諤之風竟能直指君德之得失而不顧一己利害之私朕

輒改容誦之以為我朝人物挺生忠良之佐匪躬之節未嘗遠遜古人也朕御極以來求言之詔屢下而司諫之臣從未聞有忠言諫論可藉以為啟沃之助者計其封章條奏不過摭拾細事苟且塞責而已即欲求其切中政體痛斥官方之言尚不可得何論上及朕躬塞違昭德以盡納誨之實乎夫朕之一身豈無缺失正賴廷臣直言以襄不逮即云大德不踰而日理萬幾或發號施令之失其宜或慶賞刑威之過其則或進退黜陟之乖其分或輕重緩急之爽其衡皆朕所不能自信者乃朕誠心求之而諸臣不能以

誠心應之則諸臣不能辭曠職之咎也繼自今大臣暨科道等務以古處自期各矢忠蓋為上為德為下為民悉盡言無隱以修臣職以繼芳蹤毋使先正氣骨獨自擅美於前庶稱朕拳拳冀望之心至本朝定鼎以來從前臣工章疏有忠諫剴切卓然可傳者著內閣翰林院委官精選進呈刊刻以垂示將來俾後進奉為模楷其入選章疏諸臣內有素行端純完名全節者准入祀賢良祠用昭朕崇禮直臣風勵百僚之意○又

諭朕即位以來屢下求言之詔至再至三出於誠切並

非尚納諫之虛文誠以朕躬闕失無由自知必賴直言匡正而隨時納誨者乃臣子之大義胸有所見即當直陳使言之果當朕當即改易可收轉圜之益言之不當朕亦得以己意明白剖示釋其疑心亦開誠布公之道也惟是公私之辨不可不嚴儻有藉直諫之名以自行其私妄莫惑亂朕聽亦斷不能逃朕之洞鑒也○又奉

旨嗣後儻有被步軍統領衙門番役等騙害者准本人赴刑部都察院控告該部院即據實奏聞朕必將番役嚴審治罪不少寬貸○又

諭人臣陳奏事件。理宜慎密。若有叅劾。既非露章。而用密摺。尤不當漏洩於外。以自作威福。前給事中曹一士糾叅王士俊用密摺封奏。朕念君不密。則失臣之義。未嘗向一人諭及。乃數日之後。外間已共相傳播。若非曹一士自向人言。則衆人何從而知之。似此輕浮躁妄。自取過愆。深負朕求言之意。著交該部察議。以為密奏而漏言之戒。此正所以教勉諸臣。而非以阻塞言路也。可一併曉諭知之。○又

諭朕自繼序以來。勤思治理。廣開言路。俾大小臣工。皆得密封摺奏。蓋深慮民隱或壅。庶事失理。故公聽並

觀。以求濟於實用。諸臣必宅心虛公。見理明徹。慮事周詳。各抒忠悃。實有切於國政。民依官方利弊。然後可以佐朕不逮。故凡言有裨益。立見施行。而邇來諸臣所奏。或有不能適合。殿中徒有陳奏之名。而不計及實有裨於政治與否。或瑣屑而昧於大體。或空言而無補於國事。非朕求言之本意也。故前降諭旨。諄諄訓迪。其中尤可詫怪者。謝濟世請用其自註學庸。易朱子章句。頒行天下。獨不自揣己與朱子分量相隔如雲泥。而肆口詆毀。狂悖已極。且謂明代以同鄉同姓尊崇朱子之書。則直如襲下老婢。陳說古事。雖

鄉里小兒。亦將聞而失笑也。李微欲以孝經與四書並列為五。立義支離。屬辭鄙淺。於宋元大儒所論孝經源流。離合曾未寓目。即欲變亂歷代論定。列於學宮。數百年不易之舊章。亦不自量之甚矣。至於在任守制。事本不可常行。考之禮記。諸侯既葬。王政入於國。大夫士既葬。公政入於家。故戴德喪服。變除言古者。壓降之服。其居處飲食哭泣思慕。一如其常期。蓋禮有以權而制者。苟能自盡居喪之實心。亦可無憾也。今薄海奏請。勒令從前在任守制者。雖喪期既滿。仍令解任追服。朕令羣臣守制者。原以行於將來。非以論其已往。且時過事遠。而勒令衰經三年。於傳所謂喪事即遠之義。亦未有當。至於配饗孔廟。千秋禮教所關。典至鉅也。兩漢傳經之儒。久升孔廡。後代復議絀之者。且數數然也。陳世倌乃連舉數人。無乃輕率。至若準噶爾侵擾藩屬部落。我

聖祖為邊疆久遠之計。設兵彈壓。本非有耀武窮荒之意。

皇考念我軍屯戍日久。彼國亦甚困敝。故遣使宣諭。減撤戍兵。休養士馬。皆因時制宜。以撫綏中外。陳世倌請修方略。意涉逢迎。如謂調兵籌餉之屬。可為後式。

則各部具有冊籍。何用別為一書。凡此類皆無當於實用。而有關於國體。夫此數人者。皆與論所推服為讀書人。而久不見用者也。今朕拔而用之。而數人之識見若此。陳奏若此。豈不有愧於士林之清議。與朕特擢之恩乎。朕若因其妄行清奏。交部議處。不為無名。但朕志切求言。諸臣言雖不當。不惟從寬免其譴訶。亦並不介意。然不得明白訓示者。恐無知之徒。爭相效尤。肆言無忌。天下無識者之聽聞。志慮未免為所惑亂。則所關於世道人心者。匪淺鮮也。故使言者自省。而聞者知戒。各務竭忠效誠。指事當物。以副

朕諄切求言之本意。○二年

諭。國家設立科道。專司建言之責。必心本無私。又能通達治理。乃為無忝厥職。若識見雖未明通。而居心樸誠。則言雖愚戇。尚無害於事理。朕亦鑒其忱悃。而優容之。惟胸懷愛憎之私。藉奏章以展其巧詐者。則有玷臺垣。國法不可以輕恕。即如並未深悉地方民情。而奏稱某地某事甚善。而承辦之人。已暗受其推薦。奏稱某地某事不善。而承辦之人。已暗受其中傷。是其敷陳之時。並未據實秉公。匡襄政務。而言在於此。意注於彼。其居心尚可問乎。近見科道中此等習氣。

頗不能免。亦難逃朕之洞鑒。科道官捫心自問。如稍有愛憎之私。未泯於中者。各宜猛省。悔改。毋蹈罪戾。

○又

諭。從來言官陋習相沿。多由迎合。若人主意在綜覈。率刻意吹毛求疵。巧避瞻徇之迹。而置君德於不問。若人主意在樂聞己過。則又往往於朝廷之政事。吏治之得失。不一言及。甚有臣工不能靖共。羣僚或植黨援。曾不敢一指摘。以遠嫌避害。惟是撫拾陳言。以自沽能。正君心之名。是其居心之陰巧。乃國家之大蠹也。朕孜孜求治。常恐不及。使偶有闕失。言官果能切實指陳。朕自樂於聽受。即大臣中或有過者。果能據實彈劾。亦足為用人鑒戒。若徒勦襲膚辭。則史冊具在。盡足披覽。何用伊等喋喋陳奏乎。儻錯會朕意。轉生畏葸之念。則又不知朕推誠布公之心者也。○又

諭。日來廷臣奏事甚稀。科道官亦少所建白。得無謂天久不雨。朕心憂惻。恐重以煩朕。以是為愛君耶。陽愆陰伏。正宜君臣交儆。恐懼修省。勤思治道。不敢少自暇逸。以仰邀

天鑒。若以是為愛君。非朕所樂受。亦非古賢臣所以愛君之道也。總理事務處及九卿八旗。所有應辦應奏

諸務各當悉心體國。日夜孜孜。科道官於民生之疾苦。時政之得失。尤當直陳不諱。俾朕得察納善言。釐清庶務。以踐畏。

天憫民之實事。僕因循緘默。懈事廢時。不獨非愛君之道。且將重朕不德。豈朕之所望於諸臣。亦豈爾諸臣厚於自待之道歟。其咸喻朕意毋忽。○又

諭朕在潛邸。六經諸史。皆嘗誦讀。自承大統。敎筮萬幾。稍有餘閒。未嘗不稽經讀禮。今祥練既過。畢誼所奏。令諸臣日繕經史奏議。理得施行。在朕廣挹羣言。可以因事鑒觀。隨時觸發。而覽諸臣所進。亦可考驗其

學識。或召見議論。則性資心術。必因此可覘。但畢誼所奏。止及史臣。而朕意科道職司獻替。應令一體錄呈。其規條應如何酌定。並分日按班呈奏事宜。著總理事務王大臣定議具奏。欽此。續經王大臣覆奏。奉旨依議。每日繕進書摺。朕披閱後。交南書房收存。其或召見講論。朕所降旨。令本人於次日繕寫呈覽。亦交南書房收存。將來行之日久。不特集思廣益。亦可蒼萃成書。以資觀覽。○三年

諭朕令科道條陳事件。原許各陳所見。以裨政治。雖所陳奏不能盡合機宜。且往往有揣摩朕意。有心迎合

者。此等固不足採。但伊等職司言路。條陳既多。其中豈無可行之事。朕敎交九卿會議。爾等自宜虛公斟酌。不可稍有偏執。○又

諭人君宅中出治。建極綏民。自有千古不易之理。萬年一定之經。以為敷政甯人之本。至於政務之日陳於前。亦惟物來順應。初無成見成心。若豫立意見於事。先則寬嚴賞罰之間。必有不得其平者矣。人臣事君於事之是非可否。一當以禮為準。若存揣摩迎合之念。妄希有當上意。而不顧事理當然之則。則偏波輕重之弊。不可勝數矣。數年以來。朕屢以此訓戒臣工。而無如積習已深。猝難變化。即如朕於當寬之事。降一寬恤之旨。而諸臣遂以為朕意在寬。凡所辦理所條奏之事。悉趨於寬之一路矣。朕於當嚴之事。降一嚴厲之旨。而諸臣遂以為朕意在嚴。凡所辦理所條奏之事。悉趨於嚴之一路矣。且有今日之號令甫頒。而明日之摹擬旋至。一人未改面貌。兩事迥異。先後人心不古。何至於茲。夫朕本無心。而臣工視為有意。朕以公心出之。而臣工以私心測之。所謂差之毫釐。謬以千里。豈朕之所望於諸臣者哉。即朕已經降旨施行之事。僕有幾微未協。猶當據理直陳。不難收回

成命如此方不愧獻可替否之義。朕自嘉獎重待之。豈可徇流俗之見。懷觀望之心。揣摩意旨。以為容悅。而適為朕之所輕鄙哉。用是再頒諭旨。願內外諸臣。各矢惓忱。屏除舊習。以贊成國家蕩平正直之治。特諭。○五年

諭。今年春間雨澤尚屬調勻。自四月以來。漸覺愆期。昨雖得微雨。仍未霑足。若再遲至旬日之後。便成旱象。二麥收成。必至有減。分數著禮部虔誠祈禱。朕因近日少雨。宵旰焦勞。無時或釋。屢向大學士等咨詢。籌畫感召。

天和惠濟閭閻之道。今日特召爾九卿等面降諭旨。朕之念切憂勤。無非為百姓起見。蓋以百姓皆朕之赤子也。君臣一體。朕之赤子。獨非諸大臣之赤子乎。儻或年歲歉收。朕與諸大臣官員。豈至有飢餒之患。而百姓饔飧不給。嗷嗷待哺。是猶為父母者。晏然飽餐。而聽其子之啼飢於側。於心忍乎。此數日中得邀上天慈恩。甘霖大霈。自可仍望豐收。設或竟成亢旱。則當豫為未雨綢繆之計。凡可以裨益閭閻者。爾等悉心籌議。及時料理。庶幾有備無患。朕御極五年以來。畿輔之地。雨暘不能時若。上年秋成。稍覺豐稔。今歲

春初頻得時雨。朕心方為慶慰。不意目下又有旱象。朕於用人行政之間。返躬自省。仰承

上天眷顧之隆。

皇考付託之重。兢兢業業。不敢有負。此朕心可以自信者。然一日萬幾。不敢信為一無闕失也。即大學士等預參機務。隨朕辦事。又豈能保其無一過愆。人苦不自知。見人之過易。見己之過難。如鏡之能照物而不能自照也。爾等現居九卿之列。皆為朕之股肱。儻政事或有失於寬縱。及失於嚴刻之處。爾等宜平心細想。有應入告者。或聯銜具奏。或各行所見。據實直陳。

務期於國計民生。實有裨益。儻撫拾虛詞。以用人行。政為無可置議。或搜索瑣事。苟且塞責。皆非朕所諄諄期望於爾等者。夫朋友之間。尚有規勸之義。况我君臣誼關一體者乎。至科道為朝廷耳目之官。朕廣開言路。獎勵多方。並令翰林院郎中參領等官。皆得建言。原冀有裨國是。乃數年中。條奏雖多。非猥瑣陋見。即勦襲陳言。求其見諸施行。能收實效者。何事乎。近日即科道官敷奏者。亦屬寥寥。即間有條奏。多無可採。即如官福參奏工部一事。有意苛求。皆係空中樓閣。毫無實據。朕不推行。降旨申飭。如此者。謂之不

開言路可乎。部院奏事。近日亦覺簡少。或因朕躬久安之後。尚須調養。有意減省。遲延耶。雖現在事務未至貽誤。然如此存心。乃婦寺之忠愛。非人臣事君之大義也。若因朕此旨。又復陳奏一二無關緊要之事。以見供職維勤者。又毫無見識者矣。即如各部司官中。頗有年力老邁不能辦事之員。該堂官多以無甚過失。姑為優容。不知此輩久占員缺。凡行取知縣及額外候補人員才具可用者。轉致壅滯無缺。可補應將現任司員老邁者。甄別沙汰。令其休致。此等素餐之人。仍得原品回籍。亦非過刻之舉。此即各部所應辦之事也。總之我君臣皆當以實心行實事。刻刻以民生為念。不得稍有粉飾。視為具文。乃可上感天和。下裨庶政。爾諸臣當交相勸勉。以仰副朕意。並將此旨傳與科道翰林等俾共知之。○又

諭朕命翰林科道諸臣。每日進呈經史講義。原欲探聖人之精蘊。為致治育人之本。道統學術。無所不該。亦無往不貫。而兩年來。諸臣條舉經史。各就所見為說。未有將宋儒性理諸書。切實敷陳。與先儒相表裏者。蓋近來留心詞章之學者。尚不乏人。而究心理學者。蓋鮮。即諸臣亦有於講章中。系以箴銘者。古人鑑盤

几杖有箴。有銘。其文也。即其道也。今則以詞藻相尚。不過為應制之具。是歧道與文而二之矣。總因居恒肆業。未曾於宋儒之書。沈潛往復。體之身心。以求聖賢之道。故其見於議論。止於如此。夫治統原於道統。學而不正。則道不明。有宋周程張朱諸子。於天人性命大本大原之所在。與夫用功節目之詳。得孔孟之心傳。而於理欲公私義利之界。辨之至明。循之則為君子。悖之則為小人。為國家者。由之則治。失之則亂。實有裨於化民成俗。修己治人之要。所謂入聖之階梯。求道之塗轍也。學者精察而力行之。則蘊之為德行。學皆實學。行之為事業。治皆實功。此宋儒之書。所以有功後學。不可不講明而切究之也。今之說經者。聞或援引漢唐箋疏之說。夫典章制度。漢儒有所傳述。考據固不可廢。而經術之精微。必得宋儒參考而闡發之。然後聖人之微言大義。如揭日月而行也。惟是講學之人。有誠有偽。誠者不可多得。而偽者託於道德性命之說。欺世盜名。適啟標榜門戶之害。此朕所深知。亦朕所深惡。然不可以偽託者之獲罪於名教。遂置理學於不事。此何異於因噎而廢食乎。蓋為己為人之分。自孔子時早已明辨而切戒之。學者正



當特擇審處。存誠去偽。毋蹈徇外驚名之陋習。崇正學則可以得醇儒。正人心厚風俗。培養國家之元氣。所繫甚重。非徒口耳之勤。近功小補之術也。朕願諸臣研精宋儒之書。以上溯六經之間奧。涵泳從容。優游漸漬。知為灼知。得為實得。明體達用。以為啟沃之資。治心修身。以端教化之本。將國家收端人正士之用。而先儒性命道德之旨。有功於世道人心者。顯著於國家天下。朕於諸臣。重有望焉。○七年

諭。朕令翰林科道。輪進經史講解。以闡發經義。考訂史學也。而年來諸臣所進。往往借經史以牽引時事。或進獻詩賦。與經史本題無涉。甚矣朕降旨之本意。即如今日翰林周長發。進呈禮記講章。內稱皇上詣齋宮齋宿。審定郊祀樂章。禮明樂備。千載一時。宜其誠敬感格。未郊之先。瑞雪屢降。齋祀之際。風日晴和。太禮既成。宜付史官等語。夫

郊  
廟禮樂乃

皇祖  
皇考久定之成規。朕不過略加參定。並非創為制作也。至於

郊祀之時。風日晴和。亦適逢其會耳。况江南淮徐現被水災。朕方憂勞。做惕宵旰不遑。豈肯聽受諛詞。而遂以為瑞應乎。周長發著嚴飭行。並將此旨傳諭翰林科道等知之。○又

諭。朕御極以來。廣開言路。凡臣工條奏。有當於事理者。無不見諸施行。其在可行可止之間者。則發交部議。外廷皆共知之。至於陳奏錯誤乖舛。必不可行者。往往姑容留中未發。又或所言近是。而尚須緩酌者。或有陳奏之件。出於淺識曲見。朕明知其無益。即敕交該部。亦必不議行者。或有勦襲規勉之陳言。而不達事情。無補政治者。如此等類。俱在留中之內。此朕略陳奏之是非。寓隱揚之深意。正以導之使言。惟恐伊等有所顧忌。而甘於緘默也。乃近日御史中。有謂一切條奏。皆不應留中者。一人所奏如此。眾人未必不存此見。竟似朕不樂聞諫。將應施行之事。故為中廢。此則不知朕意之甚者矣。特頒此旨。曉諭言路。諸臣知之。○八年

諭。御史胡定。叅劾許容。誣叅謝濟世一案。今據侍郎阿里衮逐一審明。胡定所叅俱實。此案朕特命孫嘉淦前往湖南。會同許容。虛公查審。倉德又復揭報張燦

等致札換詳等弊。亦交孫嘉淦審理。乃孫嘉淦一概蒙混具題。經侍郎阿里衮研審始得實情。朕思胡定身為言官。若言事不實。自有應得處分。今既實矣。若止為謝濟世辨白冤抑。其事尚小。因此察出督撫等之挾私誣陷。徇隱扶同。使人人知所做戒。此則有裨於政治。為益良多。胡定著交部議敘。至於各省督撫。身任封疆。必舉劾悉秉公心。方不負朕之委任。若以愛憎為舉劾。如許容孫嘉淦之居心行事。豈不抱愧大廷。負慚夙夜。各督撫等當深自儆省。以許容孫嘉淦為炯戒。○又

諭本日御史沈懋華進呈經史講義。朕方將召見訓諭。伊已散去。科道等官輪班進呈經史。數月不過一次。安知朕不召見。竟不候旨而去。殊非人臣敬爾在公之道。著該部嚴察議奏。○又奉

旨嗣後有交部發議事件。科道不待部覆。參差具奏者。該部於議覆本內。將伊等意見參差之處。聲明請旨。

○九年

諭上年御史沈廷芳條奏行營事件。顛倒謬妄。金溶陳奏孫嘉淦袒護師門。二人身居言路。顯挾私心。不得不加處分。以示懲儆。是以降旨分別降革。諒伊等此

時亦自知愧悔矣。朕以廣開言路為心。於諸言官甯可待之以寬。沈廷芳金溶俱著復還原官。遇缺補用。以觀後效。○十年

諭朕覽御史馮元欽所奏。甚屬紕繆。國家經理庶政。事貴持平。廷臣集議。自宜一秉公心。各屏偏私。然亦無取於一唱百和。諾諾唯唯。故即偶有參差。適昭公正。至於刑名案件。法司會議。更宜再三詳慎。公同參覈。以求情理之當。或所見不同。正不妨彼此商榷。歸於平允。間有立意各殊。兩議具奏者。朕則擇其善者而從之。若有負氣相爭。立言失體者。朕必加以申飭。乃

馮元欽奏稱部臣剖白之言。近於詆訶。尚憶張照為尚書時。於議稿中。有一二逞其筆鋒。迅利失當。過中之語。朕曾訓誡之。近則無是也。至稱各持是非。竟成水火。分門別戶。儼然敵讎。不可不防其弊。在馮元欽之意。以為防微杜漸。而不知伊正蹈分門別戶之見。故不覺輕出其口。將來若有黨同伐異之事。即自此語開之也。馮元欽著嚴飭行。朕以廣開言路為心。故寬待言官。以收進言之益。而伊等違恃朕之不加誶責。漸無忌憚。試問近日臺諫諸臣。誠心獻替。有裨於政治者幾人哉。朕留心察其隱微。一生積慮。總不出

名利二途。即偶有建白者。亦並非為國為民。思盡言官之責。不過博取虛譽。冀朕之賞識。加以升遷外用。多得養廉耳。即如謝濟世當日於

皇考時竊慙直之名。及復為御史。則以養母為辭。懇請外用。甫到道員之任。即請加增養廉。操守耿介者。固如是乎。吳煒為御史時。曾以河務劾高斌。及朕用伊為口北道。伊畏首畏尾之意。甚覺卑鄙。朕諭之曰。高斌斷不存此意見。若存此意見。亦不成其為高斌矣。汝若因此與高斌抵牾。則過又在汝矣。莫謂高斌不能執法也。及朕今年巡幸宣化。召伊進見。因諭之

曰。汝在任能受此荒涼否。謂其南人或不習邊地也。伊乃奏稱。臣每年有養廉二千兩。甚覺豐足矣。其志量乃不過沾沾於利祿耳。向之敢言。果出何心耶。李慎脩自負鯁直。不知者亦以是稱之。有人言其色厲而內荏。其鯁直乃致飾於外。以為欺世盜名計耳。非真鯁直也。朕初不深信。及用為御史。其所陳奏。皆膠執不通之說。無一可見之施行。且有荒悖過甚者。朕降旨訓飭。宥其狂替。仍用為外道。以觀其後效。伊請訓之時。頓改為委靡。吳順以保全此監司之職。不復作謹直之象。設其鯁直性成。如古人之願留臺中。以

盡言職可也。是其志亦止在於溫飽。朕始信人言之不謬耳。昔司馬光論臺諫之官。其汲汲於名者。則深戒之。是沽名且大不可。况惟利是圖乎。彼三人頗負一時之名。而在傳人中。伊亦岸然自異。乃志趣鄙陋。若此。全不知聖人謀道不謀食之訓。何况其下焉者乎。爰因馮元欽之奏。頒發此旨。俾言路諸臣。各加儆惕。痛洗從前陋習。以副朕期望之意。○又

諭御史楊朝鼎前奏豫省盜案一事。朕已敕交廷議。今御史范廷楷痛斥楊朝鼎陳奏之非。且云豫省失盜。查乾隆七年共二十四案。八年止十九案。九年止五

案。較之往年不為加多。奈何張大其事。議請重典。楊朝鼎即係協理河南道御史。忽然將無作有。矜此刻深之談。其意甚不可解。又云楊朝鼎請將盜犯之父兄伯叔等。不同住址者。一體治罪。自昔虞廷罰弗及嗣。周室罪人不孥。前史所載。楊朝鼎豈其未知。而貿貿若是等語。范廷楷詞氣激切。幾於詈罵。夫御史互相標榜。一唱百和。暗結黨援。固為人心風俗之害。設各執意見。以攻擊相尚。不顧國家政體。若相詈然。此風亦不可長。且楊朝鼎所奏。現在交議。大臣等自有持平之論。如果所議准行。范廷楷據伊意見。以為必

不可行。再行陳奏未遲。亦未為不可。所謂拾遺補闕。自有其時也。今乃於甫經交議之際。急行參奏。負氣紛爭。為此過甚之語。誠鄙一桂從前所云不待部覆。而抵拾浮翼。撓越漬陳者。朕早已降旨禁約。范廷楷獨不知之乎。至於請朕撤回原摺。毋庸交議。竟似國家政務。弗資六卿。皆伊等御史可以操其行止者。甚屬妄誕。著嚴飭行。

欽定大清會典事例卷一千

都察院

憲綱

諭旨三

乾隆十一年

諭。從前交部議覆事件。科道等官。往往不待部覆。紛紛具奏。甚屬非體。經郭一桂陳奏。彼時朕已降旨。訓諭諸臣。並令嗣後議覆時。將條奏意見參差之處。聲明請旨。昨據張允隨陳奏卡瓦一事。朕已交議政王大。臣速議。乃未經議覆之先。御史彭肇洙即行陳奏。以為事不可行。前一日少詹事袁日修亦為此言。是從前撓越漬奏習氣。至今未改也。人臣從政有體。進言有序。分職宣猷者。廷臣之事也。繩愆糾謬者。言官之責也。即如一事既已交議。即應候其覆奏。待朕降旨。若廷議未當。而朕旨允行。不妨據所奏再行陳奏。亦未為遲。朕不難收回成命以從之。此時廷議未上。朕旨未下。則有何怨可繩。何謬可糾。而豫料廷議之不當。爭先入告。竟若迫不及待者然。若果各據所知。與其拾遺於事後。毋寧匡正於未行。亦未為不可。但此案朕聞議政處。羣以為不可行矣。則是人所共知之事。何待急急敷陳乎。若不訓飭。則徒滋紛擾。非政責

有恆辭尚體要之意也。○又

諭朕覽御史周禮奏請將戶部侍郎李元亮開缺守制一摺。所奏似是而非。且有意以行其私。國家用人。其權斷不可下移。或仿照定例。或偶爾變通。朕心自有權衡。總期得人任事耳。豈臣下所可意為進退者。如果所用之人。或有不當。所行之政。或有缺失。言官自當陳奏。以盡繩愆糾謬之責。豈可於用人大事。懷挾私心。借守禮之名。以阻撓國政乎。且守禮之議。明朝為甚。竟成門戶。操戈相向。試問於彼時政務。曾有何益乎。是以雍正年間。有令諸臣在任守制者。而亦絕

無守禮之議。此正政治清明下無浮議之善驗也。止以外任官員。多有鑽營督撫保題之弊。幾至習為故常。朕是以降旨停止。其必不可少之人。無能相代者。仍准保題覈奪。即外任大員有丁憂者。亦令回京守制。或在內用為卿貳。或外缺又復需人。仍令前往署理。其在外必需之有司官員。斷難更易者。經督撫題請。不令回籍。聞亦允從。此皆因地因人。於禮制之中。稍為權宜。並未於滿漢有所區別也。乃周禮奏稱李元亮雖屬旗員。究不可與滿洲並論。不知漢軍百年以來。與滿洲無異。即有事故。亦皆遵百日成服之例。

過期即照舊任事。李元亮現為都統。例不開缺。豈伊可為都統。而侍郎反不可乎。周禮之意。不過以為復占漢人一缺耳。又奏稱何必與前旨相違。以致聖謨洋洋頓成反汗等語。朕前旨內原有無人相代。仍准保題之例。今春令大學士尚書侍郎內保舉能勝侍郎之員。而所舉率多不能勝任之人。經朕召見。一一指出。面加申飭。周禮獨不聞知。而為此奏。抑何憤憤至於此極。目前應補侍郎之人。朕再四籌度。或曾經擢用。知其不能勝任者。或新進未久。難以遽加升遷者。是以仍留李元亮。與旗例相符。即從前韓光基亦

係如此。蓋因得人之難。周禮如何輕言天下事。而遽以不惠代職無人。喋喋陳奏乎。此必有師生親舊。覬覦此缺。授意為之者。且借朕所頒諭旨。以博敢言之名。而行其假公濟私之實。朕何如主。豈伊狡獪伎倆所能搖奪乎。前明言官各立門戶。互相排擊。矢口譏訛。以致混淆國是。釀成尾大不掉之患。近來御史各逞胸臆。非借以沽譽。即意在徇私。如此等非所應言之事。而亦肆其簧鼓。大有關於政務。此風斷不可長。周禮著嚴飭行。並曉諭科道等官共知之。○又諭據御史薛激奏稱雲南省向有供應學臣轎馬損夫

日用薪水等項。每一州縣費數十兩至百餘兩不等。學臣即藉端需索。多方周旋。認州縣為年誼世好。種種弊端不可究詰。復又奏稱。歷來積習相沿。非始於一人。非始於一時。未便指參。請飭下該省學政自行禁止等語。該省學政果有如此弊竇。薛激既知其認為年誼世好。毋論前任現任。俱可指參。乃既不實指其人。又復奏請飭令自行禁止。如此陳奏。是欲博取言之名。而又示寬解之意。有此事君之道乎。夫言官風聞言事。如大小臣工等。簞簞不飭之類。若實有可據。明目張膽。見之彈章。國家自有憲典。馬可如此信口譏彈。以一言汙人名節。而又不足以示國家法度。在伊等不過有意取巧。殊非朝廷設立言官之意也。昨御史楊開鼎奏。白鍾山一摺。內稱。請旨訓飭。今薛激又為此奏。與楊開鼎情事相同。此向來科道習氣。今則連日見之。此風斷不可長。特行降旨申飭。各科道務當各自省改。毋蹈前轍。薛激此摺。著交雲南總督張允隨。秉公確查。據實具奏。○十二年

**諭** 御史為朝廷耳目。果有關國計民生。自應不時入告。乃今日張日譽奏。請飭定差拘限期。范宏賓則奏。八旗內外武職大臣及提鎮等。亦應薦賢自代。九成則

奏請將各學教習人員。分別勤惰。朕詳閱三人奏摺。皆屬瑣屑拘牽。無關緊要。且非因時就事。必應目下陳奏之言。向來內升外轉屆期。科道多有撫拾條奏。以希擢用者。朕曾降旨訓飭。今不免仍蹈前轍。可再傳諭科道等。令其各自省改。毋存鄙見。以副朕真切求言之意。○十三年

**諭** 昨據奉差山東辦賑科道同甯馬宏琦趙青藜沈廷芳等奏。請回京。已降旨申飭。伊等乃隨同高斌劉統勳辦事之員。應否來京。理應告知高斌劉統勳。乃竟冒昧陳請。且高斌身為大學士。劉統勳現任左都御史。為伊堂官。而伊等並不告知。自行具奏。高斌劉統勳等亦視為故常。殊於體統有礙。此等風氣斷不可長。高斌劉統勳未便因科道之故。明降諭旨申飭。可傳諭令知此意。○又

**諭** 御史馮鈐奏。東省辦賑大臣官員。查看經由之處。該地方因豫備牲口。牌頭里長人等需索滋擾等語。山左被災之後。民食艱難。朕深為軫念。亟於拯救。特命高斌等辦理賑務。徧歷巡行。以查有司奉行之善與否。此誠期有利益民生之舉也。但馮鈐所奏情節。亦事之所必有。所謂有一利即有一弊。向來此等陳奏

朕恐有累於民。不容稍緩。往往即降旨申飭該大吏。或更加以處分。此言官所以不問虛實。有所聞即入告。而民風之漸習驕悍。不畏官長。亦幸由於此。現在高斌劉統勳。即至四御史。朕可保其本人必無需索之事。而家人等則不可知。馮鈐既有所聞。應有確據。山東被災之州縣。可以指數。查賑之欵差。亦不過此數人。或係伊等家人勒索。或地方官有意逢迎。應付或巡撫授意整備。以及吏役之藉端苛派。著馮鈐將何地何人。一一指出。據實具奏。朕將降旨究問。以為擾累地方者戒。嗣後科道等凡有陳奏。俱遵照此例。使事事俱歸確實。則言官既得各盡其職。昌言不諱。而糾察皆有柄據。亦不得借風聞言事之名。架空誣捏。而朕行政用中。亦不致因噎廢食。該衙門知道。

十四年

諭進呈經史一事。朕初意欲博綜古義。廣益羣言。以成執兩用中之治。且可因言觀人。究悉諸臣學識之高下。心術之真偽。其有關入時政於事理未當者。間加訓飭。自舉行以來。諸臣按日奏御。朕一一披閱。十餘年於茲矣。所稱洞達天人。發明道奧者。亦殊不概見。茲據該御史金相奏稱。分班進書。人數多寡不齊。請

均勻輪派。則是以進書為煩苦。朕前亦聞有此論。而不信。今金相既顯為此言。是諸臣未必不各有此見。且已行之十餘載。漸成故套。進呈經史之處。著停止。所有積年留存諸摺。交南書房翰林擇其有裨經義。政治者。薈萃成編。用廣中祕之藏。朕將親覽焉。○十五年

諭御史歐堪善所奏梁詩正一摺。昨經召見軍機大臣。吏部堂官掌院學士及該御史面降諭旨。虛衷剖悉。務得情理之平。令該御史中心允服。並無偏向。梁詩正之意。此諸臣之所共知也。摺內高山金烈二事。係吏部堂官公同辦理。非由梁詩正一人。其京察列為一等之姚範陳兆崙。現在丁憂。乃因上次京察原列一等。此番仍照前填註。亦係向來習套。其有無瞻徇。止於輪班引見一事。查明是否。獲越調換。可得實情。如果實有私弊。則姚範陳兆崙之列。入一等。亦為有意瞻徇。今經軍機大臣查詢該御史所奏。本月初十日。應帶輪班翰林內路斯道一員。本日原已引見。其廖鴻章出科聯莊有信湯大紳。則係第一班已經引見之員。所奏調換之蔣元益。是日又並未引見。是梁詩正並無徇私更換之處。已屬顯然。在該御史一聞

廖鴻章出科聯之言。不及查考。此亦風聞言事之常。如必將辦理曲折。備細周知。然後入告。則幾無可言之事矣。梁詩正既無瞻徇。亦毋庸察議。歐堪善雖得自傳聞。而事屬有因。並非誣捏。亦毋庸置議。其廖鴻章出科聯。妄以己意揣度。謂其更換引見。不無騰其口說。歸怨掌院之意。其素日之不能安靜守分。可知。著交部察議。近日朕望雨心殷。夙夜焦勞。側身修省。大臣等日經召對。自所共信。御史為朝廷耳目。凡有見聞。應隨時入告。不必待有求言之旨。若為修省進言。則如近日所奏。豈足裨闕補失。感召

天和。徒煩朕於乾惕靡甯之中。一一詳為剖示。在朕雖無厭怠之心。而諸臣亦可謂不知體要矣。數月前學士世臣補授盛京兵部侍郎。伊曾以良鄉等處除道妨農一事入奏。建言者或疑其因此擢用。遂相率紛紛而至。由此觀之。是仍為己躁進之念重。而愛君憂國之念輕。亦不可不知內省也。至大臣等招權植黨之事。可以信其必無設或有之。朕亦豈能姑容。如古所稱烹羊天乃雨之說。此時本無其事。若於同鄉師生情面。遇事稍為瞻徇。似亦不能盡絕。此雖無傷大體。然身為大臣。必當以秉公持正自勉。使人無瑕

可指。方不愧精白自矢之節。苟其有干物議。即其平日不能深信於人。朕故謂此奏雖虛。未始非梁詩正之福。且凡為大臣者。因此而砥礪衾影。倍加自檢。則歐堪善之奏。亦未必無小補耳。若謂濟時要務。豈足當之。並諭中外。知朕意焉。○二十年。軍機大臣等奏。審擬御史胡定參奏琉璃廠監督劉浩侵帑剝

商一案奉

旨。此案胡定參奏監督劉浩剝扣情節。朕因其條奏詳明。非身在局中者。不能如此備晰。即知其必有所從來。是以面加詢問。乃兩經召見。伊止稱得在道路聽聞。及朕特派大臣。公同研鞫。始將潘復興私囑緣由。逐一究出。此非伊面諛而何。御史為朝廷耳目。如果道路見聞所及。即能留心查察。據實陳奏。此乃實心為國之人。未可多得。朕所深嘉。若因瞻徇同鄉。撫拾入告。復規避矯飾。甘為面欺。在朕前則沽實心任事之名。而外則邀譽於眾商。市惠於鄉里。一舉而名實兼得。有是理乎。至嗔叱李有捷說及要謝之語。即信以為日後並無希冀酬謝之確據。此殊不然。即如劉浩短發價值。現在並未入己。何嘗不自稱循照部議。悉心搏節。但其果否歸公。必於任滿後始見。而此時



被議彼固樂為是言。胡定卻謝之語。正亦類此。在言官陳事。如使毫無干請。隨徇情弊。即所奏稍有未確。誤出無心。朕尚可原宥。不加處分。今乃始終面奏欺詐。實難居風憲之任。胡定著革職。以為挾私取巧者戒。所有杖徒本罪。著加恩寬免。餘依議。○二十一年諭。此案王明一恐嚇詐財。雖屬書吏舞弊小事。然王安國既聞之。許伯政則當刑部咨詢之時。即應據實指出。乃以得之訪聞。無從咨送聲覆。意以渾厚自居。若非御史李綬奏。則官吏夤緣情弊。無憑根究。必致賄賂公行。尾大不掉。即此一事。可知各部院胥吏營私之弊。原未盡除。而漢大臣如王安國之流者。方且以是為忠厚得體。滿大臣之謬託於文者。亦效尤為之。不知涓涓不已。將成江河。杜漸防微。正當事事省察。至御史職司糾察。風聞尚許言事。許伯政既聞王明一詐財之事。並不據實指參。伊等平日藉口於建言。又藉口於不得盡言。即如朕初年何嘗不鼓舞言路。然所陳奏。不過摭拾浮言。空談塞責。而因以為姦取利者。實復不少。數年以來。略示懲創。則又藉口不言。即如鄂樂舜勒索商人銀兩一事。御史中籍練浙省甚多。豈一無見聞。而竟未有一人奏及者。設非富

勒渾指參。何由發覺。在廷諸臣。為朕所倚賴。任使人緘默自安。股肱耳目之寄。朕將誰任。王安國降調處分。已降旨從寬留任。然令伊捫心自問。固應愧赧無地。諸臣有似此居心者。尤當引以為戒也。許伯政僅照部議察議。不足示懲。著交部嚴察議奏。言官等俱著嚴行申飭。李綬著交部議敘。○二十三年諭。御史朱嵇奏請改發巴里坤人犯。酌量仍復舊例。發遣一摺。雖以遞解多費。口糧及漸染邊地習俗為辭。而其意實為遣犯而發。且於現在辦理此事本意。全未知悉。從前御史劉宗魏條奏。經軍機大臣及該部議准。著為定例。蓋因向來免死減等人犯。原有發遣黑龍江等處為奴者。今西陲既定。巴里坤久屬內地。則改發人犯。原與黑龍江等處無異。後經軍營辦理屯糧大臣等拘泥發往屯種之一語。甚且議及為之建屋撥地。種種拮据情狀。朕以此等減死之人。情罪本重。發給屯兵為奴。或在彼不能安分。自有定例可擬。命且自安西為始。由近及遠。今聞該御史所奏。朕意或以原議遣犯內。或有情罪稍輕。可不必發往者。重命檢覈該部所列條款。則免死減等之外。所有軍流人犯。定為改發。均係情罪重大有心犯法之徒。並

續修四庫全書 史部 政書類

非情輕者概令改發也。夫此等作姦犯科之人。投界有北。亦何可惜。而該御史為之隱躍繁文。多方顧慮耶。然以軍營管理屯糧之大臣等。尚未能洞悉端委。豈該御史小臣淺識所能遙度。朕固不暇深責。但以今歲二月間。甫經劉宗魏奏准之事。朱嵇係其同官。曾不逾時。輒行駁改。於政體殊有關繫。從前明季科道。動借公事互相傾軋。翻案互訐之疏。幾無虛日。究於國家無補。最為言官惡習。朱嵇所奏。縱未必有意。然此風漸不可長。朱嵇著傳旨申飭。○又

諭御史朱嵇奏侍郎于敏中兩次親喪蒙混為一。恕

然赴任一摺。前于敏中守制回籍。陳請歸宗。原為伊本生父母起見。若非歸宗。則於例不得受封。此亦人子至情。至於回籍後復丁母憂。伊聞命暫署刑部侍郎時。未經具摺奏聞。此一節原未免啟人訾議。而該御史遽用張大其詞。見之彈劾。汙人名節。不無過當。摺內引梁詩正回籍終養。以為比例。此猶未悉朕心。梁詩正之父年已衰邁。而梁詩正欲回之意。亦不甚切。且其時有人謂朕不喜漢大臣回鄉里者。朕是以轉令其回籍侍養。俾遂父子之情。且免求全之毀。而呂熾彭啟豐二人。在卿貳中本屬無所短長。故亦准

其終養。若于敏中才力尚可造就。非呂熾等比。刑部侍郎缺出。一時未得其人。是以降旨起用。凡遇燕會。不令預列。此正與從前用蔣炳莊有恭為巡撫。同一不得已之苦心。所降諭旨甚明。而該御史輒以侍郎巡撫意為區別。豈外任封疆不妨從權起用。而內任部務不必需人辦理耶。且雍正年間。有因員缺緊要。特令在任守制。如朱軾嵇曾筠孫嘉淦等。指不勝屈。今所用者。不過此一二人而已。若必謂在籍終喪。方為盡孝。無論一切居鄉守制人員。未必盡皆廢基。即昔時築室居廬之人。借此釣名。干進。徒滋物議者。不一而足。於風教並無裨益。該御史又稱梁詩正等准其告養。海內聞風嚮化。試思海內甚大。此數人得請家居。即能澆風盡息。然耶否耶。明季科道陋習。動以奪情視事。文章爭論。嘵嘵不已。徒起黨援攻訐之端。於國是究屬何補。殊不思科道為朝廷耳目之官。如果政事有所闕失。官員貪贖敗檢。即據實舉劾。朕方深為嘉予。以風言路。若所陳不過如此。冀以博敢言之名。朕不取也。○又

諭昨日都察院奏留西城吏目方正一摺。副都御史孫灝未經列銜。朕意堂官留一吏目。或為該員以捐納

為規避之地。不令得售其計。乃情理所有。且其事尚小。不足深論。但以同官辦事。自宜彼此商酌。若旗人漢人意見不合。輒生異同形迹。於體制甚有關繫。彼時猶以為曲在孫灝。自有應得之咎。特命軍機大臣詢問情節。據孫灝所奏。則該城所請。不過以升銜留任。而都察院摺內。乃增入過缺咨部題補之語。恐於選法有礙。且開巧便奔競之漸。反覆辯論。吳拜趙宏恩皆不以為非。而廣成堅執不移。必欲獨行其意等語。是孫灝並無不合之處。其咎皆在吳拜等三人。而廣成之偏執。已見為尤甚也。此案冒昧陳奏。雖尚非有心弊混。但其風實不可長。廣成不必管理副都御史事務。交部嚴加察議。吳拜趙宏恩交部察議。所奏方正留任一事。不准行。又

諭御史周照所奏一摺。並不敷陳實政。仍屬撿拾浮詞。如所稱行政急於觀成。必條理繁多。法令嚴密。承於下者。轉得以空文相應等語。網紀所在。隨時損益。其要不過為整頓風俗。人心起見。試問今日之行政。有視音加嚴者乎。繫者何條。密者何令。何不一一據實指陳。昨於湯先甲並未治罪之故。周照又相繼為此。以博進言之虛名也。至稱用人急於求效。便給近利

之臣。以小效炫其才智。而老成持重。轉因而退阻等語。御史職司糾劾。人有不稱其職者。即執白簡從事。便給近利者何人。老成持重者又何人。何不指名奏出。周照隱躍其言。其意中必有所指。若令伊一一明白迴奏。又似因求言而加罪。姑恕勿論。然朕若不明白指出。則言官操用行政之權。而朋黨門戶之風。將由此起。今日適恭聞

聖祖仁皇帝實錄。有言路不可不開。亦不可太雜。明朝國事。全為言官所壞之論。大哉

聖謨。億萬年訓行之準。吾子孫所當世守無斁者。昨者降旨求言。原冀得一二補闕拾遺之奏。庶幾有裨實政。乃其中並無所見。而藉詞應詔。妄肆簧鼓。朕又以優容之故。不為加罪。何怪乎周照之無所憚而踵行之耶。但言官習氣。其所關於行政用人者。實匪淺鮮。朕若復崇尚虛文。故為曲獎。則明季弊政。炯鑒具在。而欲稍為因循姑息。朕斷斷不肯出此。周照著嚴行申飭。嗣後儻更有似此空言塞責。實行其私者。朕必明治其罪。又

諭春秋書日食不書月食。古聖克儆天戒。惟是為兢兢。茲者季冬之朔。日食至八分之多。望日又值月食。斯

不得以不書為解。而一月之間。雙曜薄蝕。災莫大焉。我君臣當動色相誠。側席修省。念邇年來西陲底定。殊域來歸。克奏膚功。皆仰賴

上蒼福佑。在朕宵旰殷懷。無刻不以持盈保泰為惕。並非出於矯強。亦中外臣民所共知。第人情當順適之時。檢持或有未至。昔人所稱人苦不自知。良非虛語。夫

天心仁愛。人事宜修。僕用入行政之閒。有所闕失。而不力為振飭。何以裨政治而召休和。在廷諸臣。共襄治理。寅恭夙夜。宜有同心。若傳諭大學士九卿科道等。各抒所見。據實敷陳。無有隱諱。若因此旨而徒撓拾浮言。毛舉細故。甚且鋪張稱頌。轉貢諛詞。則不獨負朕求言之苦衷。即清夜捫心。能無內愧。應天以實。不以文。朕於諸臣有厚望焉。

欽定大清會典事例卷一千一

都察院

憲綱

諭旨四

乾隆二十四年

諭朕恭閱

皇祖聖祖仁皇帝實錄。康熙五十五年九月內

諭大學士九卿翰詹科道等曰。國家設立科道。寄以耳目重任。建言叅劾。乃其專責。九卿及督撫提鎮內居官貪婪。行止不端者。亦或有之。科道官員。即當從公叅劾。迺或因係某大臣保舉。或因係某大臣門生。故舊彼此。瞻徇情面。並不題叅。間有條奏彈章。亦止受人請託。或使人畏懼。自立威名耳。仰見

聖訓周詳。洞燭情偽。不獨明季科道惡習。如見肺肝。即自古以來。言官風氣。關係政治得失。莫不包括無遺。允宜垂示子孫。為萬世炯戒也。朕臨御之初。側席求言。冀裨上理。無如言官藉此以行其私者不少。可見科道中原無實心為國之人。導之使言。不過黨援同異。莫快其私。甚至各立門戶。有害國家。若置而不作興之。則率以緘默為苟容。究其通病。何一能逃我皇祖聖神坐照中也。殊不思朝廷設官分職。畀以耳目

重寄。凡國家用行政之大端。分宜屏去私心。隨時獻納。以資實用。使不言者既瘼厥官。而言者又惟以門戶恩讎為計。是不惟無補國是。且非立官之本意矣。可將此旨傳諭知之。○二十五年

諭御史朱丕烈奏覆勘試卷大臣秦蕙田等瞻徇不公一摺。經朕詳悉面諭。並特派大臣等會同軍機大臣提取各原卷。逐一詳加覈對。今據覆奏。有該御史原經簽出。而覆勘大臣誤行指駁者。江西省汪其度一卷。未經列入奏單者。湖北省陶大朋。廣西省蕭鼎揆。二卷。秦蕙田等既經司事覆勘。乃未將原勘官簽

出各條。應存應駁。及應行聲明之處。悉心分別查辦。各本難辭。至摺內所稱瞻徇考官鄉情世好。為本生巧為開脫。不能無疑之處。則現在細覈各卷。如考官錢維城。王鳴盛。錢載等。勘過試卷內。其處分已有部議。應行降調及罰俸數年者。即增入摺內。所指各條。亦並無所加損。是該御史所奏。俱無確據。經朕復召入面詢。該御史亦不能更指其非。此其涇渭較然。固非此次派出大臣所能偏袒。並調停中立。如和事老人之為也。但磨勘一事。向來視為具文。以致士子應試。考官衡文。無由大彰懲勸。近因士子習尚紛歧。罔

識行文正鵠。不得不亟為釐正。是以詳定磨勘條例。然舉行伊始。朕本意實不過欲去其太甚。俾知儆覺。提撕。豈必逐字逐句。加意吹求。致獲雋者無一自全。而典試者盡干吏議。斯不已太甚乎。然考官銜命掄才。既優其廩餼。路資。又復獲爾許桃李。既試卷有疵。若罰俸停升之類。實所應得。設致罷官降調。朕必曲宥。此中自有權衡。若官官相護。即此罰一年兩載之俸。亦必冀為開脫。則不獨覆勘者罪所難容。即考官等朕亦豈能輕貸。今秦蕙田等既無此等情弊。則疏漏各條。所謂公過。非朕所深惡矣。朱丕烈以心疑或

然之語。彈劾屬虛。朕亦不能為之匿其所短。正所謂瑕瑜各不相掩者也。况直省硃墨卷。汗牛充棟。不但秦蕙田等三四人之力。未必精覈無遺。即自謂悉心推勘。如朱丕烈所分止有數十卷。設令再派大臣為之檢校。伊能自信更無挂漏乎。明季科道惡習。專以黨援抨擊為務。遇事交章傾軋。而九列中。又或各樹私黨。互相報復。固由駕馭失宜所致。而臣工中各自便其門戶之私。不惜害及朝章國是。其所關於治道者甚大。朕心存炯戒。乾綱獨攬。務期朝宇肅清。諸臣中諒不敢稍存狎玩之見。即有此等伎倆。亦何所復

施今磨勘一事。曉曉不已。然杜漸防微。其端實不可長。所有覆勘疏忽之奏。蕙田觀保錢汝誠著交部議處。御史朱丕烈所奏不實。亦著交部議處。若因其奏劾大臣。而該部遂有意從嚴。思以箝制言官之口。更難逃朕洞鑒。將此通行傳諭中外知之。○二十六年諭。吏部察議。駐朝棟照溺職例革職一本。所以留中不發者。朕意以為若總裁大員中。查無應行迴避之人。則該御史所奏。不過博一時虛譽。其罪尚屬可原。今據知貢舉熊學鵬查奏。應行迴避士子。則有總裁劉統勳之胞弟胞姪二人。于敏中之堂姪一人。劉統勳

于敏中既係軍機大臣。而駐朝棟現係軍機處行走之員。此次劉統勳于敏中二人。不令隨駕外間。已揣其豫典試事。而軍機之人。固不待言矣。况朕召見劉統勳等。曾面諭及之。駐朝棟豈有不知之理。則其所奏。顯屬迎合上官。此風斷不可長。前明師生堂屬黨援門戶之弊。往往假公濟私。害及朝廷。最為言路惡習。我

皇考十三年以來。大加整頓。風紀肅清。朕臨御二十有六年。於臺垣章疏。苟有一二可採者。未嘗不見之施行。若其意有所屬。瞻顧徇私者。亦斷難逃洞鑒。駐朝

棟何人。而敢以此等伎倆。巧為嘗試乎。此在諸科道尚屬不可。况該御史之在軍機處行走者乎。今歲恩科會試。已屬格外曠典。臣工得與文衡。已可云寵榮逾分。而更欲為宗戚倖中。是於不知足之中。又加甚焉。號稱讀書者。宜如是乎。此於政體。官方士習。均有關係。駐朝棟革職不足蔽辜。著交刑部治罪。劉統勳于敏中之授意與否。姑不深究。然致屬員之如此。假言獻媚。則二人亦不得謂無咎。其劉統勳于敏中之弟姪應行迴避者。概著罰停鄉會試一次。以示儆戒。○二十八年

諭。御史吉夢熊奏。劾方觀承玩視民瘼。徇縱天津道那親阿啟。煽遲延不能早籌宣洩一摺。此奏方觀承實無從置喙。但前命兆惠等赴勘督辦時。已有旨將該督交部議處革職。特因在直年久。是以從寬留任。則其貽誤之愆。不獨該督難以自文。即朕亦安肯稍為迴護。該御史甫經補缺。即行陳奏。不得謂之無益空言。亦不得謂之事後取巧。至在京科道等。身膺言責。於封疆大吏。不克早拯民艱。况天津近在畿輔。道路之口。豈竟毫無知覺。乃自去冬。以至今春。並不聞有糾彈之舉。而必俟朕巡省疇咨。始得剋期濬導。取是

因吉夢熊此奏而寒蟬之誚朕亦不能為凡任言官者解矣方觀承已經議處無可再議摺內所奏那親阿借書吏名色用輕價承買捐田一節八旗官員近京置產原所不禁但既任本地監司而圖踞所部之業則於官方大有關係那親阿現在尚未起程著交軍機大臣嚴訊具奏至所稱訪聞文安大城等縣因培築長堤該處胥役鄉老有至四五十里之外逼令平民赴工承辦挑培之事著交袁曰修會同方觀承即行據實嚴查奏聞請旨治罪○又

諭今日御史蔡觀瀾所奏二摺一為粥廠人數加多給賑米石請酌量加增其事自屬應行且朕既降旨加恩展賑各廠均應先事妥辦不獨東壩一處為然凡監賑御史於廠中米石約略需用時即當告知該堂官豫為咨取更何待散給不敷始行入奏所有各廠應行添支之處即照所請速行至另摺所奏副都御史蔣櫟參處給事中巴延三到廠遲延一案謂蔣櫟前後頓殊因將辰刻及辰正二三刻曉曉置辯不惟於事理甚為紕繆並以袒庇同官詆訶臺長其所關於官方政體者甚大不得明白宣示以明杜漸防微之意前蔣櫟初奏御史到廠遲延時朕方以其不

即據實參處而先為奏聞請旨之舉已不免姑息卻慮及至巴延三等因循到遲始行指名參議實不可謂其察覈之過苛矣况堂官於辰正前後到廠御史不應於辰初前後到廠耶朕夏令御勤政殿視事必在卯正之前然已不啻三竿之日矣辰初到廠何致顛倒無暇乎即此交部察議實不過奪俸數月若有紀錄尚可抵免有何輕重蔡觀瀾乃用此妄生議論謂非有心藉詞報復可乎明季科道惡習狃於官官相護之見遇事交彈互擊以致國政日墜不可究詰足為炯戒我朝乾綱獨攬班列清肅此等伎倆廷臣中諒亦不敢巧為嘗試然涓涓不息將為江河之慮何可不豫為懲儆以彰國紀而正人心蔡觀瀾著交部嚴加議處朕於羣工奏牘虛衷採擇從來不設成見如蔡觀瀾所奏乖謬若此而於同日所陳廠中應理事宜固不以人廢言也將此諭令中外使明知朕意○二十九年

諭御史秦釁以戶部郎中馮光熊刑部郎中杜玉林俱係丁憂之員該堂官不應奏留一摺內稱若遇升選外任又未聞以幹練留部其持論實中事情即該堂官等亦無辭可對官員遇有事故並聽離任終制原

條恤下常經。朕自臨御以來。於臣工進退一切皆循定制。間有特旨。令仍在署任事者。本屬寥寥無幾。第以堂官而請留司員。督撫而請留屬吏。則上官之推情瞻顧。與下僚之因事干求。流弊何所不有。况國家分職任材。豈必少此一人。與此一人。二三年少待之。期而必權宜破格而為之。誠亦可以不必。若該御史遽謂因此斤斤執持。即廣為教孝。則又不然。人臣移孝作忠。原無二理。既已名通朝籍。致身之義。豈未之前聞。儻如明季科道門戶。惡習爭論奪情。如王錫爵之於張居正等。忿詈交攻。無所不至。而於國是究鮮絲毫之益。此又政體所關。不可不懲其漸者。朕虛公御下。從無成見。嗣後凡朕特旨酌量令其留任外。內而部院堂官。外而督撫等。不得率行請留。著為例。○又

諭。前日御史羅暹春劾蘇昌保舉運使王際一摺。在蘇昌於屬員虧帑。既漫無覺察。又登之卓薦。自有應得之咎。言官據實指參。乃職所應爾。是以批諭發京。初不以為非。是特其摺內有若非老年糊塗。即屬有意瞻徇。措詞忿激。幾於唾罵。其意若有必欲甘心於蘇昌者。蹤迹殊為可怪。昨閱刑部審擬廣東奏革知

縣劉紹汜一摺。該犯即係與羅暹春江西同鄉。而蘇昌又即參處該犯之總督。其為藉詞潛行報復。實啟黨援朋比之風。不可不悉心體究。創懲以防流弊。因諭刑部堂官詳悉查訊。今據奏到羅暹春與劉紹汜雖無瞻徇實蹟。然該御史具摺參劾。不即於蘇昌失察原案發鈔之時。又不於劉紹汜審擬已經定案之後。該御史亦自稱形迹之閒。百喙莫辯等語。此等以鄉情各酬私怨。其事本無實證。豈對簿駁詰。遽肯輸情吐露。然亦不至因此即革職審問也。封疆大吏。果有罔上行私。確據臺垣。自應據實糾彈。顧立言亦自有體。中外大臣。皆經朕簡用。苟其事不干大戾。即朕亦不遽加以斥詈。御史雖欲自著風力。亦豈得以年老大臣。盡斥之為糊塗。前如來保。今如尹繼善。傅森。陳宏謀。諸臣。屢經敷歷。其齒安得不老。而生平奉職無愆。豈遂一例概以衰庸。肆為詆訕可乎。明季科道惡習。立幟分門。借敢言之號。行傾險之謀。假公濟私。無所不至。為害甚大。我朝百餘年來。整綱飭紀。朝政肅清。斷不容有營私搏擊之人。復得稍萌故智。但遇邪防弊。持之不可不堅。今羅暹春之奏。其為劉紹汜而發。本非有證佐可質。而任意詬毀。已情見乎詞。且

蘇昌者。蹤迹殊為可怪。昨閱刑部審擬廣東奏革知



不先不後之聞自供亦無庸置喙此而陽為不知於人心政事所關匪細羅暹春著交部嚴加議處○又

諭御史李宜青條陳臺灣事宜一摺所奏應行與否且不具論而其用意之取巧器小已大失言官之體該

御史奉差巡臺地方之事皆其職分所難諉第同差

滿漢二員考成均屬一體見聞所及理宜和衷共酌

會銜入告即意見略有參差亦應據實聲明專摺奏

請乃李宜青既不於在臺時彼此同商至回京復命

亦未聞一言及此直至差滿日久挾此為獨得之秘

羅列見長彼以建白博名高者存心鄙瑣固當如是

耶此等伎倆猶得以嘗試為得計耶李宜青著傳旨

申飭至所奏各條亦不必以人廢言仍著交部議奏

○又

諭御史曹學閔奏熊學鵬於丁憂後拜發奏章一摺

所見拘墟於事理無關輕重各省督撫大吏設有徇

私亂法御史列款糾彈者如其事審實朕必深為嘉

予若其人適遇丁憂事故一切經手案件及交代印

篆日期不得不具摺奏聞乃情理所應有而必斤斤

較量於拜摺衣冠儀節之間遂指為忘親不敬正所

謂吹毛求疵於國家政務有何裨益明季言官陋習

專務撻拾浮文陽博建言之名陰行箝制之計使封

疆大吏望風生畏內外官僚動成水火最為弊政此

時綱紀肅清科道等諒不敢以此種狡獪伎倆輕為

嘗試然不可不防其漸曹學閔著飭行○三十二年

諭御史為朝廷耳目之官內外大臣果有婪贓亂法任

意徇私見聞既確立登白簡不獨被參之人立即重

治其罪其據實糾劾之該御史朕亦必深加獎勵用

昭彰瘴之公若徒毛舉風聞細故肆意鋪張紛呶不

已顯博建白之名陰行排擠之實所關於政體官方

者甚大即如前明臺諫諸臣遇事生風肆行抨擊以

致各分門戶挾制大臣究之國是日非積重難返可

為炯鑒當此綱紀肅清言官中諒不敢遽挾私心於

異己之人藉詞齟齬以速重愆但杜漸防微不得不

豫為明切禁制儻言官等不知猛省有以愛憎挾私

巧為嘗試者朕察出必執法從重治罪以為分門排

擠者戒其大員等或自甘敗檢致挂彈章則言者被

殊喪而犯者膺顯罰雖欲強顏狡辯又可得耶著將

此通諭中外知之○三十四年

諭向來御門日期奏事處人員遇各衙門及科道封口

奏章概不轉遞此乃伊等拘泥舊例甚屬無謂朕綜

理庶政凡內外臣工章奏無日不進御披覽豈有納之於平時而於御門聽政之日轉卻而弗納之理且御門不過片刻既退仍照常辦事本屬兩不相妨而此等封口奏章或係糾彈或關建白其中緊要之事並有須即予施行者若既至宮門復行駁回於公務既不無延緩且恐無識者轉疑奏函有壅於上聞之處於政體亦屬未協嗣後御門日期凡有封奏事件俱著一體接收呈覽著為令。○三十五年

諭

貴州省劉標虧空銅鉛價本至二十餘萬之多自來侵虧帑項犯案從未有若此之甚者乃巡撫良卿明知故縱授意彌補並冀為移局鑄錢通融掩覆及經部駁自知事必敗露始以一叅塞責經朕察見其中隱弊特派大臣前往查審其事始水落石出究出良卿負恩徇縱之罪及與高積交通亂法諸弊並方世雋永泰等勒索營私各款蹟黔省吏治狼藉至此實出情理之外科道為朝廷耳目之官於大吏等有蓋不飭盡國剝民之事皆當隨時舉劾知無不言乃劉標在任多年虧空積至如許且以衰年瞽目之人該上司姑容隱蔽外間豈竟毫無見聞而自劉標經管銅務以來豈無一二黔省之人曾任科道者更不

得諉為詢訪所不及何此案未經發覺以前並未有

一人劾奏其事者言官職司糾察若惟知倚撫細故

毛舉瀆奏或見通行一事從而推廣其端或因特降

一旨復為引伸其說於政治全無裨益而置此等侵

虧敗檢六案於不問國家亦安用此委蛇緘默之言

官為耶若將歷年來籍隸黔省之科道治以曠官之

罪亦所應得但恐議處一二人而遇事生風之輩轉

藉此為臺諫得操本省大員之短長或從而夤緣交

結致啟搢紳把持公事之漸且釀成黨援惡習是以

朕不為耳但科道等於如此侵欺罔上大案漠不關

心甘以寒蟬自處經朕舉出指示能不各懷愧慙乎

著將此旨傳集各科道通行申飭並宣諭中外知之

○四十年

諭

御史叅劾部院堂官如其言果確朕必不肯於大臣

稍存庇護若語涉無稽擇撫失實欲以此自命敢言

深所不取明季科道往往與部臣抵牾遇事生風攻

訐不已久之遂成門戶朕披閱史冊每深惡而痛絕

之方今政治肅清不願言官蹈此惡習著將此傳諭

各科道如有劾奏各部事件查無實據者即將言事

之人交部議處。又

諭。科場定例。毋許臨場條奏。如臣工果有見於考試規

條未盡妥協之處。即當早行入告。文會試不得過上

年冬月。武會試不得過本年春月。何得於考試臨期

紛紛陳請。嗣後如再有違例臨期陳奏者。該部將其

事於議覆摺內。一併將該員察議具奏。四十一年

諭。御史炳文奏請。嗣後科道京察。止令都御史帶領引

見去留。俱候欽定。一摺。此奏殊為錯謬。科道職司言

路。遇有內外大臣。賦私不法。及吏治民生所繫。如果

確有見聞。原准其自行具摺。據實糾陳。朕必徹底清

查。覈實辦理。是國家待言官之道。已屬從優。設或京

察時。都御史舉劾不公。科道原可指名參奏。乃炳文

於舉行京察之前。輒思變更成例。隱占身分。冀諸事

得以自專。其有關於世道人心者。良非淺鮮。明季臺

諫諸臣。遇事生風。紛呶不已。遂至黨同伐異。貽害無

窮。最為彼時社政。我朝綱紀肅清。科道咸知奉法。不

敢復蹈前轍。惟雍正初年。因六科改隸都察院。給事

中等連章爭競。經

皇考嚴加懲儆。力為整飭。炳文身係宗室。尤不應為此

沽名之事。豈堪復為御史。炳文著即革去御史。發往

伊犁。以司官效力贖罪。四十五年

諭。浙江海甯改建石塘。以王亶望曾為浙撫。且肯擔當

其事。因命在工督辦。但伊在服中。是以令馳驛回籍

治喪事畢。即至浙辦理塘工。原為公務起見。其家屬

自應即回本籍守制。以盡私情。乃據李質穎奏。伊家

屬仍住杭州。安然聚處。朕聞之。為之心動。王亶望並

非無力令眷屬回籍之人。似此忘親越禮。實於大節

有虧。為大臣者如此。何以表率屬員。維持風教。從前

伊父王師。品行甚正。無負讀書。不應有此等忘親越

禮之子。養心殿暖閣恭懸

皇祖聖訓。有孝為百行之首。不孝之人。斷不可用。朕每

日敬仰

天語煌煌。實為萬世準則。王亶望著革職。仍留塘工。自

備資斧。效力贖罪。至三寶。以大學士管理總督。為維

持風化之首。今日當面問彼。乃稱實知其事。亦不以

為怪。富勒渾現為總督。於此等有乖名義之事。何不

據實參奏。均著交部嚴加議處。李質穎到浙已久。亦

並未奏及。直待降旨詢問。始據實具陳。亦著一併交

部議處。至科道於尋常細故。往往摭拾具奏。似此為

大臣之人。於名教攸關者。轉更緘默不言。設如有貪

酷擅權者。亦將寒蟬矣。國家又何藉此言官為乎。其

籍隸浙省之科道。尤不應毫無見聞。何以並無一人入告。斯豈風聞所弗聞乎。著令該省科道等明白回奏。○又

諭前以王亶望留辦浙江海塘工程。不令家眷回籍守制。而籍隸浙省之科道。並無一人入告。因傳旨令其明白回奏。今據該科道等奏稱。王亶望於制中眷屬聚處一事。實無所聞。殊屬巧辯。巡撫家屬留住省城。本屬人所共知。本省科道。何至毫無聞見。昨以三寶李質穎知有此事。經朕面詢。即據實具奏。但其不知大義。視為故常。不以為怪。已非情理。若似該科道等

於傳旨詢問時。猶復託詞巧辯。並不各自引咎。其不是更大。該科道等。俱著交部嚴加議處。○五十年

諭科道職司風憲。有奏事之責。果有能參劾大臣。指陳時事。言有可採者。自當准予施行。即或所奏失實。亦不加之譴責。蓋以職業所在。若因言事得罪。非所以風勵臺司。昨費孝昌陳奏摺內。有君設身以處。並若曰等語。該員係科目出身。由學正洊升御史。豈不知君臣之際。體分尊嚴。乃以此等字樣。竟比尋常泛論公然直陳。朕前予是費孝昌之罪。不在言事不當。而在措辭乖體。伊在京服官有年。而奏章全不知敬謹

之道。如此糊塗庸鄙之人。豈可復令其供職辦事。但此時若將伊革職治罪。律以大不敬之條。轉不值如此嚴辦。費孝昌著休致。勒令回籍。至其所奏請定官員終養章程。前經吏部議定。昨又降旨通諭。於教孝之中。仍寓體恤之意。業已周詳備至。中外大小官員。俱當敬遵功令。各盡其臣子之分也。○五十一年

諭嗣後科道等。凡遇鄉會兩試屆期前一月之內。除特來大員申理冤枉。迫不及待者。仍准其入奏外。其有關科場事務。及尋常事件。概不准屆期違例具奏。以杜傲幸陋習。著為令。○又

朕愛養黎元。勤求民瘼。各省每遇地方偏災。一經奏報。即降旨蠲賑兼施。並屢諭該督撫實心實力督率各屬妥協辦理。不惜千百萬帑金。務俾災黎均霑實惠。此朕五十餘年如一日。亦天下臣民所共見共聞者。上年湖北荒歉。已發五百萬帑金賑恤。若地方官辦理得宜。何至復有貧民乏食。搶奪糧食之事。乃劉金立等因借貸不遂。輒將穀麥搬搶。而劣衿梅調元父子。竟敢糾眾逞兇。活埋多命。此必該省督撫司連並不認真查辦。一任貪官污吏。浮冒侵漁。以致朕恩不得下逮。聞該省乃有飢民乏食。搶奪滋事。及釀成重

案之後大小各員恐從此究出弊端遂爾通同諱匿聯為一氣吏治如此實出情理之外試思活埋三十人俱經起出屍身尚有毆縛傷痕及悶蒸血暈證據確鑿是豈李侍堯等所能捏造者而籍隸湖北之御史等並無一人奏及科道為朝廷耳目之官各省閭閻疾苦及官吏侵貪諱匿命盜各事理應據實直陳方為不負言職今湖北省竟有如此不法重案本省輿論本省之官必有風聞該員等家信鄉親中豈無言及而得諉為不知可乎所有未能參奏湖北搶掠活埋人命二案之籍隸該省前任給事中梁景陽御

史許兆椿著交部議處其餘各省有無似此重大案件而地方官諱匿不辦者著軍機大臣傳詢各科道令其據實直陳朕必嚴加懲治儻各科道因朕有此旨遂心存挾制本省督撫致令地方諸事掣肘亦難逃朕洞鑒一經查出亦必重治其罪○五十五年

諭

都察院奏六科給事中十五道御史所辦案件俱係筆帖式代為呈畫惟京畿道辦理案件偶有上堂之時其餘六科並不進署其十四道雖同京畿道進署並不上堂舒常到任一載認識尚未周徧茲奉新例漢科道截取道府均應出具考語京察屆期並須甄

別賢否若一年之內不過見面數次優劣究未深知嗣後十五道六科分日進署上堂等語此奏想係舒常一人主見所言卻是向來科道俱歸都察院衙門統屬其京察保送等事皆由該堂官考覈近又降旨將科道俸滿四年者截取道府其堪勝外任與否亦責成該堂官出具考語覈實保送是都御史之與科道考覈攸關即不得循俗例謂之有統無屬且俗例乃明朝惡習相沿會典本無也若並不上堂見面認識尚難周徧其才具優絀更無從知其底蘊從前雍正年間將六科統歸都察院彼時給事中御史等紛

紛陳奏互相爭執仰蒙

皇考降旨嚴飭始行更定今科道等既由都察院堂官出考自應照舒常等所奏分日進署上堂接見辦事至於科道本有奏事之責如遇民生國計所關原許其條陳利弊即如本日給事中李嗣參奏韓錄之子假冒籍貫並停止吏員分發一事朕以其所言尚是即交部議奏儻或內外大臣及都察院堂官舒常等果有不法不法之事科道等亦可列之彈章所言者實朕尚當加之優獎將被劾者治以應得之罪並不因有上堂接見之例遂致壅塞言路若科道等因更

諭。定此例後。有復行瀆奏。自爭身分者。必當重治其罪。或以此奏條舒常主見。將來藉端糾劾。意圖報復。亦斷難逃朕洞鑒也。舒常等所奏著依議。○五十六年。向來各省民人赴京呈控案件。都察院步軍統領衙門不敢壅於上聞。即行據呈轉奏。朕勤求民隱。惟恐鄉曲小民含冤莫訴。每遇來京具控之案。無不特派大臣前往審辦。其中屈抑者固有。而近日不安本分之徒。見來京者。控無不獲。無不辦。赴懇求理者。遂覺接踵而來。及欽差大臣提集案犯。認真研鞫。所控情節。多屬子虛。不過挾嫌逞忿。妄砌誣捏之詞。冀遂其控累之計。即被控之人。訊明省釋。而輾轉審解。拘禁囹圄。胥役等又復藉事生風。從中嚇詐。事雖得白。而身家已破。情形殊堪憐憫。且欽派審案大臣。經過地方。徒勞驛馬。糜費供支。於沿途驛站。亦恐不無擾累。此等刁健訟棍。各省多有。若不嚴加懲創。則枉累無辜。藉端傾陷之風。伊於何底。嗣後著各省督撫轉飭所屬。剴切出示。諭以小民等。如果實有冤抑。地方官不為審理。原不禁其赴京具控。但若稍涉虛誣。亦必加倍治罪。務使家喻戶曉。咸懷儆惕。庶告訐刁風。漸知斂戢。而良善鄉氓。免致株累。亦整飭風俗人心。

之一端也。○五十八年

諭。福崧在浙江巡撫任內。驕縱乖張。膽敢向鹽道婪索多贓。以致柴棧虧缺庫項。挪移填補。浙省紳士。或尚可推為此係地方官私相授受之事。無由知悉。至福崧之母。游玩西湖。派令鹽道豫備食用。燈綵船隻等項。每次費銀數千兩。劣迹彰著。浙省紳士。則不得諉為不知矣。其籍隸杭州者。近在同城。共見共聞。尤無不知之理。該省科道。雖在京服官。但本省地方大吏。似此任意妄為。其親友往來。斷無不互相傳說。何以總未據一人來奏。國家設立言官。原令職司糾察。雖本籍地方事件。不便越職干預。若督撫等似福崧之恣意貪縱。款蹟昭然。自當據實糾劾。方為無忝厥職。乃竟始終緘默。又安用此科道為耶。本應將該員等交部嚴議。姑念事屬已往。不加深究。所有籍隸浙省杭州府屬之給事中御史。俱著停升二年。其籍隸浙省外府者。俱著停升一年。此係朕從寬辦理。該科道務宜各自愧勵。以期無負職守。○六十年。前據魁倫奏風聞各屬倉庫空虛。昨錢受椿來京。復令軍機大臣傳詢。據稱漳泉二府倉穀。均非實貯。其餘各屬亦多短缺等語。是該省虧空情弊顯然。現已

將該督撫藩司等革審並交魁倫等詳細嚴查前年因浙江省福松柴棧通同侵挪審明治罪曾降旨將籍隸浙江之科道停升示儆此次閩省倉庫多屬空虛尤非浙省可比現因查明科道中並無籍隸福建之人是以未經交部議處但科道職司糾察有風聞言事之責閩省虧空累累即別省科道等豈竟毫無聞見何竟無一人奏及著傳旨通行申飭嗣後遇有此等地方重大事件務當據實奏聞毋得自同寒蟬致蹈素餐而忝言責

欽定大清會典事例卷一千二

都察院

憲綱

諭旨五

嘉慶四年

諭朕仰承

皇考付託之重兢兢業業勤求治理惟懼政事或有缺夫敬念

皇祖

皇考御極以後俱頒

詔旨求言蓋以九州之大臣民之衆幾務至繁兼聽則

明偏聽則蔽若僅一二人之言即使出於至公亦不能周知天下之務况未必盡公也粵稽二典分設九官十二牧博採疇咨共襄郵治是以聖德如

皇祖

皇考踐阼之初即以求言為急務矧朕德薄何敢不虛懷延訪聽受讜言特此通行曉諭凡九卿科道有奏事之責者於用人行政一切事宜皆得封章密奏俾民隱得以上聞庶事不致失理諸臣務須宅心虛公將用人行政興利除弊有裨實政者各行誠悃據實敷陳佐朕不逮用副集思廣益至意○又

諭。吳省欽條奏摺內請將監禁賊首王三槐即行正法一條。何待爾言。前此未及辨理之故。欲俟川北首逆羅其清解到。一併交軍機大臣會同刑部審辦。豈有將此等首惡重犯釋放。令其招降同夥之理。至所稱候補知府李基。曉諳兵法。有手車大雷列卦圖。又舉人王晏。能作氣按掌。辟易多人。請加試看等語。殊屬大謬。前此特頒諭旨。廣開言路。吳省欽為風憲之長。於和坤福長安二人。並無一言舉劾。自係畏其聲勢。及將和坤福長安革職。交刑部復。伊尚心存畏怯。緘默不言。茲見各科道等紛紛密封陳奏。伊任總憲。不能不以一奏塞責。而所言竟屬荒謬。試問伊所稱李基所著手車大雷列卦圖。較之本朝訓練之九進連環。孰為得用。其作氣按掌之語。即稗官野史所謂掌心雷者是也。係屬邪術。現當勦辦教匪之時。正當將妖言左道。痛絕根株。方嚴禁之不暇。豈可轉引而試驗。吳省欽身為臺長。不知政體。惑於邪言。妄行瀆奏。與學習邪教者何異耶。吳省欽著交部嚴加議處。

○又

諭。吏部議處左都御史吳省欽一摺。昨因吳省欽條奏摺內語多不經。以伊平日學問而論。尚不至如此迂

誕。蓋伊自揣係和坤私人。且在學政任內聲名甚屬平常。恐被人列款彈劾。故爾避重就輕。先為此荒謬之奏。藉得罷官回籍。遂其田園之樂。其居心取巧。大率不出乎此。但此係誅心之論。吳省欽劣蹟既未敗露。朕亦不為已甚。姑免深究。即論其陳奏荒謬。已難勝臺長之任。吳省欽著照部議革職回籍。○又

諭。朕近聞臣工條奏。累牘連篇。率多摭拾浮詞。毛舉細故。其中荒唐可笑。留中不肯宣示者。尚不知凡幾。若諸臣無所建白。原不必有意按求。希圖塞責。朕於未經條奏之科道。又何嘗加之責備耶。嗣後有官守者。各盡官守。有言責者。各盡言責。即風聞陳奏。不應以漫無憑據者。肆意指摘。開報復之漸。如內外大臣中有應舉應劾之人。必須列其實蹟。秉公入告。何得以瑣事空言。逞意瀆聽乎。朕宣諭及此。並非因封事紛陳。厭於聽納。所望者直言正論。有裨國是。諸臣亦不得因有此旨。誤會朕意也。○又

諭。各部院衙門。嗣後遇有呈控事件。如係本人遞稟。及露章投遞者。自不妨先行閱看。儻係本人自行緘封。即應將原封呈覽。不許私自拆閱。即所遞封事內。或有違悖詞語。亦與轉奏之人無涉。以杜壅蔽。而昭慎



密。又

諭。朕惟治天下之道。莫要於去壅蔽。自古帝王達聰明。兼聽並視。是以庶績咸登。下情無不上達。朕自親政以來。首下求言之詔。虛己咨詢。冀裨國是。數月以來。凡諸臣之敷陳得當。皆已見之施行。而其中妄行臆見。荒唐可笑者。若律以妄言之條。原難曲貸。但朕既令人盡言。又復以言罪人。豈非誘之言而陷之罪乎。是以留中未經宣示之摺。雖軍機大臣。亦不使預聞者甚多。惟近來言事諸臣。往往不為國計民生起見。揆厥本衷。大約不出乎名利之兩途。其沽名者。如議添八旗內務府甲缺。加增廉俸賞資兵弁等事。其意以為若蒙允准。則可以市惠於人。不準則又以歸怨於上。似此居心。其巧詐尚可問乎。其牟利者。如請於圓明園明善堂開濬河道。請修南苑寺廟。皆係不急之務。至若請將局錢易銀之事。所言尤不足道。以朝廷與小民競利。更復成何政體耶。況在官言官。各有職守。邇日並有現任封疆大吏。將他省之事。越俎陳奏。或干預京師政務。是欲自見其長。而忘其為出位之思矣。朕非以諸臣陳奏過繁。倦於披覽。特以人臣事君之義。全在滌除私念。方可冀其進獻嘉謨。若

先有沽名牟利之見存於中。是舉念即已涉私。尚安望其忠言入告耶。嗣後王公及內外大小臣工等。當善體朕意。於關繫政治糾劾貪汙要務。原當隨時具奏。若懷挾私見。不出為名為利二者。斷難逃朕洞鑒。不得不治以妄言之罪。今朕特降此旨。杜莠言正所以來讜論。並非欲諸臣安於緘默。切勿錯會朕求正言之意也。○又

諭。向來各省民人赴都察院步軍統領衙門呈控案件。該衙門有具摺奏聞者。有咨回各該省督撫審辦者。亦有徑行駁斥者。辦理之法有三。似此則伊等准駁。竟可意為高下。現當廣開言路。明目達聰。原俾下情無不上達。若將具控之案。擅自駁斥。設遇有控告該省督撫貪贖不職。及關涉權要等事。或瞻顧情面。壓閣不辦。恐啟賄囑消弭之漸。所關匪小。嗣後都察院步軍統領衙門。遇有各省呈控之案。俱不准駁斥。其案情較重者。自應即行具奏。即有應咨回本省審辦之案。亦應於一月或兩月視控案之多寡。彙奏一次。並將各案情節。於摺內分析註明。候朕披閱。儻有案情較重。不即具奏。僅咨回本籍辦理者。經朕看出。必將各堂官交部嚴加議處。著為令。○又

諭。本年朕親政之始。即下詔求言。博採周諮。俾下情無不上達。內而大學士九卿科道等。本應封章入告。而外省奏事者。向例至兩司而止。朕復降旨。令各省道員。亦得具摺奏事。廣諮詢之路。原以除壅蔽之端。自降旨以來。內外臣工條陳時事者甚多。其言若有可採。當即見之施行。或交部臣議奏。即言之未當。而所論尚無大謬者。亦從不加罪。然在京之各部郎中以下。及外省知府以下。從未有封奏之事。伊等俱係現任官員。深知國家體制。不敢越職言事。實屬分所宜然。而數月以來。候補捐納微員。以及平民。俱有自具封章。於軍機處及部院大臣前投遞者。在大臣因廣開言路之時。不敢壅於上聞。朕閱其所言。稍有足錄。間加恩獎。而望恩倖澤者。遂視為干進之階。紛紛具摺呈遞。累牘連篇。不過首列頌揚虛語。後述干乞私情。於公事毫無裨益。且此等干乞之事。不獨大臣等不敢於朕前陳請。即各部院司員等亦不當於堂官前徑情直達。而微員百姓。豈轉得於朕前瀆請乎。夫國家求言之意。原冀諸臣各抒讜論。上弼朕躬。下通民隱。以成郵治。然必定以官階予以限制。有言責者而不言。無言責者而妄言。即屬越分。豈可令微賤之

人以自私自便之事。冒昧陳奏耶。且伊等果有冤抑之案。急於陳訴。原可向該管衙門具呈審理。該衙門斷不敢壅遏不奏。何必伊等違例自行具摺。况三年以來。軍務紛繁。教匪肆擾。從未有一人情願投營效力。此時軍務就緒。大功指日可成。遂紛紛乞請投營。止為一身便宜。不顧國家體制。焉有如許閒缺。以應如許無厭之求耶。嗣後不應言事之人。不得妄行封奏。違者按律治罪。其應行奏事臣工。如有實裨國政。深中利弊者。仍當直陳無隱。以收兼聽並觀之效。即日披萬言。亦所深願。諸臣不可誤會朕旨。相率緘默。

用副朕諄切求言至意。○又

諭。朕恭閱

皇考高宗純皇帝實錄。內載李禧條奏在京漢軍兵丁。請借四箇月錢糧。並懇格外施恩。賞給資生銀兩一事。其時王大臣等以李禧諸事敗露。且將密奏之件。宣揚市恩。所奏且不必施行。欽奉

諭旨。李禧劣迹雖已敗露。其人甚屬可惡。而其言未必一無可採。此魯論所謂不以人廢言也。至於以市恩歸咎臣下。朕不為也。何則。條陳在臣下。而允行則出朕旨。臣下之承流宣化。即朕之恩施臣民也。若臣下

恐居市恩之名。而將應行之事。格而不行。以致膏澤不能下逮。朕實不忍。其賞給漢軍兵丁生息一事。豈可因李禧陳奏而中止。著交部定議。恭繹

訓言仰見

聖謨廣遠。勤民求治之道。實為包舉靡遺。夫人臣事君。惟在秉公持正。任事實心。於旗民利病。據實上陳。因不當懷市恩邀譽之念。但諸臣等若豫存此見。將一切應行陳請。加恩事件。匿不以聞。則下情何由上達。且臣下心迹之公私。惟係乎其人。在深知獻納之義者。嘉謨嘉猷。入告我后。而順之於外。曰。惟我后之德。

此歸美於上。誼所當然。若挾私干譽者。即實係恩出上意之事。方將讓為己功。揚言於眾。尚安冀其有忠君體國之心乎。是市恩與否。惟在諸臣問心自省。朕斷不以此逆億。况各省雨暘豐歉。及小民疾苦。豈朕所能周悉。若內外諸臣。相率緘默。何以抒下情而宣上德耶。茲仰誦

遺謨。特為剴切申諭。凡諸臣應行奏請。加恩事宜。務當臚陳入告。切不可迹涉沽譽。恐因此獲譴。引嫌不奏。則甚非朕殷殷圖治。諮詢民瘼之意矣。至於封章入奏。理宜慎密。所謂君不密則失臣。臣不密則失身。

內外諸臣。果實心為國。於裨益政治民生之事。封達朕前。即至親密友。亦不可稍有洩漏。是又在諸臣屏去私衷。各行謹論。朕實有厚望焉。○又

諭。從前已故御史曹錫寶。曾經參奏和坤家人劉全倚勢營私家貲豐厚一事。彼時和坤正當聲勢薰灼之際。舉朝並無一人敢於糾劾。而曹錫寶獨能抗辭執奏。殊為可嘉。不愧諍臣之職。今和坤治罪後。查辦劉全家產。竟有二十餘萬之多。是曹錫寶前此所劾信屬不虛。自宜加之優獎。以旌直言。曹錫寶著加恩追贈副都御史銜。並將伊子照加贈官。給予廕生。○五

年

諭。朕勤求治理。明目達聰。令都察院步軍統領等衙門。接到呈詞。即行奏明申理。以期民隱上通。不使案情稍有屈抑。但國家設官分職。自有等差。各省民人遇有屈抑之事。本應先赴州縣衙門具控。如審斷不公。再赴該管上司呈明。若再有冤抑。原准來京控訴。但外省由府縣而上至督撫。豈無一二公正之員。何至無從昭雪。乃近日來京呈訴之案。殆無虛日。其中多有以閭閻細故。瑣屑上控。甚或挾嫌圖詐。任意株連。並聞有不肖之徒。以不干己事。挺身包攬。糾斂錢文。

作為資斧。既遂貪心。復稱仗義。此等秀民。平日賦稅則任催不納。詞訟則抗斷不遵。地方官決獄催科。小施刑罰。輒即捏詞上控。希圖報復。似此逞刁滋訟。若不稍示限制。於人心風俗。殊有關係。向來民人越訴。定例暴嚴。而藉端傾陷。赴京告訐。歷有明禁。嗣後各省軍民人等。凡有赴京呈控之案。如果係實在冤枉。曾赴該管上司控訴。仍不准理。或批斷失當。及關涉官吏。執法營私者。審明得實。自當將原審各員。及所控官吏。按律辦理。若未經在本籍地方。及該上司先行具控。或現在審辦未經結案。遽來京控告者。即所

告屬實。仍當治以越訴之罪。著傳知都察院步軍統領等衙門。遇有外省民人來京呈控之案。具奏後交刑部訊明。如係越訴者。即按例先行懲治。再將本案審辦。○又

諭朕恭閱乾隆六年

實錄。內載左都御史劉統勳奏二疏。一以大學士張廷

玉歷任

三朝晚節當慎。乃外間輿論。動云桐城張姚二姓。占卻半部指紳。此即盈滿之候。傾覆之機所伏。請令張廷玉會同吏部。將張姚二姓部冊有名者。詳悉查明。若

係親房近支。累世密戚。開列奏聞。三年之內。停其升轉。一以尚書公訥親承辦事務太多。任事過銳。請量行省減各等因。詞義極為嚴正。其時我

皇考整飭綱紀。勵精圖治。大臣中尚無私法行私者。即張廷玉訥親二人。亦無款蹟可指。而劉統勳獨能抗疏指陳。豫防盈滿。其意自己見及張廷玉訥親聲勢赫奕。形迹之間。晚節難保。故為此防微杜漸之奏。迨數年後。張廷玉因事獲譴。訥親身罹重罪。果如老成先見。是劉統勳立朝風節。實能侃侃不阿。是以仰蒙皇考眷注優隆。用為大學士。身故後飾終備禮。易名之

典。

賜諡文正。而其子劉墉亦權任綸扉。受

恩兩世。可見臣工建白。惟當於用人行政諸大端。剴切敷陳。以收兼聽並觀之效。不在毛舉細故。敷衍塞責也。即如和坤從前專擅貪贖各款。若諸大臣及有言責者。能早為參奏。

皇考必立將和坤懲治。和坤亦不敢恣意妄行。是轉可保全末路。何至釀成巨案耶。嗣後臣工等居心立言。皆當以劉統勳為法。其大臣中有所管事務雖多。並無私弊者。固不必有意苛求。儻所管事務雖少。而有

專擅營私不公不法等事。即當據實指參。以期肅清朝列。裨益政事。君臣一德。庶幾可望郵治矣。○六年

諭。從前和坤總理吏戶刑三部。事無鉅細。俱係伊一人主見。其餘止隨同畫稿。專擅已極。朕親政以後。曾明降諭旨。裁去總理之名。年來各部院大臣。尚能小心謹飭。而吏刑兩部及理藩院政務較繁。是以特派慶柱董誥管理。此亦不過多設堂官一員。俾收集思廣益之效。若一衙門大小事件。俱由一人主持。則其他長貳。皆成虛設。此在管理之員。尚不可有自專之事。况並非管理者乎。嗣後部院大臣遇事。務宜互相商酌。不得偏執己見。若有獨斷獨行實蹟。許監察御史指名嚴參。不得緘默。總期以公事為重。和衷共濟。同寅協恭。以副朕諄諄訓諭至意。○又

諭。給事中馬履泰奏請除外省官員上衙門俗例以歸覈實一摺。甚屬無謂。外省官員承辦公事。有須稟請上司斟酌施行者。原應親身謁見督撫。而為指示。方能辦理妥協。從前督撫中如福康安李侍堯等。往往性耽安逸。俾畫作夜。在署酣飲演劇。不能夙興接見屬員。商辦事務。以致吏治廢弛。實眾所共知共聞者。今馬履泰乃以外省督撫。每日卯辰接見司道文武

職官。挨次傳見。俱為無謂之應酬。豈各省督撫安坐衙署者。不致誤公。而勤見屬員者。轉致廢事乎。至稱上司接見屬員時。列坐閒談。所言亦非盡公事。該給事中並未目擊各省督撫接見屬員如何談論。又何所見而云然。且外省官員。司道以下。均須督撫考察。而府州縣等官。則司道亦應考察。若上司竟不接見屬員。何以知其賢否。况該給事中稱屬員謁見上司。已午方散。往往秉燭莅事等語。屬員等於已午既散之後。正可各在本署辦公。何至事有貽誤。若秉燭治官文書。有何不可。豈得與卜夜沈湎者比。即如朕母

日清晨召見大臣等。面詢一切。隨時指示。實為勤政良法。若如馬履泰所言。各部院大臣。止應在衙辦事。概無庸入直待召。有是理乎。馬履泰妄逞臆見。所奏實為紕繆。著傳旨嚴行申飭。原摺擲還。○又

諭。本日九卿等議駁御史胡鈞璜和靜條奏一摺。胡鈞璜則請令在京王大臣官員及各廟宇鋪戶等分養災民。和靜則奏京師限定賑期。曉諭災民早回鄉里。伊二人雖主見不同。均以各州縣災黎來京就食者多。懇懇過慮。試思各州縣被災百姓。如果紛紛赴京就賑。必因州縣散賑。或侵肥入己。或假手吏胥。從中

冒濫有名無實。致百姓不能存活。棄家覓食。否則人  
 情莫不繫戀鄉土。孰肯舍近圖遠。假如京師辦賑。並  
 不認真。則近者必致失所。遠處災黎。亦豈肯聞風踵  
 至乎。該御史等並未將如何辦賑之法。悉心條奏。其  
 議均不可行。和靜摺內詞意尚無紕繆。毋庸置議。至  
 胡鈞璜請將被水男婦。發給京城內外廟宇。及王公  
 大臣官員鋪戶之殷實有力者。如雇工之例。各處分  
 養。則荒唐已甚。此等被災男婦。令其入廟居住。必致  
 男女溷淆。若責令王公大臣官員等。分撥養。視如  
 雇工。災民必不樂從。難保無別滋事端。且以待賑之  
 民。下儕廝僕。與犯屬發給大臣之家。為奴何異。試問  
 前代救荒之策。有如此辦理者乎。今該御史妄逞臆  
 見。以必不可行之事。冒昧瀆陳。本應照九卿所請交  
 部議處。念其究係言官。若因所奏失當。遽予處分。恐  
 有奏事之責者。因此心生疑懼。緘默不言。但此識見  
 庸陋。亦難勝臺諫之任。胡鈞璜不必交部議處。著斥  
 退御史。仍回本衙門以原官補用。○又

法之處。因令軍機大臣傳到王蘇。詢以平恕有無別  
 項劣蹟。令其據實直陳。旋據王蘇登覆。仍不過稱平  
 恕辦理甄輔廷擅責生員一案。眾心不服。又稱平恕  
 考試生童。並無別項劣蹟等語。平恕前在江蘇學政  
 任內。如果有賄賣生員去取不公等弊。該御史當指  
 明據實參奏。朕必嚴為懲辦。至其因甄輔廷案內斥  
 革生員多名一事。先經照部議鑄職。今該御史以業  
 經議結之案。仍列彈章。並稱或另請簡放。或酌量更  
 調。試思平恕如不勝學政之任。既不宜於江蘇。豈復  
 宜於他省。若平日並無劣蹟。此次復經簡用。益當顧  
 惜聲名。用息浮議。固不肯苛刻以斂怨。亦不應寬縱  
 以沽名。儻平恕約束士子。仍不得當。或另有案據。亦  
 何難將平恕罷斥治罪。豈有國家簡任學臣。因籍隸  
 本省之御史。撫拾前事。一經劾奏。即行更換。是舉錯  
 之權。操之言路。勢必如明季科道紛紛干奏惡習。成  
 何政體乎。所有江蘇學政。仍著平恕去。御史王蘇著  
 交部議處。○又

諭。前日吏部請簡內閣侍讀學士一本。例應輪用郎中  
 一員。將各部郎中按照食俸年分開單進呈。朕閱單  
 內各員。俱非素所稔知。因黃永沛列名居首。資俸較

深是以簡用。今據御史游光繹奏稱黃永沛未經保舉京堂。又係捐班。從前俸滿時。該堂官曾定為不勝外任。恐其人少所表見。並稱資格之說。吏部以之選官。則可。皇上以之用人。則似未可等語。殊屬紕繆。國家用人。才行與年勞並重。本無偏廢資格之理。凡遇開列請簡各員。朕豈能徧識其人。自不得不按其資俸量加權用。此次吏部本內。如果將不應開列人員。蒙混廁入。或將年俸深淺。任意倒置。游光繹自應據實參奏。若黃永沛平日或有別項劣蹟。游光繹見聞果確。亦可列款彈劾。乃該御史並未識黃永沛其人。僅以係屬捐班。遂謂不應簡用。試思從前

皇祖所用李衛

皇考所用李世傑。何嘗非捐班出身。而歷任封圻。政績卓著。朝廷立賢無方。豈謂以資入仕者之竟無人才。又該御史摺內。稱侍讀學士升轉小九卿。數年之間。內為侍郎。外為藩臬。若徒取備員。何以仰副任使。尤為替說。各部司員。升權小九卿後。凡直日奏事之期。經朕隨時召見。必察其才具實在可用者。方予拔擢。豈有不論賢否。但循資按格。即內用卿貳。外用藩臬乎。乃該御史所奏。竟欲於國家用人大柄。持其短

長。又與前次御史王蘇之劾奏。平恕不應簡放江蘇學政相等。明季科道惡習。往往朝廷用一大僚。輒交章攻擊。伐異黨同。最為言職之玷。方今綱紀肅清。豈容以此嘗試。游光繹妄逞臆見。阻撓國是。非尋常奏事失實可比。著交部議處。○又

諭。吏部奏議處御史游光繹請照溺職例革職一摺。昨游光繹陳奏。以朕用人不當。循照資格。且稱黃永沛一員。伊素不知其人。豈皇上有賞拔耶。豈大臣保薦耶。抑係僅循資格耶。詞意狂率。竟欲干與用人大柄。紕繆已極。國家序進官僚。自有定制。部臣循例請簡。原當按其資格。開列具題。朕自必將資俸在先之員。量加權用。徐試以事。原不皆朕所素悉之人。若如該御史所奏。概廢資格。而不論遇有簡放。必須朕素所稔知。則百爾臣工。豈能概行識認。勢必將藩臬舊人。概予錄用。轉私而不公。况藩臬舊人。焉能備內外百官之選。豈該御史不知之人。遂不可任用。游光繹自思伊由翰林擢任御史。又豈素有表見。仰邀賞拔。今乃欲朝廷盡廢資格。而不用。有是理乎。如果部臣開列意為高下。或該員簡用之後。另有劣款。科道等原當據實糾參。今甫經擢用。輒具章阻抑。是用人之

際科道等皆持其短長。此風斷不可長。且朝廷量能授官。亦難保其必無一青。即如簡放大僚。或其平日曾獲咎咎。或偶有不檢之處。若皆索垢求瑕。必致彼此文章攻擊。百計阻撓。成何政體。游光輝率意妄言。本應照部議革職。但念伊究有言責。此時若將伊罷斥。在游光輝矢口妄言。原無足惜。誠恐科道等因此遂自甘緘默。於言路殊有關繫。游光輝著加恩改為降三級調用。嗣後科道等於應奏事件。止當據實直陳。不得因游光輝錫職。相率囁嚅。但必須秉公詳慎。若有似游光輝之阻撓。國是干與非分者。必照例治罪。不能再違恩貸。○七年

諭。御史朱紱奏請寬地方官去思碑例。禁一措所見甚屬非是。守令職司民牧。分應廉潔自矢。撫字為懷。果有善政及民。自必口碑載道。閱久流傳。原不假區區製衣勒碑。粉飾虛聲。

世宗憲皇帝

高宗純皇帝屢申飭禁。意在崇實黜浮。使人皆盡心實政。若如該御史所奏。專以外飾之繁文。驗在官之賢否。如從前甘省。即有抑勒部民製造衣織之事。亦豈盡足憑耶。總之地方官惟在憫恤無華。實至者名自

歸。上年直隸省知縣朱杰錢桂。因盡心賑務。惠逮閭閻。及緣事去官。百姓等愛戴懇留。奏聞後均經格外加恩。朕亦何嘗不以輿論之公。獎循良之績。但不必特寬例禁。致開沽名飾譽之端。且各省從前去思德政等碑。俱經仆毀。又豈有復行建立之理。朱紱不曉事體。著飭行。○又

諭。據砥柱奏署直隸總督熊枚。請將御史費錫章隨往在署幫辦事務。殊屬冒昧。請嗣後嚴飭在京大臣奉命署理督撫者。不得援以為例等語。所奏甚是。御史係屬言官。本非大臣。可以隨帶之員。前熊枚奏懇將

費錫章隨往。朕即覺其所奏未協。因伊署任暫時。姑允所請。嗣熊枚到任後。旋據奏稱先令費錫章回京供職。業經批諭該署督奏請帶往。原屬冒昧。並令費錫章即行回京。今砥柱適有此奏。與朕批諭適相符合。國家設官。內外各有體制。督撫身任封疆。自司道以下。皆係幫同辦事之人。至署中一切案牘。自有幕友襄理。若由部院簡放督撫者。皆得各帶所屬司員前往辦事。恐司員等揣知該堂官堪膺外擢。豫為趨奉。一經簡放督撫。即可帶往辦事。補用道府。易啟屬官營求之弊。亦不可不防其漸。嗣後在京部院大臣。



除有兵差審案等事。仍准隨帶司員外。其簡放督撫及署理督撫者。不但不准請帶御史。即所屬官員。亦均不准奏請隨帶。如有違例陳請者。即著交部議處。以肅政體而杜弊端。○又

諭。本年八月朔日。食九分有奇。望日又值月食。朕仰惟上天示儆。戰兢惕勵。時深悚懼。愧無以格。

吳佑而弭青災。因命軍機大臣恭查乾隆年間日食時。皇考節次所降德音。內載乾隆二十三年十二月朔日。食八分。望日亦值月食。恭奉

諭旨。省過求言。仰見

皇考持盈保泰之盛心。今一月之間。雙曜薄蝕。而日食至九分有奇。視八分殆又過之。朕觀象省躬。惟恐用人行政。或有闕失。朝夕寅畏。莫敢或違。而四海之千萬民之衆。或智慮未周。德意未孚。心甚歉焉。凡內外大小臣工。佐襄郵理。各宜勤思職業。恐懼修省。尤當齋心研慮。於朝廷政治。安內甯外之大者。剴切敷陳。謹言無隱。即如勦捕川楚邪匪一事。七載於茲。現在軍營連次克捷。已將著名首逆。殄除殆盡。而一二敗殘餘孽。尚在逋誅。或應靖以兵威。或應迪以德化。諸臣苟有真知灼見。不妨據事直陳。此外政事措施。或

有不便於民。及一時行之日久。易滋流弊者。均當指陳利害。匡朕不逮。但不得毛舉細故。摭拾浮言。如條陳更改部院則例等事。試思現行則例。皆前人諮謀審定。可垂久遠。若其中有應因時變通者。我

列祖

列宗。早經斟酌盡善。朕監

成憲。不敢輕更。而在廷諸臣才識。又豈能邁越前人。輒思更改舊制乎。况近日臣工條奏改例之事。交議後。往往有格礙難通。仍行駁斥者。徒勞奏牘。於政事何補。若能於國計民生。實有裨益。朕因言求治。可見施行。此乃修德之大者。至月食修刑。見諸載籍。但人命至重。總當慎審於平時。原不待月食始懷於恤。况以肆赦為修刑。本非善政。昔人亦曾言之。我

皇考明降

諭旨。申諭甚詳。誠以刑以輔德。道貴協中。若徃於救生不救死之俗論。將行兇釀命之犯。有心輕縱。不顧死者銜冤。是欲博寬大之名。而轉失平允之道。所謂修刑者安在。夫修刑之實。惟當於定讞時悉心研究。無枉無縱。使生者死者。兩無所憾。方有合於詳慎庶獄之意。即停免勾決。開一舉行。閱歲仍當予勾。並非施

恩以貸姦究。總之為人君者。克儆

天戒。修德修刑。惟在本身徵民。規乎遠大。所謂應

天以實不以文。朕與在廷諸臣所當交修共勉。自大學

士九卿科道及應行奏事者。其詳繹諭旨。各行所見。

即時陳奏。朕將採納焉。○又

諭。御史王甯焯奏請重軍機大臣責成。以肅論言一摺。

自雍正年間初設軍機處。於大學士各部院尚書侍

郎中遴派數人。在內行走。本為籌辦軍務。而各直省

寄信事件。以及在京各衙門遇有應降諭旨。勢不能

紛紛令羣工承繕。是以俱由軍機處擬寫交發。令事

有統彙。以昭畫一。是軍機大臣承旨書諭。並非將臣

工翊贊之職。盡責之此數人也。內外滿漢大臣俱經

朕特加擢用。誰不宜盡心匡弼。必專責之軍機大臣。

則其權過重。若承奉諭旨之事。軍機大臣得以力阻

不行。則外人又將以攬權指摘矣。况我朝

列聖相承。乾綱獨攬。

皇考高宗純皇帝臨御六十年。於一切

綸音宣布。無非斷自

宸衷。從不令臣下阻撓國是。即朕親政。辦理庶務。悉遵

皇考遺訓。雖虛懷延納。博採羣言。而至用人行政。令出

惟行。大權從無旁落。朕初閱該御史所奏。以為必有指陳時務。臚舉切要者。及詳閱摺內。乃專指上年停止前往盛京一節。謁

陵展敬。為登極後應行大典。朕彼時明降諭旨。於六年

秋孟啟行。事關禮制。豈臣下所可阻止。嗣因御史沈

琨張鵬展等以軍務未竣。懇請展期。交王大臣等會

同妥議。以為應如所請。是以降旨暫行停止。即上年

春閒曾有旨巡幸木蘭。後因夏閒雨水過多。亦停止

秋獮。此皆朕臨期酌度。豈軍機大臣能於春閒即逆

料夏雨情形。豫為阻止耶。至該御史稱鑿輅所經地

方官早為備辦。永平一帶。糜費已多。不能開銷等語。

謁

陵諭旨。係五年十一月初二日頒發。至六年正月二十

七日降旨停止。為時無幾。且距七月啟鑿之期。又遠

地方官有何豫辦不能開銷之處乎。至該御史所奏

前諭已發。復行改擬。不敬於先。遂致不信於後等語。

試思前史所稱為詔令不信者。如恩旨已降。或應行

蠲貸而實未均霑。或業已豁免而仍行科斂。我國家

曾有此等事乎。至於明發諭旨。有經朕再四思維。尚

有未盡周妥之處。或臣工陳奏未便。因而復行停止

者。此正欲事臻盡善。故不厭反覆精詳。若必迴護前旨。固執己見。勢將文過飾非。蹈言莫予違之習。豈古帝王從善如轉圜之道乎。又所稱軍機大臣昧於大體。不當僅於語句筆畫小誤。始行自請議處。所論亦屬非是。謄寫諭旨。雖係章京之責。但軍機大臣於進呈事件。理當敬謹校覈。既有錯誤。自應請議。况朕亦時加寬免。何嘗僅於細務加之責備耶。國家設立言官。原期於國計民生。指陳利弊。近日科道陳奏。其略有確據者。朕無不立加根究。即如朕權用明安。因御史汪鏞參奏闖鴉一案。經軍機大臣會同刑部審出。明安聽情受賄情節。請旨解任。當即將明安革職。至定擬時。承審大臣奏請發往烏魯木齊。又經特旨改發伊犁。而汪鏞印子升權。何嘗不獎言路以宏採納。但其數奏毫無指據者。安能概予施行。現在邪教餘匪未淨。科道等並未將如何設法緝辦。如何籌及生計。及工竣後如何辦理善後事宜。即外省地方倉庫如何積貯充實等事。一一酌籌切實具奏。而直隸州縣被災飢民。節次發帑設賑者。至二萬五六千人。現又於城外增添飯廠。亦從未有御史一言奏及其曉曉瀆奏者。如用平恕則王蘇以為不應復任江蘇學

政。用黃永沛則游光繹以為不應僅循資格用人。黜陟為朝廷大柄。該御史等於諭旨既發後。欲奏請撤回。而王甯焯於應行改撤之旨。轉以為不宜更易。若國家用人行政。其是非得失。悉聽諸言官臆說。勢必假公濟私。把持朝政。如明李科道劣習。亦豈能於朕前嘗試耶。王甯焯所奏謬妄。著將原摺擲還。嗣後科道等遇有應行陳奏者。仍直言無隱。毋似此率意妄陳。自干咎戾。○又

諭給事中魯蘭枝奏本年木蘭行圍請旨展期一摺。實屬不知我國家典故。行圍之事。在前朝則為盤於游田。在本朝故因

家法昭垂。舉行已久。凡以習勞肄武。款洽外藩。

宗成憲具在。朕所以必當遵守。前經降旨甚明。毋庸一申諭。即就該給事中摺內指陳各條而言。亦斷不能因此遽停秋獮大典也。如所稱本年麥收不足六七分。之數。現在麩價仍貴等語。直隸麥收。前據熊枚奏通省實有七分。即閩有歉薄之區。牽算不滿七分。亦總在六分以上。若如該給事中所言。豈必待十分豐收之歲。方可行圍乎。又據稱物價倍之又倍。物力

艱且益艱一節。國家生齒日繁。物力艱難。勢所必至。固不因行圍而物價頓增。亦豈因停圍而遽能平減耶。再該給事中慮及近日錢價增昂。更與行圍無涉。此事朕未嘗不多方調劑。或加卯鼓鑄。或搭放俸餉。總未能減落。推原其故。皆由年來所發內帑過多。輾轉流通。以致銀價日賤。錢價日增。即現在有軍務省分。因鼓鑄稀少。錢價亦多昂貴。此近日情形。大率如此。亦不必因停圍即驟能平價。至隨圍官員兵丁。向例俱賞給幫銀。並豫支俸餉。用示體恤。豈伊隨從需費。而家中即無需食耶。至謂草價稍貴。幾文錢。此乃瑣屑細故。朕即因此降旨停圍。有是理乎。該給事中。所稱展至明歲。或展遲一月。於中秋節後啟鑿。其時秋氣晴霽。道路橋梁。易於集事等語。上年秋間。即因雨水過多。降旨停止秋獮。本年七月內。若果雨勢稍大。差探道路橋梁。艱於行走。自必改期八月。僅八月內。仍復陰雨泥濘。亦必降旨停止。朕非剛愎自用。不聽人言之主。斷無執意必行之事。又何待該給事中。總總慮耶。總之魯蘭枝此摺。不過藉此諂附於昔人諫獵章奏。而並不權事理之能行與否。甚屬邀譽沽名。若不降旨宣諭。伊等又必以為疏入留中不報。

矣。言官之言必當聽。若不經之警說。朕亦不肯沽納。諫賢主之名。聽而用之也。魯蘭枝原摺著擲還。○又諭。朕惟求治之道。必期明目達聰。廣為諮詢。庶民隱得以周知。古帝王懸鞬設鐸。自臣下以逮士庶。悉令各陳所蘊。以備採納。但必視其言之有當與否。如果指陳確實。有裨國是。即無言職者。亦當加採錄。僕率逞臆見。妄意紛更。甚至秀言亂政。雖係言官之言。亦不可輕為聽用。近來科道中。每有奏事失當。經朕降旨駁斥。此係權衡事理。隨事訓飭。並非懶於辦事。怠惰偷安。朕承

皇考付託。曷敢不勤政事。若言官誤會朕旨。遂爾相率緘默。轉非朕廣開言路之意矣。本日據步軍統領呈遞陝西恩貢生加捐州同職銜何泰條奏一件。朕詳加披閱。其所陳敬

天勤民。敦崇治本。澄敘官方。整飭士習。以及黜奢崇儉。挽回風化。各大端。俱能援引古書。切陳時事。其中不無可採。何泰係恩貢出身。加捐州同職銜。非齊民可比。果有志上進。於鄉會試中式後。原可臨軒試策。直陳無隱。今行陳各款。於風俗人心。均有關係。且文理亦屬通順。著加恩賞給大緞二疋。交祿康將伊傳到。

祇領。並諭何泰回家安靜讀書。勉圖進取。以備量材錄用。所有原遞各條。留備省覽。○又

諭。昨日據董誥等查議給事中魯蘭枝奏吏部將額外司務吳侍曾越次攬補等因一事。已降旨將堂司官分別察議議處矣。惟據該給事中等稱吳侍曾係尚書劉權之取進入學。誼屬師生。來往甚密。外間噴有煩言一節。不可不詳詢明確。復令董誥等傳到魯蘭枝施履亨吳侍曾。與劉權之當面質對。茲據奏稱詢之該給事中等。均稱外間係何人所說。不能指出姓名等語。科道等職司糾劾。原許風聞言事。其奏

不實者。亦有應得處分。今魯蘭枝施履亨叅劾吏部堂司官。其疏漏之處。已查詢明確。該給事中等原奏或因該部辦理未協。致滋浮議。據以入奏。既經公同詢明。並無他弊。該給事中所奏。已非虛妄。何必務求其人以實之。復為此風影無據之談。藉以塞責乎。劉權之身任吏部尚書。居六曹之首。苟非實有款蹟。豈可任情汗鱗。至六部堂司各官。原無師生迴避之例。如果堂官有意徇私。即其門生不在本部所屬者。亦可報轉請託。若竟係營私受賄。又豈必誼屬師生。始有情弊耶。朕召見吏部各堂官時。曾詢及此事。僉稱

奏留吳侍曾。實係意見相同。豈有劉權之因係師生。轉行遏抑之理。該給事中所稱來往甚密。噴有煩言。全屬懸揣虛詞。毫無指實。若如此任意摭拾。甚或有交通賄濁等語。即續經辨白。已成瑕玷。科道為朝廷耳目之官。如大臣中實有營私舞弊。據原應列入彈章。以儆有位。即朕有失德。亦可犯顏直諫。朕必樂從。若徒託空言。汗人名節。以自見風厲。豈用言官之意耶。魯蘭枝施履亨均著傳旨申飭。

欽定大清會典事例卷一千三

都察院

憲綱

翰旨六

嘉慶八年

諭

近來各省民人控告之案。據都察院步軍統領衙門陳奏較多。朕隨時披閱。大率皆地畝銀錢及差役把持土豪陵壓等事。因本處地方官不為速結。或致控斃人命。案越多年。無所控告。始不得已。攢湊盤費。跋涉道途。來京呈訴。此等尋常案件。當其控告之初。原不難隨時辦理。無如外省積習廢弛。因循怠玩。其視民間爭訟細故。以為無足重輕。任意延閣。不以公務為重。惟知剝削肥己。實為可恨。殊不知小民等致釁之由。原不在大。即如數十金錢債之事。在地方官不以介意。而小民生計攸關。賴以度日。若不迅為剖斷。計無復之勢。必情急上控。此等民人。既經到京呈控。自不得不徹底究辦。而一經發交該省。該督撫等。非袒庇屬員。即瞻徇前任。往往以誣告審結。民隱終不上聞。若欽差嚴審。則控案繁多。又焉能一一派員前往疲勞驛傳。且外省尋常案件。俱必俟赴京呈控。始為申理。又安用各地方官為耶。嗣後各督撫當嚴飭

諭

屬員於地方詞訟。申詳事件。務須依限審結。不得遲逾。即自理詞訟。亦須迅速完結。設有久延不結之案。在本省上控。該督撫等。尤當迅速催結。將延玩之地。方官照例參處。儻督撫等。徇於積習。仍不秉公查辦。任意延宕。以致小民抱屈含冤。遠來呈訴。審明後。必將該上司一併嚴懲。不稍姑貸。○又

諭

大學士會同禮部議駁給事中永祚奏請伊犁地方設學一摺。所駁甚是。伊犁地處極邊。多係索倫錫伯察哈爾額魯特游牧之地。迥非烏魯木齊建立府廳州縣。設有學額者可比。該處毗連外域。自當以嫻習武備為重。若令其誦讀漢文。勢必荒疏技勇。風氣日趨於弱。於邊防大有關礙。且屯田民戶。及流寓商賈。來去無常。亦未必盡能讀書識字。儻伊犁地方增設學額。則吉林黑龍江等處。煙戶繁稠。不更當奏請設學額乎。此事如係漢員陳奏。或尚云未能深悉邊地情形。永祚身係滿洲。乃以斷不可行之事。撫拾陳請。大屬不曉事體矣。至該給事中摺內稱派官犯生監充當教習。及效力贖罪之科甲出身廢員充當主試。必係見在伊犁官犯中有伊親友在內。故有此沽名取巧之奏。希冀為伊等邀恩地步耳。永祚著傳旨申

飭○又

諭御史體德奏扎郎阿之子圖薩業已蒙恩釋放請飭令扎郎阿出埋葬銀兩交與伊炳阿之親屬具領等語此奏似是而非向來刑部定例凡過失殺人及留養承祀者均分別追出埋葬銀兩給付死者之家原以過失殺人實係思慮所不及耳目所未周而留養承祀之人聲明親老丁單是以均不擬抵追給埋葬銀兩免罪釋放使情法兩得其平若圖薩踢傷伊炳阿身死一案係屬鬪毆斃命經三法司審明按律定以絞候日前所以降旨將圖薩釋放者止因伊父扎

郎阿管理太常寺事務有年典禮熟諳於

南郊大祀一切引贊趨承恪恭妥協細覈伊子圖薩與伊炳阿爭毆情節究屬誤傷明年辦理秋讞亦不應在情實之列是以格外施恩將伊杖責仍交扎郎阿帶回在家嚴行圍禁此不過於圖薩原擬罪名量為末減同一羈禁免其久繫囹圄與過失殺人留養等項判然不同何所用其追給埋葬銀兩乎若如該御史所奏凡大臣子弟中設有鬪毆命案俱准其交銀給付死者親屬而應抵之罪概從寬釋則大臣子弟更易藐法滋事甚至有行賄私和等弊轉非朕教誠

矜全之意矣體德所奏斷不可行○又

諭給事中魯蘭枝奏圖薩踢斃伊炳阿一案本係鬪殺罪名部臣照誤殺之例辦理已屬從寬且以甫經定案監候尚未得經秋審即蒙恩予以釋放似末減之外又有末減等語所奏非是此案圖薩踢傷伊炳阿斃命當經三法司審明即從鬪毆本律擬以絞候經朕詳覈其起釁之由實緣伊炳阿與圖薩先有口角迨其昏夜尋鬪圖薩欲向撲毆因家人倪三攔住欲行踢開適踢傷伊炳阿致命身斃念其究屬誤傷尚非恃強逞兇明年辦理朝讞亦不應在情實之列適

恭值

南郊大祀念伊父扎郎阿典禮熟諳趨承敬謹特格外施恩將圖薩寬釋仍予以滿杖交伊父在家圍禁毋許出外滋事並非去司衙門初定案時竟援照誤殺之條遽為開脫且原降諭旨令大臣等嚴行約束子弟若因有此旨而故為犯法者必當從嚴懲辦該給事中於朕一再申諭之旨甯未寓目耶至摺內稱圖薩雖經奉旨嚴行圍禁但止在其家究尚不如宗室獲罪圍禁高牆猶必在宗人府衙門之內等語更不成話凡係宗室獲罪之人原以其派屬天潢未便與

尋常人犯一體在刑部拘繫。是以圈禁高牆。即與監獄無異。並非減其罪名。仍加圈禁。與圖薩迥然不同。所奏尤屬牽混。夫生殺予奪之權。操之自上。即如每年秋讞大典。其緩決人犯。向不呈進黃冊。所辦者皆係情實之犯罪。在不赦原無可寬。朕體

上天好生之念。於萬無可貸之中。擇其有一綫可原者。免其勾決。若科道等以經朕寬宥一人。輒欲拘照例文。持其輕重。紛紛瀆奏。勢必至如明季臺臣把持朝政。肆意妄陳。此風斷不可長。從前

皇考高宗純皇帝以舒赫德李侍堯等身獲重譴。屢經議死。旋蒙

俯賜矜全。復加重用。迨朕親政以來。以明亮勒保永保。景安辦理軍務稽遲。先後降旨。拏問均已定擬重辟。亦經朕法外原情。棄瑕錄用。予以自新之路。我朝家法刑賞大權。悉由乾斷。若朕赦一人。用一人。該科道等即欲執簡而爭。尚復成何政體。豈不蹈勝朝陋習耶。朕非拒諫飾非之君。然亦不肯庸懦自居。博納言之虛名。受莠言之實害。大臣等尚不敢攬生殺之權。犯則必誅。魯蘭枝竟敢以此嘗試。欲擅朝政。朕斷不能允准。况扎郎阿與朕有何私恩。圖薩仍行圈禁。並

未免罪。曉曉置辯。其意何居。且朕廣開言路。原欲科道中直陳。近年科道中如汪鏞之奏。明安。日內王。麟書之奏。祿康等。俱經朕以持正嘉獎。即本日賈允升同有條奏。請恭纂

皇考高宗純皇帝本紀。其奏甚是。現已准行。朕於臣工嘉言謏論。無不詳加採納。若如魯蘭枝此奏。實屬率意妄陳。竟欲干預刑名大柄。不可不示以懲儆。魯蘭枝著交部議處。嗣後言官遇有關繫國政民生諸大端。仍當切實敷奏。朕必嘉其公直。若所奏謬妄不經。朕惟執法。不能曲為原宥也。又

諭魯蘭枝前奏圖薩踢斃伊炳阿一案。並不明悉案由。惟以前降諭旨內所敘情節。係圖薩欲將家人倪三踢開。誤傷伊炳阿致斃。誤字出於朕旨。並非該部錯擬。魯蘭枝將誤殺二字。轉輾糾纏。實屬謬妄。此案經朕量予施恩。復明白曉示。大臣子弟等各宜加意檢束。仍將圖薩在家圈禁。並未除其罪名。魯蘭枝豈不知之。乃於業已施恩之案。曉曉不休。意欲干預刑名大柄。是以降旨將伊交部議處。今據吏部議以革職。本屬咎所應得。姑念魯蘭枝究屬言官。若因此將伊斥革。恐科道等不曉事體。妄謂魯蘭枝因言事褫職。



相率緘默。且此事若係滿洲臣僕如此妄言。朕必照部議行。魯蘭枝係屬漢員。書生迂腐。罔識政體。著從寬改為降三級調用。若各科道因朕懲治魯蘭枝。遂不敢陳奏事件。則大非朕意。朕節次降旨廣開言路。其條陳可採及叅劾得實者。無不立予施行。或量加升擢。如魯蘭枝之懷挾私心。妄陳臆見。是直蹈明季臺諫陋習矣。豈可置之不問乎。嗣後各科道等。惟當勉思職守。如果於興利除弊。確有所見。或部院及外省本籍辦事。有應叅劾之處。仍應剴切敷陳。朕必加之嘉納。慎勿謂魯蘭枝以妄言獲咎。遂自同寒蟬也。

○又

諭。昨因顏檢奏江南上元縣民龐大椿呈稱節次在都察院衙門呈遞策語。經陳嗣龍繼善等許可其策。並不代為陳奏。特命軍機大臣傳訊陳嗣龍。令其將因何不奏之處。明白迴奏。茲據陳嗣龍繼善等均稱。從前在該衙門具呈者甚多。凡有呈詞。俱各公商。分別應奏。應咨。辦理。如或有鈔襲膚詞。尚無違悖字句者。當即將原呈發還。伊等於龐大椿未經咨部遞解。自認拘泥。均請交部察議。本日復據步軍統領衙門具奏。拏獲龐大椿素識之龐洪智及伊親屬沈德祥到

案。並訊據龐洪智供出於嘉慶五年間。曾親見龐大椿赴都察院呈遞策語。該堂官當發司坊官看守三日。將原呈擲還。令其往各督撫並河漕諸衙門呈遞。嗣後龐大椿復向都察院具呈。仍不接收。並稱還是遵旨還是遵你等語。此等草野無識之徒。妄思獻策。希圖倖進。雖經降旨飭禁。然該民人等既經冒犯功令。或所抒陳竟有可採之言。有裨國政。亦未可概行擯而弗錄。該衙門堂官。自應將呈詞代為陳奏。候旨遵行。若竟有別項違礙字句。更當奏請嚴辦。儻呈詞瑣細不成文理。亦應咨交刑部遞解回籍。交地方官嚴行管束。乃都察院堂官等於民人龐大椿遞呈時。既不代奏。又不將伊遞回。轉令其向外省衙門投遞。是何意見。至所稱還是遵旨還是遵你之語。尤不成話。國家廣開言路。原不妨詢及芻蕘。其僅止撫拾浮詞。希冀邀榮者。於例本應飭禁。但既有違例冒瀆之人。亦應將原呈奏明候旨。或免其究問。或量予懲治。若似此一味含糊。壓閣不辦。內外蒙混。恐啟壅蔽之漸。除馮光熊業經身故毋庸置議外。陳嗣龍繼善伊二人。僅自認拘泥。懇請察議。此非拘泥。乃觀望耳。著改為交部議處。此外公同商議之都察院堂官。並著

吏部查取職名一併分別議處。又

諭給事中汪鏞奏據捐職照磨金庚嶺呈遞封口摺件懇求轉奏當將原封進呈該給事中職司言事於此等呈遞封摺即行奏明呈覽使革野數陳不致壅於上聞所奏尚是至金庚嶺陳奏各條朕詳加披閱尚均與時務有裨如所稱申禁私用槍棒一條小民等生長昇平自應循分守法是以私藏軍器本干例禁收繳烏槍歲有常令鄉閭無賴之徒即不敢擅用烏槍或執持刀棒各項軍械開場鬪舞賣藝斂錢而無知惡少被其愚惑必致結黨逞兇釀成事端地方官等自當申明嚴禁其械馬流伎以至扒杆盤槓蹬鐔搬梯等事男女混雜最為風俗人心之害從前教匪首逆齊王氏即係械馬倡伎始則淫蕩惑人旋且勾結滋事亦應申嚴例禁以正民風至職官莅任多帶官親僕役稽察難周以致百弊叢生實所不免即如前次王慶簡放長蘆鹽政時朕詢之伊父琳甯據稱外薦長隨有百餘人實屬可鄙當經降旨諭令裁減此等外官積習該督撫自當通飭屬員定以限制至於同寅會賭文武同局或堂屬合場尤為有玷官方必當嚴切查勘至審理獄訟本有定制若州縣等違

逾不結或任胥吏勒索耽延民間苦累難堪往往致來京籲訴案牘繁滋如朕日理萬幾遇有應行查辦之事即飭所司訊斷從無稽閣地方官果能似此急公自矢則依限審結獄訟自當減息而閭閻亦不致為所朘累又所稱肅營伍以重戎政查關津以便行旅國家修明武備訓練本有常經設立關郵稅權亦著有定額如果有廢弛抑勒等弊自當嚴行整頓其清除漕糧潮溼虧折之弊及將運丁應領餘米羨剝等銀全抵茶果二款是否可行著倉場侍郎詳細覈議具奏又據稱敕令河督等派官辦理埽料及豫防隄堰二條均係為河防起見金庚嶺著即以本職前往豫省河工交與那彥寶等差遣委用如該職員到工後果能勤奮辦公有格外出力之處著那彥寶等於銜工合龍後據實保奏加恩錄用汪鏞摺並金庚嶺條陳各款並發。又

諭都察院衙門代表革職主事魏若虛呈遞封事一摺魏若虛係屬廢員非例應具摺奏事之人伊向都察院衙門呈遞時該堂官等即不應遽行收受即使代為奏遞亦當將原封進呈何以令其拆封並逐加披閱分別可行與否此與該堂官等自行拆閱何異除

將魏若虛原奏各條另行降旨外。所有都察院堂官著先交部察議。○九年

諭浙江巡撫阮元議奏給事中蕭芝陳請採買海運難於舉行一摺。上年豫省衝家樓漫溢之後。黃水下游由山東張秋穿運徑行。運道不無妨礙。自應就現在應行事宜。亟為籌畫。經朕特派那彥寶前赴豫省。會同嵇承志等上緊堵築。並派費瀆前往山東。會同鐵保設法辦理。運道挑挖淤淺。疏導泉源。並於各決口溜急之處。詳細籌備。續又降旨。有漕省分各督撫。催令幫船及早開行。現在豫省堵築工程。已得十之七

八。其餘亦均辦有頭緒。誠以重運北來。至關緊要。是以前次不憚煩勞。妥為經理。而外間議論紛然。即有以山東運道難通。宜改為海運者。而給事中蕭芝竟以此入奏。朕原知其窒礙難行。若不交議。則無識之徒。或疑朕不能虛衷採納。是以彼時未經降旨。將原摺擲還。仍發交江浙各督撫。妥議奏聞。並諭令毋存成見。前據陳大文汪志伊奏事屬掣肘。不能辦理。而本日阮元摺內。亦稱海道險遠。不敢輕試。且現無舊辦章程。堪以循照。若於額漕之外。再為採買。必致有妨民食。實不能輕議舉行等語。該督撫等久任封圻。

諳習政務。前後所奏。不謀而同。是其事之不可行。較然共見。並非朕自行獨斷也。所有蕭芝原奏。著毋庸議。科道等有言事之責。若果於朝廷政務。實有裨益者。自當切實敷陳。朕必加之採納。若以必不可行之事。率臆瀆陳。輕更成憲。則非朕周咨博採之意矣。○

又

諭科道為朝廷耳目之官。責任至重。凡政治利弊攸關。如有真知灼見。自應據實上陳。直言無隱。乃近年各科道等。多有摭拾浮詞。毛舉細故。封章入告。徒博建白之名。而敷陳毫無實濟。且每遇查辦事件。率於事後紛紛條奏。即如日前查出戶局銅斤虧短一案。後科道即相率以銅斤章程連篇具奏。此次吏部書吏舞弊壓缺一案。業經查辦完竣。而昨日御史韓克均始有詳校則例之請。已諭令各部院堂官議奏。本日給事中費振勳。又有請定章程。以肅銓政之奏。此二事皆非科道所劾。及至發覺之後。始行補奏。殊失言事之任。部中例案。均關緊要。各科道等。既知姦吏舞弊。結習思欲立法除弊。自應早行陳奏。豫杜未萌。况吏科及河南道。係稽覈吏部事務。職有專司。尤宜隨時查察。儻風聞有書吏舞弊之案。即當立時劾奏。方

為無忝厥職從前

皇考高宗純皇帝時。曾有因外省吏治廢弛。而本籍科道未經參奏者。均經量予處分。此在距家已遠之言。官尚因其漫無聞見。示以創懲。况科道與部院同係在京供職。又有糾參之責乎。今該給事中等於應行稽察之部務。並不於事前陳奏。迨至弊端發覺。始行臆款上聞。殊屬非是。但念事屬既往。姑不深究。各該科道等均著傳旨申飭。嗣後惟當共相勉勵。實心奉職。遇有國計民生所繫。及官方吏治一切弊端。應行釐剔者。該科道等確有所見。總應先期剴切抒陳。為

杜漸防微之舉。朕必加以採納。切勿徒作事後空言。補苴罅漏。尤不可以捕風捉影之談。輒行執簡而陳。又有諫草已定。復行改易。遲迴觀望。皆非忠正入告之道。所有費振勳原奏。著交該部一併歸入詳晰議奏。又

諭本日副都御史陳嗣龍參奏北城橫街地方編修朱方增家有賊夥突入捆縛事主孫宗起一案。該吏目冷暄同都司佟國良赴伊宅內懇請暫緩行文。希圖諱盜不報等語。已明降諭旨。將該吏目等革職。交刑部審訊矣。朕召見陳嗣龍。並據奏汪承需好逸惡勞。

惟恐早起奏事。又慮礙外省大吏情面。每見有訴冤之人。輒云一面之詞。何足憑信。現在北城捆縛事主一案。恭阿拉本云應奏汪承需。則稱此事全是虛詞。以致京畿道轉向事主究訊。該吏目係應參之人。公然自己審訊。甚至謂捆縛事主。乃其自己所為。人人不服。舒聘入場監臨。欲開通更路。經陳嗣龍告以係傳遞捷徑。舒聘堅持己見。必欲撤牆。及示以條例。始無可置喙。各等語。汪承需性耽安逸。此言不為無因。即如每歲舉行秋獮。為我朝

家法相承。世世子孫必應遵守。汪承需上年奏請停止行圍。全不顧國家習勞肄武大典。其偷安好逸之情。已可概見。朕是以將伊罷退尚書。授為左都御史。臺垣職司言事。遇有控案。尤應據實奏明。申冤理枉。以冀下情上達。若總持風憲者。遇事輒思顛預消弭。何以稱朝廷耳目之官。諸臺臣復何所效法乎。汪承需年就衰邁。眼目昏花。若自揣精力不勝。即應早為引退。乃經朕屢次詢問。尚云勉力供職。並無請告之意。及辦理公事。毫無振作。現在北城捆縛事主一案。陳嗣龍欲咨劄嚴緝。汪承需初亦不以為非。何以繼又稱此事全是虛詞。試思事主若無被縛刀嚇等情。何

必虛為裝點。豈有不緝正盜。轉向事主苦為究詰之理。至謂捆縛係事主所自為。實屬奇談。若云有意誣良。豈有將不知誰何之人。加之誣罔乎。尤出情理之外。著傳到汪承需及審辦此案之京畿道滿漢御史。交軍機大臣將陳嗣龍所奏情節。令其一一登答。恭阿拉於此案初報時。見情節可駭。本云應奏何以耽延數日。並不奏聞。著伊自行明白回奏。至舒聘派令入關監臨。本應嚴除弊竇。關中更道。既係向來傳遞捷徑。久經築牆隔斷。何以必欲撤牆開道。以便作弊。是何主見。亦著將舒聘傳至軍機處。令其據實登覆。

統俟奏上時。再降諭旨。○又

諭外省遇有盜劫重案。州縣官輒思規避疏防。處分諱匿不報。該管上司往往迴護屬員。顛預了事。即如前此邪匪滋事。亦由地方官慮干失察。邪教處分。並不認真查辦。而督撫等亦不及早奏聞。以致輾轉蔓延。養癰貽害。是其始不過欲為屬員倖免。參處。而其後遂釀成地方巨案。朕節經訓諭。力加整飭。方冀積習日漸消除。乃不意輦轂之下。竟有捏供勝詳。如北城吏目冷暄諱盜一案。實深愧恨。此事既經事主呈報。有捆縛刀嚇情節。該衙門即應一面具奏。一面飭緝。

方為正辦。而都察院堂官及步軍統領衙門均不免有迴護屬員之見。意存壓閣不辦。該吏目冷暄聽聞。陳嗣龍畫稿行文北城及步軍統領衙門緝盜。竟敢邀同都司佟國良至陳嗣龍私宅懇求。若非陳嗣龍參奏。特派軍機大臣會同刑部秉公審訊。必不能水落石出。現據訊取供詞。此案呈報都察院。經京畿道訊問事主人更夫等以供詞不甚明確。又交吏目帶回冷暄以微末之員。邀同都司佟國良到坊強逼事主。供認自行捆縛。並誘囑家人陳升令其誣賴伊主朱方增教供。裝點情節。甚至代寫供詞。硬行塗押。事主等手指摹印。晝夜熬訊。必欲將此案化為子虛。殊出情理之外。竟與劫盜無異。此而不嚴行懲辦。何以肅吏治而戢盜風。冷暄挾私故勘。實為案內罪魁。佟國良身係營員。止有緝捕之責。輒敢聽從冷暄先赴陳嗣龍私宅懇求。並違例至坊官署內會訊。意存消弭冷暄。佟國良均著分別從重定擬。即速具奏。汪承需性耽安逸。已於前旨明白宣示。至伊總持風憲。於此案報到時。恭阿拉見情節可駭。以為應奏。而汪承需忽倡為全是虛詞之說。意欲化有為無。以致屬員迎合其意。改供勝詳。且伊年力衰邁。眼目昏花。實

不勝臺長之任。本應褫職。姑念伊係原任尚書汪由敦之子。舊臣後裔。著加恩以二品頂戴休致。舒聘於此案遲延未奏。其咎尚輕。惟伊平日居官。據陳嗣龍奏詢之英和成書自悉。經朕先後詢問。俱言其前任詹事時。有懷私褫革供事一事。同官羅國俊成書欲行參奏。經和坤阻止。彼時舒聘自必有向和坤昏夜乞憐情弊。事經既往。姑弗深究。至本年入闈監臨。將瞭望亭臺階下牆垣。擅行開門。又欲開通更道。此係傳遞捷徑。雖事經中止。然其初心難保。無豫留弊竇情事。特尚無確據。朕亦不為己甚耳。舒聘卑鄙糊塗。斷不勝副都御史之任。著降為公中佐領。如本係兼攝。即專辦旗務。儻未有實缺。著遇缺補用。恭阿拉於盜案初報時。見情節較重。本云應奏。乃耽延數日。若非陳嗣龍參劾。亦未必即行具奏。著與萬甯均交部議處。祿康范建豐於統轄汛地。平日未能督率營員認真緝捕。迨佟國良聽從冷暄。私向陳嗣龍懇求。並違例至坊署會審。已屬失於覺察。乃伊二人經朕召對。猶俱以盜案在疑似之間。為袒護營員地步。僅自請察議。尚屬過輕。祿康范建豐先著交部議處。仍嚴緝正盜。儻日久不獲。決不再恕。陳嗣龍持正直。陳本

應子以甄敘。但汪承需性耽安逸。已非一日。舒聘與陳嗣龍同事有年。行為乖謬。既經稔知。均應早為參奏。何至經朕召見。始行面陳。且陳奏亦不甚明晰。不必交部議敘。餘著原審之大臣等詳悉定擬具奏。

欽定大清會典事例卷一千四

都察院

憲綱 諭旨七

嘉慶十一年

諭朕恭閱

皇考高宗純皇帝實錄內載乾隆五十一年六月欽奉聖諭前據曹錫寶奏和坤家人全兒服用奢侈器具完美恐有招搖撞騙等事著留京王大臣詳細訪查詢問務得實在情形朕於此案總期根究明白留京王大臣不可誤會朕旨將曹錫寶加以詞色有意吹求務須平心靜氣虛衷詳問如果和坤有營私舞弊款蹟不妨據實指出朕必質訊明確如果得實不妨將和坤治罪等因欽此仰見

皇考至公至明纖微畢照彼時御史曹錫寶劾和坤家人全兒各款蹟其意本欲劾和坤又不敢明言故以家人為由隱躍其詞以為旁敲側擊之計皇考因該御史陳奏即恐和坤有營私舞弊情事令王大臣虛衷詳訊並令曹錫寶指出實據其時該御史若果能臚列款蹟皇考必徹底嚴辦立將和坤懲治乃該御史僅一奏了

事迨疊經開示令其指實曹錫寶毫不能指出確據而王大臣於審辦此事存投鼠忌器之鄙見顛預完案以致和坤益無忌憚驕縱日甚必致身罹重辟而後已在當日王大臣等以私意揣測

高深竟似查辦和坤未必仰合

聖意今恭閱

實錄所載節次

聖旨指示明切至再至三可見

皇考於和坤種種不法早經照及當時大小臣工無一人舉劾是以未及究辦耳朕廣開言路整飭官常惟期內外各大臣奉公守法若有敗檢營私之事必不肯稍有迴護嗣後言官若彈劾大臣必須將其貪劣款蹟指明奏朕必執法嚴辦但不得隱躍其詞徒博建白之名轉滋疑似之迹於吏治官方庶有裨補特此宣諭知之○又

諭近日朕屢降諭旨訓飭各部院衙門辦事遲緩以防怠玩積壓之弊本日御史英綸因有請定進署書稿章程之奏所言亦是但此事惟在各部院大臣恪遵諭旨實力奉公若如摺內所稱將各大臣進署散署俱定立一准時刻殊覺於事無益各衙門事務繁簡

不同。即稿件之多寡不一。該大臣等果能每日早進公署。將應辦事件。一一清理完結。即為無曠厥官。若定以時刻在不實心任事之人。終日在署端坐。而於事理概不置可否。其事務較簡衙門。公事早畢。二三僚友。靜坐燕談。又於政治莫裨乎。至謂各衙門送畫稿件。經旬累月。不能畫回。此則實無其事。部院事件。本有限期。其書畫題奏咨行。亦俱有月日可憑。朕勤求治理。時加考察。該大臣等亦何敢將稿件存留私宅。任意耽延。設有一二怠惰之人。該御史應指名奏。不得籠統聲敘。總之國家庶事繁多。各部院堂官身膺顯秩。董正庶僚。惟當勤以莅事。公以率屬。自能贊襄國是。百度修明。原不在更定科條。務名鮮實。所謂治事不如治官。身為大臣者。仰體朕日理萬幾。孜孜求治之意。毋致言事者有曠官之誚。實所厚望焉。

○又

諭前經屢降諭旨。令各衙門遇有應奏事件。即隨時陳奏。毋涉需緩積壓。乃本日奏事者。又復寥寥。惟理藩院具奏謝恩。內務府奏回子學生二事。此外各衙門竟無一陳奏事件。因檢查憲書。今日通條破日。諸臣等自緣意存拘忌。將應奏事件。暫緩呈遞。亦屬非是。

朝廷政事繁多。惟日孜孜。猶恐不及。若稍涉延緩。勢必輟轉沈閣。豈不漸滋叢脞之弊。向來惟萬壽慶節元旦除夕。及齋戒期內。刑部例不奏事。此外並無停止章奏日期。若拘於日者家言。則繙閱憲書。動多禁忌。如本月二十七二十八兩日。皆係破日。又豈皆不奏事。所謂一日二日萬幾。無曠厥官者。願如是乎。著再傳諭各部院等衙門。嗣後於一切應奏事件。隨時呈遞。毋再存此等拘忌俗見。以副朕勤政教幾至意。

○十二年

諭左都御史唐晉等條奏各省來京控案。應請分別查辦一摺。據稱嗣後都察院收閱控案。果係案關重大。實在冤枉。曾赴該管上司呈訴。不為申理。及官吏亂法營私。確鑿有據者。即奏請查辦。若未經在本籍地方。及各上司先行具訴。並現在審辦。尚未結案。遽行到京控告者。即咨行各該省歸案速結等語。所奏非是。各省民人來京控訴。其案關重大者。固應奏明辦理。若未經在本籍地方具訴。遽行謁越來京者。自可奏明嚴辦。治以越訴之罪。至外省審辦未結之案。或因案情屈抑。奔赴來京控訴。若不具奏審訊。冤獄何由昭雪。即或逞刁挾嫌。砌詞妄訴。亦可隨時懲辦。以



杜訟端。今賡音等概請咨回原省審辦。自係因近日各省控案繁多。憚於逐件具奏。豈大臣故事之道。朕日理萬幾。勤求民隱。即各衙門奏事較多。從未倦於披閱。若以改奏為咨。免致煩瀆。遂將該衙門應奏事件。率意壓閣。是名為仰體朕躬。實則自耽安逸。賡音等者。傳旨申飭。嗣後總當酌量案情輕重。分別奏咨。不得將現辦章程。妄思更改。其戶婚田土錢債細務各案。仍照例將原呈發還。聽其在地方官衙門呈吉申理。以符體制。○又

諭。本日都察院彙奏咨交各省查辦之案。朕披閱清單。內有山東羊縣民人魯名魁控告清書朱吉甫重徵伊家應納清糧一案。係咨交山東巡撫查辦。又圓明園汎兵馬德之母張氏復控伊子被馬兵王三等克毆斃命。該管縱放正兇一案。係咨交刑部查辦。殊屬非是。外省州縣書吏舞弊重徵。最為閭閻之害。遇有來京控案。都察院亟應專摺奏聞。以便交該撫作速審辦。或交欽差就近審訊。嚴加懲創。庶除莠安良。姦黨日漸斂迹。都察院歷來奏辦重徵之案。本自不少。此案何以改奏為咨。若以此案魯名魁所控。止係重徵伊一家清糧。殊不知姦胥猾吏。膽玩營私。既可將

一家清糧。重徵舞弊。則其餘花戶。又安能保其無勒索苛求。何得以一咨完事。此等重徵之案。尚不具奏。豈專待謀反大逆之事。始行具奏耶。至馬張氏復控之案。雖係尋常命案。現在刑部亦已審辦。但此案犯事地方。在御園附近處所。亦當隨時陳奏。都察院堂官於此二案應奏之件。率行咨辦。實屬偷安懈怠。著傳旨申飭。嗣後務對酌案情。分別奏咨。毋得率意辦理。○又

諭。周廷棟奏請杜訟風。以肅吏治。一摺。據稱近來各省控案。有受訟師主唆。代作呈詞者。有事不干己。得財挺身包攬者。有案尚未定。情虛先遁。希圖脫罪者。有案已擬結。遣人上控。妄思翻異者。應請於凡遇具呈時。訊明的辦等語。近來訟獄繁多。固緣地方官辦理不能持平。又復聽斷不勤。以致日久玩延。激成上控。而訟師土棍。所在皆有。往往將毫不干己之事。從中唆使。代作呈詞。甚或從中漁利。包攬具控。又或於地方官審案未完之先。情虛遁逃。來京呈控。且有結案時本無枉縱。亦俱妄思翻控。希冀倖免者。其間情偽甚多。豈能以一面之詞。遽行憑信。自應查明虛實。分別嚴辦。嗣後都察院步軍統領衙門。於接受呈詞時。

著先向原告逐款詳訊除實係冤抑難伸情詞真切及地方官審斷不公草率辨結並官吏營私亂法確鑿有據者仍當立時奏聞另候辦理毋稍壓閣外如所訊之供竟與原呈迥異或係包攬代訴被人挑唆其情節顯有不實及原告未經在本省赴案質訊錄供成招不免有挾嫌傾陷藉端拖累情事著照周廷棟所請咨回本省嚴辦仍交該衙門按期嚴催開單彙奏其距京較近省分並著照周廷棟所請先將原告暫交刑部散禁提取本省全案卷宗細加嚴閱再行分別酌辦至周廷棟摺內所稱山東近日情形有婦女自盡母家幸來需索賂擾者有自盡及路斃等案屍親藉端訛詐者有原告遠颺無蹤圖章不圖審者有不候審結即行上控者應即行飭禁等語此等風氣不獨山東為然各處刁詐之徒如出一轍於民風吏治大有關係不可不通行嚴禁並著直省督撫一體嚴飭所屬先行剴切曉示有犯此者隨案重懲毋稍姑息庶刁風不敢肆長而訟源亦可稍清矣。

又

吏部議處御史汪如淵請照例降三級調用一摺此案先據楊世英奏富爾瑚訥有旨交都察院

堂官秉公查奏嗣都察院查明奏上朕詳覈情節以富爾瑚訥楊世英二員均各任性挾私逞忿濫責都察院原奏未請將楊世英議處不免疏漏特降旨將該二員一併撤去城差革退御史分別降補仍俱交部議處乃汪如淵率以都察院查辦此案情節未確奏請另行覆訊因復交軍機大臣查辦其所訊情節仍與都察院原奏無異試思富爾瑚訥之責王魏氏魏二原係案內之人其是否面辱楊世英尚屬懸揣而楊世英責處牆外擊到二人則係案外無干之人顯為羞辱富爾瑚訥顏面此而不加懲處豈為情理之平設都察院將楊世英一併請付吏議汪如淵係屬同官即不應意存袒護執行論奏况原議疏漏出自上裁特行交議復有何屈抑乎朕辦理庶政一秉至公如所降諭旨於事理稍有時重時輕或臣工獻可替否朕必虛己樂從今此案處分本無偏倚即在廷諸臣亦合以為平允而該御史妄擬浮議袒庇同官此風斷不可長即照部議將該員降三級調用實屬咎由自取念其究係言官汪如淵著加恩改為降一級以六部主事用此案朕因係初次示懲姑從輕議嗣後各科道詣官官相護惡習遇有公事本無錯

誤而逞其私見。妄行爭執。必當從嚴懲辦。不能復邀寬典也。○又

諭。吏部奏議處賡音等一摺。此次賡音等將尋常陳奏事件。率意於晚膳後呈遞。貌似急公。實則心存怠惰。是日該衙門本在圍奏事。伊等原欲將此事一併陳奏。特因早聞具奏不及。又慮次日陳奏必須早起赴圍。是以就近即在朝房內繕辦奏摺。候至晚膳後呈遞。既見其勤於辦公。又得安心進城。明早可以高臥。其巧為偷安。實難逃朕洞鑒。然使所奏之事。果稍關緊要。朕不過量加訓飭。必不即予處分。今賡音等所

奏。止係訪獲緝拏闕案犯可作耳目之人。有何緊急。立候施行。乃紛然羣詣宮門。非時入奏。殊乖體制。吏部議將謬出主見之左都御史賡音降三級調用。因本有革職留任處分。即行革任。其隨同附和之副都御史潤祥等降三級留任。毋庸議抵。皆屬咎所應得。本當照此施行。但恐外間無識之徒。不知賡音等以怠惰獲咎。但知其陳奏非時。致罹降革。由是妄生揣摩。或謂天氣暑熱。慮朕憚煩。託詞仰體。將應行陳奏事件。亦復展轉壓閣。又涉玩延。則大不識朕教誨勤政之苦心。是以格外施恩。由予寬貸。賡音本係侍

衛處出身。嗣經升任刑部司員。擢至刑部堂官。歷來皆係隨眾辦事。尚不露短。自擢任左都御史後。年老懶惰。又不曉事。何堪復任臺長。賡音著退出左都御史。伊於旗務尚所諳悉。著加恩留正藍旗漢軍都統之任。所有降三級調用處分。著改為降二級留任。潤祥長琇邵洪陳崇本四人。應行降三級留任處分。著改為降一級留任。○又

諭。昨據都察院奏御史濟蘭明恆文惠三人數月以來。皆因患病不克進署。請旨開缺一摺。當經降旨交軍機大臣查明該御史等本年京察等第。及患病以來各月分。並任內有無條奏事件。茲據慶桂等查明開單呈覽。朕披閱單內濟蘭等皆自本年正月以來。至今未經到署。是其患病已久。自應據實呈明。請假調理。乃半年以來。僅隨時呈告暫假。希冀例不咨部。可免開缺。明係應職取巧。即此一節。已難勝御史之任。至該三員內。濟蘭曾經條奏二事。俱經部駁。不准其明恆所奏請添派員弁護送御寶一事。雖經准行。亦不得謂之建白。至文惠則並無條奏。現在既皆患病。屬實。豈可濫等清要。惟查該三員年歲均未至衰邁。若果調理就愈。尚可當差。毋庸遽予罷斥。濟蘭明恆

文惠均着將御史開缺仍交部議處。俟病痊後着吏部帶領引見候旨。若至本年十二月初間尚不能痊。本旗具奏候旨。至都察院職司風憲。豈容有此疎曠之員。賡音前在左都御史任內。雖於該三員本年京察等第分別降改。尚無不合。惟明知其患病日久。尚不奏請開缺。直至德瑛署任之後始行據實查明辦理。可見賡音本人懶散性成。焉能正人之怠惰廢弛。着交部議處。其副都御史潤祥等皆旅進旅退之輩。現於德瑛具奏之時止得隨同列銜。亦不值交議。竟着寬免。○又

諭副都御史潤祥條奏請於御門之日。准令通政使以下三品京堂一體侍班一摺。所奏非是。御門聽政乃相沿舊典。其列名進本及應行侍班陪奏之員。於讀本宣旨時均已退班。惟大學士等數人面承諭旨。此外各員並不與聞。今該副都御史請令通政使以下三品京堂一體入侍。以為於勤政有裨。是則徒務虛文而已。朕日理萬幾。勤求宵旰。並非專待御門之期。始綜理庶務。况前經降旨。諭令御門之日。各部院衙門俱仍照常承直。毋庸推班。若三品京堂等有應行陳奏事件。即是日並不侍班。原可具摺入告。豈增一

侍班。即為勤政乎。且京堂內尚有四五品者。仍未一體侍班。殊不畫一。若概令入侍。則御園規制。與宮內寬狹不同。勢不能令京堂各員儘數羅列。該副都御史所奏不可行。着毋庸議。○十三年

諭莫晉奏請申明定例。嚴懲誣告一摺。所奏是定例。誣告人罪者。照所誣加等治罪。立法之意。原以刁健之徒。誣陷善良。致使無辜被累。貽害身家。是以審明後將誣告之人加等問擬。息訟端。即以安民業也。無如近來外省風氣。遇有誣控案件。雖將其險詐情形審訊得實。多不肯按律懲辦。推原其故。總緣地方官於控案事件。實未能平情確訊。因而為調停遷就之計。不惟不能加等問擬。且曲為之說。或以為誤聽人言。或以為到案旋即供明。從而末減。以致刁惡衿棍。視為得計。訛詐平民。挾制官長。訟獄日繁。大半由此。嗣後大小執法衙門。務當簡乎獄訟。於兩造曲直。毋令稍有隱抑。其架訟誣告。或誣輕為重。輕實重虛者。均照本律加等治罪。不得權詞開脫。從寬改擬。若原告脫逃。及案未結而越訴者。亦均照定例辦理。以儆誣罔。而省控累。然此仍不過於許訟之後。遏止其流之一法。若清理訟源。則在地方官公正廉明。勤於聽斷。

凡閭閻一切戶婚田土之事。均令曲直分明。各得其理。即險詐之徒。亦無從生心構釁。即如山東省前此來京控案甚多。自吉綸到任後提審。並飭屬審結積案七百餘件。近日該省已控案寥寥。即其明驗。直省督撫果能各率所屬。虛衷以平案牘。冤抑者立時昭雪。請張為幻者。按律懲治。並嚴拿訟師。毋使播惑鄉愚。斷無捨近求遠。來京妄訴之理。由是詞訟日省。革薄還淳。以端人心。以勵風俗。朕實有厚望焉。○又

諭。前據御史何學林條奏。請將部中記名繁缺知府分發各省委用一摺。朕披覽時。即覺其事不可行。姑交

吏部議奏。觀其識見。以為部臣自必議駁。或並將該御史附請處分。乃本日吏部議上。率請照該御史所奏辦理。依樣葫蘆。殊屬非是。各部俸滿郎中。保舉繁缺知府。自必才具諳練。本係部中出色之員。平素所倚以辦事者。若概行分發各省。則一時頓少熟手。實於部務無裨。而該員等到省之後。無缺可補。轉覺日久曠閒。若云外任必須先往練習。該員等既能諳練部務。簡用時必無不能經理地方事務之理。豈外省簡任封疆大員。亦須在京現任大員分發各省。先行學習乎。各省道府之員。原准該督撫等酌量人數。隨

時奏請揀發。何必豫先派往。轉令在彼候缺。此必係現保繁缺各員。因得缺需時。希冀速膺外任。否則各該部之員外郎主事以及候補主事等官。但願實缺郎中一經分發。即可以次遞升補缺。因相與怨。憑為此而該御史自計將來俸滿之後。或亦可得繁缺。故為此奏。吏部不加詳察。率行議准。豈非為伊等持開捷徑乎。所奏不推行。○又

諭。吏部奏遵旨議處周廷棟等一摺。朝廷風憲大臣。專司糾劾。遇有營私亂法之員。本應隨時參奏。方為盡職。前此周廷棟與廣興同赴山東審案。於廣興需索

騷擾之事。自必確有見聞。乃覆命後。竟無一字提及。近因廣興緣事革職。經朕面加詢問。廣興出差山東。有無劣蹟。周廷棟仍不直陳。並以廣興才具明敏。枝梧掩飾。昨據吉綸等訪查具奏。有周全天下事廣聚世間財之語。周廷棟雖未婪索。而其庸懦無能。即此可見。復令軍機大臣傳詢。伊亦稱曾聞此語。並廣興批斥供應。完池唱曲等事。伊亦有所知。何以經朕詢問。尚不據實奏聞。是其瞻徇友誼。而事上轉不以誠。周廷棟總司風紀。尤不應出此。况伊在東省供應。每日需銀十餘兩。亦多浮糜。部議降四級調用。固屬照

例辦理。但周廷棟人本平庸。年亦衰邁。且又扶同隱飾。豈可再遣錄用。周廷棟著加恩賞給五品頂戴。即予休致。至托津與廣興同赴濟甯審案後。朕從未將廣興出差有無需索情弊向其詢問。且此時廣興事發。伊又奉使出京。托津之未經陳奏。與周廷棟較有區別。但東省所開各公館費用浮多。托津亦未能盡免。所有部議降二級調用之處。著從寬改為降三級留任。仍着罰俸九箇月。均不准抵銷。○十四年

諭。前因審辦廣興出差婪贓一案。言官等竟無一人彈劾。特令將籍隸山東之科道。查取職名。交部議處。本

日吏部奏請將該員等均議降二級留任。尚覺過輕。科道職司糾劾。遇有不公不法者。原應隨時參奏。乃廣興兩次奉差前往山東審案時。擅作威福。贓私累累。聲名狼藉。其籍隸山東之科道。豈無聞見。即一時不能得其貪婪實據。按款參奏。亦應將外間傳聞。周全天下事。廣聚世間財之謠。及早密陳。以備查訪。朕自能權衡辦理。乃心存觀望。相率緘默不言。殊非國家設立臺諫之意。近日科道各員條奏。摭拾細故。或由部院衙門擢用者。即將原衙門成例多方挑剔。有意紛更。細數多不可行。此內或挾私報復。或受人囑

託均未可定。而於此等敗檢婪贓之大臣。並無一人指名登諸白簡。若不嚴加處分。何以示懲。所有光祿寺卿前任兵科給事中汪鏞。光祿寺少卿前任刑科給事中賈允升。兵科給事中周廷森。掌廣東道御史李本榆。掌江西道御史孔昭虔。江西南安府知府前任掌京畿道御史蘇兆登。均著於現任內降一級調用。○又

諭。朕勤求治理。整飭官方。遇有貪黷不法者。隨時懲治。原期辟以止辟。本年正月內。因廣興奉差東省。性情乖戾。任意貪婪。當即明正典刑。其逢迎餽送之北方官。亦經分別懲處。自應共知儆惕。守法奉公。乃甫逾數日。英倫巡視東漕。諸凡挑斥。婪索多贓。與廣興如出一轍。甚至喚妓住宿。較廣興尤為卑汙。而該省州縣官曲意餽遺。又與餽送廣興之事。如出一轍。相習成風。毫無畏懼。殊為可惡。在英倫等貪黷性成。見利忘害。而山東官員。竟以一味逢迎為事。其吏治廢弛。實不可聞。除英倫現在審辦外。所有東省送銀各員。無論多寡。或英倫勒索。及該員自送者。均著吉綸查明。奏請交部嚴加議處。不可一名漏網。廣興性喜多言。畏其參奏。今英倫又屬何故。如此曲盡迎合。何東

省之官吏。大半卑鄙。殊不可解。必應嚴辦。以示懲儆。至御史職司臺諫。理應擇其平日品行廉潔者。方可保送。今英倫如此貪鄙。其從前濫行保送之兵部滿漢堂官。一併查明交部議處。○又

諭朕恭閱

聖祖仁皇帝實錄。康熙四十一年正月癸卯

諭大學士等曰。朕觀諸臣任科道時。多有敢言沽名直陳。以得升遷者。及為大僚。輒不敢言。問以小吏。皆言不知。前後頓不相符。因顧起居注官等曰。朕言可詳記之。仰見

聖明燭照。洞悉人情。百餘年來。前後如出一轍。近日朕觀科道諸臣。尚時有章奏。而部院大臣都御史副都御史等。則寂寂無聞。近日山東兩案。皆係朕訪察所得。並非言官彈劾。蓋科道身居臺諫。冀博敢言之稱。數上封事。欲朕識其姓名。究其所言。或議改成例。或毛舉細故。亦未有能除大姦釐大弊者。及洊歷升階。考其行事。與其言論。前後多不相侔。揆厥初意。本以建言為梯榮之具。甚或邀名聽囑。潛遂己私。如斯人者。尚安望其為國宣猷乎。至大臣等職分既優。倚任尤重。並非無言責者。且不時召對。遇事皆可敷陳。乃

邇來罕有以直言者。都御史除間日具奏控案之外。別無建白。其何以副朕明目達聰之意。夫人臣事君之道。首在無欺。當以嘉謨入告。一切毀譽榮辱之念。俱不應存於中。惟於國計民生。實有裨益。或除姦剔弊。確有見聞。均當剴切直陳。毋有隱諱。至於揣摩陋習。心有所冀。則矯詐以沽名。意無所圖。則緘默以保位。尤當深以為戒。言行相顧。終始不渝。朝廷收諫言之益。國家得直臣之效。朕實有厚望也。特此通諭知之。○又

諭言官有奏事之責。如果大臣中有得賄婪贓徇私舞弊者。自當據實糾彈。不容緘默。朕必徹底嚴查。正其負恩誤國之罪。若竟係憑空無據之言。豈能任其詆誣。不加懲究。給事中花杰。前經奏請嚴催長蘆商欠一事。已交戶部議覆。請交新任鹽政嚴辦。上月二十六日。復據該給事中奏稱。戶部議摺係戴衢亨一人主稿。緣戴衢亨與查有圻係兒女姻親。查有圻引地最廣。積欠最多。是以代為徇庇。將蘆商積欠官帑。未交富價。均未詳悉根究。並稱戴衢亨平日於言官冒瀆聖躬者。則以為直言。於干涉部臣者。則以為多事等語。朕當即召見花杰。面加詢問。以所奏關係甚大。

辦理必須實據。如所奏不實。亦有反坐之罪。花杰除叩頭之外。默無一言。昨日復據該給事中具摺覆奏。備陳戴衛亨與查有圻結媾之後。查有圻餽送往來。饋營甚巧。盧商惟查有圻是望。查有圻惟戴衛亨是倚。以致鹽務廢弛。言之鑿鑿。而另摺又言戴衛亨於本年殿試閱卷。顛倒舞弊。將洪瑩援引為一甲第一名進士。該給事中曾令一同鄉庶吉士周際釗向戴衛亨私宅查閱門簿。探問管門之人。得其交通情狀。又黃中樞策寫俱佳。不列入十卷之內。黃旭行楷相間。竟置二甲之中。指為舞弊實據等語。朕因特派大學士慶桂查詰。原尚書蘇楞額傳旨向戴衛亨詢問。命其明白登答。戴衛亨回奏之摺。陳辯甚明。所有長蘆商欠一事。係交該鹽政統覈通網情形。併限辦理。高價亦並令該商上緊湊繳。皆屬嚴催辦理。與花杰所奏不符。至戴衛亨因司官辦稿未妥。並恐書吏等有招搖情事。是以與衆堂官商定主見之後。即令司官等在圖明圖改辦奏稿。期於密速。亦並非戴衛亨一人定議。花杰所奏均屬不實。惟戴衛亨欲辦理慎密。亦儘可令司官等在署內封閉辦理。何必令其在圖。此一節究屬不合。致招物議。現據戴衛亨自認

疏率。懇請處分。自有應得之咎。戴衛亨著交部議處。至於戴衛亨與查有圻聯媾之處。查有圻本係宦家。與戴衛亨向有世誼。並非門戶卑微不可為婚之人。安得謂之有心援擊。至於媾戚往來。歲時餽送。本屬情事之常。人孰能免。如果因有公事屬託。納賄行私。確有證據。則亦無論其為媾戚與否。皆當繩之以法。今戴衛亨於議覆長蘆積欠。毫無護庇。且先於議駁。加價以二文入官一文歸商一節。於查有圻大無利益。公事公辦。又何能禁其親戚之不相往來。至於此外如戴衛亨因蓋造房屋。查有圻幫助木料。借用卓几。以及在南城外置買房屋數處。尤為瑣細。不足置問。花杰逞其筆端。輒稱查有圻饋營結納。戴衛亨納賄徇私。指查有圻為倚勢把持之姦商。坐戴衛亨以負恩誤國之重罪。連篇累牘。極力詆謗。甚至謂戴衛亨於言官冒瀆聖躬者。以為直言。此尤關係重大。今確加根訊。據花杰指稱。嘉慶十一年。在御史吳榮光家與戴衛亨之姪戴嘉穀會席。談及吳榮光有請暫緩巡幸天津之摺。係奉旨申飭者。戴嘉穀曾云。伊叔甚為欽佩。此語並非出於戴衛亨之口。入於花杰之耳。而現在傳詢戴嘉穀。堅稱伊因衆人稱讚。亦止隨



口應酬實無有伊叔戴衡亨欽佩之語。復經慶桂等傳到。是日同席之朱洽切加詢問。亦稱不記此言。其所稱戴衡亨於言官干涉部務者。以為多事一節。則云即係伊嚴催積欠之奏。戴衡亨不以為然。若果以為多事。現今據摺催欠。並未駁斥原奏。如此肆意撓拾。茫無指證。是竟欲以莫須有之事。妄興大獄矣。至於殿試為檢英大典。科場舞弊。律有明條。若果如花杰所言。戴衡亨與洪瑩交結情密。援為一甲一名進士。於黃中模黃旭顛倒列置。此是何等弊竇。何項罪名。其誣告者。應如何坐罪。該給事中摺內但云請將洪瑩復加考試。或默寫策對。若實係平常。請嚴究弊端。而於考試無弊。則全不反而自思。應否治罪。殊屬荒誕無理。見因該給事中有覆考時。尚恐南書房有人設法照應。請旨嚴密防範。因即如其所言。先向內閣查取洪瑩等殿試各原卷。加封進呈。一面派滿洲軍機章京將洪瑩由福園門帶至上書房。命二阿哥監看。令其默寫試策。朕親加披閱。設字策不符。顯有弊竇。非但戴衡亨與洪瑩獲罪甚重。凡此次派出讀卷之大學士董誥等。皆當一併懲處。朕豈肯稍為寬假。今洪瑩所默策對。與原卷悉符。間有數字誤寫。用

硃筆點出。不過文義小有異同。語句先後微有參差。試思尋常擬作詩文。數日後尚不能悉行記憶。今距殿試已逾兩月之久。而洪瑩竟能記憶默寫。非積學有素。安能如此。尚有何弊。且殿試前十卷進呈時。洪瑩本係朕拔置第一。並非讀卷官所擬。花杰何得指稱戴衡亨一人援引之力。至於黃中模黃旭各原卷文理皆可列二甲。惟黃旭末四行字畫不能工整。如前亦並無一筆行書。今黃中模列置二甲。黃旭置二甲之中。尚皆公允。此二卷亦非由戴衡亨首先校閱。花杰何得指戴衡亨徇情顛倒。如此妄行奏。伊自問可以脫然無事乎。又花杰摺內稱本年考取南書房四人。除王以銜外。周系英係英和同年。席煜係英和門生。姚元之則係英和戴衡亨二人門生。文字雖優。鑽營尤甚。英和平日賞識戴衡亨。畏忌英和。陰與為附。實屬結黨行姦等語。本年考試南書房。英和會同戴衡亨。糊圖禮保舉十二員。朕圈出與考八員。選取四員內。周系英王以銜本係議官。於隨園時朕曾屢次召對。加以遴選。席煜姚元之試卷本佳。並非戴衡亨英和力薦。若謂周系英係英和同年。則豈是科止英和一人可供文學侍從之選。其餘竟無一人可

用若謂席煜等係其門生。豈戴衝亨英和二人所取之士皆不可選用內廷乎。尤為謬妄。至名節所繫。即尋常一介齊民。朕尚不忍令其受人汙蔑。况戴衝亨任用已久。經朕用至協辦大學士。今花杰任意詆訐。無所不至。朕豈肯任其甘受虛誣。花杰著交部嚴加議處。並著將洪瑩等殿試原卷及昨日默寫之卷均發交花杰閱看。令其心服。○又

諭。花杰誤聽邪言。濫行入告。本應嚴議。恐阻言路。改為交部加等議處。

欽定大清會典事例卷一千五

都察院

憲綱 諭旨八

嘉慶十五年

諭。王集等明白回奏。並請交部議處一摺。向來都察院衙門。遇有各省呈控案件。其情節較重者。具奏即情節較輕。咨回本省審辦者。仍俱分析案由彙奏。昨日誠安所奏內湖南民人塗正通四川民人王正明所控。關繫人命。情節較重。自應具奏。其直隸民人王瑯呈控毆傷奪取財物。縣役縱賊一案。今據王集等所敘情節。尚可不奏。本日召見潤祥曹師曾。據稱係公同酌議畫閱。誠安亦曾畫稿二次。及召詢誠安。據稱前日是伊續陳所見。似此控案。無論虛實。俱應具奏。請旨等語。若如誠安所言。是不覈案情輕重。僅以一奏了事。則都察院衙門。不過一接收呈詞之官。並供情亦可不詳訊。豈國家設立臺垣之意乎。嗣後該衙門遇有外省控案。仍著覈其情節。分別奏咨辦理。所有前案未行具奏之都察院堂官。除帥承瀛尚未到任。未經畫稿外。王集邵自昌潤祥曹師曾溫汝造俱著加恩改為交部察議。誠安於塗正通咨稿銜名

下。註寫接駕未盡。其王正明等二稿亦俱畫諾。且既已隨同畫稿。復行具奏。亦有不合。並著交部察議。

又

論科道本有言事之責。第近來言官條奏。毛舉細故者多。而於關繫官方不公不法等事。迴護瞻徇。轉多緘默。其陳奏之件。非受人請託。即有意露名。希冀簡擢。實為近來積習。即如上年廣興因奉差審案。威嚇取財。款迹敗露。嚴辦示懲。當其在山東時。傳播歌謠。該省科道等豈無見聞。何以竟無一人登諸白簡乎。前日御史伯依保奏請禁止小說。此等刊本。久干例禁。

若使近日坊間。又有新編小說。語涉不經。該御史自應隨時陳奏。乃所請查禁者。皆係數十年舊有。名目且該員平日毫無建白。何以不先不後。必於出有科缺之時。將例禁事件。摭拾敷衍。本日帶領科缺引見。察看該員。實屬年老平庸。可見該員不過藉此一奏。妄思升用。果不出朕所料。若即予休致。又謂朕杜言者之口矣。然此等伎倆。既知又不能不辦。所有該員應得升途。及一切差使。俱不准開列引見。著通諭各科道除緊要事件。並實有確據。應行彈劾者。准其隨時具奏外。其餘條奏。概不准於出有科缺未經開放。

以前。妄行瀆陳。如違。即著照伯依保之例辦理。○又論本日都察院奏山東民人張連呈控伊兄張丹被李連承謀財害命。官不據實申理一案。已有旨交該撫吉綸親提審辦矣。近日各省民人來京控案甚多。皆緣地方官先不據實審辦。迨往各該上司衙門控告。而該上司又不肯親自提審。往往仍批交該府州縣審訊。試思該州縣既有原審供勘在前。即另有冤枉別情。又豈肯自行平反。不過設法彌縫。多方消弭。其有不能消弭者。或監斃滅口。或付之延宕。以致小民負屈莫伸。惟有來京赴懇。人但知控案紛紜。刀風日甚。而不知率皆官員之闕穴。有以啟之也。各督撫經朕簡派前往查察閩省官民申冤理枉。即係欽差。如果隨案親提。秉公剖斷。則百姓豈肯舍本省上司。轉遠來京師呈控之理。嗣後各省上司。凡遇控案。若在督撫衙門控告。即著督撫親審。若在臬司衙門控告。即著臬司親審。如須派員隨同研鞫。亦當另行遣派。毋得仍批本屬及原審之員。自行覆審。致蹈迴護瞻徇之弊。如尚不悛。致小民等仍來京控告。彼時查明曾在本省控告。係發原問官審辦。必先將該省不行提審之上司懲治不貸。○十六年



諭國家設立都察院堂官六科各道凡內自王公大臣外自督撫藩臬以至百職庶司如有營私亂法辜恩負職者言官據實糾彈立即按款嚴究執法重懲我朝

列聖相承綱紀肅清力除蒙蔽之弊朕祇遵

成憲太阿在握德盡鋤姦亦從不稍事姑息然事必覈實斯罰不妄施乃近年言官中竟有懷挾私怨陽沽鯁直之名陰施報復之計以巧試其術者其初列款上聞浮言聳聽及查明毫無證據若將言官懲罰過重似杜敗言之路而被劾之大臣一登白簡雖辨明心迹謫責不加究以枉受誣讎使在廷之議謂其曾遭指摘不免中懷畏怯損其精白之衷且君臣之間亦不若無此芥蒂益合股肱心膂之義也即如原任大學士戴衛亨果於任事惟性急語直每遇部院公事判別是非或從或違安能盡協人意因此為怨者所詆或亦不免伊前被御史花杰封章奏稱稱伊與貢士洪瑩交往情密拔置一甲一名又黃旭試卷行楷相閒濫置二甲經朕密取覆試各卷加封呈覽特將洪瑩帶至上書房命二阿哥監看令其默寫試策惟時距殿試已閱兩月有餘洪瑩所默試卷與原

卷悉相符合不過數虛字間有異同其黃旭原卷數行稍欠工整並無一筆行書當即明白宣示判分曲直本年己巳科庶吉士散館朕料洪瑩黃旭二人文藝必應考試前列若抑置在後非有心屏黜即權衡未當及閱卷大臣公擬進呈拆閱彌封洪瑩黃旭同列一等設戴衛亨尚在派令閱卷必謂其徇情拔取即不與閱卷之列亦或疑其轉相屬託今戴衛亨已故可見文章自有定評豈同列諸大臣至今日尚曲為附和乎戴衛亨蓋棺論定心迹已明應含笑泉下矣花杰從前憑空捏造誣陷大臣是誠何心姑置毋論嗣後諸言官務當各矢天良遇有不公不法之事必求確據直列彈章不可因有此旨緘默不言若以毫無影響之談誣人名節

天鑒難逃國法具在懷之慎之○又

諭御史景德奏請於萬壽賜餉十日今城內雜耍館俱准演戲並請年年准此為例等語所奏殊不成話賜餉並非令典在本朝從未舉行朕敦尚樸質裁抑靡文飭令天下崇儉去奢各安正業屢經降旨飭禁京城演戲期屏除游蕩之風前年朕五旬萬壽慶辰誠恐臣民等稍涉浮華尚經再三降諭禁止至每歲萬



專節更無令術巷廣陳戲樂之事。况本年南河李家樓等處漫水泛濫。下游被淹。朕軫念民瘼。宵旰焦勞。災黎一日不甯。朕心一刻不釋。又豈肯侈言同樂。令京城百姓歌舞駢闐。臚祝萬壽耶。至該御史摺內所稱。近來風俗儉戢。惟是拘謹過甚。亦覺可矜。小事遊戲寬猛濟之。耳目翻可一新。於歌詠太平之感。亦相脗合等語。尤為紕繆之至。民人等果能漸趨淳樸。則風氣蒸蒸日上。太平景象。即在於此。正深可慶幸之事。何以謂之可矜。且為政自有大體。禁止戲劇。豈得為猛。縱民遊戲。豈足云寬。若如該御史所奏。謂之耳目一新。不特悖理傷化。即文義亦屬支離。景德著交部嚴加議處。以為言官任意妄言者戒。又諭向來九卿科道等。遇有條陳糾劾。俱係封章入奏。呈遞時面交外奏事官。轉交內奏事太監。直達朕前。拆封朕親行披覽。其摺內所奏何事。無論外間不應有人傳播。即內奏事太監等亦無由得見。杜漸防微。立法至為嚴密。上月二十八日。御史韓鼎晉奏內城有開場聚賭之事。當令軍機大臣傳到該御史。詢以所指何人。即於二十九日。由該御史自行覆奏。朕始諭令步軍統領祿康等密行查拏。節據先後等獲賭局

共一十六起。內有八起。於五月二十八二十九兩日散局。顯係得信逃匿。此非有人洩漏。或有人探聽御史條奏此事。潛向告知。致令逃逸。而何此時朕姑不深究其人。嗣後九卿科道等有條奏事件。如呈遞之前。或奏事處及在朝之人。詢其所奏何事。著即指名奏奏。若無人詢問。而摺內陳奏之後。或向外人敘說。亦著聞其言者。立即揭帖。均當加之懲治。庶不致嘉猷入告。以採納之資。啟漏言之漸。蓋君不密則失臣。朕斷不肯先行曉諭。以致敢言之臣招怨。而臣不密則失身。近日此風甚熾。朕生平最惡者。探聽朝政。先欲得信之人。樞機之發。榮辱所關。有不可不慎者。母謂朕詰誅之不早也。如敢干犯。決不輕恕。又諭宗人府議駁御史伯依保條奏宗室人員請添派學習行走員數一摺。所駁甚是。我朝家法。宗室人員以學習清語勤肄騎射為重。即文學科名尚非所急。是以宗室考試之例。從前乾隆年間。即曾欽奉皇考高宗純皇帝聖諭。停止。所以定其趨嚮。一其心志。不至荒棄本業也。近年來宗室生齒日繁。朕慮其無進身之階。屢經加恩。於六部理藩院添設司員十六缺。並准令鄉會試。又增添宗室學生六十名。現在宗室

登進之途不為不廣。今該御史又以宗室人多差少。請將候補人員分部行走。無論現在宗室候補未經得缺者止有一人。該御史人多差少之言。已為不確。且其意不過欲宗室等多得文職。其流弊必至重文輕武。或竟希圖外任。將來清語騎射鮮有究心之人。於滿洲家法殊有關係。該御史年老平庸。必係聽人慫恿。為此見好之奏。應毋庸議。○十七年

諭。吏部議處妄奏偷翦髮辮之御史榮椿。議以降四級調用。一摺。從來訛言弗聽。則人心自靖。即聖人不語怪之義。從前乾隆年間。直省訛傳有翦辮之事。地方

官紛紛查辦。毫無證據。仰蒙

皇考高宗純皇帝洞燭情偽。飭禁妄擊。

詔旨。爾頌。浮言頓息。閱今數十年來。無復有傳說此事者。前日該御史以市井游談。妄行入奏。並請通飭查緝。朕披覽時。即知為子虛。當交軍機大臣查詢。伊無從指實。惟自認冒昧糊塗。降旨將該御史交部嚴議。日來召詢吉綸。據稱京城內外。居民行旅。安靜往來。實無有敢造作妖言者。可見該御史所奏。毫無影響。朕若誤信其言。據以查辦。豈不株累多人。紛紛滋擾耶。該御史陳奏謬妄。本應照部議降四級調用。姑念

伊職係言官。例得風聞言事。若懲治過重。恐以後實有關係重大之事。伊等亦相率緘默。殊於言路有礙。榮椿著降一級。以六部主事用。○又

諭。御史常文奏請申禁庶民呈遞封章。以歸畫一一摺。朕前因近日人情險詐。每以瑣屑訟案。封詞投遞。挾制官員。代為陳奏。特降諭旨。嚴行飭禁。令刑部分別定擬。以懲刁風。刑部於議奏條例內。有令本人將呈遞事件。開具略節。一併進呈。如接收官員。不為具奏。照應奏不奏例議處一節。所擬本未允協。國家定制。臣工奏牘。或露章上達。或密封進呈。原為職應言事者而設。至小民身有冤抑。分當具呈控訴。聽候審辦。內外大小衙門。法制相維。何敢不為申理。若尋常詞訟。直達朕前。或妄議建言。希榮干進。此等狡黠之徒。必應嚴罰示懲。所謂天下有道。則庶人不議也。今若令其開具略節。即為呈遞。姦民巧詐百出。其所開略節。未必皆與封詞符合。接受官無從查考。轉致案無鉅細。悉以上聞。仍不足以杜刁頑而清訟獄。著申諭文武臺諫各員。嗣後如有民人呈遞封章者。接收之員。一面將所遞封章具奏。一面即將該犯鎖繫。先行送交刑部押禁。附於摺內陳明。朕查閱封章。覈其案

情輕重。或即照封遞呈詞新例治罪。或詞語悖謬。再加等治罪。交刑部分別懲辦。所有刑部前議開呈略節一條者即刪除。○十八年。

御製都察院箴。明目達聰。責在御史。彰善癉邪。整綱飭紀。鐵面霜威。糾慝繩詭。私惠毋酬。私讎毋毀。敢諫不阿。忠貞常矢。言出如山。心清似水。勉盡丹忱。非圖譽美。民隱敷陳。治隆患弭。○又

諭御史馮大中奏京外各衙門辦事遲延。急緩請旨設法稽覈。以符例限一摺。所奏甚是。為政之道。敏則有功。京外各衙門積習相仍。狃於疲玩。經朕節次訓飭。而公事積壓之弊。仍不能盡除。近日部院堂官等奏事直日。亦皆夙興待漏。循節無愆。然詢以本衙門題奏事件。或有不能條舉原委者。是但勞其身而不勞其心。亦於政治奚裨。夫大臣坐而論道。殫心竭慮。全在於公署。剖析例案。釐剔弊端。使所屬憚其嚴明。不敢怠忽從事。則物無遁情。案無留牘。自然百務就理。若但以奔走趨跲為盡職。失之遠矣。即如議處議敘。所以明示賞罰。惟辦理迅速。則身受者立知感畏。旁觀者共起勸懲。乃任意遷延。藉行查加級紀錄為名。竟有經旬累月始行議上者。殊不足以儆人心而動

觀感。嗣後各衙門辦理議處議敘。皆著依限趕辦。無得藉口詳查。級紀展緩時日。其應行議抵與否。不妨於摺內先行聲敘。請旨再行查明辦理。以免延閣。各部院司官。尤應手理案牘。隨事稽覈。使吏胥無所售其姦。其有蠹吏敢於情慢者。隨時責革。嚴儆毋稍寬假。庶上下相攝。可期明作有功。至於外省因循之習。更不可問。地方要務。不過刑名錢穀二端。其於刑名案件。不為速結。以致株連拖累。案情愈益。講張於錢穀事務。亦不趕緊清釐報銷。題覆動輒數年。其間任催罔應。膠轕牽混。百弊叢生。皆由該督撫不能精心敏力。時加振作。遂至吏治日即廢弛。嗣後部中題奏事件。著照該御史所奏。將科鈔咨文何日到部。該衙門於何日具題。俱於本尾聲明。如有遲延。即行附參。至題本奉旨後行文。以及咨行外省事件。著各衙門設立號簿登記。如有遲延。分別記過。參處。其外省遇有特交咨文審辦各案件。如實有不能依限完結者。均著分別奏咨。以備查覈。即聲覆部院咨查事件。亦著將何日接准部文。何日咨覆。一併詳敘。違限者均予參處。經此次訓飭之後。內外大小官員。其各振刷精神。力除痼習。無即怠荒。以期熙績亮工。共臻上理。

○又

諭我朝定鼎以來

列祖

列宗愛民如子。深仁厚澤。洽於寰區。朕繼承大統。保惠黎元。惟恐一夫不得其所。凡食毛踐土之倫。不能家諭戶曉。豈身享太平。亦竟忘其所自。乃本月十五日。忽有教匪七十餘衆。突入禁門。將至大內。幸皇太子親執鳥槍。連斃二賊。逆黨始退。王大臣督率官兵。殲戮淨盡。仰賴

天

祖庇佑。渠魁就獲。餘孽悉平。越三日。朕由行在還宮。京城內外安堵如常。事定思痛。此實非常未有之變。寇賊叛逆。何代無之。今事起倉卒。擾及宮禁。傳之道路。駭人聽聞。非朕之涼德。何以致此。但諸王大臣同國休戚。今使皇子親執火器禦賊於禁禦之中。諸臣其何以為顏。返而思之。更何以為心乎。本日特於乾清宮召見諸皇子及諸王。文武大臣面加訓諭。令王大臣等各殫忠竭慮。以匡國治。毋再因循怠玩。平日文恬武嬉。事至則措置失宜。事過則泄沓如故。素餐尸位。益重朕辜。夫涓涓不塞。將為江河。禍變之來。必有

由致不究其本。患將未已。諸王大臣及各言官。如能洞見致患之原。官常吏治。有亟須整飭修明者。各據所知。剴切直陳。朕必表而行之。若瑣瑣焉摘一事。改一例。博建言之名。以圖塞責。朕甚無取焉。將此通諭知之。○又

諭戶部奏御史李仲昭私向書吏索取文案不遂。濫行杖責一摺。部院衙門案卷。例不許書吏私攜出署。各科道如因公查取。或奏請飭查。或行文咨取。均無不可。李仲昭籍隸廣東。乃以本省洋商事件。自書紙條。向戶部書吏私行索取。此與作弊何異。書吏范徵雲答以案非本司承辦。並稱不敢私行帶出。所言本無不合。該御史輒將范徵雲擅行杖責。實屬肆意妄為。李仲昭著交部嚴加議處。○十九年

諭御史蔡炯奏請禁粵民製造竹銃。以弭兇關一摺。所奏非是。直省鞫審命案。分別謀故鬪殺。其致命之傷。則有火器金刃他物手足之不同。獄獄時但準情援律。定擬罪名。其殺人器具。不能強為厲禁。若謂竹銃可以殺人。禁民製造。凡民間日用金木器物。何一不可戕命。豈將概登例禁。其手足傷人者。又將何法以治之耶。况增一禁令。適為胥役增一訛索賄縱之門。



於戢暴懲兇毫無裨益。至該御史所稱竹銃斃命之案。招冊內不得聲敘希圖嚇退等詞。火器殺人。刑部均擬情實。秋審時亦必予勾。其希圖嚇退。乃案情所時有。並不以此加之寬宥。招冊據情聲敘。豈可概事刪除。該御史此奏。所謂因噎廢食。著毋庸議。○又

諭。御史魯垂紳奏請申明典禮。以崇體制。一摺。向例每逢祭祀大典。朕出入禁城。各衙門派有官員在禁門外迎送。近日迎送之員。甚屬寥寥。殊非敬慎之道。著通諭各衙門。嗣後該堂官將迎送官員酌定名數。派出後。先期造冊咨送都察院。屆時由齊班御史將迎送各員職名。按冊查收覈對。如有曠誤者。該御史指名參處。○又

諭。都察院具奏控案。每於摺內聲請。敕交該督撫審辦。或因其在督撫衙門控告。即請欽派大臣審辦。甚且因有欽差大員在外查辦事件。輒指名請交欽差某某審辦。舊習相沿。大屬非是。各衙門具奏控案。朕覈其案情輕重。或飭交督撫提訊。或派員前往審辦。其中自有權衡。豈臣下所得妄擬。嗣後該衙門具奏控案。止應將情節詳悉敘明。其曾在本省何衙門具控幾次。一併聲敘。不准用請旨敕交查辦字樣。如再

有率行擬請者。必將該堂官懲處不貸。○又

諭。御史賈聲槐奏戒游惰以重本業。崇節儉以厚民生。一摺。食為民天。崇本抑末。儆惰黜奢。為藏富閭閻之計。朕節次頒示御製文。諄諄以化民成俗為訓。凡所以飭吏治而阜民生者。至詳且備。地方官果能實力奉行。留心勸課。自可漸返淳風。今該御史所奏。仍不過勸襲緒論。且因本年會試。以生之者眾。四句命題。借此行說。殊屬無謂。國家設立言官。使之上章敷奏。凡遇地方大吏貪黷營私。及小民冤抑情狀。原准其指事上聞。以憑覈辦。若似此摭拾浮言。於國事有何裨益。著通諭各科道。嗣後均不許以無益空言。濫陳奏牘。賈聲槐所奏。著毋庸議。○又

諭。御史烏爾袞保奏稽查內監出入章程。一摺。所奏糾繆不可行。內監給使官廷。出入各門。事所時有。原有定例。若每日逐一捺檢。不特事涉紛擾。且人人而疑之。推而至於官員吏卒出入。概事捺查。豈昇平時之政乎。至於捺出雜藥。即令帶藥之人自喫。尤覺繁苛可笑。豈成政體。此摺若係漢御史呈遞。或不諳宮禁規制。尚可將原摺擲還。烏爾袞保係滿洲御史。乃如此妄行陳奏。瀆言亂政。不勝御史之任。伊本由內閣

侍讀升補。著仍回內閣以侍讀用。○又

諭御史陶澍奏刑部員外郎張師泌親病危急請飭令回籍一摺。所奏殊為多事。張師泌前於引見時。朕因張師誠先有親病乞假之奏。當令英和傳旨詢問。據張師泌覆稱伊父母所患病證漸已向愈。張師誠即擬來京陛見等語。各官員遇有匪喪等事。關係倫常風化。言官有所見聞。自當據實奏劾。若父母偶患疾病。言官即騰章入告。請旨勒令回籍。恐開攻訐之風。所奏不准行。原摺著擲還。○又

諭御史黃中傑條陳優貢考試事例一摺。各省優生三年舉報一次。與拔貢十二年舉行一次者。年數懸殊。如一體加以廷試。引見錄用。實於體制未協。該御史所奏不可行。○又

諭御史何彤然奏請令民人自行捕盜。並將斂錢與賊之愚民免其究治一摺。所奏純繆不可行。地方設有文武各員。詰盜安良。是其專責。如果地方官諱盜不辦。以及兵役等有得贓通盜情事。原准百姓據實申理。必當嚴治其罪。若不責成官弁督拏。率聽所在民人自行捕盜。此令一出。愚民勢必各糾黨與。擅製器械。扶離妄擊。彼此構釁。豈不大張械鬪之風。至民人

斂錢與賊。本干厲禁。若概免究治。則是縱令豪賊使齎盜糧。欲弭亂而轉以長亂也。何彤然罔識政體。不稱言官之職。著斥退御史。仍回編修之任。原摺著擲還。○又

諭前據御史申啟賢奏河南滑縣知縣孟圮瞻劣蹟多款。當特派侍郎盧蔭溥成格前往查訊。昨據盧蔭溥等奏。查得孟圮瞻前在滑縣任內。私留被難婦女蘇大葵為妾。並另將蘇二葵等婦女多人。分賞家人車夫等。又將應行入官之叛匪衣服車馬。售賣入己。並縱令家人王泰將客店內無主紅花數十包賣錢

使用。與該御史所奏多符。孟圮瞻身為縣令。值地方蹂躪之餘。不知加意拊循。轉肆意貪淫。罔顧廉恥。地方有如此劣員。科道等自當奏聞查辦。該御史得有風聞。詳加訪察。其所奏現已得實。殊為可嘉。申啟賢著賞加一級。至前日御史石承藻奏步軍統領衙門。因查拏張三妄行擾累一事。張三係案犯英啟供指白蓮教。應行傳訊之人。原供本無年貌。番役等遵照票開住址。按戶細查。適章寅新近移居到彼。與張三之姓同音。因此向其查問。如果該番役等藉端滋擾。勒索銀錢。該御史自當奏請嚴辦。今查明並無鎖

拏勒逼情事。目下正值查拏邪匪之時。何能不留心盤詰。該御史輕聽風聞。不加詳察。冒昧入奏。殊屬非是。石承藻著罰俸一年。○又

諭。本月初二日。據都察院及巡視西城御史陳用光具奏。九月三十日夜間。西城正指揮署內。有賊七八人。持刀點燭。按執婢女一人。索要本官見面。該指揮王慶長出外追趕。見有人在廚房內擲出菜刀。旋即逃逸。並未失物。適先於二十九日。盤獲形迹可疑之曹七一名。在指揮衙署暫押。恐或有奪犯情事等語。朕詳加披閱。該賊人等七八人。持刀點燭。按執婢女。索取本官。其勢甚張。何以該指揮出外。賊人並不行兇劫物。即行逃逸。且持刀不砍。轉在廚房擲出菜刀。殊於情事不合。當經降旨交刑部審訊。本日刑部奏訊據婢女來喜供稱。伊本係被劉祥姦。賣給該指揮為婢。劉祥現又到該指揮衙署。替充阜班。續姦誘令逃走。於是夜進屋。要將伊引出等語。與都察院及巡城御史等原奏迥異。其與曹七等一案。更全不相涉。巡城御史既據指揮報有此案。親赴勘訊。自應查明原委。乃率據該指揮稟報之詞。張皇入奏。都察院堂官伊冲阿等。亦率據該御史及該指揮之詞。並不

行傳訊明白。即行據奏。均屬忙亂。除交刑部將此案徹底審訊。明確定擬外。左都御史伊冲阿。茹荼副都御史扎拉芬。李宗瀚。陸以莊。俱著交部察議。景祿刑名熟習。又係屢次棄瑕錄用。更屬冒昧。同巡視西城御史陳用光。俱著交部議處。○二十年

諭。給事中黃中傑奏。請復禁銅收銅舊例。以裕錢法一摺。所奏甚屬不知政體。國家因時立政。期於便民。自乾隆初年。停止銅禁。以來。已八十年。民間無不稱便。而京省各局銅斤。亦並無缺額之虞。昨歲朕曾降旨。停止外省呈進銅鑪火盆。以節糜費。而裕鼓鑄。酌盈劑虛。道貴適中。至民間日用所需。安能以數十年弛禁之物。一旦設為苛令。察及錙銖。從前永祚楊澤曾節次奏請。禁用銅器。皆經戶部議駁。今該給事中復請申嚴銅禁。並請敕令官民家內。所存黃銅器皿。概以三年為限。悉數繳官。如逾限不繳者。查出以違制論罪。此令一出。必至紛紛擾累。胥役訛索。鄰里控計。訟案煩滋。究與錢法奚裨耶。所奏不可行。著毋庸議。

○又

諭。御史夏國培奏。宗室移駐盛京。應請飭交宗人府秉公詳查。不得混行派往一摺。盛京為我朝根本重地。

宗室移駐盛京。即與漢人同居。祖籍無異。到彼後授宅分田。觀摩善俗。實屬教養兼備。良法善政。所有應行移駐各戶。皆係於嘉慶十八年早經派定。分三撥行走。前兩撥已於是年秋間移駐。此次係第三撥。其續行添派二人。因該宗室有獲咎之案。特旨添入。現在即日起程。該御史忽以挑派不公。妄行陳奏。干預多事。殊屬冒昧。夏國培不勝御史之任。著仍以翰林院編修用。又

諭。御史魯垂紳奏請嚴查各省游民一摺。所奏太不曉事。各直隸地方遼闊。無藉游民。不可億計。安能徧行查察。即以京城而論。五方雜處。若必人人究所從來。辦理已日不暇給。况此等游民。出外營生。亦不盡皆為匪。前次林清一案。首夥各犯。即係土著。又豈外來游民。若如該御史所奏。京外流寓之人。多立科條。按名稽覈。殊屬紛擾。其事斷不可行。又

諭。御史焦景新奏長蘆鹽務宜設法整頓一摺。長蘆商力疲乏。朕所稔知。節經施恩展緩。正課加價借帑。隨時調劑。俾裕商力。茲據該御史奏稱鹽務廢弛。其匱乏受弊之由。不能指出。請敕下直隸督臣會同鹽政。將近年積弊。設法整頓。不過為該商乞恩調劑起見。

該御史籍隸天津。顯係受人屬託。妄行陳奏。復自稱與該處商人素無往來。捏詞掩飾。其誰信之。至鹽政之設。例係一年更替。屆任滿之期。朕每酌予留任。即如廣惠簡任長蘆鹽政。已閱兩年。該御史甯未知耶。所奏俱毋庸議。原摺著擲還。又

諭。御史福漳阿奏留京王大臣每遇赴閣請安及驗放職官日期。雖恭設合符之處較遠。請令不直宿之王大臣前往。專責直宿者看守合符。並隨圍護寶。添派內務府郎中員外一二員。護寶請寶官員。每次加領馬一匹。以備更換等語。所奏糊塗已極。太不曉事。從前留京王大臣。並不日夜在內直宿。嗣派令輪班內直稽察一切。並看守合符。已足以昭慎重。若如該御史所奏。由文華門至內閣。跬步之地。已不可離。豈必將合符刻刻護持。方為慎重乎。至隨圍護寶。內閣例派官員。已不為少。兼有兵丁隨護。該御史忽請派內務府司員協同照料。更屬毫無干涉。護寶請寶官員。定例每員領馬二匹。從無遲誤。茲遽請加增。若他項緊要差使。俱援以為請。又安得如許。官馬增給耶。所奏俱不可行。著毋庸議。又

諭。御史胡承珙條陳釐整風俗一摺。所奏多不可行。如

所稱賣藥之徒。刊方牟利。應由該坊官自行查禁。不值降旨嚴緝。其小民拜認義父義子。習俗相沿。亦難明示厲禁。至婦女入廟燒香。牙僧把持行市。久已載在禁例。若如該御史所稱。市口停車。井邊担水。皆須一一查禁。科條繁瑣。實以病民。殊於政治無裨也。所奏均毋庸議。○又

諭朕閱內務府則例。內載雍正四年欽奉

諭旨。圓明園奏事八旗及六部都察院內務府等衙門。分為九日。每日一旗一部輪流奏事。遇直班之日。若該旗該部無應奏之事。亦著隨班伺候。僅有緊要之

事。許其不論班次啟奏。欽此。我

皇祖世宗憲皇帝勤求治理。整飭官聯。自是以後。圓明

園奏事文職衙門。輪為九班。武職衙門。輪為十班。

皇考高宗純皇帝遵行六十餘年。朕嗣統二十年以來。

亦恪遵罔懈。誠以我朝

家法。勤政為先。駐蹕御園。與宮內辦事。從無一日少閒。

部院臣僚。書思對命。既應在園值直。而衙署有應行

坐辦之事。亦不可僕僕往來。致有曠誤。分班輪直。法

至善也。惟文職九班內。六部各衙門直班之日。俱多

陳奏事件。其鑾儀衛光祿寺直班之日。無事可奏。殊

覺閒曠。除武職十班。仍照舊例外。所有文職九班。著減去一班。以都察院歸入刑部大理寺。合三法司為第五班。以內務府國子監為第七班。理藩院與鑾儀衛光祿寺為第八班。如此酌量變通。則繁簡適均。庶無一日曠閒。其事繁之部院衙門。仍不論班次。隨時來園奏事。即自本月十九日。吏部直班之日為始。各照新例按班輪直。朕孜孜圖治。宵旰不遑。惟以克勤自勗。本日御製勤政愛民論。宣示臣工。諸臣務仰體朕意。各職乃心。無忝厥職。以亮天功。以熙庶績。朕實有厚望焉。○又

諭都察院奏山西民婦冀劉氏呈遞封口。將原封呈覽。一摺。冀劉氏係一婦人。有何封口呈遞。該氏現以墊辦運課等款。日久未償。赴都察院申訴。該堂官等明知即係此事。或因封口不便拆閱。亦當令該氏自行拆封。乃率將原封入奏。經朕看閱。仍係申訴呈詞。其詞內稱謂。皆係指該堂官而言。並非奏章款式。該堂官等遇事不加體察。一味顛預。實屬有心因循推諉。都察院堂官。俱著交部議處。

欽定大清會典事例卷一十六

都察院

憲綱

諭旨九

嘉慶二十一年

諭巡視東漕御史蘇繹奏東省續虧案內之六府二州請飭該撫酌展奏限一摺。東省十五年以後。虧缺倉庫錢糧之泰安兗州沂州登州四府屬州縣。經朕特降諭旨。從嚴示懲。其餘六府二州。尚未奏到。應如何分別覈辦。係巡撫陳預本任之事。乃該御史率行陳奏。此事既與漕務無干。又非關係民瘼。似此越職妄言。變亂是非。明係袒護貪官。甚屬多事。蘇繹不勝巡漕之任。著即撤回。交部議處。○又吏部奏議處都察院左都御史茹荼等。失察子弟黃緣受賄一摺。奉

旨。都察院衙門職司風憲。尚當察弊除姦。乃左都御史茹荼。給事中李培元。於伊子茹壽彭李之珩。攬訟受財。毫無覺察。雖賦數無多。其平日不能管束。咎無可辭。著照部議。茹荼降二級調用。李培元降四級調用。四川松茂道黃思宸。雖遠任外省。其子黃華攬訟滋事。平日失於教導。著降一級調用。○又

諭前據御史秦繩曾奏托津擅管覆校

實錄。當經降旨。令留京辦事王大臣。傳到該御史及承辦覆校之員。查明原委覆奏。本日據留京王大臣等奏稱。詢據該御史以十九年議敘摺內。係董誥托津聯銜。而摺內未將奉旨派托津接管之處聲敘。是以參奏。詢之承辦覆校之禮部員外郎軍機章京王鳳翰。則稱十八年慶桂休致後。內閣所進紅綾本。有指出錯誤之處。均係董誥托津傳旨覆奏。是以十九年覆校完竣摺。係董誥托津聯銜畫稿等語。朕恭閱

皇考高宗純皇帝實錄。內有錯誤之處。即令軍機大學士敬謹更正。如漢字本則令董誥托津承辦。清字本則令托津承辦。此係隨時降旨交辦之事。向不降旨特派。托津既承辦其事。則與曹振鏞不同。於覆校完竣奏議敘時。一同列銜。並無不合。乃該御史輒以此參奏。加以專擅重詞。該御史曾充軍機章京。久知此事。如心以為非。則於擢用御史後。即應參奏。乃該御史奏事二次。均未及此。茲於八月初二日。簡放順天鄉試考官之期。忽為此奏。自因伊本年曾考試差。有此彈章。冀朕見其公正。用為同考官。伊本年考差。本未錄取。即先經錄取。朕亦斷不將伊點用。似此借事

長言。實屬取巧。本應斥革。姑念係屬言官。若示罰過重。恐科道等又相率緘默。秦繩曾著革去御史。以吏禮兵工四部主事補用。終身不准升轉。以示薄懲。

又

翰。國家設立部院衙門。遇有交議事件。各堂官應虛衷商榷。俟詢謀僉同。方可畫稿。聯銜會奏。如事關重大。有交大學士軍機大臣會同各該衙門議奏者。原以一人之心。思有限。眾人之才。識無窮。尤應公同籌酌。以期事臻盡善。或其事眾人皆以為是。中有一人獨覺其非。即應抒其所見。向眾人剴切陳說。其言果當。

眾人自當擇善而從。其言不當。眾人亦可面折其非。如其人心仍不服。朝廷本有兩議之例。即當自行己見。據實直陳。候朕裁定。朕執兩用中。言之是者。即降旨俞允。言之非者。亦必降旨駁正。乃近有公同會議之事。有一二人又於召見時。以所議未協。向朕前密陳。是竟強勉唯阿。而復退有後言。其心實私而不公。豈忠臣體國之義乎。嗣後凡遇特交會議事件。務須公同定議。必意見毫無異同。方可會銜陳奏。若意見不合。即單銜具奏。其會奏摺內。毋庸列名。此時在廷並無攬權專擅之臣。儻有遏抑羣言。阻其獨奏者。准

其人指名參劾。若於畫稿具奏之後。向朕前別生異議。則是首鼠兩端。其人殊不足取。茲特明降諭旨。詳悉曉諭。以後凡特交會議摺內。俱先將此旨恭錄於前。所有此次御史羅家彥條奏籌畫旗民生計。交八旗都統會議一摺。奏上時。即著將此旨載入。○又

諭。八旗都統等奏駁御史羅家彥條奏籌畫旗民生計章程一摺。所駁甚是。該御史條陳。以為旗民生計艱難。欲令八旗老幼男婦。皆以紡織為業。當奏上時。朕即覺其事不可行。今該都統等所奏果眾論俱以為事多窒礙。公同議駁。本日特召見諸皇子軍機大臣等。明白宣諭。我八旗滿洲。首以清語騎射為本務。其次則誦讀經書。以為明理治事之用。若文藝即非所重。不學亦可。是以皇子等在內廷讀書。從不令學作制藝。恐類文士之所為。凡以端本務實。示所趨嚮。我朝

列聖垂訓。命後嗣無改衣冠。以清語騎射為重。聖謨深遠。我子孫所當萬世遵守。若如該御史所奏。八旗男婦皆以紡織為務。則騎射將置之不講。且營謀小利。勢必至漸以貿易為生。紛紛四出。於國家贍養八旗勁旅。屯住京師本計。豈不大相刺謬乎。近日旗

人耳濡目漸。已不免稍染漢人習氣。正應竭力挽回。以身率先。豈可導以外務。益違本計。即如朕三年一次。閱選秀女。其寒素之家。衣服尚仍儉樸。至大臣官員之女。則衣袖寬廣踰度。竟與漢人婦女衣袖相似。此風斷不可長。現在宮中衣服。悉依國初舊制。乃旗人風氣。日就華靡。甚屬非是。各王公大臣之家。皆當力敦舊俗。倡挽時趨。不能齊家。焉能治國。以副朕崇實黜華至意。羅家彥此摺。若出於滿洲御史。必當重責四十板。發往伊犁。姑念該御史係屬漢人。罔識國家規制。但伊識見如此。竟欲更我舊俗。豈能復勝言官之任。著革退御史。仍回原衙門以編修用。○二十

二年

諭。向來科道奏事。無論事之應密與否。皆係實封進呈。本日御史余本敦奏直省審案延玩。責令該管上司清釐一摺。露封陳奏。奏事處官員不行駁回。亦即接收轉遞。均屬違例。余本敦及接收之奏事官員。俱著交部議處。○又

諭。本年京師入夏以來。雨澤稀少。朕省咎思愆。恐政事或有闕失。及內外臣工。怠玩不職。以致

昊蒼垂象示儆。又或因逆匪潛伏近畿。致沴氣所結。上

干

天和。特降旨。令在廷諸臣。各矢忠誠。謹言入告。並令職司緝捕各衙門。嚴緝逆匪。摘發伏匿。原冀諸臣仰體朕懷。有言責者。剴切敷陳。司捕務者。認真訪緝。庶可除否塞而成交泰。消氛戾而召祥和。執意上以誠求。下仍虛應。自降旨以來。科道等紛紛陳奏。並無經國遠猷。或糾一事。或改一例。大率皆與吏部銓法相關。其餘五部。俱無論及者。揆其意向。不過各私親故。改一條例。為一二人。早得除授地步。不思法令數更。最乖政體。銓法遵行已久。若朝夕改易。人將何所適從。如果吏部事務叢脞。英和戴均元等。或有貪黷廢法。及實不稱職者。該科道實有證據。不妨指名參奏。朕必嚴行查辦。若旁敲側擊。毛舉細故。輕改舊章。遂其私意。豈朕求言之意耶。其步軍統領衙門及五城順天府。近日屢奏獲犯。止係看香治病。拜廟誦經。及逃遣。疊竊各細事。並未緝獲逆匪一名。此不過因降旨飭責。藉此以見其認真訪緝。掩飾目前。朕以誠心待諸臣。諸臣不以忠悃事上。惟思苟且塞責。此

上天所以昭示早象。未能兆成康阜也。特再降旨通行。晚諭。嗣後上言者。當於國計民生要務。指陳利弊。或



確知內外大臣營私執法據實奏。以肅綱紀。職司緝捕者。將飭拿最要次要各逆犯。認真偵緝。期於必獲。不得捨本逐末。以副朕宵旰勤求至意。○又

諭前據御史葉申萬奏。藩司李慶芸自盡一案。閩省與論。咸謂由於張均之多方激成。張均前已奉旨革職。熙昌等不應奏請開復原官。交部察議。當即降旨交董教增秉公確查。茲據奏稱確如查訪。閩省實有此案。係張均激成之論。以張均接收交代。朱履中短缺鹽課二千餘兩。欲將書欠作抵。張均不允。催交現銀。朱履中情急。遂有稟許原管道府收受陋規之事。儻

張均稍肯通融。朱履中必無此稟。亦可無李慶芸自盡之事。竟委窮源。羣歸咎於張均。交代乃難等語。朱履中短缺鹽課。以書欠作抵。本屬違例。張均不肯接收。尚為持正。外省州縣交代。互相牽混。接任者不加詳查。扶同徇隱。以致虧缺相仍。張均之不肯通融。正係照例辦理。安得謂之有心挑剔。至朱履中之情急。捏稟李慶芸之被誣自盡。皆非張均之所能逆料。該員之過。惟在代朱履中墊銀三百兩。以圖自免交代。遲延處分。又代朱履中改削捏造家人何佳姓名。混請銷案稟帖。有此二節。均干吏議。若張均並此而無

之。即察議亦毋庸矣。此案業已查明。張均著仍照熙昌等原擬開復原官。交部察議。熙昌王引之所擬並無輕縱。著毋庸議。○又

御製諫臣論曰。人君治政臨民。未能盡美盡善也。天下幾務極繁。百官庶司。豈能毫無欺隱乎。若無諫諍之臣。政不綱矣。是以特設科道。事上存有犯無隱之忠。效學朱雲魏徵之勁節。立志公正。不畏權要。見壞法亂紀之事。直進彈章。毫無瞻顧。斯不負設官之意也。明目達聰之職。責任至重。君有失德。尚欲繩愆糾謬。格其非心。若一味緘默。徒貽寒蟬之誚耳。內外臣

工。儻有營私作弊而上不知者。立時封奏劾劾。不避嫌怨。斯為盡心盡職之言官。朝廷之大福也。世道人心。日流日下。近年諸臣。為公者少。為私者多。避人焚草者少。張揚於眾者多。甚至假借題目。作弄成福。營私納賄。枉法貪財。此端豈可開。此風不可長也。若不力加整飭。馴至於前明結黨惡習。誠朝廷之大患也。忠告必嘉納。佞口必屏斥。若不論忠佞公私。惟言官之言信用。博納諫之虛名。受亂政之實禍矣。惟望言官洗心滌慮。大公無私。常存以言事君之誠。盡屏取巧謀利之偽。作天子之耳目。為朝廷之腹心。上章進

諫置禍福於度外。密封不露。雖至親手足。不令與聞。方不愧此職任。顧名思義。王章不可玩也。以執法之臣。為犯法之事。甚幸朕求言之誠意矣。為私之一二敗類。不得不除。為公之諸臣。益當勉勵。不必妄生疑懼。當言則言。言必有中。若仍存私見。自此絕口不言。竟以朕為拒諫之主。心更不可問。罪浮於彼矣。○又諭我朝

列聖相承。廣開言路。朕虛懷納諫。凡科道所上章疏。其言是者。無不採納施行。即或識見迂陋。所言不當。亦每曲示包容。不特不肯誅戮言官。即如前朝社政。廷杖諫臣。亦從無其事。本日朝審。勾到官犯內伊綿泰。蕭鎮二名。俱于勾決。伊綿泰枉法婪贓。法所難宥。至蕭鎮職居言路。得以上章言事。徇情聽囑。已干法紀。乃竟賄賣條陳。以奏事為納賄之具。欺君罔上。孰大於此。若不加嚴懲。則言以賄行。顛倒是非。變亂黑白。勢將何所不至。特將該犯明正典刑。以昭炯戒。內外臣工。當知朕所誅者。乃壞法營私。行同市儈之小人。於上章言事之諫官。毫不相涉也。將此明白通諭知之。○二十三年

諭。昨日酉初三刻。有暴風自東南來。俄頃之間。塵霾四

塞。室中然燭。始能辨色。其象甚異。朕心中震懼。夙夜不遑。惕思

上蒼示儆之因。稽諸洪範咎徵。恆風為蒙之象。皆朕辦事不明。用人不當之故。或意存怠忽。不能力勤。或有下情不能上達者。其政事闕失。無所匡正。歟。抑小民冤苦。壅遏莫聞。歟。或內外大臣。有姦佞傾邪。而朕不及覺。歟。有言事之責者。體朕遇災而懼之心。其各屏除私意。獻納忠言。如朝廷所行之事。有似前代社政。應行改革者。即剴切論列。無有所隱。下民橫被冤抑。有覆盆莫白者。亦據事直陳。代為昭雪。其姦邪之病。國虐民者。或模稜巧宦。旅進旅退者。即列款糾參。指其實迹。登之彈章。如此則言者出於為國之公心。朕聽之即為應

天之實政。若懷扶私意。止圖便一身之謀。又或造作無稽。以報夙嫌。而洩私忿。則顛倒黑白。淆亂是非。不特負朕求言之意。更足以增晦蒙之象矣。且如近日人心險惡。匿名訐告之案。接踵而出。良民受其拖累。以致蕩產亡身。皆足以召災沴。又風從東南而來。或東南一帶。通逃逆惡。相聚潛藏。地方官不能覺察。以致上干

天和朕恐懼修省。反復思維。虛懷延訪。內外大小臣工。各當自省。各愆。殫心竭力。共勤職業。以副朕修德弭災之意。○又

諭。巡視五城御史。審理詞訟。稽查姦宄。近在輦轂之下。責任匪輕。必須品行端方。聽斷明允者。方為稱職。向來都察院遇有巡城缺出。一概列名請簡。並不詳加遴選。如蕭鎮之貪贖營私。蔣詩之昏謬溺職。均有玷風紀之司。嗣後巡城御史缺出。著該堂官於科道內。揀選公正廉明者。每一缺保奏二員。帶領引見。候朕簡用。亦不必拘定曾經巡城次數。該員一年任內。辦理妥協則已。儻有貪贖如蕭鎮者。將原保堂官。交部嚴加議處。昏謬如蔣詩者。將原保堂官。交部議處。○

又  
諭。昨因風霾示儆。朕降旨求言。原冀聞政事之闕失。下民之冤苦。令各言官據實直陳。乃連日京堂御史中。竟有三人以松筠降謫之事為言。請仍召還內用者。實屬莠言亂政矣。上年松筠陳奏阻止盛京謁陵大典。朕欽遵

皇考高宗純皇帝聖訓。宣示其罪。猶念其陳奏尚在未經明降諭旨以前。曲從寬典。僅革去大學士。降為二

品頂戴。仍授以察哈爾都統一品職任。此朕準情示罰。不得已之苦衷。曾令松筠跪讀

聖訓。松筠亦惶悚知罪。並無幾微負屈之意。朕以松筠多年舊臣。歲時賞賚無缺。意欲俟一二年後。仍復召用。乃該京堂御史等。妄將此事牽引論列。以應風霾之異。其言大覺支離荒謬矣。松筠謫降。係上年六月之事。彼時何以不見有青災告儆。且言者果以松筠為屈抑。又何以去年不交章諫諍。坐待今日。乃為此無稽之論。况風霾之象。專為松筠。必無是理。復召與否。其權在上。豈小臣所得干預耶。是言者止意圖邀

名市惠。而並不計及政體所關。國家進退大臣。功罪較然。豈容逞臆妄言。撓朕黜陟之大柄。此風斷不可長。特明白宣諭。言事諸臣。務各屏除偏見。毋徇私好私惡。以消公是公非。負朕虛懷納諫之誠也。○又

諭。御史祖培奏武職都司以下各官。請照文職一體欽派大臣。公同揀選一摺。當奏上時。朕即以其言為是。批交大學士軍機大臣會同兵部議奏。茲托津等議覆。應如所奏辦理。向例文職揀發各官。佐雜微員。尚奏請欽派大臣揀選。武舉於會試後。揀選營衛。亦由兵部奏派王大臣考驗。何獨於武職都司守備。轉

由兵部堂官自行揀選。辦理原不盡一。自應一體欽派大臣。公同揀選。以昭公慎。卿祖培此奏。毫無私見。甚屬可嘉。言官陳奏事件。總當屏除私念。如果出於至公。實能有裨國事。朕必鑒其悃誠。降旨嘉許。立予施行。若聽囑徇私。亦不能曲從所請。沽納諫之名。誤國家之政也。○又

諭。昨據給事中李振祐奏。都察院此次京察。有給事中色成額一員。先經列入六法。嗣該給事中獨赴公堂。辯論干求。演習拜跪。該堂官劄行吏科。改列三等。前後反覆。視若兒戲等語。當交軍機大臣查明具奏。

茲據奏調查該衙門冊劄等件。並詢之色成額。及該院經歷等官。原冊內色成額先填有疾。復經都察院劄知吏科。改入三等屬實。至色成額上堂銷假。曾演習起跪。廳官百昌陶定中親見。實未求改三等。該給事中下堂後。各堂公商。劄行吏科。改入三等。請將都察院堂官。分別嚴議議處。京察為激揚大典。舉劾皆當慎重。况都察院職司風憲。尤不應稍涉游移。此案都察院堂官。所定京察冊籍。雖未過部。但業經公同註考。乃輒將六法之員。劄行吏科。改列供職。實屬輕率。色成額仍著列為有疾。是日在署。公同議改之都

察院堂官景祿吳芳培蔣祥墀齊布森俱著交部嚴加議處。和桂隨同畫諾。著交部議處。○二十四年。諭。御史唐鑑奏。請復輪班日講官員。及繕進經史講義一摺。經書史鑑。皆闡治道人。君日理萬幾。不廢典學。我朝

列聖相承。皆本

聖學以成。

聖治。朕仰紹

詒謀。孜孜求治。每值幾暇。亦惟披覽經史。學於古訓。然

念帝王之學。在於貫徹天人。明體達用。以見諸施行。

與經生尋章索句者不同。從前康熙年間。

聖祖仁皇帝曾有翰林輪班入直之

命。旋亦停罷。乾隆初年。

高宗純皇帝命翰林科道輪進經史講義。其後即有借

進講經書。隱諷時事。行其詐偽者。

特降旨訓飭。至乾隆十四年。因御史金相之奏。

聖諭以諸臣按日奏御。所稱洞達天人。發明道奧者。殊

不概見。行之十餘載。漸成故套。

敕令停止。自後數十年。總未舉行。是以朕嗣位以來。亦未議及此事。今該御史請復此舉。朕每日召見臣工。

多至十餘起。披覽章奏。動輒數十件。即使添見翰林四人。多閱講義數篇。亦斷不以為煩苦。惟朕召見大臣。皆以諮議庶政。即京堂各官。近年增有冬季輪班直日之例。其學識之淺深。心術之邪正。於召見時亦均可鑒察。至翰林資格本淺。俟升轉至學士以上。或擢用京堂。改補科道。自可敷奏以言。如此時遽令撰進講義。輪班入對。其能闡聖賢之精義。陳古今之治忽者。能有幾人。若徒據拾陳言。敷衍入奏。或以頌揚塞責。甚至妄議時事。豈非徒亂人意乎。朕圖治維殷。然一切皆求之於實。所謂為政不在多言。願力行何

如耳。使但博稽古之名。而無裨實政。殊不知其已也。該御史所奏。著毋庸議。○又

諭御史袁銑奏考試請飭恪遵功令一摺。所奏是順天鄉試會試。向於午門宣旨。點出各員。例有關防。其不入闈者。自應迴避。即時散去。不許片刻逗遛。至未經考差者。尤不應至彼窺探。接耳交談。如有此等情形。御史即應參奏。交部審訊。自本科為始。點派考官密本。朕不先發交批本處。於初六日特派乾清門侍衛二員。齎至午門前。交大學士拆封。眼同稽察御史宣旨唱名。其內廷行走。不能前赴午門候旨者。朕於點

出後。是日豫行飭知前往聽宣。既宣旨之後。如有不入闈之員。仍在彼逗遛聚談者。即著稽察御史指名參奏。至殿試朝考。應行與考之貢士進士等。例不准在紫禁城內住宿。其無職事人員。於是日更不應至太和門左右掖門探伺。嗣後並著直班護軍統領及稽察御史。嚴行查察。如有違令者。據實糾參。○又

諭御史于德培奏九卿從耕。未及九推一摺。所參甚是。本年耕藉。朕因祇謁東陵。即於是日啟鑿。是以躬耕後。不御觀耕臺。然必四推四返禮成。始行啟蹕。並先期降旨。諭知

壇內有執事人員。俱毋庸赴朝陽門外送駕。俾令從容成禮。乃是日三王仍照常行五推禮。其九卿於王等五推五返後。東班即行散去。西班周系英徘徊觀望。又一推一返而散。彭希濂則一推後並未親手扶犁。實屬怠玩。三王等雖係循分將事。然以視九卿。則能知以典禮為重。殊堪嘉獎。著各賞加紀錄一次。該九卿等。以特派從耕。朕偶未親觀。輒如此玩泄。若派赴外省。專辦一事。更不知如何怠忽。不可不嚴行懲創。著留京王大臣查明。交吏部都察院嚴加議處。御史于德培在西班監禮。即據實參奏。著賞加紀錄二次。

其東班監禮御史。係屬何員。著留京王大臣查明。如同在監禮。僅止不行參奏。著交部議處。若先行散去。並未在彼監禮。著交部嚴加議處。○又

諭。前據御史于德培奏。九卿從耕。俱未九推成禮。朕以九卿等特派從耕。如此玩泄。實屬可惡。當降旨交留京辦事王大臣查明。交吏部都察院嚴加議處。茲據綿課等奏稱。飭傳禮部鴻臚寺順天府各執事人員。並東班監禮之御史舒英蔣雲寬。西班監禮之御史托明。逐加詢問。僉稱東西兩班從耕九卿。均係九推九返。周系英因耕牛行遲。於八推八返後。見東班

先已禮成。自言尚少一推。如何就散。因即補足一推。彭希濂則因耕牛行疾。伊病後步遲。扶犁脫手二次。亦仍九推九返。禮成方散等語。從耕事關典禮。如果該九卿等。俱未成禮而散。則其咎甚重。議上時。朕必將伊等概予罷黜。斷不以人數衆多。稍從寬縱。今查明是日九卿從耕。俱已九推。其先後參差不齊。係因耕牛遲速之故。朕向來觀耕時。曾經目覩。周系英見東班禮成。自計推數補足。均毫無不合。惟彭希濂脫犁二次。實屬失儀。業已降二級調用。罰無可加。著與周系英姚文田王宗誠吳芳培陸以莊善慶奎耀齡

椿均毋庸嚴議。東班監禮御史舒英蔣雲寬。無可議處。英和自請交議之處。亦毋庸議。至三王等從耕禮成。本係照常之事。前因與九卿相較。是以各賞加紀錄一次。今既同係成禮。其所加紀錄。著即撤銷。于德培與托明。同在西班監禮。見彭希濂扶犁脫手二次。理應會同參奏。如托明徇情不肯列銜。即應將托明一併參奏。此事非封章條奏可比。乃一人單銜具奏。並率稱九卿俱未成禮。不顧事之輕重虛實。妄劾多人。其意何居。朕辦理庶政。一秉至公。從無成見。于德培甫經擢任言官。如此多事。實屬冒昧浮躁。著將紀錄撤銷。交部議處。托明於彭希濂愆儀之處。並未會參。亦屬無能。著交部察議。此次議處察議。英和周系英。不必與聞。其餘堂官。秉公議奏。○又

諭。御史李遠烈奏。請禁各部院衙門。繕寫清字稿件。私攜出署一摺。所奏甚是。必應嚴禁。部院衙門。一應稿案。均應在公署辦理。若如該御史所奏。筆帖式繕寫清字稿件。竟各攜回私寓。顯係倩人替代。且恐有私行漏洩情弊。殊非慎重辦公之道。著通諭各部院堂官。嚴飭司員。隨時稽察。如有不能在署繕寫之筆帖式。將文稿私攜出署。及書吏擅送私寓者。立即革職。

呈堂奏。以做惰玩。又

諭。國家神武開基。清語騎射。乃滿洲舊俗。根本重務。必當萬年無忘。是以巡幸盛京。最為鉅典。我

皇考高宗純皇帝曾因

親詣盛京。

垂諭後嗣。當瞻懷遠瀋舊疆。再三周歷。或無識臣工。妄以為不宜。當律以悖命之罪。誅之無赦。其次即木蘭。秋。稱。肄武習勞。亦必當恪遵

成憲。永守勿怠。

皇考聖製避暑山莊後序。追述

聖祖仁皇帝始建山莊。所以詰戎綏遐。崇樸愛物之義。世宗憲皇帝聖訓。後世子孫。當習武木蘭。無忘

家法。並

申諭以敬告後人。若後人忘于此言。則與國休戚相關之大臣。以及骨鯁忠直之言官。執于此言以諫之可也。煌煌

聖訓。昭垂奕禩。上年朕東巡。祇謁

三陵。松筠因畿輔小旱。上章阻止。此奏若出於他人。朕必律以悖命之罪。即予正法。因松筠身為首輔。且素有忠悃。中外之人。皆可諒其無他。故止以降謫示懲。

曲從寬典。木蘭秋獵。

皇考慮及後嗣之不能式循。尚有望於忠諫。設有從而阻止者。亦不可不嚴示罰懲。茲特明降諭旨。嗣後每歲舉行彌典。或偶值天時水旱。朕心自有權衡。如此次降旨。啟鑿屆期。適遇大雨。橋座被衝。即降旨改期。並非因人奏請。儻有無識之徒。敢於朕前建言阻止者。必將其人立予革職。發往伊犁。以為阻撓大典。委靡不振者戒。朕言不再。懍之勿忽。又

諭。御史盧炳濤奏。河工動撥銀兩。請由工部覈議。會同

戶部撥款一摺。所奏甚屬迂謬。河工每年應領歲修

銀兩。俱有定額。先期請撥。豫備工料。須俟事竣報銷。工部方能分別核駁。當該省奏請之時。工部本無可覈議。至遇有要工。承辦大員。約計工需。請撥帑項。若先交工部覈議。該部並未身親目覩。其需用銀款。或多或寡。應准應駁。憑何定議。徒然遷延時日。轉致有誤要工。該御史太不曉事。原摺著擲還。二十五年諭。御史邱煌奏。請禁科道遺缺奏事一摺。所奏非是。朝廷設立言官。遇有應奏事件。原許不時入告。如其言果是。即奏章一上。朕必獎勵優加。儻撫拾浮言。雖累牘不休。亦不能遽遷識拔。每次引見給事中。朕所簡

用之人。非但不論開列之先後。實不計條陳之多寡也。若如該御史所奏。遇有給事中缺出。未經引見之先。即不推御史呈遞封章。是將使言官瞻顧徬徨。相率緘默。且又稱實係機密重務。仍許入告。設言官奏事。專為圖謀進階。將必有以緊要事件。故意延閣。俟有科缺。始行呈奏者。又將何以辨其真偽耶。總之。官奏事。其心當為公而不為私。轉不必豫存避嫌之見。如該御史摺內。聲明現有漢給事中一缺。業已呈明扣除引見。是又近於取巧。殊可不必也。○又

諭。給事中葉繼燮奏擬絞犯婦。情有可原。刑部不應列

入秋審情實一摺。所奏甚屬非是。此案保杜氏。因伊翁保三雄利資。縱伊與保緒文暨賈生俊。先後通姦。該氏恐姦姦生隙。告知伊翁移避。致伊翁被保緒文踢斃。該給事中以保三雄之死。非杜氏意料所及。籤商刑部改緩。刑部援引歷辦服制成案。礙難改緩。咨覆刑名案件。遇有倫紀攸關者。刑部執法定擬。例應擬實。至情節不同。將來勾決時。其權衡出自上裁。若如該給事中所奏。服制之案。此類甚多。若俱擬緩決。不但有紊成例。朕亦無可免勾之案矣。葉繼燮不勝御史之任。著以吏禮兵工四部員外郎補用。○又

諭。賈允升奏各省京控案件。請降旨不准發還一摺。所

奏非是。各省民人赴都察院呈控案件。向來有奏聞者。有咨回者。有駁斥者。嘉慶四年朕降旨不准駁斥。以防壅閉。係指案情重大者而言。若如賈允升所奏。無論案情大小。不准駁斥。即不准發還。則一切戶婚田土錢債細事。一經京控。悉皆奏咨辦理。亦於政體非宜。國家設官分職。大小相維。若以部院衙門。理及瑣屑之務。則直省地方官。所司何事。且近來訟風日熾。使姦民臆計赴京控訴。必當一概准理。豈不益長刁風。倍增訟獄。控累株連。流弊更大。賈允升所請不准發還控案之處。著毋庸議。惟都察院向有一兩月彙奏咨案之例。嗣後凡發還案件。亦著存記檔冊。摘敘案情。一兩月彙奏一次。即可防掩重為輕之弊。其近京旗民控告細事。劄交五城司坊審斷者。仍照舊例辦理。毋庸彙奏。○又

諭。從前軍機處滿漢章京。皆由軍機大臣。於內閣等衙門傳取。嘉慶四年。改由內閣六部理藩院保送引見。嗣後將保送人員。先令軍機大臣考試。分別棄取。帶領引見。其記名者。挨次傳補。立法至為允當。惟大員子弟。設有迴避之例。殊可不必。防弊之道。初不在此。



如大臣子弟。有挑入軍機處者。藉以學習政事。未嘗不可造就人材。嗣後保送軍機章京。著毋庸迴避大員子弟。其軍機章京。有升至通政司副使大理寺少卿。及補授科道者。即回本衙門行走。著仍照舊例行。

欽定大清會典事例卷一千七

都察院

憲綱

諭旨十

道光元年

諭給事中盛唐奏檢拾匿名揭帖。請飭訪拏究辦一摺。甚屬非是。律載匿名文書告言人罪。見者即為燒毀。若將送入官者杖八十。官司受而為理者杖一百。被告者雖實不坐。定例久經著明。嘉慶二十三年復奉皇考仁宗睿皇帝諭旨。以匿名揭帖最為風俗人心之害。凡有黏貼匿名揭帖。即將原帖銷毀。不准具奏。惟關係國家重大事務者。密行奏聞。是惟叛逆重情。乃准入告。此外皆應遵旨銷毀。

聖諭煌煌。至為嚴切。該給事中豈無見聞。乃以匿名呈控。上棍細故。違例具奏。除所告毋庸查辦外。盛唐著交部議處。又頒

御製聲色貨利論曰。孔子曰。放鄭聲。書曰。比頑童。時謂亂風。又曰。不役耳目。百度惟貞。玩人喪德。玩物喪志。記曰。姦聲亂色。不留聰明。淫樂惑禮。不接心術。由是觀之。聲色之為害大矣。因思我朝定制。皇子皇孫均

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

於六歲入學讀書凡聖賢之所發言自幼無不誦讀  
講肄以為修身立志之本其餘終身抱道克己復禮  
者甚難蓋知之非艱而行之艱也在常人猶不可不  
檢束身心屏除聲色為人君者尤當以禮自防無為  
所惑常人惑之害及一身人君惑之害及天下敬思  
朕受

聖考教育付畀深恩欽承

諭諭必當立除此弊有損無增茲難於概行除卻者實  
朕之苦衷不能以言喻之也後世子孫若能體朕之  
心法朕之行成朕未竟之事造次無忘不遜聲色之

諭即我大清萬世天下臣民之福也其後宮嬪御之  
制簡約詳明毋庸復贅遵而毋改可也孔子曰百姓  
足君孰與不足百姓不足君孰與足宮中府中原屬  
一體非同士庶之私自蓋藏也故人君不可有私財  
有私財必有私事有私事必有私心有私心則不為  
其所愚者鮮矣是以貨利之害尚小而立身行政之  
害大矣我朝立法嚴明言利之臣立加貶斥惠民之  
德不備節金故任土作貢自古有之惟是行之既久  
未免世俗相因漸生侈靡要在為人上者知稼穡之  
艱難力崇節儉返本還淳無節儉之風豈空言所能

感化也務在身踐力行概從樸實毋尚虛文即向應  
入貢者亦必察其義之所在定以限制不可稍存自  
奉之心在詔諛者必曰尋常之物非珠玉可比價廉  
直賤獨不思一絲一粟從何而出哉且由數千里而  
來以至達於九重其費不知凡幾矣故省一分天下  
陰受一分之福於吏治民生不無小補也至於亭臺  
苑囿夙有規模高樓之風盡美盡備足以供幾餘游  
憩其可復待經營乎書曰峻宇彫牆又曰惟宮室臺  
榭陂池侈服不可不引為龜鑑也即以當時而言每  
歲應修理者即不能及時措置何暇復有所加增乎  
設遇容悅之臣侵漁之吏多方獻諛取巧逢迎主意  
則必曰內廷之興造不同往昔今則自內發帑募夫  
並非勞民力傷民財而成之也此乃我大清萬世之  
罪人即應立正典刑暴白天下試思府庫之藏來自  
何所耶變其名色分其出納又將誰欺耶嗚呼仍是  
吾民脂膏也設非

壇

廟宮室城郭官署外又何忍以有常之費恣意消耗於  
無用之地耶我後世子孫若不遵循舊制縱欲無厭  
或有譏佞榮惑同顧是非當時之滿漢大學士軍機

大臣都察院堂官暨科道等即持朕諭。文章進諫。若諫而弗納。則為君者甘為祖宗之罪人。臣工無與焉。若不能犯顏強諫。唯知自顧身家。苟且旁觀。尸祿保位。則是自外生成。為萬世不忠之臣矣。著將此諭交內閣軍機處。都察院各錄一。道慎密存記。特諭。○二年

諭。御史董國華奏請嚴汰各部冗員一摺。所奏似是而非。各部截取外用簡缺。知府人員。其未經銓選以前。仍在本衙門辦事。各有本缺職任。正可藉資練習。若概令出缺候選。是徒與該員以自便之途。既非所以造就人才。而於部務仍無裨益。所奏不可行。至京察註入三等人員。例得留任。以觀後效。該堂官原應隨時察看。如該員果能奮勉。下屆京察尚准列為上考。若如所奏。必剋期分別去留。休改則三年後察典轉無可汰之員。於事理殊覺未協。所奏亦毋庸議。○又

諭。前據御史魏成憲奏。戶部郎中張甲三丁培緒員外郎丁嘉幹。刑部主事高賜禮。聲名平常。一摺。當交軍機大臣。令其指出實據。復將該御史登覆各款。交戶刑二部當官秉公確查。茲據查明各該員所辦稿件。皆屬按例准駁。在署亦無別項劣迹。該御史所指

人證傳詢各員。據稱並無其事。御史有糾繩之責。例許風聞言事。但必須確鑿。可憑方能據實查辦。今該御史撫拾空言。臆款指劾。殊失建白之體。魏成憲著傳旨申飭。嗣後各科道等如遇叅揭事件。務當確切指陳。真知灼見。不得以捕風捉影之談。徒博彈劾之名也。○又

諭。御史邱家焯奏請申禁士子懷挾。並嚴查坊刻小本書籍。售賣一摺。會試為抡才大典。有志之士。束身自愛。何至故犯科條。據該御史奏稱。近有倩人寫成小卷。或將坊刻小本書籍攜帶入場。甚至有貢院夫役包攬代為帶入者。殊屬大干功令。嗣後著辦理科場及搭檢各官。凡遇考試。務遵科場條例。認真查辦。不得視為具文。亦不得任聽搭檢人役有意栽害。其坊刻小本講章策略等書。著該地方官出示嚴禁。以杜弊端。至本年係鄉試年分。邱家焯違例條奏科場事宜。著交該部察議。○又

諭。御史郭泰成奏請疏通河渠。以工代賑一摺。據稱直隸入夏以來。大雨時行。田禾被淹。由河渠淤淺。水無所歸。如果河渠通暢。田廬未必受傷。年歲仍可豐稔。等語。疏通河渠。以備水滂。時宜洩流通。固是該地方

應行之事。但今歲直隸一百四十三州縣被水者有八十州縣之多。經朕特發帑金分投賑濟。災黎計口授食。待賑不暇。又何忍藉此可緩之工。使民力作。若如該御史所奏。以賑濟之帑金。作興工之費用。是未給民食。先用民力。俾數萬飢民。驅令枵腹從事。大失朕拯恤窮黎之意。且被災非一區。疏通非一處。直隸各州縣所屬河渠。難以數計。如盡使嗷嗷待哺之民。赴功趨事。實屬窒礙難行。况天氣嚴寒。伊邇小民衣食尚艱。又迫以力役。是未蒙賑而先受其擾也。該御史不諳事體。所奏紕繆。斷不可行。又

諭都察院奏。遞著即於明日呈覽。嗣後該衙門應奏控案。遇有此等陳進事件。無論有無違悖字樣。俱著一併封奏。又

諭朕恭閱

皇曾祖世宗憲皇帝實錄。內載雍正四年十月奉

聖諭。有謂朕進人太驟。退人太速者。朕在藩邸時。從未與外廷諸臣往還。即認識者甚少。及即位後。有內外員缺。甯能不用人乎。而素無認識之人。不得不博採旁求。以用之。及用之而徐觀其人。實不可用。則不得不更易之。故大自督撫提鎮。至於道府參遊州縣。每

一缺出。苟不得其人。朕將吏兵二部月摺。翻閱再四。每至中夜不寢。必得其人。方釋然於中。此為君之難。實不可以言語形容者也。等因。欽此。仰見

皇曾祖勤求邳治。進賢如不得已之至意。本日給事中張鑒奏稱。督撫司道等官。升調太驟。各員履任未幾。旋即更調。該員於民風土俗。不暇周悉。屬吏尚未徧識。莅官之日。少奔馳之日多。胥吏乘新舊交代之際。玩法舞弊。家人利本官歷任之多。飽索規禮。弊俱相因而至。嗣後請俟數年後。察看該員治效。再為升調等語。所見未嘗不是。惟是國家設官分職。所以登崇俊良。俾列庶位。因地擇人。權衡務求至當。朕敬體

上天付託之重。恭釋

列聖寶訓之貽。永思治益求治。安益求安。一遇督撫司道缺出。不得不廣諮博訪。擇其可用者而用之。此朕不得已之苦衷。即如督撫中孫玉庭。阮元。琦善等。何嘗不久任封圻。昨盧坤由甘肅藩司簡放廣西巡撫。朕因其於陝西情形較為熟悉。因畀以陝西巡撫之任。於簡任之中。仍寓人地相需之義。如果二三年後。各督撫司道俱能盡心職守。吏治民風蒸蒸日上。朕又何嘗必欲更調。令該督撫等僕僕道途為耶。至所

稱督撫兩司滿漢參用當無分畛域以免更調之煩  
朕已早論及此惟期大小相維共臻上理凡在臣僚  
皆朕股肱心膂視同一體原不豫設成心意存防檢  
如該給事中所云也將此通諭知之○又

諭本日大學士軍機大臣議駁給事中袁銑奏嗣後遇  
有慶典請無議蠲一摺所議甚是我朝

列聖相承深仁厚澤培養元元恤災減賦不惜數千萬  
帑金隨時舉行至遇慶典之年復將各省地漕民欠  
分別蠲除廣布恩膏有加無已煌煌

令典允宜遵循勿替該給事中輒云遇有慶典總無議  
蠲是欲改變舊章使朝廷之膏澤不下逮於閭閻大  
乖行慶施惠之義給事中袁銑言利亂政妄更

祖宗成憲致朕於不仁不惠是誠何心豈可復任言官  
著以六部主事降補○三年

諭御史趙柄奏請敕停各省停止分發佐雜人員一摺  
向來佐雜等官因部中銓選較難照例加捐分發各  
省試用按次輪補嗣以歷年分發既多各該省人浮  
於缺日形壅滯節經直隸山東河南山西陝西江蘇  
等省奏請暫停分發均已降旨准行原因該員等一  
經分發在省差委各督撫隨時甄覈其流品才具固

所深悉補缺後既得及時自效亦可造就人材將來  
漸次疏通仍照常辦理並非使各省遞相仿效永遠  
停止若如該御史所奏令各督撫設法調劑不得請  
停分發是佐雜等選期本屬遙遠分發到省又復擁  
擠至數百人之多守候至數十年之久旅進旅退得  
缺無期甚非所以恤微末而權銓政也所奏著毋庸  
議○又

諭御史陳澧奏徐淮控告鹽商匿報侵吞一案既據汪  
葆仁自首短交餘引請敕江蘇巡撫就汪葆仁呈出  
殘引細冊切究黃濬泰等侵吞確數等語此案前據

韓文綺奏在籍郎中汪葆仁恃符插訟業經降旨  
將該員革職歸案審訊尚未據該撫奏結如果該撫  
審斷不公有枉縱情弊原許科道參奏朕必嚴行根  
究乃以未定之案該御史臆為懸斷並請旨敕下撫  
臣辦理遽列封章甚屬謬妄冒昧陳澧著傳旨嚴行  
申飭○又

諭御史王世紱奏請嚴京察一摺國家澄敘官方三載  
考績為激揚之大典朕恭讀嘉慶五年十一月  
皇考仁宗睿皇帝特諭近年以來六部堂官所拔識之  
司員大率以迎合己意者為曉事之人以執稿剖辯

者為不曉事之輩。以每日偃謁卑詞巧捷者為勤慎。以在司坐辦口齒木訥者為迂拙。遂至趨承卑鄙乞憐昏夜白晝驕人。仕路頹風。幾不可問。朕思轉移風氣之方。須立矜式觀摩之準。現已將屆京察之期。各部俱應慎重選舉。以公心辦公事。毋存絲毫私意。問心無愧。斯可對君。此旨著通行曉諭。各錄一道。懸於公署。朝夕觀覽。等因。欽此。

聖訓煌煌。至為詳備。部院各堂官果能實力奉行。自可融陟允當。朕即再降旨申諭。亦不能出。

聖諭之範圍。如該御史所奏。歷屆京察。有出任道府。督撫撤令回京者。堂官薦之於前。督撫劾之於後。或保或參。互相矛盾。此言未嘗不是。然猷守兼優者。固屬攸往咸宜。其資格較久。謹愿樸實之員。原有部務熟悉。而初膺外任。未必裕如。若朕屢飭直省督撫。隨時甄別。原非一經薦舉。即不復加以參劾也。其衰庸各員。該堂官等自應嚴加甄汰。儆懾其衰。優特予於全曲徇人情。好為姑息。一經發覺。惟該堂官是問。至所稱候補各員。有才堪造就。不妨試以例案。策勵使前。似為得人起見。然候補人員。於稿案事件。原應一律講求。以期熟悉。至補缺先後。挨次序用。自有一定成

例。各衙門有例可循。尚恐堂官以愛憎為取舍。不盡公允。若妄更成例。越次揀選。名為鼓勵人才。實以開弁競之門。躁進者遂捷足先得。守分者必致補缺無期。此端一開。流弊滋深。所奏斷不可行。至各員簡擢外任。或因貪劣被參。原保各官。吏部本有處分定例。亦毋庸更立科條也。○四年

諭。山西榆次縣民間思虎強姦趙二姑一案。前經趙添中以該知縣當堂逼認和姦。致趙二姑忿激自盡等情。赴京呈控。降旨交邱樹棠親提嚴審。嗣該撫仍以和姦擬結。御史梁中靖參奏。復諭令將人證卷宗提解刑部審訊。始據刑部審明。據實平反。並將該省承審各員賄囑舞弊各情。逐一究出。此案聞思虎強姦釀命。實屬淫兇。著照例斬監候。入於本年朝審。情實辦理。趙二姑猝遭強暴。捐軀明志。洵屬貞烈。可嘉。著禮部照例旌表。已革榆次縣知縣呂錫齡。首先承審。膽敢訊法營私。致釀人命。昏墨欺蒙。情殊可惡。著發往伊犁充當苦差。解任太原府知府沈琮。於所屬知縣聽從賄囑各情。毫無覺察。及提府審訊。又復有心回護。其代慶純等捏敘說單。為消弭刑逼勒結地步。尤屬詭譎。沈琮著革職。發往烏魯木齊效力贖罪。解

任忻州知州慶純。平定州知州賈亮采。未能悉心推鞠。率照和姦取供。意存迎合。上司非尋常失出可比。慶純賈亮采俱著革職。發往軍臺效力贖罪。解任太原縣知縣章頌椿。於填寫屍格。迹涉含混。並誤取犯供。實屬無能。溺職。章頌椿著即革職。按察使盧元偉督審重案。所訊各情。均係輕重倒置。種種錯謬。幾成冤獄。盧元偉著即革職。巡撫邱樹棠。以特旨交審之案。不即親提審訊。任聽屬員草率遣就。顛項入奏。實屬辜恩溺職。即將該撫革職。亦係罪所應得。姑著加恩降為按察使。以觀後效。刑部堂官及承審此案司員。秉公研鞠。伸雪沈冤。使兇徒不致漏網。辦理尚屬認真。俱著加恩。交部議敘。御史梁中靖。奏得實。著加恩賞給四品頂戴。仍交部議敘。以示獎勵。○又

諭。朕於道光元年。御製聲色貨利論。仿書紳之義。以為座右箴銘。交內閣軍機處都察院各錄一道。科道等身列諫垣。自所深悉。即應恪遵前旨。慎密存記。乃本日御史善年。奏請將聲色貨利論。或每月宣讀一次。或一年宣讀數次。無端發此昏繆之語。甚屬狂妄。善年有心見好。不知大體。豈復勝御史之任。著以員外郎降補。歸部銓選。○五年

諭。本日松筠到軍機處。告知軍機大臣。代為奏請。帶內閣中書徐松。隨往熱河審案。向來各部院大臣。經朕派令出差。例帶本衙門司員。或本衙門無熟悉刑名之人。准將刑部司員。奏明帶往。此次濟克默特札布及色楞旺楚克互控一案。係蒙古事件。前經松筠奏帶理藩院司員。尚屬可行。松筠係都察院堂官。中書非其所屬。率請隨帶徐松。又不於召見時。面奏迹近專擅。任意妄為。不知檢點。且此端一開。將來出差大臣。皆可於所屬意之人。奏請帶往。實緣奔競。尚復成何政體。松筠所請。不准行。著傳旨嚴行申飭。○又

諭。朕檢閱去歲封章。有巡城御史武爾通阿。劉尹衡具奏。等獲形迹可疑之人一摺。業經刑部審明。按律奏辦矣。因思該逆犯張淖。雖無主使。實與等情。其恃逆形狀。已屬確鑿。該御史等。巡查尚屬認真。武爾通阿。劉尹衡。俱著交部議敘。○又

諭。前據給事中郭泰成。奏二麥豐收。請暫弛囤積之禁。一摺。據稱例載各鋪戶所存米麥雜糧等項。不准逾數。因積係因年歲歉收。恐姦商壟斷。居奇有妨。民食為此。權宜之制等語。京師為五方輻輳之地。人煙稠密。必使米糧流通無滯。庶居民無食貴之虞。原非專

為數歲設此例禁從前因米價昂貴曾降旨嚴拏因戶現當二麥豐收之時民食正可稍裕若如該給事中所奏勿限囤積數目是使姦商乘此豐稔之年恣意收買將來囤積居奇必至糧價增昂有妨民食該給事中顯係受人慫恿與本日萬方雍所奏公私迴別身為言官豈可稍存私見輒請變通成例所奏斷不可行郭泰成著傳旨嚴行申飭○又

諭

御史劉尹衡奏接據揭帖二紙列款控告嵩縣知縣各情雖書有高珩之名其人不知去向將所收印照揭帖呈覽請飭交辦等語匿名文書告言人罪最為風俗人心之害有拾獲者即應燒毀前降諭旨與律文所載甚明該御史所收揭帖雖書有姓名而其人避匿焉知非駕名捏控何得以有執照印信為詞不行燒毀殊屬非是除將封呈各件擲交該御史自行銷毀外劉尹衡著交部議處○六年

諭前據御史錢儀吉奏浙江學政朱士彥任性錯謬各款當經降旨交程含章詳細確查茲據該撫奏稱原參該學政終日沈湎及教職小誤輒加夏楚二款查詢並無其事又創為小枷令士子帶枷謄錄一款查係因童生夾帶文字用小枷加號示眾所加之人

不得入場作文無所用其謄錄又貧生拖欠錢糧無論奇零悉行扣考一款查係該府縣教官詳報欠糧扣考所欠銀米自數兩數石至千餘兩數百石不等並非貧生小戶完糧後即准補考所參皆屬不實惟該學政之父隨棚分閱試卷出題割截太甚不成句讀取進童生寫字錯訛令教官掌責及嘉興試院於場事畢後演劇各款原參有因而未盡實等語浙省士風輕薄朕所夙知該學政遇事整頓原無不合惟伊父朱彬迎養到浙止宜在署居住不應隨棚閱卷若亦幫同校閱豈不與干預公事者無異試院演劇雖係場事全竣亦不應漫無關防至生童勦襲舊文及字畫錯訛原應豫行出示曉諭誥誡有犯者棄置不錄究不宜出題割裂句讀取進後輒予掌責致滋物議此數節朱士彥不能辭咎著交部議處至御史職司糾察遇有不法之事原應立加參劾然亦當訪查確切錢儀吉所參朱士彥各款若皆屬實該學政當得何罪今查明數款尚出有因而措詞未免過當且有數款查無其事錢儀吉何得率行陳奏念其究係言官從寬著交部察議○又

諭

昨據戶部會同吏部議奏推廣常例酌增事例條款



一摺已依議行矣。同日又據御史黃德濂奏稱滿漢廢生世職及各正途出身之子孫弟姪俱准報捐易滋流弊。更恐新例一開且將常例條款議增必不能及每年常捐之數等語。古人籌備軍儲原有輸粟於邊之議。現值勦辦逆回軍需繁重。雖口外存糧充裕。而轉運一切經費必須寬籌。斷不能以內地歲入之常經盡出為荒徼行軍之用。茲經部臣會同議奏於現行常例之外。不得已推廣酌增條款。專為現在軍興而設。仍嚴定限制。以免流品混淆。其常捐事例參酌情形。分別應增應減。並未一律加增。更與另開新

例者不同。御史職司言路。凡遇臣工議奏之事。有未允協者。原可於具奏通行後。據實直陳。如果所言可採。即已經施行。亦不難飭令改議。乃該御史於該部會奏時。同日陳奏。試問該衙門所議條款。尚未具奏通行。該御史何由得知。非有意沽名。即近於取巧。此風斷不可長。黃德濂本應重寃。念係言官。著從寬交部議處。○七年

諭。昨因元旦朝賀禮成。百官甫退。有穿補服二人自東而西。在太和門階下趨過。降旨查詢。本日據那清安等奏。向來朝會有御史禮部司官侍衛等分列左右。

糾察失儀。請將該員等察議等語。朝會大典。自應整齊嚴肅。該員等於任意趨走之人。竟不照例指拏。所司何事。並聞侍衛處久未派員。自係相沿積習。亦屬疏忽。本應照例將該堂官懲處。姑念由來已久。並非起自近年。著吏部查取此次專司越班失儀御史及禮部司員各職名。照例察議。嗣後丹墀南仍派禮部司員四人。儀仗後仍派御史四人。禮部司員四人。並著添派侍衛四人。分列昭德貞度門內階下左右。專司朝儀。遇有越班行走者。立即指拏奏辦。倘再怠忽。從事定將各堂官一併懲處不貸。○又

諭。昨據五城御史會奏。散放貧民錢文完竣。朕召見摺內列名之東城御史寶瑛。南城御史但明倫。俱未進內聽候。當令軍機大臣查詢。尚有東城御史汪琳。南城御史安豐。西城御史錢儀吉。三員亦俱未到。各衙門呈遞奏章。凡摺內列銜之員。理應進內。祇候該御史等五人。皆無故不到。殊屬不合。俱著交部議處。○九年

諭。御史何輝綬奏。請定保舉御史章程。一摺。所奏甚是。御史為風憲之官。必當慎重遴選。此次保送御史內。兵部郎中李煥。曾任湖北荊州府知府。因才不勝任。

改用今職刑部郎中錢學彬前在福建泉州府知府任內有意規避以才不勝任請改京職部議革職旋經捐復員外郎推升郎中復蒙混截取繫缺知府部議降調又經捐復郎中此等人員何得濫行保送御史李燂錢學彬均著該部即行扣除毋庸帶領引見嗣後各部院堂官於所屬司員內凡因私罪降補京職及不勝外任特旨改用人員不准保送御史並不得截取外用○又

諭禮部議准御史牛鑑奏請以李容從祀

文廟一摺先儒升祔學宮祀典至鉅必其人學術精純經綸卓越方可俎豆馨香用昭崇報若僅著述家言闡明心性未有躬行實踐超越等倫列祀鄉賢已足彰褒旌之義豈宜升祔廟庭稍滋冒濫綜覈李容生平學行雖足為閩黨矜式然似此者亦豈乏人何能盡登兩廡該部請如該御史所奏准其從祀

文廟之處著毋庸議○十年

諭向來刑部承審案件本有定限完結惟案內有提犯未到或行查未覆及患病之犯應行扣限各衙門與刑部定例尚未盡一至闕殿之案必以辜限傷痕定

罪名輕重其疑難重案遠員接審應照例扣限以專責成若罪止杖笞及無罪可科之人分別交各旗及司坊官等帶訊亦應定立傳限著照刑部所擬嗣後在京衙門承審事件限一箇月完結刑部現審事件杖責等罪限十日完結發遣軍流等罪應入彙題者限二十日完結命盜等案應會三法司者限一箇月完結其闕殿殺傷之犯到案後以傷經平復及因傷身死之日為始行查及提質並案犯患病以查覆及提到並病愈之日為始接審者以接審之日為始仍將應行扣限及三法司會審日期並於科道衙門註銷內聲明備司員因循或法司不即會審以致逾限如係書役作弊者將書役嚴加治罪承審司員及會審遲延之堂司官一併交部分別議處內外移咨行查如催丈三次無回文者照例題參行文八旗內務府五城順天府提人於文到三日內無故不行送部者亦照例參處○又

諭御史寅德奏崇文門稅務仿照倉庫等例特派御史專司查察一摺崇文門設立稅局原以稽察行商盤詰姦宄應稅貨物固不容稍有偷漏而往來行旅尤不可任令胥吏等恣意婪索若如該御史所奏近來

稅局巡役過多。該役等所有親戚及熟識閒雜人等。每向該管委員請封諭帖。因此藉端影射。輒用白役多人需索訛詐。以致往來官民人等。視為畏途。且聞各門稅局。遇有裝載行李車輛到門。每一衣箱。索取銀四兩至八兩不等。其森商私販違禁等物。夾帶進城。胥吏等轉得受錢。私行賣放。京師為萬方輻輳之區。似此滋擾舞弊。不可不嚴行查禁。嗣後著都察院堂官揀選滿漢御史。擬定正陪帶領引見。候旨派往該處專司查察。其更換之期。以一年為滿。如胥役人等。於不應盤查之人。故事勒指遲留。而於例應訪拏違禁貨物。輒行受賄賣放。該御史等一經查出。即行指名奏懲。所有該處稅務。不准該御史等干預。倘該御史等有心撓越。或受人情託。有授意免稅及縱容家丁需索滋擾情事。即著該管大臣等據實奏務。須各循職守。互相稽覈。於國課民生兩有裨益。不可日久視為具文。○又

諭。托津等奏會議稽查復滿書吏回籍章程一摺。在京各衙門復滿書吏。並不回籍。往往逗遛京師。招搖影射。執法營私。據托津等遵旨會議章程。具奏所有已滿書吏。逾限不即起程。及半年不到原籍。潛行來京。

分別革去職銜治罪。司坊官分別勒懲。疏縱之原籍地方官。參處告退。革退之吏。勒限回籍。五城司坊官督率總甲認真查報。冒籍大宛兩縣者。役滿令歸原籍。其籍隸大宛者。不准充當書吏。至貼寫酌定額數。責令該經承連環取保。其有加捐佐貳等官。毋庸在部投供者。勒令回籍。並著都察院堂官滿漢科道留心查察。如有役滿逗遛。及地方官容留疏縱等弊。隨事隨時據實嚴參懲辦。不得日久視為具文。○又

諭。前因各省京控咨交案件。提解逾限各員。惟江蘇彙奏請旨交部議處。安徽彙奏咨參其餘各省均係定案時隨案咨參。辦理兩歧。降旨交吏部明定章程。改歸畫一。茲據奏查明各省京控咨交案件。前於嘉慶十五年。經都察院會同步軍統領衙門奏准統計一年之內。咨催兩次。彙參兩次。並令該督撫每屆半年詳察逾限各案。將承審各官開列揭參。交部查取職名議處。久經定有章程。惟各省案件。多寡不同。以致辦理兩歧。請飭一體照例遵辦。嗣後各該督撫府尹均將京控咨交逾限未結之案。每屆半年彙奏請旨交部議處一次。以歸畫一。俾承辦各員咸知儆畏。○又

諭前因七品以下人員違例借用素金帽頂經大學士九卿議定章程降旨嚴申例禁茲據給事中陶廷杰奏違例借用者現尚不免朝廷制用頂戴彰別等威何得濫行僭越况經降旨申諭並責成科道等據實糾參豈容視為具文不加察劾朕思吏部月選官驗看時每次遠派各部堂官八員科道各四員其驗看官內有八九品未入流等項人員如違用素金頂者著即指名嚴參嗣後若再有七品以下人員借用素金帽頂者並著科道等隨時糾參按律懲處以重名器○十一年

諭大學士九卿會議整飭各部院註銷章程一摺各部院辦理事件每月兩次造冊赴科道衙門註銷載明已完未完各若干俾科道月終題奏如有遺漏逾限者參處各部又設立督催所查催各司所辦事件以防積壓其現辦事件按季具奏各部院復於年終赴河南道照刷文卷由河南道彙題必註明有無漏辦難結事件似此層層稽覈立法至為周詳承辦各員果能依限辦竣認真查察何至有積壓未辦之事件令該書吏於註銷時混行填寫且各司收文均有號簿每件之下必註明收文辦稿呈堂行文各日期如

果細心查閱自不至遺漏遲延據大學士等奏稱若有專員稽覈自更有所責成著照所議令各部院於各司中揀派滿漢司員各一人專司查覈於文書收發逐件清釐填寫註銷時再為詳細覈對掌印主稿司員仍不時留心稽察不得以派有專員管理即置之不問其督催所司員又將各司事件按限查催趕辦恐日久視為具文該科道等必應認真稽察於每月註銷事件年終照刷文卷之時逐條磨對儻有未完事件書吏捏填已完者著隨時參奏懲辦以防延閣而杜弊端○又

諭左副都御史德厚蔣祥墀以職司糾儀之大臣先已失儀遲誤又不具摺請罪有意含混實屬膽大俱著照部議降二級調用毋庸查加級議抵其不據實參劾之糾儀科道覺羅明奎孫善寶續齡周貽徽祥安隆勳寅德劉光山阿成徐法績景斌邵正笏富明舒德承光恆謙文達奎秀朱壬林范承祖徐培深卞士雲韓大信汪報原松桂吉爾敏慶昌伊克精額那瑪善和豐程煥采吳清鵬彭玉田陳焯瞿浴馮贊勳俱著降二級留任未經參奏之左副都御史德興著降一級留任均不准其抵銷○又

諭前據御史姜梅奏東城副指揮張懷洙久病曠職請  
勒令開缺當降旨令都察院堂官查明具奏茲據那  
清安等奏該副指揮張懷洙因病請假扣除兩次銷  
假日期並未通告病例限至吏目法位幫同照料飯  
廠條照向辦章程該副指揮並無私託法位料理情  
事惟該副指揮患病日久一時未能就痊張懷洙著  
即開缺病痊後交吏部照例辦理所有東城副指揮  
一缺著照例揀補嗣後司坊官員如有久病曠公即  
著隨時查明覈辦以重職守

欽定大清會典事例卷一千八

都察院

憲綱

諭旨十一

道光十二年

諭據御史景斌奏稽察右翼前鋒統領四旗護軍統領  
事務每於挑缺時赴教場監看內印務筆帖式一項  
弓力較輒者居多即有勉強用硬弓者大半不能中  
的此項筆帖式除前鋒校護軍校之外別無升階請  
照景運門內大器營領辦筆帖式之例於各旗營印  
務筆帖式二員之外添設領辦筆帖式一員俟三年  
期滿如果始終奮勉該管官出具考語咨行吏部遇  
有本旗各衙門筆帖式缺出即行銓選等語弓箭乃  
旗人分內應習之事該筆帖式等辦理行文繕摺事  
務雖不能如兵丁等常川操演亦宜隨時習練以資  
得力若如該御史所奏因其無暇私操弓力較輒不  
能升補前鋒校等職請添設領辦筆帖式俾得量邀  
升轉是始因弓力較輒終歸於另開升路未免更張  
舊制為該員等倖進地步且恐各處紛紛效尤瀆請  
亦屬不成政體該御史所奏著不准行○又

諭科道風聞言事原應以重大事件入奏於國計民生

俾有關繫方為不負厥職。所有會匪王老頭子即王法中等習教一案。係給事中隆勛於上年冬間訪聞。奏請拿辦。茲據軍機大臣等會同刑部審出該犯等拜師傳徒。斂錢惑眾。實情分別定擬。復究出尹老須。姬三白等犯。習教重情。尚在研訊。此等匪徒。任其潛匿煽惑。日久蔓延。為害閭閻不小。若非隆勛奏請懲辦。該犯等反得倖逃法網。實非戡暴安良之道。且所關甚鉅。消息於未萌。實有裨於國家匪淺。足見隆勛於此種重大案件。頗能留心訪察。不愧言官。殊堪嘉尚。隆勛著加恩超擢太常寺卿。以示獎勵。○又

諭嗣後凡遇貢院考試。著都察院衙門奏派滿漢堂官各一員。專司稽查。如有士子不遵功令。承管各衙門因循疏懈者。著即據實參奏。以肅場規。而端士習。上年給事中劉光三陳奏科場各條。經軍機大臣等會議。奏准遵行。已屬周備。此後鄉會試時。著承辦各衙門務須實力奉行。毋得視為具文。儻有因循滋弊之處。一經發覺。必將承管之員懲處不貸。○又

諭京師入夏以來。甚形亢旱。節過夏至。風日炎燥。深切憂勞。月前兩次設壇。並親禱。三壇。小雨廉纖。未蒙優渥。昨經躬祀。

社稷壇虔誠步禱。風威雖斂。仍未渥沛甘霖。朕甚懼焉。因思致旱之由。必有所自。應

天以實不以文。恐懼修省。在平時即當夙夜維寅。以召和甘而消稜沴。至遇災而懼。已屬補救於臨時。况敢以規為瑱乎。朕一日萬幾。兢兢業業。不敢自信。一無闕失。今者恆暘示儆。惟應省愆修政。以期仰格

天心。本日閱給事中劉光三摺所奏。亦為弭災起見。著在京各衙門例准奏事人員。於恆暘之由。請雨之事。國計民生之大。用人行政之宜。據誠直言。各抒所見。有可以上感

天和者。朕必見之。施行以冀和甘。速沛轉歉為豐。惟不得摭拾浮詞。空談塞責。布告在廷。咸喻朕意。○又

諭御史者。綱奏請飭查降革人員。懇予恩施。免致廢棄。一摺。用人為行政之要。朕綜覈庶政。一本大公。凡文武大小官員。其有咎屬因公。或失察註議。覈其情節較輕。量從未減。原未嘗因一眚擯棄終身。惟寬宥之典。恩出自上。豈容臣下建言。售其沽名市恩之計。近因京師亢旱。降旨求言。苟有裨於國計民生。用人行政。朕必立見施行。惟不得摭拾浮詞。空談塞責。所降諭旨甚明。茲據該御史奏稱。近年以來。獲咎降革各

員雖經肆赦未能普霑恩澤請飭交吏兵二部查辦其施法外之仁試思遇災修省當如何憂勤惕厲未所以默感

天和凡清理庶獄整飭吏治籌備民食諸大端或特旨飭辦或因奏允行若該御史所奏是因亢旱而欲加恩廢員從來弭災之術有如是之曲徇人情者乎求得此等之言何益政事何能感召身列言官不能直陳利弊仰副朕意一味徇私乞恩意存見好於人以是為據誠應詔令人慨歎而已該御史所奏實屬紕繆不可行○又

諭本日據大學士會同軍機大臣議奏京員揀發河工學習章程河防關係重大必得通曉熟練之員方有裨益著於內閣翰詹六部都察院各衙門不分滿洲漢人擇其正途出身清慎勤敏者每衙門保送一員咨交吏部帶領引見候旨發往東南兩河學習如不得其人毋庸濫保並著定為兩年揀派一次該員到工後隨同該河督等專心學習估工查料及一切疏濬堵築各事宜不必承辦要工亦不准經管錢糧並著該河督量才差遣周歷河湖隄堰查勘情形俾資歷練其有謬妄滋事者不但該河督應隨時參劾即

兩江總督山東河南各巡撫均有兼轄之責並准其據實劾參毋稍瞻徇其黽勉勤慎尚堪造就者二年差竣著該河督出具切實考語送部引見候旨錄用此係為慎重河務起見其不諳河務者准其仍回本任不准乞恩改補地方如遇大挑年分仍照舊例分發試用著該河督隨時甄別各該員等務須實心學習期於熟諳宣防釐工熙績以備國家任使○又

諭前任稽查銀庫工料給事中邵正笏著解任前任銀庫司庫解任內閣中書豐盛額著革職邵正笏現出福建試差業已起程著沿途各督撫派員伴送來京

歸案質訊雲南道御史宗室容和著一併革職歸案嚴究確情按律定擬具奏○又

諭昨日御史徐寶善奏請飭禁私書請託一摺內有謁選之吏未行請託之書已去及怵於權要習教強匪等三案疆吏掣肘等語朕詳加披閱意必實有其人實有其事交軍機大臣傳到該御史詢問令其據實登答茲據軍機大臣將該御史親筆登答呈覽其人其事毫無指實均係泛論御史職任言官原許風聞陳奏如內外大臣有營私亂法以及朝廷政事闕失自應據實敷陳直言無隱何得以莫須有之事逞其

筆端出於捏造乎。湖南猺匪趙金龍滋事。朕特派禧恩等前往。盧坤調度有方。羅思舉奮勉出力。將逆匪掃蕩。平盧坤等保舉各員。均經交禧恩等覈議。奉旨准行。廣東連州猺匪滋事。李鴻賓劉榮慶辦理不善。又派禧恩等由楚赴粵。督率余步雲曾勝勦辦。迅速特旨加恩獎勵。諸臣和衷共濟。疆吏並未掣肘。至臺灣匪徒滋事。現派瑚松額等前往。其起釁根由。尚未查明。各路官兵亦未到齊。更毋庸議。該御史妄以揣度之詞。作為切實之語。阻撓國政。搖惑人心。於用人行政。大有關係。此風斷不可長。徐寶善著交部議處。○十三年

諭此案庫丁戴雲峯因解官並不取交。竟起意虛立印付。侵盜餉銀。繼因奎秀等恐虧庫項。未允該犯輒敢飾詞。恣憑以致阿成等舞弊得贓。實為此案罪魁。藐法已極。此而不嚴行懲辦。何以儆姦。而肅紀綱。戴雲峯著即處斬。已革給事中阿成聽信戴雲峯等虛出通關。截留侵餉。得受贓銀一十兩之多。該革員身任查庫御史。職司風憲。盤點是其專責。乃舞弊即係查弊之人。尤出情理之外。阿成著即處絞。○又諭御史朱崢奏請慎重名器一摺。所奏甚是。可嘉之至。

國家設科取士。三年大比。錄其文藝優長者。試於禮部。量才而後官之。並於正科之外。開設恩科。原以加惠士子。甄拔真才。以備朝廷任使。上年畿輔荒旱。收成歉薄。節經賑糶頻施。而春雨未透。百姓嗷嗷待哺。該地方官倡議勸捐。適有直省紳士捐輸。經該府尹等奏請。朕因花翎以待軍功。未便率行賞給。而該員等不分畛域。急公好義。亦不能不量予獎勵。是以仿照年老諸生。未經登第。賞給舉人副榜之例。分別辦理。姑允所議。原係一時權宜。未嘗著為定例也。若如該御史所奏。未登仕版者。將可報捐中書。已列部曹者。又將保送御史。甚至買通關節。雇倩槍替。識趣日卑。術業漸廢。生富人傲幸之心。阻寒儒進修之志。亦不可不防其漸。嗣後各直省督撫及順天府尹等。偶遇水旱偏災。如有抒誠捐輸。應須嘉獎之處。在士庶或酌給扁額。或議敘職銜。在官紳或准其加級。或予以升途。概不准請賞舉人。即使援引成案。妄行濫請。亦斷不能仰邀允准。其已經賞給者。如有關節槍替等弊。國法具在。亦不能因加恩在先。概予寬宥。朕於勸善之經。求賢之道。總期並行不悖。該士子等務須經明行修。敦崇實學。自然登進有階。無妄生冀倖之



心也。又

諭昇寅等奏此次

太廟孟秋時饗東班監禮之御史並未將陪祀不到人員參奏請先行交部察議御史費開綬帥方蔚既見東班陪祀之員止有受慶一人理宜據實參奏乃該御史並未詳查陳奏殊有不合着先行交部議處。

又

諭前據御史趙敦詩奏請禁奔競以維氣節據稱各部院司員謁見堂官多有屈膝請安其遇堂官生辰喜慶等事遞送如意即有公正堂官礙於觀面不斥其

非當即明降諭旨申明舊定儀注司員謁見堂官止應侍立回堂毋許屈膝請安並令該御史將遞送如意者何人收受者何人公正堂官何人據實陳奏即據奏稱道光十一年三月在戶部山東司見有賣玉器安姓持如意數柄求售詢係尚書禧恩生日司員要買如意備送壽禮迨至五月初間復見安姓持如意進署聞係侍郎李宗昉之父生日戶部司官多在伊宅遞送如意等語一面令禧恩李宗昉明白回奏一面飭步軍統領衙門查傳安姓並令軍機大臣詢問該御史據伊親筆登覆買遞如意何人實不能記

憶清楚如前任戶部郎中今升山西大同府知府珠瀾戶部候補郎中黃立誠外間傳說遞送如意旋據禧恩李宗昉先後覆奏均無收受司員如意之事復令軍機大臣傳到該御史復詳加詢問婉言開導並將賣玉器之安姓令其識認據安姓供稱道光十一年曾在戶部賣售如意該御史向伊詢問信口答應尚書禧恩生日將近想來必有司官購買如意該御史稱亦相同詢以何人曾買安姓如意是否向禧恩呈遞該御史則稱並未目擊復據安姓供稱賣買姓名物件俱登帳簿編加查覈既無珠瀾黃立誠買過如意並無伊二人姓氏列入簿內該御史乃稱珠瀾黃立誠遞送如意及李宗昉之父生日司官在伊宅遞送如意均係風聞俱與安姓無涉復詢以戶部司員甚多何以獨指珠瀾黃立誠據稱伊與珠瀾曾同在福建司行走見向賣玉器人評論如意價值又見賣玉器人往廣東司售賣詢係黃立誠需買至買過與否無由得知亦不知此外再有何人買過如意詢以賣玉器人既非安姓係何姓名則又不能指出是該御史以毫無指證之事捕風捉影妄登奏牘及再三詢問一味含混其詞牽拉支離終無指實朕用人

行政惟知一秉大公。事事務歸確實。禧恩李宗昉身  
列一二品大員。於君父之前。諒不敢一字含混。自蹈  
欺飾。如果該御史確有指證。不難再傳人證。嚴行究  
詰。乃僅以安姓信口問答之詞。遽登白簡。豈能憑此  
臆說。加罪臣工耶。趙敦詩著交部嚴加議處。○又

諭

向來武會試內場。取中試卷。先於雙好字號內。選取  
如不足額。再於單好字號內。選取。是以各武舉試卷  
彌封後。仍送外簾御史。各照原箭冊印明雙單好字  
號。馬箭地球步箭弓刀石。於各卷面上。分六項填註  
移送內簾。以憑去取。此定例也。武科之設。以外場為

主。其弓力強弱。尤足定其優劣。至馬步箭。本有一日  
之長短。第能合式。自可命中。即如朕御紫光閣閱試  
中式武舉馬步箭。其能全中者。再閱時。未必仍能疊  
中。至默寫武經。又其餘事。斷不能憑此為去取。本科  
會試。特派白鎔胡達源為正副考官。宜如何認真考  
覈。為國求材。乃殿試後。特命軍機大臣。覆覈箭冊。除  
貴州本無雙好。此次中式單好武舉王家燮。陳正坤  
應毋庸議。外辰字圍。福建武舉現有雙好一名。取中  
單好許逢時一名。陝甘有雙好四名。除呂廷彪。丁定  
國二人中式外。取中單好馬興臨一名。宿字圍。滿漢

蒙古有雙好五名。除慶喜隆。山雅爾胡善三人中式  
外。取中單好烏和哩一名。列字圍。山東有雙好六名。  
除紀冠軍。唐汝藩。樓夢麟三人中式外。取中單好楊  
雲鳳一名。廣東有雙好五名。除韓南輝。何如啟二人  
中式外。取中單好李達元。池化鼈二名。此數人俱僅  
開十力弓。惟烏和哩。開十二力弓。及派員覆試。又復  
不符。其馬興臨。許逢時二人。覆試弓亦不符。尤不可  
解。究竟該考官等。置雙好而中單好。以何為憑。若以  
中箭多寡為辭。則陝甘雙好中。均係馬步全中。何以  
捨此取彼。若以默寫武經為去取。則是重其所輕。伊  
等有心支吾欺飾。強詞奪理。其咎更重。至內簾監試  
御史蘇芳阿。給事中黃爵滋。試卷原不寫目。亦不應  
干預考官取中之事。第現有雙好字號。考官取中單  
好。出圍後。即應據實劾參。何竟緘默不言。亦安用此  
監試為耶。白鎔胡達源。蘇芳阿。黃爵滋。俱著單銜。各  
具摺明白回奏。不准會商連銜。○又

諭

本科武會試。正副考官白鎔胡達源。取中武舉。有置  
雙好而中單好者。監試御史蘇芳阿。給事中黃爵滋。  
出圍後。並未據實劾參。昨降旨。令白鎔等各具專摺。  
明白回奏。茲據白鎔等先後奏覆。白鎔自認錯誤。強

為說辭衡材大典。斷不容稍紊舊章。任意去取。似此錯謬。非尋常疏忽可比。白鎔著先行開缺。交部嚴加議處。胡達源則稱伊所取中之卷。並未置雙好而中單好。惟於白鎔中卷錯誤。未能查覈更正。正副考官皆朕特加簡任。必應公同商酌。中卷如此錯謬。亦屬咎無可辭。胡達源著一併交部嚴加議處。至蘇芳阿黃爵滋均稱未能查明。參奏實屬不合。俱著交部議處。○又

諭本日據吏部奏嚴議武會試正副考官白鎔等分別降調降留均屬咎有應得。歷科武會試內場取中試

卷先於雙好字號內選取。如不足額。再於單好字號內選取。此定例也。本科會試特派白鎔胡達源為正副考官。自當認真考覈。以備干城之選。乃置雙好而中單好。至有六名之多。及至派員覆試。許逢時馬興臨烏和哩均以弓力不符停科。其未經停科之楊雲鳳李達元池化龍均以衛守備用。可見此次中式單好武舉六名。技藝俱極平常。其外場監射較射王大臣考校尚屬秉公。並未屈抑人才。而白鎔等悍然不顧。以千人共見之技。竟至上下其手。實不平允。朕不為已甚。姑勿深究。白鎔著降補大理寺卿。胡達源著

降補翰林院侍講。以示薄懲。御史蘇芳阿給事中黃爵滋部議降二級留任之處。均著加恩改為降一級留任。不准抵銷。○十四年

諭御史那斯洪阿奏倉庫重地宜慎選人才。畀以久任。以收實效。而除積弊一摺。朕詳加披閱。實屬窒礙難行。京通各倉為天庾正供。該管監督出納攸司。職任自最關緊要。各衙門保送監督。秉公選擇。定為三年更換之例。且自道光四年間。明定激勸章程。所以祛積弊而慎倉儲者。立法已極詳備。總在該倉場侍郎等實心整頓。剔除弊竇。俾在任者責無諉卸。接任者事有稟承。該監督等俱當激發天良。不敢意存玩泄。如果振刷精神。謹遵成法。辦理自臻妥協。不在變通舊章。若如該御史所奏。倉差定以年限。難以得人。請變通三年更換之例。將各倉監督。仿照倉場侍郎鹽務河防等官。亦皆定為專缺。且謂各省州縣有倉庫之守。畀以久任。倉庫重地。必須久任。等語。倉差三年更換。原以慎防弊竇。賢否易於稽查。若久於其任。更事既熟。則玩泄易生。必至通同作弊。牢不可破。且外省州縣經營係一省之倉庫。京通各倉關係天下之倉儲。其事之輕重。責之大小。所不待言。何得援州縣

久任以例倉差妄議更改成法總之近來通弊在於有治法而無治人若辦理不善徒思變易舊章以為補偏救弊恐除弊適以滋弊也該御史所奏甚謬著毋庸議○又

諭本年武鄉試特派桂齡龔鐘為正副考官自當認真考覈遵例去取乃於內場取中試卷置雙好而中單好辦理錯謬復蹈上年白銘胡達源等前轍當降旨將該考官等交都察院吏部分別嚴議議處茲據奏請將桂齡龔鐘降四級調用八十二降二級留任桂齡著降為從三品候補龔鐘著降為正四品候補其不具摺奏奏之監試御史八十二著降二級留任不准抵銷○十五年

諭科道為朝廷耳目之官責任至重凡政治利弊攸關如有真知灼見俱應據實上陳直言無隱近來科道中馮贊勳金應麟黃壽滋曾望顏等平日遇事均屬敢言聞有指陳亦皆明白曉事其有關繫國是切中時宜者無不量加採納立見施行是以將該員等擢任京卿所以風勵言官即是廣開忠諫之路該員等益當仰體朕意遇事敢言一切毀譽榮辱之念俱不應存於中惟於國計民生實有裨益或除姦剔弊確

有見聞均當剴切直陳毋有隱諱僕謂既非言官遂甘緘默則是以建言為梯榮之具驟得升階即圖保位似此沽直聲於前而思緘口於後不幾與朕用人圖治之意大相刺謬耶嗣後務當屏除私見盡心盡職不避嫌怨力矢公忠不特政務關繫民生國計及牽涉內外臣工者仍應據實指陳不可妄生疑懼即朕用人行政之際稍有闕失亦當隨時進言以資採納朕總理庶政一秉大公即聽言一節深望諸臣切實敷陳不憚再三詰誠期以察天下之治忽非徒博納諫之虛名其有徇隱姑容前後易轍者尤當深以為戒言行相顧始終不渝朝廷收諫言之益國家著直臣之效朕實有厚望焉將此通諭知之○又

諭本年九月間舉行奉安孝穆皇后孝慎皇后梓宮典禮嵩暉等係工部派充總辦事宜司員載銓於事畢後在梁格莊行營查詢沿途差務率指嵩暉為家裏人嵩暉當以哈喇阿明白登覆差旋後復向敬敏等呈請代奏當降旨令載銓明白回奏並派大學士軍機大臣傳集嵩暉等訊明具奏隨據將傳訊各供詞呈覽與載銓所奏情節相符朕因

載銓措詞過當。並高曜負氣具呈。恐開屬員訐告之漸。復降旨將載銓交宗人府高曜交部議處。旋經宗人府將載銓照例議罰職任俸一年。吏部將高曜照例議罰俸九箇月。朕酌量情節。均屬允協。業經降旨准行。此案載銓以堂官查詢司員差務。係為慎重公事起見。本無不合。使非載銓措詞過當。高曜敢於負氣具呈。朕必將載銓處分寬免。重治高曜訐告長官之罪。公是公非。權衡至當。本無畸輕畸重於其間。茲事隔兩月之久。御史湯鵬率行奏稱載銓處分過輕。請再交宗人府量加議處。並請將高曜處分寬免等語。朕綜理庶政。一秉大公。從不設以成見。遇有應行處分事件。或特旨施行。或交部覈議。總期情理悉協。衆論允符。若事經數月。於奏定准行事件。紛紛瀆請妄議改更。無此政體。且賞罰為朝廷大權。豈容臣下妄行干預。湯鵬此奏。率意瀆陳。實屬不知事體輕重。不勝御史之任。著仍回原衙門行走。○十六年

諭朕於本月十三日御門辦事。兵部司員陳宗壽輪班引見。傾跌失儀。本日據炳輝等奏請將該員交部議處。並將吏部押班司員交都察院察議。陳宗壽是否偶爾失足。抑係年力衰老所致。著兵部堂官查明據

實具奏。至吏部押班司員。無從防範。所請察議之處。著毋庸議。該給事中等侍班糾儀。目擊情形。理應即行具摺奏參。且此事無待商酌。何以遲至本日始行具奏。炳輝等著傳旨申飭。○又

諭前據給事中富彰奏兵部保題漢缺。遴選正陪不盡允協。當交長齡穆彰阿查明具奏。茲據長齡等查明兵部保題漢缺。遴選正陪。歷屆並無不合。朕詳加披閱。所敘原委。均屬有案可憑。是兵部遴選正陪。於題選兩途。毫無歧視。科道職司言責。外省事件。尚可以風聞未確為詞。至如部院大臣。如果有不公不法舞

弊營私情節。見聞確實。自應據實指參。朕方為之嘉許。被劾之員。必當審明重治其罪。若指摘一二案件。不問是非虛實。有意吹求。及至降旨。令其明白回奏。仍復堅執前說。以懷疑不解等詞。嘵嘵置辯。似此攻訐不巳。尚復成何事體。富彰不勝給事中之任。著以員外郎降補。以示薄懲。嗣後各科道遇有事關國計民瘼。惟當據實敷陳。不得以捕風捉影之談。遽形奏牘。經此次訓誡之後。如再有似此劾奏各項事件。查無實據者。即將言事之人懲處不貸。○又

諭向來科道等官。於京外各省事件。如有風聞原許據

實陳奏請旨查辦至應如何辦理之處豈容妄逞臆見率行瀆請茲據給事中寅德奏江西康生陳泰來前因呈報開採銅鉛致被斥革請開復廩生飭令前往採辦實屬糊塗冒昧寅德不勝給事中之任著回原衙門行走○又

諭給事中鮑文瀾奏陶澍違禁私刊奏疏一摺並將原刊奏疏呈覽朕詳加披閱其所刊刻俱係發鈔事件惟封疆大吏身膺重任所奉硃批理當慎密方為不負委任陶澍輒行刊布迹近沽名殊失公爾忘私之義陶澍著交部議處至另片奏淮北票鹽辦理不善等語淮北改行票鹽總期於國課民食兩有裨益如該督於每年奏銷監課短絀該部自能參奏即令民食不使其所行票鹽各省該督撫亦必具陳利弊候朕施行鮑文瀾此奏摺據瑣屑意涉挾嫌此風斷不可長鮑文瀾著一併交部議處○又

諭御史富隆額奏請究查捏造浮言一摺國家設立科道等官廣開言路原期興利除弊摘伏懲姦於國計民生兩有裨益數年來科道中每有陳奏朕無不虛衷採納其建言得體有裨政治者或加恩外擢或簡畀京卿其或事涉瑣屑指陳無據亦不予以嚴捷所

以獎勵激勸俾令知無不言言無不盡乃近來妄肆譏彈捕風捉影甚且挾嫌誣陷報復逞私尚復成何事體經朕將該員等分別懲處實朕萬不得已之苦心在廷臣工有言事之責者宜如何仰體朕心靖共獻納勉副朕孜孜求治之意若如該御史所奏言官奏事應究問風之所自起聞之所由來是使進言之人心存畏蕙瞻顧不前必至民生疾苦吏治廢弛悉壅上聞豈不於朝廷設立言官之意與朕達聰明目之心大相徑庭耶所奏著毋庸議○又

諭前據馮贊勳奏參廣西宣化縣知縣楊時行署任月餘責斃數命當交恩銘趙盛奎秉公確查具奏嗣據查明該員實無濫刑斃命情事復據馮贊勳將楊時行責斃各犯姓名案由月日開單呈覽並奏請密飭覆查適因新任廣西巡撫梁章鉅來京陛見當將原摺清單交該撫帶往嚴密訪查務得確據茲據該撫奏稱檢查案卷覈對各犯被押月日並無將卷宗抽換消滅之弊其用小竹板答訊賊犯亦無杖以百計之事且各犯發保病故相距自一二十日至數月不等現經查明民人馮大學開場誘賄經楊時行訪聞拏獲該犯口稱伊姪現居京職未全顏面該員仍照

例責懲毫無贖徇。可稱不畏強禦。甚屬難得。著該撫察其才具。如果始終奮勉。遇有應升之缺。酌量保奏。以為州縣各官。實能除暴安良者。勸。梁章鉅甫經升任巡撫。於交查之案。即能悉心體訪。據實奏聞。使賢能之員。不致屈抑。甚屬可嘉。著加恩交部議敘。至言官風聞奏事。當為國計民生起見。馮贊勳兩次陳奏。俱云得自家書。並將責斃各犯。開具姓名月日。乃一經查訪。全不相符。且其所奏。竟係一片私心。輕信族人。無據之辭。意圖報復。似此紳士書役。挾制地方官。其風斷不可長。馮贊勳著交部嚴加議處。○又

諭本日據吏部遵旨將馮贊勳嚴議具奏。言官為朝廷耳目所寄。責任甚重。凡所敷陳。當為國計民生起見。其有關繫國是。切中時宜者。朕必量加採納。立見施行。即或偶爾失實。而所奏尚屬因公。亦必曲為寬恕。從不遽加譴責。朕於大小臣工。賞功罰罪。一秉大公。斷不稍存私見。即如本年高喀爾於黑龍江歷久遵辦之事。輒因私意。妄託該將軍更改章程。從通具奏。尚係為地方公事。惟不自行據實陳奏。膽敢私致書函。囑其奏辦。即屬有心干預。是以於訊明後。立予重懲。不稍寬貸。馮贊勳前任言官時。遇事敢言。聞有指

陳尚堪採取。經朕加恩擢至四品京堂。宜何如屏除私念。力圖報效。以慰朕用人求治之意。乃逞其一片私心。於署宣化縣。知縣楊時行杖責竊匪。本無濫刑斃命情事。輕聽族人無據之詞。兩次曉曉瀆奏。意圖誣陷地方官。隱遂其報復之計。其居心實不可問。此端一開。在京大員。藉端挾制地方官。必至每事掣肘。吏治尚可問耶。馮贊勳著即照部議革職。以為徇私忘公者戒。○又

諭宗人府奏御史永桐因揀選貝勒。未經入選。具稟瀆辦。永桐係宏旻之子。乾隆年間。宏旻因莊頭事件。使人至通永道囑託革去貝子都統治罪。是宏旻所犯本係私罪。何得謂為無罪之人。即嘉慶年間。賞給奉恩將軍。准其隨班入朝。係屬

特恩。素瑕錄用。此次宗人府揀選承襲貝勒。未將該員入選。辦理本無錯誤。乃永桐率行具稟。曉曉陳訴。實屬不合。著交部議處。○十七年

諭嗣後凡京堂御史緣案降補。以及原係京職降調補官。指明以何官降補。或仍回本任。並廢員起用。捐復降捐人員。如係一體升轉。其原案內並無不勝外任。及奉特旨停升者。計俸合例。俱著准其保送京察。一

等並著吏部於本內將該員等原案情節詳晰聲敘吏部即纂入則例通行各該衙門遵照辦理○又

諭御史柏齡奏請選將訓兵整頓營伍以衛京師一摺

我朝武備修明兵制已臻盡善京營兵弁有各營大臣統領隨時訓練分別勸懲操演既不為不勤俸餉亦不為不厚惟在遵循舊制豈容妄議更張若如該御史所奏請簡派久歷戎行之將軍提鎮副將九員分駐九門提鎮四員分駐圓明園官為給辦乾棚晝夜棲止試思外省將軍提鎮各有專司若紛紛調京成何事體至所奏滿洲人員內挑取火器護軍健銳

各營曾經出師之章京漢員內挑取綠營曾經出師之參遊帶同滿漢兵丁各隨該大臣晝夜棲止早晚操演二次每月合操一次事涉紛更且駭人聽聞該御史於訓練將士有勇知方之道茫乎未聞率意妄陳乖謬已極不勝御史之任柏齡著以六部主事降補○十八年

諭昨據吏部議奏五城事宜業經降旨將城內戶婚田土詞訟案件均改歸正指揮衙門詳城覈辦毋許吏目干預是該正指揮等責任綦重嗣後著巡城御史留心查察如該正指揮等有縱容吏役營私舞弊及

才具平庸不能稱職者隨時參奏毋稍姑容儻該吏目等仍有干預擅受情弊亦即嚴參懲辦以專職守而儆官邪○又

諭本日據吏部奏遵旨照例議處請將姚元之降二級

調用一摺在京部院大臣於外省督撫舉劾屬員本不容妄有干預左都御史姚元之以一品大員與南昌府知府張寅係屬姻親乃於該員被參之案指稱該撫迹近挾私並將該員去任時百姓祖道甚多生員臚陳政績代為陳奏實屬冒昧非是若使事關重大必當嚴治其罪姑念姚元之究係言官且其所奏

止為張寅申辨其事尚小姚元之著照部議降二級調用以示薄懲○十九年

諭御史有言事之責向不准摭拾空言妄行陳瀆至於

見聞所及確有指實之處豈得徇情遷避緘默不言此案已革未入流劉禮恭以職官吸食鴉片煙並售賣煙膏圖利給事中巫宜禊既已知情並不參奏顯係回護同鄉部議降二級留任尚覺稍輕著改為降三級留任不准抵銷○又

諭嗣後滿洲京堂缺出輪應科道到班具題請旨簡放

者俱著改為吏部帶領引見著為令○又



諭御史有言事之責。凡條奏事件。皆應覈其情節。或遇有重大案件。亦准入奏。若尋常控案。各衙門自有專司。該御史等不得據拾遺陳紛紛越俎。即如御史汪于泗前奏屈雙業訐告一案。事關重大。該御史迅即奏聞。所辦甚是。本日御史焦友麟代民人孫承基呈遞狀稿一摺。甚屬冒昧。此等控呈。不過捐糧細故。該民人自當赴理事衙門呈遞。該御史何得妄行代奏。若尋常事件。皆入封奏。又安用設立各衙門為耶。焦友麟著傳旨嚴行申飭。該民人原呈著交都察院查明照例辦理。○二十年

諭科道有風聞言事之責。內外官吏貪庸不職。原許列款糾劾。至賞罰大權。操之自上。豈容疏逖小臣妄行干預。前據給事中周春祺奏。浙江提督祝廷彪應行治罪等語。已屬非是。至祝廷彪年逾七十。精力就衰。恐其調遣不能得力。是以降旨休致。並不因該給事中奏。始有此諭。本日又據周春祺具摺言事。輒謂休致祝廷彪之旨。係伊奏所致。竟似朝廷用舍賞罰大權。言官可以意為操縱。若相率效尤。成何政體。此風斷不可長。周春祺不勝給事中之任。著回原衙門行走。○二十一年

諭昨召見五城會奏御史雙壽陳光亨喬邦憲宜崇。並未到圍。本日據該御史等奏請議處。或因審案或因感冒等。尚非無因。惟於聯銜摺內。未經註明究屬不合。雙壽陳光亨喬邦憲宜崇均著交部議處。○二十三年

諭戶部銀庫設有管庫司員。專司出納。管庫大臣總領其事。復疊次派出王大臣盤查。近年又添設查庫滿漢御史。各該員等果能認真經理。覈實稽查。何至羣相蒙混。釀成巨案。本年因庫丁張誠保偷盜庫銀破案。特派大臣將新舊各項逐一盤查。本日據惟勤等

覆奏。新收常捐等款。均與應存之數相符。舊存正項飯銀。竟虧空銀至九百二十五萬二千餘兩之多。實屬從來未有之事。覽奏曷勝忿恨。以國家正項錢糧。膽敢通同作弊。任意攫取。似此喪心昧良。行同借國盜賊。本應立置重典。以肅法紀。惟事閱多年。官非一任。即書吏丁役等。亦人數眾多。儻不確切查明。恐致遺漏。俾逃法網。其自嘉慶五年以來。歷次管庫及歷次派出查庫王大臣。皆係親信大員。亦復相率因循。毫無覺察。並無一人能發其姦。甚負委任。不知諸王大臣有愧於心否。朕自咎無知人之明。抱愧良深。均

著交部查取職名。嚴加議處。此案著派戴銓、穆彭、阿  
故徵裕、誠、賽尚阿、嚴實查辦。所有歷任管庫司員。查  
庫御史。並丁書人等。著逐細查明。嚴行治罪。○又

諭御史蘇廷魁奏。因災陳言。請虛懷求諫。一摺。朕君臨  
天下二十餘年。兢兢業業。日慎一日。即無

上蒼垂憐。豈敢稍涉怠荒。乃近年災患頻仍。朕深宮循  
省。負疚良多。自當刻意慎修。勉益加勉。在廷諸臣。其  
各盡心獻替。巨弼朕躬。毋辜期望。至求言納諫。係朕  
本心。近來科道建言。凡有裨於實政者。無不立見施  
行。即如翰林院編修吳嘉賓。戶部郎中湯鵬。主事丁

守存等。以本無言責之人。條陳事件。亦未嘗不虛懷  
聽納。是言路並無壅塞。况應天以實。不以文。正不必  
特詔求言。反似虛應故事。嗣後大小臣工。務各力矢  
公忠。屏除私見。遇有用人行政。闕失。盡言無隱。朕非  
飾非文過之君。諸臣不必存畏罪取容之見。但必揆  
諸時勢。實在可行。方可登之奏牘。儻泥古不化。徒託  
空言。仍於國計民生。毫無裨益。則大非朕虛己聽言  
之本意也。○又

諭本日據御史陳慶鏞、奏琦善等三人起用。為刑賞失  
措。無以服民等語。前因琦善奕經文蔚先後辦理夷

務。未能奏效。當將琦善等革職治罪。因思從前辦理  
不善。總由朕無知人之明。以致琦善奕經文蔚諸人。  
喪師失律。迄無成功。朕惟有返躬自責。愧悔交深。何  
肯誣罪臣工。以自寬解。琦善等韜略未嫻。限於才力。  
現在年力正強。是以棄瑕錄用。予以自新。今據該御  
史剴切指陳。請收成命。覽其所奏。亢直敢言。朕非飾  
非文過之君。用人行政。一秉至公。初無成見。豈肯因  
業有成命。不便收還。自存回護。耶。琦善奕經文蔚均  
著革職。即令閉門思過。以昭賞罰之平。至黜陟之權  
操之自上。本非臣下所能干。儻該御史所奏。於情法

未能持平。朕亦不能曲從。以邀譽中外。臣民應曉然  
於朕撫躬引咎。虛懷納諫之至意也。○二十七年

諭前據御史王東槐奏。山東地方官玩縱盜賊。措置乖  
方。各情形。當交柏後等嚴密訪查。茲據柏後等奏稱。  
訪查該臬司刊刻告示一本。與該御史所奏相同。並  
將編查保甲。司道聯銜札示一併呈覽。保甲之法。原  
為弭盜良規。乃平日既不能實力奉行。及至盜匪充  
斥。僅託空言。全無實效。巡撫有統轄全省之責。司道  
等亦職在察吏安民。於該省緝捕重務。先事不猶豫  
防。臨事復不能妥速籌辦。以致延及鄰省。所司何事。

實屬咎有應得。崇恩王篤徐經王懿德英桂岳齡均著先行交部嚴加議處。至臬司徐思莊告示居民則稱巨盜進莊止許鳴鑼集眾勿許驟搜其鋒賊去始令追捕並有以縱為檢以予為取之語其意何居實屬紕繆不通之至。徐思莊著即行革職。御史王東槐陳奏得實著遇有給事中缺出即行升補仍交部議敘。又巡視中城河南道御史志魁等奏編查保甲拏獲吸食鴉片逸犯杜焜請飭交刑部審辦奉旨杜景胡即杜焜著交刑部審辦中城御史志魁給事中賈慎莊督查保甲認真著交部議敘從來編查保甲為緝姦要務若奉行故事實無裨益該御史等按冊逐戶點查竟能將前經降旨飭拏逸犯杜焜訪獲並查出人數姓名不符及形迹可疑多起分別辦理可見一經嚴查該匪等即無駐足之處是認真稽查門牌大有實效因思各城各有專轄地面自應一律認真清查毋令姦究漏匿該巡城科道等必應督飭所屬實力奉行認真查察遇有形迹可疑及門牌人數不符之處立即嚴拏究辦毋得視為具文有名無實仍不時稽察丁胥人役等毋得藉端騷擾需索以緝姦究而靖閭閻。二十八年

諭前據御史楊彤如奏河南賈魯河挑挖糜費將國帑百萬輕擲迄無成功並未將辦理不善之員分別參處賠修河陝汝道施熙貪名素著所至侵蝕錢糧等語當交福濟路兼章親往履勘訪察據實具奏茲據福濟等奏稱查明該省興挑賈魯河三次共用銀五十四萬餘兩錢四萬串覈與原奏百萬數目不符惟甫經完工即行淤墊總由勘估未能認真承挑工員復草率從事糜帑設工各無可辭所有初次承挑賈魯河總管委員前任開封府知府現升河北道長臻總辦委員前任開封府同知現升四川成縣龍茂道馬秀儒前候補同知捐升知府鄭榮東河捕河通判朱品金二次歲修總辦委員前任祥符縣知縣現升許州直隸州知州金梁著暫行革職仍著該撫勒限飭令認真賠修儻河道不能深通利運即著嚴參懲辦並著琦善催令馬秀儒迅即前赴河南辦工成縣龍茂道缺亦即派員署理河陝汝道施熙雖查無貪墨實迹惟承辦改挑河道未能一律寬深亦屬辦理不善著交部議處仍即行送部引見河南巡撫鄂順安於此等鉅工未能先事詳勘辦理及河道淤塞又不將辦理不善之員據實嚴參迨經捐廉改挑復不

奏明實屬草率於前。倘隱於後。著交部嚴加議處。所有賈魯河工程。應如何責成各員。按成賠修之處。著該撫酌定章程。依限興工。務須加展寬深。沿河橋牖。均令修整。不准稍形草率。以期經久。工竣專摺具奏。又奏前賈魯河完工後。經該撫奏明將捐輸錢六千萬串。交典鋪生息。作為歲修之用。今既責令各員賠修此項錢文。毋庸再作開銷等語。著該撫即飭藩司查明貯庫。咨報戶工二部備覈。御史楊彤如著賞加二級。

欽定大清會典事例卷一千九

都察院

憲綱

諭旨十二

道光三十年三月

諭。左副都御史文瑞奏陳四事。朕詳加披閱。所論剴切。真摯。深協朕懷。並錄進。乾隆元年左都御史孫嘉淦三習一弊疏。其論為君之道。洵屬切直精深。堪為聽言臨政之助。臺端為言路表率。文瑞首進諫言。朕虛懷納受。諒九卿科道。斷不緘默畏葸。負朕諄切求言之意也。○咸豐元年

諭。都察院及糾儀科道等奏。參吏部侍郎明訓元旦朝賀錯入班次。明訓著交都察院照例議處。惟昨日行禮後。一人由西嚮東。趨過班末。糾儀御史未阻。著查取職名。送吏部議處。○又

諭。給事中蘇廷魁陳奏一摺。朕詳加披覽。所稱求宏濟之道。防驕泰之萌。意在推誠任賢。慎始圖治。能見其大。朕甚嘉之。其論孝廉方正一條。亦合循名責實之意。著各省督撫學政認真訪擇。務將品學兼優。眾所推服之人。切實保舉。以備錄用。毋得虛應故事。名實不符。如所舉非人。惟濫保之員是問。其各慎之。○又

諭。昨因賽尚阿出差。特旨將內閣侍讀穆蔭開缺。以五品京堂候補。在軍機大臣上學習行走。穆蔭係軍機章京。行走多年。尚稱熟悉。故令隨同學習。藉資造就。茲據給事中蘇廷魁奏稱。超擢太驟。易啟倖進之門。已不成話。並稱。俟賽尚阿回京後。仍令該員回章京當差。黜陟自下。巧為嘗試。尤屬亂道。該給事中。人甚端方。此奏似不出其手。但所言尚無大謬。姑置不問。

○又  
諭。嗣後各城指揮等官。如能查拏鄰境要犯。方准請旨量予鼓勵。若僅於該管地面訪獲尋常案犯。仍不得

濫行請獎。○又

諭。近日各城御史奏拏獲鄰境案犯。懇將獲犯各員。量加獎勵。疊經降旨。令刑部於定案時聲明請旨矣。各城司坊等官。捕盜是其專責。既能弋獲鄰境重案。自應量予鼓勵。以獎微勞。但恐該員等希圖甄敘。專以緝拏鄰境匪犯為事。而於本任捕務。轉多廢弛。從前道光十三年曾奉

諭旨。凡有拏獲鄰境要犯之員。必確數本任緝捕。並無未獲之案。方准酌請鼓勵。仍於摺內隨案聲明。儻將本任緝捕。漏不敘入。即係違例保奏。著該部概行議

駁。並將該御史議處。

聖諭煌煌。於微勞必錄之中。仍寓隨事覈實之意。近來各城保奏摺內。間有敘及該員前此緝捕案件。而於本任有無未獲之案。並未詳細申敘。似此有勸無懲。於捕務仍無裨益。嗣後各城御史。均當恪遵前奉

諭旨。遇有奏請獎勵之案。將該員本任緝捕。並無未獲之案。隨摺聲明。毋得違例保奏。致開冒濫之端。至緝獲鄰境重犯。既于議敘。則本境疏防之員。自應奏請議處。方足以昭平允。所有現在各城所奏拏獲鄰境人犯。交部審訊各案。即著該部查明該員等本任有

無未獲之案。照例辦理。並將疏防要犯。應議各員。一併飭查聲明具奏。○二年。江南道御史隆慶奏請飭

九卿科道督撫大臣。共籌理財長策。以收實效。

諭。所奏不為無見。汝非戶部之員。言之甚易。使汝現為戶部司員。恐未必言行相符。若如汝所奏。今原奏者會議。朕先曰窒礙難行。看汝並非真有見解。不過撻拾陳言。希圖塞責。嗣後各大員。若真有前項弊端者。風憲官必應據實奏。斷不可因有此旨。相率緘默不言。將此通諭各部院衙門知之。○又

諭。呂賢基奏請求直言一摺。朕登極後。特詔求言。內外

臣工條奏。凡有可採取者。均已見諸施行。現在粵西軍務未平。豐北河工漫口未合。內外諸務。因循未能振作。畿輔自入春以來。缺少雨澤。朕焦勞宵旰。方矢憂勤惕勵之忱。爾諸臣目擊時艱。自當與國家同其休戚。豈可泄泄沓沓。自謂循分盡職乎。著再申諭各部院大臣九卿科道等。有言事之責者。於政治得失。民生利病。有可補偏去弊。力圖挽救之處。各據見聞。直陳無隱。朕非好諛惡直之主。亦非欲博下詔求言之名。爾諸臣其各力矢公忠。悉心獻替。惟不得徒託空言。浮泛塞責。若或受人指使。詐偽居心。或欲沽直名。置國事於不問。殊負朕集思廣益之苦衷也。○又諭。前據給事中袁甲三奏。參定郡王載銓刑部尚書恆春侍郎書元直隸總督訥爾經額各摺片。已據該郡王等各具摺明白回奏。復派大學士裕誠會同軍機大臣。將該給事中回奏指出之御史瑞昌祭酒彥昌刑部郎中吳德清前任刑部郎中直隸知府吳廷棟等。傳到查詢。先後覆奏。如原參載銓題升步軍統領衙門主事與查辦刑部擬補主事並奏咨刑部各案。或會同部臣議結。或隨時酌量辦理。其訥爾經額向伊雙膝請安一節。查明並無其事。均毋庸議。惟諸王

與在廷臣工。不得往來交接。疊奉

聖訓。垂誡周詳。前歲冬間。朕復特降諭旨。申儆自應敬謹遵守。乃恆春書元。因審辦案件。盛氣相凌。俱至載銓府第私謁。當時載銓既未拒絕。事後又不參奏。至拜認師生。例有明禁。據載銓奏稱於保舉之人。欲以師生稱謂者。不能據為攔阻等語。均屬不知避嫌。有違定例。載銓著交宗人府嚴加議處。恆春至載銓府中私謁。並將審案略節面交。已據載銓奏明。乃恆春回奏。率稱於隨扈回京後。從未謁見。並無送給案據之事。顯係意存欺飾。書元初次回奏。既不將私謁載銓府第一節聲敘。迨降旨詰問。仍復含混回奏。且於召見奏對之言。輒屢向同堂洩漏。並以相契談心。曲為解說。實屬不知慎密。有負委任。恆春書元均著交部嚴加議處。至載銓所繪息肩圖。題詠甚多。內閣學士載齡內閣侍讀許誦恆均係師生。稱謂顯違例禁。載齡許誦恆均著交部議處。其題圖之潘世恩卓秉恬祁寯藻柏俊周祖培麟魁吳鍾駿黃贊湯錫齡文慶慧成富呢雅杭阿潘曾瑩潘曾綬葉名澧等。亦有不合。著一併交各該衙門分別議處。所有傳訊各員。毋庸置議。吳廷棟著回直隸知府署任。給事中袁甲

三例許風聞言事。且所奏尚非盡虛。惟覆奏片內。所稱名節攸關。難以隱忍等詞。自謂白其心迹。未免負氣爭辯。古來諍臣。謬誇之風。本於忠愛。豈為沽名。若將該給事中。加以譴責。恐言事諸臣。誤會朕意。率安緘默。殊非朕芻蕘必採之本意。嗣後科道等官。惟當各秉公忠。靖共獻納。毋避嫌怨。確實指陳。但不得以傳聞影響之談。輕率入告。徒博彈劾之名也。○三年

諭御史孟洋奏請飭各省嚴緝土匪一摺。土匪藉端滋擾。原應嚴拏懲辦。以靖地方。即如近日直隸通州灤州寶坻玉田等州縣。島匪劫奪。經科道奏。已疊降

諭旨。飭令嚴行查緝。該御史奏請通飭各省嚴緝土匪。並未指明一案。徒託空言。該員由部曹擢任御史。自應建白國事。朕覽此奏。不過因新升臺諫。撝拾外省套言。苟且塞責。若皆似此敷衍。甚非朕虛衷求言之本意也。從前嘉慶年間。屢降

諭旨。各御史遇有科缺。及各項差使。前期數日。必有建白。以冀土知其名。近來風氣。似此頗多。著傳知各科。道。不准勒襲陳言。以為上進地步。凡有建白。必須據事直陳。毋稍徇隱。莫先存沽直之心。莫豫期傳誦之美。朕實有厚望焉。○又

諭國家設官分職。體制相維。大小臣工。同朝共事。無論

事關重大。議貴和衷。即尋常會辦事宜。亦應虛心商榷。前據惠親王等奏派兵籌餉一摺。特派大學士軍機大臣九卿會同議奏。原以軍國重情。冀收集思廣益之效。與議諸臣。宜如何各抒所見。為朕分憂。豈容意氣相陵。致失大臣之體。本日據左副都御史文瑞奏稱會議時。以現有暫救之術。商之戶部尚書孫瑞珍。該尚書因述其家貧若干。出語粗俗。形同市井。無賴。至有賄賂之言等語。朕於諸臣。以禮相接。推誠相待。從無逆詐僥不信之心。前因御史富興阿等陳奏。朕以其摺內有應議之條。是以發交部議。迨孫瑞珍等自陳產業數目。朕亦不疑其隱匿諱飾。文瑞於會議時。如果平心靜氣。婉語相商。孫瑞珍何至遽行憤激。即孫瑞珍以文瑞詞色陵厲。亦何必遽出失言。且古人所謂同寅協恭者。文瑞豈未之前聞。而竟以議論抵牾。直斥該尚書為市井無賴。登諸奏牘。將使朕於萬幾之暇。更為諸臣排難解紛耶。孫瑞珍文瑞均屬不知大體。一併交部議處。○又

諭巡視五城給事中鳳寶等奏京城近日巡查情形一摺。前因賊匪竄擾。特派王大臣等督辦巡防事宜。嗣

復派王茂蔭等辦理團防。令與五城御史等公同籌畫。緝匪安民。原欲先事豫防。有備無患。該給事中等職司巡查。應如何協力同心。妥為布置。乃據奏稱巡防團防。所辦均不足恃等語。是徒諉過於人。為自占地步之計。殊屬非是。現在王茂蔭等與五城御史共辦一事。豈不能詳細會籌。和衷商辦。即時勢孔亟。措置維艱。亦宜悉心講求。以期有濟。若先存彼此之見。遇事齟齬。置公事於不問。又安用該給事中等為耶。所有五城巡查各事宜。著責成鳳寶等會同王茂蔭等認真籌辦。務當聯為一氣。訪拏姦宄。安輯商民。毋得心存畛域。轉致貽誤。○又

諭。步軍統領衙門奏拏獲刊刻並未發鈔奏章人犯。請交部審辦一摺。羅祥張義興王得均王繼遠均著交刑部審訊。所刊奏摺既據羅祥等供係吳廷溥交給刊刻。而鳳寶等回奏摺內並未據實指明何人發交。已屬有心含混。且以報房前此漏刻諭旨等詞牽砌入奏。尤為意存飾辯。給事中吳廷溥於並未發鈔摺件。輒即擅行刊刻。實屬任性妄為。著先行交部嚴加議處。給事中鳳寶陳枚玉山聯福御史彭慶鍾隆慶蔡徵藩孫鳴珂志文於回奏時聲敘模糊。顯有瞻

徇情弊。均著先行交部議處。○四年

諭。御史英匪呈進金陵被難記。並請照刊。散給廣勸團練一摺。各省賊氛竄擾。地方辦理團練。保衛鄉閭。本係禦賊要務。前已疊降諭旨。並將嘉慶年間團練章程刊刻頒行。原期薄海臣民。共見共聞。遵行罔懈。若該御史所進金陵被難記。不過巷議街談。敘述一地一時之事。民間流傳。原所不禁。若必官為刊刻。尚復成何政體。至逆匪擾害地方。慘酷詭詐情形。凡罹其毒者。孰不恨深刺骨。志切同讎。奚待刊刻此書。家諭戶曉。始能振興民志耶。英匪所奏。殊屬冒昧。原摺及所進金陵被難記。均著擲還。○又

諭。給事中張祥晉奏請將欠交房租補行徵足一摺。前因軍餉浩繁。於京師地面暫收房租。原係一時權宜之計。據該給事中奏稱數月以來。租數減少。請將欠交之租。定限勒追等語。所奏殊屬鄙瑣。不惟無此政體。轉恐別滋弊端。且該給事中即係巡城。如果所屬地面官商民戶。抗不交租。當時何難覈實嚴查。催令完交。迨既經停止之後。始奏請令八旗五城勒限補追。徒增擾累。有何裨益。所請著不准行。○又

諭。前因御史孟洋奏山西洪洞襄垣襄陵垣曲等縣徵



收錢糧不協輿情。當經降旨交恆春確查嚴奏。茲據該撫奏稱。委員查明洪洞等縣徵收錢糧並無抑勒浮收辦理不善之處。該御史所奏者毋庸議。言官例准風聞奏事。然不當以毫無影響之詞率行入奏。況孟洋籍隸山西。陳奏本省事件。更應見聞較確。何以經該撫飭查所奏各款無一確據。嗣後御史言事務當訪查確實。不得以傳聞無據之詞妄行彈劾。亦不得有意模稜。自甘緘默。至各省大吏。遇有特旨交查之案。尤當細心訪察。務得真情。不准袒護屬員。輒以查無實迹一奏塞責。如御史有受人慫恿。扶嫌誣陷。

督撫有瞻徇情面。開脫消弭者。日後別經發覺。必治以欺飾之罪。○又

諭。御史薛鳴皋奏形迹可疑人犯請從寬典審辦一摺。前因侍郎王茂蔭奏稱各處拏獲人犯多先用煙薰取供。當經降旨交問刑各衙門查明。如果屬實。即將原拏承審之員指名參辦。並因雨澤愆期。特飭刑部及順天府將犯案悉心推求。逐一清釐。原為人命至重。斷不可以疑獄即成信讞。致殺不辜。至巡防王大臣審辦形迹可疑人犯。數月以來。分別問遣及開釋者不下七八百人。其情罪較重。法無可貸。立置重辟。

者。止數十人。且審訊時並未刑求。豈得謂有冤抑。該御史未知確實。輒以自拔來歸請從寬典。不知此等重罪人犯。受賊指使來京。或探聽消息。或圖偷買火藥。或隨賊抗拒。戕害官兵。其非自拔來歸。已無疑義。若各處軍營所奏。自拔來歸。殺賊自效者。皆係確有憑據。不但開釋罪名。且破格恩施。以昭激勸。該御史所奏。煦煦為仁。漫無區別。豈以縱姦養惡為好生之德。遂足消除沴氣耶。所奏實不可行。著毋庸議。○又河南巡撫英桂奏請將在籍給事中陳壇被參情節覆審另擬具奏。

諭。陳壇身任給諫。又係奉旨回籍。辦理團練。乃如此喪心。若不從嚴懲辦。何以勸各省出力紳民。著迅速奏來。斷難任其避就欺罔。伴逃法網。○又

諭。御史唐壬森奏私鑄大錢情實人犯請量從未減等語。所奏殊屬非是。此等姦民。趨利冒死。明知禁令所在。法不容寬。猶復甘蹈刑章。以身嘗試。該御史既稱處以情實。誠足蔽辜。又稱其情可憐。請從未減。何自相矛盾至此。且該御史亦知斬決已有數起。私鑄仍未衰息。是繩以重法。猶恐未能盡絕。姦萌乃稱齊民不專恃重典。豈故示寬縱。轉足以懲姦化莠乎。即如

所奏或令出錢贖罪。或令致死殺賊。尤屬不成政體。定例納銀贖罪。即徒杖以下。均以有力無力為斷。若新絞情實人犯。則從無納贖之條。該犯等私鑄國利。多係因貧起意。豈能責納罰錢。託空言而撓憲典。至。此項人犯貪利玩法。無論其不能悔過自新。縱使真能致死。而各路兵勇累萬盈千。何至少此數十刑餘之人。必欲藉其死力耶。該御史所奏。著毋庸議。○五年

諭前因袁甲三奏請將安徽署宿州知州郭世亨開缺。專辦蒙亳等處捻匪。並請以補用直隸州知州王啟秀接署宿州知州。朕以地方公事。應由該撫覈辦。批令會同和春福濟具奏。嗣據袁甲三奏稱。和春等函令單銜入奏。茲據和春等奏。袁甲三接奉批摺後。仍堅持己見。無從會銜。並稱宿州地方緊要。請留熟手接辦。毋庸更易。以期官民相安。自係實在情形。所有郭世亨王啟秀開缺接署之處。著毋庸議。各省辦理防勒大員。遇有官吏廉能出眾者。原准保奏。貪汙不職者。亦許糾參。惟於升補委署。總應會商地方大吏。豈容擅自更調。袁甲三經朕屢次批諭。輒敢固執不遵。又敢飾詞具奏。以遂其專擅之私。實屬大負委任。

都察院左副都御史袁甲三著先行交部嚴加議處。即著來京候旨。○又

諭御史宗稷辰奏請展緩謁

陵一年。以恤民力。一摺。每年祇謁

山陵。事關典禮。朕惟有恪遵

祖制。敬展慕思。如果畿輔地方。民力未逮。亦必權衡時

勢。暫緩舉行。現在並未降旨。何日謁

陵。該御史輒以直隸南境間被偏災。奏請開歲展謁。殊

屬冒昧。言官條陳時事。匡救過舉。如果確有見聞。朕

必俯加採納。若以揣度之詞。率行陳奏。是徒博取諫

之名。而無其實。此風斷不可長。宗稷辰著交部議處。

○六年

諭御史李鶴年奏獲咎大員恐難復膺重任一摺。陸應

穀前在河南巡撫任內。辦理軍務。未能實力防勒。罪

有應得。業經罷斥。茲因該員久歷外任。是以賞給四

品頂戴。補授直隸按察使。以觀後效。向來緣事斥革

人員。棄瑕錄用。仍能奮勉圖功者。亦復不少。况直隸

既非軍務省分。臬司專理刑名。亦非統轄全省。朕進

退人才。一秉大公。如果陸應穀不知振作。仍不難重

治其罪。豈得以曾經獲咎人員。逆料其必有貽誤。概

令終身廢棄耶。該御史所奏。著毋庸議。○七年

諭御史尹耕雲奏大員獲咎太重。請收回成命。以嚴賞罰。一摺。前任大學士直隸總督訥爾經額。因逆匪北竄。堵勦不力。革職治罪。原以行軍失律。法所必懲。嗣因北路肅清。量從末減。茲由

西陵當差回京。念伊久膺疆寄。曾入綸扉。予以四品京堂。俾知感愧。並非假以事權。即使訥爾經額年力未衰。尚堪重任。朕用一威望頓減之員。實難期其振作。正與從前棄瑕錄用。復任封圻者。不可同日而語。况人才黜陟。朕心自有權衡。該御史所奏。著毋庸議。

八年

諭前因御史錢桂森奏請將候補尚書陳孚恩。即予擢用。語多荒謬。當交大學士六部尚書侍郎等。將如何示懲之處。酌議具奏。本日據裕誠等奏稱。該御史輒敢將在京候補大員。請賜擢用。已屬不合。並擅擬令入直樞廷。專辦吏務。所奏實屬荒謬。不勝御史之任。請旨懲處等語。錢桂森著回原衙門行走。以示薄懲。至御史本有言責。即或所言未當。朕必曲為含容。未嘗加以重譴。今錢桂森豈不知陳孚恩曾任大員。非未僚湮沒無聞者可比。如何錄用。朕自有權衡。乃敢

妄言保奏。以為嘗試。若非受人屬託。即屬有意市恩。黨援朋比之風。斷不可長。不得不予以薄懲。嗣後身任言官者。仍當留心時務。遇事敷陳。以備採擇。固不可徇私干譽。自蹈愆尤。亦不可因此次錢桂森改官。共安緘默。將此通諭科道等知之。以副朕明目達聰至意。○九年

諭朕御極以來。屢經特詔求言。內外臣工。敷陳時事。凡有關國計民生者。無不隨時採擇。立見施行。本日據許彭壽潘祖蔭楊泗孫奏。入春雨澤稀少。請誠諭諸臣。臚陳得失等語。夫遇災修省。原非博納諫之虛名。况現在軍務未平。民困未蘇。朕祇承

祖訓上迓

天庥宵旰焦勞。無時少釋。在廷諸臣。自各部院堂官。至科道等。原准其隨時獻納。並未豫飭其緘默旁觀。各大員等。羣力匡襄。尚有能喻朕意者。至科道等身列諫垣。遇事直言。方為不負職守。近來頗有不盡為公者。即如去歲科場案出。率皆諉為不知。不獨巧避怨讟。兼可瞻徇年誼。世道人心。若斯澆薄。誠堪浩歎。朕深愧訓諭無方。繼自今。若不激發天良。敷陳要政。以補救時艱。國家安用此臺諫為耶。將此詳諭在廷諸

臣知之。又

諭御史豐麟奏請飭軍營保舉人員。會辦地方軍務一摺。據稱自軍興以來。每遇克復城池。保舉者動輒數十百人。至失事案內。則惟地方官照例懲處。此項人員。均不在糾參之列。請飭統兵大臣。於克復一城後。即在本案保舉人員內。擇留一二員。協同該地方官防守。儻有疏虞。即與守土官一同治罪等語。軍營帶兵各員。如派留防城邑。失事後一併獲咎。並非不在糾參之列。至糧臺文案各員。其得邀獎勵者。均須隨營辦事。勢難到處留防。若以軍營無用之人。使之協同守禦。安能有益地方。該御史所奏。著毋庸議。又

都察院左都御史綿森等奏遵

旨覆覈朝審人犯。應由緩改實之浙江絞犯張汰聰。應

照原擬。仍入緩決辦理。其呂鳳儀一案。請飭浙

江巡撫再行研鞫。

諭此事朕兩次諭旨。想該堂官等並未看明。初云悉心定擬者何。不過順水行舟。得推則推。盈廷若皆如斯。卿貳朕圖治何所賴焉。著派惠親王。載垣。專會同都察院堂官。再為悉心定擬。覆覈具奏。○十一年

諭給事中哲臣奏請嚴定京察章程。先期開單進呈一

摺。京察為考績大典。各該衙門堂官保列一等人員。出具考語。由吏部帶領引見。本非專為簡用外任而設。其特行圈出之員。令該堂官再出具切實考語。覆行引見。始量予錄用。立法本極周密。該給事中奏請。令各該堂官將應行保列堪勝道府之員。先期出具考語。開單進呈。圈出後再行帶領引見。既與定例不符。且失京察本意。况所保之員。未經引見。豈能僅據該堂官考語。遽定其人之才具。所奏殊屬非是。著毋庸議。原摺著即擲還。○十月

諭前因朕御極之初。詔求直言。嗣據恭親王以議政任重。願懇諭飭中外臣工。各抒所見。復經降旨諭令諸臣。凡有見聞。務各切實直言無隱。本日據給事中博桂密封具奏一摺。詞意龐雜。意在嘗試。於政體毫無裨益。若皆似此任意瑣瀆。尚復成何事體。博桂原摺著即行擲還。至諸臣中實有所見。於政務確有補救者。仍各據實臚陳。用副朕諄諄求言至意。○又

諭前因繕譯副考官富廉。擅帶私人入闈。交部嚴加議處。茲據吏部奏稱富廉於入闈時。擅將伊孫及通曉編譯之張二。私行帶入。實屬有干例禁。都察院左副都御史富廉著照部議革職。以昭炯戒。考試為掄才

大典科條具在。例禁暴威。嗣後考官有衡文之責者。務當奉公守法。恪謹將事。毋得違例妄行。自取咎戾。

○又

諭御史鍾佩賢給事中孫楫奏請將載垣等造作之諭旨銷除各摺片。載垣等假傳諭旨。造作贊襄政務名目。並於御史董元醇條奏一摺。擬旨時擅自改寫各情形。業經疊次降旨。明白宣示矣。茲據該給事中等奏。載垣等造作擅改之件。不應載之。

實錄。儼同

顧命。亦不應登之冊籍。假託諭旨。擬請降旨銷除。以期

信今傳後等語。朕奉

母后皇太后

聖母皇太后懿旨。所奏不為無見。載垣等種種悖逆欺蒙之罪。中外臣民。皆已備悉。所有造作贊襄政務諭旨。確係矯傳。自不應纂入

實錄中。惟遽將其銷毀。又恐無以示將來。而徵罪案。至

董元醇所奏一摺。當日發交載垣等擬旨。原令其將所請垂簾暫理朝政。飭令廷臣會議。其請於親王中簡派一二人輔弼。開具空名諭旨。祇候簡派。並於大臣中擇其可充師傅之任者。公同保舉。乃載垣等奏

對時。即已曉曉置辯。及擬諭旨。遂敢陽奉陰違。擅自改寫。一切駁斥。迨述旨時。未即允照所擬宣發。而載垣等膽敢於次日發交摺件。壓閣不辦。竟將所擬諭旨。堅請發下。又以未用御印。不足為憑。再行瀆請。斯時駐蹕木蘭。遠距京師。未能即日回鑾。若不暫允所請。載垣等跋扈情形。其勢將有不可問者。是以隱忍姑從。將所擅擬諭旨。鈐蓋御印。實出於不得已。言念及此。能無痛恨。所有載垣等矯傳贊襄名目。及擅擬駁斥董元醇諭旨。著即銷除。惟此案係王大臣大學士六部九卿等於內閣會同刑部議定罪名。伊等造作之諭旨二道。即著內閣刑部。隨同本案檔冊錄存。以著信讞。並著軍機處。即隨此次諭旨。照錄一分存檔。另錄一分。交南書房收存。均著低二格書寫。以示區別。庶使姦邪逆迹。不得濶載方策。以重綸音。而昭炯戒。○又

諭大學士桂良等奏遵議御史華祝三奏部議京察截

俸日期窒礙難行一摺。京察為激揚大典。前經吏部奏准。展緩一年。截俸日期。欽奉

諭旨。扣至咸豐十一年三月十五日截止。自當欽遵辦理。至一切停升註考事宜。亦經吏部奏明分別覈辦。

尚無室礙。該御史原奏內稱。京察必視差使之優劣。定等第之高下。上年差使。應列一等。至本年三月升調別衙門。若仍與一等。則與截俸不符。不與一等。則資俸以百年為限。勞績不以百年為憑。等語。向來升調人員。一年以外。仍准統計前俸。至填註政績考語。半年以外。即由新任衙門出考。若捨新任之資俸。論原衙門之差使。辦理更難畫一。又稱一等升遷。三等降調。等語。向來一等加級。三等照舊供職。並無升遷降調之說。所奏係屬錯誤。又稱百年三月以後。病痊服闋。升調銓補得缺各員。均不應在考察之列。將不分等第。從無實缺人員。不加甄別之理。仍分等第。列入三等者。必有置辯等語。升調得缺。本係實缺人員。該御史謂與病痊服闋銓補得缺各員。均不在考察之列。已屬聲敘未明。至應否分別等第。業經吏部奏明。例應考察。及不應考察之員。統以三月十五日為斷。亦與截俸兩無室礙。又稱禮兵等部員缺。本少。本年三月以後。各員中。或以事故去。而此後得缺者。皆係不合例人員。恐致無員可保。等語。應屆京察。保薦不得其人。即任缺無溢。

聖訓煌煌。九宜遵守。豈該御史尚未之知。又稱本年三

月後考察各員。有屢經升轉者。有註誤停升者。論其體制。則新階啟用。與舊階啟用。判然各別。論其處分。則考察在前。註誤在後。難以持平。恐升轉易致冒濫。被議者不能折服其心。截俸亦多扞格等語。向來考察期內。凡有升轉議處事件。概行停止。此次展緩一年。勢難一切停止不辦。亦經准吏部所奏。註考等項事宜。均照現在官職辦理。今該御史所指室礙各情。俱應歸停升之例辦理。與截俸毫無干涉。又片奏此次京察。需以四載不為遞。將來縮以二年。不為速等語。三載考績。古有明訓。該御史強為二年四載之說。尤屬不諳政體。所奏著毋庸議。○又

諭。前據給事中林壽圖奏。參刑部尚書趙光。有為其壻工部主事光熙求送

實錄館校對之事。當以事屬未行。未經降旨查辦。茲據御史劉毓楠奏稱。自簡派

實錄館總裁後。各衙門官員。營求保送差使。物議沸騰。所有總纂等官。請飭該總裁官暨各部院堂官。應送

各員。按資開單。奏請欽派等語。恭修

實錄。為闡揚

謨烈大典。垂示萬世。必須品學純正之員。敬謹編輯。儻

任聽方員鑽營奔走。濫等充數。殊不足以昭慎重。該監修總裁正副總裁等。經朕特簡。自應恪恭將事。慎選賢員。藉資襄理。即各部院堂官揀員保送。亦須悉秉至公。萬不准稍有徇情。自干咎戾。其趙光為伊塔。光熙請託一節。據該給事中奏稱。得自傳聞。姑免深究。然無論事之有無。總應慎益加慎。不得以朕寬厚待人。遂謂聞昧之事。可以幸逃鑒察也。至總纂等官。向由各部院衙門保送到館。以後由該總裁官點派。若必紛紛奏請欽派。事涉瑣屑。且該總裁官及各部院堂官。均係一二品大員。朕所倚任。但能勤慎自矢。亦豈稍存疑忌。該給事中所請開單奏請簡派之處。著毋庸議。○又

諭。科道有風聞言事之責。自詔開言路以來。科道章奏。有原本經術。指陳時弊者。無不虛懷採納。其彈劾章疏。如果情形確實。亦無不立見施行。本日據御史曹登庸奏。

陵工規制已成。毋庸率議紛更。並請嚴防浮冒一摺。前因宋晉奏。

慕陵規制樸實儉約。

定陵可否仿照辦理。當交王大臣大學士九卿翰詹科

道敬謹會同妥議具奏。該御史亦在會議之列。如有所見。儘可會議時自行其說。或議稿已定。意見不合。方可單銜具奏。若眾論僉同。即應敬候聯銜覆奏。何得以雷同勒說之詞。率自專摺先行奏陳。是會議時明知宋晉所奏。揆諸時事。窒礙難行。因於王大臣等未經覆奏之先。故為此請。以為自己見長之地。巧為嘗試。已屬不知大體。摺內又將前旨撤去之周祖培所派監修張福佑等為詞。臆列多人。嘵嘵瀆奏。其所請一體撤回之彭蘊章之子彭祖賢。綿森之子未詳其名。查該二員現在並未派辦工程。不知該御史何以一併牽引。率行參奏。又因全慶等繳還一成銀兩。遂謂其下在工人等。盡皆染指。亦係臆度之詞。毫無實據。至所參工部主事光熙。因轉託該御史同居之同知張載型。向周祖培求派工頭。並將名條呈覽。事涉瑣屑。殊多冒昧。曹登庸實屬不稱御史之職。著以六部員外郎降補。

欽定大清會典事例卷一千十

都察院

憲綱

翰目十三

同治元年

諭。王茂蔭奏言官宜從優容等語。我

兩宮

皇太后親裁大政。言路宏開。虛心採納。樂聞讜言。前因御史曹登庸於會議

定陵規制。衆論僉同之事。先自陳奏。不知大體。並於派辦工程司員。率以無據之詞。牽涉彭蘊章。綿森等。恐

啟揣摩嘗試。撝拾曖昧之新。於世道人心。甚有關繫。特降補員外郎。用端習尚。其餘如博桂所奏。詞意龐雜。無裨政治。僅將原摺擲還。亦未加以譴責。本年御史劉慶奏請飭正奏疏體裁。所言甚屬非是。且意近迎合。伊古名臣奏議。無非以國計民生重大諸務為經緯。該御史既為言官。茫昧無知。率請飭正體裁。豈言官建白。必有故套可循。亦將原摺留中。以示優容。至糾劾劣員。條陳時政者。無不立予施行。即或事有窒礙。言涉浮泛者。亦各節取所長。以宏達聰明目之意。嗣後該科道等官。於一切政務。確有所見。足以裨益時政者。

仍著據實直陳。毋稍徇隱。朝廷將細察其才識言論。破格獎勵。以作敢言之氣。用旌直臣而收成效。將此諭知科道等官知之。劉慶摺並著交內閣發鈔。○又

諭。本日據大學士等奏會議何桂清罪名一摺。其戶部侍郎董恂。以堂司迴避。都察院左副都御史志和等。以師生迴避。均未列銜。國家設立科條。凡官吏於訴訟人有關受業師。及舊為上司者。例應迴避。至臣下於奉旨派審案件。亦有具摺呈請迴避者。其准否均須候旨。此案何桂清以一品大員。朝廷慎重刑章。特降旨令大學士六部九卿翰詹科道再行會議。原欲參之衆議。用示大公。豈尋常聽訟之例可比。各該員等。自應准情科罪。各據所見奏聞。如有迴避。亦可於奉旨後具摺陳奏。候旨遵行。何得並不奏明。臨時藉詞迴避。置身事外。以私情廢公論。為諉卸取巧地步。所有此次會議。未經列銜之董恂。志和。孫如僅。潘祖蔭。董元章。行秀。孫楫。劉毓楠。梅啟照。朱潮。呂序。程任。兆堅等。均著交部議處。以為藉詞取巧者戒。○二年諭。前因御史吳台壽奏陳勝保獲罪一摺。荒謬誕妄。肆無忌憚。實為臺諫中卑鄙無恥之員。惟因勝保案情尚未審明。未經降旨將該御史懲辦。茲據御史劉其



年奏稱。吳台壽朋黨挽法。飾詞挾制。並稱伊兄吳台  
朗。黃緣入勝保軍營。保至道員花翎。招權肆惡。中外  
皆知。吳台壽效命私門。甘心鷹犬。各等語。所論該御  
史挾私誣罔各情。朝廷早經洞悉。諒大小臣工。亦無  
不知其姦詐。吳台壽甫升御史。即敢肆意妄為。將來  
伊於胡底。著即行革職。山東候補道吳台朗。本係因  
案革職之員。復黃緣勝保軍營。招權肆惡。此次吳台  
壽挾私陳奏。其為感激私恩。已可概見。吳台朗著一  
併革職。拔去花翎。以為黃緣朋比者戒。近來科道中  
因朝廷詔求直言。隱惡揚善。遂有譏問忠良。袒庇私

人。冀圖受惑者。殊不乏人。該科道以諫為職。宜如何  
正直剛方。指陳得失。何得巧為嘗試。顛倒是非。朝廷  
格外優容。不加譴責。該科道等清夜扪心。能無自愧  
乎。經此次訓飭之後。務當各矢公忠。遇事直陳。不得  
稍存私曲。亦不得緘默自容。用副厥職。○又

諭給事中徵麟奏外省寄有匿名公啟。聞繫地方情形  
據實奏聞一摺。投遞匿名揭帖。例不准行。雖據該給  
事中所陳各情。有關軍務吏治。與挾嫌訐告。似稍有  
開。何以不在都察院步軍統領衙門呈訴。輒用匿名  
公啟。假託泰安府署緘寄。又何以知鴻儀錢鋪之鋪

夥與給事中徵麟認識。令其轉送私宅。情節轉支  
離。難保其中無別項情弊。所有投遞匿名公啟之鴻  
儀錢鋪鋪夥李連珠一名。著交刑部嚴訊。所遞匿名  
公啟。究係何人寄交。務即確切根究。奏明辦理。○又

諭昨因御史奎齡承繼瑞亨引見科缺未到。面諭議政  
王軍機大臣查明該御史等不到次數。據實具奏。茲  
據奏稱。查據吏部文稱。御史奎齡引見科缺四次。承  
繼引見科缺六次。均止此次告假未到。瑞亨引見科  
缺八次。共計四次告假未到等語。京畿道御史。遇有  
京察年分。向來均得保列一等。瑞亨調任京畿道後。

引見科缺四次未到。其為意存趨避。顯而易見。此等  
取巧之風。斷不可長。瑞亨著撤去京畿道。以各道御  
史調補。用示薄懲。其所遺京畿道一缺。著都察院堂  
官揀員請補。奎齡承繼均係初次未到。姑從寬免其  
置議。向來都察院章程。因京畿道及巡視西北兩城  
御史。差務較繁。京察保列一等。以致捷徑爭趨。反以  
升轉為迂途。陋習相沿。殊屬非是。嗣後都察院堂官  
務當認真察覈。所有京畿道及巡視西北兩城科道。  
如果才品兼優。勤能稱職。仍准照舊保薦。其不勝繁  
劇者。即當隨時奏撤。毋得以揀補在前。稍存迴護。至

各科道中有品行端方。才具開展者。亦當列為上考。不必拘定成案。致令向隅也。至漢員保送御史。例須考試。滿員則向不與考。殊非慎簡言官之道。以後保送滿洲御史。著即由各衙門堂官認真考試。擇其通曉清漢文字。品行端謹者。出具切實考語。保送候簡。以期臺諫得人。力除積習。○又

諭都察院左都御史載齡奏。持參庸劣不職之科道。請分別勒休。辦理等語。給事中鳳寶。老悖昏庸。形同木偶。惟尚無劣迹。著即勒令休致。御史許其光。把持京畿道事務。於尋常案件。任意延閣。即特旨交辦之案。

經該堂官等屢向催問。仍復一味枝梧。御史慶保。聲名平常。亦難勝任。均著回原衙門行走。御史福珠。隆阿。不知自愛。有玷官箴。著即革職。都察院職司風憲。各科道有稽察糾彈之責。必須學問優長。人品端正。方能無忝厥職。嗣後該堂官遇有似此不能稱職之員。即行隨時參劾。毋稍姑容。其有平日辦事勤奮。品行端謹。遇事敢言。有裨國計者。該堂官亦當酌量保薦。以收得人之效。至京察年分列考。仍遵照前奉諭旨。不必拘定成案。以抑奔競。而肅臺規。○又

諭前因內閣侍讀學士鍾佩賢奏。左都御史載齡參劾

科道單銜具奏。是否並未商及同官。所參能否允當。當經諭令都察院堂官明白回奏。茲據單懋謙等奏稱。載齡此次參劾科道。並未與該堂官等會商。無從列銜。至所劾鳳寶各員。均非無因。即著毋庸置議。惟各部院堂官甄別屬員。向皆公商會銜具奏。原以杜專擅而重考察。矧都察院為風憲之官。科道各有言事之責。黜陟考覈。尤宜審慎。載齡此次甄別各員。並不商及同官。輒竟單銜具奏。雖非專恣。亦屬輕率。殊於體制未協。載齡著交部議處。嗣後各部院堂官於本署應行條奏事務。以及舉劾所屬官員。務當公同認真覈議。如事理確鑿。而各堂官意見不合者。准其單銜具奏。仍於摺內聲明。以符定例。至都察院科道各員。尤宜委用得人。方能無忝厥職。嗣後仍著該堂官分別考覈。如有聲名平常庸劣不職之員。仍當隨時甄別。其平日品行端方。辦公勤奮者。亦即酌量保薦。不得以載齡業經議處。遂於該衙門科道中賢否。一併緘默不言也。○又

諭御史張瀛奏。本年勾到黃冊。刑部於情實出語。後畀行黏籤。體制未協。請照舊辦理一摺。本年刑部呈進勾到黃冊。曾諭令議政王軍機大臣大學士會同刑

部。逐起詳覈。黏籤進呈。請旨施行。原因朕在沖齡。

兩宮

皇太后親裁大政。是以變通辦理。至情實各犯。應決應寬。均係該王大臣等公同詳覈。逐起黏籤。刑部何從擅為擬議。即如奉天省之范庭向一犯。情有可原。該王大臣等亦僅能聲明雙請。未敢遽懇寬宥。是生殺之權。操之自上。並非竟委之於部臣也。張瀛於此中原委。並未深悉。遽謂黃冊黏籤。恐啟刑部擅擬之漸。識見殊屬膠滯。所請照舊辦理之處。俟朕親政後。自應率由舊章。此時著毋庸議。又

諭。御史張盛藻奏請儲將才以衛京師一摺。據稱京師為根本重地。懇請嗣後簡用京師都統統領總兵大員。及兵部尚書侍郎。必擇知兵善戰之人。畀此重任。或在外省軍營。擇其帶兵得力者。先調來京。任以都統總兵之職。即將現在都統總兵等官。酌發軍營學習。陸續調回。仍歸京職等語。所奏殊屬非是。我朝京營額設重兵。分隸八旗都統及步軍統領衙門。一切操防訓練章程。經畫至為周備。各都統統領總兵大員。均受朝廷特簡。與外省將軍督撫等體制相將。果能博遵成憲。講求武備。於該管各營認真教練。何難

悉成勁旅。以備折衝。若如該御史所奏。勢必將外省軍營知兵善戰之人。全數調京。而以舉朝都統等大員。盡發軍營學習。此等政體。實從來所未有。該御史初膺言職。於國家政務。並不求其事之可行。輒以此等荒謬窒礙之言。率行陳奏。實屬冒昧。至所奏六部司員。請仿河工學習之例。由六部堂官保送軍營學習。亦適啟鑽營微幸之路。徒事紛擾。無裨部務。所奏庸來京請訓。而藩臬道府各員。亦多因督撫代奏。緩其陛見。竟有由微員擢至一二品官。尚不知朝覲述

職為何事者。所奏雖為整肅紀綱起見。惟近來各省軍務緊要。朝廷為地擇人。原冀地方早就肅清。故稍為變通。以期於事有濟。至于奪黜陟之權。操之自上。魁柄並不下移。亦何至外省屬吏。止知趨承督撫。並不尊奉朝廷。所奏亦屬失當。均著毋庸置議。又諭。都察院奏世襲輕車都尉保秀林。刑部筆帖式秀林。以投效軍營等詞。赴該衙門呈訴。據稱保秀林之祖父兄弟。或在四川江南陣亡。或在直隸山東陣亡。佛保秀林志切殺賊。各請投效軍營等語。前據都察院節次奏稱。知縣王宜總等。情願投營報效。先後降旨

允准發往軍營差委。原因各路軍務方殷。各該員等志切復讐。情殷殺賊。是以俯允所請。以作其忠義之氣。惟邇來各處軍營。頗不乏人。若復紛紛投效。藉此進身。以為將來保舉地步。未免開徵幸取巧之門。不可不示以限制。所有佛保秀林呈請投效軍營之處。著不准行。嗣後如有似此呈請投效者。該衙門即不必具奏。○又

諭

昨據御史孟傳金奏。直隸南宮縣辦團紳士二品頂戴候選同知郝來麟。獨力捐貲。帶團禦賊。捐辦團費。約有二萬九千餘兩。該員前在崇厚軍營。捐銀一萬二千兩。以道員不論雙單月儘先選用。並賞換花翎。經部覈議銀數不敷。飭令補交銀七千九百六十兩。今郝來麟辦理團練。又捐如許鉅款。曩與補交銀數尚餘銀二萬一千兩。請旨仍以道員不論雙單月儘先選用。並賞換花翎。如蒙俞允。仍請飭直隸總督查明奏辦。謹將該員辦團禦賊情形。及捐貲細數。開具清單呈覽等語。各省辦理團練。紳民捐貲出力。經該督撫奏請鼓勵。無不立沛恩施。優加獎敘。其間有未經給獎者。原准言官隨時奏聞。請旨辦理。郝來麟及其叔郝開周。連年捐輸軍餉。疊經分別賞給舉人翎

枝官階頂戴。其急公好義。久已著聞。並非湮沒未彰者可比。此次捐辦團練經費。勦賊出力。孟傳金如有所聞。原不妨奏請飭查。交部覈獎。乃孟傳金執為該員擅請。以道員不論雙單月儘先選用。並賞換花翎。既不俟部臣確覈。復不待外省詳查。僅憑該御史一言。即欲仰邀俞允。試問有此政體否。且另單所開辦團捐數。分毫必載。孟傳金既云得自訪聞。何以計及錙銖。詳悉至於如此。難保無輾轉屬託情弊。孟傳金不勝御史之任。姑從寬免其深究。著仍回原衙門行走。以示薄懲。○三年

諭

御史官亮奏。聞直隸灤州稻地邨。有地棍郭俊傑。與鹽店管事鄭九德。勾通書吏。捏作該州諭帖。令屠戶尹朝等。夥充落花生行秤。科派勒索。請飭查拏嚴懲等語。御史風聞言事。苟於國計民生稍有補益。未嘗不立見施行。即使其中偶有毛舉細故。以為塞責者。亦皆優予含容。期於言路無稍阻塞。若如官亮所奏。細民夥充落花生行秤一節。瑣屑已極。即使有干例禁。亦不過為州縣衙門所應查辦之事。何得執行登諸奏牘。似此任情紛紛。擬拾將來伊於胡底。且據所陳該處能否添設落花生行秤。請飭查明辦理。可得

牙稅歸公。所見尤為猥鄙。實屬不知大體。姑念該御史本日所奏摺片內尚有可採擇之處。官亮著姑免其置議。即傳旨嚴行申飭。○又

諭前據給事中博柱奏熱河土棍趙秀滔等聚眾傳徒製造槍械。與都統衙門丁王守齋係屬姘親。圖典官地承種。並構孽焚槍莊頭范悃鼎家產。王守齋從中黃緣。反將范悃鼎押禁。以致眾佃心俱不服。當經降旨交劉長佑密派妥員前往熱河查拏提審。茲據麟慶奏稱。查得趙秀滔等聚眾置械各款。全無端倪。其槍奪范悃鼎家產一節。最與本案情事顯然相反。

至都統衙門向無總辦門丁名目。家人中並無王守齋其人。即該都統批呈亦無飭將范悃鼎鎖押。原奏種種舛誤等語。御史風聞言事。原不能盡屬可憑。若舛錯太甚。致令無辜平民反受控累。殊非朝廷申理冤抑之意。著麟慶將全案人證卷宗飭交委員瑞珊帶赴直隸省城。交劉長佑親提嚴訊。務將此案是非曲直徹底根究。以成信據。范悃鼎槍奪趙悃滔家產已據趙悃滔在熱河都統衙門呈控有案。何以博柱原奏則稱趙秀滔等槍奪范悃鼎家產。情節相反。所稱門丁王守齋等亦屬子虛。其為有人屬託出奏顯

而易見。著劉長佑提集案內要證嚴切根究。何人從中屬託。有無賄賂。務須盡情吐露。據實具奏。倘仍有不實不盡。含混了事。將來別經發覺。惟劉長佑是問。○又

諭前因御史富稼面向議政王軍機大臣以伊子筆帖式延序隨同欽差明善赴順義縣捕拏土匪多名正法。得有軍功加級等情。繕遞呈詞情節支離。當經降旨將延序革職。交部嚴訊。富稼解任候質。復因富稼到軍機處面稱伊子畏罪潛逃。難保非富稼有心藏匿。並諭將富稼革職。派議政王軍機大臣會同刑部

審訊。仍飭步軍統領等衙門將延序拏獲歸案訊辦。旋據延序赴部投首。並經順天府等衙門將案內要證韓姓等先後拏獲送部。茲據議政王等會同刑部遵派章京司員分別研訊。按律定擬。此案已革吏部筆帖式延序因王七即王富城告知順義縣有已故鎮黃旗人德銘地畝十四頃九十六畝。年久無人取租。起意冒稱伊係德銘本家。商允王七等前往認領地畝。共分租錢。延序未向富稼告知實情。捏稱隨同明善赴順義縣查辦事件。當於十月初三日約同王七等前赴該縣。找向韓姓即韓起。吳四即吳仲沅。述

悉前情。因吳仲沅告以聽聞高得昌等因辨此地。在慎刑司涉訟。勸其不必辦理。延序即未至該縣。遞呈旋於初八日回京。復向富稼捏稱跟隨明善。行抵順義縣。該處土匪聚眾。欲行滋擾。經明善委伊訪查屬實。調兵拏獲土匪多名。請旨正法。並得有軍功加級等情。雖訊明未向外人傳說。亦無另項招搖詐騙情事。究屬荒誕已極。惟訊止在家。向伊父私相告語。與詐傳詔旨自內傳出者。尚屬有間。延序除擅離職役。及冒認田宅各輕罪不議外。著照所擬。從重發往軍臺。效力贖罪。已革御史富稼。於伊子延序捏詞出外滋事。未能覺察。輒以伊子得有軍功加級等詞。赴軍機處請示。迨將延序革職交部。復稱業已潛逃。雖訊非有心藏匿。殊屬糊塗謬妄。該革員以伊子支離荒謬之詞。尚不能辨別真偽。平日居官莅事。受人欺蒙。已可概見。富稼業經革職。仍著永不敘用。以為身列諫垣。聞耳不職者戒。○又

諭前因已革御史富稼奏參山東候補知縣劉時霖。以奴僕蒙捐倚勢殃民。誣良索賄。當經諭令閩敬銘查明具奏。茲據奏稱。劉時霖奉派赴濟陽查拏匪犯。所帶勇丁約束得宜。並無騷擾搶掠情事。陳迥即陳鈞

係圍城抗糧。歷年在逃。奉

旨飭拏之犯。劉時霖於本年夏間將陳迥即陳鈞。並其弟陳錚等獲。經委員徐大容李翼清審明。該犯等供認聚眾圍城。奪犯抗糧等案。不諱。與原參劉時霖索錢未遂。致將陳鈞等捆縛。屬徐大容等刑逼誣陷情節迥異。至劉時霖之父。曾經出仕。且與丁寶楨素不認識。原參隨侍多年。聞警救主各節。實無其事等語。劉時霖等被參各款。既據閩敬銘查明毫無影響。著毋庸議。陳迥即陳鈞。稔惡多年。豈容倖逃顯戮。著俟定案時即行正法。以昭炯戒。至富稼奏參此案情節舛錯。是非顛倒。御史聞風言事。何至為罪惡眾著之。犯捏詞解脫。希圖翻案。殊不可解。恐該犯陳鈞等自知罪大惡極。冀圖解免。輾轉屬託。有授意該革員出奏情事。著派周祖培存誠。會同都察院堂官。將富稼傳訊。務得確情。毋稍含混。○四年

諭都察院奏訪查巡城御史辦公未能妥協。請旨撤退一摺。據稱巡視西城御史奎英。稍涉事權。漸改前轍。近遇地方公事。每每率意任情。不克和衷共濟。辦理殊未妥協。各等語。朝廷設立滿漢巡城御史。原期遇事商同辦理。固不可諉謝因循。亦不宜偏執己見。致

有貽誤。該堂官等未敢以保奏在前。自行迴護。自為慎重公事起見。惟未將該御史率意任情各事蹟指參。殊非覈實之道。即著全慶等將該御史如何辦理不能妥協之處。據實再行陳奏。毋稍徇隱。○又

諭。昨因都察院奏參巡視西城御史奎英。近遇地方公事。每多率意任情。未將各事蹟指參。降旨令全慶等將該御史如何辦理不能妥協之處。據實陳奏。茲據奏稱。據巡視西城漢給事中何兆瀛呈稱。管理街道御史。移送西城藍龍廠不挂錢院私換銀兩之李姓一案。飭交坊官辦理。並將李姓交坊看押。經本城滿

御史奎英親赴該坊。自行釋放等情。當將此案劄交東城御史查辦。因訊問尚需時日。未敢遽以此案原委具奏。惟西城事務殷繁。僕仍聽奎英辦理。恐滋貽誤。是以先請撤去該御史巡城差使等語。奎英於私換銀兩交坊看押之李姓。虛實並未訊明。輒行私往屬官衙門。勒令釋放。實屬任性妄為。有乖體制。都察院堂官於昨日奏參摺內。並未將私放李姓情事詳晰奏陳。殊屬含混。至李姓經街道衙門於十二月十二日交坊看押。十七日始由街道衙門移交西城。何以奎英於十四日即知有此案。其中是否另有別情。

著派綿森趙光會同都察院堂官。秉公研訊確情。據實具奏。奎英著先行撤退巡城差使。聽候查辦。○又

諭。前因御史譚鍾麟奏請申明保送御史定例一摺。當經諭令吏部議奏。茲據該部奏稱。向來御史保送後。有犯貪汙劣蹟。原保堂官。例無議處明文。惟保送時。各衙門皆得遴員咨送。實與京察體例無殊。自應比例定擬。以專責成等語。御史為朝廷耳目之官。職司彈劾。較之保送京察人員。更須認真遴選。著各部院衙門。嗣後保送御史。毋得但計資俸。務須認真考覈。選擇得人。如保送後有犯貪汙劣蹟者。即將原保之

堂官。比照京察保送不實例。由該部奏明議處。如能訪出揭參者免議。此旨並著該部纂入則例。通行知照。○又

諭。前因給事中博桂奏直隸文安縣兇犯寇玉林。綽號豆二。慙與衙役劉元和。有派捐分肥。及斃命私埋各節。當經諭令萬青黎。卞寶第。派員查辦。旋據奏稱。查明該給事中所奏各情。均無實據。而寇玉林等。又赴縣呈控。有牽涉該給事中之件。復經諭令將該犯等。均交刑部訊辦。茲據該部奏稱。訊明案內人證。韓七。即韓雪泉。鈕寶卿。洪燮堂等。供稱。博桂奏拏寇玉林。

摺係文安縣人胡沅澄轉賄託由該衙門書吏全渭西代辨摺稿命洪燮堂繕寫該給事中原奏係上年十一月二十九日呈遞而寇玉林先期於是月二十七日在縣呈訴其為營私漏洩情弊顯然請旨將博桂解任等語案關風憲官犯賊亟應徹底根究以期水落石出戶科給事中博桂著解任聽候傳質其在逃之都察院書吏全渭西並陳九胡得堂著步軍統領衙門順天府五城一體嚴密訪拏務獲送部究辦○又

諭御史汪朝榮奏請嚴禁外省人員混入五城國防局團保舉一摺五城設立國防局向係各該城御史遴選籍隸順天之公正紳富及寄籍鋪戶人等充當局董會同司坊各官緝拏盜賊藉以保衛地面若如該御史所奏竟有籍隸外省之六部司員紛紛冒充順天籍貫蒙混入局為將來保舉地步實屬拋荒本務居心卑鄙著五城御史查明實係籍隸順天之紳富及寄籍鋪戶人等准其在局辦公外其籍隸外省之京外大小各官如有冒充順天籍貫蒙混入局鑽謀保舉者即著指名奏參儻該城御史及紳董等通同容隱別經發覺即將該城御史及紳董人等交部議

處○又

諭前因萬青黎卞寶第奏遵查給事中博桂奏文安縣兇犯寇玉林與衙役劉沅和朋比為姦各情並無實據當以案關捏詞誣陷牽涉言官降旨交刑部嚴行審訊並先後將戶科給事中博桂等解任革職歸案審訊茲據該部奏稱審明言官聽屬受賊並以財行求各犯按律定擬具奏一摺此案博桂聽從全銀池即全渭西慫恿以寇玉林等不法各情率行入奏業據胡沅澄等僉供用銀一百六十兩博桂以風憲官得贓四十五兩實屬枉法著照該部所擬從重改發黑龍江效力贖罪雖據稱母老丁單仍不准其留養該革員於熱河范帽鼎一案尚有牽涉著先行擬結暫緩起解仍著該部催提范帽鼎一案人證嚴行審訊分別辨理○又

諭前因內閣學士殷兆鏞給事中王憲成先後陳奏江蘇橫徵暴斂之害當經諭令李鴻章裁汰委員歸併釐卡將捐款收支數目造冊報部並禁革浮增田畝占居民房等弊茲據李鴻章覆奏江蘇水陸兵勇約有七萬餘人不得不藉捐項以供軍餉目前江境雖已肅清而援勦各省及分防本境兵數仍未稍減需



餉甚繁。釐捐勢難裁撤。所立卡座。均經明定章程。於總卡收捐。分卡驗票。每千錢取三十四。不等。實無十里五里設卡重徵。及十錢抽三之事。釐卡委員。仿照兩湖辦法。官紳並用。一有弊竇。立予參撤。亦無擅作威福情弊。釐捐一項。前數年歲收約有三百萬兩。近來日以減色。衰旺牽算。月不過二十萬兩。其餘收支各款。業已疊次開明報部。從無如原奏所稱歲收銀四十萬之數。至辦理租捐。丈量田畝。並無抑勒浮增情事。居民房屋。亦經次第給領等語。江蘇地方新復。該省兵勇留防要隘。及援應鄰疆。一時斷難裁撤。全賴釐捐等項。藉資接濟。李鴻章自簡任江蘇巡撫以來。於辦理軍務及地方事宜。均能振作有為。不避嫌怨。茲覽所奏各節。尚係實在情形。該撫惟當事。實心經理。期於國計民生。均有裨益。以無負朝廷委任之意。至京卿科道。遇有敷陳。亦應訪查確切。據實入奏。若如殷兆鏞摺內所稱。雜項捐項等項。皆有捐款。實覺言之過甚。王憲成片內。則稱江蘇各項捐款。歲可收銀四千兩之數。亦事所必無。該學士等徒以離奇荒唐之詞。率行陳奏。冀圖聳聽。假公濟私。要譽鄉黨。本應治以妄言之罪。惟當此言路宏開。若遽

予嚴譴。恐抒陳讜論者。轉因而有畏阻之心。殷兆鏞王憲成所奏。均毋庸議。嗣後言事各員。務須詳察事理。輕重。覈實具奏。毋得捉影捕風。言過其實。用副朝廷實事求是至意。○又

諭。昨因御史汪朝榮奏。參昨捷片內。有聯捷奉旨發往原任陝甘總督。與麟差遣委用之語。何時有此諭旨。令汪朝榮明白回奏。茲據奏稱。聯捷並無發交與麟差委之旨。委係具摺時繕寫錯誤。迨經查出。因係參劾之件。不敢奏請更正。疏忽難辭等語。諭旨係宣示中外之件。該御史何得憑空臆擬。任意書寫。實屬荒謬。非尋常錯誤可比。汪朝榮著交部議處。○又

諭。前據刑部奏。審明已革刑部郎中薩隆阿偷竊偽印一案。將該革員按盜內府財物。照盜倉庫錢糧本例。定擬絞監候。秋後處決。入於明年朝審情實。業經降旨依議。茲據御史張觀鈞奏。請飭部將該犯按職官犯法酌數。照依常犯加等。再擬立決等語。此案薩隆阿以職官而犯竊盜。固屬衣冠敗類。然法者天下之公。既經刑部照例定擬。豈得意為輕重。即謂職官犯法。照依常犯加等。亦無再擬立決之條。該御史輒稱薩隆阿久為覆載。所不容。臣民同深憤恨。僅倖逃顯

戮無以快國人皆曰可殺之心是直以叛逆目之比擬非倫語殊失當所奏者毋庸議

欽定大清會典事例卷一千十一

都察院

憲綱

諭旨十四

同治五年

諭御史賈鐸奏五城團防保舉過濫請嚴定限制一摺所奏不為無見京城設立五城團防局原以緝姦宄而安善良惟在局官紳捕獲盜賊止應援照外省州縣各官獲盜之例酌給獎勵乃近來各城團防保舉竟有獲盜二三名保舉至十數員之多者有以微末職員疊膺保薦遞予崇階者且有候補候選人員豫保升階並請賞給頂戴優銜者倖進取巧相習成風亟應嚴定限制以杜奔競嗣後各城團防出力之四五品實缺人員無論獲盜若干名止准保加升銜其候補候選人員止准保加選補班次如班次已優亦止准保給升銜或交部議敘概不准擅保道府至團防紳董除實係舉貢出身者仍准酌保州縣正印官外其監生俊秀出身各員無論獲盜若干名止准保舉八九品丞倅及五六七品佐貳等官以示區別實缺人員准其保舉升階其候補候選各員止准保加班次如班次已無可加止准保加升銜概不准保舉

選缺補缺後以某官升用。每案無論獲盜多寡。所保首先獲盜之人。俱不准過二員。會同獲盜之人。俱不准過三員。除未經分部之候選司員。及政事較簡之卿寺衙門屬員。准其留局辦事外。其各部實缺候補學習司員。均著飭令仍回本部當差。概不准留局差委。以致拋荒部務。嗣後五城御史。遇有國防保案。務當覈實保舉。毋得意存見好。致涉冒濫。○又

諭給事中徵麟奏請將候選道員桂昌發往陝西差委一摺。桂昌著發往甘肅。交左宗棠差遣委用。科道為朝廷耳目之官。職司彈劾。其各省發往差委人員。或經該省奏請揀發。或由該督撫指名奏調。豈煩科道越俎代謀。且指省差委。尤屬非是。此風一開。恐鑽營請託者紛紛干進。尚復成何事體。嗣後有言責各官。務當秉公糾劾。不得濫行保薦。干譽市恩。以肅官常而正言路。○又

諭前因給事中尋鑾燁奏參山西絳縣知縣陳懷璋劣蹟多端。聲名狼藉。各情當經降旨交護理巡撫王榕吉嚴切查明。據實具奏。茲據趙長齡於到任後。逐款查明。陳懷璋於同治元年辦理團練。勸諭捐輸。並無扣留軍需情事。其辦團章程。共分六團。按期操演。至

今尚有三百三十名。並無虛冒充數。絳縣城垣年久未修。陳懷璋先自倡捐。並攤徵籌辦。所餘銀兩。修理書院。添設生童膏火。因捐戶尚未交齊。未經請獎。並無擅加錢糧。及有意延緩不行請獎情事。惟縣屬試用訓導靳執鎮倚恃職官。求免捐輸。挾嫌上控。該訓導畏審潛逃來京。其餘陳懷璋並無被控之案。絳縣錢糧向係五家銀鑪包攬。索費過多。縣民不服。陳懷璋因改令花戶自封投櫃。另募銀匠傾鎔。亦非私開銀鑪。陳懷璋聽斷最勤。不使原被人證守候受累。實無起減自由之事。原參所稱以典史王萬選為心腹

等情。或事出有因。或查無其事。均著毋庸置議。試用訓導靳執鎮始則挾嫌妄控。繼則畏審潛逃。殊屬刁詐。著趙長齡飭屬嚴拏。毋令遠颺。並令步軍統領衙門順天府五城一體嚴緝。歸案審訊。以儆刁頑。惟絳縣知縣陳懷璋在任有年。據該縣紳士等。因其被參赴省呈訴。並據該管絳州及河東道查明。亦稱樸實清勤。民情愛戴。是陳懷璋平日居官實能興利除弊。無忝厥職。何以尋鑾燁不加詳察。遽行參劾。實屬輕率。科道為朝廷耳目之官。原准風聞言事。但當訪查明確。方可入告。豈得輕聽人言。橫加誣毀。儻朝廷輕

信其言。致令廉明之官。轉受冤抑。何由使吏安其職。民服其上乎。是非之介。即網紀所關。嗣後該科道於叅劾事件。務當慎重訪查。不得稍涉輕忽。懷之慎之。

○又

諭御史佛爾國春奏各省典鋪取贖限期未能盡一。請飭部會議章程通行一摺。所陳殊屬鄙瑣。國家設立言官。原冀拾遺補闕。如於民生國計。確有關係。自必立予嘉納。近來科道等官。往往摭拾細故。率意敷陳。然未有如該御史所奏之謬者。典鋪原以便民。各省情形不一。相沿已久。自有成規。如有不肖州縣任意

左袒該省大吏。不難訪聞。叅處且此等事件。何值令戶刑二部會議通行。所奏著毋庸議。原摺擲還。○六年

諭御史阿凌阿奏叅疆臣驕妄。請旨嚴飭一摺。據稱曾國藩不肯回兩江總督本任。仍刊用江督字樣關防。復欲以散員留營。並已回徐州。又不接印等語。曾國藩公忠謀國。勳望素著。且時以盛滿為慮。屢次陳情。開缺。並以辦捻無功。自請量加譴責。註銷侯爵。謹畏出於至誠。朝廷念其前功。且籌李鴻章餉糈。亦極緊要。是以仍令回兩江總督本任。該督復請留營自效。

以免避勞就逸之嫌。至所刊江督木質關防。係在河南境內行營所用。其時並未開兩江總督之缺。亦尚未折回徐州。現已恪遵諭旨。受篆視事。是曾國藩本無驕妄情形。該御史不查明原委。率以臆揣之詞。列諸彈章。迹涉任意攻訐。此風斷不可長。原摺著即擲還。○又

諭御史張盛藻奏天文算學等事宜歸欽天監工部毋庸招集正途學習一摺。前據總理各國事務衙門奏請設同文館。專用正途科甲人員。學習天文算術。並擬章程六條呈覽。當經降旨依議。茲據張盛藻奏科

甲正途讀書學道。何必令其習為機巧。於士習人心大有關係等語。朝廷設立同文館。取用正途學習。原以天文算學為儒者所當知。不得目為機巧。正途人員。用心較精。則學習自易。亦於讀書學道無所偏廢。是以派令徐繼畲總管其事。以專責成。不過借西法以印證中法。並非舍聖道而入歧途。何至有礙於人心士習耶。該御史請飭廷臣妥議之處。著毋庸議。○又

諭前因御史佛爾國春奏湖北竹木商捐一款。曾國荃前於過境時。曾用銀三千兩。及歷任巡撫到任。辦理

鋪陳修理衙署皆於此款領用各節當諭令譚廷襄查訊茲據譚廷襄奏稱前於查辦官文被參案內業將調到清摺覈明並無曾國荃用銀之款復訊據委員孫振銓供稱同治三年曾國荃過境曾由糧臺解過舊欠餉銀四萬二千餘兩係屬正款並未支竹木商捐歷任巡撫到任該員並未辦過支送鋪陳等項又據總局司道詳稱歷年在竹木商捐項下領過辦公等項銀錢如兵差隄工城工修理衙署皆確有案據並非鋪陳規費各等語此案曾國荃被參動用竹木商捐等款既無其事著毋庸議至佛爾國春原奏內所稱曾國荃原參官文賄通肅順貪婪欺罔各款據綿森等查屬子虛曾國荃宜照律反坐一節官文受

文宗顯皇帝特達之知十數年來歷著勳績諒不至辜恩昧良肆行貪罔且其重膺疆寄尚在肅順未經用事之先亦無所用其資緣朕御極之初曾特諭內外臣工既往不咎曾國荃以影響之事臚列入奏本屬不諳大體佛爾國春遠引加以反坐之罪尤屬迹近報復故為苛論嗣後風聞言事必宜慎重黨援攻訐之風斷不可開所奏並毋庸議○又

論前因興平等倉逾限未領滿漢俸米經戶部奏明照例一律註銷業經降旨允行乃本日給事中廣誠奏米價日昂請將註銷俸米仍准給領等語向來官員俸米逾限不領照例註銷原以杜花戶串同米鋪勒指賤買蒙領分肥等弊例意極為周而該給事中於此中弊端豈不知悉乃敢冒昧陳奏並以民生益感等詞希圖聳聽顯係受花戶倉蠹等輩慫恿實屬不知自愛廣誠著傳旨申飭所請著不准行○又

論前因御史朱鎮奏參江蘇長洲縣知縣蒯德模浮收漕糧護庇漕書等情當經諭令曾國藩等查明覆奏

茲據曾國藩郭柏蔭奏稱查明蒯德模折徵錢數均與定章相符漕書徐海珊並無拜蒯德模為師餽送贄敬徐海珊之子徐小海亦未包攬漕糧蒯德模亦未嘗與候選道徐佩瑞結拜兄弟並查抄錢鋪致令商民罷市並稱該員潔已愛民為地方興利除弊於徵漕一事並能不避嫌怨大小戶一律徵收各等情御史風聞奏事各省地方官如有劣蹟自應訪聞確實隨時糾參若如曾國藩等所奏蒯德模被參各款毫無實據且能盡心民事辦理漕糧破除情面訪諸輿論亦皆稱為好官與該御史所奏大相徑庭原參

各情實屬是非倒置。朱鎮著傳旨申飭。○七年

諭御史職司糾察。原許風聞言事。向來遇有參劾人員。交各該省督撫查無實據者。原皆置之不議。所以開言路而防壅蔽。至業經被劾之員。既無屈抑。何得妄引舊案。率行陳奏。以致淆亂是非。今該御史所參孫成竹等朋比貪墨等款。經李鶴年覈實查覆。均屬毫無影響。姑置勿論。至所奏李瑞椿被參屈抑。其為挾私妄奏。已可概見。且前任知縣蘊琛開復原官之案。曾經欽派曾國藩東公查奏。該員實係甚洽民心。著有勞績。是以降旨開復原官。乃該御史引為成案。代為李瑞椿率行奏請。其中情節。尤屬顯然易見。此等惡劣風氣。斷不可長。佛爾國春著回原衙門行走。以示薄懲。○又

諭前日據御史德泰奏請修理圍庭。以復舊制。並稱內務府庫守貴祥有擬就章程五條。既不動用庫款。又可代濟民生。條理得宜。安置有法。各等語。當諭軍機大臣。將德泰代遞貴祥所擬章程呈覽。詳加披閱。荒謬離奇。實出情理之外。當此軍務未平。民生困苦。流離朝廷。方欲加意撫恤。乃該庫守則請於京外各地。按戶按畝。按部鱗次收捐。如此擾害閭閻。尚復成

何政體。前明加餉派餉。以致民怨沸騰。國事不可復問。我

列祖

列宗屢次引為殷鑒。中外大小臣工。詎不深知。况御史為言事之官。其於國計民生有礙者。正當力陳其弊。藉資補救。不意德泰所陳。顯違

列聖之彝訓。反欲朝廷剝削小民。動搖邦本。並以貴祥所擬章程為可取。且云於國計民生兩有裨益。喪心病狂。莫此為甚。德泰著即革職。○又

諭前因萬青藜等奏。遵旨審辦直隸懷柔縣土棍杜申

苛派捐米一案。有已革鄉保張傑。輾轉營求。賄買摺子情事。當諭令將全案送交刑部嚴訊。茲據刑部奏稱。審得此案。張傑因扶杜申欺壓之嫌。輒添砌多款。輾轉賄求。給事中徵麟具摺陳奏。據張傑等供據確鑿。請將該給事中解任歸案。質訊等語。徵麟職任言官。輒敢聽受賄屬奏事。殊屬不知自愛。著即行解任。交部歸案。質訊。務得確情。毋任狡展。並著將家丁西四即西升迅即交出。以憑審辦。○八年

諭刑部奏審明言官聽受賄屬。並案內各犯。定擬具奏。一摺。此案給事中徵麟。因聽受輩進年等代張傑賄

買摺奏率以杜申捐糧入己等情具摺陳奏雖經刑部訊明賊未接受而輒藉言事為納賄之資其情節甚屬可惡吏科給事中徵麟著照部議即行革職發往軍臺效力贖罪○又

諭前因都察院奏編修朱福基等呈稱前任廣西巡撫鄒鳴鶴在江甯殉難與御史朱鎮所奏情形迥殊當經諭令馬新貽丁日昌查明具奏茲據奏稱編訪當時在城紳耆僉稱鄒鳴鶴協同防守事有條理及城垂破誓以身殉旋因罵賊不屈被戕並無避匿民居之說朱鎮所奏係屬傳聞之誤仍請優卹予諡等語

朝廷褒忠之典網紀攸關鄒鳴鶴殉難情形既據訪查確實著仍照曾國藩原請照巡撫例從優議卹予諡以彰忠烈御史原許風聞言事惟事關人之名節亦豈得冒昧瀆陳茲朱鎮於鄒鳴鶴死事情形並未詳查經曾國藩察訪明確奏准賜卹予諡後輒以傳聞無據之詞遽請撤銷實屬不勝言官之任朱鎮著回原衙門行走以示薄懲○又

諭御史賈瑚奏請將道員長慶處分飭部另議劉嶽昭傳旨申飭不足以昭炯戒一摺所奏不為無見惟山東克沂曹濟道長慶前以濫刑斃命降旨革職留任

因丁寶楨附片聲明該道員係為整頓地方起見且在蘭山縣沂州府任內均能賊畏民懷為東省必不可少之員是以僅予革職留任以示薄懲非謂嚴酷之員概可稍從末減也總督劉嶽昭據傳聞失實之辭率行彈劾大員原應治以應得之罪因李鴻章密陳時事多艱朝廷用人不能不節取其長且劉嶽昭前在各路軍營尚有微勞現當雲南軍務需人正資勦辦該督前經革職留任僅予嚴行申飭以儆將來該御史於朝廷曲成人之意尚未深悉所奏著毋庸置議○十一年

諭刑部奏訊出書吏賄買摺奏各情一摺據稱綸州書吏賄買御史彝昌奏參知州宋彭壽一案訊明周開等輟轉賄買及該御史供認得受銀兩等情彝昌身任御史執取聽受賄屬挾私彈事實為言官中之敗類彝昌著先行革職從嚴訊究○又

諭昨日御史李宏謨奏請勤召對一摺覽奏實堪詫異自朕御極後

兩宮

皇太后垂簾訓政勵精圖治惟日孜孜召見臣工訪求治理本年入春以來

慈禧皇太后聖躬時有不適仍以勤政為心無聞召對

迨三月初旬以後

聖體違和久未痊愈始月餘未經視朝然四月二十六日猶力疾召見軍機大臣嗣因

聖體尚未大安是以連日仍未召見李宏謨近在京師豈獨毫無聞見竟以逐日召見為請曉曉瀆陳冒昧已極朕意本欲從重懲處乃我

皇太后以廣開言路之時特降

懿旨加恩免其褫革仍傳旨嚴行申飭○十二年

諭前據劉坤一奏稱左都御史胡家玉陳奏江西加徵錢糧語多失實並謂胡家玉及其弟姪田畝久未完

糧兼有干預公事信函各節當令胡家玉明白回奏茲據奏稱本籍祖遺湖田四五百畝其父兄弟五人各分田不及百畝歷年未完銀米均因災歉緩徵劉坤一聞或貽書詢問地方公事亦曾函答此次丁漕改章適江西藩司有書前來據實答復並函致劉坤一實非意存恫喝等語該撫此次所奏措詞固多激切惟胡家玉致書本籍地方官雖為公事起見殊屬不合著交部照例議處所稱地畝被淹緩徵是否屬實歷次往來信件是否該撫先行致函均著劉坤一據實具奏○又

諭御史鄧慶麟奏京控發交案件承審不公請提交刑

部審辦或派大員前往審理一摺國家設立都察院步軍統領衙門准各直省民人呈訴冤抑原所以通達下情一經各該衙門具奏無不立降諭旨交各該督撫親提研審其關涉命案者並令督同臬司嚴行訊究如該督撫等承審不公仍准其赴各該衙門呈控備遇案情重大或地方官有貪婪不法情事自當提交刑部或特派大員前往審辦若如該御史所奏直隸遵化州民人郝越生員王晴川京控兩案俱係尋常案件獨不思總督為國家大員自有承審之責如紛紛提交刑部或欽派大員尚復成何體制該御史不達事理率行陳奏著毋庸議○又

諭前據軍機大臣會同刑部審明已革烏魯木齊提督成祿罪名比例擬以斬立決聲明應否改為斬監候恭候欽定旋因御史吳可讀奏請將成祿立正典刑當令御前大臣大學士六部九卿再行覈議定擬具奏茲據該王大臣等奏稱成祿罪名請仍照原議辦理其未經畫稿之通政使于凌辰大理寺少卿王家璧亦據另摺陳明均無異議成祿著改為斬監候餘均照軍機大臣等所請辦理至御史職任言官雖准



風聞奏事何得以私意揣測形諸奏章該王大臣等謂吳可讀刺聽朝政與風聞言事不同請旨究詰實據等語御史吳可讀著降三級調用毋庸究詰○又

諭劉坤一奏遵旨據實覆奏一摺據稱查明胡家玉及其弟姪田畝歷年應完錢糧實有未曾被災辦緩仍未完納者丁漕改章一案胡家玉曾貽該撫書信並非該撫先行致函等語胡家玉本籍田畝應完錢糧既未完納又將丁漕改章一事致書地方官均屬不合降調左都御史胡家玉著交部議處○又

諭御史英震等另片奏宗室住居外城匪徒畏官役查拏多串結宗室以為護符請飭禁止等語著宗人府嚴飭宗室遵照向例在內城居住除在京城外墜地居住者仍從其舊外不得寄居前三門外南城地面並著五城御史會同營汛認真稽查儻有匪徒假冒宗室藉勢訛詐情事即行拏究

欽定大清會典事例卷一十二

都察院

憲綱

諭旨十五

光緒元年

諭延煦畢道遠奏抽查漕糧滿御史耽延運務據實奏參一摺京通轉運漕糧必須迅速查驗庶免剝船守候漕糧亦不致受傷乃抽查漕糧滿御史全善不肯多加驗數經延煦等兩次行文催促該御史置若罔聞實屬任意耽延且據奏稱該御史操守亦甚平常等語全善著回原衙門行走並交部

嚴加議處所有滿御史抽查漕糧差使著都察院開單奏請簡派○二年

諭御史袁承業奏雨澤愆期請修明政體一摺據稱近來濫捐濫保過多內外臣工或有徇私圖便情同蔽惑請飭各衙門恪遵成法力挽頹風並下詔求言等語本年雨澤愆期屢經設壇祈禱並降諭旨清理刑獄惟刑濫固傷天和而僭賞亦非國體嗣後內外臣工務宜各矢公忠悉除奔競之風勿用調停之說勸懲賞罰胥得其平朝廷政事如有闕失必當直言無隱庶幾集思廣益國是民隱不

塵上聞。以期上下交儆。感召和甘。毋稍玩忽。因循共安。緘。○三年

諭。都察院奏湖北民人胡佐懷。以朦例壞法等詞。赴該衙門呈訴。據稱該民人之父胡士禮。前被詹啟綸毆斃一案。詹啟綸業經奉旨絞候。旋有營官吳東山。主使詹煥章來京。商通提塘田明經等。為詹啟綸營脫罪名。適有御史鄧慶麟具奏軍營官弁獲罪。例許聲敘。詹煥章吳希之即在刑部及黃安縣本籍。捏呈詹啟綸家陣亡有人。並有田明經等持鄧慶麟奏稿。到詹家索銀之事等語。案關人命。重情。朋謀脫罪。牽涉言官。虛實亟應澈底根究。著交刑部嚴行訊究。務得確情。所有在逃之吳希之。詹煥章。著步軍統領衙門。順天府。五城直隸總督。一體嚴拿務獲。歸案審訊。御史鄧慶麟著聽候傳質。○四年

諭。御史張觀準奏。邪臣宜黜。庸臣宜儆。一摺。據稱內務府於明奉裁減宮闈費用之旨。乃以無可裁減。覆奏。願逞其揣摩嘗試之私。陰使其浮冒侵吞之計。懷姦不忠。請立予罷黜。又聞侍郎慶福於召對時。問以本衙門所奏事件。茫然不曉。未聞飭責各

等語。宮闈一切用款。本非外人所得周知。近已疊加節省。昨復諭令該總管大臣。將各項用款詳細查覈。開單呈覽。候旨施行。該衙門亦何所用其揣摩。乃該御史概以邪臣目之。措詞殊屬過當。至臣工黜陟。朝廷自有權衡。慶福召對時情形。尤非外間所應與聞。該御史輒以傳聞之辭。摺摭入奏。亦屬冒昧。張觀準著傳旨申飭。○又

諭。給事中郭從矩奏

上天感應甚神。請益加祇敬。一摺。前因京師及近畿各

兩宮

皇太后軫念災黎。虔誠祈禱。用能仰邀

昊貺。甘澤優霑。惟是饑饉薦臻。死者不可復生。生者無所得食。大田雖經播種。而秋成尚遠。此後雨暘未能逆料。深宮虛念。何敢以

天心甫轉。遽弛寅畏之忱。况近日風多揚沙。日有赤色。上蒼示儆。惕厲尤深。爾中外臣工。務當仰體朝廷宵旰憂勞之意。各修職業。矢慎矢勤。以期共濟時艱。郭從矩原摺。著存毓慶宮。以資省覽。○五年

諭。前因御史英震家人林六。有干預保獎情事。諭令

該御史交出送部訊辦。嗣據刑部奏該御史呈報林六病故。恐有別情。當降旨將英震解任聽候傳質。茲據宗人府刑部會同訊明具奏。此案御史英震咨獎弁兵。雖非林六所求。惟該御史抽查濫糧。於委員巡役稽查之外。並不照章咨調巡糧兵丁。執據書吏稟求。任令王耀德等投效。內朱玉祥等四名。並未當差入伍。而該御史單內填寫守兵字樣。均賞六品頂戴。實屬冒濫。英震著交部議處。

又

諭。御史孔憲敷奏。碩輔不宜遠離。請收回崇綺外補。

成命一摺。國家用人。內外並重。熱河素稱繁劇。治理需人。茲特簡崇綺為都統。具有權衡。該御史謂使之效用邊隅。甚為可惜。殊未悉朝廷用人之意。至所稱請置左右。俾資啟沃。是欲使崇綺在毓慶宮行走也。毓慶宮行走重任。出自朝廷特簡。豈臣下所宜妄預。且前此崇綺任京職時。該御史何以不言。而乃於簡放外任之後。亟思位置。所奏殊屬冒昧。著不准行。

諭。翰林院侍講王先謙奏言。路宜防流弊。請旨飭諭。以肅政體一摺。國家廣開言路。遇有陳奏事件。無

不採擇施行。原期廣益集思。有裨政治。近來言事諸臣。雖頗有撓越陳奏者。念其遇事敢言。亦無不虛懷聽納。分別辦理。第恐無識之人。以朝廷從諫如流。遂至逞其私見。率意上陳。必至是非淆亂。漸開攻訐之端。甚至此唱彼和。議論紛騰。亦恐啟賞援之漸。於風俗人心大有關係。乾隆八年。因給事中鄒一桂奏發交部議事件。科道不待部覆。撓越瀆陳。徒滋繁擾。欽奉

諭旨訓飭。自宜永遠遵守。嗣後言事諸臣。於政事闕失。

民生利病。仍當各行所見。剴切敷陳。至交部議奏之事。不得率爾撓越。陳奏更不得以雷同附和之詞。相率瀆陳。致滋流弊。用副實事求是之至意。

又

諭。御史李端棻奏。奏言亂政。請旨懲戒一摺。朝廷日理萬幾。惟恐政事偶有闕失。疊經諭令。有言責諸臣。各行所見。以備採擇。近來言事諸臣。洞悉利弊。切實陳奏者。固不乏人。而撫拾吹求。率意瀆陳者。亦所不免。雖是非可否。朝廷自有權衡。若每遇一事。或各執一說。議論繁興。或隨聲附和。相率瀆奏。眾口紛騰。亦足以淆觀聽。至黨援攻訐之風。乃前

明臺諫惡習。我朝向無此等風氣。然亦不可不防其漸。侍講王先謙前奏言路宜防流弊。所見未嘗不是。是以降旨宣示。且仍令言事諸臣。於政事關失。民生利病。剴切敷陳。言路何嘗阻塞。乃李端棻輒以王先謙為莠言亂政。並請將該侍講立予斥革治罪。措詞過當。適開攻訐之漸。所奏殊屬冒昧。著毋庸議。嗣後言事諸臣。仍當遇事直陳。不得自安緘默。亦不得稍存私見。任意妄言。毋負諄諄詰誡至意。○又

諭。順天府府尹梁肇煌御史阿克敦等奏。恭武閣監試御史漏印卷面。暨御史文敬奏。漏印卷面。自請議處各一摺。本科武鄉試內場夜字十四號一卷。列字圍監試御史。漏印單好字樣。實屬疏忽。文敬著交部議處。○六年

諭。御史世泰奏。奏庫儲支絀。放款不敷。請量為變通一摺。據稱內務府銀庫款項。入不敷出。必應寬為籌備。各有捐例已停。惟戶部尚有常捐之例。擬將內務府三旗人員。報捐虛銜各等花樣。均歸內務府自行酌辦。該捐生上兌後。即將實收赴該御史衙門換照。以便互相覈對等語。覽奏實堪詫異。

國家制節謹度。量入為出。自有常經。如果內務府放款不敷。該總管大臣自當斟酌情形。豫籌辦理。何待該御史越俎代謀。瑣屑言利。况常捐向由戶部覈辦。乃世泰等輒請於內務府設局報捐。由該衙門覈對換照。紛更舊章。尤非政體。世泰秀文不勝御史之任。均著回原衙門行走。○七年

諭。御史李暎奏。近來督撫於屬員被參。奉旨查辦之件。往往避重就輕。化有為無。掩飾迴護。積習相仍。請旨嚴申誡諭一摺。各省吏治。全在封疆大吏。隨時考察。認真整頓。遇有查辦事件。尤應秉公確查。據實覆陳。若意存袒護。曲為彌縫。將官方向由整肅。民隱何由上達耶。該督撫等嗣後務當破除情面。力求覈實。毋得稍有隱飾。自干咎戾。至臣工陳奏摺件。理宜敬謹繕寫。豈得草率從事。該御史摺片內謬字甚多。殊非敬慎之道。李暎著傳旨申飭。○八年

諭。前因御史俊人奏。正紅旗護軍營領餉。不候回平。先行散放。當令索布多爾札布明白回奏。茲據奏稱本月初三日。該營應發餉銀時已戍刻。是以未經等候。查營御史到營。照常散放等語。該護軍營

支發兵餉。並未先期知會該御史到署回平。殊屬不合。索布多爾札布著交部察議。該護軍參領等。均著查取職名。一併察議。嗣後應放兵餉。著先期知會查營御史回平。以昭覈實。○又

諭。廣壽間。敬銘奏。遵查臺臣被參各款。據實覆陳。一摺。據稱都察院左副都御史崇勳。自履任以來。於城坊公事。每喚司坊官到其私宅授意。多所干預。人言藉藉。眾論僉同。並查明正陽門永順乾洋貨舖扁額招牌。係崇勳所書。該舖開張之日。崇勳親往賀喜。實有其事等語。崇勳以三品大員。職司風

憲。似此不知檢束。實屬有玷臺班。崇勳著即行革職。以示懲儆。○九年

諭。都察院奏。遵旨整肅臺綱。一摺。據稱吏科掌印給事中戈靖。老而務得。頗改清操。戶科給事中周聲澍。嗜好已深。頗招物議。掌浙江道御史英俊。與庫書往來。殊玷臺職。掌福建道御史劉治平。身體羸弱。痼疾難除。福建道御史伊里布。前巡城時。收受賄規。聲名近劣。掌廣東道御史徐克剛。比昵匪人等語。既據該堂官訪察確鑿。應即予以懲處。其所參各節。姑免深究。戈靖周聲澍英俊劉治平伊里

布徐克剛。均著勒令休致。以肅官方。○又諭。昨據給事中鄧承脩奏。已故成員陳國瑞。請予褒卹。一摺。並非迫不及待之事。輒於花衣期內呈遞。殊屬不諳體制。鄧承脩著交部議處。○又

諭。前據已革御史戴彩。大理寺少卿劉緒。先後奏參呼蘭協領巴彥孟庫。於滋墾地畝一案。設局斂資。恣意誅求各節。當諭令文緒確查具奏。業據奏請將巴彥孟庫先行解任。歸案質訊。茲據文緒等奏稱。究出已革鄉約潘廷思。於光緒五年九月間。斂錢進京。面見御史英俊。交付銀兩。商辦條奏。並有

部書金姓。設法求免花利各事。民人張作霖呈出信件。附有英俊奏底。數與六年九月間該御史奏請查辦開禁通肯荒場。鈔給定安閱看之件相符等語。案關言官得賄。向串。亟應澈底根究。著刑部於此案要犯潘廷思等解到時。確切嚴訊。據實具奏。休致御史英俊。著該旗即行看管。聽候質訊。戴彩劉緒。有無別項情節。並著聽候傳質。○又

諭。前據御史黃兆樞奏。請飭查已革道員啟續。前在戶部所辦各事。及被參各款。當諭令戶部堂官查奏。嗣據給事中鄧承脩奏。參黃兆樞罔上徇私。請

旨嚴懲等語。茲據麟書等奏稱。啟續在部所辦各事。前經寶鑒等查辦。有錯誤遲延之處。該員旋即捐升道員。此後並未承辦部務。其為人心性伶俐。語言便捷。當年在部。並非精實正大之才。自其被參。亦不聞有惜此人材者。革員啟續。既據查明。被參並無屈抑。即著毋庸置議。至該御史為廢員乞恩。迹近徇私。此風斷不可長。黃兆樞著交部議處。

○十年

諭。前據給事中鄭溥元奏。參編修尹琳基貪鄙苛刻。縱酒滋事各節。嗣據給事中鄧承脩奏。參鄭溥元

校私違愆等情。先後降旨。令翰林院掌院學士都察院堂官分別查奏。茲據翰林院奏稱。尹琳基被參各款。雖無實據。惟其人性情粗慢。細行不矜。致招物議。都察院奏。鄭溥元參奏尹琳基一疏。任意吹求。迹涉私嫌。請旨懲處各等語。尹琳基鄭溥元名列清班。宜如何束身寡過。精白無私。乃種種謬妄。實屬不能稱職。尹琳基鄭溥元均著休致。餘依議。○又

諭。御史趙爾巽奏。捐納保舉到省人員。請特沛恩。給准其應試等語。此事前經尚賢條奏。經部議駁。近

日陳學棻復以為請。又降旨交部議奏。應准應駁。自應聽候部議。何得率行清請。殊屬非是。趙爾巽著交部議處。○又

諭。御史劉恩溥奏。請於劉銘傳張佩綸二員中。簡任一人。暫權閩督等語。封疆大吏。出自朝廷特簡。豈臣下所能擅請。該御史所奏實屬冒昧。劉恩溥著交部議處。○又

諭。御史吳均奏。樞臣聲名日敗。懇予矜全一摺。據稱籌兵籌餉。責在軍機。閩故銘專侯諭旨。並不豫為區畫等語。前因恭親王等辦事因循。不能振作。有為欽奉。

慈禧端佑康頤昭豫莊誠皇太后懿旨。分別開去差使。休致降調。特簡禮親王世鐸等入直樞廷。當積習之餘。又值多事之際。內外大臣。間有游移顧忌。所見未能遠大。不能專責閭故銘一人。嗣後務各殫竭忠誠。於一切事宜。實心實力。妥籌辦理。和衷商榷。共濟艱難。不得稍有疏懈。此次法人肆意要挾。先開兵釁。中國屢予優容。已屬仁至義盡。現在戰局已成。儻再有以賠償等詞進者。即交刑部治罪。總理各國事務衙門大臣。辦理中外交涉事件。必

須體用兼備。能持大體之員。方足勝任。周家楨吳廷芬在該衙門行走年久。辦理未能合宜。崑岡於洋務未能講求。周德潤於應行公商事件。輒單銜陳奏。其為不能和衷。已可概見。張蔭桓屢經奏。衆望不孚。陳蘭彬年力漸衰。難勝繁劇。均著毋庸在總理各國事務衙門行走。至閻敬銘辦事練達。清操久著。吳岫輒以執拗剛愎。怙過任性等語。形諸奏牘。實屬措詞過當。吳岫著傳旨申飭。○又諭。御史劉恩溥奏錄用廢員。殊恩不宜濫施。一摺。朝廷進退人才。一秉大公。毫無成見。所有從前獲答各員。其或一時被議。而才具尚堪節取。棄瑕錄用。亦屬取之常。豈能以一青廢其終身。僕情節較重。才本庸下。何至濫予恩施。該御史輕信傳聞。隱約其詞。妄生揣測。以一己臆度之見。干預朝廷用舍之權。所奏殊屬紕繆。原摺著即擲還。○又諭。詹事府左中允樊恭煦奏請中諭言事諸臣一摺。據稱徐致祥因言獲咎。恐中外臣工。致生揣測。轉昧求言。本懷等語。前降旨將徐致祥予以處分。因其詆訐。並不因其言事。爾諸臣有言事之責者。果於政治得失。確有所見。自當直陳無隱。若謂言路

因此而阻。則該中允何以又有此奏耶。分別門戶。標榜攻訐。為前明惡習。我朝紀綱嚴肅。豈容有此等風氣。不得不示以懲誡。總之朝廷明目達聰。實事求是。期於行政用人。確有裨益。爾諸臣務當精白乃心。慎遵疊次諭旨。各據忠諫。不得妄生揣測。樊恭煦於朝廷用意。並未深悉。輒妄行陳奏。殊屬冒昧。著交部察議。○又諭。鴻臚寺卿鄧承脩奏講官被議。罰重情輕。請將樊恭煦降調處分寬免一摺。所奏非是。近來言事諸臣。每多肆口譏訐。並不平心論事。此次徐致祥獲答。因其有意詆訐。前經降旨甚明。樊恭煦未能體會。輒行陳奏。是以僅予薄懲。該員前在陝西學政任內。聲名尚好。朝廷早有所聞。將來是否錄用。自有權衡。該京卿何得輒稱有乖衆論。請將處分寬免。使用人之權。操之自下。尚復成何政體。摺內所稱。祖宗因時垂訓。不僅以分別門戶。標榜攻訐。訓斥諸臣等語。試思門戶標榜。最為惡習。恭閱乾隆年間。聖諭屢以暗結黨援。混淆國是為戒。並恭引聖祖仁皇帝實錄內。有言路不可不開。亦不可太難之

諭。嚴切申誡。實為億萬世訓行之準。本年三月間。欽奉  
懿旨。亦以門戶標榜傾軋攻訐等弊。諄諄訓飭。方今時

事多艱。廣開言路。中外臣工。陳奏事件。如果切中  
事理。無不立見施行。即偶有語言文字之疵。亦不  
輕加責備。獨至妄逞胸臆。挾私揣測。不得不切實  
訓諭。徐致祥降調後。陳奏時事。如萬培因汪鑑汪  
正元。惲彥彬。黃自元等摺。或留備觀覽。或分別飭  
議。無非集思廣益。可為言路無阻之明徵。何至臣  
下相率緘口。如該京卿所慮耶。鄧承脩於本年春  
間。奏參徐延旭庸妄等情。已在該革員債事之後。

成敗論人。並無遠見。此類章奏。往往有之。從未稍  
加申飭。正是優容言官。不從苛責。該京卿自負敢  
言。竟以言出禍隨等語。登諸奏牘。純臣忠愛之心。  
必不出此。是直故激朝廷之怒。以博直諫之名。此  
等伎倆。難逃洞鑿。著將原摺擲還。並交部議處。

十一年

諭。御史吳岫奏聖學日新。亟宜杜漸防微。上年鄧承  
脩疏內恭錄

聖訓。原摺不應擲還等語。所見似是而非。臣工陳奏事  
件。專以持論之是非為斷。所言果是。即獨行已見。

朝廷無不虛衷採納。或立于施行。或留備觀覽。若  
識解純繆。措詞失當。豈能因摺內有恭引

聖訓數語。遂可寬其責備。鄧承脩前奏。矯激沽名。挾私  
揣測。是以將原摺擲還。前降諭旨甚明。吳岫並不  
詳細尋繹。輒以擲還二字。勉強牽合。謬附糾纏。其  
居心殊不可問。自徐致祥降調。樊恭煦言之。樊恭  
煦被議。鄧承脩言之。今該御史又有此奏。託為思  
深慮遠之詞。仍是門戶黨援之習。立說雖巧。亦難  
逃洞鑿也。吳岫著傳旨嚴行申飭。○又

諭。國家廣開言路。原期各行忠諫。俾得集思廣益。上  
有補於國計。下有裨於民生。諸臣建言。自應審時  
度勢。悉泯偏私。以至誠剴切之心。平情敷奏。庶幾  
切中事理。言必可行。上年用兵以來。章奏不為不  
多。其中言之得宜。或立見施行。或量為節取。無不  
虛衷採納。並一默識其人。以備隨時器使。至措  
詞失當。從不苛求。即陳奏迂謬。語涉鄙俚者。亦未  
加以斥責。若挾私妄奏。信口譏彈。既失敬恭之義。  
兼開攻訐之風。於人心政治。大有關係。恭讀

高宗純皇帝聖諭。中外大臣。皆經朕簡用。苟其事不干  
大戾。即朕亦不遽加以斥罷。御史雖欲自著風力。肆



為詆訕可乎。又恭讀

仁宗睿皇帝聖諭。內自王公大臣。外自督撫藩臬。以至百職庶司。如有營私亂法。辜恩負職者。言官據實糾彈。立即嚴究重懲。若以毫無影響之談。誣人名節。

天鑒難逃。國法具在。等因。欽此。

訓諭煌煌。允宜遵行。如上年御史吳均劾劄。敬銘目為漢姦。編修梁鼎芬劾李鴻章。撙拾多款。深文周内。竟至指為可殺。誣謗大臣。至於此極。不能不示以懲儆。吳均梁鼎芬均著交部嚴加議處。總之朝廷聽言行政。一秉大公。博訪周諮。惟期實事求是。非徒博納諫之虛名。爾諸臣務當精白乃心。竭誠獻替。毋負諄諄誥誡之意。勉之慎之。○又

諭。御史恩隆奏請將奉省大凌河一帶牧羣裁撤。牧地開墾等語。奉天大凌河牧廠。曾於嘉慶道光年間。疊奉

諭旨。禁止開墾。

聖諭具有深意。何得妄議更張。致滋流弊。該御史並未詳稽典則。率行奏請。殊屬非是。恩隆著傳旨申飭。

○十二年。欽奉

慈禧端佑康頤昭豫莊誠皇太后懿旨。前於四月間。派

醇親王奕譞。巡閱北洋海口。因該親王遠涉風濤。實深眷念。皇帝亦時切廛系。故於召見時。諭知欲派宮監帶領御醫全順隨往。以時調護。當據該親王面稱。總管太監李連英。人極謹飭。請派隨往。迨回京時。召見該親王。詢以李連英有無招搖情事。據稱該總管太監。沿途小心。均與府中隨往。太監無異。絕無絲毫干預外事。茲據御史朱一新奏。遇災脩省。豫防官寺流弊一摺。意以李連英隨該親王前往。恐蹈唐代監軍覆轍。危詞聳聽。已屬儆不於倫。又謂近來各省水災。朝廷不無過舉。未能感召天和。一若因此一事。竟致咎徵。尤屬附會不經。我朝優禮近支親藩。官廷太監齋送往來。係屬常有之事。此次該親王巡閱洋面。迥非尋常差使可比。特派太監帶同御醫隨行。尤係深宮眷注體恤之意。於公事毫無干涉。該御史既未悉內廷規制。又復砌詞牽引。語多支離。姑置勿論。惟所稱李連英隨至天津。道路譁傳。士庶駭愕。與該親王面奏各語。大相徑庭。是否確有實據。又稱深宮或別有不得已之苦衷。語意尤不可解。以上兩節。著朱一新明白回奏。不得稍涉含混。另片奏出治之原。莫先無逸。圖治之要。莫切求言等語。自垂廉聽政。

15 2 2

以來二十餘年。無時無事不以國計民生為念。憂勤惕厲。惟日孜孜。從未敢稍自暇逸。此天下臣民所共見。至言官條陳事件。無不虛懷採擇。惟言之用否。總以是非為衡。其是者固必立見施行。即或撫拾浮詞。無關緊要。但使其心無他。亦可存而不論。至於託名忠議。肆口妄言。或植黨營私。或違道干譽。若不予以懲儆。必至顛倒是非。紊亂朝政。况現在言路並無阻塞。即因陳奏失當。獲咎之員。朝廷寬大為懷。亦多宥其既往。酌量錄用。總之聽言行政。志秉大公。正不在屢下詔書。徒飾觀聽也。該御史所請明降諭旨之處。應毋庸議。○又欽奉

諭旨。御史朱一新明白回奏一摺。據稱前奏不得已之苦衷一語。即係仰測深宮體恤醇親王。因令宮監隨行之意。至李連英隨往天津。道路詳傳。士庶駭愕。一節。風聞醇親王不受北洋所派座船。該太監遂乘之。沿途辦事者。誤謂王舟。駭人觀聽。該太監一不詳慎。流弊遂已至斯等語。因召見醇親王奕譞面詢。據稱由通至津。李鴻章派來座船一隻。該親王乘坐。又備船一隻。俾護衛等乘坐。李連英與隨行府中太監等所乘。俾常船數隻。其伙食船隻。係李鴻章出費採備。

派令隨行。並無沿途地方辦差之人。亦無誤認之事。是該御史風聞不實。確無疑義。我朝優待諫臣。廣開言路。凡前代執政。悉就蠲除。朱一新所奏。如僅止李連英一人之事。無論如何誣枉。斷不因宮監而加罪言官。惟該御史既料及內侍隨行。係深宮體恤之意。何以又目為朝廷過舉。且當時並不陳奏。迨事過數月。忽牽引水災。砌詞妄瀆。於垂簾以來救災恤民。有加無已至意。全無體會。應如何補救民艱。亦無建白。徒以虛誕之詞。希圖聳聽。一加詰問。自知詞窮。輒以書生迂拘。強為解免。是其才識執謬。實不足勝獻替

之任。朱一新著以主事降補。其前次片奏留中兩次。摺件均著擲還。嗣後近支親藩。遇有外差。內廷派令御前總管太監等隨行。絕不干預公事。外廷臣工。不必妄生擬議。至諸臣陳奏事件。總應專就本事。剴切敷陳。若僅取快詞鋒。不顧事理。勢必藉端立說。以遂其傾軋之私。即如從前茂林慶林侵佔官地。本有應得之罪。而余上華參揭。率入禱雨無靈。張佩倫謂朝廷慰留王文韶。是日即致地震。彼時從寬未加責。致以致相習成風。至今未已。殊與整飭紀綱。實事求是之意。大相刺謬。此後各有偶過偏災。或民隱不能上

遠或青澤未能下逮。以及不肖官吏。種種弊端。均當切實上陳。以副兼聽並觀之意。至朝政或有闕遺。及臣工確有過失。均著就本事立時論奏。儻於事後扶私臆測。附會災祥。除原奏不准行外。定必加以懲處。以為妄言者戒。將此通諭內外大小臣工知之。○又

欽奉

懿旨。吏部都察院奏總理海軍事務衙門。請將御史常明暫留當差。查無成案。請旨遵行各一摺。總理海軍事務衙門。創辦伊始。一切事宜。關係綦重。自需委員經理。與各衙門尋常奏留不同。御史常明著准其暫

留當差。○又

諭。御史魏迺勳奏薛福辰玩視

大典。請旨嚴議一摺。玉粒納倉。與

壇

廟大典不同。且邵曰濂獲咎。係因久曠職守。該御史劾効。府尹薛福辰臨期不到。輒謂較邵曰濂情節有加。深文周内。措詞已屬失當。至請以太醫院官改用。尤屬膽大妄言。不可不予以懲儆。以杜攻訐之漸。魏迺勳著交部議處。玉粒納倉。向係兼尹府尹聯銜具題。屆期躬詣太常寺交收。此次薛福辰因

何臨期不到。畢道遠曾否前往。均著明白回奏。○

又

諭。御史金壽松奏。江童生鬧考之案。知府辦理不善。一摺。湖南芷江縣童生聚眾滋鬧。從嚴懲辦。前經特降諭旨。通行曉諭。正是辟以止辟之義。各省縣府試。例應分別棄取。本不准濫送院試。知府鄧天符認真錄取。辦理並無不合。若如該御史所稱。於童生擁眾求補時。從權暫允。未始不可息事。是畏葸敷衍。適長刁風。近來各省鬧考之案。層見疊出。正由於此。至牽引髮捻。肇釁等語。尤不成話。該御史以愛護士類為名。實則縱姦廢法。不知政體。著傳旨申飭。原摺擲還。○又

諭。前據御史升任給事中何崇光奏。廣東順德縣土豪占築圍壩壅塞水道各節。當經諭令張之洞等澈底查辦。茲據該督確切查明。奏稱粵省沙田。向為豪紳利藪。順德縣屬圍築圍基。本有三處。內浮墟一圍。係何崇光之父何太英創辦。大南沙圍。踵而行之。並無阻水串賄放槍拒逐情事。聞縣眾論僉謂何太英爭利構訟。囑令其子妄奏。何崇光之弟姪種種恃符謬妄。控告有案等語。此案既據張

之洞分析查明。舉人黃玉書稟請圍築圍基。知縣蕭丙莖批准。均係沿案辦理。尚無不合。即著毋庸置議。言官條陳本省事件。但係秉公論奏。朝廷因其見聞較確。無不立予查辦。豈容掩匿己私。飾詞妄瀆。何崇光之父兄弟。在籍倚勢橫行。欺官藐法。何崇光不得諉為不知。乃於伊家先築圍基。及與大南沙圍構衅之事。隱匿不言。反以土豪強築。請飭嚴辦。並申禁嗣後私築圍壩為詞。冀遂其專利營私之計。居心實屬險詐。給事中何崇光著交部嚴加議處。編修黃玉堂於伊弟黃玉書訟案未結之際。隨眾列名呈控。亦有不合。著交部察議。其何太英何祖榮等被控各案。仍著張之洞認真究辦。毋稍含混。以懲流俗而肅官方。○十三年

諭。本日御史王會英陳奏事件。摺內

東陵字樣。未經擡寫。非尋常疏忽可比。王會英著交部

嚴加議處。○又

諭。御史金壽松奏請飭唐仁廉赴廣東提督本任。及請澈查內務府柴炭庫各等語。提鎮大員。留帶他省勇營。事所常有。朝廷慎重防務。具有權衡。唐仁廉簡授提督後。仍留通永鎮著任。如果現在防營

無須該提督管帶。李鴻章定行具奏。或廣東本任緊要。必須唐仁廉赴任。張之洞亦必據實上陳。何待言官疊次陳請。前經御史殷李堯慶祥先後請飭該提督赴任。均經存而不論。今金壽松復有此奏。殊不可解。至所稱內務府柴炭庫各節。事屬瑣屑。該御史並無稽查內務府之責。何以知之詳盡如此。所奏均毋庸議。御史風聞言事。所言果有可採。無不立見施行。儻竟不知體要。或別有請託情事。斷難倖逃洞鑒。嗣後有言事之責者。務當秉公持正。切實敷奏。不得摭拾細故。挾私妄陳。用副孜孜求治之意。○又

致求治之意。○又

諭。御史金壽松條陳事件兩摺。內恭引康熙乾隆嘉慶道光年間

諭旨。自次行以下。均未擡寫。殊屬不合。著交部察議。

欽定大清會典事例卷一千十三

都察院

憲綱 陳奏 裁廢 儀式

陳奏○順治初年定給事中與御史同有進言之責凡

朝廷政事得失民生利弊以時條上。百官有姦貪劣蹟亦得據實糾彈。○又定凡貪汙枉法暴戾殃民者。都察院指實糾參。其六部卿寺大小官員宜從公舉劾。賢者實稱其賢。內毋避親。外毋避讎。不肖者實指其不肖。毋徇私情。毋畏權勢。

如黨同伐異。誣陷私讎者。必置重法。○六年定凡言官論人善惡。雖有不實。必命廷臣公同議擬。如果挾讎誣陷者。革職下刑部治罪。○八年奏准。巡按察吏安民。其任恭重。向議暫停。為不得其人故也。夫巡按出有差規。入則考覈。整肅憲綱。全在堂官。今都察院滿漢憲臣八九員。御史等近六十員。半年以來。不聞疏請甄別。

皇上親政之始。不聞奏請特遣堂官愈多。憲綱愈壞。欲巡按之得人。宜自澄清都察院諸臣始。○十年題准。設建白牌。各道輪管。除平時條奏。隨人各

抒忠蓋外。遇有政事大闕失。司建白者。即具本

稿會各道御史公覽酌議。全列各道職名。公同

封進。事不重大。不必合詞。言不切當。無取眾議。

○又題准。都察院職司糾劾。儻各衙門

有保舉未當者。或有未與保舉之人。心懷忿嫉。

阻壞良法者。俱令糾參。○十二年題准。言官糾

參實指姦貪。是其職掌。若結黨挾私。肆行陷害

者。反坐。○十七年議准。科道令互相糾參。○十

八年題准。文武大臣。果係姦邪小人。構黨為非。

擅作威福。紊亂朝政。致令

聖澤不宣。災異疊見。但有見聞。不避權貴。具疏彈劾。

內外各衙門大小官員。有不法等事。皆得

糾劾。其糾舉之事。須明註年月。指實陳奏。若係

機密重事實封

御前開拆。但不許挾私苛求。泛言塞責。○又題准。官

民果有冤枉。許赴院辯明。除大事奏

聞外。小事立予裁斷。或行令該督撫覆審。昭雪。○又

題准。言官題奏。應密不密者。罰俸六月。○又題

准。都察院職掌糾劾百司。辨明冤枉。及一應不

公不法事。如本院堂官及各監察御史不公不

公不法事。如本院堂官及各監察御史不公不

公不法事。如本院堂官及各監察御史不公不

公不法事。如本院堂官及各監察御史不公不

法。曠廢職事。貪淫暴橫者。令互相糾舉。毋得徇私容弊。其所糾舉。並須明具實蹟。奏請按問。有扶私妄奏者。抵罪。○康熙九年題准。言官列款糾參貪婪官吏。有一二事審實者。免議。若審問全虛。及條陳事件。隱含譏刺。或不據實回奏。或參官員老病衰弱。涉虛者。皆降二級調用。○十年題准。御史條奏。止寫漢字揭帖呈送。若照揭帖繕譯。恐與紅本內言詞參差不一。嗣後本衙門御史條奏事件。科衙門除發該部科鈔外。仍發與本衙門科鈔。照此造冊進呈。○十五年議准。言官條奏譏刺。及回奏不實。或凡事不據實陳奏。或並無可據。稱風聞具題者。降一級調用。○雍正元年議准。大臣為小臣之表率。若屬官簞簋不飭。虧空錢糧者多。即係上司不能以清操為率。盜賊繁多。諸務廢弛。即係上司不能以勤慎為率。皆許科道於年終察實題參。○二年定。凡進參奏條陳露章。於御門日。該員親送。候部院各衙門奏事畢。捧本由左階上。至木案前跪。將本敬謹安放案上。退立。復退出門闕。望左趨過中階。由左階上進。

殿斜跪案傍。奏明所奏事件。奏畢。退出。○四年議准。直省州縣交代。舊任官虧空。各上司逼勒新任官接受者。許被勒之人。直揭部科。代為陳奏。其有干連督撫者。將具結之人。與虧空之人。押赴來京。交與都察院查審明確。將該督撫一併從重議處。如係誣揭。交與刑部加倍治罪。至出揭之人。調任別省。該管上司。有因其從前揭報之故。多方按求藉端誣陷者。該員赴院呈辯。果係參處冤抑。將該上司交部議處。如誣辯不實。加倍治罪。○乾隆四年奏准。都察院職司稽察。凡有冤枉。均得陳奏准理。嗣後候補候選。及曾經議處官弁。如有應行呈明情節。許赴吏兵二部具呈。交與該司。將應准應駁緣由。詳加察覈。逐款明晰批示。分別辦理。至既經具呈一次之後。復行捏詞妄控者。一概不准收錄。儻此內果有實在冤抑。應令自行赴都察院具呈。查明應行准理者。行文調取該部辦理原案。及一應定例。如實係舛錯。即為奏定更正。該部堂司官。如有辦理未協。亦即奏請察議。儻有營私受託等弊。都察院一經訪確。即行查參。○十三年題准。

御史原係言官凡遇有應行奏

聞事件各御史果訪聞確切不必拘定省分衙門仍聽隨時據實陳奏○三十四年議准嗣後外省民人赴京控訴案件如州縣判斷不公曾赴該管上司暨督撫衙門控告仍不准理或批斷失當及雖未經在督撫衙門控告有案而所控案情重大事屬有據者刑部都察院等衙門覈其情節奏

聞請

旨查辦其命盜等案事關罪名出入者即將呈內事

理行知各該督撫秉公查審分別題咨報部如地方官審斷有案即提案覈奪或奏或咨分別辦理若審係刁民希圖陷害捏詞妄控報復私讎即按律治罪其僅止戶婚田土細事則將原呈發還聽其在地方官衙門告理○五十六年議准嗣後凡來京呈控案件先向具呈之人究問在本省各衙門曾否呈告有案令出具切實甘結如未經在該省院司道府州縣衙門控理者將該犯解回原籍令督撫秉公審擬題報至先曾歷控本省各衙門已經督撫審結題咨到

部有案復經翻控或本犯脫逃來京及親屬代為訴理者即交刑部將現控呈詞覈對已結原案如所控情事與原案相同止有些小情節不甚符合無關罪名輕重者則案經督撫審定毋庸再為審理即將翻控之犯從重治以脫逃越訴之罪若現控情節與達部案情迥不相同而又案情重大抑或曾在本省歷控尚未審結報部虛實難以懸定者即交刑部暫行監禁酌覈案情分別奏咨提取該省全案卷宗來京質訊虛實或交該省督撫審辦或請

欽派大臣前往臨時酌量請

旨如本省未經呈告而捏稱已告者即照誣告例加倍治罪○嘉慶十一年奏准各督撫凡遇交審事件務必親提審訊如所控屬實即將官吏糾參嚴懲如所控屬虛即將原告照本例治罪均不得以事出有因巧為開脫抱舍本例從輕率結○同治八年奏准各直省督撫查明賊擾地方如有臨危授命大節無虧者隨時彙案奏請旌卹不得任聽屬員延閣不辦致有書吏需索情事至言官果有採訪確實仍隨時奏請不得

冒濫。○光緒十一年議准。嗣後遇有割臂療親及烈婦殉夫者。由實缺京官具呈都察院咨禮部覈辦。○十二年定。嗣後直省應行旌表婦女。仍由該督撫題請。或由同鄉官赴部具呈。均著禮部照例覈辦。其滿漢內外臣工。概不准率行瀆請。

鼓廳。○順治元年定。內外各衙門有真正貪賊虐害不公不法。地方重大緊急事情。六部督撫按不行處治。又不奏

聞者。例設登聞鼓於都察院門首。每日輪流御史一員監直。○十三年覆准。照會典舊制。仍將登聞鼓移設於

長安右門外。科道滿漢官員輪流監直。其准駁事宜。應照舊行。至在外總督巡撫。按三衙門內。曾經二衙門告理。不為審理。又審而不公者。許其擊鼓。○又題准。軍民人等。果有冤抑事情。應先赴撫按。或撫按審斷不公。再赴總督。如有未曾編告。使來京擊鼓者。不准。○十四年題准。有擊鼓告狀者。即據冤狀查問。並取原問衙門冊籍。詳明磨對。果係真情。題請

救該衙門審理。○又題准。告狀人係滿洲。交本旗撥什庫漢人發該司坊覈候。其以

故前事告理者。概不准行。誣告流罪以上者。依律反坐。若漢人借滿洲家住歇。滿洲借漢人家住歇。投遞鼓狀者。除原狀不准外。查有無教唆主使情節。依律治罪。○又題准。鼓狀除合例者封進。違例者駁回。有事情重大。迹涉冤抑。虛實未明者。許連人狀咨行各部院督撫審確酌奏。仍將咨過件數。歲終彙題。○十五年題准。值鼓官收狀。會同本科本道滿漢掌印官會議。狀詞滿漢

字限五日。譯完會議。審理限二十日完結。如往各衙門查取文卷。限三日即發。若各部遲延。應封者於本內題明。不應封者於案內註明。以便稽考。○十七年題准。令鼓廳刊刻木榜於鼓門前。一狀內事情。必關繫軍國重務。大貪大惡。奇冤異慘。方許擊鼓。其戶婚田土鬪毆相爭等事。及在內未經該衙門告理。在外未經督撫按處告理。有已經告理。尚未結案者。並不准封進。仍重責三十板。如係職官。送刑部折贖。舉人送禮部。監生送國子監。生員發順天府責治。一登聞



鼓之設原以伸冤辨枉。如有棍徒本無冤枉希圖報復。或受人主使。劈鼓抹項。以圖倖准者。除原狀不准外。將本犯送刑部責四十板。照例於長安門外枷示一箇月。登聞鼓之設。恐民間受屈於貪官汙吏。及官民被陷重罪。冤枉無伸。俾得直達。

天聽。其被革被降之員。欲辨復官職者。俱赴通政司具奏。一凡告鼓狀。必開明情節。不許黏列款單。違者不與准理。狀後仍書代書人姓名。如不書者。亦不與准理。一民間冤抑。必親身赴告。果木身羈禁。令其親屬確寫籍貫年貌保結。方准抱告。違者不准。其有棍徒代人擊鼓挾騙者。令值鼓官即時拿送五城嚴訊的實。照光棍例治罪。○康熙十一年議准。在鼓廳控告者。照所告事情輕重。應看守者看守。應取保者。令的當人取保。審結之日釋放。○十二年題准。鼓廳係伸理冤枉之事。令滿漢御史各一員論俸題差。六箇月一換。漢軍監察御史。應入滿洲御史內論俸題差。所收詞狀。各該任內完結。有卷案可查者。限二十日。無卷案可查者。限十日完結。令河南

道按月稽查具題。其議結事件。俱造滿漢清冊存案。○又覆准。鼓廳係審理冤枉之事。應令專員料理。嗣後將滿漢給事中滿漢御史各一員。坐名具題差違。滿漢御史論俸題差。○六十一年定。鼓廳事務。歸併通政司。停差御史管理。儀式。○左都御史副都御史到任。各道御史齊至大堂序資列坐。新任都御史拜印畢。與現任都御史公揖。各道御史齊揖而散。新任都御史回看各道御史。延進揖坐。送出揖別。各道御史有事上堂一揖。都御史各出坐回揖。序資列坐。

各道御史途遇都御史。勒馬候過。肩輿者。遇左都御史副都御史。落肩。各道御史赴都御史私宅。與馬照途遇。相見序資主禮。各道新御史到任。現任御史齊至衙門。彼此交拜序資而坐。各御史每日進衙門。俱序資揖坐。別所相遇。在坐皆同衙門。則序資。有別衙門者。則序齒。凡堂行道文書用劄。道中堂用呈。各道彼此文移俱用移會。○順治九年題准。都察院衙門官。不論品級補服。均用獬豸。○康熙三十九年定。滿洲蒙古漢軍官。往口外寒冷處出差。貂狼猞猯。獬

照常。用漢官不於口外行走。四品職官以下概不得用。其漢官京堂以上及翰林科道仍准用。○雍正六年題准。都察院衙門除左都御史副都御史監察御史用獬豸補服外。其都事經歷筆帖式等官補服各照本身品級不用獬豸。○七年

諭。百官章服皆有一定之制。所以辨等威昭品秩也。向來屢申禁約。不許逾分濫用。以開僭越之端。定例昭然。各宜遵奉。聞近來服色頂戴及坐褥頂馬胸纓之屬。又有不按定例任意僭越者。御史有稽查部院之責。而各御史中即有參差不齊之處。是己身先有逾分違禮之咎。又何以彈劾他人。嗣後紫禁城內著派三旗侍衛稽查。大城內著步軍統領稽查。外城著五城御史稽查。僮有違例僭越之人。而侍衛提督御史不行參奏。別經發覺者。將稽查之員一併處分。○乾隆五十五年奏准。六科給事中。十五道御史。每月逢二逢六逢八進署上堂接見。俱於原設坐次列坐。○道光八年

諭。前因七品以下人員違例僭用素金帽頂。應嚴行禁止。諭令大學士九卿詳查妥議。茲據奏查明歷屆改

定章程。至嘉慶五年議准後。分別詳備。實足以示區別。而辨等威。所有七品用素金頂。八品用陰文鏤花金頂。九品未入流用陽文鏤花金頂。及由進士舉人出身。除授八九品小京官教職者。仍用進士舉人頂戴。其由進士舉人出身。降補佐雜等官者。各照現任品級戴用。其大銜借補小秩者。各照本銜戴用。各條俱著照嘉慶五年原議。分別遵行。至舉人一項。應照七品官例戴素金頂。貢生一項。應照八品官例用陰文鏤花金頂。毋庸更用銀托。生員監生。仍戴用銀頂。武職八品以下頂戴與文職同。俱著照所議畫一辦理。如再有違例僭用者。一經發覺。即著照違制律嚴行參究。僮該管官失於查察。意存容隱。著科道據實糾參。定將該管官一併交部議處。其有無職人員妄用頂戴者。並著一律查禁。以肅功令。

欽定大清會典事例卷一千十四

都察院

|    |    |    |      |    |    |
|----|----|----|------|----|----|
| 六科 | 接本 | 發鈔 | 史書錄書 | 封駁 | 直  |
| 宿衛 | 朝會 | 糾儀 | 御門   | 侍班 | 直  |
| 經筵 | 掌印 | 升轉 | 驗看   | 巡視 | 稽察 |
| 差  | 掌印 | 升轉 | 驗看   | 巡視 | 稽察 |

接本。順治年間定。凡紅本到內閣。日以給事中一人赴內閣祇領。分發各科。雍正六年議准。嗣後紅本到內閣。不拘滿漢給事中一人親赴內閣祇領。十三年議准。嗣後九卿會議定稿畫押之後。令主稿之部院謄錄副稿。鈐蓋堂印。送交應稽查之科收存。候

命下之日。該科將副稿與紅本覈對。儻有私行更改以致不符者。即行參奏。乾隆十三年

諭。內閣每日進呈本章。朕批發後。由六科親領發鈔。以昭慎重。乃近來該給事中等。怠忽成習。竟有不親身祇領。委之筆帖式等代行者。往往不待接本。先已散去。至次日始行發鈔。朕所聞如此。夫本章關係緊要。承領乃科臣專責。似此因循玩愒。必致貽誤。朕姑寬其既往。著大學士等傳旨申飭。將來若不親身承領。或發鈔遲延。必嚴加議處。大學士等亦宜留心稽察。

如有仍蹈前轍者。即行參奏。

發鈔。順治初年定。凡本章

命下。事屬某部院者。由某科即日鈔清漢文

諭旨。發交某部為正鈔。如一事關涉數處者。將本章

送於別科轉發為外鈔。原領本章。各存本科。年

終彙繳內閣。又議准。凡內閣發出密本。由該

科登號。原封送部。取承領官職名附於號簿。該

部辦理畢。仍密封送科。康熙十七年議准。紅

本已奉

旨到科。未經到部。有豫鈔洩漏者。將該科給事中議

處。洩漏之人。交刑部治罪。雍正元年覆准。凡

書吏提塘京報人等除紅本

上諭外。如有訛造無影之辭者。該科給事中查拏治

罪。五年議准。凡紅本科鈔。關係甚重。令承辦

官詳悉校對。敬謹奉行。如有增減錯漏。係何衙

門所奉

諭旨。將承辦校對官照錯誤本章例議處。乾隆六

年議准。凡

特降諭旨。及

批發章奏到內閣。係某部承鈔辦理者。即令該科同

批發章奏到內閣。係某部承鈔辦理者。即令該科同

赴內閣鈔出。並傳知都察院暨各科道。二十一年議准。各省發遞科鈔事件。例應責令提塘辦理。以杜訛傳私鈔漏洩之弊。嗣後小報房概行禁止。令各提塘公設報房。遵照舊例。具結呈科查覈。其應行發鈔事件。各提塘親赴六科鈔錄。刷印送科查覈。轉發各省。所有在京各衙門鈔報。總由公報房鈔發。仍令六科五城御史嚴行訪察。如有訛傳私鈔洩漏等弊。交部治罪。二十三年議准。嗣後除奉

旨特交該部審議事件外。其餘一應傳鈔事件。俱令部科同日鈔出。一體扣限稽覈。如該部遲誤遺漏。該科即行摘參。僅該科不行摘參。別經查出者。將該科給事中等一體議處。嘉慶七年議准。各項官員升調本章。原有一定限期。如一律依限進呈發鈔。原不致有任意延壓之弊。但恐日久懈弛。設當截缺之時。科鈔或有參差。則於銓選實為有礙。嗣後凡遇前項本章。應令務遵定限。不得稍致違逾。如進本發鈔。或有逾限。將承辦遲延之員。查取職名議處。史書錄書。順治初年定。凡紅本發鈔後。本科

別錄二通。供史官記注者曰史書。存儲科署以備編纂者曰錄書。故謹校對。鈐蓋印信。史書送內閣。錄書分存六科。六年奏准。臣民章奏。天語批答。應分曹編輯。以垂法戒。備章程。為纂修國史之用。令六科每月錄送史館。付翰林官分任編纂。雍正八年

諭。史書錄書。每年令滿漢翰林各二人悉心稽察。專司其事。儻有玩忽潦草之處。據實奏聞。如徇隱不奏。查出一併議處。

封駁。順治初年定。凡部院督撫本章。已經奉旨。如確有未便施行之處。許該科封還執奏。如內閣票籤批本錯誤。及部院督撫本內事理未協。並聽駁正。

註銷。順治十八年

諭。各部事務。雖巨細不同。於國政民情。均有關係。理宜速結。今各部一切奉旨事件及科鈔。俱定有定期。六科按月察覈註銷。其餘不係奉旨事件。及無科鈔者。若不專令稽察。必致稽遲。除刑部已差科員稽察外。吏戶禮兵工五部。亦應照刑部例。各差科臣一員。不時稽察。如有遷延遲誤事件。即行參奏。仍於差滿未

交代之前將已完未完事件明白具奏。又定吏科稽覈吏部順天府戶科稽覈戶部禮科稽覈禮部宗人府理藩院太常寺光祿寺鴻臚寺國子監欽天監兵科稽覈兵部太僕寺鑾儀衛刑科稽覈刑部通政使司大理寺工科稽覈工部各衙門所辦之事每月兩次造冊送稽覈之科註銷依限完結者開除限內未完及逾限有因者於註銷本內聲明無故逾限者指參各於月杪繕本具題。乾隆十四年奏准都察院向無註銷之案稽覈歸於刑科。道光十一年

諭大學士九卿會議整飭各部院註銷章程一摺各部院辦理事件每月兩次造冊赴科道衙門註銷載明已完未完各若干件科道月終題奏如有遺漏逾限者參處各部又設立督催所查催各司所辦事件以防積壓其現辦事件按季具奏各部院復於年終赴河南道照刷文卷由河南道彙題必註明有無漏辦難結事件似此層層稽覈立法至為周詳承辦各員果能依限辦竣認真查察何至有稽歷未辦之事任令該書吏於註銷時混行填寫且各司收文均有號簿每件之下必註明收文辦稿呈堂行文各日期如

果細心查閱自不至遺漏遲延據大學士等奏稱若有專員稽覈自更有所責成著照所議令各部院於各司中揀派滿漢司員各一人專司查覈於文書收發逐件清查填寫註銷時再為詳細覈對掌印主稿司員仍不時留心稽察不得以派有專員管理即置不問其督催所司員又將各司事件按限查催趕辦恐日久視為具文該科道等必應認真稽察於每月註銷事件年終照刷文卷之時逐條磨對儻有未完事件書吏捏填已完者著隨時參奏懲辦以防延閣而杜弊端。光緒九年

諭御史曾銖奏請申明題本限期各摺片據稱吏部書吏與通政司書吏內閣供事展轉句結壓閣外官缺本顛倒影射等語各衙門辦理題本均有定限並由都察院隨時稽覈註銷立法本極周詳若如該御史所奏稽歷遲延殊屬不成事體著各該衙門申明定例釐剔弊端應如何設法稽察各就定章實力奉行務須依限具題以除積弊嗣後如有積壓即將承辦之員嚴行參處

給發

教書。康熙元年議准直省總督巡撫由吏科總督

漕運總督倉場坐糧廳監督各關監督由戶科。  
戶部錢法堂 學政由禮科。應頒 柱表宗室節婦 亦由戶科。 提督總兵官由兵科。總督河道暨工部所屬之各關監督由工科。工部錢法堂 亦由工科。 各給名。  
 敕書。及藩臬監司副參遊擊等傳。均於命下之後。內閣官同給事中於午門外頒給。本官祇領。如有不遵定制者。該科題參。○乾隆十年議准。凡應給敕書各官。如有外任升轉者。內閣官捧敕於該科登號。傳該省提塘官齎送。該提塘官具領狀。鈐蓋戳記。送科備考。如違例私發。或從他處轉寄者。查出參處。○十五年議准。各鹽政敕印。向來均由都察院委官齎送。今委官齎送印信。已經停止。嗣後敕書。亦應停止。委官齎送。歸併戶科給發。提塘官齎往。○二十六年定。嗣後遇頒給敕書。內閣豫行開明省分官銜。並

敕書幾道數目。傳知該科。每敕書一道。具印領一張。祇領。以便稽查。○三十六年議准。嗣後恭辦敕書。如係欽奉特旨者。仍照舊例辦理。其餘敕書。不拘多寡。以半月用寶一次。每月彙為二次。用寶之後。即日發科。至差員應領關防敕書。例需撥兵背護。除已領有關防印信。即將兵票辦給。其請領敕書。由內閣用寶發給者。兵部於各衙門行文支取時。即照例辦給兵票。移送內閣。隨同敕書。一併交科轉發。各該省提塘。將兵票封固。照舊交齎。送本章奏摺之差弁。乘便齎交該員祇領。後。再令地方汛弁。照依本票。撥兵三名背護。稽覈朝單。○康熙四十年議准。每月逢五常朝之期。令給事中更番稽察。吏禮二部將各部院所送朝單。並所收職名。送於當直之科覈對。如單內有名職名不到者。行詢確有事故者。免參

餘仍指名題參。雍正七年議准。凡常朝大小官員職名。係吏部司官按班收訖。送科覈對。惟滿洲大小官員常朝職名。吏部不行開送。各科無憑覈對。嗣後先常朝一日。滿洲大小官員將朝單開送吏部。一例會集。按次坐班。令吏部司務收受職名。同朝單送科覈對。無故不至者。該科參奏。乾隆八年議准。嗣後朝期應坐班各官。並無事故託詞不到者。給事中覈實題參。直宿。順治初年定。六科官署。每日以給事中一人輪直。二日一更代。雍正八年

諭。午門外朝房之南。科垣之北。有碑亭一所。供奉

皇考聖祖仁皇帝御製臺省箴碑文。此地與六科相近。即著六科輪班撥人守護。每日掃除潔淨。敬謹啟閉。僮官吏人等仍敢擅入。視為憩息之所。輪班科員。即行參奏。如科員不奏。經朕訪聞。定行交部察議。乾隆五年奏准。

端門外東邊一帶朝房。撥給吏科戶科各三間。禮科二間。西朝房撥給兵科刑科各三間。工科二間。為收存冊卷之所。十八年奏准。嗣後六科移取冊卷。並知會直班官弁。同啟封議。如有不

行知會私自開封者。令直班官弁立即拏究。三十二年奏准。

端門外東邊朝房貼近北首者。尚餘三間。撥給戶科續存冊檔。咸豐三年

諭。禁門重地理宜嚴肅。疊經降旨。諭令該管大臣。飭令直班官兵。嚴密稽察。毋許閒雜人等擅自出入。原以肅宮禁而嚴守衛。本日據步軍統領衙門奏。拏獲形迹可疑之馮廷楹一犯。膽敢擅進闕門。私往刑科寄宿。並有竊取印冊印封情事。如果該管大臣等認真稽察。何至禁門以內。任聽閒雜人等肆意出入。且前

經惠親王等陳奏。門禁宜嚴。降旨甫逾數日。即有此形迹可疑人犯。擅入禁門。可見該管官兵。奉行故事。習以為常。雖屢奉諄諭。亦視稽察為具文。殊堪痛恨。所有失察之該管大臣等。及六科直宿之給事中。著各該衙門一併查明參奏。又

諭。六科每日有給事中一員直宿。其各科輪班直宿之筆帖式。亦有稽察巡查之責。著都察院堂官轉飭該給事中督率直宿之筆帖式。於一切閒雜人等。加意稽察。毋稍疏懈。倘該給事中及該筆帖式等有曠誤不到者。即行指名嚴參。

朝會糾儀。乾隆五十四年議定。每遇

升殿。六科每科派滿漢給事中各一員。分東西兩班。

吏戶禮三科給事中六員在東。兵刑工三科給

事中六員在西。於甬道兩邊頭二三正從六處

品級山之旁。向上分立糾儀。道光十一年

諭。嗣後凡遇御殿。所有站班糾儀之滿漢給事中。著照

各道御史例。無分掌協。一體由該堂官揀派。至滿洲

科道。有在親喪二十七月之內者。照例毋庸派往。其

午門坐班。及

壇

廟祭祀之處。亦著毋庸到班。

御門侍班。康熙二十五年覆准。凡

聽政日。各部院奏事。以滿漢給事中各二人侍班。班

在翰林之次。五十四年覆准。凡

聽政日。滿漢給事中各二人與御史同班侍立。

御經筵

臨雍侍班。順治十四年定。凡

御經筵。以滿漢給事中各一人侍班。在

文華殿內西嚮立。乾隆四十九年奏准。凡遇

臨雍。以滿漢給事中各一人侍班。

驗看。順治初年定。月選文職各官。給事中御

史會同九卿驗看。乾隆元年議准。各省督撫

保舉孝廉方正。給咨赴部。九卿翰詹科道會同

驗看。十七年奏准。嗣後驗看月官。開列滿漢

掌印給事中。奏請

簡派。隨九卿公同驗看。

巡視稽察各差。凡巡視兩淮。兩浙。長蘆。鹽政

後俱順天文鄉試禮部會試。巡視棘牆巡察號

舍監視報捐人員。掣籤開列滿漢給事中。奏請

簡用。稽察宗人府掌印。開列宗室給事中。奏請

簡用。稽察八旗事務。直年旗左右翼前鋒護軍等營

火器營宗人府銀庫。開列滿洲給事中。奏請

簡用。稽察理藩院內外館。開列滿洲給事中。引

見

簡用。巡察歸化城游牧。開列蒙古給事中。引

見

簡用。巡視五城。巡察京通十五倉。並戶部內倉。巡視

淮安濟甯天津通州漕運。後傳。開列滿漢給事

中。引

見



簡用。以上皆與御史同開列。稽察六部齋戒由都察院

院揀派滿漢給事中六員往查。稽察軍機處滿

漢給事中與御史輪直。後停。乾隆十五年奏

准。嗣後滿漢科員除巡漕巡察等差為時不甚

久遠者仍由都察院按資委署外。其奉差學政

暨署理外任。例不開缺者。該科呈明都察院題

請署理。○十六年奏准。嗣後科道不論所奉何

差。在一年外者。將科道通行開列具題。恭候

簡命一人署理。在一年內者。由都察院按資委署。

○三十七年奏准。嗣後六科給事中奉差出缺。遇

有御史署科後。又實授科缺者。另開御史。奏請

簡署。至請署科缺。止開御史。給事中毋庸列入。○嘉

慶十八年

諭。本日給事中清安等奏。五月二十四日致祭

地壇。稽察應行齋戒之大臣一摺。五月二十四日祭

地壇。理宜將稽察齋戒之大臣。即行具奏。何以半月之

久。始行具奏。著將該給事中御史申飭。嗣後凡遇祭

祀。將稽察應行齋戒之臣工。俱於致祭後五日內具

奏。不可遲緩。○二十五年

諭。嗣後凡應行齋戒人員。俱著晝夜住宿公所。不准潛

回私宅。其派出查齋之員。於日間稽查一次。夜間稽

查一次。如有不到者。即行指名奏參。以儆曠誤。

旨。掌印給事中。責任緊要。交都察院公同揀選保奏。○

又定。各科掌印給事中員缺。該科移會吏部開

列各科不掌印之給事中。送院揀選二人。出具

考語。送回吏科。繕本具題。用都察院印。

升轉。乾隆十六年定。凡給事中內升滿漢各

一人。外轉滿漢各一人。每三年一次。吏科開列

各滿漢給事中之無事故者。呈都察院覈明。送

回吏科。繕本具題。各科給事中陳奏事件。均豫

送吏科備案。屆升轉之年。繕造黃冊。隨本進呈。

恭候

簡用。○五十二年定。滿漢給事中凡遇升轉之時。無

論開列具題及帶領引

見。將有無條奏並所奏事件。或准或駁。均於各員名

下。及綠頭籤上註明進呈。○五十五年定。漢給

事中照六部漢郎中之例。閱俸四年。照例截取

分別繁簡。以道員用。○嘉慶四年議准。漢給事

中閱俸三年。即行截取。○又議准。滿漢給事中

開列京堂均按俸次以為前後。五年定各科給事中開列應升註明條陳事件交都察院詳細查明無論准行與否統行咨覆吏部。九年奏准嗣後科道郎中俸滿截取時除因親老未經保送留京供職養親事竣又屆俸滿及先因親老改補京職後經服闋者仍照例准其截取外其餘不願外任者均遵照舊例將不勝外任之處據實填註毋得藉詞聲稱情願留京供職該員再屆俸滿時一概不准截取以杜規避。光緒十年議准漢給事中閱俸二年即行截取。

欽定大清會典事例卷一千十五

都察院

六科京察直省錢糧奏銷文職查退五省錢糧文領財物  
 易知由單奏繳秋成分數奏繳漕糧奏銷漕糧  
 全單奏繳糧冊奏繳漕糧白糧冊漕糧  
 探考農戶關領批戶關考農指農解  
 送戶部批文

京察。順治十三年議准凡各衙門京察冊籍定期於三月初五日以前封送吏科。吏科准吏部考功司移會會同河南道。今京道各封門察數應移詢者密封移詢應改正者即行改正屆期過堂吏科掌印給事中滿漢各一人同河南道掌印滿漢御史赴吏部會同考察公定去留繕本具題。又題准吏科都給事中將六科各官行過事蹟開列冊內不註考語彙送部院。康熙十二年題准四五品京堂將事實詳開冊內不註考語移送吏部都察院吏科河南道考察。嘉慶二十三年

諭。昨據給事中李振祜奏都察院此次京察有給事中色成額一員先經列入六法嗣該給事中獨赴公堂辯論干求演習拜跪該堂官剴行吏科改列三等語京察為激揚大典舉劾皆當慎重况都察院職

司風憲尤不應稍涉游移此案都察院堂官業經公同註考乃輒將六法之員割行吏科改列供職實屬輕率色成額仍著列入有疾是日在署公同議改之都察院堂官俱著交部嚴加議處

大計。順治四年議准凡各省送到大計冊籍由吏科會覈具題。康熙二十五年覆准三年大計督撫將所屬官員賢否文冊止造三本送吏部都察院吏科其布按二司所造各官賢否錢穀刑名等項冊籍分送各部院衙門者俱停止。乾隆三十一年奏准大計卓異人員如道府等官無保送文結督撫兩司混列道府銜名

具題者該道府即請改正或督撫等抑勒不改許該員直揭部科將督撫兩司均照例革職僕隱忍不舉至所保之員貪劣事發始行申辯仍照保薦卓異不實例分別議處

文職畫憑。順治初年定司道以下各官命下五日內吏部文選司繕寫文憑用印送吏科填限吏科定期令各官到科畫憑依限填註限十日內送部知縣以上行一揖禮縣丞以下均跪如不赴科畫憑逾兩月者將憑送吏部覈銷。

又定。經歷以下雜職等官皆寄憑於該省督撫給發該員領憑赴任取具地方官文結報明吏科存案。康熙五年議准官員畫憑不到者吏科即移會吏部查覈有無事故如一月內呈明事故到部者知照吏科准其補畫文憑如無事故又未呈明違限一月以上者罰俸一年亦准其補畫違限兩月不到者革職。八年議准畫憑官係候補候選者須覈其投科文結如先無文結投科漢官取具同鄉官印結旗員取具該旗印結捐納出身者驗明捐照方准其畫憑。

又奏准在外推升各官扣除交代日期有錢糧者扣兩月之限無錢糧者扣一月之限在籍候選佐雜各官扣除督撫驗看日期順天府扣一月之限奉天扣四十五日之限其餘直省皆扣兩月之限在外題補教職亦扣限兩月考試驗看以上扣除日期皆填入憑內鈐印送部轉發。又題准凡官員領憑到任後該巡撫布政使將原領文憑並到任日期按季繳報有違限者由科題參。十一年題准官員赴任在途有耽延事故及患病者取具中途地方官印結咨報

兼科免。至在外推升官領憑後。如原任內錢糧盜案未完。或候交代。及患病。以致違限者。督撫藩司將情由咨部。改限令其赴任。仍知會吏科稽覈。四十二年議准。福建臺灣廣東瓊州。遠隔海洋。升遷人員領憑於交代兩月定限外。再展限兩月。教職領憑於一月正限外。再展限一月。五十六年議准。直省教職文憑。以到布政使司之日計算。限一月內考驗。合例者。即給憑。速催赴任。一面將給發日期報部。如該司給發遲延。照

欽部事件違限例處分。其教職領憑後。即以布政使司發憑之日起。亦限一月內赴任。違者一體覈參。照文憑違限例處分。雍正七年覆准。凡官員領憑赴

京師。至該省扣算限期。但各省會城及所屬之府治。距京遠近不一。其憑限日期。自應詳加分別。除順天奉天保定等處。原係將各府計算。與驛站相符。毋庸增減。其餘各省憑限。將自京至該省會城。及府治驛站。分別遠近酌量定限。造冊送吏科。依限填註。嗣後自京領憑赴任者。順天

限十日。奉天限三十日。直隸限二十日。山東之濟南兗州東昌青州限三十日。登州萊州限四十日。山西之太原潞安汾州大同甯武朔平限三十日。平陽澤州限三十五日。蒲州限四十日。河南之開封歸德彰德衛輝限三十日。懷慶河南限三十五日。南陽汝甯限四十日。陝西之西安延安限五十日。鳳翔漢中限五十五日。甘肅之平涼鞏昌限五十五日。慶陽甯夏臨洮。限六十日。西甯涼州甘州限七十日。江蘇之江甯常州鎮江限四十五日。淮安揚州限四十日。蘇州松江限五十日。安徽之安慶甯國限五十五日。池州太平廬州限五十日。徽州限六十日。鳳陽限四十日。浙江之杭州紹興甯波限五十五日。湖州嘉興限五十日。金華衢州嚴州限六十日。温州處州台州限六十五日。江西之南昌饒州廣信建昌南康撫州臨江瑞州袁州限六十日。九江限五十五日。吉安限六十五日。贛州限七十日。南安於都限七十五日。福建之福州興化泉州邵武限八十日。延平建甯汀州限七十日。漳州福甯限八十五日。臺灣限一百十日。湖

|  |
|--|
| 北之武昌漢陽德安襄陽限五十日。安陸鄖陽  |
| 黃州。荊州 <small>今湖北</small> 限五十五日。湖南之長沙常                                |
| 德限七十日。岳州限六十五日。寶慶永州限八   |
| 十日。衡州。辰州限七十五日。四川之成都限八  |
| 十日。甯遠夔州限八十五日。順慶限九十日。敘  |
| 州。重慶限九十五日。保甯限一百日。雅州限一  |
| 百五日。龍安限一百十日。廣東之廣州肇慶限   |
| 九十日。韶州。南雄限八十日。惠州限九十五日。   |
| 高州限一百日。廉州。雷州限一百五日。潮州瓊  |
| 州限一百十日。廣西之桂林平樂限一百日。柳   |
| 州。慶遠梧州潯州限一百五日。思恩南甯太平   |
| 泗城限一百十日。雲南之雲南臨安楚雄潯江  |
| 廣西 <small>今改</small> 曲靖武定 <small>今改</small> 東川限一百十                   |
| 日。姚安 <small>今改</small> 大理景東 <small>今改</small> 順甯鶴慶 <small>今改</small> |
| 蒙化 <small>今改</small> 永昌永北 <small>今改</small> 元江 <small>今改</small> 開   |
| 化限一百十五日。廣南麗江鎮沅 <small>今改</small> 限一                                  |
| 百二十日。貴州之貴陽思南鎮遠都勻平越 <small>今改</small>                                 |
| 安順南籠 <small>今改</small> 遵義限一百日。思州限九                                   |
| 十五日。石阡黎平限八十日。銅仁限九十日。威  |
| 甯 <small>今改</small> 限一百五日。其八品以下在籍候選                                  |

及在外推升例不引

見官員將文憑封發該省督撫驗看給發者。除將發  
憑到省日期逐一扣算外。應以得官省分與原  
籍原任地方。比較遠近定限。順天至奉天。山東  
山西。河南均限三十日。江蘇。湖北。陝西均五十  
日。安徽。浙江均五十五日。江西。六十日。湖南。甘  
肅均七十日。福建。四川均八十日。廣東。廣西均  
九十日。貴州。一百日。雲南。一百十日。奉天。至順  
天。直隸均限三十日。山西。五十日。山東。河南。陝  
西均六十日。湖北。七十日。江蘇。安徽。江西。浙江  
甘肅均八十日。湖南。九十日。福建。四川均一百  
日。廣東。廣西均一百十日。雲南。貴州均一百二  
十日。直隸。至奉天。山東。山西。河南均限三十日。  
江蘇。湖北均五十日。安徽。五十五日。浙江。陝西  
均六十日。江西。湖南。甘肅均七十日。福建。四川  
貴州均八十日。廣東。九十日。廣西。雲南均一百  
日。山東。至順天。直隸。山西。河南。江蘇。安徽均限  
三十日。浙江。湖北均五十日。奉天。江西。陝西均  
六十日。福建。湖南均七十日。甘肅。七十五日。四  
川。廣東。貴州均八十日。廣西。九十日。雲南。一百

|  |
|--|
| 二十日。山西至順天。直隸山東河南陝西均限三十日。甘肅四十日。奉天湖北均五十日。江蘇安徽江西湖南均六十日。浙江四川均七十日。福建八十日。貴州九十日。廣東廣西雲南均一百日。河南至順天。直隸山東山西江蘇安徽陝西均限三十日。湖北四十日。江西甘肅均五十日。奉天浙江湖南均六十日。貴州七十日。福建四川均八十日。廣東廣西雲南均九十日。江蘇至安徽限二十日。山東河南江西浙江湖北均三十日。順天直隸湖南均五十日。山西福建陝西四川貴州均六十日。奉天甘肅廣東廣西均八十日。雲南九十日。江西至江蘇安徽福建浙江湖北湖南均限三十日。廣東四十日。河南五十日。順天山東山西四川貴州均六十日。直隸廣西均七十日。奉天八十日。陝西雲南均九十日。甘肅一百日。福建至江西浙江均限三十日。江 |
|--|

|  |
|--|
| 蘇安徽湖北廣東均六十日。山東湖南均七十日。順天直隸山西河南廣西均八十日。奉天四川貴州均一百日。陝西甘肅雲南均一百二十日。浙江至江蘇安徽江西福建均限三十日。山東湖北均五十日。順天直隸河南湖南廣東均六十日。山西七十日。奉天八十日。陝西四川廣西均九十日。甘肅貴州均一百日。雲南一百二十日。湖北至江蘇安徽江西湖南均限三十日。河南四川貴州均四十日。順天直隸山東山西浙江陝西均五十日。福建廣東廣西均六十日。奉天甘肅雲南均七十日。湖南至江西湖北四川貴州均限三十日。江蘇安徽甘肅廣西均五十日。山西河南浙江陝西廣東雲南均六十日。順天直隸山東福建均七十日。奉天九十日。陝西至甘肅限二十日。山西河南均三十日。湖北四川均五十日。順天奉天直隸山東江蘇安徽湖南貴州均六十日。江西浙江雲南均九十日。福建廣東廣西均一百二十日。甘肅至陝西限二十日。山西四十日。河南湖南均五十日。四川六十日。順天直隸湖北貴州均七十日。山東七 |
|--|

|     |    |    |    |      |    |    |    |      |    |    |    |        |    |     |    |       |    |     |    |    |      |    |    |    |    |    |      |    |    |      |    |    |    |    |      |    |     |    |    |      |    |     |      |    |     |    |    |    |    |    |      |    |     |    |    |    |    |      |    |    |    |    |      |    |    |      |    |      |    |    |        |    |     |      |    |     |    |     |    |     |    |     |    |    |    |    |    |    |      |    |    |    |      |    |      |    |    |        |    |     |    |        |    |     |    |    |    |    |       |
|-----|----|----|----|------|----|----|----|------|----|----|----|--------|----|-----|----|-------|----|-----|----|----|------|----|----|----|----|----|------|----|----|------|----|----|----|----|------|----|-----|----|----|------|----|-----|------|----|-----|----|----|----|----|----|------|----|-----|----|----|----|----|------|----|----|----|----|------|----|----|------|----|------|----|----|--------|----|-----|------|----|-----|----|-----|----|-----|----|-----|----|----|----|----|----|----|------|----|----|----|------|----|------|----|----|--------|----|-----|----|--------|----|-----|----|----|----|----|-------|
| 十五日 | 奉天 | 江蘇 | 安徽 | 均八十日 | 江西 | 浙江 | 雲南 | 均一百日 | 福建 | 廣東 | 廣西 | 均一百二十日 | 四川 | 至湖南 | 貴州 | 均限三十日 | 湖北 | 四十日 | 陝西 | 雲南 | 均五十日 | 江蘇 | 安徽 | 江西 | 甘肅 | 廣西 | 均六十日 | 山西 | 廣東 | 均七十日 | 順天 | 直隸 | 山東 | 河南 | 均八十日 | 浙江 | 九十日 | 奉天 | 福建 | 均一百日 | 廣東 | 至廣西 | 限三十日 | 江西 | 四十日 | 福建 | 浙江 | 湖北 | 湖南 | 貴州 | 均六十日 | 江西 | 七十日 | 江蘇 | 安徽 | 福建 | 雲南 | 均八十日 | 順天 | 山東 | 河南 | 浙江 | 均九十日 | 直隸 | 山西 | 均一百日 | 奉天 | 一百十日 | 陝西 | 甘肅 | 均一百二十日 | 雲南 | 至貴州 | 限三十日 | 四川 | 五十日 | 湖南 | 六十日 | 湖北 | 七十日 | 廣西 | 八十日 | 河南 | 江蘇 | 安徽 | 江西 | 陝西 | 廣東 | 均九十日 | 直隸 | 山西 | 甘肅 | 均一百日 | 順天 | 一百十日 | 奉天 | 山東 | 均一百二十日 | 貴州 | 至湖南 | 四川 | 均一百三十日 | 湖北 | 四十日 | 江蘇 | 江西 | 陝西 | 雲南 | 均限三十日 |
|-----|----|----|----|------|----|----|----|------|----|----|----|--------|----|-----|----|-------|----|-----|----|----|------|----|----|----|----|----|------|----|----|------|----|----|----|----|------|----|-----|----|----|------|----|-----|------|----|-----|----|----|----|----|----|------|----|-----|----|----|----|----|------|----|----|----|----|------|----|----|------|----|------|----|----|--------|----|-----|------|----|-----|----|-----|----|-----|----|-----|----|----|----|----|----|----|------|----|----|----|------|----|------|----|----|--------|----|-----|----|--------|----|-----|----|----|----|----|-------|

廣東廣西均六十日。安徽河南甘肅均七十日。直隸山東均八十日。山西九十日。順天福建浙江均一百日。奉天一百二十日。吏科依限填憑給發。至官員赴任呈繳文憑時該布政使司數明部科印信限期相符者即行咨繳。或有油痕水迹破損等項不得駁回。僮書吏藉端需索許本官詳報該上司究處。十三年議准凡官員赴任有中途患病及風水阻滯實情如違限一二月不及取具地方官印結者督撫移咨吏科免其題參若違限至三月以上果有阻滯實情取有地方官印結報科亦免題參如無地方官印結即行題參。乾隆十六年覆准正八品以下微員除在籍候補候選者仍照向例於得官後將文憑封發本省驗看給發外其在京候補候選得官者奉旨後吏部移會吏科查憑亦准其由京定限給憑赴任。又議准由京至各省新設府州程限山東之泰安武定等府。今添濟均限三十日。曹州府限三十五日。沂州府限四十日。山西之遼沁忻保德平定代等州均限三十日。隰州限三十五

|                                      |                   |            |                  |             |            |                               |                                    |         |          |               |         |          |                 |         |           |           |             |          |             |           |             |          |                 |         |                |          |           |          |                                |             |               |              |                |             |
|--------------------------------------|-------------------|------------|------------------|-------------|------------|-------------------------------|------------------------------------|---------|----------|---------------|---------|----------|-----------------|---------|-----------|-----------|-------------|----------|-------------|-----------|-------------|----------|-----------------|---------|----------------|----------|-----------|----------|--------------------------------|-------------|---------------|--------------|----------------|-------------|
| 日解絳吉等州 <small>吉州今改屬平陽府</small> 均限四十日 | 河南之陳州府及許汝等州均限三十五日 | 陝光等州均限四十五日 | 陝西之同州府及商鄜等州均限五十日 | 榆林府綏德州均限四十日 | 鄜乾等州均限五十五日 | 興安州 <small>今改屬</small> 均限六十五日 | 甘肅之蘭州府階州 <small>今改屬</small> 均限五十五日 | 秦州均限五十日 | 肅州均限八十五日 | 江蘇之徐州府海州均限四十日 | 通州均限五十日 | 太倉州均限五十日 | 安徽之滁六安和等州均限五十五日 | 泗州均限五十日 | 潁州府均限四十五日 | 廣德州均限六十五日 | 福建之永春州均限九十日 | 龍巖州均限一百日 | 湖北之宜昌府均限七十日 | 施南府均限八十五日 | 湖南之澧州均限六十五日 | 永順府均限八十日 | 沅州府及桂陽郴等州均限八十五日 | 靖州均限九十日 | 四川之潼川府蘇州均限八十五日 | 眉州均限九十五日 | 嘉定府均限九十五日 | 貴州均限九十五日 | 忠州 <small>今改屬</small> 均限一百一十五日 | 酉陽州均限一百二十五日 | 廣東之羅定州均限一百五十日 | 嘉應連等州均限一百一十日 | 廣西之鬱林州均限一百二十五日 | 鎮安府均限一百二十五日 |
|--------------------------------------|-------------------|------------|------------------|-------------|------------|-------------------------------|------------------------------------|---------|----------|---------------|---------|----------|-----------------|---------|-----------|-----------|-------------|----------|-------------|-----------|-------------|----------|-----------------|---------|----------------|----------|-----------|----------|--------------------------------|-------------|---------------|--------------|----------------|-------------|

一百三十日。雲南之昭通府限一百十日。普洱府限一百二十日。貴州之大定府限一百十日。

○又定。違限各官。據直省撫藩四季冊報。吏科於六月十二月兩次察覈。其違限不及一月者。免議。違限一月以上。至數月者。由科察其違限緣由。凡有中途患病者。取具地方官印結。覈其患病月日。扣除不算外。如仍有違限。照例摘叅。○又定。凡違限各官。如有事故。兩季報冊內。未及詳細聲明。由科於題本內聲明行詢。候覆到日。附於下次補叅。○又定。凡在京題憑。尚未起程患病者。赴吏科呈明展限。倘病久不能起程。由科批該坊官驗實。出結報科。至到任以後。該省仍於冊內聲明緣由。吏科扣除計限。○二十年議准。嗣後一切候補候選官員文結。俱由藩司轉詳。聽督撫咨送部。不得由藩司徑達部科。○又覆准。嗣後領憑人員。業經限滿始行咨部寬限者。概不准行。○二十七年議准。嗣後領憑赴任官。如實係中途患病。難以前進者。許即呈明該地方官親驗確實。具報督撫。先行咨明任所。俟病痊之日。給予印結。載明起程日期。



咨報部科。於繳憑文內。逐一聲明。以憑查覈。係有心遲逾。捏稱中途患病。一經察出。除本員不准扣病限外。仍照違三月以上例。加等議處。逾限三月以上。應降一級調用者。即降二級調用。逾限四月以上。應降二級調用者。即降三級調用。逾限五月以上。應降三級調用者。即革職。其驗看患病之地方官。並不親往詳加驗看。或瞻顧親友情面。故為出結者。均照徇情給結例。降二級調用。轉詳官罰俸一年。各省引見回任官員。亦照此例辦理。至赴任各員。沿途或遇風水阻滯。以致遲延。取有沿途地方官印結。亦准免議。但風水阻滯。應隨時按日覈算。其阻滯後起程時。亦須報明地方官。細加察訪。實係風水阻滯情形。一面給予印結。一面詳報督撫。轉咨任所省分。於繳憑文內。逐細聲明。以憑察覈。如有遲至三月以上。係捏稱阻滯者。一經發覺。亦照捏稱患病。違限三月以上例。一體查參議處。其通同出結之地方官。亦照徇情給結例。降二級調用。轉詳官罰俸一年。○又議准。嗣後同知以下。在部領憑赴任各官。如實係順道呈請

省親者。照道府例給假二十日。逾限照例議處。○又議准。安西口外地方。新設官員。自京赴任。憑限。安西府今改直隸限一百日。哈密限一百十五日。巴里坤後改鎮西府限一百二十日。烏魯木齊後改迪化府限一百四十日。其安西所轄官員。赴任憑限。俱照府治一例填給。至在外推升。由原任地方領憑赴任者。吏科按照里數。隨時填給。○又議准。嗣後赴任文武各官。如患病及風水阻滯。違限三月以外。即有確實文結。止准扣三月之限。或有報明患病。至三月以上不痊者。地方官親驗出結。該省督撫分別題咨開缺調理。至引見及出差回任各官。亦照此辦理。○又議准。嗣後現任文武官員赴任引見。各省督撫給咨。照各省起限。於咨文內限定到部日期。責令依限趨行。遇有中途患病及風水阻滯。取具地方官印結。亦止准扣限三箇月。若有遲延。計其遲延日數。查參照赴任違限例。分別議處。儻文結不實。將本員與出結之官。一併照例議處。或患病至三月以上不痊。地方官即行

一〇〇 冊 續修四庫全書 第 3 頁 反頁下

驗看出結。申報該省督撫分別題咨開缺。病痊仍照例查辦。如係託故遲延。亦即查參。○三十年覆准。在京官員奉

旨簡用藩臬。並具題補授升授及在外升調藩臬。扣限給憑。照正限減半。如由山東至甘肅限七十五日者。改為三十七日之類。道府照正限四十分減一。如由山東至甘肅限七十五日者。改為五十六日之類。有違限者。俱照例議處。○三十八年議准。嗣後赴任官員。中途患病者。均不得逾兩月。如兩月以外不痊。呈明地方官。親加驗看。

詳報該省督撫。分別題咨開缺。准其回籍調理。俟病痊照例補用。至中途患病官員。即有地方官印結。亦止准其扣除兩月之限。其餘仍照違限月日。分別處分。設有中途患病阻滯。不及報明地方官。違限止一月以上。未屆兩月者。許呈明督撫查明咨報部科。免議。僅並無事故。或藉端觀望。不赴新任。及繞道歸里。捏稱中途患病。一經查出。除將本員照例從重查議外。仍將扶同出結之地方官。照徇情給結例議處。○四十年奏准。由京領憑赴任官員。有在部呈請回籍

省親修墓者。無論是否順道。俱給假。並准其一體扣算往返程限。如於假限程限之外。尚有違限。仍由吏科摘參。交部分別議處。○四十八年定。嗣後在外升調及在籍候選。領憑各官。到任繳憑時。務將該員原任原籍省分。至現隸之府。分離省遠近。於繳憑文內。聲明盈絀日期。其是否逾限。仍由吏科查覈。○四十九年定。嗣後在籍領憑人員。有游幕等項外出者。以文憑到省。督撫行知該州縣。俾知家屬之日起。令該家屬即行催令該員回籍領憑赴任。並先咨部科存

案。勒限半年以內。回籍領憑。無論該家屬呈報該員現在何省。程途遠近。以及中途患病。風水阻滯等項事故。均不准展限。如逾限半年不行回籍領憑。即照推升人員。半年以外。不能領憑赴任之例。將文憑送部查銷。開缺另選。俟該員回籍之日。報部仍令坐補原缺。以杜規避。○五十七年奉

旨。新授外任官員。例應赴闕謝恩。如經鴻臚寺出示傳知。竟逾違不到。殊非故事。服官之道。嗣後外任官員。於領憑前。著吏兵二部查明。該員如未經謝恩。即移

知吏兵二科。不准給憑。如查係有心違誤不到者。竟應據實奏。從重議罪。以示懲儆。○嘉慶五年定。凡各省教職考驗一月限期。布政使司於十日內行知該員。該員以接奉行知之日起。於二十日內起身赴省。准其以日行五十里。扣除往返程限。領憑一月限期。於考驗之後。布政使司於十日內將文憑給發該員。該員於二十日內起身赴任。如有教讀在外。於二十日內不能起身赴省者。亦准其聲明扣算。升調之員。布政使司亦於十日內發給該員。該員於交卸完畢後。於二十日內起身赴任。並准以日行五十里。扣除程限。○二十年議准。赴任遠限處分。三月以外者降留。四月以外者降調。其通限不及四月者。將可否寬免聲明請旨。○道光三年議准。外省官員。有在任奉旨升調。經該督撫奏請暫緩赴任。復奉旨准留者。俱以交代清楚之日。作為領憑之日。其未經卸事以前。月日皆准扣除。仍令該督撫於繳憑文內。將曾否奏留之處。咨報部科。如領憑後再有遲延。即行照例議處。

支領財物。○順治初年定。凡在京部院各衙門支領戶部銀物。各衙門每月造冊送戶科察數。如有浮冒舛錯者。指參。直省錢糧奏銷。○順治初年定。凡直省解戶部錢糧完欠。及田賦雜稅兵馬錢糧各項奏銷冊。有蒙混舛錯者。由戶科指參。○又議准。凡田賦雜稅奏銷。由布政使司造冊。呈巡撫轉送。兵馬錢糧奏銷。由提標協營造冊。呈總督轉送。均由戶科察數。每年於五月內送到。如不能依限督撫題請展限。知會戶科。○十一年議准。直省錢糧布政使司已給批收。即將解過款項數目。彙造清冊。送戶科磨對。○十七年題准。直省錢糧每歲終。該撫造具奏銷冊。開載田賦款項數目。並造具考成冊。開列已未完數目。送戶科察數。○康熙十一年題准。州縣奏銷冊。開解支之數。由單列徵收之款。每有冊單總數數目不符。嗣後奏銷冊。務與由單相符。至實徵原額起存完欠。藩司總數。務與州縣細數相符。送戶科察數。○乾隆十七年奏准。江蘇等省。尚例奏銷田賦。皆有隨本黃冊。惟陝西甘肅廣東廣西雲南貴

州六省。獨無黃冊。嗣後令各該撫。一律造冊送科。至冊籍關繫銷算。不得任意遲延。隨使郵遞。嗣後奏銷黃冊。務隨本分送部科。以便覈銷。直省錢糧交盤。○順治初年定。凡藩司交代。必將其任內收放錢糧交盤出結。造冊呈送該撫具題。送戶科察覈。○康熙六年議准。州縣錢糧以欠作完。督撫司道府。扶同捏報。許接任官逐款清理。如起解無批。存留無銀。即直揭部科。以憑題參。○雍正元年奉

旨。嗣後署任官虧空。如督撫等逼勒接任官收受。著接

任官直揭部科。即為奏聞。○乾隆四十七年議准。定例。凡州縣交代。前任倉庫虧短。後任查出揭報。如上司徇庇前任。抑勒後任接收。許被勒之員。直揭部科。該部科據揭代奏。請

旨審辦。今應將此例再行申諭各省。俾知儆戒。

易知由單。○順治十年題准。每年由單。令於十一月下旬報送部科。如有遲延。題參議處。○十三年題准。由單報送部科。量地遠近。酌定日期。直隸限十二月杪。山東山西河南限正月杪。江南浙江限二月中。江西湖廣陝西限二月杪。福

建廣東限三月中。四川廣西限三月杪。各送部科。如有遲延。題參分別議處。○十六年議准。州縣由單申府。用府印鈐蓋。呈報部科覆覈。如有私派分灑等弊。戶科題參。○康熙十六年題准。長蘆各場窳戶正賦。以康熙十八年為始。刊刻由單。散給窳戶。歲由運司分送部科察覈。○二十七年題准。各省由單。停止刊刻。仍將賦役全書。送科備考。遇有修輯。隨時解送。○二十八年議准。場窳向無全書。刊刻易知由單。易於稽覈。不必造賦役全書。

秋成分數。○乾隆元年議准。督撫奏報年歲收成。分數。除隨時奏報外。再將通省之夏收秋收分數。繕兩本具題。交部科察覈。○二十八年議准。嗣後各督撫題報秋成分數。俱照戶部年終彙奏之例。開明幾分。或開寫幾分有餘。將釐毫零尾刪除。以歸覈實。漕糧奏銷。○順治初年定。凡漕糧兌定。該管糧道。將開幫日期。呈報。隨造具各幫兌交糧米數目清冊。呈送漕運總督。該總督具題。以冊送戶科。由科同全單磨對。

漕糧全單。○順治初年定。凡起運漕糧白糧數目。由漕運總督辦給全單。付於運官。該運官抵通。按單交卸。坐糧廳出具收完呈文。該運官將全單呈文。並送戶科呈驗。由科覈對數目相符。鈐印給發。○嘉慶五年奏准。嗣後漕糧全單。由漕運總督飭發糧道。該道即遞行押運領運廳弁等蓋印。仍歸糧道繳送漕運總督。備文徑交坐糧廳。俟幫船抵通交糧後。即呈送倉場侍郎。由倉場侍郎咨送戶部。戶科照例查驗。轉咨漕運總督備案。至向例重運各幫。行抵天津關將糧道給發起運糧船細數批文一張。專差赴戶部。戶科呈送密覈。現在各幫既有全單可憑。毋庸另起批文。徒增報轉。應一體裁革。以免滋累。奏繳糧斛冊。○順治初年定。凡京通各倉監督。每歲收放米豆數目。造具舊管新收開除實在四柱清冊。呈送總督倉場侍郎具題。以冊送戶科磨對。

奏繳漕白糧冊。○順治四年定。凡坐糧廳監督。每歲抵通漕糧白糧數目。造具清冊。呈送總督倉場侍郎具題。以冊送戶科磨對。○乾隆五十

一年奏准。嗣後所有豆石等項起運到通。令各該處將起程及到通日期。先行咨報戶科。以憑查覈。

鹽課考覈。○順治三年議准。凡運司提舉司等官。一年覈辦鹽課於歲終將已未銷鹽引若干。已未完鹽課若干。造冊呈送鹽政。鹽政具題。以冊送戶科註銷。俟鹽差任滿具題。聽都察院考察外。仍造具總冊。送科稽覈。○康熙五十年議准。各省運司運同運判提舉凡遇交代。造具冊結。由鹽政巡撫。送科察覈。至雲南貴州四川甘肅等省。未設運司。其管理鹽課各官交代之時。亦造冊由巡撫送戶科察覈。○乾隆七年議准。各省鹽場大使並大使交代之時。造具冊結。由鹽政巡撫。送戶科察覈。

戶關領批。○順治元年定。凡戶部所屬天津山海臨清揚州蕪湖濟寧鳳陽淮安西新江海北新浙海九江贛閩海太平粵海各關。撰給精微批文。由戶部送科挂號。具文送於內閣。填註職名用。

寶戶科給事中。引監督於

午門外跪領。按程定限。並回繳日期。○康熙十一年題准。凡戶部關差回京之日。原領精微批文。送戶科銷號。轉繳內閣。違限一月以內者。免議。一月以外者。參處。○雍正元年定。山海關專差監督。照例領批。其餘關差。交與巡撫管理。不必領批。○又定。應領批之關差。如由外任補授者。均不領批。凡批內註限。天津山海關限二十日。臨清關限二十五日。鳳陽關限三十二日。淮安浙擊揚州江海關限三十五日。北新蕪湖西新浙海關限四十日。九江關限五十日。贛閩海關限六十日。太平粵海關限七十日。○乾隆三十八年議准。各關稅差人員。向由部恭請敕書外。再領精微批文一道。期滿回京繳銷。係相沿舊例。無裨實政。應永遠停止。

戶部考覈。○順治初年定。凡戶部關差監督。赴科親領四季印簿。令本商自填納稅數目。按季送科。差滿造具總冊。戶科移取戶部紅單數對。如有舛錯違限者。題參。○康熙二十五年議准。嗣後戶部關稅銀四季報解。其戶部紅單戶科印簿。候差滿日彙報。停其按季呈報。○五十三

年議准。臨清關交與巡撫管理。其季簿總冊。統於一年彙送。停其按季呈報。○五十五年議准。北新鳳陽天津關。皆交巡撫管理。應照臨清關例。停其按季冊報。○雍正元年覆准。浙擊揚州西新蕪湖九江贛。太平粵海關。海關皆交巡撫令地方官管理。其所收稅課數目。仍按季送科。一年任滿。造具總冊。送戶科磨對。○乾隆元年奏准。臨清關仍交巡撫管理。北新關交與織造管理。今改歸天津關交與鹽政管理。今改歸鳳陽關交與鳳陽府知府管理。今改歸海關通所收稅課數目。均照康熙年間之例。統於一年彙報。浙擊關交與織造管理。西新關交與布政使管理。今改歸江甯九江粵海關專差監督。閩海關交與將軍管理。蕪湖太平贛揚州關仍交巡撫管理。其所收稅課數目。均照雍正年間之例。四季併一年造報。○又定。戶部關差。或巡撫等官兼管。或由外任調用。或奉旨留任。均備文請領四季印簿。○十九年定。嗣後各關紅單。按照口岸。按順月分。裝釘成本。註明張數。鈐印加封。於封外註明本數張數。同底簿一

併交給解吏。故謹齋送。仍移會戶科。於該關題本奉

旨發鈔之日。即行移取戶部出具移會。今該關解吏

隨同戶部印文。將原封親齋送科磨對。俟磨對

後嚴密封固。覈對註明本數張數。鈐蓋科印。同

底簿移還戶部。考覈具題。至紅單底簿。既應戶

科移取。所有題本例限。應於戶科移取到部之

日起限。俟戶科磨對移還日。再行接算前限。查

辦完結。現今印領簿各關。雲文門。天津關。東海

關。山海關。浙海關。江海關。閩海關。鳳陽關。粵海

關。北新關。稅虎口。西新關。張家口。旗關。

坐糧廳。歸化城。奉天。牛

馬稅。中江稅。九江關。

稽覈解送戶部批文。○順治十六年題准。解部

錢糧批文冊籍。各官當堂定限簽發。如假手吏

胥。空懸時日。任意違限。完補年月。扶同作弊。經

部科查出。將解役送刑部究擬。○康熙四十九

年題准。各省解部鹽課關稅錢糧。該鹽政監督

皆具批送科。領解官交銀訖。將部中所給實收

送戶科查驗。各省督撫織造。將解部一應錢糧

並顏料緞疋等項。先行移會。具硃限批文送科

俟交完之日。即將部中所給實收送科查驗發

批。如有違限不到。及遲延不完。或係已攬需索

侵漁。或係解官挪移挂欠。由戶科覈參。送部治

罪。○雍正七年議准。凡直省解戶部錢糧。及各

項件。皆有批迴。解官於掣批之後。即將所掣批

迴赴戶科磨對。○乾隆三年議准。一應領解官

役。例應照依批內硃限日期。齋批投報。近來各

處領解。繳外竟有不依硃限。赴科投批告驗者。

是否中途逗遛。有無別項影射情弊。均未可定。

嗣後務嚴飭官役。照依硃限投繳。如有違誤。查

究懲治。○十二年覆准。嗣後解官解役。投遞一

應文冊。承領一應簿批。須親身徑報戶科。當堂

領遞。不得假手書吏。致滋弊端。或官役至京。偶

有疾病事故。許將到京身寄何處。今的當人具

呈。由科覈明。准其代投。領如有書吏在外籍

端勒索欺詐者。立即指告。以懲不法。○五十七

年定。嗣後各省凡過批解一切銀兩。無論正雜

錢糧。以及飯銀等項。務須一體備具文批。先行

呈送戶科查驗。以符定制。

欽定大清會典事例卷一十六

都察院

|    |      |    |    |    |    |    |    |    |    |
|----|------|----|----|----|----|----|----|----|----|
| 六科 | 歲科學冊 | 軍政 | 武職 | 軍政 | 武職 | 軍政 | 武職 | 軍政 | 武職 |
| 員  | 武生   | 武生 | 武生 | 武生 | 武生 | 武生 | 武生 | 武生 | 武生 |
| 提  | 提    | 提  | 提  | 提  | 提  | 提  | 提  | 提  | 提  |
| 本  | 本    | 本  | 本  | 本  | 本  | 本  | 本  | 本  | 本  |
| 領  | 領    | 領  | 領  | 領  | 領  | 領  | 領  | 領  | 領  |

歲科學冊。順治八年題准。學政以到任日為始。歲科考俱限一年考完。每三月將考過生童名數報禮科察數。如有違限混冒等弊。禮科題參。○康熙十二年議准。凡生員緣事黜革及審

明開復。該學政逐案造冊報科。○十三年議准。歲科學冊。限一年內兩次報科。○二十五年題准。歲考畢造冊送禮科。科考畢亦如之。總計三年任內。解冊二次。違限不解者題參。○四十年議准。歲科學冊。如有錯誤。駁回改正。僅有名數不符及頂補等弊。咨行該督撫查明題參。○雍正元年覆准。學政歲考解冊。限半年報禮科。科考解冊。仍限一年。○二年覆准。歲科兩考。通計三年內兩次造冊報科。歲考解冊。仍限半年。科考解冊。不必定限。○十三年議准。學政歲科造

報各冊。並學政新舊交代底冊內。凡舊管新收開除實在四柱總數。並開復補廩及生員等第緣事黜革等項。所註原增附青社緊要字樣。遇有它補添註之處。務令鈐蓋印信。以杜弊竇。仍將用印總數於冊尾開註。如有遺漏印信之處。以致胥吏增減作弊者。查出將書吏重究外。仍將該學政交部議處。○乾隆四年議准。凡考生員。各學政務令挨次補考。即於彙報歲科學冊內分別註明。以憑察數。如有欠考數次。止補一次及徑附正考等第者。即移咨吏部照徇情蒙混例議處。○十一年奏准。嗣後凡緣事生員。雖已病故。該學政仍將斥革年月及曾否審結之處。與開復除名各生。一併摘敘案由報部。不得混於病故項下開除。○三十三年議准。嗣後各學政造送學冊。務將府學生員名下。查明本州縣籍貫。詳細填註。毋致舛錯。以備查覈。歲科試卷磨勘。○順治八年題准。學政到任。即將到任日期報科。以到任日為始。歲考限一年考完。每三月解卷一次。科考亦如之。禮部會同磨勘。○九年題准。歲考試卷優等。以大學五名



小學三名解科磨勘。其有詭僻幽險割裂補綴者。題參分別議處。○康熙十三年議准。生童試卷。停送禮科磨勘。○乾隆元年議准。凡歲科考前列十名試卷解部。會同禮科磨勘。○又議准。凡歲科前列十名試卷。除大學遵照解送部科磨勘外。其中學小學應令該學政臨時將不滿十名之數聲明。儘數解送磨勘。○二十五年議准。童生新進之卷。不送磨勘。無所做場。且童生入學為進身之始。較之生員等第。關係更大。應將各省歲科取進文章試卷。於造冊送部時。通行解部磨勘。後移送禮科覆勘。其有命題怪僻文理疵謬者。照例指參。○又議准。童生之文。勢不能皆有醇無疵。且合計通省不下數千卷。原非鄉會試墨卷可比。學政就地錄才。不得不節取充額。繩以文律。原難責其完善。嗣後歲科兩考童生試卷。仍照舊例。停止解部磨勘。○嘉慶八年奏准。凡學政解送歲科考試卷到部。以奉天。順天。山東。山西。河南。陝甘六省。作一次磨勘。江蘇。安徽。浙江。江西。福建。湖北六省。作一次磨勘。雲南。貴州。四川。廣東。廣西。湖南六省。作一次

磨勘。學政係現任翰林及京堂部曹由翰林出身者。交都察院派科甲出身之科道磨勘。學政係現任科道及京堂之曾任科道與學政係六部司員者。俱交翰林院派員磨勘。其由翰林改用科道者。兩衙門俱應迴避。禮部派員辦理。所派之員。均令迴避本省。俟磨勘完竣。三衙門各自具奏。○又議准。歲科考試卷。磨勘一次。照科場之例。請

欽派大臣數員。將籤出之卷。覆定准駁。遇有不公。即行參處。○九年奏准。歲科考前列試卷。本無大關得失。且向來鄉會試磨勘。亦無迴避同衙門之例。今小考之卷。辦理轉覺兩歧。應仍照舊例。歸禮部禮科會同磨勘。較為簡易。至各省試卷。路有遠近。不能同時到部。上年因係分送各衙門磨勘。是以分作三次辦理。今既改歸部科磨勘。若仍分三次。則每次試卷。多至四五千本。勢難逐一細覈。自應多派司員。於試卷陸續到部時。隨即知會禮科。在禮部衙門。照科場磨勘之例。均攤分看。仍令迴避本省。毋庸分次辦理。俟各省試卷通行磨勘完竣後。仍照上年奏准章

程請

欽派大臣覆勘。以昭慎重。○十一年議准。歲科考前

列試卷。為數繁多。解部磨勘。有需時日。嗣後歲

科考分作兩次磨勘。歲考磨勘完竣。即請

欽派大臣覆勘。其科考各卷。即交歲考覆勘大臣辦

理。磨勘處分詳見禮部

鄉會試卷磨勘。○順治初年定。凡直省鄉試硃

墨卷。均依限解部。會同禮科磨勘。○康熙四十

年題准。直省鄉試解卷到部者。禮部奏請

欽點九卿翰詹科道等官。會同磨勘。如有饒送需索。

事發按律從重治罪。○乾隆元年覆准。磨勘鄉

試卷。應令都察院科道三品以上科甲出身之

京堂及中書以上翰詹官會同磨勘。○十五年

覆准。嗣後磨勘直省鄉試硃墨卷。凡直省之正

副考官順天同考官及有親子弟中式者俱令

一體迴避。毋庸入班磨勘。○二十一年

諭。向例各省鄉試硃墨卷。解送到部。即派翰詹坊局以

上及京堂科道等公同磨勘。所以慎重科場。稽察弊

實。典至重也。其磨勘諸臣。不過按數按省分派。若不

於卷面註明某官某人磨勘字樣。以專責成。則已經

夾籤者。尚知為某人摘出。其未經夾籤者。或不過虛

應故事。陽博寬厚之名。陰省校閱之煩。而盡心乃事

者。反不無觀望。殊失磨勘本意。著以下科為始。磨勘

諸卷。俱於卷面填寫銜名。俟該部彙卷後。朕另派人

於每束內量取數卷。特交大臣再詳加校勘呈覽。朕

仍於此中復行抽閱。如有草率從事者。即交部照例

分別議處。則磨勘各官及特派大臣之是否詳慎。均

難逃朕之洞鑒矣。著為例。○又

諭。向來會試。例不磨勘。未昭慎重。著寬至庚辰春榜後。

奏請一體派員磨勘。○二十五年議准。鄉會試硃墨

卷。令編修檢討一體入班磨勘。但人數眾多。難

以稽察。嗣後凡應行入班官員。禮部將職名繕

本夾單。恭請

欽點四十員。分派校勘。以專責成。○又題准。嗣後鄉

會試磨勘。禮部按京堂翰詹科道員數。酌量均

派。如有託故推諉等弊。禮部即行叅劾。交部照

推諉事件例議處。仍令磨勘完竣。其有出差丁

憂等項事故。於應勘各卷。未經過半者。雖無遺

漏。亦不准議敘。詳見禮部

軍政。○順治十一年題准。每間五年。舉行軍政。

直省提鎮以下。千總以上。凡經制員弁。該督撫嚴加考覈。填註考語。造冊密送兵科察覈。其賢不肖之尤者。並令開具事實。定限於十月內送到。如違限不到及考語含糊參差者。題參。康熙六年題准。嗣後應舉行軍政之年。在內冊籍限三月二十日內。直省限十月二十日內。各送兵科察覈。二十六年題准。凡軍政冊籍到日。兵部會同兵科詳看。完結具題。又議准。凡軍政不入舉劾官員。停其造冊送科。雍正元年議准。凡軍政不入舉劾官員。逐一填註考語。造冊送覈。乾隆三十二年定。嗣後凡事關舉劾。應行造送冊籍者。須隨揭起批。專差赴科告投。仍將差解起程日期。先行報明兵科。毋庸另文送冊。以歸畫一。並飭領批回省投繳備案。庶可杜遲延沈閣之弊。

武職畫憑。順治初年定。凡推補副將參將遊擊都司守備千總各官。兵部職方武選兩司送到限票。由兵科定期。令各官到科畫憑。依限填註送部。自副將至守備。行一揖一跪三叩禮。千總以下。行一跪三叩禮。如三次不到。將限票移

送兵部銷訖。仍將本人題參。又議准。凡武職選後。不遵限赴兵科畫憑者。照規避例革職。康熙三年議准。武職赴任。每日限行六十里。又議准。凡武職在外推升不送部引見者。兵部將限票送科填限。仍送部行督撫轉發該員赴任。十一年題准。凡武職各官赴任。在途有耽延事故及患病者。取具中途地方官印結咨報兵科免參。雍正十三年議准。凡武職赴任。在中途患病及風水阻滯實情。如遠限一二月不及取具地方官印結者。提鎮移咨兵部。免其題參。若違限至三月以上。果有阻滯實情。取具地方官印結報科。亦免題參。如無地方官印結。即行題參。乾隆八年議准。嗣後武職赴任各官。自京師到該省會城及府治驛站。分別遠近。悉照文職之例。其在外推升各官。由原任地方赴新任者。應以新任省分與原任地方比較遠近酌定。憑限均照吏部文職到任印冊鈔錄鈐印存案。一應文憑均照冊填限給發。三十七年定。嗣後旗員赴部引

見各將軍都統等務須給予咨批投送部科。仍將起程日期先行報明兵科。以憑察覈。○四十一年議准嗣後兵部推升武職。照文職給憑之例。於奉

旨後十日內將限票封發及該督撫俟該員交代清楚領票之日起。亦限十日內嚴催照限令其赴任。其有應須交代營務日期。仍令該督撫隨咨聲明。准其扣展。並將起程日期報部存案。如該督撫不於限內將限票給發者。照

欽部事件遞延例。分別議處。其給發遞延日月。准於

該員原定限定期內扣算加展。至官員在部告假。應准其一體扣算程途。如於假限程限之外。尚有逾違。仍行摘叅。交部議處。○四十五年定。四川省新設之懋功等五營。自京赴任限期。懋功營一百八日。崇化營一百十六日。撫邊營一百十八日。綏靖營一百二十一日。慶甯營一百二十九日。○四十七年定。甘肅省慶綏城新設各官。自京赴任限一百四十五日。○四十九年定。嗣後伊犁等處駐防旗員。赴部引見。亦照綠營之例。一體給予咨批。報部稽察。○五十

年議准。嗣後武職回任各員。到任後令該督撫將有無違限之處。一體咨會兵科。以便察覈。○又定。駐防旗員引

見後回任。即於該員領批之日起限。俟該將軍等報到回任日期。覈計有無逾違。一體入於摘叅案內具題。○又議定。各省駐防及新疆官員赴京引

見回任限期。

盛京三十日。吉林四十五日。黑龍江六十日。綏遠城右衛三十日。京口四十五日。乍浦五十五日。

德州三十日。莊浪七十日。伊犁一百五十八日。烏魯木齊一百四十日。巴里坤一百二十日。古城一百四十五日。吐魯番一百三十五日。

功加人員。○雍正三年覆准。凡功加人員。令督撫提鎮轉行該營協州縣。將該員三代履歷年貌籍貫。並取具千把州縣等官印結。送兵科稽考。

武生考試。○順治初年定。凡直省學政報明到任日期後。將考過武生童名數。按期造冊。送兵科察覈。如有違限遲誤及混冒情弊。由兵科題

奏。○乾隆三十二年定。嗣後各省造送武生優劣冊。務須隨揭起批。專差赴兵科投遞。並將差解起程日期。先行報科查覈。其兵馬錢糧。驛站奏銷。及朋椿皮贓等項冊籍。亦照此辦理。  
 官兵俸餉。○康熙五十三年覆准。直省官兵俸餉領結。不必按季齎送。應於奏銷前一月。造冊送兵科察覈。○五十五年覆准。直省官兵俸餉。既於奏銷案內造冊送科察覈。其文武官監放領結。停止造送。  
 朋椿奏銷。○順治初年定。凡直省每年奏銷兵馬朋椿冊籍。限五月內造送兵科察覈。如有浮冒外錯者題參。  
 提塘。○康熙初年定。凡各省坐京提塘。均赴兵科畫卯。月以朔望為期。○又議准。凡題奏奉旨之事。下科後。令該提塘赴科鈔錄。封發各將軍督撫提鎮。○雍正八年議准。在京提塘。有期滿而咨留七八年者。伊等在京久處。或暗通關節。營私作弊。均未可定。應令各省督撫。依限送部充補。即令從前提塘卸事回籍。如復保送遲延。照欽部案件違限例議處。○乾隆三十二年定。江南總

河塘務。○交總漕駐京提塘兼辦。河東總河塘務。交山東駐京提塘兼辦。以專責成。  
 驛遞奏銷。○順治初年定。凡直省驛遞錢糧支銷數目。令該撫年終造冊。送兵科察覈。如有浮冒外錯者題參。  
 郵符奏銷。○順治二年題准。凡直省督撫提鎮學政鹽政等。每年終將領過勘合火牌。造具清冊。奏繳到日。送兵科察覈。違例濫給者題參。○七年議准。直省齎送人員。皆用部發火牌。驗明方准應付。如有自發紙牌。索取夫馬者。不准應付。違者兵科糾參。與受一同治罪。○十七年議准。督撫濫用私牌。及徇庇屬員不參者。兵科訪實糾參。州縣官如將私牌申報者。即予紀錄。○康熙十五年議准。凡直省火牌。止許齎奏。劾貪官巨賄。薦舉大計。軍政奏銷錢糧等事。其尋常事務。止許由驛遞送。違者兵科題參。○又定。直省督撫提鎮等。每年奏繳勘合火牌冊籍。限五月內送兵科察覈。○又定。直省奉差到京勘合火牌。由科銷號轉送部換給。仍送科掛號。違者兵部會兵科年終彙奏。○又定。在京奉差

及赴任勘合火牌。由科挂號送部給發。違者兵部會兵科年終彙奏。○乾隆三十年定。嗣後奉差員役。至京赴部換照時。務須查明有無兵科驗訖印信。如未經兵科查驗。即令親身赴科挂號。再行給付回照。仍於月終將繳銷各處換照郵符號簿。送科查覈。○五十三年定。嗣後各省遇有動用勘合火牌。務須註明到京三日內送科銷號挂號。毋得遺漏。致干參處。字樣給發奉差員役。並飭知定例。遵照辦理。其在京奉差請領勘合火牌。及在外銷號轉號換給回照者。兵部仍將奉差員役人名號數。照年終彙送勘合火牌之例。鈐蓋司印。隨時知會兵科。以便於會題時查覈。○又定。各省差員赴科銷號。一例給予驗照。回交奉委衙門。隨時移繳。以免遺漏。○五十四年覆准。嗣後差員領回驗照。無論原照內有無註明送科字樣。照每年咨繳勘合火牌例。至繳銷時。將所有驗照。一併彙總造冊。咨報兵部。轉送兵科查覈。

立決人犯本章。○凡內外立決人犯。奉到諭旨。刑科照例發鈔。密封下刑部施行。

覆奏。○順治初年定。

朝審情實人犯。刑科三覆奏。

○雍正二年定。秋審人犯。亦照朝審例。三覆具奏。○乾隆十四年。

諭。朝審情實人犯。例由刑科三覆奏。其後各省秋審。亦皆三覆奏。自為慎重民命。即古三刺三宥遺制。謂臨刑之際。必致詳審。不可稍有忽略耳。非必以三為節也。朕當句決之年。置招冊於旁。反覆省覽。常至五六徧。必令毫無疑義。至臨句時。猶必與大學士等斟酌再四。然後予句。豈啻三覆已哉。若夫三覆奏本章。科臣忽劇具題。不無亥豕。且限於時日。豈能逐本全覽。嗣後刑科覆奏。各省皆令一次。朝審仍令三覆。○嘉慶二十年。

諭。朝審與秋審事同一例。嗣後朝審亦著改為一覆奏。監視行刑。○康熙十五年題准。決囚事例。該科三覆奏。

旨下。凡情真各囚。俱綁赴市曹。都察院委御史一員。刑部委司官一員。為監斬官。將各犯花名。具本題覆。當於法場內候旨。奉有

御筆勾除者。遵照行刑。其餘監候。今應添都察院刑

部滿官各一員。同漢御史司官監斬。○乾隆十

四年奉

旨。朝審人犯。著刑科給事中監視行刑。○嘉慶五年

諭。獄大興。行刑之地。自應慎重嚴肅。每年朝審決囚

時。都察院及步軍統領衙門。一體嚴飭管城各員弁

兵役等。於行刑處所。周圍排列。嚴禁巡察。毋許街市

閒人擁擠。並著派是日輪住城外京營總兵。親往巡

察彈壓。僅派出城營各員弁及兵役等。不能實力奉

行。著監視行刑之侍郎給事中。據實指名參奏。

直省差書。○順治十一年覆准。凡直省重案。已

結未結者。令按察使司各道。年終具題。造冊送

刑科察覈。○康熙十二年覆准。凡直省人命強

盜及應擬死罪等案。將全招畫一開列疏內。並

別造清冊。送刑科察覈。○二十二年覆准。凡直

省重罪具題事情。照原疏看語。揭帖開送刑科

覈覆外。停其照疏造冊投送。○二十五年覆准。

凡直省已結未結重案。停其年終具題造冊投

送。○雍正四年定。直省州縣原職情罪。果與律

例賒合。上司混駁。許承審官鈔錄原審供冊。並

批駁案卷。直揭刑科。以憑察覈。實則將上司議

處。虛則將屬員治罪。

批駁案卷。直揭刑科。以憑察覈。實則將上司議

處。虛則將屬員治罪。

刷卷。○順治十一年題准。每年京畿道今河刷

卷。繕造黃冊。進呈後。赴刑科註銷。

贓贖。○順治初年定。凡直省贓罰贖銀。穀細

數。督撫於年終備造文冊。送刑科察覈。○康熙

五十七年議准。直省解部贓罰贖銀等銀批文。

專投刑部。免送刑科磨勘。○雍正七年定。直省

解部贓罰贖銀等銀批文。均投刑科磨勘。○又

議准。凡直省私鹽變價銀。鹽政於差滿之後。備

造文冊。送刑科察覈。

內外工程。○順治十二年覆准。建造

宮殿一應工程。該衙門先期上請。

教下工部會同工料估計。以防浮冒。○又議准。凡直

省修造城垣官署兵房及開濬池塘並修理堤

壩石橋梁等項工料。均造細冊。送工科察覈。

○康熙四年議准。凡河工錢糧。每年限八月內

奏銷。屆期備造清冊。送工科察覈。並送河道圖

式備考。○十年覆准。凡各省糧艘兵船。及一切

應差船。或奉

旨新造。或經朽爛拆修。釘板各工料。備造細冊。送工  
科察覈。○二十八年議准。直省製造盔甲。弓箭  
器械。鐵礮。火藥。鉛彈等項。並分給某旗某營。均  
查明經費出入。備造細冊。送工科察覈。○又議  
准。三年大計。有關工部銷算。並蘆課錢糧。均索  
造細冊。送工科察覈。○四十二年奏准。凡奉  
旨建造親王以下。及大臣墳塋。所有木石等料價值。  
監造官備造細冊。送工科察覈。○六十年題准。  
凡一應修理工程。工價五十兩以上。物價二百  
兩以上者。由該處料估。啟奏到日。工科會同陝  
西道御史覈實。工完察銷。○乾隆五十五年奏  
准。一切工程。銀數在一千兩以上者。  
欽派大臣估修。至工竣時。應一體派大臣查收。以歸  
畫一。

尺寸。什一選收。記印紅號。運至通州。令木廠筆  
帖式。照驗紅號。查收。其所收木植。按季備造循  
環簿。送工科覈對。○又議准。古北桃林潘家等  
口徵收木稅。以任滿日期。計八月內交完。差滿  
交代。備造清冊。分送部科察覈。遺漏外錯者。題  
參。○二十五年議准。嗣後工部關稅銀。四季報  
解。其工部紅單。工科印簿。候差滿日彙報。停其  
按季呈報。○乾隆五十五年定。嗣後江蘇由牘  
山西交城縣等口。均應遵照定例。一體備文赴  
科請領。商人親填印簿。再於一年期滿。具題時  
造具徵收稅銀數目細冊。送科。其吉林理事同  
知。向止細冊報部。亦應於期滿時。並造具徵收  
稅銀數目細冊。送科。庶具題到日。可憑覈對。○  
嘉慶七年

工關考覈。○順治九年定。凡工部各關口河差。  
因收稅。故增河差。均赴工科親領四季印簿。令本商自  
填船料稅課及竹木柴炭等項數目。按季報科。  
一年差滿。仍造送總冊。工科移取工部紅單。磨  
對。有外錯違限者。題參。○康熙十八年題准。古  
北桃林潘家等口木植進口。該監督驗明長徑

諭。密雲縣管理古北口抽分事宜。應解木稅。原以一千  
一十二兩零定為歲額。今該處商販寥寥。無人領崇  
辦課。山場砍伐既久。近歲以來。止有小民在附近各  
山採取柴薪。照例輸課。每年不過三四十兩。至五六  
十兩。嗣後此項木稅。自嘉慶七年為始。著照徵收雜  
稅之例。儘收儘解。其原領監督關防。即著繳銷。○  
現印今



詳各關由臨制。其湖制。則通志河。宿  
連關。及關。漸關。潘地。○。投虎。口。文。城。縣。

工關領批。○順治元年定。凡工部各差監督。給  
精微批文。由工部送工科挂號。具文送於內閣。  
填註職名用。

寶。工科給事中引監督於

午門外祇領。由科按程定限。並回繳日期。○康熙  
十一年題准。凡工部各差回京之日。原領精微  
批文。送科銷號。轉繳內閣。違限者。工科題參。一  
月以內者免議。一月以外者議處。○又定。工部  
各差應領精微批文。如奉

特旨速行赴任者。俟內閣用

寶發出。工科行文知會該監督。出具印文。差官赴科  
請領。凡批內註限。以領批日為始。限一年回繳。  
量省分遠。近定為正限。再加餘限。以為往返路  
程之期。各關監督。請領精微批  
文。乾隆三十八年停止。

稽覈解送工部批文。○雍正五年奏准。各省運  
解工部銅鉛點錫硝斤。法馬木植。紬足藤竹寶  
砂。梭毛等項。及各項飯食水利銀兩到部。將批  
文一併送工科察覈。○乾隆二十八年定。嗣後  
各省解解一應物件。務將部科批文。一體給發。

該解員於到京之日。即行分投。仍俟工部查對  
給發部批實收後。工科驗明鈐蓋科印。一併發  
還該員領回。○五十三年定。嗣後各省解送物  
件。及各項飯食水利銀兩到部。務嚴飭該解員  
到京。即赴科投遞文批。俟掣獲部批之日。亦即  
投驗。以便一併鈐蓋印信。毋得遺漏。儻此後仍  
不先投科文批。及遺漏遲延者。將該解員指  
名參處。

欽定大清會典事例卷一千十七

都察院

各道指察院事件註銷限期稽察軍機處稽察王公大臣名下太監稽察軍機處刑部院書史刑部院書史刑部院書史刑部院書史

稽察部院事件。康熙四年議准御史稽察各部院事件。月終用該道印具題。十六年

諭。向來各衙門事件。關係重大者。雖有定限赴科道稽察。但事有易結者。即應速結。必俟限滿方行題覆。多致壅滯。更有各項呈狀。不係註銷者。任意耽延。藉端拘提人犯。數月不為審結。無辜牽連。殊堪憫惻。以後

具題本章。悉令速行辦理。不必盡拘定限。至於審理事件。亦速為完結。著照註銷欽件例定限。每月造冊赴都察院科道稽察具奏。爾等各宜力圖振作。體恤民隱。以副朕意。○又議准部院督撫具題及科鈔事件。皆令造冊送各道稽察。十八年議准大小官員。在衙門不待事畢。推諉滿官。早歸遲退。燕會嬉游者。或辦理公務。瞻徇遲延。不行即結者。司官聽堂官題參。堂官聽科道題參。○四十四年覆准各衙門科鈔及案題事件。註銷日將原案齎送察覈。○四十五年題准嗣後凡奏

聞及照常行文事件。各部院衙門令該司官親自造冊。送各科道註銷。月終彙奏。○雍正元年議准

各部院一應咨提行詢事件。一面咨行該處一

面知會科道存案。若逾限期。令行文之部院參

劾。如行文之部院徇隱不參。科道即將逾限各

官及不行參劾之部院。一併列參。○又議准寶

泉局寶源局停止滿漢科道註銷。○三年

諭。凡速議事件。與尋常事件。業已定有限期。嗣後務遵

定限。議覆歸結。倘有行詢他處。咨提人犯。不能依限

歸結者。於限滿之日。聲明情由。交送內閣奏聞。如並

無別項情由。而逾限不結。科道即行糾參。倘科道不

參。著內閣都察院一併參奏。○又奏准部院各衙門

每月將已未完結科鈔事件。造冊分送科道勘

對限期。有遲延違誤者。彙參。○又覆准八旗行

各部院事件。均送科道衙門註銷。但八旗皆清

字公文。必須譯出漢文。始可定稿結案。嗣後行

文各部院衙門事件。無論應否具題之件。均限

三十日完結。○又議准。凡一應奉

旨交議事件。與摺奏事件。均令於到部之日。即將緣

由聲明。知會內閣。並科道。如有逾限。即行題參。

○四年

諭嗣後應於八旗完結事件。不行完結。推諉部院者。都察院即行參奏。應於部院完結事件。不行完結。推諉八旗者。亦行參奏。○五年

諭向來督撫提鎮陳奏本章。例有副本投遞通政使司。又有揭帖。知會關涉之各部院。往往緊要之事。未達朕前。而先已傳播於眾口。又如內外咨呈文書往來。該衙門尤易疏忽。以致匪類探聽。多生弊端。聞有緝拏之犯。聞風遠颺。遂至漏網。此皆不慎不密之故。貽誤匪輕。嗣後一切本章咨呈文書。除尋常通行事件

外。其有緊關緊要及緝拏人犯。內外各衙門應密封投遞。各該管官應謹慎辦理。以防漏洩。倘有疏忽。事發究明根由。必將洩漏之人及該管官從重治罪。其稽察之處。交與科道官。倘有疏忽洩漏之事。科道不行查出。一併處分。欽此。遵

旨。議定。嗣後應密之事。並不密封。以致漏洩者。將封發官參劾。如收受承辦官不慎。以致漏洩者。將收受承辦官參劾。事理重者降一級留任。輕者罰俸九月。該管科道官不稽察糾參。罰俸六月。○六年議准。嗣後除漏洩密封事件。仍照定例分

別議處治罪外。其雖非密封。但未經

御覽批發之本章。一概嚴禁。不許刊刻傳播。如報房與書吏彼此勾通。本章一到。即鈔錄刊刻圖利。及捏造訛名。並招搖詐騙情弊。各照例分別治罪。該管官失於覺察。科道不行糾參。皆照漏洩密封事件例分別議處。○又

諭各衙門事件。交與科道官稽察。欲其按限歸結。不致遲誤。近見科道行詢之案。該衙門隨便託辭回覆。而科道遂不復問情由。是科道之稽察。不過察其遺漏而已。其遲延之故。並未致問。殊非差委科道之本意。

嗣後該衙門託辭回覆。科道官並不詳察。定將科道官一併處分。○七年奉

旨。崇文門稅課司事務繁多。不必按月註銷。○又奏准。太常寺光祿寺大理寺鴻臚寺順天府鑾儀衛。欽天監與各部院文移往來。又有關繫錢糧之事。著將所辦一應事件。每月兩次造冊。送科道依限察覈。○乾隆四年議准。各部院議覆一應條奏事件。奉

旨。後將原奏知會各道存案。以備稽察。○又奏准。各部院註銷。惟戶兵二部。將事件原稿並冊赴科

道檢覆其餘各衙門皆不送原稿止將事由冊填寫已完未完字樣嗣後令各司將已未完結詳造清冊送督催所該所就近傳取各號簿勘對明確如果無蒙混該督催所於各司冊尾填寫勘對明確並無遺漏遲延字樣列銜畫押鈐印付各司經承持送科道衙門註銷如有遺漏遲延該督催所即行呈堂酌量辦理科道仍不時稽察分別奏

聞。據督催所不查出回堂經科道查出將該司督催所一併議處。又議准各部院八旗辦理案件。有將不應駁之事濫駁者。均令科道覈參。又議准理藩院堂司各官均係滿洲蒙古一切冊籍均係清字。是以造送註銷冊並三法司會稿亦係清字。由滿洲御史註銷畫題。嗣後理藩院註銷冊並三法司會稿該道筆帖式譯出漢文。滿洲御史校正與漢御史公閱畫題。至順天府衙門均係漢官。是以註銷冊專用漢字。由漢御史註銷。嗣後滿漢御史公同註銷畫題。又奏准候補候選以及曾經議處人員果有真正冤抑自行赴都察院具呈查明應行准理者行

文調取該部辦理原案及一應定例如實係外錯即為奏請更正該部堂司官如有辦理未協亦即奏明請

旨察議。倘有營私受託等弊。都察院一經訪確即令查參。○六年奏准除密議密奏外其餘所奉一切傳鈔

諭旨

批發摺奏事件應某衙門承鈔辦理並傳該科一同鈔錄報院轉發各科道閱看。○十四年奏准在京各衙門現行註銷事件雖六部事務繁多其

餘衙門有每月僅十數件及數件不等者今既定為十五道分管稽察自應按照十五道分辦註銷事件各繕一本具題。又題准內閣翰林院詹事府都察院六科中書科五城宣課司左右翼監督寶泉局寶源局漕運總督河道總督向不註銷。揆厥由來內閣為

綸扉重地專辦進本票籤事宜且現有欽奉上諭處專司稽察翰林院詹事府專備

經筵日講入直撰文六科專司封駁發鈔中書科專辦

諸教與部院所辦事件。原屬不同。故向例並不造冊。送道註銷。至宣課司寶泉局寶源局於雍正年間。欽奉

諭旨。不必按月註銷。左右翼監督。係專管收稅。自行覈實具奏。向例亦不造冊。五城事件。現經奏准設立督催所。專委御史按限覈催。又五城審送刑部事件。例係都察院兩月一次具題註銷。漕運總督河道總督駐紮外省。其題達事件。向係揭報該道稽察。嗣後仍令各道照舊辦理。○十八年議准。各旗應領祿米兵餉。所造冊籍。於何日

咨部。部內於何日劄倉。各倉於何日開放。均報明都察院察覈。倘有遲延。即行指參。○十九年議准。直省所辦

旌表壽民節孝。賜卹祭葬等事。由禮部議定。無論單題彙題奉旨之日。皆鈔錄原案。開載姓名。知會經管衙門及直省。辦完彙入奏銷。經管衙門。自可就原案覈對。如有不符。大則題駁。小則咨駁。亦皆有成例可循。無如書吏漫不經心。止圖展限。並不覈對原案。一概行詢。視其來文。亦並無可登答。惟再鈔

原題原奏咨覆而已。嗣後如有應駁之處。徒藉行詢為展限之計。該稽察衙門即行糾參。○二十九年議准。嗣後各倉開放米石。戶部仍將旗分倉口。先行知照江南道倉監督。即將日放米數。每月造冊送江南道。各該處亦將實領米數造冊並原稿。於下月初十日內一併送該道察覈。米數相符者。聽江南道按月註冊。年終彙奏。倘有舛錯。照例查參。○又奏准。嗣後各倉支放豆麥。應隨同米石。一併造冊送江南道察覈。○三十二年奏准。嗣後各部院衙門。委當月章京將所收事件。節摘事由。於何日文到之處。一併開寫明白。三日內咨行科道衙門。即行註冊。註銷之日。照所造文冊。逐件按期察覈。八旗事件。亦照此辦理。○三十三年奏准。嗣後各部院及八旗都統衙門。一應文移。俱令本衙門填寫日期咨送。倘有僅寫年月。不填日期者。許收到文書之衙門。於每月註銷時。送科道衙門驗明。於註銷本內聲明附參。倘各衙門仍有收無日期文書。自填日期者。經科道等查出。一併題參。○嘉慶五年奉

旨。嗣後吏部服滿奏留人員。遇有缺出。如不按照奏留日期。先後敘補。即著稽察吏部之御史。查明奏將該堂官交都察院議處。○九年

諭。御史王瑤臺奏請定升遷人員引見限期。以防流弊。一摺。所奏甚是。各衙門升遷員缺。事關職守。豈得任意遷緩。何以吏部帶領給事中二缺。其吏科一缺。引見遲至一月之後。而刑科一缺。三日後即帶引見。遲速懸殊如此。竟係任意辦理。又禮部儀制司郎中一缺。係本年八月所出。該部直至本月初二日始帶引見。遲及三月。更屬草率。益不可解。似此漫無限期。任意延緩。難保無夤緣壓缺等事。著交吏禮二部堂官明白回奏。此後各衙門出缺引見。以及外省送部引見人員。著該部酌定限期。以杜流弊。仍隨時知照稽查各衙門。如有逾限。即行參處示儆。○十六年

諭。御史慶福奏請慎定批選日期。一摺。所奏甚是。向來揀選各項官員。先由該衙門奏請簡派大臣。其揀選日期。由派出之大臣自行酌定。往往相距多日。始行赴批。而請託夤緣。即相緣踵至。嗣後揀選各項人員。著承辦之衙門。先行擬定日期。將應行與批人數。概行傳齊。屆期奏請簡派。該大臣一經派出。即於本日

前往東公批取。毋許稽遲。如有遷延後期。該衙門查參。著為令。○道光十二年

諭。申啟賢等奏辦理現審案件情形。一摺。嗣後順天府衙門。現審咨交案件。有關罪名者。註明收審日月。及已完未完。月終具奏一次。交吏科京畿道逐件覈對。按限詳查。若有應行扣限。於月摺內註明。儻無故遲延。即據實劾參。○又

諭。嗣後刑部辦理案件。無論奏題咨案。著每月將現審若干案。開具略節。註明收審月日。於月終具奏一次。並著將月摺交該科道。與每月註銷清冊。逐件覈對。按限詳查。如有遲延逾限。及遺漏舛錯之處。著據實劾參。即無前項情事。亦著按季覆奏一次。其收審日期。應以人犯到部。及傳提到案之日為始。不得俟該司坊申報。弋獲無期。文書到部。始行起限。至犯病扣限。著照外省之例。不得過一箇月。以杜規捏。○二十五年

諭。各衙門掌印司員。應儘職分較大之郎中員外郎。揀派。不准以主事管帶印鑰。嘉慶年間。曾經明降諭旨。各部院堂官。原應欽遵辦理。乃兵部堂官。以候補主事恩麟。派署掌印。即使一時乏人。派令暫署。已屬

不可。何得延至三年之久。不行另派。有意將錯就錯。所有辦理乖謬之兵部堂官。業已分別嚴加議處。因思御史本有稽察各衙門之責。早應據實糾參。何以緘默不言。所有稽察兵部之山西道御史。著都察院查取職名。交部議處。○光緒九年議定崇文門稅務章程。一奏派宜擇本屬堂委宜戒濫派。各口宜擇妥員常川駐局。其分司稅口。正副監督各派二員。海巡則調取營弁。將該門巡役清冊點交。凡新監督到任。皆行文知照。江南道存案。如有更換。隨時知照。以備稽查。一征稅科則。安定東直朝陽東便廣渠左安永定德勝西直阜城西便廣安右安十三門。輪班住宿員名。海巡姓名。每門酌定巡役若干名。皆隨時分別咨送。知照江南道。各行經紀。到江南道點卯時。將領到稅則具結呈報。一被罰人名。貨物銀數。每月底造冊一次。咨送江南道稽察。一丁梨肥素。免其送務徵稅。盧溝橋及各門。亦不准私收稅錢飯錢。一收稅用三連票根。一貨物報門。無論數家共一車。不准併作一單。僅寫一家字號。一行次平日不得串通書吏家丁賣放營私。一驗貨必須

當日驗完。不准押送客店。一崇文門附近客店。不准容留務上交押之車。以上各條。違者由江南道指參。註銷限期。○康熙四年定。各部科鈔咨呈事件。在本部題覆者。定限二十日完結。行詢會稿各部院衙門者。定限三十日完結。○雍正元年定。戶部案件繁冗。嗣後凡在該部題覆者。限三十日完結。行詢會稿各部院衙門者。限四十日完結。○五年定。一應不待察覈易辦事件。如吏禮兵刑工等衙門。向例二十日完結者。今定限十日完結。戶部向例三十日完結者。今定限二十日完結。八旗及直月旗分所辦易結事件。均定限十日完結。議政及九卿會議。如有行詢事件。定限三十日完結。不待行詢易辦事件。限十日完結。八旗行各部院衙門事件。限三十日完結。如有違限未結者。皆照欽部事件。按其違限月日。分別議處。逾限不及一月者。罰俸三月。如事已完結者。免議。逾限一月並一月以上者。罰俸一年。○乾隆五年議奏。按例內違限不及一月。事已完結免議之條。原因外

省事件。皆限四月。是以違限不及一月。事已完結。准其免議。至在京各部院衙門。雖明定以十日二十日三十日四十日之限。實各暗增二十日。承辦之人。不免任意耽延。嗣後凡在京各部院衙門事件。定限十日二十日完結者。如違限不及十日。事已完結者。始准免議。定限三十日四十日完結者。如違限不及二十日。事已完結者。始准免議。如違限十日二十日以外。事雖完結。仍照定例逾限一月以內者。罰俸三月。一月以上者。罰俸一年。再移咨各部院衙門者。移咨衙門。定限十日咨覆。承辦衙門。准其扣除移咨日期。按限辦理。具題事件。准其扣至交本日期為止。按限察覈。九卿會議事件。准其扣至九卿上班會議。盡題日期為止。按限察覈。如逾限不完。照例議處。奉

旨。外省欽部事件。正限四月者。方准餘限一月。在京各部院事件。正限原係二十日。於雍正五年

皇考敕交九卿酌議。將各部院二十日戶部三十日限期。各減去十日。亦係在正限內的減。現在議定餘限。自應以正限日期為主。嗣後吏禮兵工等部。正限十

日者。准餘限十日。正限三十日者。准餘限十五日。戶部正限二十日者。准餘限二十日。正限四十日者。亦准餘限二十日。刑部事件。人命攸關。應倍加詳慎。著照戶部扣限。餘仍照所議辦理。○又奏准。凡在京文衙門餘限之例。均照六部之限。畫一稽察。均以期到日。○十四年

諭。向來定有正限。又有餘限。是以照例酌減。朕思正限餘限名雖不同。其實則在餘限內完結者。與未出正限之案。一例免議。而各部院辦理案件。又少肯在正限內趕辦完結。則又何必多設名目。列為章程。非所謂政尚簡要也。嗣後各部事件。在本部題結者。吏禮兵工四部及各衙門。各定限二十日。戶刑二部。定限三十日。行詢會稿。係吏禮兵工及各衙門主稿者。定限四十日。戶刑二部。定限五十日。內所會各衙門。各定限五日。戶刑二部。各定限十日。逾限即行參處。○十七年奏准。同隸一衙門之司官。彼此移付事件。有關題奏者。均照各衙門會稿定限移覆。並令各司於移付時。聲明應題應奏情由。付督催所存案。仍於註銷之日。彙送科道衙門覈對。如有違限。照例參奏。○二十九年奏准。各部會稿



有應送數衙門會議者。主稿衙門。即一面查辦。一面將所會各衙門事理。分繕副稿。同日咨送會議。俱令依限送回。仍於註銷冊內。將會稿定議日期。逐一詳開。移會科道察覈。會稿內有關現任文武官員實降實革者。主稿衙門。於會齊之後。限五日內即行具題。刑部題案繁多。限十日具題。仍將出本日期。按月造冊。交科道稽察。○三十二年議准。各部院衙門具題事件。向以堂官畫齊交本房之日。註明完結。移送科道覈銷。其本房於何日送閱具題。並無稽覈。自應立限造冊註銷。方無遲誤。但各衙門事務繁簡不同。應量為區別。除吏兵二部銓選議處。有關開缺事件。並各部會稿內。有應開缺者。原係剋日具題。刑部參案。立決情罪重大案件。應即時趕辦具題。均無庸定議。其禮部題本案件。有各省壽民壽婦本章。業經禮部奏明。酌留二三件。以備御門恭進。亦毋庸定限外。吏禮兵三部題本。均應於交本房後。限十日內具題。至彙題事務繁多。繕寫校對。有需時日。均應於交本房後。限二十日

內具題。戶部題本。應於交本房後。限二十五日內具題。至會稿辦理限期。例應加展。但交本房後。與別項題本。同一繕寫。無須展限。惟其中有應臨時撤回。送別衙門更改事故者。如奏銷議敘議處。及開復扣除免議等項官員。或數十人。至數百人不等。查改事故。送回繕寫需時。應准其展限十日。於三十五日內具題。刑部題本。及彙題等案。應於交本房後。限五十日內具題。工部題本。應於交本房後。限三十日內具題。都察院及事簡各衙門。應於交本房後。均限十日內具題。其各衙門具題時。適屆限滿。遇例不進本日期。仍按日扣除計算。俱令督催所於題稿交到本房後。五日一次造冊移送科道。至註銷之期。令本房按衙門出本日期。移送科道註銷。其未經設立督催所衙門。專派司員一人管理。遇有逾限科道即行查參。○三十七年奏准。刑部現審尋常案件。如遇反覆鞫訊難結之案。呈堂時適已屆限。堂官內偶有未能畫全者。即將未曾畫全緣由。於冊內聲明。准其註銷。俟完竣行文後。於下次註銷時。知照科道察覈。○五十五

年議定。嗣後各部院會議事件。概以款項在先之衙門主稿會議。其有應送數衙門會議者。主稿衙門即一面加緊查辦。一面將所會各衙門事理分繕副稿。同日咨送會議。俱令依限送回。若有稽遲。即將遲延衙門。隨本查參。照例議處。至各部院衙門行查事件。並查取原案彙辦者。其移覆日期。俱各照本衙門承辦例限給予。如戶刑二部之原限三十日者。減為十五日。吏禮兵工之原限二十日者。減為十日。如有遲延。查參議處。其八旗各營及提督衙門。如有文移到期。經部駁查者。亦照吏禮兵工等部之例。限十日咨覆。以期速結。如有遲延。即行參處。○五十六年

諭。向來戶刑二部案件繁多。定例題本限期較寬。但查覈錢糧。研求情罪。雖比別部事件。辦理稍需時日。亦不宜過於稽緩。嗣後戶刑二部。俱著統以八十日為限。刑部八九兩月應題之本。仍准照百日之限。其餘各部題本限期。仍照舊例辦理。毋任遲逾。○附各衙門赴院註銷日期。河南道今京每月初八日。係上月十五日前事。十八日。係上月十五日後事。

餘仿此。京畿道今河初二日。十八日。江南道初八日。二十二日。浙江道初八日。二十六日。山西道初八日。二十二日。山東道初八日。二十二日。陝西道初八日。二十二日。湖廣道初八日。二十二日。江西道十二日。二十六日。福建道十二日。二十五日。廣東道初七日。二十日。廣西道初十日。二十日。四川道初八日。二十二日。雲南道十二日。二十六日。貴州道初七日。二十二日。又河南道初二日。十八日。註銷步軍統領衙門事件。均係上月事。次月具題。至各部院承辦科鈔。有轉行內外衙門。不能依限完結者。於註銷冊內。逐一聲明。其奉旨特交轉交事件。具題後。仍知照內閣註銷。如月終並無特交轉交之事。亦知照內閣存案。

稽察軍機處。○嘉慶五年

諭。軍機處為辦理樞務。承寫密旨之地。首以嚴密為要。軍機大臣傳述朕旨。令章京繕寫。均不應稍有漏洩。自去年正月以後。軍機處頓覺整飭嚴肅。聞雜人等亦覺稀少。近日又覺廢弛。軍機處臺階上下窗外廊邊。擁擠多人。藉回事畫稿為名。探聽消息。摺稿未達

於宮庭新聞早傳於街市。廣為談說。信口批評。實非政體。必應嚴定章程。以昭法守。此後軍機大臣。止准在軍機處承寫本日所奉上諭。其部院稿案。不准在軍機處辦理。本管司員。不准至軍機處回事。軍機章京辦事之處。不准閒人窺伺。自貝勒貝子公文武滿漢大臣。俱不准至軍機處。同軍機大臣談說事體。違者重處不赦。自今日後。每日著都察院科道一人。輪流進內。在隆宗門內北首內務府官員直房監視。軍機大臣散後。方准退直。如有前項情弊。即令直班科道參奏。候旨嚴懲。若科道曠班。或推故早散。亦准軍

機大臣指名參奏。再此後有通諭王公大臣之事。俱在乾清門外階下傳述。不准在軍機處傳旨。此旨通諭中外各衙門。敬謹懷遵。違者不恕。持諭。○六年奉

旨。圓明園距城較遠。其軍機辦事處所。若仍令科道前往直日。設遇散遲陰雨。該科道不及進城。無處住宿。嗣後不必派員前往。以示體恤。遇進城之時。仍著照舊直日稽察。○二十五年

諭稽察軍機處御史著裁撤

稽覈王公大臣名下太監。○嘉慶四年奉

旨。向來宗室王公及一品文武大臣所用太監。並未定

有額數。以致投充私宅太監人數過多。宮內服役者。轉不敷應用。不得不向各王公大臣家取遣。而各王公家有太監少者。現用重價尋覓者亦有。皆朕所深知。自應分別定以成數。用符體制。嗣後親王准用七品首領一名。太監四十名。郡王准用八品首領一名。太監三十名。貝勒准用太監二十名。貝子准用太監十名。八分公准用太監八名。一品以上文武大臣准用太監四名。公主額駙准用太監十名。民公准用太監六名。其不入八分公及二品以下民爵侯以下。俱不准私用太監。經此次定額之後。如有不願多役

太監者。聽其自便。亦不必拘於成額。儻有仍前任意濫用。致逾定額者。即以違制論。總之外宅各處太監之數。甯絀無盈。而宮內所需太監。此後亦不再向外宅批取。將此通行傳知。一體遵照。並著現在王公大臣宅內太監名數。有浮於新定之額者。即交內務府衙門。送進宮內當差。嗣後宗室王公等名下太監。著年終報明宗人府察覈。一品文武大臣等名下太監。著年終報明都察院察覈。俱各彙奏一次。著為令。

稽察部院書吏。○康熙三十八年覆准各衙門

年滿書辦。由都察院嚴飭五城及司坊官。親加

緝查。即催回籍。儻有潛住在京及藏頓之家。一併從重治罪。五城官員如有徇情容留者。照容留廢官之例處分。○雍正元年

諭。各衙門募設書辦。不過令其繕錄文書。收貯冊籍。但書辦五年方滿。為日既久。易於作弊。甚至已經考滿。復改姓名。竄入別部。潛蹤掩迹。無所不為。甚至獨掌一司之事。盤踞其中。事無大小。一手握定。而不肖司官。交通賄賂。倚為心腹。上下朋姦。莫能察究。書辦尚可更換。而此等人。總無改移。子孫相承。竟成世業。各衙門姦弊叢生。未有不由於此者。嗣後書辦五年考滿。部院堂司。嚴行稽察。勒令回籍候選。逗遛不歸者。著都察院飭五城司坊官。稽察驅逐。至於盤踞之人。多捐納官職。原有勢力。可以抗違。爾衙門職掌糾察。立即題參革究。押解回籍。庶作弊之本源永絕。而官方可以肅清矣。著各部院會同確議具奏。欽此。遵旨議奏。各部院盤踞之吏。並年滿書辦。奉旨查拏。除拏獲者已解原籍外。餘皆聞風逃遁。但此輩行蹤詭秘。或潛匿京城。或暫去復回。應令各部院司官嚴查。並飭五城司坊大宛二縣。不時稽察。如有潛匿京中及回籍復來者。拏送刑部審

究。遞回原籍。取具該地方官收管印結。其有捐納官職。敢於抗違者。由院題參究革。如各司官通同徇隱。司坊等官不行嚴查。經人首告。或被科道查出。將部院司官及司坊各官。一併參處。嗣後考滿書辦。部院移咨到院。行令五城立押回籍。毋許逗遛。奉

旨。著各部院一年一次保結具奏。儻有潛居京師者。或經朕聞知。或被科道題參。將保結具奏之大小官員。一併治罪。○又定。各部院一年一次。將並無盤踞之吏。及年滿書吏更名重充之處。保結送院。由院每年七月內題達。○四年覆准。各衙門充補書吏。都察院令副都御史六科令漢給事中專管。○十三年

諭。各部貼寫。著都察院委出滿漢御史。輪流稽察。儻有徇隱捏飾等弊。一經發覺。則各在堂官並稽察之御史。○又定。各部院經承及貼寫書吏。每年四季。滿漢御史各一人。按應稽察之衙門。點名稽察。○是年十二月

諭。今之書吏。即古之府史胥徒也。各部院皆額設名幕。所以檢收冊籍。繕錄文書。乃役滿之後。復改名竄入

別部。舞文作弊。更有己身並未充役。居然盤踞都中。呼朋引類。遇事生風。影射撞騙。靡所不為。此十數年以前之積弊。

皇考洞悉此種惡習。屢降

諭旨。著都察院飭五城司坊官嚴察訪緝。其有潛匿京師及近京州縣者。該地方官定以失察處分。有能拏獲者。以名數多寡。分別議敘。載入

欽定條例。俾各實力奉行。用是元二年以後。姦徒斂迹。部務整齊。此

皇考之所以芟鋤稂莠。而滋植良苗。民生吏治。均受裨

益也。朕御極以來。仰遵

皇考遺詔。每事務從寬厚。凡八旗直省。以及窮邊極壤。無不殫慮精思。周詳體恤。冀臻博大成裕之治。然寬厚二字。非可一概視也。厚民生。紓民力。加惠於兵丁。施恩於百姓。乃為寬厚。朕所以仰承

先志而日夜孜孜者此耳。朕深恐此輩不知朕所以用寬厚之意。而故智復萌。以身試法。著都察院五城司坊官順天府大宛二縣及步軍統領。不時嚴查。儻有此輩潛匿京城。或混入貼寫之中。並有罪遞回原籍之後。仍潛入京師。或近京地方者。事發之日。除本犯

治罪外。定將失察各衙門照例處分。○乾隆二十九

年議定。各部院衙門。並無逗遛書吏。仍令出具

印結。送院察覈。停止索題。○三十九年議准。嗣

後六科十五道經歷都事兩廳。並五城司坊等

處書吏缺出。即照各部院之例。於貼寫內揀選

年久歷練者充補。如本無貼寫。令該管官照例

出示招考。不許已滿書吏。從中緣引。仍照例取

結。若役。並飭令該管官出具並無緣引等弊確

實印結。送都察院查覈。儻有前項情事。一經訪

聞。或係告發。即將賣缺及營求之人。送部治罪。

並將該管官指名參處。

刷卷。○順治九年題准。設京畿道。今改隸專管

照刷在京大小衙門文卷。除軍機大事外。其餘

事件。一年一次稽察。○十一年題准。照刷文卷。

內有訟獄淹滯。刑名違錯。錢糧埋沒。賦役不均

等弊。應請

旨者。奏請取問。應治罪者。依律治罪。其移送照刷文

卷。均用印信冊結。照刷事畢。具疏奏繳。○康熙

元年題准。照刷各衙門文卷。及錢糧等項。以稽

覈埋沒違誤等弊。各衙門止開收存數目。而支

放之數未開。如有浮冒。從何稽查。嗣後有錢糧各衙門。將支放數目。詳細開送。以憑稽覈。○六年覆准。直省錢糧。戶部不必別設磨勘司。責成各司於奏銷時。詳加磨勘。按年送京。畿道刷卷。○七年題准。在京各衙門。上年所辦文卷。均於次年八月內送刷。○三十九年議准。光祿寺於年終奏銷黃冊後。將按月啟奏細數底冊。一併送刷。○雍正元年議准。凡還庫銀。並繳還俸銀公費等項。逐一造入刷卷冊內送覈。○又議准。刑部銀庫。給發過各司辦買秋審

朝審紙板等項工價。及各省解送贖贖銀。一併送刷。○又議准。戶部山東司所領鹽引心紅紙張。銀造入刷卷冊內送覈。○又議准。工部營繕等四司。並料估所節慎庫。月冊奏銷之後。均造冊送刷。○又議准。坐糧廳修補清淺。動用稅課並贏餘銀。造冊送刷。○三年奏准。在京各衙門。凡關錢糧刑名案件。每年八月內彙造印冊。送京畿道刷卷。除違錯者覈外。餘令該道陸續磨對。限十二月封印前繕黃冊進呈。○十一年議准。吏兵二部議結各省補參之案。知照三法司。

造冊送刷。○又議准。在京各衙門。領取刷過卷宗。定期於每年二月內。該道照衙門次序。豫定領卷日期。知照各衙門。令該經承按所定日期。赴道領卷。該御史覈明。即行給發。儻該道書役。有藉端勒索等弊。計贓以枉法論。照知法犯法例。加等治罪。該御史知情者。照故縱例。議處。不知情者。照失察例。議處。至各衙門。遲延月日。不依期令該經承領回者。該御史參奏。照刷卷遲延律議處。若各衙門已經依限赴領。不按期給發者。亦照此例處分。若給領之時。其案卷或有

遺失不全給者。照遺失科鈔例。議處。○乾隆二年議准。戶部三庫。一應交納錢糧。均係戶部各司承辦。每歲各司。已將原案送刷。凡各處交納錢糧數目。即可覈對。且三庫案件。自交院覈對以來。若有冒領冒銷。即能查出。毋庸三庫造冊送刷。○又議准。五城司坊。承追贓罰收贖。五城賑濟貧民飯食銀米。並一應支領公項。均造冊送刷。○三十二年議准。在京大小各衙門。照刷文卷。凡有關係錢糧者。全行開送。毋得絲毫遺漏。其無關錢糧案件。概行停止送刷。○同治五

年

諭。御史竇麟等奏各衙門送刷卷冊遲延。請嚴定期限等語。各部院大小衙門錢糧文卷。向例於八月內送河南道覈對。近來各衙門送刷卷冊。未能依期造送。往往遲至九月十月送刷。而各倉及大興宛平兩縣。竟至十一月十二月始行移送。實屬有意遷延。著各該衙門將應刷卷冊。於八月初旬移送河南道。以憑磨對查刷。倘逾期仍蹈故轍。延不造送。即著該御史等查明參處。

欽定大清會典事例卷一千十八

都察院

各道稽察戶部三庫 稽察工程 稽察宋

理藩院銀庫等處 稽察八旗事件

稽察戶部三庫。雍正五年題准戶部三庫出入數目。每月進呈

御覽奉

旨後。即交都察院將各處所領銀緞顏料等物原稿數目。察覈如有不符。即行題參。乾隆十三年奏准各部院將所領三庫銀緞顏料等項。務於

下月初十日以內。造具細數總冊。並原稿送江南道逐一察覈。歲終彙題。倘各該處有不按月咨送及遺漏遲延等弊。該道即據實奏。其各處所送支領清冊。務按月詳對。呈堂存案。該堂官等留心稽察。其數目相符者。該道按月註冊。於歲終彙題本內聲明。如有不符。即行參奏。交部查究。倘有重支冒領等弊。該道不行覈參。別經發覺。將該道並該堂官交部察議。又題准現在稽察三庫月奏。與部院各衙門原稿印冊逐一校對。內有內閣典籍領侍衛內大臣處一

統志館會典館俄羅斯文館。六科稽察內務府御史衙門左右翼稅務監督寶泉局監督大通橋監督鷹房狗房等處止有印冊並無原稿嗣後不具稿之各該處均令立稿鈐印同清冊一併咨送察覈再本年二月分起至九月分月掛業經於年終彙題至十月分月掛例於十二月初十日內移送覈對年終不及覈辦應將十月以後支領各項入於次年終彙題嗣後照此辦理其三庫所送月摺江南道按月鈔錄註冊俟題明後將原摺送回。十五年奏准各衙門所取物料如有餘騰應行繳回者皆令行文戶部該庫官即將原文加謹收存限五日內赴庫交納如逾限不交該庫官呈堂行文催交再有遲延者取職名參處再各該處交回物料該庫即將所收數目造具清冊每月終彙稿呈堂存案仍移送江南道察覈並移文各衙門將應交回物料細數亦造具清冊移送江南道以便覈對其繳足庫一應收發察覈之處亦照顏料庫辦理。又議准各衙門支領顏料繳足等項有應行繳回者一得庫收即造具清漢細冊註明

行文戶部及交庫各日期並將原稿庫收移送江南道察覈五日後仍出具印領赴江南道將原稿庫收領回倘有遲延遺漏一經查出即行參奏。四十六年議准嗣後凡餉鞘到庫日期及劈鞘兌收起止日期並平兌收發緊要款項不能兼收餉鞘日期俱逐日登記按月造冊一本由三庫檔房移送戶部承辦司分轉送江南道查覈。嘉慶十三年奏准杜弊之法不厭周詳應自嘉慶十四年為始除每月所收一切捐項照舊由戶部捐納房及銀庫互相造冊稽覈外即各另造印冊二分移送戶科江南道查覈以昭慎重。十九年諭御史富勒禮奏捐監捐職請嚴稽覈一摺著照該御史所奏捐監一項每屆一月令銀庫及禮部國子監承辦之員至戶部查對一次捐職一項每屆一月令銀庫及吏部承辦之員至戶部查對一次並令稽察戶部御史等屆期同往眼同覈對以杜弊混有弊即參不可緘默。又諭江南道御史本有稽查戶部之責遇有部庫收發銀兩時即知會該道輪流前往眼同收放以專查察。



二十一年

諭稽察三庫科道每庫派滿漢各一員嗣後照此辦理

○道光二十三年

諭戶部銀庫設有管庫司員專司出納管庫大臣總領

其事復疊次派出三大臣盤查近年又添設查庫滿漢御史各該員等果能認真經理嚴實稽察何至庫相蒙混釀成巨案本年因庫丁張誠保偷盜庫銀破案特派大臣將新舊各項逐一盤查本日據維勤等覆奏新收常捐等款均與應存之數相符舊存正項銀數竟虧空至九百二十五萬二千餘兩之多實屬

從來未有之弊覽奏高勝念慎所有歷任管庫司員查庫御史並丁書人等著逐細查明嚴行治罪其現在虧短庫銀應如何分別罰賠及設法彌補之處即著悉心妥議具奏○又

諭現在戶部銀庫查有虧短歷任稽察銀庫御史不復糾察弊端直同虛設除聽候欽派王大臣查明懲辦外所有稽察三庫滿漢御史均著悉行裁撤

○又

諭管庫司員查庫御史均有收發稽察之責乃喪心昧良釀成巨案著自嘉慶五年起至道光二十三

年歷任庫官查庫御史各按在任年月每名罰賠銀一千二百兩已故者照數減半其因此案先行降革之榮慶等六員並甫經卸任之薩霖宋林曠均加一倍罰賠

稽察工程○康熙十年題准

紫禁城外修造工程一百兩以上者令御史稽察查工完日將用過物料錢糧數目開列咨送該道御史查勘若修造不如式責令原修官另造如有浮冒不符等弊會同工科題參○十八年題准修造工程甚多或有遲延浮

冒侵蝕情弊除內務府監造外其餘修造之處均令都察院逐一稽察○六十年題准一應修理工程工價五十兩以內物價二百兩以內者照依各處印文工部准其修理其工價五十兩以上物價二百兩以上者著該處料估啟奏到日陝西道御史會同工科覆覈工完查銷○雍正元年奏准  
宮殿各門門簾對聯門神遇更換時陝西道滿洲御史內務府官各一人會同製造庫官驗明應修應造確數具題○乾隆五十五年奏

准。向例一切工程。動用工部節慎庫錢糧者。由工科陝西道查收。今新例工程銀數在一千兩以上者。既係

欽派大臣查估承修。至工竣之時。應一體請派大臣查收。以歸畫一。○道光十七年

諭。御史清平等奏。各省應投公文多有遺漏。一摺。陝西道御史專司稽察工部事務。向來各直省。凡遇修造工程。動用錢糧。俱備具文移冊結投送。以憑察覈。茲據該御史等奏。近年各省送到工程冊結。並委解物料等項。文批參差不齊。遺漏甚多。殊不足以昭慎重。嗣後著各直省督撫。暨關織造。凡事關工程支銷錢糧。及解交工部銀兩物料等項。均著遵照向例。備具冊結。籤填批文。一體赴陝西道投遞。俾隨時稽查。以重帑項。而防浮冒。

稽察宗人府事件。○雍正五年

諭。宗人府事務。設宗室御史二人。稽察每月兩次註銷。鑄給印信。月終具題。○六年議准。宗室御史稽察銀庫錢糧冊籍。行文八旗。將每月宗室等婚喪事。便卸銀借給八旗官員銀。拖欠還過細數。造冊移送覈對。如有不符。宗室御史覈奏。年終將稽

察過數目。詳細覈算奏

聞。○十三年奏准。宗人府銀庫係

特恩設立。宗室等所得便卸銀。及借給八旗官員等滋生坐扣等項。不可無人稽察。嗣後照理藩院之例。委滿洲科道一人。不令辦事。止令稽察錢糧數目。三年一次奏請更換。○乾隆四十九年定。稽察宗人府事務。向由宗室御史二員內。奏請簡派一員管理印鑰。一員協理稽察。有轉補科缺者。仍行接辦。今宗室御史添設二缺。所有稽察宗人府掌管印鑰。仍照舊辦理。其協理員缺。照各道轉掌之例。按資派察。○光緒十三年奏准。

盛京將軍將由戶部領過銀兩。並放過

盛京居住宗室覺羅紅白事銀兩各數目。比照在

京八旗章程。每年春秋二季造冊。專差咨送稽

察宗人府衙門。以憑察覈

稽察內務府事件。○雍正四年

諭。部院事件。均有御史監察。應將內務府官員內。揀選四人。授為御史。互相稽察。於事務有益。○又奏准。稽察內務府事務。照各部院衙門註銷之例。將三

院七司。並上三旗內府。任領內管領。令其稽察。凡有

欽案事件。咨文呈狀。照部院定限完結。其有不能依限完結者。豫行聲明。令該御史酌量展限。稽察註銷。月終奏

聞。○十三年。裁內務府御史。○乾隆三年

諭。內務府向有專設之御史。近經裁汰。現在無稽察之人。著專委御史二人稽察。照八旗之例。不必逐年更換。將來員缺頂補。即著辦理稽察內務府之事。○五年奏准。武備院每年用過錢糧數目。照司院之

例。將舊管新收。開除實在。按款開造黃冊。歲終進呈

御覽。仍送稽察內務府御史衙門。察數註銷。○十三年奏准。內務府廣儲司六庫等官。遇吏調交盤。及取用存儲物件之數。該御史不時稽察。每月初五日二十五日註銷。○二十五年奏准。

禁城重地理宜嚴肅。內務府原設有御史二員。即交與伊等不時稽察。如遇閒雜之人。於各處容留及混行出入者。即將容留之處。據實奏。儻

該御史等或虛應故事。不實力稽察。別經內務府大臣等察出。即將該御史等一併題參。○嘉慶四年議准。稽察內務府事務。都察院將各道滿洲御史。通行開列。奏請

簡派二員稽察。一年更換。○十年

諭。內務府養育兵缺出。自應仿八旗挑補章程。一律辦理。嗣後著該司員將應挑幼丁。呈報該管大臣。於挑甲之日。親往挑補。儻該管大臣竟無人前往。即著稽察御史據實奏。

稽察理藩院銀庫等處。○雍正二年議准。理藩

院銀庫。派御史一人。令其協同司官辦理庫務。兼察庫弊。三年更代。○四年奏准。理藩院內外館務。本院選滿洲科道各一人。送理藩院。與各部院滿洲司官一同引

見簡用。○又奏准。俄羅斯來使進京。委滿洲科道照看。開列職名。送理藩院。與滿洲侍讀學士等引

見簡用。○十一年奏准。稽察理藩院銀庫御史。停其辦理錢糧事務。止令親行監放蒙古等口糧銀。稽察庫弊。若司庫之官。有營私作弊。該御史瞻

徇情面不行奏者發覺之日一併參處。○乾隆五十六年奏准理藩院銀庫照戶部銀庫之例令江南道稽察毋庸另派御史。○道光元年

諭。賽冲阿奏蒙古王公額駙台吉格格及回部王公台吉等每年應領俸緞並恩賞緞疋康米等項向無一定日期蒙古人等不能及時支領著照所擬章程嗣後應領俸緞即照開放俸銀之例屆期赴庫支領以昭畫一恩賞緞疋由理藩院行知各該旗俟蒙古人等到京遵照定限派員赴庫眼同支領其康米一項於蒙古人等到京之次日行知戶部屆期赴倉支領

台吉等應領康米戶部按照例佳日期折價放給所有開放盤費銀兩由理藩院派員監放以杜弊端如遲逾限期者著理藩院堂官並稽察理藩院之御史查明據實奏

稽察八旗事件。康熙五十七年

諭。八旗補放佐領世職承襲事件有遲至數年不奏者

交都察院查明奏。○六十一年

諭。丁憂廢職之人該旗如有隱瞞者著科道官員查察將該旗大臣一併題參。○雍正元年

諭。滿洲御史事務無多八旗各委二人照稽察部院之

例一應事務令其稽察凡有應奏應參事件即行查奏再五旗王等有不按定例使用旗員及濫行治罪者亦著稽察所用御史著調旗分委欽此遵

旨議定八旗奏過事件與各衙門彼此行文事件一應關繫錢糧事件及補官襲爵並各省在旗武官員缺補授日期有無逾限每月造具清冊送該御史稽察。○三年議准八旗補授佐領承襲世爵並補授前鋒參領前鋒侍衛護軍參領護軍校有不能於限內完結者該旗將情由聲明行知稽察該旗御史倘有隱匿徇庇等弊由該御

史糾參。○四年

諭。從前每旗特令御史二人稽察事務近聞八旗大臣等於午門前徒有會議之名並不議事以致諸務遲誤御史視以為常不行嚴察夫旗務不比部院事件均有條例又有限期所以特令伊等稽察乃伊等仍行怠惰致令事皆遲誤可將此再行嚴飭嗣後務加嚴察不可稍徇情面若仍前懈惰必一併治罪斷不輕釋。○又奏准八旗各部院互相行文必鈐用印信惟封印後方用白文近見尋常時亦有用白文者嗣後除年節封印外用白文之處永行禁止

稽察旗務御史。嚴行稽察。○五年議准八旗及

直月旗所辦易結事件。限十日完結。○七年

諭。八旗操練兵丁。如都統等有託故不往者。稽察御史

即行參奏。若瞻徇不奏。經朕聞知。一併議處。○又奏

准八旗事件。照部院之例。令其每月一次送御

史稽察。月終彙奏。如有逾限遺漏等弊。一併題

參。○又議准刑部及各部院行詢八旗事件。易

於完結者。令於十日內。即行完結。倘有轉移

詢調取不能依限回文者。該旗將緣由聲明咨

部。如有故為遲延者。令該衙門於註銷冊內聲

明咨送科道詳查。將該旗遲延月日情由。入於

註銷本內。一併參奏。○又奏准欽奉

諭旨禁約。及條奏准行之事。交與八旗各按款項彙成

一冊送院稽察。○八年奉

旨。八旗官兵婚喪等事。果有違例僭越者。著稽察旗務

御史即行參奏。○九年奉

旨。八旗都統訓練兵丁。著稽察旗務御史前往稽察。○

乾隆二年議准八旗都統參領所辦案件。有未

妥協。以及錯謬遲延等事。該稽察旗務御史不

行查出參奏。別經發覺。照不行詳察例罰俸六

月。倘有瞻徇情面。明知錯謬不行參奏者。照徇

情例降二級調用。○三年

諭。命御史等稽察八旗事務者。非止令稽察補官註銷

事件而已。如都統等勒索所屬旗員等舞文弄弊。皆

當察明奏聞。前以稽察旗務參領侍衛煩瑣。因而裁

汰。是專令爾等盡一稽察也。爾等責任愈重。今八旗

大臣內有被參議處者。有經朕特交議處者。爾等並

未察出參奏。從前不知則已。嗣後如仍不精心稽察

朕必將爾等嚴加治罪。○又奏准旗人如有冤抑。其

呈本旗都統者。即將具呈月日。移咨稽察旗務

御史存案。續將如何完結。移咨察數。儘辦理遲

延。或有應行辦理。而將呈辭發還者。即行奏

聞。○四年奏准。每旗有滿洲蒙古漢軍三都統。並護

軍統領。前鋒統領等處。現在稽察旗務。每旗御

史二人。實屬不敷。令部院註銷科道。一例稽察

又漢軍御史。雖在漢御史數內。實屬旗員。嗣後

每旗再增一人。令各察一旗。將滿洲漢軍科道

並現在稽察旗務御史。共揀二十四人。列名奏

聞。仍照例調旗分察。遇有遠差入關服制等事。以俸

淺之人接補。其蒙古漢軍事件。較滿洲旗分稍

淺之人接補。其蒙古漢軍事件。較滿洲旗分稍

簡即將每月護軍統領事件併入蒙古旗分註銷前鋒統領事件併入漢軍旗分註銷月一奏冊。又議准八旗婚喪優卹銀按月將銀數事件緣由移送內務府稽察仍移送稽察旗務御史察覈。五年議准八旗事件易結者仍限十日完結外其各參領會同查辦事件十日限內不能完結者將情由呈明都統限二十日完結仍移送原行衙門察覈並於註銷冊內聲明移送御史稽察。九年議准八旗承辦事件如實不能依限完結者務於餘限內開明情由呈請都統展限照舊例正限限二十日餘限限二十日完結仍移送原行衙門並稽察旗務御史稽察如遲延至餘限外始呈請展限者將承辦官計達限月日參處。又奏准八旗註銷冊務於每月十五日以前移送察覈倘有過十五日以後者稽察旗務御史即將承辦官參處。十一年奉旨八旗每逢較射之期著稽察旗務御史前往稽察。又議准某旗直月即令稽察該旗御史於進呈月摺時將直月旗事務有無逾限沈積之處聲明。十二年議准八旗公產地價五限內交納

之事仍遵原奏毋庸造入註銷冊內其餘一應辦理公產地畝案件均一例造入註銷冊移送稽察旗務御史察覈如有遺漏遲延照例參處。十五年諭我朝舊制文武大臣上朝齊集盡行乘馬前因滿洲大臣乘轎者過多朕曾降旨禁止未經徧及文武大臣近聞文大臣等一味偷安雖京城至近處所亦皆乘轎若云為文大臣等部院行走所宜而國初部院大臣何以並未乘轎此皆由平時不習勤勞之故耳滿洲臣僕當思舊制效法前人乃不練習乘騎儻猝遇緊急差務不能乘馬是何道理嗣後滿洲文大臣內年及六旬實係不能時常乘馬者著仍乘轎餘皆禁止再王公等不論老幼盡行乘轎亦非舊制嗣後除履親王同輩王等及餘王公年老者仍令乘轎外餘惟年節准儀仗乘轎上朝常期俱著乘馬將此通行嚴禁倘有不慎違者查旗御史即行參奏如有徇隱經朕查出將該御史一併治罪決不寬宥。十六年奏准八旗直月處一應已完未完皆於月終造冊係某旗造送之冊即係稽察某旗之科道詳覈奏

斷今既定例

特簡王大臣等辦直年事務則稽察旗務之科道亦應

特簡四人令其專司稽察一年旗務○又奏准嗣後稽察旗務將滿洲科道及漢軍科道通行開列

題請

欽點以昭慎重○又奏准嗣後查旗科道出差在一年之內者揀員代辦在一年之外者題請

欽點署理○二十一年

諭王公大臣等驍夫多開賭場不獨引誘旗人有礙生

計此等惡習所關甚鉅前降旨王等及頭品文職大臣並年歲已到之文職大臣准其坐轎餘俱不准乘坐特令嫻習騎馬並為旗人生計禁止驍夫開賭之意今年少職分未到之人舉皆乘轎又不嚴行管束任聽驍夫開賭殊屬不成事體嗣後惟親王郡王大學士尚書准其坐轎員勒貝子公都統及二品文職大臣俱不准坐轎仍飭令坐轎之王大臣等各將驍夫管束倘有違例乘轎及驍夫開賭聚賭者步軍統領衙門該查旗御史奏嚴加議處如若徇隱經朕訪聞定將失察各員一併治罪○二十七年議准嗣

後八旗都統印信俱存儲都統衙門派章京看守有鈐印事件會同印務參領監用都統副都統內有兼辦別衙門事務者隔日進署其餘俱每日進署辦事如有曠誤令查旗御史奏議處○又議准嗣後八旗支領

恩賞紅白事件銀兩由該旗一面咨部一面送查旗御史查覈如有冒領即行奏至放給銀兩白事不得逾五日紅事合例即行支給有故意勒捐者查旗御史查出奏辦八旗庫存官項派賢能之員管理各旗都統不時稽察仍令造冊送

查旗御史稽察倘有弊端據實嚴奏再八旗批取馬甲將批取人名造具清冊送查旗御史令其查覈戶口原冊如有不符立即奏○二十九年奏准向來火器營挑選官員並註銷等事均入於各該旗護軍營內送查旗御史稽察今火器營另設專員諸事均係自行承辦應於滿洲蒙古漢軍科道內奏請

欽派一員稽察○三十六年議准嗣後養育兵缺出應裁者即行裁汰如有解寡孤獨實無養贍之人再行添給錢糧仍交步軍統領並查旗御史

嚴察僮有假捏冒領即行參奏將該佐領參領都統等一併嚴加議處。又議准八旗解寡孤獨人等每人每月另賞養贍銀一兩五錢。但此項人等增減無定。令該旗都統留心體察。應裁者即行裁汰。並令步軍統領查旗御史一體嚴察。又定嗣後八旗各衙門交納一切路費等項銀兩。務須遵照定例於文批到部五日內飭令解員齎銀赴部交納。逾期不交。將承辦及管解各員照例題參。至所交銀兩原批即照例按月送查旗御史查驗。○三十七年奉

旨。嗣後八旗營房遇有零星傷損。即令隨時查明分別黏修。使住房各兵共知愛護。不得任意殘毀。並交查旗御史隨時詳查糾劾。仍令各該旗於歲底將查過有無修理。及是否完整之處。咨報直年旗彙總具奏。一次。倘有不行修理。以致損壞過甚者。惟各該旗都統及查旗御史等是問。○四十一年議准八旗孀婦孤子內有伯叔兄弟係兵丁。並前鋒校護軍校號騎校筆帖式等微員者。俱一體給予養贍錢糧。仍交步軍統領及查旗御史嚴查。如有冒濫批補者。即行參奏治罪。○四十二年

諭。八旗俱有特派御史稽察旗務。惟前鋒護軍等營向

未派有御史。嗣後每翼著派御史二員。亦令照八旗之例。稽察前鋒統領護軍統領所辦事務。著為令。○

四十三年議准。嗣後八旗挑甲之日。查旗御史

必須親身前往監察。各旗挑甲定於何處。於前

一日行知該御史。如無故不到。行文都察院查

明參奏。○四十六年

諭。嗣後將派出軍政。並看射布靶之王大臣。理應稽察

每次著派出之查旗御史。輪流前往。不必干預驗看

兵丁之事。止令稽察王大臣內何人曾到。何人未到

有無到遲之處。設有不到。或遲到次數多者。即行據

實奏明。○五十年奏准。嗣後稽察旗務。漢軍御史毋

庸開列。○五十九年奏准。八旗領米。查旗御史

會同本旗都統。或副都統。屆期赴倉驗放。其車

腳錢文。如有浮冒剋扣。都統並查旗御史隨時

查參嚴辦。○嘉慶五年

諭。向來派出查旗御史。遇各旗有批甲等事。應令該御

史前往監察。以杜弊端。而昭慎重。近聞派出各員。視

為具文。日久懈弛。每月僅以一奏塞責。竟不親身稽

察。以致查旗之例有名無實。殊屬非是。嗣後各旗都



統遇有批甲等事。先行知照查旗御史會同辦理。如該旗遺漏知照。即着該御史參奏。若該旗批放稍有不公。該御史亦當指名查參。毋得瞻顧徇隱。該御史經該旗知照後。仍復不到。則是有心玩誤。亦着都統等據實參奏。○十四年

諭。前據御史慶明條奏查旗科道向無年限。請嗣後作三年為滿。更換一次。當交都察院議奏。茲都察院奏稱滿洲額設給事中御史共止四十員。派查二十四旗左右二翼火器營需用二十九員。若三年更換。其未奉派查之員。不敷簡用。勢必將已滿三年。甫經卸事之員。仍行開列。未免窒礙難行等語。科道派查各旗一切事件。責其糾察。若在任太久。恐與該旗大臣官員過於習熟。易至瞻徇情面。並不免有自行迴護等弊。自應照該御史所奏三年更換。庶免日久弊生。况該員等係陸續報滿。並非每屆三年。通行出缺。該衙門遇報滿一員。即將未經派過者。開列數員。請旨自無慮人數不敷。設遇開列人數過少。不妨將現派查旗之員。請旨更調。除去原查旗分。另為籤掣調換別旗。如此則彼此互易。亦自不至積久生玩。嗣後各旗及左右兩翼火器營。俱照此辦理。著為令。○十六

年

諭。本日稽察甲米御史良輔甘家斌等奏稽察甲米章程一摺。披閱各條尚屬可行。着照所請。將查米處所移於朝陽門外路西。所有官房五間。即為該御史等駐班之所。領米各車。每日限於巳刻陸續趕到。如遲至未時者。查取領放遲延職名議處。查米吏役定為五名。由五城司坊各派一人。按月輪換。應需公費。交倉場侍郎照稽查俸米之例。於茶果項下動支。該御史等務須實力稽查。毋令日久生怠。○二十二年

諭。嗣後王大臣等閱看兵丁射箭。務須將實中箭數數計。交都察院於監察御史內奏派二員。會同王大臣等監射。倘有徇情。該御史即行據實參奏。如該御史不行具奏。查出後一併治罪。○二十四年

諭。八旗生齒日繁。挑補養育兵丁。原以調劑旗人生計。定例各旗挑缺時。均有查旗御史。公同閱看。嗣後均令按期到班。如有揀選不公者。即着指名參奏。○道光元年

諭。昨據八旗都統等會議清查八旗抱養章程。已降旨照議辦理矣。因思各旗設有查旗御史。其本旗挑補各項錢糧。一應戶口年歲冊籍。均有稽察之責。現經

議定章程嗣後著查旗御史於挑缺之時秉公查覈如有情弊該御史即時指名奏備扶同徇隱一經發覺定將該都統副都統及查旗御史一併懲處不貸。○六年

諭。向水八旗兵丁每月關領餉銀係該管都統等親行抽驗發給現在各旗辦理未能盡一嗣後各該旗每月領放餉銀著該管都統副都統一員親赴衙署抽驗後由該參領發給各佐領按名散放毋任冒領剋扣如值關放之期該旗都統副都統無人親到抽驗著查旗御史據實奏。○七年

諭。正白旗漢軍挑放馬甲等缺戰兵衰得浚所報戶口與原冊不符該著佐領印務章京廣順等毫無覺察經該都統等查問時廣順復長跪求免著交部嚴加議處至各旗挑缺例有御史稽察此次查旗御史因公不到未免視為具文嗣後各旗挑缺之日該御史務須前往認真稽察以符定例。○十一年

諭。八旗都統等嗣後遇有披甲缺出務當認真考驗必煩弓力較強箭有準頭者方准挑補不得藉口調劑以致有名無實並著查旗御史於各旗挑缺時留心查察如該都統等意涉瞻徇所挑之兵仍有弓箭平

常者即行據實嚴參。○又

諭。嗣後八旗各營凡挑缺揀選均遵定例用六力官弓較射以定去取該都統等務當認真覈實考驗不得仍令本人捏報弓力並著查旗御史於各旗挑缺時留心查察如都統等所挑之兵仍有虛報弓力情弊即行據實嚴參。○三十年

諭。清文為滿洲本業各旗士子自應習之有素考試八旗繙譯生員向有各該旗考試後錄送之例嗣後凡遇考試八旗中書筆帖式繙譯官譯漢官該旗錄送時即照考試繙譯生員之例一體先由各旗佐領考試如佐領不諳清文即由參領考試仍俟都統副都統與查旗御史會考甄別錄送倘有冒名傳遞情弊立即嚴參懲辦。

欽定大清會典事例卷一千十九

都察院

各道稽察五城事件 稽察普濟堂 稽察  
步軍統領衙門事件 稽察直省 稽察  
事件 稽察直省 稽察直省 稽察  
有事件 稽察直省 稽察直省 稽察  
會議會審 稽察直省 稽察直省 稽察

稽察五城事件。康熙初年定五城御史審理之事。每月一次註銷。送刑部者。兩月一次具題。

○雍正八年

諭五城賑濟貧民飯食銀米。著都察院堂官不時查看。

欽此。遵

旨議定五城賑濟。各設循環簿登記所賑數目。一日一

換。平糶設簿亦如之。五日一換。均由院察覈。其  
 賑粥未糧柴薪。及糶米數目。並棲流所用銀均  
 報明戶部覈銷。由院確察轉送。○十二年覆准  
 五城自理事件。訪拏者以獲犯日。控告者以具  
 呈日。均扣限十日完結。五日一次呈報。半月一  
 次註銷。○乾隆二年定五城竊案。委山東道代  
 比。每月初三日。十七日。該坊官將從前所報竊  
 案。造冊一本。開明事主所失物件。並承緝差捕  
 的確姓名。呈堂察覈外。仍一面造冊。將正身捕

役押赴山東道聽比。○六年奏准五城三營地

方。遇有盜案。本院與步軍統領彼此關白協同

緝究。以報官日為始。三月無獲。即會疏題奏。○

又奏准五城竊案。該坊官逐案報明山東道。該

道按限傳集承緝捕役嚴比。如司坊官有縱捕

奏竊等弊。聽該道據實指參。年終該道逐一察

覈。將新舊共被竊若干案。指獲若干案。彙題註

銷。以專責成。倘該道瞻徇不實。力嚴比。即參奏

交部察議。○八年覆准五城竊案。該坊官即申

報巡城御史。並山東道。以報官之日為始。勒限

四月緝捕。如限內全獲。或獲及半者。免參。如限

內尚未全獲。或雖獲不能及半者。該城御史參

送到部。將該坊官住俸。勒限一年緝捕。限內全

獲。或獲及半者。准其開復。如逾限不獲。該城覈

參罰俸一年。賊犯照案緝捕。其未經索緝之先

山東道御史按限提比。其有廢弛怠玩。山東道

御史覈參。如該城不據實報參。山東道不實力

稽察。由院查明參奏。交部議處。○二十七年議

准五城竊案。年遠限滿未獲者。免其按期送山

東道責比。並毋庸每歲移會彙題。仍令都察院

轉飭五城御史嚴督各屬。查明每歲未獲案數。分記功過。自行照例辦理。其參限未滿竊案。該坊官能獲犯二名以上者。量予議敘。如一名不獲。照案數多寡分別議處。於年終彙題案內。聲明查辦。如一年內能獲一二案。仍准免議。○五十年議准。嗣後五城彙題未滿參限竊案。如多至三十案以上。未獲十分之二者。亦照例議處。不得以已獲一二案概予免議。至五城彙冊截案。向無例限。亦覺參差。嗣後五城年底彙奏之案。酌量截至每年十一月底止。限五日彙齊。以便察覈。其十二月初一日以後各案。歸入下年彙送。○嘉慶二十三年議准。五城承買米麥豆石。在部交錢所領實收。必應附卷存案。並令本官親身赴部領取。離任時將所領交過錢文實收與現存米豆數目一併列入交代文冊。並聲明並無已經批解未交及已賣未經報解之項。具文詳城察覈。由城轉呈都察院查戶部。如稍有不符。即行奏辦。○道光元年

諭。昨因京城內外時疫傳染。降旨著步軍統領衙門順天府五城分設藥局。棺局。亟為拯卹。第恐各衙門委

員不能盡心經理。仍屬有名無實。著都察院堂官於五城地方。揀派滿漢御史各一員。分司查察。其京城內外設局之處。該堂官不時自行察訪。務使認真。拯濟。多所全活。倘查有怠玩從事。奉行不力者。即行據實奏參。○又以時疫流行。發廣儲司銀二千五百兩。分給五城。為製備藥料。棺槨之用。○二年議准。五城領糶土米。按成繳價。老米每一成制錢九十五文。後米每一成七十五文。粟米每一成五十五文。領運到廠。其雇夫篩颺工食。例無開銷。又近年車脚增昂。每成土米酌減制錢二十文。自減價以後。必須年清年款。如逾限不交價值。以侵挪公項例論。即行嚴追。由部查取該坊職名。交部分別議處。其解錢回付。令稽察銀庫科道稽察。鈐記與解庫銀兩。一律辦理。○六年

諭。巡城御史寶瑛等奏請將緝捕賞餘銀兩。添雇更夫一摺。京師前三門外。五方雜處。每屆冬令。竊匪尤易潛蹤。前經借項生息。為五城緝捕賞需。現除動用外。各有贏餘。著照該巡城御史等所請。准於賞捕贏餘項下。每年自十一月初一日起。至次年正月底止。每城每月動支銀五十兩。由各城發交各該司坊官雇

覓吏夫四五十名分段擊柝巡更著責成各任巡城料道等每年督率司坊員役慎重雇募不得將來歷不明之人充數轉生弊端務須輪班核織認真稽查其動用銀數即歸入緝捕實項案內按年報部覈銷並著都察院堂官不時查察俾收實效○十五年

諭前據巡城御史承光等奏被竊事主家人章二供詞不待當交刑部驗訊茲據李振祐奏該城原奏內稱章二並無刀傷情形刑部驗明傷係鐵片該坊官顯有規避詳情事等語京師為華數重地理宜一律肅清倘有竊盜之案該巡城御史自應嚴飭司坊各

官一面驗訊明確一面嚴緝正賊務獲究辦乃近來外城地面盜賊頗多有報無獲是該司坊官捕務廢弛已可概見甚至案情稍重關繫處分者一經事主呈報並不緝拏賊犯追究賊物下落輒指為裝點捏報舍賊匪而專究事主舖戶居民往往畏累隱忍被竊不報無怪盜風日熾肆行無忌著通飭五城御史各宜勤明奉職所屬司坊各官務須振刷精神認真緝捕遇有竊盜案件迅即究明據實詳報總期有案必獲庶幾完效不致擾累閭閻偵查有規避處分蒙混具詳專向事主報求竟置正賊於不問者即著

都察院堂官據實嚴參毋稍徇縱○十七年

諭前因御史張秉德奏請酌定御史坐城日期當交都察院議奏茲據奏稱五日坐城一次為期過寬嗣後著巡城各科道除報緊要事件立即赴城審辦外遇有別項差使止在間一二日即行坐城如無別項差使仍常川到署辦事以清案牘並著都察院堂官隨時稽察倘有疏懈即行參處○咸豐二年

諭御史福昌奏請嚴緝姦宄一摺京城地面遼闊五方雜處匪徒易於混迹全在該管各員認真稽查庶免滋生事端若如該御史所奏外省釋回各犯高留在

京不安本分以致各城竊盜之案層見疊出現當湖南賊氛未淨難保無姦細暗中滲入著都察院堂官飭令五城御史並著步軍統領衙門順天府於嚴查保甲之外密派員弁兵役實力巡緝凡九城內外隱僻處所隨時留心明查暗訪遇有形迹可疑之人設法盤詰如係姦匪即行拏獲解交該衙門訊究○三年

諭軍機大臣面奏查出刊刻報本內有未經發鈔摺件並將原摺及報本呈覽朝廷政事俱有體制凡內外臣工陳奏各件其由內閣鈔出者例得宣示中外至

未經發鈔之件。豈容任意傳播。前據巡視五城御史鳳寶等奏。都城軍備一摺。軍機處並未發鈔。何以外間遽行刊刻。且字句間多有增減不符之處。其由何人私自傳鈔。必應嚴行查究。著內閣查明具奏。並著巡視五城御史明白回奏。○同治元年

諭京師內外時疫傳染。貧民不能自備藥劑。情形殊堪憫惻。除御藥房藥丸照舊祇領外。著由廣儲司發給實銀二千五百兩。分交五城祇領。選擇良方。修和藥劑。於五城內外坊地面。分段設局施放。廣為救治。違派妥實可靠之司坊等官經理。各該城御史仍不時前往認真稽察。不准假手胥吏。偷減藥料。以致有名無實。○四年

諭前據巡視中城給事中瑞亨等奏。遵查五城國防。請照舊章辦理。及御史王朝榮奏。國防須由民捐民辦。外省紳董不得把持。各一摺。當降旨交都察院堂官妥議具奏。茲據奏稱。國防兼用外省京官。本係咸豐年間奏定章程。辦理歷年。悉臻妥協。並無外省京官冒籍把持各弊。未便驟議更張等語。京師五方雜處。土著較少。必專責本籍紳民辦團。反多窒礙。所奏自係實在情形。即着照所請。仍按舊章辦理。王朝榮所

奏。著毋庸議。惟任事責於得人。保舉不宜冒濫。嗣後五城御史務須慎擇紳董。毋使人浮於事。如有始勤終惰。迹涉招搖者。即著隨時查參。即或有微勞。亦必覈實酌保。備巡城御史有容隱瞻徇等情。並著都察院堂官隨時參處。

稽察善濟堂。○嘉慶四年

諭向來善濟堂例有經費。每屆初冬加賞米石煮粥。以資貧民口食。近聞承辦之員。經理不善。輒將粗米抵換官米。以致粥不可食。孤貧不能均霑實惠。是徒有善濟之名。而無其實。殊非加惠貧民之意。嗣後善濟堂。著照五城飯廠之例。屆期奏派滿漢御史二員監放稽察。以昭慎重。○六年議准。功德林留養貧民。每年

恩賞銀米支領之時。應令稟知地方官備案。並令監放善濟堂之御史一體輪流稽察。如有弊端。立時懲辦。○道光七年定。善濟堂每年在崇文門祇領恩賞銀一千兩。武清縣發商生息。每年利銀一百二十兩。通州發商生息。每年利銀六十兩。宛平縣發商生息。每年利銀七十兩。七百文。發股實

鋪戶生息每年利元絲銀九兩六錢又制錢八  
十三千四百文各處地畝租息每年制錢一千  
四百六十千零九十八文又銀五十兩各處房  
租每年制錢一百四十一千京鹽局每年捐助  
銀一百零八兩又每年奏請

恩賞小米三百石內分給功德林一百石以上共銀  
一千三百四十九兩六錢共制錢一千七百零  
二千一百九十八文小米三百石○咸豐八年

諭本年普濟堂收養貧民人數較多採買諸形昂貴委  
員等籌墊拮据著崇文門將普濟堂應領之款先行  
給發實銀五百兩其餘銀兩及功德林應領賞項均

著全數給發實銀以資接濟仍著該御史等隨時稽  
查不得稍有浮冒如物價平減人數漸少即仍照舊  
章按期支領以符定制

稽察步軍統領衙門事件○雍正五年奉  
旨步軍統領衙門事務著委滿漢御史稽察○乾隆六

年議准御史職司稽察遇有違例犯禁之事皆  
可不時查劾兇步軍統領衙門事件向在河南  
道註銷則番役人等令其一併稽察更為妥協  
嗣後皆照各部院經承貼寫送察之例將正身

番役開載年貌籍貫按季造冊出具並無白役  
等結移送河南道御史考覈備冊結不實別經  
發覺將該統領及不行詳察之該御史一併議  
處○又議准內外各衙門拘拏人犯該管官必  
給印票以杜詐冒滋擾之弊獨步軍統領衙門  
有指名訪拏者有巡緝拘拏者即如竊盜鬪毆  
之類巡緝所至隨遇隨拏不能少待應每名豫  
給印票一張令其不時訪緝仍令該統領覈明  
何等案犯應豫行給票並於票內開明款項給  
發該番役收執並將豫給印票款項移明河南

道察覈

稽察直省補參事件○雍正元年

諭直省命盜案件主稿雖在刑部然亦由三法司公同  
確勘畫題方行請旨今刑部議覆被盜疏防及人命  
失察等案有該督撫未將所屬地方官弁報參者刑  
部於具題完結本內聲明行令覈參到日再議該督  
撫有照例補參者亦有援例請免者止用咨覆刑部  
既不再題又不照會都察院大理寺是以部中姦猾  
胥吏得以操縱其事暗地招搖有部費者則為援引  
輕例且有竟將咨文沈匿日久潛消者如無部費雖

督撫聲明在所可寬亦不在邀免欺隱蒙混事同議  
異嗣後三法司會議案件本尾有行令補卷者督撫  
咨覆到部其或處分或寬免作何完結之後令刑部  
知會畫題衙門公同刷卷如此則胥吏不得萌送故  
督上下其手矣○十一年議准三法司行令督撫補  
參文武各官案件該督撫咨覆刑部隨轉咨吏  
兵二部定議該部議結後將如何完結知照三  
法司並令刑部行知各省凡遇補卷之案一咨  
刑部一咨都察院一咨大理寺以憑稽察  
稽察直省難結事件○雍正六年議准直省難  
結事件咨部展限時報明科道事結後題覆本  
內聲明註銷科道於年終分別已未完結彙題  
其有久不題覆又不展限者科道查明題參○  
十一年定直省難結事件督撫提鎮府尹等衙  
門每季將已未完結及曾否展限造具細冊分  
送科道察覈如本季並無難結事件亦即聲明  
○乾隆十四年定除直省應用揭報事件仍照  
例按省分揭各道外其難結事件隸吏部者季  
報河南道隸戶部者季報江南道隸禮部者季  
報浙江道隸兵部者季報山西道隸刑部者季

報山東道隸工部者季報陝西道如無難結事  
件亦各按季聲明以憑察覈彙題○三十七年  
議准嗣後各省開報難結事件到部覈計通緝  
已屆四十年者即行查銷毋庸列入彙奏以清  
塵積○四十九年奏准年終彙奏應緝遣犯如  
該犯脫逃時年已六十者勒限二十年未獲即  
先行開除年已五十者勒限三十年未獲即先  
行開除不必概以四十年為限後經緝獲仍照  
例審明辦理○五十年

諭嗣後通緝人犯於何省脫逃但應責成該省州縣或  
問出本犯之原籍亦止責成其原籍州縣實力緝捕  
如年久無獲即當交部略與議處此外無干之各直  
省州縣竟毋庸行文通緝以省案牘而歸覈實其應  
如何分別年分比較命盜案件酌從輕減予以處分  
之處著詳細定議具奏欽此遵  
旨議定通緝逃遺之案配所地方官於正限滿後再限  
一年緝拏限滿不獲罰俸一年仍限一年緝拏  
限滿不獲再罰俸一年如前官已經離任將接  
任之員照此按限參處其原籍接緝之地方官  
如有失察逃回原籍者於應得降調降留處分



外。再將從前未獲年分。按照二限各罰俸一年。  
 ○五十七年奏准。嗣後脫逃未獲。違犯概以年  
 逾七十為準。如在逃時年已六十者。勒限十年。  
 年已五十者。勒限二十年。逾限未獲。即於年終  
 彙奏通緝案內。開除停緝。至承緝逃遺處分。各  
 地方官因為日已久。參限已滿。往往懈於緝捕。  
 此後各直省督撫。於疏脫違犯年終彙奏摺內。  
 即將已未獲名數。分析聲明。吏部即照兇首盜  
 首未獲之例。將承緝官一二名不獲。罰俸六月。  
 三四名不獲。罰俸九月。五六名以上不獲。罰俸  
 一年。再限一年緝拿。限滿不獲。仍照此例。按其  
 未獲名數。分別議處。逃犯照案緝拿。道府同知  
 通判直隸州等官。總計所屬地方。獲不及半者。  
 罰俸六月。如承緝官本身不致離任者。仍按年  
 彙題。

稽察移咨直省事件。○乾隆十四年奏准。由院  
 據呈移咨案件。該省督撫一面即將准咨日期  
 先行咨報。一面速飭承辦各官。依限查覆。果有  
 難結緣由。即於正限四月內詳報咨展。如並無  
 難結而逾限不行咨覆者。照事件遲延例。分別

議處。如限內任意耽延。至逾限之後。捏辭蒙混  
 託故申覆者。經院奏將承辦官照蒙混造冊  
 例降一級調用。轉報之上司。罰俸一年。不行詳  
 查之督撫。罰俸六月。○嘉慶十二年

諭給事中茅豫奏。請嚴各省奏咨案件。違限處分。以懲  
 怠玩。一摺。據稱。欽部事件。違限定例。本有處分。未便  
 任其日久。虛懸。致滋貽誤。請飭下原交衙門。填註遲  
 延月日。開單進呈。照例議處。並將嗣後凡遇奏交咨  
 交之件。俱隨案登記。分別扣查。如有違逾。即據實展  
 咨等語。近來各省交審事件甚多。而奏結者甚少。該  
 督撫於奉文之後。任意延宕。經年累月。怠惰因循。以  
 致善良赴訴不休。而姦民告訐愈甚。訟獄之繁。皆由  
 於此。朕本欲嚴定章程。隨時稽考。該給事中適有此  
 奏。所論甚是。第各衙門奏交咨之件。其情事輕重  
 既有不同。尚應分別裁辦。即如特旨交審事件。此與  
 派欽差前往無異。何以欽差馳至該省。無不迅速奏  
 結。而督撫承審之案。動輒稽延。即云案犯不齊。亦無  
 難勒限嚴提。何得有心泄泄。嗣後特交事件。著該督  
 撫於奉文之後。隨時咨報軍機處。自原告到省之日  
 起。依限審結。即有因人證難齊。或該督撫有公出事

件不得稍為展緩亦當隨案報明儘涉遲逾即行分別參奏其各衙門咨交事件亦著照此登記檔案依限飭催如違分別辦理至各省距京道路遠近不同案情亦繁簡互異即各省案件亦多少不一其應如何分別立限酌定處分並著吏部參考舊例定議具奏○十五年

諭誠安奏將應奏未奏三案摘敘節略請旨一摺湖南民人塗正通呈控伊父被縣役唆囑誣扳窩竊酷刑拷打致斃四川民人王正明呈控伊女因妾有姦情唆使本夫毆斃滅口直隸民人王琚呈控裝載糧食赴集被人毆傷搶奪財物控呈緝賊後經縣役縱放等案皆關涉命盜情節較重著發交各該督撫提集卷證秉公審訊定議具奏此即與奏交之案無異該督撫當親加研鞠以成信讞毋得任委屬員審辦致有延玩至都察院堂官何以徑行咨交督撫並未奏聞著王集等明白回奏○又

諭本日都察院奏請飭催各省未結咨交各案一摺近年來赴京上控之案日多都察院步軍統領等衙門擇其情節較重者奏交審辦餘亦咨行各督撫審理誠以控案紛繁若該衙門概行據呈具奏不加酌覈

則與收呈接文之吏無異是以各該堂官於收呈後訊取供詞不能不稍有區別其實情重者固請旨辦理即情節稍輕咨回本省仍係按月具奏及年終又復彙奏原與奏交無別乃各省以特旨交辦之件尚不敢遲逾而於各該衙門咨交之案往往視為泛常任意積壓甚至有一省而積至數十案者有一案而數年不為審結者似此疲玩因循實為外省錮習除此次都察院所開單內未結各案著交部查明各督撫照例議處外嗣後咨行案件日久未結者著各該衙門查明彙奏或半年或一年應如何立定章程分別辦理責成該督撫隨時咨報之處著該衙門詳議具奏○十六年議准凡咨交本省之案原定兩月彙奏半年咨催應自本年春季為始定期三箇月即由都察院衙門將已屆例限各案咨催即時趕辦不得再有遲逾迨至半年如查有尚未覈結者即詳晰開單彙奏俟年終再行彙奏統計一年內咨催兩次彙奏兩次再行令各督撫每屆半年將該省先後接到咨案詳細查明其已逾例限案件省分即由該省督撫查明數目開列清單自行具奏請

旨處分。至該督撫於每屆開單具奏時分別聲明係親提事件即自請處分。若係派員轉訊之案即將承審官一併開具職名交部議處。○二十五

諭實允升奏各省京控案件請降旨不准發還一摺所

奏非是各省民人赴都察院呈控案件向來有奏聞者有咨回者有駁斥者嘉慶四年朕降旨不准駁斥以防壅閉係指案情重大而言若如賈允升所奏無論案情大小不准駁斥即不准發還則一切戶婚田土錢債細事一經京控悉皆奏咨辦理亦於政體

非宜。國家設官分職大小相維若以部院衙門理及瑣屑之務則直省地方官所司何事且近來訟風日熾使姦民臆計赴京控訴必當一概准理豈不益長刁風倍增訟獄控累株連流弊更大賈允升所請不准發還控案之處若毋庸議惟都察院向有一兩月彙奏咨案之例嗣後凡發還案件亦着存記檔冊摘敘案情一兩月彙奏一次即可防掩重為輕之弊其近京旗民控告細事劄交五城司坊審斷者仍照舊例辦理毋庸彙奏

稽察咨取直省職名限期。乾隆三十三年

諭各處查送應議職名不過開寫銜名移送過部並非難辦之事何致動輒遲延嗣後於議處本內將何日查取職名何日覆到之處詳細聲明至在外各省分均按其道里遠近以次定議儘各省有應在所屬地方轉查不能於定限內開送者即令該督撫將轉查展限若干日之處咨部覈查該部亦於本內將行查覆到日期一併聲明並知照應行稽察之內閣科道等衙門如有逾限即着據實奏欽此遵

旨議定各部院查取外省職名者將限何日到省之處該衙門於封面上註明該省以接奉部咨之日為始定限十日出文咨送如有必須行查所屬者即按轉查程途月日若干逐一扣明咨部亦將限何日到京之處於封面上註明如有逾違照事件遲延例分別議處直隸總督衙門至京三百六十里限四日熱河副都統衙門至京京四百二十里限四日察哈爾都統衙門至京四百一十里限四日山海關副都統衙門至京六百七十里限七日山東巡撫衙門至京九百六十里限九日青州副都統衙門至京一千零二

限十日歸化城副都統衙門至京一千一百二

|   |  |  |
|---|--|--|
| 十五里限十一日綏遠城將軍衙門至京一千一百二十五里限十一日河東河道總督衙門至京一千一百四十五里限十一日山西巡撫衙門至京一千二百五十里限十二日河南巡撫衙門至京一千五百四十五里限十五日 | 盛京將軍奉天府府尹衙門至京一千五百里均限十五日漕運總督江南河道總督衙門 <small>今裁</small> 至京一千九百七十五里均限二十日兩江總督江甯將軍衙門至京二千二百六十一里均限二十三日京口副都統衙門至京二千三百 | 十二里限二十三日安徽巡撫衙門至京二千五百二十六里限二十五日陝西巡撫西安將軍衙門至京二千五百五十里均限二十五日江蘇巡撫衙門至京二千六百七十里限二十七日湖廣總督湖北巡撫衙門至京二千八百二十七里均限二十八日吉林將軍衙門至京二千八百八十二里限二十九日浙江巡撫杭州將軍衙門至京三千零五十里均限三十日乍浦副都統衙門至京三千一百二十里限三十一日江西巡撫衙門至京三千一百九十六 |
|---|--|--|

|  |  |  |
|--|--|--|
| 里限三十二日荆州將軍衙門至京三千三百八十里限三十四日湖南巡撫衙門至京三千七百五十七里限三十七日黑龍江將軍衙門至京三千九百八十三里限四十四日甯夏將軍衙門至京四千零五十里限四十四日陝甘總督衙門至京四千一百十五里限四十一日涼州副都統衙門至京四千三百里限四十三日四川總督成都將軍衙門至京四千七百七十里均限四十八日閩浙總督福建巡撫福州將軍衙門至京四千七百七十五里均限四十八日 | 貴州巡撫衙門至京四千九百里限四十九日廣西巡撫衙門至京五千四百六十九里限五十五日兩廣總督廣東巡撫廣州將軍衙門至京五千五百七十里均限五十六日雲貴總督雲南巡撫衙門至京六千零二十五里均限六十日 | 稽察會議會審○雍正二年議准秋審朝審令滿漢御史各一人稽察無故不到班者題參○七年 |
|--|--|--|

諭凡會議會審九卿因有他務不能到班者仍照例行

文知會主稿衙門嗣後著令滿漢御史二人將有事不到之九卿註冊備考不必參奏至於宗人府府丞太常寺太僕寺光祿寺正卿少卿嗣後凡遇會議會審秋審之時皆令在旁觀聽使之與聞但不得參議亦不必盡題儻九卿所議未當或伊等別有所見准其密奏○又

諭嗣後八旗大臣會議者擬定時候若有事故不能到班豫先知會若逾時未至先集之大臣即便會議若無故逾時始集者著御史詢問緣由具奏毋得瞻徇○又議在八旗會議分別左右翼按旗序品列

坐如有越次不整者稽察御史通參○乾隆二年

諭凡會議之事皆係國家政務何事不應慎密議事不到之大臣官員等查班御史尚且稽查何況閒雜人等即當嚴行驅逐若謂一二御史不能查察都察院堂官現在議事班內亦有稽察之責嗣後著伊等嚴行查察不可疏縱○三年議在八旗會議大臣內有出差患病服制不得上班者均移報直月旗於并都造冊轉送御史稽察○嘉慶十二年諭給事中嚴煊奏請申定會議章程一摺據稱各衙門

於會議事件皆由主稿衙門辦就一稿送畫各處亦有俟上會議班時補畫者是第會議於畫稿之後並不議於未畫稿之先甚失委任之意等語所奏甚是大學士九卿會議事件本係慎重周諮至意近日有相習成風視為具文者朕正欲降旨訓諭即如內閣票擬刑部本章有因救父救母情切及迫於父命母命關繫服制重案等件雖先經按律定擬仍交九卿議奏九卿等議奏上時大抵皆循照例文從寬請改監候又盜案本章遇有聲明情有可原法無可貸者例應大學士等會議迨會議上時亦不過照例將情有可原者從寬請改發遣此等事件雖經大學士九卿會議實皆刑部衙門照例具稿傳送畫押如該給事中所云於會議班上令書吏將奏稿宣讀一徧殊屬有名無實朕意與其視為具文莫如酌歸簡易以上二條應如何覈實辦理之處著大學士會同刑部詳細妥議具奏至朝廷設官分職各有專司部院衙門每一處皆設有滿漢卿貳多人並有增派總理者其各該衙門應管事務原責成此數人商議善盡悉心辦理至特交大學士九卿等會議之件因事關重大誠恐本部數人識見不到謀慮未周不得不博採

秀求集思廣益。諸臣等經朕特加委任。尤應將所議之事。殫心商榷。期於政治有裨。乃積習相仍。每有會議時。不發一語。隨同畫諾。事後又以此議係他人主見。設或上千指駁。亦全不任咎。似此巧於推諉。殊非大臣任事之道。試思會議事件。如果意見相同。自可歸於一是。儻或別有所見。即應將彼此識見不同之處。詳慎折衷。即眾議不符。亦准其單銜入奏。候朕裁奪。何得意存推卸。又復退有後言。竟似與己無預。春不知其是何居心。宜該給事中有此覈實查辦之請也。但如該給事中摺內所請。欲將會議之件。定限時日。此則不可。會議事必須詳細斟酌。往返熟商。方於事理有當。若迫於期限。豈不開草率之弊乎。嗣後會議事件。務須公同面商。據實敷陳。毋得再蹈從前推諉陋習。如有預議時。專事唯諾。事後又妄生訾議。春是退退失據之人。必當重懲示儆。亦斷難逃朕洞鑒也。○二十四年議。刑部會議法司稿件。都察院大理寺。於定限五日之外。各增三日。俱以八日為限。○光緒六年定。嗣後遇有特旨交議事件。由內閣行文。都察院派滿漢御史各二員。於本日起。內閣前後大門外稽察。無論王

公大臣六部九卿翰詹科道。其護衛蘇拉跟役。轎夫等項。概不准入。違者由該御史指名奏。遇有科道與議之日。其稽察之御史。應俟諸臣散後。稽察事竣。再至內閣細問摺件。詳審妥議。

欽定大清會典事例卷一千二十

都察院

各道京察處 大計 軍政 鹽政 考覈 議  
驗看月官 監放 兵餉 錢文 監視 掣籤  
降革人員 筆帖式 考試 繕譯 驗看 因公

京察○順治十年

諭朕惟內外官員。佐理天下。外官計典。十年內已三舉。行京官殿最。亦當察覈。除吏禮侍郎及學士詹事等官。朕親行考試區別。其六部等衙門。有年老疾病不能任事。及素行不孚衆論。或才力可外任者。俱令各部堂官。自行詳察嚴覈。彙送吏部都察院同吏科河南道議奏。其通政使司大理寺太常寺太僕寺等衙門堂官。開送吏部都察院同吏科河南道察覈具奏。爾等各衙門務秉公開列。俱限五日內。即為分別。不得遲延推諉。以滋賄託。務令各衙門官員。人稱其職。以佐朕圖治至意。○十三年議准。六年考察一次。在京各衙門官屬。均聽本衙門堂官考覈。照考察格式填註考語事蹟。或賢或否。應去應留。造冊密送吏部都察院吏科河南道。再改隸會考。如將應考遺漏。不應考者。造入聽部院糾參。○又題准各部院衙門筆帖式。照有職掌官員例。一

併考察。○又題准內閣翰林院詹事府各官。少詹講讀學士左右庶子。俱令自陳。其餘各官。令部院會同大學士學士詹事府堂官一體考察。○又題准京察官員。亦聽科道糾拾。○又題准科道官內應降黜而考察遺漏者。仍令科道互相糾舉。○十五年題准。凡京察。吏部都察院吏科河南道封門閱冊。公同磨對。過堂考察畢。即行具題。○十七年議准。凡京察時。各衙門堂官不許接見屬官。吏部都察院吏科河南道門上各貼迴避字樣。不許接見賓客。如有囑託者。自行舉發。僕徇庇隱匿。聽科道糾參。○又奏准請行糾拾之法。以補甄別之所未及。內而京堂外而督撫。不拘現在丁憂告假養病。悉照京察事例。令科道各官。遇有見聞。即據實糾劾。○十八年覆准。嗣後科道糾參。係何官真知確聞者。本官即行糾參。其來員列名。概行停止。○又題准甄別京官。仍照順治十七年例。會同都察院吏科河南道考察。○康熙元年題准。四品京堂。令咨呈部院考察。唯命都御史。乾隆十三年奏在京者有考察之責。在外者係封疆大吏。令其自陳。○又

題准六科左右給事中並給事中。俱聽都給事中填註考語。又覆准三年考滿。滿漢三品衙門堂官以上。及在外督撫。俱各自陳其餘官員。應立五等考語。一等稱職者加一級。二等稱職者紀錄一次。後緣事降級。准其抵銷。辦事平常者仍留原任。辦事不及者降一級調用。不稱職者革職。以後升轉照考語次敘。一等者先用。又在京四品僉都御史。卿員。國子監祭酒。六科滿漢都給事中。中書科行人司。上林苑掌印官。並在外僉都御史銜之巡撫。任滿三年。咨送部院

覆註考語。此外各官在京者。各部院堂官註考語在外者。各督撫註考語。仍咨送部院覆註。如註考語官員徇情不公。及明知屬員俸滿不考。或地方盜案錢糧未清。冒稱考滿。及各官歷俸已滿。規避不考者。在內部院在外督撫及本官一併治罪。又

諭內外大小官員。歷俸三年考滿。視其稱職與否。即可分別去留。以示勸懲。此外又有京察大計之例。實屬故套。且考察之時。多有營求徇庇。被處之官。縱有屈抑。不准申辯。無罪被誣者甚多。今思澄肅官方。止在

實行勸懲。不在踵襲繁文。多立名色。以後官員貪酷昭著。及不能稱職者。在外督撫不時參劾。在內各衙門堂官及科道糾察。其京察大計。應行停止。內外大小官員。俱著三年考滿。考滿之時。在外責成該督撫。在內責成各衙門堂官。夫公天慎。開註事蹟考語。移送部院嚴加考察。分別去留。以昭勸懲。如開送不公。並原衙門考察之官。糾參治罪。爾部院詳議定例。以聞。四年覆准考滿已經停止。其各部院官有才力不及不稱職者。各堂官嚴察題參。如徇情故縱一併治罪。六年

諭言官若有所聞有所見。既許不時陳奏。其拾遺永行停止。又題准在京各衙門少卿以下官員。俱由各衙門開列考語。移送部院。又題准

盛京及奉天府各官。照在京官員一例考察。雍正元年議准三年考察一次。在京各衙門屬官。於雍正四年三月內。該堂官填註考語。造冊密送吏部都察院。吏科河南道詳加考察。分別去留。又定京察三年一次。在京三品以上滿漢大臣。在外督撫

盛京五部侍郎。奉天府府尹。均將三年內事蹟。過



德據實自陳。又議准

盛京五部屬官及奉天府府丞以下城內官均令該部府堂官填註考語於雍正四年三月內造冊移送吏部都察院吏科河南道照在京官例一併考察分別去留。四年奉

旨嗣後京察著大學士吏部都察院吏科河南道公同閱看著為例。又題准六科滿漢官將行過事實開列冊內送院堂官填註考語送部會同考察。又題准御史考察由院填註考語司坊官考察由本城御史填註考語送院覈定。乾隆二十

四年定京察年分內外文武三品以上大員停其自陳吏部將尚書左都御史侍郎內閣學士副都御史總督巡撫分列為二本兵部將都統副都統駐防將軍都統副都統提督總兵分別為三本繕具簡明履歷清單具題進呈候旨定奪。二十六年

諭御史呂光亨奏請京員於察典之外照外省督撫分別屬員賢否例令該堂官各行密陳一摺所見自屬近理三年舉行京察在部院大臣自無不和衷商榷詳慎甄別其是否允當亦俱在朕洞鑒之中惟是該

司員等在署服官有目共見其賢否眾著者雖有私心愛憎斷不能不為公論所屈若其意見參差又不必強同今令於循例考察外俾得各行所見以備參考不獨可以校覈人材即大臣之衡鑒公私瞭然可睹於闕門達聽之道不無裨益但摺內所稱每歲入告未免太繁應定於京察前一年舉行一次又部院官眾多主事筆帖式等以下尚在造就儲材之列可毋庸列入嗣後具摺密陳自郎中員外以上始著為例其如何酌定章程該部悉心詳議具奏。二十七年

諭葉啟豐奏部院堂官於京察前各將司員分等密陳一摺意以事屬無裨何不明請停止而乃隱躍其詞以為似應裁酌更當如何裁酌耶上年呂光亨條奏原為甄別人材立法不嫌詳備既以覈屬員政守之賢否兼可覘堂官衡鑒之公私且恐舉察時各部或因兼攝大學士及尚書一二人為政而侍郎等輒謂不能自主未免退而藉口是以教議允行昨閱各該堂官所奏仍係大同小異於察典實無所增損已欲降旨罷其事矣蓋京員辦事一堂優劣原所共見與外省情形不同無論正卿等本不敢任意自專侍郎

等亦無從爭衡高下。即使果有力能主持之大學士尚書。料侍郎等亦不過人云亦云。隨聲附和而已。儻遇同堂實有瞻徇枉撓情弊。侍郎等據實指參。豈非朕所深望而不易得者。然試問卿輩中。如恩丕彭啟豐。程景伊。觀保。張映辰輩。又何能特具卓識。起而佐其不逮乎。是密陳既不足備參稽。則公察自當一循舊制。以省繁文。至其中激揚或不能允當。待引見定奪。亦自不爽矣。所有京察前一年各堂官密陳司員賢否之例。著停止。○五十二年奏准都察院額設各道行走筆帖式。應辨繕譯事件。每月惟註銷一本。每歲惟勾到一本。該員等皆雇人代寫。並不進署詳慎覈對。及至京察之年。例由該道御史考察。礙難舉劾。出具中平考語。非三載考績之方。應交都察院堂官查辨。將所有之筆帖式儘數考驗。如其才可造就。或派令兼廳行走。或挑取別項差使。果其勤奮不懈。酌予鼓勵。其才具中平者。仍令在道行走。繁道二人。簡道一人。交該道御史留心察看。於京察之年。據實舉劾。○嘉慶五年

諭。嗣後四五品京堂及翰林院學士等官。照三品京堂

之例一體帶領引見。不必由王大臣驗看。○道光十七年奉

旨。嗣後凡京堂御史緣案降補。以及原係京職降調補官。指明以何官降補。或仍回本任。並廢員起用。捐復降捐人員。如係一體升轉。其原案內並無不勝外任及奉特旨停升者。計俸合例。俱著准其保送京察一等。並著吏部於本內將該員等原案情節。詳晰聲敘。○十九年

諭。各衙門設有筆帖式等員。賢否不一。全在該管堂司各官隨時接見。留心察看。方能考其當差之勤惰。即三年京察。出具考語。亦可覈實辦理。嗣後都察院堂上筆帖式及都事經歷。著隨時進見。左都御史左副都御史各科道筆帖式。著隨時進見。各給事中御史。以憑查覈。如查有差使懶惰等情。並著隨時甄別。○同治二年

諭。向來都察院章程。因京畿道及巡視西北兩城御史。差務較繁。京察例列一等。以致捷徑爭趨。反以升轉為迂途。陋習相沿。殊屬非是。嗣後都察院堂官。務當認真察覈。所有京畿道及巡視西北兩城科道。如果才品兼優。勤能稱職。仍准照舊保薦。其不勝繁劇者。

即當隨時奏撤。毋得以揀補在前。稍存迴護。至各科道中有品行端方。才具開展者。亦當列為上考。不必拘定成案。致令向隅也。○光緒四年

諭都察院奏請撤銷御史京察一等。並自請議處一摺。據稱抽查濫擅御史英震。才具似尚開展。因係上屆京察一等之員。此次仍列入一等。現為御史樓譽普奏。英震與樓譽普同辦一事。如果秉公持正。何致為同官揭參。且聞該御史攜帶伊子在差次居住。難保無招搖生事之處。將該員一等行文吏部撤銷等語。著照所議辦理。該衙門堂官於保薦時未經查出。均著交部議處。

大計。○順治四年定。外官大計三年一次。永為例。吏部吏科會都察院。河南道專改隸京畿道考察。○又定。計察遺漏官員。聽科道糾參。糾拾官員。與計冊賢否互異。各撫按或據開報失實。或因道路遙遠。一時不及周知。概行免究。仍著該撫按照原奏款單。虛公詳審。不得枉縱。○十年

諭科道糾拾官員。照大計例議處。如科道官挾私妄奏。聽吏部都察院題參。○又題准。科道糾拾官員下部覆覈。按八法處分。其職私有據者。提問追擬。或

有冤抑者。於督撫按處辦理。果係虛罔。准其還職。其原糾拾科道。查無挾私情弊。亦免處分。○又議准。考察處分官。果冤抑情實。許督撫按據實代奏。吏部都察院覆覈無異。即為昭雪還職。如督撫按明知誣罔。不為審理。並行議處。至本無冤抑。妄行反噬者。從重治罪。○十二年議准。大計督撫造冊三本。一送吏部。一送都察院。一送吏科。毋得參差。○又題准。科道糾拾。非奇貪異酷。必巨惡神姦。非布按兩司。必道府方面。不得苛求細節。概及有司。○十三年題准。科道糾拾。令公疏指參。以杜報復風影之弊。至所糾者。必係緊要衙門。或有關吏治刑名錢穀諸大事。不得濫及散秩摘發細故。○十五年議准。外官大計。果有奇貪大酷。令督撫按露章糾參。毋庇現任。而苛去任。毋寬大吏。而責卑官。如開報不實。聽科道糾參。○又議准。大計冊內考註優等。而科道以貪酷指參。發審有據者。該督撫一併治罪。○十八年議准。大計吏部考功司吏科河南道詳覈各官。應去應留者。照八法議處。吏部都察院堂官詳覈。如冊內賢否倒置。造報不實。

者。科道特疏糾參。○又定外任官評全憑撫按。如有賢否倒置不合公論者。聽部院堂官暨科道據實糾參。○康熙十二年定大計冊限十二月內送到。○二十五年議准督撫將屬官賢否造冊三本分送吏部都察院吏科。其布按二司所造各官賢否錢穀刑名等冊分送各部院者停止。○乾隆十九年奏准各省舉行大計。年老有疾二項向多以教職填註。應令直省督撫將佐雜等官詳加考察。其中有年老有疾之員俱據實填註不得稍為姑容。如有僅以教職數員塞責者。經吏部都察院查明即行參奏。○二十四年

諭嗣後三年計典內如有不謹浮躁等官俱著確按實蹟詳細登註不得籠統參劾以昭慎重。著為令。

軍政。○順治年間定督撫將武職賢否五年一次造冊送覈如遇展限具揭送都察院並河南道。京師改轉察覈

鹽政考覈。○順治年間定凡鹽政一年差滿將任內經徵鹽課及部院勘劄事件揭報戶部戶部會都察院並河南道。京師改轉考覈具題

議敘議處。○順治初年定宗人府吏兵二部皆有議處人員之責。至該衙門有應議處者自應交別衙門議處。○後宗人府吏部有應議處之案均交都察院辦理。兵部交吏部辦理。○乾隆三十六年議准嗣後吏部文選司司員遇有銓選等事概不准出結。如有率行出結應議處至降一級調用者改為降二級調用。○三十七年奏准吏部滿漢堂司各員遇有應行議敘之案俱將應敘職名開送都察院查辦。○四十三年

諭吏部辦理議處疏忽失入固有應得之咎。但事後尚可自行檢舉或經被議之員控辨仍可查明改正不至終於枉屈。其議處可以從輕至失出則以應行議降之人妄為議抵安知非徇情受賄高下其手久之易滋流弊不可不重其處分俾知儆惕。著另行定例具奏。欽此。遵

旨議定吏部議處官員罰俸降級之案遺漏失銷者仍照舊例辦理。至重複抵銷如係徇情受賄將應議實降之人妄為議抵另行嚴參究辦。其一時失檢重複抵銷係罰俸降級留任之案舊例罰俸一月今改為罰俸一年。係降調之案舊例亦

止罰俸一月。今改為降一級留任。至遺漏抵銷。致本員降調離任者。舊例降一級留任。今改為罰俸一年。○四十六年議准京畿道為都察院代堂辦事之員。凡本衙門議處議覆一切事件。及吏部議處議敘。俱由該道擬定具稿。遇有應行議處事件。將列名具題之京畿道一併奏。分別查議。○咸豐三年

諭都察院奏遵查具題議處司員例案一摺。嗣後凡自行查出檢舉案件。應將所得處分寬免者。無論堂司各官。均著於具題時。將應否免議之處。聲明請旨。

監放兵餉錢文。○嘉慶四年議准寶泉寶源二局。搭放兵餉錢文之曰。令稽察戶工二部御史。赴局監放。

監視掣籤。○嘉慶四年議准河南道御史。有稽察吏部之責。嗣後每月二十五日。文職月選掣籤。令該道御史赴

天安門吏部朝房。會同監掣。○又奏准援例報捐人員。該部掣籤時。由都察院奏請

欽派科道數員。赴部監掣。○五年議准武職月選掣籤。令稽察兵部御史。會同監掣。

驗看月官。○順治初年定。月選文職官。科道同九卿秉公驗看。○乾隆元年議准。凡月官內。有才品優長。知之有素。及行止不端。出身不正者。科道各據實具奏。○十七年奏准。嗣後驗看月官。開列掌科學道職名。恭候

簡命一二人。隨簡命之九卿。公同驗看。儻有瞻徇。即行陳奏。○十九年奏准。直省選拔貢生。

朝考取入一二等者。照驗看月官之例。開列滿漢九卿及掌印給事中。御史等職名。移送禮部。奏

請

簡命。公同揀選。五十五○四十一年

諭朕向來駐蹕熱河。所有月選文武各員。令該堂官帶至行在引見。如遇巡幸各省。則月選之文員。通判州縣等官。武員。驍騎校。千總等官。即令留京辦事。王大臣。驗放。不使選員久藉旅食。所以示體恤也。第五大臣。驗放。除照九卿等所驗衰頹者。照例改教外。並未見有所更調。固屬不敢擅專之意。但缺之繁簡。不同。人之能否不一。若人地或不相宜。當官即不免於叢。是以朕於月官引見時。每慎重甄覈。如有年力強

壯人尚明白。而掣得簡缺者。亦有人本平庸。茲復就  
 衰而掣得繁缺者。必得斟酌對調。以協量才授官之  
 意。從不肯以輕心掉之。今王大臣於驗看月官。惟恐  
 更調易招物議。遂為依樣葫蘆。僥用違其才。於吏治  
 未為有益。是避嫌事小。誤公事大。不可不權其輕重  
 也。嗣後王大臣等驗看月官。見有人缺不相當者。即  
 為悉心商榷。酌擬對調。仍令派出之九卿科道覆看。  
 如意見相同。所擬自屬公當。即一體聯銜具奏。請旨  
 遵行。若九卿科道中。或有言所擬尚有未允協者。著  
 吏部將所言之人記名。並將擬調之員扣存。候朕回  
 鑾後。引見定奪。如擬調果未愜當。則留京辦事。王大  
 臣自難辭咎。若所擬本屬不爽。而一二人意獨參差。  
 即難保其無懷私偏徇之弊。惟於異議之人。是問其  
 武職內有應分別營衛者。亦一併酌量妥辦。即自此  
 次巡幸山東為始。著為令。○五十二年議准。嗣後大  
 挑舉人。照驗看月選官員例。派滿漢御史各二  
 員。稽察監視。若挑選不公。即指名參劾。  
 驗看孝廉方正。○乾隆元年議准。各省欽奉  
 恩詔。保舉孝廉方正。督撫嚴實保題。給以六品頂戴  
 榮身。如其中果有德行才識兼優。堪備召用者。

准該督撫出具切實考語。破格保薦。給咨赴部。  
 會同九卿翰詹科道公同驗看。如眾論相符。引  
 見候  
 旨簡用。  
 驗看因公降革人員。○雍正十三年  
 諭。在京筆帖式驍騎校以下等官。應去應留者。若一概  
 引見。未免太繁。著該管官出具考語。分別去留之後。  
 都察院秉公驗看。若去留允當。即行奏明。若將應去  
 者議留。應留者議去。或人材可用。或在行間曾出格  
 效力者。著都察院堂官。將情由聲明引見。○乾隆元  
 年  
 諭。聞各省被參人員。在爾衙門具呈者甚多。辦理頗難。  
 夫參革之員。許其呈訴者。惟恐下有冤抑難申之處。  
 或其中不無有可用之才。然不可長刀風而開傲幸  
 之門也。爾等惟慎加分別。果係事屬因公。審無賊私  
 者。驗看其才力可用。奏聞引見。其因私事被參。或審  
 有贓罪者。不得准理。至階級崇卑。亦宜定有界限。文  
 官自知縣以上。武官自守備以上。方許查奏。其佐雜  
 微員。不得妄行呈訴。○四年議准。在京部院司官。暨  
 八旗武職。因公降革者。該管官即將該員降革

之案確實查明咨送到院秉公察覈送回各該處非係因公者毋庸引

見果係因公者該管官出具考語自行帶領引

見再在京巡捕營之參將遊擊守備等官照在京八

旗武職例辦理外省駐防武職已經歸旗者照

在京文職例辦理○十二年

諭各省文武官弁有因公註誤部議降調係該員應得

之處分部覆時酌其情節或令該督撫出具考語送

部引見的量錄用已屬格外之恩至於降旨依議降

調之人自應照所降之級赴部候補乃又有送都察

院考覈引見之例此等人員有因原參督撫所出考

語平常遲至數年俟督撫離任始行赴部更有降調

時並不請咨赴部及督撫屢更復以無憑出具考語

呈請引見者既滋弊竇且事屬重複大抵為政貴簡

而得要例愈繁而弊愈多嗣後著停止其在京文武

官並旗員及各省駐防人員因公降革有令該堂官

該旗大臣出具考語引見者又有送都察院考覈之

例亦覺繁多不免啟趨避之途其如何刪繁就簡酌

中定例著大學士九卿八旗都統詳議具奏欽此遵

旨議定屬官之優劣惟該堂官該旗都統知之最悉定

旨議定屬官之優劣惟該堂官該旗都統知之最悉定

例既許該管官出具考語引

見自毋庸咨送都察院察覈嗣後在京部院司官及

五城正指揮等官並旗員各省駐防官巡捕營

參將遊擊守備因公註誤至於降革者其中如

有辦事勤練人材可用任內並無錢糧不清及

治罪之案該管大員會同都察院詳覈如果應

引

見交與該管大員出具切實考語保奏引

見其各省駐防官員著咨送該旗引

見應否去留候

旨定奪

筆帖式考試繙譯○雍正十一年議准都察院

筆帖式每月或以

上諭或以揭帖為題該堂官酌量令其繙譯分別等

第以示懲勸並交與各道御史察其勤惰如有

託故不進署及不實心學習者該堂官參處○

乾隆五十二年奏准嗣後各道俱設立考勤簿

一本筆帖式入署先赴各道眼同御史畫到如

有應辦事件即行辦理如無應辦事件仍赴兩

廳隨同廳員辦事○道光十年





缺出時。如現任人員。未克調補。應先儘揀發委用在城正途出身人員揀補。如正途出身無人始准於在城各項出身人員內揀補。至借揀各員。俟揀發到城後。仍令該員每月赴部投供。原班到班。照例銓選。其由正從九品借揀。毋庸赴部投供各員。如該員原班輪選到班。亦仍按班銓選。如遇西北二城缺出。應將借揀之員揀補時。適同月該員等原班輪選到班。仍先儘原班選用。其該城應行揀補之缺。即令另行揀員請補。○十二年奏准。嗣後西北二城司坊官員。有經該城甄別改簡者。開缺咨部。歸於實積簡缺。正班揀補。二缺後補用。有自行呈請改簡者。開缺咨部。歸於實積簡缺。正班揀補。三缺後補用。俟揀補到城。仍先令試署。由該城察看一年期滿。如果勝任。出具考語。咨部實授。如不勝任。即行參撤。

司坊官俸滿保題。○康熙五十七年覆准。五城司坊官。如有聲名不好者。由院不時參劾處分。其食俸已滿三年。果有操守清廉辦事勤敏並無事故者。聽五城御史註明事實。呈堂容覈。薦

舉。○乾隆三年議准。司坊官如一年限內。所轄地方。竊賊稀少。或竊賊雖多。緝獲過半者。准其記功。遇保題之時。即開明保奏。如年內竊賊甚多。緝獲不能過半者。分別記過。○七年議准。司坊官能獲別城竊犯至三案以上者。照本城緝獲竊案之例。量予記功。○十二年諭。京師為五方雜處之地。查擊匪竊。原以肅清輦轂。考校自應較嚴。但地廣人稠。姦良莫辨。其躡緝之案甚多。若定例過嚴。則司坊官動罹參處。永無上進之階。其作何定例。使寬嚴得中。著妥議具奏。欽此。遵

旨議定。嗣後司坊官三年俸滿。有堪保薦者。將該員三年任內。事主被竊未報。當經捕役躡獲賊賊。有據之案。入於承緝。已未獲各案內通算。獲賊過半者。准其保題。不能過半者。仍行記過。不准保題。如該員記過之後。果能實心訪緝。獲賊有功。即將記過之案註銷。再行覈明保題。○十八年奏准。五城司坊官。到任已滿三年。果係辦事勤謹。才能練達之員。該城御史出具切實考語。送院覈實。移咨吏部引

見奉

旨後。查其降革留任之案。原係因公者。准其一例升用。其降革留任之案。帶於新任。扣滿年限。別請開復。○二十七年奏。五城司坊缺。西北兩城最繁。南城東城次簡。中城最簡。各官才具不齊。履任新舊亦異。恐人地未能相宜。請照直省州縣調繁之例。嗣後遇有西北兩城司坊缺出。即於中東南三城揀選調補。所遺之缺。歸部銓選。奉旨。此奏原為人地相宜起見。自屬可行。第西北兩城之缺。既由各城揀調。則揀調所贖之員。勢必仍歸中東南各城。將來再遇西北兩城揀調時。此等人員。若復以充選。是自相矛盾矣。現在各城司坊官。准都察院堂官等詳慎揀擇。奏明調用西北兩城外。其挑贖之員。作何存記。不令再揀西北兩城缺。並中東南各城於新補人員內。如有妥協選用不致兩妨之處。著悉心定擬具奏。欽此。遵

旨議奏。中東南三城司坊官。未經揀調之員。遇西北兩城缺出。准其調補。其業經調簡者。都察院存記檔案。不准再調繁缺。如無可調之員。咨部於對品候補人員內揀選引見。至俸滿候升。向例五城俱以三年報滿。今既分繁

簡。除西北兩城照舊辦理外。其餘三城。均改為五年報滿。○二十八年題准。中東南三城司坊。每項止有三缺。而應調之西北二城。轉有二缺。除調簡之員。不准再調。實不敷揀選。嗣後西北兩城司坊缺出。仍歸部選。毋庸於中東南三城司坊官內揀選調補。至各城事件。雖稍有多寡。其實大致無殊。亦不必分別繁簡。其升轉仍照舊例。統以三年俸滿。覈其事實。保題升用。○三十一年議准。五城司坊官。係照例升轉之員。應升班次。在各省即升人員之末。即升無人。方將該員等升用。稍覺壅滯。嗣後先用即升五人。次用照例升轉一人。輪缺間用。以示鼓勵。○三十七年奏准。五城吏目俸滿。以引

見奉旨之日起。均以該員應得之缺。歸雙月升選十缺之後升用。○嘉慶十四年議准。嗣後現任五城司坊官員。告病開缺。俟病痊後。亦照外官之例。以原城員缺坐補。毋庸扣滿一年之限。該員職司地方一切命盜案件。例有展限。俸滿後。毋庸令其離任候升。○光緒五年議准。五城司坊

官員如遇輪用應補無人。例應抵補亦無人。正指揮則於對品之候選通判正途出身並應升之候選知縣進士出身者揀選。副指揮將候選州同正途出身者揀選一次。候選知縣舉人出身者揀選一次。教習期滿各項議敘由舉人出身之候選知縣揀選一次。吏目缺出先儘應補正從九品內之廩增附生出身人員揀選。其正副指揮吏目由別項人員抵補借補者俸滿保薦應升。於雙月照例升轉。到班時將抵補借補者先行升用一人。不積正班之缺。應由都察院

堂官。責成五城科道認真查察。如有不能得力及不自檢束者。即分別撤任參辦。

司坊官獲犯保題。嘉慶二十一年

諭。京外承緝衙門。如所獲實係真正要犯。知恩獎擢。原所以示鼓勵。若所獲並非正犯。其督緝上司。張皇入奏。經刑部審出虛誣。豈可令其濫邀恩獎。嗣後京外各衙門拿獲要犯。均於審訊明確後。方准懇恩。既不得先行奏請鼓勵。以杜冒濫。道光十三年定。五城司坊各官。拿獲外來潛匿逃犯。俟交還斬絞立決。並請

旨即行正法者。准其送部引見候

旨升用。係斬絞監候人犯。每一名加一級。係軍流遣罪人犯。每一名紀錄二次。徒罪人犯。每一名紀錄一次。如並非外來潛匿。止係別城命盜案內。及前官任內未獲之逃犯。俱仍照向例。每名紀錄一次。統俟刑部覈覆罪名。知照到日。吏部再行覈辦。又定。司坊各官拿獲逃盜要犯。均由都察院確實聲明該員任內有無承緝未獲要案。咨報吏部。酌覈辦理。又

諭。嗣後凡有拿獲鄰境要犯之員。必確覈本任緝捕並無未獲之案。方准酌請鼓勵。仍於摺內隨案聲明。倘將本任緝捕漏不敘入。即係違例保奏。著該部概行議駁。並將該御史議處。又

諭。御史周開麒奏五城近日保舉過多。請防濫冒一摺。近日五城屢以司坊官拿獲鄰境要犯。奏請鼓勵。且有一員而疊邀薦刺者。各該員本任緝捕。自必勤能。方有餘力留心鄰境。若如該御史所奏。查覈五城緝捕之案。報獲寥寥。聞有緝獲。不過贓物細微。藉以塞責。其贓數較多。情節較重者。迄無偵獲。是各坊官本

任緝捕。疏縱甚多。豈有才優於事越境留心之理。即使果能越境留心。而職任廢弛。即不得稱為能事。似此本任之案。不能弋獲。而拏獲鄰境要犯數名。即可傲幸保舉。溢邀甄敘。若司坊各官。相率效尤。舍己芸人。於本任職司。轉多曠廢。殊非整飭捕務之道。嗣後五城御史。務當恪遵前旨。凡有拏獲鄰境要犯之員。必確覈本任並無未獲之案。方准酌請鼓勵。仍於摺內隨案聲明。儘將本任緝捕漏不敘入。即係違例保奏。著該部概行議駁。並將該御史議處。以昭覈實而杜冒濫。○又

諭。近來各城保奏各坊官拏獲鄰境逸犯。請加鼓勵者。多係揀發之員。而實缺人員。獲犯者甚屬寥寥。是各坊官候補之時。留心緝捕。專為冀圖補缺地步。一經補授實缺。即志滿意得。不復巡防。於本任捕務。反多疏懈。安望其留心鄰境耶。嗣後著都察院堂官等。嚴飭各司坊官。務須勤加巡緝。揀發之員。固當認真緝捕。實缺人員。尤當實力巡查。盡心捕務。不得以業經補缺。意存鬆懈。僅有始勤終怠。即著據實嚴參。毋稍徇隱。○咸豐三年

諭。近年以來。重案疊出。而破獲甚屬寥寥。在本任之員。

或限於地面。耳目未周。鄰境各員。又因承緝有案。不能奏邀獎敘。牽制觀望。亦所不免。嗣後五城司坊各官。遇有拏獲鄰境要犯。仍准該御史等隨案聲請鼓勵。其本任承緝應得處分。照例各歸本案開參。毋庸於摺內聲敘。該御史等務當嚴飭所屬。不分畛域。一體查拏。毋稍徇隱。

獄。○康熙十二年議准。各省刑名事件。協道御史與掌道御史。一同稽覈。○十七年議准。各省由三法司覈擬事件。各具揭帖二通。一揭送院。一揭送該道。○二十七年議准。外省揭帖到

日。御史豫看全招。俟三法司覈擬

旨下。會議定稿。如有情節不符。許別議。○三十一年定。凡外藩地方命盜案件。理藩院會同三法司覈議具題。○雍正二年議准。刑部應會三法司畫題案件。將稿面鈐蓋司印。註明緣由。移送法司衙門畫題。限十日內。亦用印文送回。如稿內有酌議改易之處。限五日內。即將應酌議改易之處。用印文聲明緣由。送回刑部察覈定擬。刑部仍用印文。將應否改易之處聲明。再送法司衙門。○十一年議准。凡引用律例。務必情罪相

符。如律內數事共一條。全引恐有不合者。仍聽止引所犯本罪。若一條止斷一事。不得任意刪改。以致罪有出入。至律例無可引用。援引別條比附者。應令刑部會同院寺公同議定罪名。於疏內聲明律無正條。今比照某律某例科斷。或比照某律某例加一等減一等科斷。詳細奏明。恭候

欽定。至都察院大理寺同為法司。嗣後凡應法司會議者。刑部引律不確。院寺即行查明律例改正。院寺駁改未允。三法司堂官會同妥議。如院寺扶同蒙混。或草率疏忽。別經發覺。將院寺官一併議處。○乾隆六年

諭。兩議之事。聞或一二人意見不同則可。乃三法司本屬一體。而與刑部判然兩議。將來一衙門立一意見。甚有關繫。著訓諭知之。○又奏准。凡三法司擬擬之案。動輒兩議。沿習成風。關係匪小。嗣後三法司擬擬事件。刑部定稿。移送畫題。如遇有院寺見以為應酌改者。移知刑部。刑部即速定期。移知院寺。齊赴刑部。公同面議。主稿者不得狃成見而不移。會稿者不得逞私心而自用。務期細繹

案情。詳擬律例。各秉虛公。畫一定擬。○十一年奏准。近來法司衙門會擬之案。有兩議並陳者。主稿衙門。或又夾片申明前議之是。指駁後議之非。有關政體。實非淺鮮。嗣後會議之案。開有同異。務於進本之前。平心商榷。期於允。儘必不能畫一。則兩議並陳。靜候

上裁。不得夾片豫為申說。○十八年

諭。獄重案。敕交三法司擬。原期詳慎。以昭平允。其事屬眾議僉同。固成信讞。如或迹涉兩是。有一二人不能盡歸畫一者。自不妨各據所見。候旨酌奪。向來原未定有不准兩議之例。夫獄一成而不變。案情例意。推校不憚周詳。要歸一是而已。固不得逞其偏見。攘臂相爭。而避立異之名。苟且附和。亦豈國家設官集議之本意。且懦點者流。轉得藉口為萬目無算。嗣後三法司擬擬重案。如有一二人意見不能相同者。原可兩議具題。但不得合部合院各成一稿。朕欽恤庶獄。不厭博諮。諸臣亦當悉祛成見。勵乃堦共。○嘉慶十八年議准。嗣後五城及步軍統領衙門。審理案件。如戶婚田土錢債細事。並拏獲竊盜。賭博。以及一切尋常訟案。審明罪止。枷杖笞

責者。照例自行完結。其旗民詞訟。各該衙門均先詳審確情。如果應得罪名。在徒流以上者。方准送部審辦。並將案犯實非答責可了。未便率結之故。於奏咨內切實聲敘。不得濫行送部。若將不應送部之案。率意送部者。除將原案駁回。仍據實奏參。若例應送部之案。而自行審結。亦即查參覈辦。○十九年

諭。步軍統領順天府五城各飭所屬。凡遇詞訟到官。除原被告及緊要證佐外。毋得率據所控。徧行提質。僅有姦胥蠹役。私拷橫索。藐法殃民。立即懲辦。尤當嚴拏訟棍。寘之重典。其各實力奉行勿忽。○二十四年

諭。嗣後宗室事犯到案。無論承審者何官。俱先將宗室摘去頂戴。與平民一體長跪。聽候審訊。俟結案時。如實係無干。仍奏明給還頂戴。○道光十二年

諭。京外大小詞訟。虛實攸關。自應悉心研鞠。以期無枉無縱。其原被干證。不能不提同質訊。至無干牽連之人。於案情無甚關涉者。若任書差紛紛傳禁。必致輾轉拖累。實為閭閻之害。著刑部步軍統領順天府五城及各直省督撫。嚴飭屬員。凡遇審理案件。如有干連之人。無關緊要者。不得任意傳訊。如已傳到案。速

即審結。俾省累擾。而免淹滯。○光緒二年。總理各國事務衙門咨准。中國各口。審斷交涉案件。兩國法律既有不同。止能視被告者為何國之人。即赴何國官員處控告。原告為何國之人。其本國官員。止可赴承審官員處觀審。僅觀審之員。以為辦理未妥。可以逐細辯論。庶保各無向隅。各按本國法律審斷。兩國官員。均當遵守。所有五城察院。一體查照辦理。

會審。○順治十年題准。刑部審擬人犯。有犯罪至死者。亦有犯罪不至死者。若概經三法司擬議。恐於典例不合。嗣後凡犯罪至死者。刑部會同院寺覆覈。○又定。凡審擬死罪。議同者合具看語。不同者各具看語奏

聞。○十五年議准。御史理刑。是其職掌。凡人命重情。舊例刑部鈔招分送先閱。文移往來。虛費日月。且事不同審。稿不面議。豈能得平。嗣後凡奉旨三法司覈擬事件。御史會同部寺面審同議。○康熙二十七年議准。凡會審重案。刑部即將原供送該道看閱。○三十一年題准。凡關繫人命事件。照熱審之例。三法司公同會審一次具題。○

雍正二年

諭。楊纘緒田嘉毅俱有言職。風聞事件。尚許奏聞。焦宏勳一案。三法司堂官俱已畫題。若議罪之處。與伊等意見不合。即應另行啟奏。伊等既不畫題。又不啟奏。非欲沽名。即係徇私。爾等傳諭楊纘緒田嘉毅。令其明白回奏。此案既有御史二人不肯畫題。該部不行聲明。亦屬不合。嗣後凡會稿事件。如有不肯畫題者。爾部即行聲明具奏。○三年議准。凡會審事件。刑部移會到日。該道滿漢御史各一人到部。會同承辦。司官取供。都御史一人。會刑部堂官錄供定稿。刑部堂官畫題。續送院畫題。若有兩議。五日內繕稿送部。一併具題。○乾隆五十年

諭。御史胡翹元奏查覈本道刑名事件。有江蘇如皋縣民孫如傑用友孫傷徐三兩眼致斃一案。細覈情節。似與故殺無異。該撫將孫如傑擬以絞監候。未為信讞。請旨將此案駁回。交該撫訊明定擬一摺。各道御史。遇有刑名會稿。原應悉心檢閱。其中果有情節未真罪名失當之案。不妨於定稿送會時。嚴商刑部。秉公擬議。或刑部執持原擬。不肯改駁。該御史原可專摺入奏。今胡翹元摺內。並未將刑部如何議覆。該御

史曾否嚴商之處。逐細聲明。止稱該撫所擬罪名。雖屬按律定擬。其中恐有別項情節等語。竟似該撫題本一到。該御史即率行入奏。希圖見長。試思各省刑名案件。刑部與都察院會稿甚多。若各道御史俱如此紛紛入奏。尚復成何政體。且如該御史所稱孫如傑因與徐三爭修補鍋起釁。將石灰抹傷徐三兩眼。越數日即行身死。其情節究非故殺。擬以絞監候。入於本年秋審情實。已足蔽辜。亦再無可從重矣。胡翹元此奏。不過欲見好求升之意。何關明強。原摺著發還。

熱審 ○順治八年

諭。朕於本月初六日親覽奏章。巡撫遲日益為原叅。刑州府推官劉祖生招罪內。稱祖生病故。已伏冥誅。思及天下之大。罪囚之斃於囹圄者。不知若干人。或死於疾病。或死於飢餓。或死於刑拷。甚至於有死於官卒之虐害。囚徒之陰謀。諸如此類。未可悉數。朕心為之惻然。是在府州縣良有司。濟以醫藥。給以口糧。非刑有禁。陵虐有禁。內外交通。毒謀陰害有禁。督撫巡按。時時申飭。該道府親為清查。該州縣有犯前弊者。分別參處。庶獄囚伏法而死者。罪屬應得。其餘不致

無故而枉死。用昭朝廷立法之仁。方今時候向熱。連日不雨。前代常有熱審之例。刑部可通察刑獄。五城司坊順天府京縣各察監犯之無干牽連者。即日釋放。笞杖流徒。次第減免。有罪情可矜疑者。奏請定奪。仰合

上天好生之德。○十八年題准。凡遇熱審。刑部會院寺官公審。○雍正元年議准。凡軍流徒罪。並於人犯軍流徒罪折枷者。概不准減等。其犯枷杖等輕罪人犯。會同三法司。仍照例減等發落。笞罪寬免。至部內現審案件。審明減等。十日一次彙

題。其人犯皆交該旗該地方官暫行保釋。俟六月終送部發落。如斬絞重犯內。或有情罪可矜可疑者。刑部會同院寺。別行請

旨。儀內外獄衙門。有故意遲延。恣行姦弊。或妄為巧脫人犯者。除本犯不准減等外。將賣緣作弊之官吏。嚴加治罪。

秋審  
朝審。○順治十五年  
諭三法司。向來監候重犯。皆擬秋後處決。在京監候者。必經朝審。其中有應即行處決。有矜疑及仍監候者。

俱奏明候旨定奪。在外監候各犯。雖有御史審決。其中即有可矜可疑。及尚可緩決者。未經奏明。恐有冤抑。人命至重。內外宜同一例。爾等即將在外秋後審擬重犯。凡應監候者。著俱分別秋後處決及監候絞決兩等具奏。○雍正十二年奏准。凡案內有不應如原擬罪名者。會議官各據所見摘出。別錄一單。開列罪犯姓名。註明作何改擬字樣。交與稽察之御史查看。○乾隆十四年奏准。嗣後秋審朝審時。除掌道御史照舊與審外。其餘御史。遇審某省。即令某道御史一同上班與審。

朝審。令河南道今京道御史上班與審。○二十四年奏准。將秋審

朝審九卿會審清字招冊刪除。以歸簡要。○二十六年覆准。各省秋審本揭。如係新事。初次入秋審者。照舊備敘案內。確加看語。以憑會覈。其舊事緩決三次者。止敘案由。未及三次者。摘敘簡明略節。依次彙為一本具題。俱不必敘入問供。以省繁冗。至九卿會審時。有已經緩決三次者。不必重複備冊分送。其官犯及朝審案犯。雖緩決三次以上。仍照舊例辦理。○二



十八年奉准。嗣後秋審屆期。刑部將各省招冊。於十五日以前。即分送各衙門。俾得從容繕閱。克單乃心。庶獄獄益昭慎重。○三十二年奉准。節年秋審。

朝審時。欽奉

諭旨。於應入情實案件。

訓示精詳。原為辦理秋審章程。俾司憲諸臣。共知遵守。

應將

諭旨內。有關繫秋審

朝審恭纂為例者。俱歸入歷年秋審所奉

上諭內。照向例於每年秋審前刷印成冊。分頒九卿科

道。一體欽遵。○三十四年奉准。秋審官常各犯

招冊。止將本年新事分送會審。其舊事已入緩

決者。毋庸再行刷印。

朝審案犯。亦照秋審之例辦理。○四十三年議准。

嗣後直省情實重犯。遇有病故者。一體知照都

察院大理寺衙門存案。刑部仍於各省題咨到

日。移會法司查照覆對。○五十五年

諭。本年屆朕八旬壽辰。自當照例將秋朝審情實人犯。

加恩停其勾決。但其中有情罪重大者。如糾眾聚匪。

奪犯傷差。妖言惑眾。逞兇殘殺。並官員侵漁帑項。勒

斂民財之類。非殘忍不法。即有關於民俗官方。予以

監候。已屬法外之仁。使更久稽顯戮。不特死者含冤

莫釋。而秀民姦吏。日遠漸忘。非所以肅刑章而昭炯

戒。朕矜慎庶獄。不厭詳推。所有此次刑部另開情重

各犯。仍著會同九卿科道。和衷覆覈。懷有情節尚可

緩至明年者。九卿科道等不妨切實指出。籤商。獄獄

大典。在常時尚宜詳慎。況際此行慶施惠之時乎。○

嘉慶七年

諭。秋審冊籍。著該部飭司於秋朝審上班數日前。分送

大學士九卿科道等。以便伊等細心研勘。用昭詳慎。

○十二年

諭。向來辦理刑名案件。由該部審明後。會同法司覆審

定擬罪名。及至朝審時。復令九卿科道等集議。委無

絲毫疑竇。情罪允當。始定爰書。由本道御史三覆奏。

始題請勾到。而罪囚有臨刑呼冤者。仍准覆加鞠訊。

原以綜理庶獄。不厭精詳。於明罰教法之中。寓矜慎

欽恤之意。立法至為周備。昨朝審勾到。據監刑侍郎

廣興等具奏。絞犯鍾寬於臨刑時極口呼冤。據供並

無扶鸞收徒情事。前係番役誣賴。在部亦未盡供。是

以未將該犯處決。奏聞請旨等語。朕以該犯既心未折服。或案情竟未確實。不可不覆加研鞠。當經特派未經審辦此案之大學士慶桂等詳細提訊。如該犯所供屬實。自當昭雪其冤。並將原審及妄擊官役參奏懲治。僅係妄供狡展。即當加重治罪。茲據慶桂等奏。提集犯證逐一研訊。審明該犯扶鸞傳呪。並姦拐葛氏。詭取法名。葛氏之子官兒。年甫十三。所習呪語。尚能記誦。並稱該犯為師祖。其乩架符呪等件。該犯妻妾供證確鑿。從前步軍統領衙門並未妄擊。該犯在部時。自行手印供詞。質之同監人犯。並無按指印模之事。是該犯擬絞于勾。本屬情真罪當。且於法司會審。及九卿等朝審時。俱俯首認罪。並無一言。及至綁赴市曹。忽鳴冤抑。是其挾詐逞刁。止圖苟延旦夕。國家法囚重典。執法懲姦。與眾共棄。乃以毫無屈抑。輒敢肆意呼冤。妄希狡展。實出情理之外。若似此紛紛效尤。尚復成何政體。自應加等懲辦。以昭炯戒。今慶桂等議請將該犯改為斬立決。應如所議辦理。鐘寬一犯。著先重責四十板。即行正法。仍派廣興奏馮前往監視行刑。並著對眾宣示。以該犯鐘寬所犯罪狀。如止係姦拐。其罪尚不至死。原以該犯在鞫。鼓之

下。假託扶鸞念呪。惑眾傳徒。刑部照左道惑人為首律。問擬絞候。入於本年秋審情實。至朝審勾到日。覈其情節。法無可逭。是以予勾。該犯又於綁赴市曹後。極口呼冤。經特派大臣覆訊。案情確鑿。與原供無異。該犯居心狡詐。妄希倖免刑誅。並非真有冤抑。因加重改擬斬決。並先重責四十板。立正典刑。特明白宣諭。俾眾人共見共聞。平日各知守分畏法。若身罹刑憲。非詭辭狡展。可以倖逃也。朕聞朝審漸成具文。九卿科道亦未必全到。即全到亦不發一言。若有一人駁改一案者。羣起而攻。目為多事。此習至惡。各宜痛改。毋負國恩而虛大典。朕非喜多事之人。但深恨模稜之輩耳。嗣後內外問刑各衙門。益當思人命至重。雖至獄成處決時。苟稍涉疑實。當必為之推鞠。斷不肯稍有屈抑。當承審重案之初。即應倍加詳慎。務令罪人心口帖服。方為信獄。設再遇有臨刑呼冤之犯。仍應奏明。重加詳勘。果有虛益之冤。必立為申雪。將原審官照例懲治。如係姦誣之徒。罰當其辜。而妄行翻異。冀延顯戮。亦必照此加等治罪。以懲刁頑。○二十一年

諭。御史孫世昌奏請將秋朝審冊籍。早送詳閱一摺。秋

獄大典。與議各員。自宜悉心詳覈。每年九卿科道所閱招冊。刑部於七月二十後始行分送。距上班之期。止三四日。未免稍促。嗣後刑部堂議。着較向來移前數日。其招冊亦可趕早分送。俾得從容覈閱。以昭詳慎。○二十四年

諭。御史張元模奏刑部分送招冊日期。請議添數日。一摺。刑部辦理各省招冊。於秋朝審前十日。咨送九卿科道等衙門。原議日期。已敷履勘。茲據該御史奏刑部咨文於十日前送到。其分送招冊。不能盡符十日之限。着刑部遵照原定限期。務將咨文招冊。一併趕早分送。俾各衙門得以悉心校勘。以昭慎重。○道光五年

諭。御史萬方雍奏請教刑部將辦理秋審改擬情實緩決等案出語。豫行知照九卿詹事科道一摺。所奏甚是。嗣後着刑部將議定改擬各案看語。彙齊繕刻。於會議上班前五日。分送九卿詹事科道。俾豫行查對。招冊案情。是否改擬允協。會議時得各據所見。以重刑獄而昭覈實。○咸豐九年

諭。前因成琦奏朝審冊內。浙江絞犯張汰聰謀殺胞弟張汰訓。並呂鳳儀謀殺伊妻張氏各一案。覈其情節。

應由緩改實。當降旨交都察院主稿。會同刑部大理寺覆覈具奏。嗣據該堂官等覆奏。於兩案情節。均有含混。不免迴護。刑部堂司各官處分。復經詳悉批示。特派惠親王載垣會同都察院堂官。再為悉心定擬。覆覈具奏。茲據惠親王等奏稱。張汰聰謀殺胞弟張汰訓身死一案。義絕情慘。無可原宥。其呂鳳儀謀殺伊妻張氏一案。挾恨謀殺。情節慘忍。亦屬法無可寬。請將張汰聰呂鳳儀二犯。改入情實。所議均屬允當。浙江絞犯張汰聰呂鳳儀均着歸入本年情實。即行處絞。所有辦理錯誤之原省應議各員。並覆覈此兩案之刑部大理寺各員。並刑部司員。均着查取職名。交部議處。○又

諭。前因惠親王等奏秋審案內。實緩參差。請嚴定中外處分等語。又給事中包煒條陳秋審失出處分。定擬章程一摺。先後降旨。交惠親王載垣會同吏部。歸併妥議章程具奏。茲據奏詳查例案。分別各條。開單呈覽。秋獄大典。中外司刑各衙門。均宜虛衷詳覈。期於無枉無縱。外省錯擬實緩罪名。既有處分專條。刑部為刑名總匯之區。向例未有處分明文。不足以昭儆惕。自應比照外省。酌定章程。分別處分。所請酌加外

省秋審失入處分。並於起數多寡之中。分別幾案定擬失出處分。及刑部自行審理案件。與覈議各省秋審案件失出失入處分。均如所議辦理。至都察院大理寺。於各省案犯具題到部。止係會覈罪名。其歸入秋審。分別實錄。專由刑部定議。該衙門於朝審時。僅與各衙門公同覆勘。自應免其處分。所有片奏請嗣後刑部定擬秋審實錄。會同都察院大理寺覈擬。如有錯擬。由部議處之處。著毋庸議。○光緒五年

諭。秋審咨送招冊。向有定限。嗣後秋審屆期。著刑部恪遵定限。於上班十五日以前。將招冊咨送各衙門。以符舊制。

巡視監獄。○雍正十二年奏准。刑部南北二監。皆係重犯。無論貧富。務使一例辦理。並交與都察院委滿漢御史各一人。前往稽察。如有苦樂不均等弊。即行題參。將提牢司獄等官議處。獄卒立擊嚴究。○又議准。刑部南北二監。十五道御史按月輪流差委稽察。仍於月終將所委御史知照刑部。轉飭司獄。將羈禁人犯。造具花名清冊。送該御史稽察。○乾隆九年議准。各旗門監。照稽察南北監之例。每月令滿漢御史前往

稽察。如有弁兵陵逼營私者。即行參究治罪。○道光十九年

諭。御史陳光亨奏請嚴禁獄卒番役惡習一摺。獄卒陵虐人犯。例禁甚嚴。若如所奏。近來刑部收監之犯。有罪尚未定而不免破家者。有身或無辜而幾至斃命者。需索陵虐。悍然不顧。必應嚴行禁止。著刑部堂官責成提牢司獄各員。嚴行約束。總期有犯必懲。毋任藉端肆虐。仍著查監御史。隨時細心查察。倘有前項情弊。即將管獄各員。一併參處。○光緒十二年議准。嗣後宗人府空室。仿照刑部查監章程。每月由

都察院派滿漢御史二員。前往空室處。將現禁宗室。按名點驗。僅有人數不符。及應鎖柙不鎖柙等弊。立時具摺參奏。

○乾隆十四年

諭。向來勾到本章。皆係新資御史承辦。此相沿陋例。初無意義。不過備員塞責。非所以肅政典也。今既分定十五道。各有專職。自應分省辦理。嗣後凡遇勾到某省本章。即著某道御史承辦。近經去其冗複。本章已簡。其令該御史悉心詳對。設有魚魯。則各歸御史。其朝審令河南道今東道專辦。○又

諭。朕因刑科三覆奏之例。各省奏牘繁多。迫於時日。轉致不能詳覽。徒事具文。已命簡去二覆。以從務實。今思勾決之時。朕詳閱招冊。反覆斟酌辯論。大學士在朕前。一面秉筆代勾。一面聽受諭旨。雖殿廷咫尺。自不至有舛誤。但多經一編親覽。於勾決更為慎重。嗣後著於勾到後。將原本進呈覆覽。再行批發。所謂去無益而就有益。著為例。○三十八年奏准。嗣後行在勾到。仍照向例。俟覆奏奉旨。刑科鈔出之後。方將各道本章封發。或日期迫促。即令刑科上緊趕辦。

州縣揭報。○凡州縣原讞情罪。果與律例脗合。上司混駁。許承審官照抑勒交代例。鈔錄原審供冊。並批駁案卷。一併直揭三法司刑科。察覈得實。將偏私濫駁之上司。照例議處。如承審各官徇私瞻顧。所擬情罪。與律例不符。以致上司批駁。固執原擬。不為改正。遽揭三法司刑科者。查實。將承審官照官吏挾詐欺公妄生異議律治罪。

欽定大清會典事例卷一千二十二

都察院

各道侍儀 侍班 朝會糾儀 祭祀糾儀

侍儀。○順治三年定。朝會

御殿。都察院滿漢堂官先入候

駕應行禮者於

中和殿行禮畢趨出於

太和殿西檐東嚮立。○乾隆十四年議准

壇

廟內係

聖躬對越之地。向例用御史四人侍儀。與陪祀王公

百官行禮之處。用御史監禮。無別實為未稱。嗣

後用禮部都察院堂官各二人。分立東西侍儀。

以隆體制。若違官致駁仍用御史四人監禮

侍班。○順治九年定。每歲春秋仲月行

經筵禮。以滿漢左都御史各一人侍班。○乾隆四十

九年奏准。凡遇

臨雍。以滿漢左都御史各一人侍班。如有出差等事。

以副都御史補班

朝會糾儀。○順治初年定。常朝糾儀。東西班滿

漢御史各二人

天安門外宣

詔

午門外

頒時憲書頒賞文武鄉會試

殿試進士舉人謝

恩東西班滿漢御史各二人○三年定恭遇

皇帝升殿○侍班糾儀滿洲御史十四人漢御史八

人○十四年定

御經筵以滿漢御史各一人於

殿內東嚮立○十八年題准

大朝日滿漢御史稽察有失誤者題參○康熙五

年題准凡朝期鴻臚寺將謝

恩官名數先送印冊到院臨期糾儀御史照冊查收

職名○九年

諭國家朝儀大體所在責於整齊嚴肅不止係堂陛之

觀瞻亦以見臣心之敬肆諸王大臣有逾越班行交

相接語或輕佻嬉笑禮不踰階而相與言又况其甚

乎爾衙門監察御史侍班切近見而不糾豈真目未

之時皆緣畏事徇情所以如此都察院職任重大朕

躬有失尚爾指陳王及諸臣乃不參奏揆之事理實所未協今後有失儀者毋得容隱○二十年題准稽

察朝儀

殿右嚮下以滿洲御史二人王公行禮處東西班

以滿洲御史各二人百官行禮處東西班上中

下以滿漢御史各二人○五十四年定

御門聽政以滿漢御史各二人於西階下東嚮立有

跪立升降失儀者指名題參○雍正元年

諭升殿時令糾儀御史稽察班次整肅朝儀○二年奉

旨嗣後朝會行禮該稽察御史嚴查遇有失儀者即行

糾參若不糾參經朕令人查出必行治罪○又

諭行禮排班於左右兩翼選侍衛四人令隨御史稽察

有不按班次往來行走者著御史指與侍衛拏參○

又題准凡遇朝期各部院漢官亦分列左右翼

排班庶序次齊而稽察亦易○又題准

皇帝御門奏事官員各按部院次序而入其不奏事

官員不許擅入○十二年議准常朝大小官員

務遵定例按品序坐如攙越失次或有起立拱

揖聚談不恭者糾儀御史同吏禮二部司官題

參如徇情不行參奏者一併議處再生班時看

守

午門

闕門

端門之官兵將閒雜人等約束不得任其出入行

起儻不遵定制亦令糾儀御史題參分別議處

○十三年議准常朝日八旗官照部院各官儀

節按品列坐俟查班御史等挨次收取職名如

有攙越班次及爭遞並代遞職名者御史等題

參○乾隆元年議准凡遇朝期書役閒雜人等

交與守衛

午門

闕門

端門之官兵嚴行管束各官從役等著該旗差出

之馳騎校會同守衛朝房之步軍尉步軍等嚴

行管束臨坐班時令從役等退出

闕左右門外嗣後如有前後行走無忌者御史等

將管束不嚴之官並其主一併參奏○二年奏

查恭逢

皇太后聖壽及元日長季行慶賀禮以滿洲御史二人

於

慈寧門外檐下避立二人於

長信門外儀駕之末設漢御史二人於

午門外○又奏准派漢御史二人於

闕門二人於

端門均各分東西班稽察一應各官家人不許擅

入違者拏究治罪其主交部議處○又奏准常

朝日滿漢文武大小官均如期會集坐班如有

事故先期於朝單內聲明至期御史等逐一稽

察如有無故不到者題參○六年奏准常朝日

八旗官如仍前疏忽到班寥寥無幾御史等將

官員過少旗分查明緣由題參○十七年覆准

常朝坐班各部院寺堂官除實有事故不能到

班者許於冊內聲明其餘即本署奏事仍留一

人率屬就列違者參處又坐班向無定時今定

冬春以辰正夏秋以卯正屆時糾儀官先出各

官依次列坐後時至者指參禮部暨都察院堂

官東西各歸本班毋庸別立班次以歸畫一○

二十二年奏准朝會

御殿丹墀班後

昭德門

貞度門階下東西增設滿漢御史各二人禮部司  
官二人侍衛二人稽察如有失儀越班任意起  
生踴躍者即指與侍衛立拏參處○四十九年  
奏准恭遇

臨雍設滿漢御史各一人與給事中在東西檐柱內  
立○又奏准

臨雍次即行聖公率五經博士各氏後裔祭酒司業  
率六堂及各學師生於

午門外奉表謝

恩以滿漢御史各一人糾儀○五十四年

諭向來遇升殿行禮都察院堂官俱在殿上西邊站立  
而丹墀下儀仗前分上中下三段共設糾儀御史六  
員不足周覽管攝今思丹陛上不過王公數人大學  
士都察院堂官耳目較近值數糾察儀文自能整肅  
而丹墀下行禮人員較為衆多自非御史六人所能  
稽察周到嗣後著於都察院堂官內輪往二人在頭  
層品級山兩旁站立督率再於每品正從東西不拘  
滿漢科道各派一員專司彈壓科道員數較多每次  
止用三十六員值為寬裕於朕未升殿以前著在品  
級山兩旁階上按排分立屆時留心稽覈如行禮人

員有越班不齊者既可隨時指示而於錯誤不遵者  
亦無難指名糾劾更足以昭體制而肅朝儀著為令  
○又議定嗣後遇

升殿時都察院堂官內輪往二人在頭層品級山兩  
旁站立滿漢給事中各六員押站一二三品正  
從六班滿漢御史各十二員押站四品以下正  
從十二班俱於未

升殿以前在甬道兩旁東西品級山之旁按正從十  
八班先行階上排站彈壓  
殿右王處站班及在

儀仗後糾儀人員仍循其舊○嘉慶八年

諭嗣後朝房禁地如有喧笑非儀及口角爭論等事科  
道確有所見即指名參奏○道光十二年

諭朕於本月二十日升殿百官行禮後新武進士未傳  
臚之前有三四人在品級山之下自東而西當降旨  
查詢本日據都察院堂官糾儀科道及鴻臚寺堂官  
等奏參鴻臚寺序班引領武進士行走錯誤等語朝  
會大典自應整齊嚴肅乃該序班職司掌引竟敢率  
意走趨非尋常疏忽可比著該寺堂官查明錯引之  
序班係屬何員即行革退著英多恆董滿吉勒章額



葉紹本俱著交部照例議處。咸豐四年

諭戴銓等奏遵查輪應進朝之王公均未進內朝集一

摺常朝坐班典禮攸關豈容曠誤克勤郡王慶惠貝

子載鈞鎮國公奕湘奕楠輔國公續銘於二月三十

日輪應朝集之期並未進內均著交宗人府議處此

後左右翼王公及八旗各部院等衙門輪應常朝坐

班之文武堂屬各員均著恪遵定制按期進內朝集

如有曠誤不到者著宗人府及各部院等衙門堂官

並糾儀查班之御史指名奏。光緒九年議准

皇帝不御殿羣臣坐班是日早王公百官咸朝服鴻

臚寺官東西各二員按翼序定王公班位於

太和門外東西各二班序定百官班位於

午門外朝房前東西各分九班各依序為位皆東

西坐重行北上糾儀御史二員吏部禮部司官

各二員分位東西班首御史二員吏部禮部司

官各二員分位東西班末均東西面北上屆時

門校禁斷行人糾儀官就位王公百官各依次

就位坐吏部禮部派官收職名糾儀官起統班

行上下一而還復位坐少頃王公出則百官皆

退

祭祀糾儀。順治初年定

壇

廟祭祀

皇帝行禮處東西班滿漢御史各二人侍儀王公行禮

處東西班滿漢御史各一人百官行禮處東西班

滿漢御史各二人告祭

天

地

太廟

社稷壇東西班滿漢御史各二人。禘祭前期一日告祭

中殿東西班滿漢御史各二人

後殿東西班滿漢御史各二人

躬耕藉田所東西班滿漢御史各二人。祈雨報祀東

西班滿漢御史各二人。救護

日

月食東西班滿漢御史各二人。祭祀監宰牲滿漢御

史各一人。京畿。十八年題准凡祭祀令滿

漢御史稽察有失誤者題參。又題准凡祭祀

齋戒滿漢官職名均由太常寺開送令滿漢御

史稽察有失誤者題參。康熙二十五年議准

凡祭祀各官排班有喧語失儀及祭未畢先趨  
走往來者御史題參。○雍正元年奉

旨躬祭

壇

廟日令滿御史二人於駕未出之前在外管轄駕出於  
豹尾班後黃龍大轟前管轄於齋戒前一日開列職  
名送領侍衛內大臣具奏。○五年奉

旨

壇

廟祭祀所關甚重理宜潔誠齋戒嗣後令御史二人前

往

壇內稽察如有不恭即行參奏。○七年議奏嗣後凡遇

天壇

地壇

祈穀三大祀令旗下大小官員各在本衙門齋宿奉

旨。在旗下衙門齋宿時令都統御史查旗參領侍衛照

常稽察。○九年議准嗣後祭祀御史禮部官飭令陪

祀執事官各行管束從役人等不得擅入柵欄

如有將輪馬擅入柵欄喧擁者照例分別治罪

該管官故縱者議處。○十二年議准陪祀官或

在本任衙門齋宿或在署理辦事之處齋宿必  
註明冊內以憑稽察。○又奏准凡祭祀  
聖駕出入

午門外左右翼各令御史二人稽察會集各官按  
班跪迎跪送。○乾隆元年議准祭

大廟

社稷壇陪祀執事官俱於公所齋宿交與稽察齋戒之  
都統御史等稽察。○二年議准陪祀各官於太  
常寺文到之日該管官嚴行稽察務令到署齋  
戒不得藉端規避其實有疾病事故者聲明緣

由行文到院察覈至會集處御史收取職名簿  
有無故不齋戒或已開明齋戒而不至會集處  
者皆指名題參。○五年奏准祭祀日陳設祭品  
畢令御史會同太常寺官徧行巡察如有褻慢  
諧笑者題參。○七年奏准

躬祭大典扈從大臣官員例應於

午門前乘騎者仍令領侍衛內大臣等分撥親軍  
伺候牽馬並交與後管內大臣御史等管束毋  
致喧譁其僕從人等不許混入馳驟如違例牽  
馬入朝乘乘雜脊馳驟者該管官等究並將其

主祭處○十年獲准

御齋宮日陪祀官員接

駕後各擇潔淨處所齋宿稽察齋戒之都統等定於

申酉時在

壇門外查收職名至四更禮部都察院委官查收職名

如陪祀不到者題參○又奉

旨嗣後祭祀會集處著承行稽察之部院於次日繕摺

開註情由呈覽○又議准祭祀會集處文官由吏部

武官由兵部開列名單移都察院稽察吏部滿

漢官亦令稽察○又奏准每祭祀會集處滿漢

御史各一人率筆帖式二人收取文三品武二

品以上職名如遇

躬詣行禮均繕摺奏

聞○十四年奉

旨嗣後凡遇齋戒有衙門之大臣等雖兼別職皆著在

本衙門齋宿無衙門之領侍衛內大臣散秩大臣等

著在紫禁城內齋宿如有違者一經察出定行治罪

近侍御前侍衛等亦著在紫禁城內齋宿○又議准

凡祀

壇

廟

親詣行禮以滿漢都御史侍儀王公行禮處以滿洲

御史百官行禮處以漢御史監禮外若違官恭

代行禮階上以滿漢御史各二人百官行禮處

以滿漢御史各二人監禮以上州儀等處均按

禮部○二十年議准

壇

廟祭祀恭遇

親詣行禮凡不陪祀官員例應在

午門前分左右翼祇跪迎送但向未定有處分往

往多不到班嗣後應令各衙門將不陪祀王以

下文武各官造冊送宗人府吏兵二部並都察

院照稽察陪祀官之例屆期派員查收職名按

冊覈對有無故不到者查出交部議處○二十

五年獲准嗣後恭逢

天

地

四大祀與祭官員三品以上大員仍在附近處所齋

宿查齋大臣照例查收職名其四品以下官員

俱在公署齋宿照例稽察○三十七年

諭向來

壇

廟祭祀滿漢王公大臣應入齋戒陪祀者由都察院等衙門稽查查奏並於歲底通行檢覈有不到三次以上者交部分別處分第念齋宿陪位各期恪致實事若其中有年齒漸增精力未免少減儘以格於家慶之例因而勉強支持跛倚從事將非假愆肅將之本意嗣後王公大臣有年逾六旬者凡遇祀典聽其自行酌量精神或致齋而不陪祀或並不能致齋亦聽其便並無庸列入查奏彙數之內以昭體恤以重明禮○四十年奏准嗣後恭遇

躬祭大典扈從執事人員止准本身由

午門前來馬其家人馬匹俱不准牽入在

午門前來騎仍令該班護軍統領飭交護軍參領

等官嚴加管轄如有混行騎馬者即行查拏查

班御史將伊主指名奏處○四十八年奏准嗣

後舉行祈雨之典所有應行陪祀大小各官俱

在公署齋宿○五十九年奉

旨稽查齋戒之都統副都統八員向分兩翼按期稽查又分察各部院衙門實難周備嗣後八旗都統等著不必稽查各部院衙門止稽查八旗各營其六部著

派給事中六員各衙門派御史六員稽查所有給事中御史著都察院堂官屆期揀派具奏祭祀後將有無曠誤之處即令派出之給事中御史等會同繕寫清單具奏其都察院衙門著派出稽察右翼大臣等輪流前往稽察○嘉慶二年

諭恭祭

方澤大祀大學士及各部院九卿皆應陪祀乃本日各部尚書等惟禮部堂官在

壇執事而金士松周興岱亦復來圍其餘五部滿漢堂官多以會奏來圍並未陪祀各部院陳奏事件該堂

官等本應到圍祇候但值

郊壇大典理應敬謹陪祀即有陳奏事件何妨堂官一人先行來圍呈遞其餘各堂官儘可於陪祀後再行趕到即如阿哥等此次皆係於陪祀後來圍為時甚早仍可無誤况本日所奏事件多係軍機大臣會同各該部具奏該堂官等又何得藉此俱行來圍自係藉稱奏事可免行禮貪圖安逸以致大祀典禮陪祀大臣寥寥殊非敬謹畏事之道所有本日來圍並未陪祀之各部院堂官等俱著查明交部議處其查班之科道等亦未查奏並著交部察議○五年

諭嗣後

壇

廟大祀執事官員遇有錯誤於祭時應請交部嚴議

○八年

諭向來朕於

壇

廟大祀凡親詣行禮者經該衙門先期具奏行禮時刻

間有酌量改早之處亦不過一二刻且該衙門於奉

旨後通傳各衙門謹遵祇候屆時自可會集至遣官

行禮若不定以時刻陪祀人員安能一一無誤糾儀

之御史何從稽察嗣後遇有遣官祭祀著禮部太常

寺按照定例時刻傳知行禮大臣及執事陪祀各員

一體遵照其派出行禮大臣是日即過直日奏事亦

不必因禮畢後尚須趨赴官門呈遞膳牌將事過早

致有歧誤如有不遵傳定時刻率意遲早者該御史

等照例糾劾以重典禮而昭誠敬○十二年

諭御史胡大成奏請飭臣工敬謹將事以重祀典一摺

據稱近聞每齋戒之期凡應入署齋宿各員多不入

署齋宿又伊於從前監禮時曾親見祭告甫畢樂奏

未終而執事人員即喧譁雜沓請飭各部寺院不得

仍前怠玩等語

壇

廟大祀齋戒及執事各官理宜恪恭將事以昭誠敬向

例特派大員稽察並令科道查齋監禮立法已極詳

明惟奉行日久在齋戒執事者未必能仍前嚴肅而

稽察監禮者亦即視為具文殊非潔蠲之義其例應

入署齋宿之員或因職守不同間有假廟宇齋宿者

亦應將所宿廟名由本衙門咨報俾有考覈至祭告

甫畢執事者即喧譁雜沓該御史從前監禮時既經

親見何以並不封上彈章默爾而息嗣後各部寺院

衙門惟應申明舊例凡應齋戒執事各員務各小心

謹恪毋得稍為怠忽其派出查齋之員向來稽察過

早齋宿者尚未到署即已到各員一經查竣仍可散

退未免習而生玩此後查齋之員必當於傍晚時始

行查察如有違例懈忽者即著據實奏參以肅祀典

○十八年

諭本日據給事中清安泰等奏稱五月二十四日祭

地壇應行齋戒大臣官員等查明具奏等語五月二十

四日祭

地壇已將應行齋戒大臣官員查過之處應即行具奏

因何遲至半月始行具奏將該給事中等俱行申飭自此次之後凡遇祭祀時將應行齋戒大臣等查過之處即於祭祀之日起五日內具奏○十九年

諭賈允升奏太常寺衙門有須整頓查辦一摺太常寺人員職司

壇

廟執事每逢祀期自應敬誠齋意以肅典禮嗣後執事官員俱著晝夜在本衙門齋戒並著查齊科道據實確查如有不在衙門者即行參奏○二十五年

諭

上年御史佟濟泰奏國子監堂官齋戒不到降旨將祭酒敏登額等均實降一級調用本日敏登額張麟二人因補官召見同稱是日係於亥時到署齋戒已在御史查齋之後其言是否屬實姑不深究齋戒所致深明敬理宜夙夜在公非僅夜間入署齋宿即為錮潔也嗣後凡應行齋戒人員俱著晝夜住宿公所不准潛回私宅其派出查齋之員於日間稽查一次如夜間稽查一次如有不到者即行指名參奏以儆曠怠○道光五年

諭

壇

廟祭祀典禮攸關各衙門應豫備陪祀人員理宜屆期到班以襄祀事豈容稍有曠誤近來查班御史相率博寬厚之名不肯按名稽查奏致陪祀人員積久生玩到班者甚屬寥寥殊非恪恭將事之義嗣後凡遇祀事於齋戒前數日各衙門將派出陪祀人員造冊分送禮部都察院太常寺除照向例稽查齋戒外其臨祭之時責成查班御史收取職名按冊而稽如有無故不到或挾帶他人職名蒙混投遞者即指名參奏交部議處備查班御史徇隱不奏或經朕看出或被他人糾參定將該御史一併懲處不貸○二

十七年

諭嗣後凡遇

壇

廟祀典所有應行查齋之宗人府等衙門每次覆奏時著於摺尾聲明所查職名交禮部年終彙辦○咸豐元年

諭阿靈阿奏遵查大祀王公百官隨從行禮一摺嗣後

壇

廟大祀朕飲福受胙及謝福胙時陪祀之王公百官有應由傳贊官傳贊隨從行禮之處俱著恪守舊章遵

行如傳贊時有應行禮而不行禮者。或傳贊遲誤。即著糾儀各衙門查明參奏。○四年

諭近日陪祀各官人數無多。總因視稽查為具文。怠惰偷安。罔知敬畏。著再行申諭宗人府禮部都察院各堂官。嗣後凡恭遇

壇

廟祭祀其應行陪祀人員。如有無故不到者。即著各該衙門指名參奏。以重祀典。○十年

諭前因

朝日壇行禮。應行陪祀未到各員。當降旨令吏部等衙門查明參奏。茲據吏部禮部兵部都察院先後查明覆奏。所有單開未到各員。除另有差使及先期送冊註病各員。免其議處外。其餘陪祀無故不到。及臨期告病道阻遲延各員。均著交各該衙門照例議處。其已經陪祀漏遞職名各員。均著交各該衙門察議。是日查取職名之御史毓通王憲成未能查明即時參奏。著交部議處。○同治三年

諭御史阿凌阿等奏陪祀人員到班無多。一摺。冬至國丘大祀典禮。恭崇各衙門派出陪祀人員。均應恪恭將事。以昭誠敬。乃據該御史等奏稱。是日到班人數

寥寥。殊屬不成事體。嗣後凡恭遇

壇

廟祭祀其應陪祀人員。如有無故不到。及呈遞職名先行散歸者。即著糾儀監禮各員。據實查參。嚴行懲辦。以重典禮。

欽定大清會典事例卷一千二十三

都察院

各道 鄉會試監察

鄉會試監察。○順治八年題准順天鄉試及會試。差滿漢御史各二人監試。○十四年題准現停滿洲蒙古漢軍考試。其監試停差滿洲御史。○十七年議准房官闈中作弊許主考不時糾察。若主考通同作弊許監試御史不時糾察。○十八年題准順天鄉試差漢御史二人入場總理諸務。二人管理搭檢會試差漢御史二人為

內場監試。二人為外場監試。○康熙三年

諭監試巡察御史除應迴避者不聞外其餘各員都察

院開送禮部列名題請。○十年題准嗣後鄉會試內

場監試外場巡察仍兼差滿洲御史。○十二年

題准監試御史啟奏本章理應兼書清漢字。嗣

後今帶筆帖式。○十八年議准順天鄉試設內

廉監試滿漢御史各一人會試亦照此例行。如

考官私訪聚談薦卷私通小帖分開硃卷私帶

入房有關科場情弊者即行題參。○三十六年

停止內廉監試。○三十九年復設內廉監試滿

漢御史各一人。○四十四年

諭今年順天鄉試聲名不佳人或怨其不公又聞試卷

不加圈點者甚多應試者各執落卷以示人又作草

人至試官家門砍之觀其舉動人怨殆不可言矣果

不點不圈可謂之閱卷手想汪霽等亦無詞以對也

朕在避暑處點汪霽姚士嵩為正副考官以為出人

意料朕親手封發當不復生弊矣由此觀之亦不在

此但存乎其人之所行而已科場之設以為選擇人

才之地於此事而行之不正雖學問優長何益之有

汪霽姚士嵩著解任以其考試聲名問九卿詹事科

道至科道官乃朕倚為耳目而用之者也專在言職

考官不閱試卷考試不公何不參劾亦將此問科道

官欽此大學士等遵

旨以汪霽姚士嵩鄉試事問九卿詹事科道等據九卿

等云汪霽等考試不公不閱卷人皆怨之是實

據科道云聞怨汪霽等之言但無實據是以未

曾糾參。○雍正元年特聞

恩科

欽定順天鄉試第一場四書題

欽定會試第一場四書題京闈進呈三場題目內廉先



莊寫一通向

闕設案恭奉安置主考等官行一跪三叩禮進呈  
不過卯辰二時鄉試順天府尹奉進會試禮部  
堂官於朝房等候儀制司於場前等候監試御  
史俟內簾傳出進呈題紙同提調官齋奉出至  
大門內立靚面明交即將場門封閉○二年

諭聞中謄錄弊端甚多其有賄屬者則謄錄精工否則  
潦草外錯致誤佳文著知貢舉監試御史嚴行申飭  
其謄錄不工者必重加責懲令其重錄並令對讀官  
嚴飭各生悉心校對毋使錯誤儻外簾官失察日後

發覺將該管官一併議處○六年議准鄉會試外簾  
官私閱試卷許監試御史題參如隱匿疏漏未  
能題參者別經發覺將御史一併議處○七年  
議准鄉會試筵燕該衙門委官專司其事吏役  
從人不得擁擠上堂如有玩法擁擠者即行拏  
究監試御史將該管官指名題參○十一年議  
准至公堂監試御史向例隨帶筆帖式二員並  
無委派之事嗣後停其隨帶即以筆帖式所住  
官房一所令至公堂書吏辦事以便與謄錄人  
等一例封鎖關防○乾隆四年

諭科場夾帶文字乃士子最下之劣習若不嚴行查禁

則荒疏不習之人多得倖幸入彀而真才轉致遺棄  
於掄才之典大有關係著監試御史先行出示曉諭  
臨點名時再加詰誠務使夾帶之弊盡行革除儻仍  
有不肖之徒玩視功令者即行參奏交部照例治罪  
毋得姑容○六年

諭入場之時監試御史等必須嚴加按檢不可虛應故  
事儻有寬縱疏漏必將該管官從重議處○又  
諭凡有關涉科場情弊者著都察院五城御史步軍統  
領順天府內外簾監試御史即行嚴拏治罪不稍寬

貸○又議准順天鄉試監試提調官令彌封所官於  
各役彌封時毋得容別所人役擅行往來彌封  
後親送堂上約謄錄所官眼同交收毋許兩所  
人役近身私語謄錄所官令書手謄寫工楷如  
有草率淡抹者即行責懲仍令重謄對讀所官  
務令一對一讀庶無差誤監試等不時稽察並  
嚴飭各所實力奉行如有不遵將該管官題參  
○九年議准順天鄉試外場巡察御史均由該  
處先期奏請  
欽命於七月二十八日即往貢院大門外住宿凡運

送供給及進院夫役並主考同考官從役均由外場巡察驗明按檢以杜執事人役代士子懷挾之弊再八旗送考之參領並每翼委出瓶門之參領姓名先期行文各旗開送外場巡察如送考之參領等官不按旗分任憑士子濫行及瓶門參領任聽送考之人擁擠該御史題參其各省貢監生等亦於瓶門外各增守備一人協同點名給籤如守備等約束不嚴該御史題參○又

諭國家寶典大典原欲得品行端方文學優贍之人以為朝廷有用之材成青莪拔樸之治無如科場之中易藏弊竇我

重考加意整頓數科以來內簾之關節已覺肅清而外簾吏帶等弊一時難除近則日益加甚朕早已聞知屢行申飭至再至三並非不教而罰也今當鄉試之年又復先期詰誡以為若輩自謹遵功令痛自悔改矣乃昨日頭場點名朕命親近大臣數人前往監看竟接出懷挾二十一人或藏於衣帽或藏於器具且有藏於褰衣禪袴中者其喪心無恥至於此極朝廷之取士蓋欲用之也既欲用之朕安肯不重待之而

若輩自輕自賤若此以稱先法古之徒竟同鼠竊狗偷之輩冥頑不靈不可化誨若不立法嚴查則諸弊何由而除真才何由而見若欲擇人而施又何從豫知其情弊之有無而為區別乎滿洲原有進身之路弓馬技藝何者不可見長而必勉強於文場以思傲幸於萬一既欲讀書取進則當潛心於學恥為穿窬至江浙之人未必不能作文而乃存弋獲之心為苟且之計以致惡習相沿視為泛常違條觸法而不知虧體辱親而不顧士習日壞風俗日漓朕於執法之際實惻怛哀矜而深以不能化導抱愧於心也查懷

挾生員內同陵泰乃少詹事僊保之子圖敏乃原任禮部郎中穆臣之子伊等平日既不能教訓其子又復縱容犯法咎亦何辭科場懷挾原有處分父師之例茲特申明其令僊保穆臣俱著交部嚴加議處嗣後儻有犯者將父師一併查究今年懷挾如許之多而從前各科遵悉皆蒙混了事著將乾隆元年以後監試之御史除內簾外俱交部查出議處○又奏准順天鄉試官旗民籍一例嚴按如有徇私即將監試官糾參○十年奏准會試外場巡察御史及參領守備等官均照順天鄉試例行○二十

八年奏准鄉會試舉子點名進院後漢人責成  
營員旗人責成都統等於明遠樓前同御史管  
理即照舉子卷號押進號舍仍令監試提調等  
官逐號挨查督同封固如有聽從舉子任意往  
來滋生弊端者一經發覺將該管官一併議處  
○三十五年奏准鄉會試外場內場內廉等三  
處共應派滿漢監試御史各五人除有差使外  
其餘一體通行開列於關防益昭慎密○四十  
二年

諭科場外廉各官子弟迴避之例節經御史條奏禮部

議覆准行其中尚有未甚允協者如監臨知貢舉監  
試提調總辦場內一切事務其受卷彌封謄錄對讀  
收掌等官亦各有承辦試卷之責自應令其子弟迴  
避以杜弊端若兩翼副都統參領章京不過入場彈  
壓事畢即行出闈與考試文字毫無干涉至供給等  
所不與士子相見即順天府所委之巡綽等官止於  
號外巡察不能進號關照又如執門御史點名後例  
不入場亦可毋庸防範所有副都統參領章京執門  
御史及供給巡綽等官嗣後俱不必迴避即自今年  
為始著為令○四十八年

諭鄉會試派出主考房官秉公閱看試卷由內監試按  
照卷數分為十八束籤派各房間看此定例也近聞  
闈中房考於閱卷時竟有互相披閱之事如此則彼  
此通同其流弊何所底止嗣後房官於分卷後止准  
各就所分之卷悉心校閱不得互相抽看著主考官  
並內廉監試御史時加查覈如有仍踵前轍者指名  
奏參毋稍瞻徇○五十一年議准鄉會試外場巡綽  
各官以及兵役原由外場御史稽察但向來令  
其周圍巡視未定夫察處分恐無以專責成嗣  
後鄉會試外場監試御史於頭二三場每夜在  
外場更番巡查僅派出員弁兵役不認真查緝  
經御史查出即嚴參辦理如該御史未經查出  
致有越牆漏洩題目自外場傳遞文字等弊發  
覺將該御史一體交部議處○五十二年議准  
舉場號舍之外林闈之內有巡更巷道地處閒  
僻場中員役託名巡查往來不絕此等空隙處  
所逼近號舍最易藏姦往往勾通外場人役從  
中舞弊應將場內巡更巷道毗連號舍之處概  
用牆垣截斷作為空地禁止人役往來行走惟  
責成闈外兵役支更巡綽並另請

欽派滿漢科道各四員。於初九初十十二十三十五十六等日。在棘牆外無分晝夜輪流稽查。○五十四年議准鄉會試士子入闈。即令全行歸號封門。後監臨知貢舉監試提調等官。逐號嚴查。以杜亂號之弊。但號數太多。一時難徧應。令分段親往清查。將某號係某員查看。登記號簿。儻有亂號等弊。即將原查官叅處。向來監試止係滿漢御史各二員。恐不敷稽查。嗣後應派監試滿漢御史各四員。並令將科道銜名通行開列。恭候

欽點。○五十七年奏准外廩諸務。至公堂監試四員。提調一員。已足敷辦理。添派科道四員。原為入號巡查。而設舉子出場後。並無應辦事件。即照繙譯鄉試之例。三場完畢。即令出闈。○嘉慶五年議准房官薦卷。本交監試印用。薦條嗣後每日房考將閱過若干卷。分註薦卷。統交監試御史存儲。主考接閱時。由監試交送。○十三年諭鄉會試為抡才大典。必須諸弊肅清。真才乃出。向來內場舞弊。法令綦嚴。人知慄畏。近年朕遠派主考大員。率同房官等。悉心校閱。尚知秉公衡鑑。未必有作

姦犯科之事。在諸臣各知自愛。朕亦不疑。及此惟外場弊竇尤多。定例責成監臨知貢舉。綜理並特派按檢及稽查龍門接談換卷王大臣。自至公堂。以及執門復均派有御史監察。即棘闈以外。又有巡牆御史營員等。周圍巡邏。立法本為周密。無如近日風氣。因循塞責者多。實心任事者少。沽名邀譽者多。不避嫌怨者少。近聞外場官員。頗涉疏懈。竟不免有傳遞代倩等弊。若不嚴為剔除。則不才者妄思倣幸。而實學轉致淪棄。殊非慎重科場之道。本年會試屆期。誠恐外場官員。仍蹈積習。且彼時正值朕巡幸淀津。或司外場者。憚於啟事。意存鬆懈。諸務辦理草率。不可不豫行申誡。所有此次會試外場事宜。著責成知貢舉。並派出按檢及稽查龍門接談換卷各大員。並科道等。一體認真嚴查。詳悉示諭。務令士子等。懍遵功令。恪守科條。毋許有接談亂號等事。其棘闈以外。巡邏之王大臣御史。及步軍統領衙門官員。並當加意巡察。不得視為具文。儻防範不嚴。有意寬縱。以致士子罔知儆惕。或有傳遞代倩等弊。一經發覺。除將作弊士子按律治罪外。所有派出大小各員。均干嚴譴。懍之慎之。○又

諭朕惟立法之道小懲大誡則罹辜者少凡事當弊端  
 初起之時有人執法揭奏者鮮不以為苛刻不知因  
 此杜絕姦宄所保全者甚眾若相率因循使作姦犯  
 科者肆無忌憚日久必致釀成巨獄即如本日辦理  
 盛位侵蝕工銀一案設當盛位執法之初彼日有直  
 言者登之白簡立即將盛位撤回加以懲創尚不致  
 任其貪穢縱恣潰敗若此其甚今成此巨案朕明罰  
 收法有罪必誅然揆之刑期無刑之心實不願及此  
 也因思比年以來頗聞科場中傳遞代倩接換卷  
 諸弊滋生考試為掄才大典懲姦除偽定法基嚴與  
 其重罰於事後何若嚴禁於事前茲特降旨申誡凡  
 鄉會試派出之監臨知貢舉及有稽查巡緝之責者  
 務各振刷精神嚴查弊竇設有行險徼幸之徒一經  
 緝獲即指參究辦不得摘取一二細故以見其查最  
 認真而於真實弊竇所在轉置之不問若經此番訓  
 飭之後仍因循怠玩市志沽名或將來有科場舞弊  
 之案別經發覺在作弊者固身罹重典其監臨稽查  
 場務之人亦必從嚴懲處斷不能寬貸勿謂朕言之  
 不早也○又奏查查例載鄉會試舉子入場如二門  
 探出懷挾將頭門不能探出之官處治容隱受

賄者事發分別治罪又載探檢士子入場之前  
 該管官先將捕役點入逐名探查不許復出至  
 士子入場後將此等人役按冊點名交外場巡  
 察官嚴加約束不許擅自出入僕番役有裁害  
 等弊該管官嚴懲究治各等語是定例貢院設  
 立頭二門兩次探檢原使彼此稽察以杜探檢  
 寬縱之弊至未探士子之前先探捕役亦係舊  
 有成例已極周詳原以防捕役裁害情事今御  
 史奏請酌定探檢事宜請  
 旨飭下派送捕役各衙門務選正身充役於向例造送  
 名冊之下添註年歲分送外場御史及提調官  
 查覈仍由提調官製造印花腰牌彙送外場御  
 史臨時點名給發年貌不符者嚴行究治並將  
 原送官查參至每場未進士子以前即由外場  
 御史先將捕役照例嚴探畢分別各門供役並  
 令五城暨提督衙門於每門各派幹員一人以  
 資督率捕役有意裁害者加等治罪該管官嚴  
 行議處仍不許該役等藉換班喫飯為名違例  
 復出○又議准會試自三月初八日起至十六  
 日止向由禮部派出筆帖式六員每日二員輪

班前往貢院住宿候接遞鄉試由順天府派員聽候接遞係有執事人員毋庸議裁外並內外廉監試御史向許隨帶筆帖式各二員據備繕寫清漢奏摺已於乾隆六年議准裁汰在案其執門御史隨帶筆帖式二員並無應辦事件亦一併裁撤以省浮費又例載順天鄉會試各省士子入場均令隨牌聽點以次進執門聽檢如送考人等混入擁擠鎖學治罪執門守備約束不服一併參處會試點名提調豫備木牌每牌五十人開寫省分爲次屆日分四門序進等

語是鄉會試東西執門四棚點名各省分及府州縣分均例有一定次序執門御史等惟應於士子未進執門以前責令照例隨牌序進嚴禁閒人不許混入違者嚴拿懲辦則老生自無擁擠之患毋庸將老生點名另造一冊又查乾隆五十二年奏准龍門大臣一品者止許帶跟役四人二品者三人三品者二人俱由執門御史發給腰牌放入厯經進行在案今將一二品跟役酌減爲二人三品酌減爲一人仍照例給予腰牌放入至隨帶官員無關弊竇惟例無明文

亦應定以限制嗣後止許各帶一員仍據造名冊送至公堂外場御史察覈並令入號巡察之御史四員於未經封門以前輪流分班在龍門內覈對從人腰牌備有混入滋弊者嚴行懲辦以昭慎密。又議准嗣後順天文武鄉試凡監試科道及外廉各所官均照內廉考官之例一體迴避仍令都察院及各該衙門於保送時將籍隸順天人員先行查明扣除以昭畫一。十年

諭旨師曾奏鄉會試官等聽候宣旨請添派御史稽察

一摺每科鄉會試屆期所有正副考官及同考官御史等官自應遵照定例在午門前恭候宣旨謝恩即行入場近日竟有不到午門前祇候在家得信竟赴貢院殊非敬事慎密之道著照所請嗣後派滿漢御史各一員查收應行聽宣職名除內廷行走與是日在圓明園奏事及有執事各員先期行知都察院外如有無故不到者即將該員參奏扣除不准入場仍交部議處。二十四年

諭御史袁銑奏考試請飭恪遵功令一摺所奏是順天鄉試會試向於午門宣旨點出各員例有關防其不

入闈者自應迴避即時散去不許片刻迴避至未經  
考差者尤不應至彼窺探接耳交談如有此等情狀  
御史即應參奏交部審訊自本科為始點派考官密  
本朕不先發交批本處於初六日特派乾清門侍衛  
二員齋至午門前交大學士拆封眼同稽察御史宣  
旨唱名其內廷行走不能前赴午門候旨者朕於點  
出後是日豫行飭知前往聽宣既宣旨後如有不入  
闈之員仍在彼逗留聚談者即著稽察御史指名參  
奏○道光五年

諭國家設科取士必先嚴除弊竇方能拔取真才士子

越號換卷不可不嚴行飭禁嗣後文闈鄉會試今巡  
號御史會同滿漢監臨及至公堂監試御史按號分  
察並責成監臨等常川認真巡察以防弊混○十二  
年

諭鄉會試為抡才大典必須整肅場規嚴防弊竇方足  
以端士習而拔真才上年給事中劉光三陳奏科場  
士子恃眾玩法亟宜嚴加整頓當令大學士軍機大  
臣會同禮部議覆該給事中所陳十條尚屬周密本  
年會試屆期立法伊始除知貢舉遵照前降諭旨先  
期出示嚴切曉諭外恐有不肖士子尚未免恃符藐

法作姦犯科用再剴切詰誡各省士子務各滌慮洗  
心恪遵功令點名時魚貫而入毋得仍前混行擁擠  
如有遲誤靜候補點其不遵約束肆行喧鬧者著彈  
壓總兵等究已接籤者不許復出執門已領卷者不  
准復出號舍如有懷挾立即懲辦誤帶者雖免治罪  
仍不准其入場其八旗士子令彈壓副都統親身巡  
查不准越號並著責成檢檢王大臣稽查接談換卷  
彈壓副都統兩翼在城總兵會試知貢舉遵照舉辦  
如不實力奉行著監試御史據實指名參奏○咸豐

九年

諭向例會試及順天鄉試正副考官同考官以及內外  
簾執事等員一經派出即應迅速入闈乃昨日朕特  
派御前大臣景壽等前往貢院稽查方悉本年順天  
鄉試考官及執事各員有遲至申刻及酉刻始行入  
闈者殊非慎重關防之道姑念相習成風免其置議  
嗣後鄉會試年分午門聽宣之日即著責成稽察御  
史於聽宣事畢後即赴貢院門前將正副考官同考  
官及派出場內執事各員入闈時刻一併詳細查明  
於次日覆奏備該考官等有是日並無別項差使無  
故遲延者即著指名參奏以肅功令○光緒六年議

准嗣後順天鄉試及會試所有頭二三場士子  
 進場時令步軍統領查照本年庚辰科添派弁  
 兵數目酌量撥派分布東西外甌門認真稽察  
 毋許送考間人一名闖入及攔禁接場人等不  
 准擁入甌門恃眾滋鬧仍由兩翼總兵屆期輪  
 派一員前往督率其派出弁兵名數照例由該  
 衙門先期造冊送部轉送外場御史查察如有  
 違誤及別滋事端即移送該管官懲辦。○十二  
 年

諭御史托佛歡等奏內廉監試入闈時刻據實奏聞  
 等語給事中桂年派充內廉監試於申刻始行入  
 闈殊屬遲延桂年著交部議處

欽定大清會典事例卷一千二十四

都察院

各道 繕譯鄉會試監察 武鄉會試監察 殿試監察 朝考監察 拔貢生 朝考監察 各項考試監察 監察考試 供事 監察磨勘分卷 會同審音

繕譯鄉會試監察。○雍正元年定滿洲蒙古漢  
 軍文舉人繕譯舉人貢生監生文生員官學生  
 義學生等俱係應用筆帖式之人每遇考試吏  
 部行文各旗查送到部彙齊奏

聞造冊備卷劄送順天府彌封吏部將大學士以下  
 侍郎以上及都察院御史職名開列具奏

欽點閱視大臣監考御史恭請

欽定繕譯題目一道在貢院內公同考試滿漢繕譯  
 分別等第進呈發部出榜。○二年定考試繕譯  
 舉人派內監試滿洲御史二員外場巡察滿洲  
 御史二員內廉監試滿洲御史二員。○乾隆三  
 年議准凡遇繕譯鄉會試再派御史四員令其  
 入場專司入號巡察僕諸生有彼此相商倩人  
 筆削等弊即行拏究交部治罪。○四年議准繕  
 譯科場監試御史照文場例滿漢各派五員以  
 司稽察。○四十四年奏准繕譯會試甌門巡察





武鄉會試監察。○順治八年題准順天武鄉試武會試均差滿漢御史二人監試。○康熙五年題准武鄉會試監試巡察御史。照康熙三年文場之例行。○雍正元年覆准武會試外場所取好字號皆令外場考試官與監試御史當面註定較對明白務於十一日全完。十二日即將號冊親交兵部堂官按冊印清卷面並將號冊所註好字號各就省分騰清一本均用兵部堂印送入內場。○十二年奏准武會試兵部按圍場字號請

欽命四人每圍各有一人監試。至第三場天字地字二圍監試即在二門東邊點天字地字二圍所取之人。黃字宇字二圍即在二門西邊點黃字宇字二圍所取之人。按名散卷。天地黃宇四圍今改辰宿列張○乾隆元年題准順天鄉試向止有御史二人監試。但既分圍考較馬步射技勇。監試御史應增二人。每圍以一人監試。○三年覆准武鄉試監試點名均照武會試例行。○四年覆准武鄉試令提調監試各官武會試令知武舉監試御史等將外場較射冊帶入內場其選入單雙好

字號者於交卷時驗明原填某號技勇令其覆驗如全不相符嚴加詳查果係頂冒立參送部。○又議准武會試設內簾監試御史一人。○二十四年覆准武鄉會試外場考試時每圍各備一箱每晚將考試官及監試大臣御史填註號冊封鎖箱內交提調收掌箱鑰交於監試御史於次日公同取出較閱外場畢打完雙單好字號公同封固交提調送入內場箱鑰仍交監試御史帶入場內以重關防。○三十一年覆准武關鄉會試外圍監試大臣閱定雙好單好字號

封送內場。其一切弓馬刀石俱令監試御史等官親筆填註並親用雙單好字印毋假手胥吏以昭慎重。○三十三年議准嗣後武鄉會試聚奎堂請

欽點滿漢御史各一員監試。○三十五年奏准武鄉會試內外場應用御史照文闈之例除有差使外一體通行開列。○三十六年奏准武鄉試外場監試御史向例於九月十三日進闈嗣後令該御史等於外場完竣先入內闈將各項夫役由該御史驗明腰牌印記按檢放入其中僅有

印記模糊及並無印記者。立時查究。至武會試事同一例。所有尉卓等役。俱照鄉試畫一辦理。○四十七年議准。嗣後武鄉會試。內場出題之日。令監試御史。同提調官。親入號舍。挨查。如有坐號不對者。立即查拏究治。以杜代倩傳遞之弊。○嘉慶五年議准。開列武鄉會試主考同考官。及監試御史提調收掌等官時。各處應送人員。如有本旗及有服姻親考試者。即自行呈明。不必開送。凡開送之員。均於文內聲明。並無應行迴避之人。始列入本內。儻不自行呈明。經

欽點入場。其應行迴避之人。因而中式者。即照例將本官革職。該生斥革。○二十四年議准。凡遇武鄉會試。兵部先期行文武備院。咨取硬弓。臨場監射較射大臣。監試御史。公用弓。墜較準。照例由監試御史。親為畫押封固。交提調收管。外場考試畢。原弓存儲兵部。俟

殿試後。再交本處領回。○道光元年

諭。此次查收武鄉試聽宣職名之御史。都察院僅送四名。嗣後除有事故人員外。着將各道御史全行開列。以備點派。○五年

諭。御史劉尹衡奏請嚴禁武鄉試積弊一摺。武闈士子。向王大臣跪求加一枝箭。添一力弓。不可不嚴行飭禁。嗣後武闈鄉會試。外場仍按定例。弓箭刀石。務期合式。不得含混取中。並著兵部先期出示。剴切申禁。如當場仍有士子跪求王大臣。即將其人扣除。不在入考。儻王大臣徇情不扣。監試御史扶同不察。別經發覺。一併議處。○十一年

諭。武場附近地方。近年多有銀號布鋪之人。扮作擺攤賣藥等項。探聽風聲。隨機撞騙。著責成監試御史。及步軍統領衙門。順天府認真訪查懲辦。

殿試監察。○順治十八年題准。凡文武

殿試。差滿漢御史各二員監試。○嘉慶十三年奏准。嗣後每逢新進士

殿試。凡應行執事人員。由禮部先備名冊。知照直日護軍統領。於諸貢士點名放入後。一同隨進。事畢即行退出。如有冒充執事官以及事畢有意逗遛者。聽監試御史查察。儻監試官有意徇縱。及護軍統領有濫行放入情事。並聽監試王大臣一併參處。以昭嚴肅。○光緒九年議准。嗣後新進士

殿試所有各貢士正卷查照

朝考成案。即由監試王大臣查收彙送受卷官點

驗接收。轉送彌封官。並令監試御史。於貢士淨

場時。即在受卷彌封處。輪流認真監視。如有向

受卷彌封處。查閱試卷。該受卷彌封官。執行檢

付者。即據實參處。儻監試御史。扶同徇隱。別經

發覺。亦一併交部議處。

朝考監察。○乾隆二十五年議准。新進士

朝考。派滿漢御史各二員監試。試竣後。即令監看

閱卷。○嘉慶七年

諭。本日御史張鳳枝奏。新科中式張本枝。係伊胞弟。伊

現派朝考監試。應否迴避一摺。朕覺其所奏非是。而

都察院果即具摺參奏。該御史不早呈明迴避。請將

該御史張鳳枝。交部議處。此次會榜。於初十日揭曉。

翰林院咨取監試御史銜名。係在十六日。張鳳枝豈

未知伊弟業經中式。乃並不呈請扣除開列。及至派

出後。始繕摺陳明。顯係聞知本衙門堂官。欲行參奏。

自占地步。張鳳枝著交部議處。○二十四年

諭。殿試朝考。應行與考之貢士進士等。例不准在紫禁

城內住宿。其無職事人員。於是日更不應至太和門

左右掖門探伺。嗣後著直班護軍統領及稽察御史。嚴行查察。如有違令者。據實糾參。

拔貢生

朝考監察。○順治十六年題准。拔貢生

朝考。用御史二員。分東西班監試。○乾隆四十三

年奏准。向來考試拔貢生在

午門內朝房。派御史二員。點名給卷。稽察彈壓。今

改歸貢院考試。每次拔貢生多至數百人。御史

二員。稽察難周。嗣後再添派御史四員。俾於至

公堂聚奎堂及大門外。分投照料。庶防範益為

周密。○又議准。考試拔貢生。如有交頭接耳。代

作代改諸弊。監試御史。即時查究。該御史不實

力防察。致有弊端。惟監試之員是問。至入場官

員。隨帶書吏刑皂夫役。應先期造冊。交監試御

史於入場之日。在龍門按名點進。儻有混入舞

弊之人。即行究辦。場中進送試卷及飲食供給。

仍令監試御史親身查看。如有閒人窺探。立即

拏究。試卷閱定進呈後。即在朝房嚴密封固。於

監試御史六員內。派出滿漢各一員。押赴禮部。

眼同拆去彌封。填榜出示。○五十五年奏准。考

試拔貢生。向派御史六員。於聚奎堂至公堂及大門三處照料。大門外專辦執門點名。聚奎堂專查內簾閱卷。御史二員。足敷經理。惟至公堂有戳印卷面。清查號舍。及龍門稽查接談換卷等事。御史二員。耳目未能周到。嗣後再添派二員。以昭慎重。

各項考試監察。○凡考試貼寫中書現任筆帖式官學教習各館膳錄生貢監生考職繙譯生員八旗文章滿洲助教部寺庫使文武廕生恩監生。均以滿漢御史各一員監察。○乾隆十七

年覆准。考試教習等事。在

午門之內。至百人以上者。該衙門行文到院。開列滿漢御史各二員。恭候

簡命滿漢御史各一員。以資彈壓。以上監試堂劉京

送音 ○二十四年議准。考試八旗童生。監試御

史。會同學政。在至公堂嚴行搭檢封門。後童生各歸號舍。一切換卷竄號代倩傳遞等弊。御史同學政嚴行稽查。卷面戳用紅號。御史於考試先一日入場。監視用戳。其紅號底簿。御史密封。交提調官收掌。以昭慎重。○三十八年奏准。嗣

後考試繙譯生員。添派滿漢御史各一員。分旗點名。○又奏准。向例考試文生員及繙譯生員。彈壓大臣監試御史正考後。即出場回寓。但覆試尤當慎重。嗣後俱俟覆試畢。隨棚而出。○四十七年議准。嗣後考試貼寫中書。添派滿漢御史各一員。二員在場內監試。二員在東西執門點名。○四十八年奏准。各項考試。人數在百名內者。仍用御史二員。若數在百名外者。交承辦考試各衙門。先期知會都察院。將滿漢御史開列八員。恭請

欽點滿漢各二員。巡察料理。○嘉慶七年議准。各項考試。士子出場後。外監試別無要事。於封送試卷時。即於至公堂御史內。籤出一二員入內簾。分卷稽查。○十五年

諭。御史昇寅奏請禁八旗童生懷挾槍冒一摺。所奏甚是。各省考試文章。俱於入場時詳加搭檢。原以查禁詭遇。透拔真才。何以八旗童生。向無搭檢之例。若竟以懷挾傳遞習為故常。在學臣憑文取錄。必致懷挾詩文者。傲幸入選。而真才反被斥落。童生試為士子進身之階。不可不嚴加防範。以端本原。而正文風。嗣後

八旗考試者順天府照考試繙譯生員之例奏請欽派大臣逐名按檢並著步軍統領衙門於牆外加意巡邏嚴拏傳遞以清弊源至向例入場之日各旗俱有參佐領領催等親行認識送考乃奉行日久視為具文更不免有頂替代倩之弊所有各旗委出之參佐領領催等如有於考試日託故不到者並著稽查之御史查明參奏○道光二年

諭嗣後遇有奏派各項差使所有應行開列人員著全行開列其屆期另有差使者在於各該員名下註明○十六年定嗣後咨送八旗士子考試添派滿

洲御史一員監射○十八年

諭考試教習非若鄉會試有監臨知貢舉等官稽查弊竇全在派出御史嚴行稽查場規肅清則真才自出所有此次考試著責成該御史等實力稽查務除從前積習儻有弊竇別經發覺惟該御史等是問嗣後每屆考試教習之期著禮部於請派監試後即恭錄此次諭旨傳知派出之監試御史實心辦理庶不致日久視為具文○又

諭貢院重地理宜嚴肅嗣後著大興宛平兩縣照舊派役看守一遇考試俱著先期妥為防範將挾眷居住

者概行搬移並責成外場御史親往按查儻有違例潛匿居住之人即將該門役等懲辦並將該縣等參處

監察考試供事○嘉慶七年奉

旨內閣供事嗣後仍在天安門外考試即令稽察內閣之御史會同內閣承辦官員在彼監試○十一年

諭各衙門有應需考取供事者著大學士會同軍機大臣另行妥議章程具奏欽此遵

旨議定在京各衙門宗人府內閣翰林院詹事府考取

供事本非銜校文藝不過守畫端整文理肅順者即可應役向來關防本不嚴密每屆招考之期多至二三千人其中真偽混淆親身赴試者十不過三四及至錄取額數又廣造冊存案以後假託姓名報轉冒充今欲別釐弊竇應先絕其冒考之源再截其濫取之流使辦理胥歸覈實庶冒濫可以漸除嗣後令投考之人取具同鄉京官五品以下七品以上者出具身家清白委係親身赴考並無頂冒印結於報名時投遞每京官一人每次止許結送一人所保既臨姓名必真除京官尚有不願出結者計每次取結

投考之人必不致如前濫濫承辦官員於考試日攜帶冊結點名時同監考御史覈對年貌散卷收考。卷尾彌封姓名。照舊例試以告示一道。以二百字為率。收卷後閱卷官按其字畫文理。秉公挑取如額。即日眼同監考御史拆閱彌封。出榜曉示。次日仍同監考御史傳集所取之人。於卷後書字一二行。令原保結者當面辨識。人數無多。斷難混淆。其錄取定額。以本衙門實缺為憑。每次照實缺額數加一倍錄取。所取既有定數。則挨次充補。不致積壓多名。久閱歲時。豫為冒名充頂地步。如閱卷官有於數外多取者。令監考御史指察。其監考御史。即令稽查該衙門之滿漢御史。屆期前往。毋庸奏派。以歸簡易。監察磨勘分卷。○乾隆四十二年奏准。磨勘鄉會試卷。派滿漢御史各二員輪流上班。於分卷處。眼同禮部司員。照例按名挨次分給。如有情弊。即行據實參奏。

會同審音。○乾隆十年議准。順天府考試童生。該府丞移咨到院。奏派滿漢御史各一人。會同審音。○四十二年議准。嗣後都察院咨送審音

漢御史將隸籍南省者概行迴避扣除。○嘉慶十二年

諭。周廷棟奏大宛兩縣童試冒籍較多。據實奏請查辦。一摺。考試為抡才大典。而府縣試尤為士子始進之階。文風各有不同。學額亦定數不一。自應嚴禁冒籍。以選實學。而息紛爭。京師大宛兩縣。為四方人文萃聚之區。向來多有南方士子。希圖倖進。冒籍應試者。歷經科道等條奏請查。而此弊相沿已久。仍未肅清。總由不肖廩保。扶同隱徇。而特經派出之審音御史等。又視為積習相沿。懼干嫌怨。仍不實力稽查所致。現在正屆順天府考試之期。已派出御史達德鄭士超二員。前赴貢院會同該府丞審音。該御史等逐一詳細確查。秉公點驗。如一經查有弊實。即著據實參奏。其從前冒籍諸生。已登科第及現任職官者。應如何立限。勒令呈明改歸原籍。並酌予罰懲之處。著交吏禮二部會同順天府詳查舊案。妥議具奏。

欽定大清會典事例卷一千二十五

都察院

各道出差通例 巡城

出差通例。順治八年議定。按臣之差缺宜定。督學則直隸一差。江甯蘇松分為二差。巡按則順天。真定併為一差。江甯蘇松淮揚併為二差。浙江。江西。湖北。湖南。福建。河南。山東。山西。陝西。四川。廣東。廣西各為一差。又有巡漕一差。宣大一差。甘肅一差。茶馬一差。巡視鹽政則兩淮兩浙。長蘆。河東為四差。京通巡倉一差。巡視五城為小差。照資序酌用。一差之限期宜嚴。御史奉差一經命下。即照主考分考例。迴避不見客。不收書。不用投充書吏員役。不赴燕會。餞送。領教後三日內即出都門。一在差之員。役宜禁。入境之日。止許自帶經承文卷書吏。所至府州縣。取書吏八名。快手八名。事畢發回。隨地轉換。不得留按差書吏承差名色。不得設中軍聽用等官。鋪設迎送。概行嚴禁。一在差之事蹟宜覈。命下之日。每一差立為一冊。自出都以及入境。一應

條陳舉覈勘報等事。按日登記。以憑考覈。一差滿之期。候宜定。督學奉差。或三年。或二年半。俟歲考科考一周。造冊報滿。巡漕鹽政。一年交代。其餘大差中差。以一年六箇月為期。皆照例三月前報滿。至於聲望應衰。溺職當撤者。不拘年月。差回之日。公同考覈。三日內議定優劣。具疏奏請分別勸懲。○又

諭。朝廷遣御史巡方等差。原為察吏安民。向來所差御史。受賄賂。徇囑託。身已貪汙。何能察吏。不能察吏。何以安民。茲新經甄別。留差各官。豈盡粹白無瑕。亦姑用以俟自新。自今以後。各宜洗心滌慮。振作精神。如都察院條奏禁約。一經點差。即不得見客。不收書。不用投送書吏員役。不交接燕會餞行。一出都門。毋藉時日。沿途及境內私書私餽。概不得濫行收受。又輪用府州縣書吏快手。事竣即行遣回。凡巡按舊書吏承差名缺。一概不留。不許設中軍聽用等官。不許用主文代筆。不許府州縣運司等官鋪設迎送。不許假借公事。濫差員役。下府州縣。不許拏訪。不許拔用富豪官吏。諸如此類。難以枚舉。巡方御史。果能一遵禁約。自然公生明。廉生威。地方利弊。民生疾苦。必能上



聞大小官吏必能肅清。凡事須設法確訪。毋專憑府廳開報。毋縱容司道府廳而止。參州縣。毋庇護大貪大惡而糾參老弱。如此則何吏不察。何民不安。儻總督巡撫總兵等官。有不法蒙蔽專擅縱兵害民。縱賊害良等事。許巡方御史即行糾舉。若御史有故違前項禁約。許總督巡撫即行糾舉。都察院堂官。尤宜督責河南掌道等官。時時察訪。毋拘巡方月日。不待回道考覈。有真心實政。先行奏聞。特旨褒嘉。有不遵禁約。貪肆怠玩。先行參劾。請撤治罪。另差赴代。庶不負朕治安天下至意。各差御史。將此敕諭入境。三

日內騰黃刊刻。每一司道發十張。每一府州縣各發十張。編示在城在鄉紳士人民等。如不刊刻。不編發。經都察院察糾。即以違旨論。○又

諭大學士等。御史為朕耳目之司。所以察民疾苦。及有司之賢不肖也。臨差之時。必令陛見。朕將地方興利除弊事宜。面諭遣之。使伊等得親承戒諭。始能勤修職業。卿等可傳知都察院。令以後遵行。○十年覆准。各省巡按。為察吏安民之官。近者多受屬員獻媚。參劾無聞。嗣後將巡按概行停止。其十四道京畿道御史。止留二十員。其餘俱行裁汰。○十

二年議准。仍令吏部都察院會同考選各部院理事官。郎中以下才品兼優者。巡歷直省。回京之日。聽都察院考覈。稱職者升用。溺職者重懲。○十三年奏。巡方各官職銜不同。其有忠廉稱職者。即照各原銜分別升用。原係御史者。照例考覈升轉外。其理事官在內。應升侍郎。在外。應升左右布政使。副理事官在內。應升理事官。在外。應升察使。郎中內升通政使司參議。外升布政使司參議。員外郎內升鴻臚寺少卿。外升布政使司參議。主事內升太僕寺寺丞。外升按察使司僉事。中書行人評事博士。內升光祿寺寺丞。外升按察使司僉事。以上或應內升。或應外轉。伏候

欽定。奉

旨。巡方各官稱職。俱著內升。○十五年議准。一巡方察吏安民。若所屬地方巡歷未到。則百姓利病。有司賢否。何由得知。今後俱令巡歷周徧。仍將巡到地方登記彙報。一御史差滿。若久候境上。徒費供應。以後差滿。應即回京。將文卷交巡撫收存。候更替御史到日交付。惟鹽倉漕茶馬等差。關係錢糧。俱候親身交代。一鹽引用印繁多。一

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

時印用不敷。今後御史奉

旨後。該部嚴催該司。將用過印引。交巡鹽儘數帶去。其用印未完者。俟陸續給發。一緝姦禁暴。巡城所關最重。三月一換。未免太速。以後皆六月一換。如無人更換。仍在城辦事。○十七年議奏。御史一官。原為察吏安民而設。其直省巡方。應仍舊差遣奉

旨。巡方職在察吏安民。關係重大。年來屢停屢復。原為計安民生。澄清吏治。故不得不加詳慎。欲照舊議。差恐仍踵前轍。於地方無益有害。欲概為停止。又恐各督撫職掌煩劇。不能親巡詳察。其貽誤地方。亦復不少。今依諸王大臣等議。仍舊差遣。但立法更議。加嚴考覈。益當矢公。巡方官奉命差出。務須大破從前積習。恪遵戒諭。不得視為故事。潔己必賄賂盡絕。愛民必痾瘡相聯。舉劾必確當廉貪。興除必熟籌利弊。問擬刑名。必無枉無縱。訪拏豪彞。必大惡大姦。地方遇有盜賊災荒。必據實馳奏。不許耽延欺蒙。減騶從。以恤驛困。禁鋪設。以紓民力。拒參謁。以杜逢迎。督撫共事地方。止許商榷公事。不許私交饋遺。如不恪遵力行。一經發覺。必行重處。各御史奉差出京。如何體訪

稽察。差滿回京。如何詳細考覈。都察院堂官及河南道嚴議條例具奏。○十八年題准。凡出差御史

命下。門上即大書迴避。不見客。不受書札。凡送書辦人役。一概不收燕會餞送。概不得與俟領。敕三日內即出京。信宿不停。沿途及入境後。私書私餽。一概不許接受。御史入境。即出巡地方。原有本等儀從執事人役。其鋪陳等物。原係自行攜帶。所用蔬菜米麵。原係自發公費銀買辦。如分外供應。皆係地方官獻媚取容。所當嚴禁。即御史攜帶主文書役家人廚役前站之類。以致擾驛累民。久經禁革。除額設事物儀從外。如有前項等弊。督撫訪確。即將所用之物。所帶之役。拏問題參。分別議處。如督撫徇情隱諱。事發一併治罪。出差御史入境之後。各官遠接參謁。久奉旨禁革。如所屬官員越境參謁者。該御史指名題參。其出差御史與督撫既有糾參之例。如係公事許會同辦理。此外如設席飲酒。彼此餽送。互相結納者。一概禁革。如有前項等弊。都察院及科道覈參。一併議處。○康熙元年奏准。茶馬一差。照戶工二部滿漢兼差例。差滿漢御史各一員。

○二年定開列御史差員。凡差回者論回道日期。未差者論到任日期。差未滿撤回及復補者。論繳

教及補任日期。將其中日月深者在前列具奏。○雍正七年

諭農事為國家首務。督率貴有專司。前有人條奏請於各省設立農官。以司勸課。或設巡農御史。令其巡行郡邑。勸勸農人及時力作。亦足敦本業而防游惰等語。朕思各省耕作情形不同。未可一例通行。現今畿輔之地。營種水田以來。收穫甚多。行之已有成效。設

立巡農御史之事。當先行於直隸省。每年持差御史一員。於二月田功初起之時。巡歷州縣。查察農民之勤惰。地畝之修廢。以定州縣之考成。其有因循推諉。以致荒廢農田者。即行參處。該御史亦勤加勸課。督令耕耘。九十月閒稼穡納場之後。回京覆旨。至明年二月。照例另派一員前往。其該御史出巡。一應供給車馬。俱照現今巡察御史之例。按月給發。務使農業興修。田功畢舉。游手之人咸歸南畝。以副朕重農務本之至意。○十二年

諭巡察官員。並無裨益。著限年停止。於應稽察時特遣

○乾隆元年

諭各省巡察俱已停止。山西巡察亦著停止。派往。又議准。遇有應差科道。均照資俸。通行引見。其曾經出差者。在履歷下註明。如有託故規避者。該堂官即行指參。○五年

諭雍正三年定例。湖廣地方。每年派往巡察御史一員。專司稽察盜賊。巡視驛站煙墩。操閱民壯等事。嗣因盜案減少。於雍正十二年奉

旨停止。朕看得湖北襟江帶漢。素稱四達之區。且幅員遼闊。數澤瀟漫。盜賊易於藏匿。近日河南盜案繁多。眾論頗以為鄰近楚省之故。朕思此時若專遣御史巡察恐地方又添供應之繁。該省原設有守道巡道三員。平時有督緝之責。事發有處分之條。應於每年冬月各出巡一次。輕裝減從。徧歷所轄州縣。稽察保甲。操閱民壯。順便驗視煙墩。點查汛兵。如有疏懈。即移知營員。照例究治。至於驛站夫馬。原係驛道職掌。亦應每年巡查一次。如有馬匹疲瘦。排夫缺額。以及騷擾驛遞。濫應夫馬等弊。即行詳揭請參。以肅郵政。該督撫可遵旨酌派施行。著為定例。○八年

諭嗣後巡城查倉官員。如別有差遺。在三月以內者。該

衙門委員署理如係過三月之差者著奏請署理。  
十年奉

旨嗣後凡請點差皆著引見。又議准凡巡城巡臺巡

察

盛京黑龍江等差由本衙門先行摺奏引

見

欽命後復繕本具題。十三年

諭給事中同甯馬宏琦御史沈廷芳趙青藜由山東查

察賬務回京復命朕召見詢以東省情形所查察之

處地方官辦理孰為周到孰為實心竟未能一一舉

陳山左因連年被災百姓饑饉朕日夜焦心勞思截

漕數百萬石發帑數百萬金以蘇涸轍之困念被災

地方遼闊恐巡撫一人耳目不能周到特命大臣及

科道等前往查勘撫恤該科道等親行周歷亦已七

八月之久通省一百餘州縣其中守令才力自不能

齊縱皆奉公守法無奪飢民之食而食者而經理出

衆得宜者必有其人拮据疏漏被吏胥欺蒙者必有

其人即同一妥協其中亦必有差等而屢詢漫無以

應豈不為言職愧哉著傳旨嚴行申飭。十五年奉

准科臣出差學政各按員缺請

旨署理以重職守嗣後滿漢科臣用外任例不出缺

者並照此例題署。十六年奉准滿漢科道不

論所奉何差為期在一年外者將科道通行開

列具題恭候

欽命一人署理在一年內者由本衙門委署至科道

已奉巡城查倉等差而又別奉差遣需人署理

者向例在三月外者題署三月內者委署今亦

以一年為斷畫一辦理。三十年

諭科道等官果奉特旨欽差查辦事件者遇有會銜具

奏之事自應以奉差專辦之員居首若南北漕差每

年一派雖屬輶車直指亦幾與定額設官無異督撫

為國家封疆大臣不當轉列於臺臣之後即如臺灣

巡察亦有欽命巡方之責而其奉事列銜又豈得遂

先聞浙督撫乎此雖章奏中小節朕亦不肯輕忽必

須明白指示定以程式俾皆知所遵循以昭畫一嗣

後三品以下奉差外省非特旨有欽差字樣者概不

准在督撫前列名。四十八年奉

旨嗣後所有出差科道人員到任後不必差人奏報到

任日期亦不必擅動驛馬即有應奏尋常事件俟差

竣回京時再行具奏如有緊要事件必須應奏者仍

照常具奏。嘉慶四年奉

旨。嗣後科道等。如遇有引見。接連告假三次者。該衙門即照規避例題參。十二年

諭。吏部議奏。給事中周厚轅於引見差務。接連告假三次。請照規避例革職一摺。科道等遇有引見差務。接連告假三次者。曾經諭令該衙門照例題參。原恐該員等於引見時。則臨期請假。引見後又銷假當差。迹涉規避。是以嚴定處分。此次吏部議覆都察院奏請將周厚轅參處革職。係按照告假三次之例嚴辦。但詳閱摺內所開該給事中告假三次。俱係於未經引

見之前。先期告假五日。至二十日不等。且其第二次告假時。經都察院派員驗明患病屬實。並經委員署缺。覈其情節。實係患病告假在先。與見缺規避者有別。自應量為區分。嗣後科道等引見各項差使。如實係見缺規避。臨時告假一二次。至三次者。如何分別給予處分。其患病屬實。並非遇缺規避者。應如何酌定告假章程。畫一辦理之處。著該部詳細妥議具奏。給事中周厚轅應否置議。俟該部具奏時再降諭旨。欽此遵

旨。議奏。凡告假在未見缺之先。與見缺告假之後。旋經

銷假不誤引

見及驗明患病屬實。咨明吏部存案。確無規避情事者。均毋庸置議外。至見缺告假。實有規避情節。自應按照次數分別議處。初次議以罰俸一年。再次議以降一級留任。接連計至三次。即照規避例議以革職。如此詳定章程。辦理較為平允。戶科給事中周厚轅應否置議之處。伏候

訓示奉

旨。依議。周厚轅告假在未出缺之先。與見缺告假者有別。且經該衙門驗明患病屬實。竟者毋庸置議。

巡城。順治九年。增設五城巡城漢軍理事官各一員。十年定。五城每城滿洲漢軍漢軍監察御史各一員。又題准。新資御史。先試巡城。十五年覆准。巡城等差。例應新資御史六箇月一換。如新資之人。差用回道御史。十八年覆准。京師五城。原各設有滿洲御史二員。於順治十五年八月裁汰一員。今五城事繁。仍各添滿洲官一員。康熙十二年覆准。五城京畿道各差。若不更換。難以盡知其賢否。嗣後照例六箇月更換一次。將八員漢軍御史。作為滿洲御史。

數內差遣。○十五年題准京城乃五方雜處之地。御史巡城。正在訪詢民隱。究察姦究之際。未幾而差滿更換。為期太速。嗣後滿漢御史巡城。俱令一年一換。○雍正元年

諭。御史巡城。關係要緊。嗣後缺出。通行開列具題。候朕點用。○又

諭。巡視五城御史。其為緊要。一城滿洲漢軍漢人三員。殊為太多。難得如許好官。有一不肖。即掣肘廢弛一城之事。嗣後一城止派二人。漢軍著歸併漢人班內。筆帖式亦著隨御史更換。如有生事不守分者。即行題參。若該御史徇情。或被查出。或朕另有所聞。將御史從重治罪。爾都察院堂官不時訪察。該御史內有聲名不好者。不必等待一年。量其輕重。或題參革職降級。或掣回本衙門。其聲名好者。即行保留巡城二年。○又奉

旨。前因巡城裁去御史一人。故將漢軍御史歸併漢人班內。分差巡城。其餘仍照漢軍御史舊例。不必更改。○二年  
諭。御史巡城。揀選行止好人去得者。一二員開列於前。其餘照常開列具奏。○五年

諭。巡視五城。其屬緊要。嗣後著將御史給事中。一併引

見。○乾隆元年奉准。嗣後以一年更換滿洲御史。一年更換漢御史。輪流更代。則滿漢官莅任均有二年之久。事務可以周知。其滿洲御史任事之日。滿洲御史已經熟悉。凡遇一切公事。官吏無由欺隱。實於地方有益。○三年奉准。巡視五城。將籍隸大宛之科道。概令迴避。不必開列。○五年奉准。滿漢巡城御史。如遇事故。皆應更換之時。恐二人均係新任。事務未能熟悉。將曾經巡城各御史內。差出一人。以一年為限。俟一年滿後。仍照例引見更換。則滿漢御史新舊相兼。足資治理。○九年奉准。五城凡有事件。必令滿漢二員共同審理。毋許私設刑具。獨行審斷。○二十四年奉。向例奏派巡視濟甯淮安天津等處漕務。巡城科道俱行開列。如蒙

欽點漕差。巡城一缺。另行委員署理。惟通州距京較近。仍辦理巡城事務。每難兼顧。嗣後照濟甯等處巡漕之例。巡城一缺。另委員署理。以歸畫一。

至滿漢科道內向例在

尚書房軍機處奏事處行走及稽察內務府並現

出遠差者奏派各差俱不開列巡城事關緊要

嗣後巡城科道照

尚書房等處行走之例奏派各差均免開列奉

旨科道簡派巡城自有本任專責復遇派出漕差不分

遠近自應一體委員署理至尚書房等處行走人員

若一概不入奏派則所存開列各員多屬資淺不更

事之人不特於公務無益而兼各處行走者亦轉成

規避之徑甚非政體嗣後凡一應奏派差務均著開

列但將行走之處註明進呈候朕酌派○三十九年

奏准漢軍科道停止開列巡城○五十六年奏

准向來巡城御史例應二年更換惟該御史巡

城日久吏役等易於窺伺交結滋弊嗣後改為

一年期滿即行更代以杜弊端○又奏准向例

滿漢科道巡城復遇派出漕差試差及巡察等

差皆委員署理差竣仍行接辦今巡城已改一

年更替設出差之員程途稍遠則在外之日居

多未免有名無實嗣後巡城科道一經

欽派外差即行開缺請

欽派外差即行開缺請

旨更換○五十九年定五城審案及書役當差事宜

一巡城滿漢御史承辦各案遇有同旗同籍者

難保無瞻徇情弊嗣後滿漢各員有應迴避者

會同別城滿漢御史辦理均應迴避者將原案

移交別城一五城額設書吏向係自備資斧與

各衙門不同嗣後於都察院衙門所得飯食銀

兩量為撥給以資辦公一五城捕役向係京畿

河南山東道及都察院經歷司督催所五處該

管惟都察院經歷司暨山東道有督催比較之

責嗣後歸二處專管其餘概停應卯○同治四

年

諭都察院奏訪查巡城御史辦公未能妥協請旨撤退

一摺據稱巡視西城御史奎英稍涉事權漸改前轍

近遇地方公事每多率意任情不克和衷共濟辦理

殊未妥協各等語朝廷設立滿漢巡城御史原期遇

事商同辦理固不可諉謝因循亦不宜偏執己見致

有貽誤該堂官等未敢以保奏在前自行迴護自為

慎重公事起見惟未將該御史率意任情各事蹟指

參殊非覈實之道即著全慶等將該御史如何辦理

不能妥協之處據實再行陳奏毋稍徇隱○又

欽派外差即行開缺請

諭。昨因都察院奏參巡視西城御史奎英。近遇地方公事。每多率意任情。未將各事蹟指參。降旨令全慶等將該御史如何辦理不能妥協之處。據實陳奏。茲據奏稱。據巡視西城漢給事中何兆瀛呈稱。管理街道御史移送西城監靛廠不挂錢幌。私換銀兩之李姓一案。飭交坊官辦理。並將李姓交坊看押。經本城滿御史奎英親赴該坊自行釋放等情。當將此案劄交東城御史查辦。因訊問尚需時日。未敢遽以此案原委具奏。惟西城事務殷繁。儻仍聽奎英辦理。恐滋貽誤。是以先請撤去該御史巡城差使等語。奎英於私換銀兩交坊看押之李姓。虛實並未訊明。輒行私往屬官衙門勒令釋放。實屬任性妄為。有乖體制。都察院堂官於昨日奏參摺內。並未將私放李姓情事詳晰奏陳。殊屬含混。至李姓經街道衙門於十二月十二日交坊看押。十七日始由街道衙門移交西城。何以奎英於十四日即知有此案。其中是否另有別情。著派綿森趙光會同都察院堂官秉公研訊確情。據實具奏。奎英著先行撤退巡城差使。聽候查辦。十年

諭。前因巡視西城御史錫光與同城御史賈瑚等犯未

經會商。又復各執一詞。當諭令都察院堂官確察具奏。茲據該堂官查明覆奏。並請將錫光等均撤去巡城差使等語。錫光於等犯一犯時。既未與賈瑚商明。獲犯後又不移交該管衙門訊供。遽行奏交刑部。迨經奉旨交部察議。又復瀆陳分辯。實屬率率。錫光著交部議處。賈瑚與錫光同城辦事。未能和衷。亦屬不合。著交部察議。



欽定大清會典事例卷一千二十六

都察院

各道巡倉

巡倉○順治二年定差御史一人巡視京通各倉○七年停止巡視各倉○八年題准京通倉差不便裁去仍差御史巡視○十年題准巡倉差照巡鹽例一年一次更替○康熙七年題准管理京通各倉有侍郎二員管勘收進等事有戶部專差滿漢郎中員外郎等官巡倉御史並未另有專管之責即行裁去○二十年復差御

史稽察○又題准題差巡倉舊例出過兩差差過兩浙兩淮巡鹽一次者並掌河南道京畿道事御史不行開列惟巡倉差屬緊要其差過兩浙兩淮巡鹽及掌河南道京畿道御史者仍一體開列○又題准倉糧關緊要差滿漢御史各一人稽察○二十六年停差巡倉○雍正二年奉

旨特設巡察御史一員總查倉場弊端○又議准每年到通船六十餘隻所收茶果銀兩動支數目以及買過餘米令坐糧廳俟糧務完竣日按所到

船隻逐一分析造冊具題如此外另有需索之處倉場侍郎巡倉御史訪拏題各治罪○五年

論在京各倉每倉或都統或副都統各一人御史中不  
論滿漢每倉各委一人專任稽察之責其支放奏銷等事不必經管惟倉房滲漏牆垣損壞與倉內鋪墊及匪類盜竊各弊查出即行文倉場侍郎知之若倉場侍郎等遲延不及時辦理妥協即據實奏聞儻不能查出弊端以致虧損倉糧著落稽察之都統副都統御史與倉場監督等官分賠其通州三倉即照此例交與通永道通州副將稽察其失察分賠之例亦

與京倉同○七年

諭向來各倉米石蓋藏不謹每每攙和灰土純雜不一是以領米之時向通賄囑使費繁多弊端種種數年以來嚴飭該管等官慎守倉儲屏除陋弊米色既已勻淨則在倉執役之人及赴倉領米之人均當懷遵法紀不應仍存作弊之心復蹈故轍著八旗都統等通行傳諭該旗並令倉場侍郎出示曉諭若本人赴倉領米之時其所得之米果有攙和灰土等弊令其當時在倉將不淨之米交與該監督封貯或到倉場侍郎處或到巡倉御史處據實呈明即行查究儻有

希圖作弊以及倉場人役等暗中勾通賄囑者一經發覺將與受之人一同從重治罪決不姑貸。十二年

諭向因倉庾關係緊要在京十倉每倉或都統或副都統各差一人御史各差一人專任稽察之責於倉場不無裨益但從前未定更代之期現在各員中有至三四五年尚未更換者朕思日久因循易生懈怠且或偶有疏虞該員慮干失察因而掩飾彌縫亦未可定著定為三年更代屆期各倉一同更換若有接任之人未三年即屆更代之期者亦一例更換。又議

准京中各倉每年戶部各撥銀百兩交儲倉場侍郎衙門凡有一應奇零修葺之處令該倉監督確估申報倉場侍郎並稽察之都統御史查看領銀及時修補至工程在百兩以上者令稽察之都統御史會同倉場侍郎查看確估具奏興修。乾隆十年議准稽察倉場都統等若有出差患病服制等事在二三月以內者行文都察院交與稽察之御史專行巡察有應辦者即行辦理。十三年

諭令都統御史查倉並非止令稽察倉廩滲漏原令其

兼查盜米等弊今查倉大臣官員以非關己任不行察看實非差往本意著查倉都統御史等凡有偷領私米等弊嚴加稽察毋得疏慢。十七年奏准京通各倉每倉奏派御史或給事中一人不論滿漢專司稽察年終更代將一年內並無短收多放攬越廩座之處據實奏明交戶部存案。又奏准稽察京倉之都統御史除八旗該班及五城理訟日期外輪流到倉儘都統

內廷侍直則御史亦應獨任如有疏略亦即查參。又奏准各倉整廩向係倉場侍郎封識放過殘廢倉監督自行封閉嗣後凡係殘廢俱由查倉都統御史封識放米之時驗封啟鑰至都統御史務須輪流赴倉稽查以除弊端。十八年議准修理京倉銀數在一百兩以上者查倉都統移咨工部查估咨覆該都統奏明興修工竣由工部查銷修理通倉即令查倉御史倉場侍郎造冊會題由工部彙議興修。又議准各倉鑰匙向例監督收存嗣經議令倉場侍郎收執至點廩放米始行發倉但恐值大雨時行不能及時查看嗣後新漕進倉每年四五六七八月

間將鑰匙暫給監督收執一遇大雨通倉呈請倉場侍郎京倉呈請都統御史即行開封查驗修補○二十五年議准各倉整廢例用倉場侍郎封識但倉場遠駐通州在京各倉勢難隨時查驗嗣後一併責令都統御史等查驗貼封○又奏准歲修倉廩務於春三月勘估動工玩視者查叅若監督已報而都統御史不即查辦一併議處○二十八年

諭派出查倉之都統御史等嗣後放米日期務須親身前往巡察即有別差二人內必著一人前往○二十

九年議准嗣後各倉放完米石之時由該旗派出監放之參領等將用過錢數當時出具畫押保結送查倉御史覈對凡遇開倉之日都察院揀選五城幹捕撥給查倉御史等聽候差遣○三十年議准修理倉廩銀數在百兩以上者由工部查估送查倉大臣具奏辦理外其銀數在四百兩以上者由工部知會內務府派員同修在四百兩以下者由工部專員修理本倉監督隨工查驗仍令查倉大臣不時稽察工竣後查倉御史查收將承修官職名及修理年月銀數

造冊存儲再遇興修敘明入奏○三十三年議准京通各倉一年所收米石全數放竣倉場侍郎會同查倉都統御史將原存放過贏餘各數逐廠詳查確數造冊具題戶部覈對題覆○三十七年議准安河橋豐益倉照本裕倉之例改歸倉場管理派都統御史各一員稽查○三十九年奏准八旗領米之日該都統不能前往令各旗派賢能參領與稽查大臣御史等悉心查察設有違例滋弊稽查大臣查出而御史失於覺察將御史一併叅處如御史查出而稽查大臣失於覺察將大臣亦一併嚴叅議處○四十

年奏准查倉科道有

欽派巡城者其所查倉務若距更換之期不遠即派員暫署候為期尚久揀員奏派○四十三年奏准戶部所屬內倉向無稽察人員嗣後於內外各倉更換科道時添派一員稽察內倉年滿一體更換○又議准查倉科道有與該監督同旗同省以及外姻內戚者照例迴避如查倉之科道到任在先例應迴避之該倉監督到任在後該科道即咨明倉場侍郎與別倉監督調換○

四十四年議准各倉開放土米時務令各城司坊官親身赴倉支領並令查倉都統御史前往監看如領出之米與所估成色間有不符許該司坊官即行稟明查究○四十八年議准凡遇開倉之日押旗都統查倉都統御史務須親身到倉嚴行稽察並令倉場侍郎八旗都統轉飭各倉監督及派出旗員實力奉行該倉監督一人在廳隨同查倉都統御史點數一人在廳眼同領米章京監放○五十一年

諭兵丁關支月餉本有定期乃各倉無故遲延多日開

放以致兵丁等一時雇覓多車赴領車戶居奇昂價非所以示體恤著交倉場侍郎嚴飭各倉遵照定例按期開放毋得仍前遲延並著查倉都統御史不時稽察如有稽遲即據實奏交部議處○五十二年議定嗣後各倉開放兵米以部檔到倉之日起限務於十日內開倉陸續開支其有同時開放別項米豆為數較多准其呈明戶部暨倉場侍郎隨時查數仍遵定例於本月底放竣儻若再有遲逾即行嚴參議處○五十九年奏准每月支放甲米部定倉口後即行知都察院籤派滿

漢科道各一人查驗廠座標封放米之日科道率同監督等眼同領米旗員揭去氣頭移存空閒廠內將應放之米放給其所存氣頭廠座科道即時標封出糶廠底時令科道查驗開封其舊設查倉御史應行停止所派監放甲米之科道本衙門別項差使均令扣除八旗領米令本旗都統或副都統會同查旗御史屆期赴倉驗放向來另請派查倉都統副都統之例概行停止所領甲米一旗定限一月放竣如限內不完將監放之都統副都統科道並該倉監督均照

支放官員俸米遲延例罰俸一年各旗領米儻監督與花戶人等以低潮之米攙和或短少米數勒索錢文許兵丁自行首告領米旗員稟明各都統將監放之科道及監督一併嚴參花戶等從重究治如領米旗員領催及食米兵丁在倉生事控求擾累該監督亦即呈明科道將都統及領米官員一併嚴參領催及兵丁等亦從重究治每月放贖零米廠座令監放科道於標封廠座時鈐用本科本道印信認明字號親身驗貼報明都察院令下次接手監放之員於啟

封時亦即按照原封廩座字號細加查驗儻有移換等弊立即嚴查究辦開放甲米先將該倉所存青腰白臍米石廩座字號逐廠書寫一籤嚴密封固臨期都統與監放科道眼同開定幾廠再行開放放竣後即按定本倉年分最陳兩三年之米一併照此臨期開掣至通倉及祿米等十一倉支放俸米屆期亦先行都察院另派滿漢科道各二員輪赴各倉率同該監督照支放甲米之例一體稽察○又定嗣後遇有文武鄉會試月分所有赴倉監放之御史不論滿漢科道每倉籤派一人○又定內倉支放米石及西中二倉支放看倉兵丁米石一律免派科道監放○又覆准倉場侍郎咨稱祿米倉放內務府等處米石現在未值開放甲米之期並無監放科道若俟下屆輪至再放勢不及待嗣後遇開放緊急零檔米石倉場侍郎即派委員眼同該倉監督啟封監放俟放竣後監督將已放及現存各數造具冊結並令監放之員出具眼同監放加結一面送部一面咨都察院令下次監放之科道查照○嘉慶四年奏准京通各倉仍

見恭請  
令都察院將滿漢科道帶領引

簡派十五員分倉稽察一年更換所有每季開領俸米甲米及發交五城糶賣之土米均令隨時監放至每年由通運京之新糧一併令其查覈入倉以免臨期挪移偷漏○又奏准戶部所屬內倉仍派科道一員稽察○又題准嗣後查倉科道與該倉監督同旗同省迴避之處即行停止俱照各部院堂司官員迴避之例辦理○六年議准各倉監督報修一切工程如動用戶部銀兩者照在京工程之例銀數在千兩以上者奏請  
欽派大臣查估承修在千兩以下及二百兩以上由部派員估奏輪直堂官督率司員修理在二百兩以內者亦照在京工程之例由部派員估修工竣派員查驗覈銷如動用坐糧廳庫存銀兩者由倉場侍郎飭交該倉監督自行修理工竣造具冊結送部派員查驗咨銷○又議定驗收各倉進米事宜設御史稽查毋庸奏派查倉大臣○又議准新任倉監督接任交代將所管米

石整廠驗封零廠抽盤如提雜短少即指廠揭報倉場侍郎及查倉御史公同查驗虧缺屬實將舊任監督治罪勒賠凡新任交代限兩月出結後續經盤出虧缺即將新任監督指名參處○又議准各倉所用收放木斛每晚隨廠封存次早驗封給發通倉由倉場侍郎查驗京倉由查倉御史查驗如與部頒鐵斛稍有盈縮飭令隨時修整○又

諭明安奏稱昨因查街走至海運倉門口見有大車拉米詢係二月分西四旗應領俸米並見朝陽門外各米局尚有未卸米之車輛亦據車戶稱係春季俸米等語各倉給領官員俸米俱有定限於放竣之後照例報部何以春季應領米石此時始行開領是前此按限報部俱係虛捏其中顯有情弊倉場侍郎總司倉務豈竟毫無見聞至查倉御史於監放是其專責現在所放米石該御史曾在倉如並未在彼監放則是任聽該倉監督等私行放米若明知係二月俸米在彼監放何以不及早參奏此事若倉場侍郎稽察海運倉御史各行明白回奏俟奏上時再降諭旨○七年議准嗣後各倉開放俸米令倉監督先

將應領各員具冊送查倉御史並將所收領票於三五日內照冊註銷俟覈對清楚仍將領票呈送倉場○又奉

旨嗣後各倉收放米石務須飭令該監督等遵照定例親自查驗毋得任聽書役人等擅開廠座違者著查倉御史嚴行參辦○八年

諭御史雙壽奏請將王公名下五旗包衣藍白步甲民公侯伯各大臣及八旗佐領名下坐甲米石仍改於京倉支放一摺所奏尚是此項米石向來本在京倉開領嗣因通倉貯米稍多御史赫霖奏請改於通倉支領經戶部倉場衙門議准本屬一時通融辦理該旗人等赴通開領需用腳價既不免增多設因盤費缺乏竟在通變賣通州為七省漕糧交卸之所積米本多勢必至於賤售恐姦丁易於購買致啟弊端且該旗人於回京後轉須費糧食米京城米價必致昂貴於生計殊多未便著自秋季為始所有各該旗應領各項甲米准照所請仍在京倉支放○十四年

諭朕恭讀

聖祖仁皇帝實錄從前康熙年間因八旗兵丁多有將所得甲奉私自賣給姦民囤積販賣及至該兵丁等

食米不足則又仍向舖戶用貴價購買。姦民等因得  
擡價居奇。大妨八旗生計。仰蒙

聖明飭禁

訓諭諄諄。教誡以為政必先足食。所以裕旗民養贍之  
源。斷不可牟利一時。致礙經久之計。試思兵丁內貧  
乏者多。以米易銀。尚為飭禁。何況等而上之。詔釋受  
祿。至於親王郡王貝勒貝子等。皆坐享豐饒。非賴售  
米以資日用。又豈可惟利是務。而不顧國家儲備之  
經久乎。假如親王郡王貝勒貝子以有餘之米。止在  
城內變價。猶可使市價平減。民食藉資充裕。今乃節  
省車價。止圖容易。將所領俸米。即在通州賣去。甚至  
將米粟在彼賣給姦民。以致米不入城。都市騰貴。而  
姦民乘機盜弄。冒領重支。囤積回漕。無弊不作。現在  
倉貯虧缺。職此之由。親王等皆天潢一派。休戚相關。  
其於國計民生。尚漠然罔顧如此。又何况大小臣工  
等之遇事膜置。毫不動心乎。嗣後王貝勒貝子公等  
俸米。自本年秋季為始。屆期赴通關領之時。著先期  
具報。都察院奏派滿漢御史。在朝陽門外按數確查。  
每月具奏一次。均責令運米入城。毋得在城外售賣。  
如違。必當革職。其餘應行在通支領俸米之文。

武大員及在城外京倉支米之官員兵丁等。應如何  
設法稽查。務使運米入城。不致在通售賣之處。著戶  
部妥酌章程具奏。請旨辦理。欽此。遵

旨議奏

嗣後文職四品武職三品以下官員。於城外支  
領俸米。如有售賣等弊。隨時查參。除將買米人  
治罪外。仍將該員交部議處。俟各員放竣之後。  
令各該旗及各該衙門。將各員俸米是否全數  
進城之處。報部查覈。其城外太平等倉。每月輪  
放甲米。自本年八月為始。令該旗都統先期造  
具兵丁米數清冊。移送查旗御史。並遴選妥幹  
章京數員。屆期同各該旗查旗御史。在朝陽門  
外催趨進城。毋許逗遛。如查有城外售賣等弊。  
該章京即回明各該旗都統。會同查旗御史。奏  
明。將買米石者治罪。賣米者責革。儻有售賣城  
外舖戶等弊。立即嚴拏。奏明究辦。奉

旨

戶部議奏領米章程一摺。現在倉儲正當積弊之後。  
立法宜周。所有城外各倉支領俸米之文職四品以  
下武職三品以下各官。並兵丁月米。自本年八月為  
始。屆期奏派御史二員。再由步軍統領衙門派司官  
二員。於朝陽門外專事登記。每十日具奏一次。如有

出城售賣等弊。立予嚴懲。並著於兩月內全行領完。如逾限不領。即行參辦。仍責成倉場及該管各衙門一體嚴查。總當行之無懈。毋得日久玩生。仍前滋弊。

○又

諭據御史福克精阿等奏稽察進城俸米章程。請給予車票執照。各旗俸米由佐領給發。漢員俸米由倉監督給發。註明官爵米石鈐蓋圖記印信。交給車戶。以便照驗等語。同日據祿康英和奏現屆米石進城之候。派左營參將北營遊擊在所屬石道往來稽查。派捕盜步軍校等在朝陽門內稽察。又派筆帖式專事

登記按冊查對等語。此次米石進城事係創始。自應嚴密以絕弊端。但如該御史所請將鈐記印票交車戶收執。於點驗後仍將原票發還。未免紛繁。此等官票設車戶等或收藏不謹。致有遺失。及雨水浸溼等事。轉不足以昭慎重。況米石斷無慮其混進城內之理。多一法又多一周折。仍於事無益。祿康現派旗營各員在朝陽門內外嚴密稽查。又隨時登記按冊查對。自無慮其有停閣偷漏情弊。仍著祿康等會同該御史詳議具奏。總以事歸簡易。又能剔除弊竇為要。至該御史等所撥書吏捕役應需公費。即著照抽查

漕糧之例。移咨倉場等衙門。准其報銷。○又議准嗣後各倉於開放俸甲米石時。放出一票。即責令該監督呈送查倉御史。當堂截去左角塗銷。一票仍於放竣之日。彙送倉場衙門存案。於稽察防範益昭慎重。○又

諭戶部奏議覆御史慶明請就收米之便。以代盤查一摺。已依議行矣。天庾正供。理應出陳貯新。不容任意支放。向來王公大臣官員等於領米時。往往挑索好米。甚至有請託支領之事。實屬可鄙。其八旗兵丁有能給予花戶錢文者。尚得關支好米。否則即以潮溼米石充數。致令兵丁等不堪粒食。稟請都統參奏。而倉場等則又以倉中應放此米為詞。紛紛爭論。殊屬不成事體。因思各倉貯米。原不能盡屬鮮新。王公大臣等所得米石較多。若概索新米。則陳米不能支放。日久必多紅朽。而兵丁等所支全屬醜米。亦非甘苦與共之道。嗣後王公大臣及官兵等應領米石。著倉場侍郎按照米數多寡。將陳米新米均勻搭放。庶王公大臣等無從遇事挑索。而兵丁食米。不致偏枯。行之日久。倉貯米石出陳貯新。自無腐變之虞。儻或王公大臣及兵丁等。因不能全得好米。在倉嚷鬧。即將



挑剔之米概行扣除不准支領以息爭競設該倉米石均屬朽變強令支領准領米之人首告該查倉御史及該旗都統等參奏辦理○又奏准嗣後各倉於每月甲米及每季俸米放竣後即由倉場侍郎將氣頭廠底米石於十日內勘估報部即於部文覆准之日轉飭各倉監督於五日內開放並將放竣日期及並無存倉土米具結報部查數其報銷日期於本年封印前造冊送部覈題至五城正副指揮及通州知州赴倉開領日期即以戶部知照文到之日起扣限三箇月全行領糶如逾限未領者即查取經放領糶各員職名送部議處仍責成該查倉巡城御史查照原奏互相稽查按季彙奏一次年清年款○十七年奉

旨據稽查京倉御史等奏上年冬季各倉領運土米稽查完竣一摺五城領運各倉土米責成查倉及巡城御史稽查每季彙奏一次總以並無好米攙雜等詞聯銜具奏其實各倉積弊往往於領運時上蓋腐朽土米暗將好米影射在內運出售賣該御史亦並未逐細查驗不過奉行故事一奏塞責殊非覈實之道

嗣後各倉出放土米時著該查倉御史親往眼同驗放實力稽察如有攙和掩覆等弊立即據實參辦毋得視為具文○道光三年議准嗣後各倉分別存儲年分除不及二年者不准揭除外其儲廠二年以外者揭除氣頭不過一百石廠底毋過二十石儲廠三年以外揭除氣頭毋過一百五十石廠底毋過三十石至四年以外雖歷年多者仍不得過定例二百五十石之數仍責成查倉御史於開廠開放時據實查驗另廠移儲標封以防偷換○又

諭戶部奏請飭查海運倉徽變豆石並將該倉署任監督據實奏參所奏甚是本年九月侍衛處應領馬豆經戶部劄行海運倉開放該倉歷年土豆甫於八月間報部發糶出倉其存儲豆石係本年三月入倉自係一律完好何以侍衛處呈出豆樣徽變不堪且經戶部將豆樣移送該倉查驗該花戶於前項土豆內有無偷換攙和情弊歷經戶部行催未據查明咨覆著倉場侍郎明白回奏海運倉滿漢署任監督俱著先行解任該倉存儲各豆著倉場侍郎會同查倉御史逐廠清釐咨部若再隱飾迴護是自取咎戾矣○

五年

諭嗣後由通轉運各倉米石著大通橋監督於定期起運前數日先行移知該倉監督豫報查倉御史前往驗收以重倉儲。○十一年

諭刑部奏審擬已革花戶許九等攬買俸票一摺散放俸米每月據步軍統領衙門及都察院稽查御史具奏均稱並無停閣售賣之弊何以復有許九把持行市取利之案可見每月具奏不過奉行故事而已其賣票一事尚小若一切稽查具奏之事俱不認真查辦殊失朕孜孜求治設官分職各有攸司之本義泄沓成風諸不務實盡屬虛文成何政體朕每思及為之寒心嗣後著步軍統領衙門實力稽查如有攬買俸票圖利者一經查出即行奏明按律懲辦至一切稽查事件概不准視為具文以致有名無實。○十四年

諭鐵麟等奏稱各倉領放甲米向有限定時刻稍有遲延將該監督等分別照例議處並於道光九年通飭各倉於黎明時開倉隨時放給片行稽查御史查數惟該監督等開放有無遲滯該章京等支領是否稽延稽查御史未能悉知若不明定章程必互相推諉

嗣後著倉場侍郎嚴飭該監督等遇開放甲米之日於黎明開倉時先將某日某時刻開倉門之處片行御史查數再將本日放米確數並該旗領米章京等何時何刻到倉米石何時何刻放竣一併片行稽查御史查數以專責成。○十五年

諭前據給事中富彰奏參太平倉監督等住宿曠誤當交倉場侍郎查奏茲據奏稱該倉署監督與成初五日輪應直班是日早起暫時回家等語倉儲重地直班人員豈容一時曠誤查倉科道本有稽察之責理應據實糾參此次該署監督雖係暫時回家究屬有曠職守與成著交部議處嗣後各倉稽察科道暨該侍郎等總當認真查察如有曠班等弊隨時參奏毋稍徇隱。○十八年

諭前因御史孫日宣奏儲濟倉貯有陳豆未經放竣接收新豆與定例不符當經降旨著倉場侍郎查明具奏茲據奏稱該倉已割未放上駟院囤豆五千餘石現存儲字廠妥為封貯隨領隨放所進新豆均收別廠毫無混亂係照歷年派收章程辦理惟該花戶等壓陳出新等弊不可不嚴行防範著查倉御史遇該監督等報明開放之日務即親往查驗不准無故不

到儻該花戶等有乘機舞弊情事立即從嚴懲辦以重倉儲。二十一年奏准稽察京通十六倉之科道如有升遷事故出缺距更換之期在三月以外仍請

派員接查。在三月以內。揀員署理稽查俸米並稽察甲米入城之御史如缺出距更換之期在一月以外仍請

派員接查。在一月以內揀員署理。二十八年

論給事中曹履泰奏請飭查米石私運出城一摺因思各旗甲米及官員俸米入城專派御史稽查例有專摺奏報豈徒具文了事嗣後著即責成該御史如查有弊混偷漏出城即著嚴拿懲辦儻查辦不力別經發覺訊係某月偷漏即惟直期之御史是問。咸豐十一年奏准稽察祿米倉等十六倉之科道一年期滿比照城差繕單進呈請

旨簡用。同治元年奏准豐益倉並無存收米石廠座已交營汛看守稽察該倉御史暫撤。十二年奏准豐益倉復舊仍按年奏派御史稽察。光緒五年

論給事中張觀率奏包衣三旗應領米石不能按期

支領各花戶與市井匪徒勾結把持多方剝削請飭懲辦等語著內務府大臣查倉御史於開放時會同到倉稽察如有前項情弊即行嚴拿究辦。

七年議准嗣後外城領米到城無故遲延者照章議處若天寒昏短雨水泥淖或別有事故即由領米章京隨時報明稽察御史免其議處第不得遲逾過甚致礙稽察至領米之日各旗都統副都統等均於黎明赴倉眼同御史催令監督章京等趕緊裝車早行應需各項人役責令該倉監督豫為傳齊俾免延誤

欽定大清會典事例卷一千二十七

都察院

各道巡漕

巡漕○順治二年定專差御史一人催漕運

○十四年停差巡漕○雍正七年

諭糧船過淮之時著差御史二人前往淮安專司稽察

不許官吏人等向旗丁額外需索以致擾累其糧艘

中攜帶物件除照例許帶外該旗丁如有挾帶私鹽

及違禁等物者亦著該御史稽察至糧船抵通之時

其該管衙門官吏及經紀車戶人等恐有額外需索

亦著差御史二人前往稽察淮安巡漕著於二月初

差往通州巡漕著於三四月內差往不必拘定滿漢

各一人著都察院按期開列請旨○乾隆二年議准

每年差往巡漕御史四人令一人駐紮淮安府

巡察江南江口起至山東交界止令一人駐紮

濟甯州巡察山東臺莊起至直隸交界止令一

人駐紮天津府巡察天津起至山東交界止令

一人駐紮通州仍巡察至天津府止各按所巡

地方務使漕運遠行剔除諸弊如有不法弁丁

即行題參於三年為始照依駐紮地方各司稽

察奉

旨南漕兩處皆給予驛馬北漕不必給予驛馬○三年

諭向例漕運進京皆差御史前往山東江南巡視稽察

今年十一月山東疏濬運河必須過完回空糧艘方

可興工著都察院堂官將差往濟甯之巡漕御史先

行引見即令前往山東督押回空尾幫南下一俟尾

幫出山東境後即駐紮濟甯協同河道總督辦理築

壩濬河事務○又議准駐紮濟甯天津通州之巡漕

御史照駐紮淮安之例均給予

欽差官關防○四年覆准除巡察北漕御史二人不

給予驛馬外其駐紮天津御史一人出巡以臨

清為界往返千有餘里所用船及廩給口糧照

巡察南漕之例支給至駐紮通州御史一人出

巡僅抵天津且有坐糧廩船可以乘坐毋庸給

船其廩給口糧一例給予○十年奉

旨每年冬月差往山東巡漕御史兼有稽察疏濬河道

之責著都察院即照例請旨嗣後皆於十月內奏請

差往○十七年

諭巡視通州漕務向例止差科道一人專司催督漕運

而倉場事務則概不與聞但通倉積弊甚多現派大

臣盤驗者增差科道四人前往巡視漕務凡收兌新漕支發倉米皆著就近稽察至在京各倉雖經委有專員亦著一同留心稽察務期諸弊肅清以副委任

○又

論通倉收兌漕糧積弊甚多現已特差給事中御史等四人駐通稽察其水次盜賣攙和等弊向所不免淮安濟甯天津巡察等官職所專司各有分地將來抵通交收僅有短少定當根究於何處盜賣以治其罪並將該巡察官嚴加議處○二十三年議准通州巡漕御史四員以一員輪駐楊邨往來稽察駐紮

淮安巡漕御史一員即改駐瓜洲儀徵之間催趨○又奏准於通州巡漕御史四員內分派滿漢各一員專駐楊邨料理剝船稽察挑漕以專責成不必輪替其天津巡漕御史一員毋庸差派○二十四年

論楊邨駐紮巡漕御史之處著停止○又奏准楊邨巡漕御史現已停派嗣後天津以南稽察催趨之責統歸東漕御史辦理糧運轉津之後歸併通漕御史輪流巡察○二十六年奏准楊邨巡漕御史撤去天津巡漕御史未經復設即於通州

巡漕御史二員中酌派一員前往仍駐天津於東省交界一帶河道巡游督察可無逗遛脫幫之弊○三十五年

論本日御史汪獻芝巡視通漕完竣回京復命該御史駐紮通州稽查漕務近日現有東省運解平糶麥石倉場侍郎辦理不善致京倉監督任聽花戶等勒捐遲延一案麥石久不上倉各船留滯河下該御史往來巡察不得委之毫無見聞何以並不據實奏豈專以漕艘為己責而於別項運麥備糶遂謂非己事耶且科道職司言事汪獻芝即僅以御史在京供職

聞有此等情事尚當白簡糾彈况在本地查漕尤屬應行劾奏之事而竟委為漠不關涉默無一言又安用此巡漕御史者為耶汪獻芝著交部嚴加議處○三十八年奏糧船在途一交夏令各巡漕御史於催漕之便留心查閱各船是否開船起板多用氣筒如不遵例辦理即將旗丁責處員弁劾究設有在東直兩省盜賣好米之事尤當實力訪察盡法參處奉

旨各省特派御史巡漕原不僅責其專司催趨凡屬漕規運務均當一體稽察嗣後糧艘事宜若各該巡漕

御史一體實力嚴查毋稍因循懈忽。○五十三年

諭。東省運河募夫興挑原為該河承受山水不免淤墊

恐阻漕運而設。如果水勢充裕衝刷深通並無停淤

又何必拘按年大小挑之例。動項興挑徒滋浮冒。如

果山泉匯注停淤甚厚。自當實力挑挖免致漕運耽

延。從前所定間年大小挑之例。本未允協嗣後東省

運河竟不必復拘大小挑之例。惟當責成河東總河

山東巡撫巡漕御史。於每年回空將次過竣時。確加

履勘。若河道並無停淤。即毋庸挑挖。以節糜費。若河

道果有受淤。或積淤甚厚。即當確切估計。據實奏聞

認真辦理。亦不必拘於銀數。或該督撫因地方河道

官員。是其所屬意存瞻徇。任令從中浮估偷減。以為

侵漁地步。抑或因循玩誤。於應挑之工而不奏明挑

濬。巡漕御史係特派之員。俱無所用。其迴護。自當據

實參奏。儻該御史知而不舉。隨同隱飾。或誤漕運。或

任冒銷。一經查出。即將該御史一併從嚴議處。○嘉

慶五年奉

旨。糧船為天庾正供。自宜迅速輓運。不可稍令稽遲。其

織造辦物船隻。裝載上用物件。固關緊要。然較之幫

船行走。究可稍緩。至於銅鉛船隻及木排等項。亦非

漕船可比。乃往往於運河內。肆意橫行。不特令商民

船隻避讓。甚至糧艘北上。亦恃強攔阻。押解之官。任

聽水手爭鬧。漫無約束。此等惡習。朕所深知。嗣後若

責成巡漕御史。轉飭沿途文武員弁。將重運漕船。僅

趨先行。其餘船排等項。令其尾隨在後。挨次前進。以

期無誤。正供。儻該船排等不遵。彈壓仍前恃強爭鬧

搶先。一經查明。即將押解之委員。嚴行參辦。以示懲

儆。○六年議准。巡漕御史四員。分駐淮安濟甯天津

通州四處。向給

欽差官員關防。事竣交回。歷年雖無別故。但巡漕有

駐紮地方。地界毗連。文移印信相同。恐有吏胥

假借影射之弊。應照巡視漕務地方。分別鑄給

關防。以昭慎重。○十二年

諭。給事中嚴煊條陳漕運事宜。一摺。朕閱所奏各款內。

如淮安盤驗宜加迅速一款。向來南漕御史。俱在瓜

儀一帶。督催漕船。此外如遇徒陽挑挖運河。開須過

江查勘。並無須該御史往蘇州一帶。迎提漕船之例。

近年來該御史等。往往以迎提漕船為名。越境遠行。

實多騷擾。嗣後著照定例。毋許遠涉。所有江蘇及浙

江各幫。即照該給事中所奏。責成江蘇巡撫就近嚴

惟其南漕御史應於幫船到淮之時會同漕運總督迅速盤驗以免渡黃稽緩又糧船喫水宜按照定例一款糧船喫水例不得過四尺近緣旗丁等於例外多帶土宜以致喫水過多行走紆緩甚至停泊售賣到處稽遲著照該給事中所請交漕運總督及沿途催趲各員申明定例毋得多帶貨物任意停留又漕標委員不宜太多以防滋擾一款所論甚是漕船出境除巡漕御史之外又有沿途地方文武節節提催已為周密該漕督即因幫船過牘之時須委員照應亦屬無幾乃據該給事中所奏近因漕標效力人多營求差使遂致紛紛派委本年多至八十餘員殊滋流弊此輩營求前往不過圖得飽遺索借資斧又因派委分駐各牘即經手雇覓夫役尤得乘便浮冒甚為旗丁之累不可不大加刪減即如本年漕運節節阻滯此八十餘員亦不過袖手旁觀何益之有嗣後該漕督不得任意濫委間有不得不酌派數員前往照料之處亦止許令其協同催輓毋得經手雇覓夫役以杜弊竇又直隸鄭家口地方宜派專閫大員駐紮專催一款故城縣鄭家口地方屬直隸是以臨清德州兩處武員或在鄭家口以上或在故城縣以下

分投催趲獨於該處糧船停泊俱不過問不無遷延情事亦著照該給事中所請交直隸總督每歲派委參遊大員專駐該處催趲又所奏臨清衛守備向來駐紮濟甯請於每歲新漕北上之時飭令移駐催趲一款亦屬可行至所稱東境牘河期限太寬量為嚴緊一款所奏非是糧船入牘定限四十二日其間上水下水遲速難齊風色尤無一定若該給事中所請自臺莊至分水口定限二十日下至臨清定限十二日在下水順風之時原可迅速催趲無誤限期但適遇上水頂風緯輓費力又豈能一律如限通年各處催趲情形不遺餘力所有糧船入牘出牘止須於統限無逾已為妥速若再事嚴緊恐窒礙難行仍屬有名無實也○十三年

諭嗣後奏派四處巡視漕差仍照舊例不分滿漢所有科道一併帶領引見候朕簡派外若經派後因事出缺時應分別滿漢員缺辦理如係滿缺即將滿科道帶領引見如係漢缺即將漢科道帶領引見毋庸統行引見著爾衙門記載著為令○又

諭據天津巡漕給事中茅豫奏該巡漕駐紮天津每日需用飯食等項向係該縣供應請旨永遠禁止等語

所奏甚是。地方供應差使其弊多端。雖食用有限而辦差長隨等即可從中勾結任意開銷所費不貲。大為地方之累。且巡漕駐紮日久供應既繁用項無出。該縣勢必藉端勒索。所有此項供應著即永遠禁止。至該巡漕除例得廉給養廉外別無應得之項。一切公用尚有不敷。著加恩照通州巡漕之例每月賞給銀五十兩。在天津道海稅留公項下動支。俾資辦公。因思巡視東漕南漕各御史事同一律若此二處向來均係地方官供應自當照此裁革。至裁去供應之外有無別項應得之款不敷公用之處並著各巡漕自行據實具奏。又奏准嗣後運糧旗丁除所運正項糧米或因遭風沈失報案有據或因折耗過多虧短有因例准挂欠搭解仍照例辦理及正項漕米交足之後買米食用並非回漕者毋庸治罪外其實因正項虧短但經買米回漕即照漕運糧米監守自盜之例計其所買米數至六十石者發邊遠充軍數滿六百石者擬斬監候不及六十石者量減滿徒賣米之人計其所賣之米與同罪至死者減發極邊煙瘴充軍除旗丁所買回漕米石及賣米之人所得米價照追

入官外仍計買米賣米數目照監守自盜本例勒限嚴追分別辦理並通行步軍統領順天府五城御史倉場侍郎漕運總督巡漕御史及直省有漕各督撫刊刻告示務使周知盡曉不敢踵行前弊。又

諭日前據天津巡漕給事中茅稼奏稱該巡漕衙門例無應得之項已加恩每月賞給銀五十兩並因巡視東漕南漕各御史事同一律曾經降旨詢問於裁去供應之外有無別項應得之款今各據實具奏茲據巡視南漕給事中安柱覆奏除應得養廉廉給之外別無得項該巡漕駐紮江南距京較遠遇有差務及應行遞摺等事需用稍繁今既例無別項應得之款公用恐有未敷著加恩每月賞給銀八十兩在該省藩庫支領作正開銷俾資辦公以示體恤。又

諭據文脩遵旨覆奏巡視東漕御史衙門向有濟甯州每日支發飯食紙張等項制錢十二千文除在官人役應給之項仍照舊支發外請將支給巡漕供應錢四千文裁革並請援照通州天津巡漕之例每月賞給五十兩等語巡視東漕御史衙門每日有該州供應飯食等項錢文自係相沿陋習例應一體裁革惟



該巡漕除養廉外別無得項著每月賞給銀五十兩以資應用其該州供應在官人役錢文仍准其支領

○又

論據給事中韓克均奏請定豫東漕船行走次序一摺

所奏尚是豫省漕船向例皆冬元冬開而東漕則須俟今春始行兌竣開運乃歷來辦理拘泥豫漕於行抵德州後必須守候東省之德正幫開行始將豫省之通天二幫跟接前進該二省隨後各幫又須彼此參錯行走動輒停留守候未免耽延時日以致該旗丁等多所賠累自應變通辦理嗣後著漕臣等轉飭

各員弁所有豫東兩省之船不必拘定德正通天四字名色排列先後行走惟當隨時察看無論何省何幫較運在先者均著隨到隨行挨次前進毋任稍有停滯以利漕運○十四年

諭馬履泰奏訪明吏役需索旗丁使費確數一摺並開

單呈覽所奏甚為詳細近年漕務之弊各督撫皆以旗丁苦累需索州縣幫費為詞追究其苦累之由則惟稱旗丁等於提溜打廂以及沿途剝淺等事路費不敷實難裁減而於此外概未論及今據馬履泰奏則自巡撫藩司糧道總督倉場等各衙門以及沿途

文武各員書吏經紀人等內外共十九處需索使費或數百或數十兩皆有一定之數不能短少旗丁被逼追呼如同逋欠其苦累之處莫甚於此馬履泰所開之單自非出於臆造今就一幫五十船而論每年即需銀七千四百餘兩之多况船數尚不止於此旗丁力不能支自不得不於兌運之時向州縣橫索州縣計無所出遂不得不於開徵之日向百姓浮收弊源不清伊於何底該督撫等不先查辦及此徒以旗丁路費不足為言苦思調劑殊未得其要領此等陋規一日不革漕弊一日不除關係甚重著傳諭有漕

各督撫暨總漕倉場等自本年新漕為始所有單開各衙門書吏以及委員經紀人等各項陋規俱著一概裁革毋許需索並責成巡漕御史一體嚴查密訪如官吏等有不遵禁約私自勒索者著分別查拏究辦並准該旗丁指名首告如此禁革之後旗丁等費用大減沿途自可不致竭蹶如果此外提溜打廂剝淺等事比從前不無多費再行量加調劑旗丁等浮費既除運費又足無可藉口此後設仍向州縣橫索兌費不肯開行著該督撫立即嚴拏究辦所有馬履泰原摺原單著一併發鈔俾各督撫總漕等按款周

知逐一查辦。儻或奉行不加。仍任書吏等需索如前。則是有意縱容。故留積弊大負委任。試思馬履奉既。能臆陳弊款。伊等豈不能隨時訪查。如續有奏。或別經發覺。朕惟該督撫總漕等是問。又

諭

御史汪彥博奏條陳漕務事宜各條。所奏是近年漕務積弊。總由弊源不清。相習成風。而各該督撫於釐姦剔弊之要。又未能實力奉行。妥為經理。如水次交兌之時。米色稍有攙雜。即應責令監兌之員。立時駁換。若俟到淮盤驗。由總漕查參駁換。必致趨運稽遲。且易啟州縣旗丁互相推諉。狡賴情弊。至旗丁應領各費。儻該管糧道。任令書役家人需索。剋扣。該丁等不得支領實數。必致經費不敷。多形竭蹶。其各州縣應領養廉原為辦公而設。若概行勒派攤捐。伊等必藉口用度無資。上侵國帑。下朘民膏。種種弊端。皆由此起。而刁生劣監。以及地方土棍豪民。亦遂得乘機挾制漁利。包漕報轉。相因竟成錮習。現當清釐漕務之際。所有各衙門勒索規費。前已明降諭旨。按款飭禁。但恐姦胥猾吏。不得遂其需索。轉向各幫船苛求米色。動輒駁換。旗丁仍受其累。而地方官徵漕時。或以米色為名。任意刁難糧戶。必致有累閭閻。均不可

不實力查察。若將該御史所奏各條。交有漕省分各督撫。漕運總督及巡漕御史倉場侍郎。悉心妥議具奏。務當行之以實。用期成效。不得徒託空言。視為具文。道光二年

諭

自本年為始。所有巡漕御史。著該衙門停止帶領引見。○十六年

諭

前據黃爵滋奏漕河積弊。並請復派巡視御史。當降旨交大學士軍機大臣會同該部議奏。茲據會議具奏。朕詳加披閱。漕河為國家重務。設官分職。大小相維。立法極為周備。每歲運船達檣北上。經歷黃運各河。惟趨稽查。修防挑濬。在在均關緊要。在事大小臣工。及地方文武員弁。果能不分畛域。認真經理。充禎自可敷載。運道自可暢通。且漕河各督臣。具有專責。若復派御史前往稽查。隨事札商。不惟坐失機宜。轉恐易滋推卸。所有奏請復派御史之處。著毋庸議。○三十年九月

諭

通政司副使札克丹奏。請仍設巡漕御史一摺。科道巡漕舊例。久經停止。道光十九年。該員御史任內。曾經奏請復設。欽奉

諭

皇考宣宗成皇帝諭旨。此項差使。裁撤已久。著毋庸議。

札克丹以必不可復之事。又行陳奏。實屬不知事體。現今河漕諸臣。本屬不能和衷共濟。然操縱之權。惟朕持之。何得輕議紛更。沽名市譽。况省事不如省官。徒滋流弊。著不准行。

欽定大清會典事例卷一千二十八

都察院

各道巡鹽 巡察 盛京 吉林 黑龍江 抽查 漕

巡鹽。○順治元年定。兩淮南浙長蘆河東各差御史一人。巡視鹽課。○八年議准。巡鹽御史一年更代。○又題准。除長蘆離都城甚近。舊不立限期。兩淮定限五十日。兩浙六十日。河東三十日。在內以請。

訓日為始。在外以交代日為始。計程往回。並不許枉道回籍。如違限十日以上。量行參罰。一月以上。重加參處。兩月以上。題參調用。○又

諭。朕親覽巡鹽御史崔允宏章奏。因思及各處所報鹽課。每報餘銀若干。細思鹽課正額。自應徵解。課外餘銀。非多取諸商人。即係侵剋百姓。大屬弊政。戶部都察院通行各鹽差御史及各鹽運司。止許徵解額課。不許分外勒索餘銀。有御史及運司各官貪縱者。許商民指實赴部院首告。審問確實。奏請治罪。用布朝廷恤商裕民至意。該部院各刊刻告示。通發京城內外。及各督撫巡按。徧傳道府州縣鹽運等官。實力遵

行。十年議准。停止鹽差御史。責成各運司管理鹽務。十二年議准。兩淮等四處鹽課。仍差御史巡視。十五年議准。鹽差關係錢糧。候親身交代。奉差御史

命下之後。將鹽引親自帶去。十六年議准。直省方面。有司等官。有關涉鹽法者。令巡鹽御史舉劾。其無關鹽法者。概不准舉劾。十八年題准。各項錢糧。既有考成則例。薦舉概不准行。如有不肖官員。仍聽糾參。又

諭。鹽課錢糧。關係軍國急需。內外大小官員。勢豪之家。

多有貿易販鹽。倚勢不納課銀。巡鹽官員。有不畏勢力。不徇情面。盡心催徵。多得課銀者。著以稱職從優議敘。其畏勢徇情。額課虧欠者。以溺職從重治罪。至官員倚勢漏課情弊。該管官務嚴加察參。本主並行重處。巡鹽等官。如仍前徇隱。一併從重治罪。康熙五年題准。兩淮兩浙河東。巡鹽御史。以到任日為始。扣至九月足。即行報滿。由院豫為題請。新差御史。照定期赴任接徵。不得一日空懸。六年題准。嗣後鹽差御史。遇閏之年。令連閏在任。十三月算一年。差滿考覈。又題准。鹽差遇閏

月之年。照戶部題定新例。作十三月。近差扣至十一月。仍於兩月前報滿。遠差扣至十月。仍於三月前報滿。如無閏月之年。照康熙五年舊例遵行。七年議准。巡鹽御史。將地方官員賢者薦舉。不肖者題參。以示勸懲。長蘆所轄方面官三十七員。應薦一員。有司官三百四十四員。應薦五員。河東所轄方面官三十九員。應薦一員。有司官二百四十四員。應薦三員。兩淮所轄方面官四十五員。應薦二員。有司官三百一十七員。應薦五員。兩浙所轄方面官二十七員。應薦一員。有司官一百五十七員。應薦二員。如無堪薦官員。停其薦舉。又議准。巡視鹽課。於六部郎中員外郎及監察御史內。每處選擇賢能滿漢官各一員差遣。又題准。巡視鹽課。各帶繙譯滿漢文筆帖式一員隨往。八年議准。出差巡鹽。有舉劾地方官員賢否及察拏惡棍之責。嗣後停六部官員差遣。仍差御史。十年題准。添帶滿文筆帖式一員。又議准。巡鹽御史。不拘滿漢。每處止差一員。又題准。巡鹽御史。有原定駐紮衙門。催徵錢糧。整理鹽法。除科掣鹽

斤地方仍舊稱掣外其循例出巡通行停止。○十一年議准停差巡鹽御史稽察題報事宜歸併巡撫兩淮歸併安徽巡撫兩浙歸併浙江巡撫長蘆歸併直隸巡撫山東運司歸併山東巡撫河東歸併山西巡撫。○十二年議准巡撫事務殷繁鹽差難以兼理仍差御史巡視。○又題准舊差報滿日遴遣承差迎接新任及衙役出入署中俱行嚴禁各差御史不許額外多帶家人到任後亦不許諸人妄行出入衙署其四差駐紮多在衝津過往親朋官長往來交際概行停止。○十六年議准習漢文滿洲御史及漢御史巡鹽不必差筆帖式隨往其不習漢文滿洲御史仍帶滿漢文筆帖式一員。○三十年議准福建兩廣各差巡鹽御史。○五十九年議准兩廣鹽務交與總督兼理停差巡鹽御史。○雍正元年議准福建鹽務交與總督兼理停差巡鹽御史。○四年奉旨兩浙鹽務交與巡撫兼理停差巡鹽御史。

盛京吉林黑龍江。乾隆九年議覆各處設立巡

巡察

察並無隨帶筆帖式之例惟

盛京巡察衙門因初任巡察御史傅色訥奏准帶筆帖式一員繕譯稿案嗣後添外郎二名專司繕譯每年隨帶筆帖式應停派往又巡察衙門向設書吏四名工食銀兩均有陋規幫貼今陋規全行禁革即照五部書吏之例每名月給工食銀一兩。○十二年奉旨差遣巡察官員原以令其稽查地方事務之廢弛近因按年輪派遂均視為泛常毫無裨益反於地方滋擾殊非設立巡察之本意若不必限年更替俟應查之時特派專員往查尚於事務有益盛京等處巡察官員即令撤回每屆三年該衙門將應否差員之處請旨其臺灣巡察官員應否存留之處著交該督撫定擬具奏到日再降諭旨。○又

諭盛京等處巡察官員昨已降旨撤回今每屆三年該衙門將應否差員之處請旨今思三年屆期一時差遣未必得如許賢員應分別年分陸續差遣方為妥協其巡察所至如彼處將軍以下備有重賞不飭政事失宜官兵擾累及案件有無逾限皆該巡察等分內應查之事游牧地方各有大員管理其是否實心

內應查之事游牧地方各有大員管理其是否實心

任事。挑補屬員。有無屈抑。並上駟院等衙門馬羣事務。是否妥協。亦應一一體察。於差竣之日。據實奏聞。既可具悉該處吏治民情。廣明目達聰之益。而巡察人員之能否盡職。即可定其殿最。欽此。遵

旨議定。巡察

盛京。以十四年為始。巡察吉林。以十五年為始。各

三年一次。奏請

簡派。○十七年

諭。向來巡察盛京吉林。均於科道內。由都察院帶領引見簡派。至巡察黑龍江。則於科道部員內。由吏部帶

領引見。辦理殊不畫一。嗣後巡察黑龍江。亦著於科

道內。由都察院帶領引見。○二十九年奉

旨。據給事中瑯古泰查奏盛京各衙門逾限事件九十

六案。請交部察議一摺。官司承辦公事。自當一遵例

限完竣。以免稽延。但其中有僅止逾限一二日以上

者。其情尚在可原。應酌量從寬免其交部。其在五日

以上者。為時較多。如積次增加。易成闕茸之漸。其咎

自屬難辭。著交部照例察議。○嘉慶四年議准。巡察

盛京吉林黑龍江等三省御史。停止差遣。嗣後五

年屆期由

盛京將軍開列五部侍郎名單。奏請

盛京吉林兩省。

欽派一員。黑龍江

欽派一員。各帶所屬司員。隨同查察。將各處所管兵

馬倉庫各事宜。據實陳奏。○七年

諭。巡視東三省事務。前經議定。裁汰御史。五年一次。於

盛京五部侍郎內。奏請簡派。但念吉林黑龍江兩處

非盛京所屬。尚可令該侍郎等前往巡視。至盛京係

本管地方。若亦派令一體查察。究於政體未協。嗣後

除吉林黑龍江屆五年期滿。仍照例將該侍郎等奏

派外。其盛京一省。屆期著該將軍奏請。候朕於在京

之滿漢三四品堂官內簡派。

巡察臺灣。○康熙六十年

諭。每年自京差御史一人。前往臺灣巡察。此御史往來

行走。彼處一切消息。可得速聞。凡有應奏事宜。亦可

條奏。彼處之人。皆知畏懼。至地方事務。御史不必管

理。欽此。遵

旨議定。每年差滿漢御史各一人。前往巡察。一年更代。

如有應行條奏事件。具本條奏。○雍正五年

諭。臺灣遠隔海洋。向來督學官員。難以按臨考試。是以

將學政交與臺灣道兼管。朕思道員管理地方之事。又兼學政。未免稍繁。每年既差御史二人。前往臺灣巡察。應將學政交與漢御史管理。甚為妥協。現今御史在彼。著即辦理臺灣學政。嗣後永著為例。九年。臺灣地方。關繫緊要。巡察御史。新舊兼用。始為有益。滿御史已留任一年。漢御史亦著留任一年。○乾隆

十二年

諭。向因臺灣為海外要區。設立巡察御史。原以表正風俗。稽察彈壓。除別弊端。近據該撫奏。該御史等於養廉外。又分派臺鳳諸彰四縣輪直。每季約需費三四百金。其出巡南北兩路。供應夫車廚傳。賞給各社番黎。操閱犒兵。皆令各縣措備。該衙門濫准詞訟。差拘滋擾。於額設胥役之外。更有姦民挂名。恃符生事。該巡察既有專制一方之意。而屬官極意承應。雖有情弊。亦復上下相蒙等語。大凡巡察之員。或因一二事隨時特設。尚於地方有益。至限年更換。在該巡察等奉命遠行。既已視為傳舍。及至彼處。積習相沿。因循滋弊。懦弱者苟幸無過。坐待瓜期。喜事者擅作威福。諸事多所掣肘。夫御史所以稽察人者也。今乃自作弊。後先相襲。恬不為怪。豈朕差往本意。其乾隆五年

以後巡臺御史。著交部嚴察議奏。臺灣本有總兵道府。文武大員。足資彈壓。一切案件。原屬本省督撫察覈。可不必別差巡察。以滋煩擾。著大學士九卿詳議具奏。欽此。遵

旨議定。臺灣巡察。自康熙年間設立以來。迄今二十餘載。兵民均各安堵。未便因海宇安謐。遽弛防範。應仍舊設立。毋庸撤回。臺灣向分南北兩路。滿漢巡察。每年係一路巡察。隨從太多。或致滋擾。嗣後令其於每年農隙之時。分路各巡察一次。毋庸多帶僕隸。以省煩費。○十七年

諭。臺灣文有道府。武有鎮營。足資彈壓。巡察三年更代。徒擁虛名。事權則不如督撫。切近又不如守令。介在其間。在有志向上者。或以多事致敗。而循分供職者。多致志氣墮頹。於公事殊無裨益。所有巡察臺灣御史。著三年一次命往。事竣即回。不必留駐候代。著為例。○三十年

諭。巡視臺灣御史。前已降旨三年簡派一次。事竣即回。毋庸留駐候代。今思該處現有道鎮大員駐紮。一應地方事務。俱可隨時經理。而向來巡察御史在彼。並未聞有所建白。原屬有名無實。若遽行裁撤。則地方

官或以遠隔海洋。無人稽察。日久不免廢弛。亦不可不防其流弊。嗣後屆三年請派之期。該衙門仍照例奏請。或暫停派往。或數次後派員一往巡察。候朕隨時酌量辦理。○四十六年

諭。臺灣孤懸海外。最關緊要。該地方官平日因循玩愒。以至積弊相仍。可謂廢弛已極。乃本日據巡視臺灣御史塞岱雷輪奏。巡視臺灣應行查辦各事宜。內稱城垣穩固。弁兵技藝認真。庫帑倉穀。並無短少虧缺。各等語。所奏不實。已於摺內批示。巡臺御史三年始行派往巡視一次。所有該處地方一切事務。皆應實力查察。隨時據實奏聞。現在該處地方官玩誤疏縱之案。經楊魁查明奏者不一而足。該御史等豈無聞見。何竟無一語入告。雖該撫等業經查參辦理。而該御史等亦應細加察訪。據實具奏。即該撫所奏。或有屈抑地方官之處。亦應據實為之申理。今所奏不過敷衍了事。仍屬有名無實。又何必以此一奏塞責。則巡臺之御史。可不必派往矣。塞岱雷輪俱著交部察議。○四十七年

諭。本日據巡臺御史塞岱雷輪遞到奏摺。一係接奉硃批。自陳惶悚。並請交部議處。摺於十二月初五日拜

發。一係巡查臺灣北路情形。摺於十二月十七日拜發。兩摺先後不同。俱於同日奏到。其初五日摺內所奏諸羅縣盜犯洪龍一案。乃該處緊要事務。何以並未詳晰聲明。即所稱該廳縣先後拿獲賊犯二十餘名。俱經撫臣楊魁行提過海審辦。及續獲賊匪陳明等八名。已飛飭各縣嚴究辦理之處。殊屬非是。臺灣地處海外。因三年例派御史巡視一次。遇有緊要事件。自應一面提審辦理。一面奏聞。如此案緝獲賊匪陳明等八名。事關要案。該御史等即應就近審辦。再行移交撫臣歸案完結。何得僅飭各縣審究。可謂了事耶。至十七日所奏之摺。又不過巡視地方情形。敷衍塞責。而於初五日所奏諸羅縣盜犯之事。全不提。及似此有名無實。又安用此巡臺御史為乎。塞岱雷輪仍著交部議處。○五十二年

諭。福建臺灣府。向來三年一次。止派巡臺御史滿漢各一員。前往巡視。該御史職分較小。且由京派往。豈能備悉該處情形。易為地方官欺蔽。不過虛應故事。仍屬有名無實。嗣後著照四川查促浸借拉之例。令該督撫及水師陸路兩提督。每年輪直一人。前渡臺灣。嚴行稽查。所有請派巡察臺灣御史之例。竟行停止。



著為令

巡察歸化城游牧。雍正七年

諭。八旗游牧處所關緊要。總管等常有貪冒剋扣之事。

再蒙古遇有詞訟。因無稽察之人。負屈無伸。嗣後每

年。或部院司官。或御史。點出一人。照各省一例巡察

歸化城。亦點一人前往。乾隆十二年議定。巡察歸

化城游牧。以十六年為始。每三年一次。奏請

簡派。四十年奉

旨。向例派員巡察。京黑龍江吉林三處。由都察院衙

門奏派科道。其歸化城游牧二處。由吏部向各衙門

查取通曉蒙古言語人員。請旨派往。同一奏派巡察

而或由都察院。或由吏部。辦理殊未畫一。嗣後此五

處差務。總歸都察院衙門奏派。其應需通習蒙古言

語之員。即著都察院行文咨取。再三年請派巡察之

例。尚覺太近。嗣後著過五年。奏派一次。著為令。四

十八年

諭。派出巡察游牧之御史。應得行糧。不必支給。著騎驛

站烏拉去。光緒十年議准。嗣後都察院奏派蒙古

科道等員。巡察山西歸化城七廳直隸察哈爾

三廳游牧之例。一併裁停。以歸畫一。

抽查漕糧。乾隆五十二年

諭。嗣後漕糧抵通時。若令該管衙門查察。定有賄徇賄

囑情弊。著都察院每年屆期。奏派滿漢御史各一員。

前往嚴密抽查。如有弊端。據實參奏。五十三年奏

御史抽查漕糧。令順天府派所屬幹役十二名。

隨同前往。晝夜巡察。奉

旨。順天府府尹。現在並無應辦緊要事件。著即帶領員

役。不時前往。會同該御史抽查。又定。抽查漕糧御

史。自普濟橋至慶豐等各橋。均應往來稽察。應

用書吏。由坐糧廳衙門派書吏一名。並於巡役

內揀派六名。伺候應役。所有漕糧數目。候准冊

到日。由坐糧廳移會。每日石壩上載米數。由石

壩州判呈報。每日各橋過載數目。均應呈報。普

濟橋一橋過載米數。令慶豐橋橋官逐日呈報。

漕白糧全數運竣。由石壩州判呈報察數。道

光五年

諭。給事中萬方雍奏。大通橋驗收漕糧。請令抽查御史

督同監督掣量一摺。向例抽查掣量米石。遇有例外

短欠。並不責令經紀賠補。殊非嚴實防弊之道。嗣後

抽查之滿漢御史。率同該監督。將抽存米石。秉公掣

量。遇有短欠。各立號簿。覈實登記。事竣分造清冊。移會戶部及倉場衙門。照例著令經紀等賠補。以杜弊端。○九年

諭。御史佛恩等多奏。經紀偷減漕糧。請立法懲示。一摺。此次二進米石。運至大通橋。聞有攙和偷減。經該御史等移會坐糧廳。將各經紀嚴行懲辦。並請明定章程。以杜弊端。著倉場侍郎傳集各經紀。嚴行曉諭。並責令坐糧廳認真查察。毋得任聽該經紀蒙混舞弊。嗣後大通橋米石。如升合雖無短欠。而攙雜過多者。即由大通橋將抽掣米石駁回。並行文倉場衙門。將該經紀送交刑部治罪。其家產交地方官變賣著賠。並著該御史隨時稽查防範。有犯必懲。不得稍涉寬縱。○十三年

諭。御史宋室炳輝等奏。請飭令外河認真查驗。以專責成。一摺。漕糧為天庾正供。自應一律乾潔。豈容稍有潮溼攙雜之弊。如該御史所奏。弊不在沿牘而在外河。若但於沿牘防範。而外河查驗不能認真。究非杜弊切要關鍵。現南糧將次抵通。著倉場侍郎嚴飭坐糧廳。務於外河驗米。認真查驗。隨驗隨起。責成受兌之經紀。遇起米時。查有弊端。立即稟明。將弁丁從重

嚴懲。其分駐石壩。尤須逐細抽查。不得任聽經紀扶同舞弊。倘有潮溼攙雜。致令蒙混過壩。別經橋倉查出。即將外河致弊之由。據實嚴參。毋得以沿牘作弊飾詞諉卸。以專責成。而杜弊混。仍著抽查御史等。不時前往嚴密查拏。毋稍疏懈。○二十一年奏准。抽查漕糧之御史。每年春間奏派。秋後全糧完竣。交卸。如出缺在八月以前。仍請

派員接查。在八月以後。即揀員署理。○二十二年。諭。前據御史松年等奏。請照舊公同駐紮大通橋抽查漕糧。當交戶部建議具奏。茲據該部奏稱。南糧到通之時。每日例須起米三萬石。抽查之責。攸關緊要。應如該御史所奏。滿漢御史二員。仍照舊駐紮大通橋。公同抽查。著即照所議行。內河一帶。牘官委員巡役人等。勤惰不齊。仍責成該御史等。嚴加查察。以杜弊端。○同治七年

諭。鍾岱宋晉奏。請飭抽查漕糧御史認真抽掣。嚴防積弊等語。漕糧為天庾正供。理宜嚴杜偷漏之弊。近來各倉虧短累累。輒藉掣欠一項。為諉卸之地。若不力加整頓。何以除積弊而重倉儲。著抽查漕糧御史於大通橋抽掣時。按照奏定章程。認真稽覈。務當掣欠

實存數目。不得視為具文。稍涉疏忽。○十年

諭英元奏請飭營汛巡緝偷米匪徒一摺。大通橋設有上下號房二處。積存已收未運之米。上年八月間。竟有匪徒擁入上號搶掠。經巡緝兵役齊往抵禦。該處營汛。置若罔聞。實屬不成事體。著步軍統領衙門。飭令朝陽河陽二汛。於上下號存米時。實力巡查。遇有匪徒搶盜米石。一體嚴拏懲辦。並將著名盜米之犯。隨時訪緝務獲。毋任混迹。另片奏請將掣斛廳移設大通橋左側等語。著照所請辦理。遇米石到橋時。即著抽查漕糧御史督同監督。隨掣隨運。以期迅速。而免偷漏。

欽定大清會典事例卷一千二十九

都察院

各道考選御史 生道職掌 御史不准兼部行走

考選御史。○順治元年定。考選給事中監察御史。以大理寺評事。太常寺博士。中書科中書行人司行人。各應俸二年者。及在外俸深有薦之推官。知縣考取。若遇缺急補。閒用部屬改授。○二年議定。由各部郎中員外郎主事大理寺評事太常寺博士中書科中書行人司行人內院中書國子監博士京府推官考選。○三年奉

旨。在外薦舉推官知縣著詳開履歷及薦舉人等姓名。

一併開列具奏。凡科道員缺。滿漢一體選用。前補授部員。乃一時權宜。後不必行。○八年議准。令該堂官選擇才守兼優之員。與應考選各官。開送吏部。會同都察院選取。○又題准。外官錢糧全完。歷俸三年。薦一次。無參罰者。方准行取。紀錄亦准作一薦。京官曾經行取者。不得再與考選。○十一年定。漢官由貢生出身者。不准考選。○十二年定。內院中書。停止考選。○十三年題准。漢人現

任三品以上堂官子弟不准考選。○十五年議  
准凡試御史任事一年。考覈實授。如奉差在外。  
差滿考覈。○又

諭現在御史甚少。不足供差遣之用。前旨行取各官。尚

未到齊。著暫於各部郎中員外郎主事內察取才品  
堪用者。改授御史。差用以後。除授御史。仍照行取考  
選例行。○康熙元年。覆准科道員缺。俱由六部郎中  
改授。○又題准凡御史缺出。都察院止將道銜  
先後開送。過部聽吏部將應補之人。按缺題補。  
○七年。覆准科道缺行取。將在外知縣。不論舉

人。進士。督撫詳確選擇。開列職名咨送。○九年  
定。御史員缺。由六部主事大理寺評事太常寺  
博士中書行人知縣考授。○十九年。議准漢官  
非正途出身者。雖經保舉。不准考選。○又覆准  
凡試監察御史。一年滿日。聽都察院考覈。果係  
稱職者。具題實授。如不稱職者。停其再試。亦行  
具題咨送吏部。照伊對品改補。○又

諭科道為耳目之官。關係最要。必選用得人。方能稱職。  
漢官皆由行取考選補授。惟滿官論俸敘升。著吏部  
都察院將現在滿洲給事中監察御史會同選擇。堪

用者仍留原任。不稱職者對品調於部院衙門用。○

二十年議准捐納歲貢。不作正途考選。漢人督  
撫子弟亦不准考選。○三十年議准父兄現任  
三品京堂外任督撫子弟。例不准考選科道。其  
父兄在籍起文赴補。及後經升任者。有子弟現  
任科道。令其呈明都察院具奏迴避。移咨吏部  
改補各部郎中。○三十六年

諭言官責任甚屬緊要。漢郎中員外郎。果係居官優人

材好。著各部院堂官保舉引見。○三十九年

諭翰林官員內有堪補科道者。著翰林院學士等選擇

保奏。○四十三年。覆准嗣後行取知縣。停止督撫選  
擇之例。除降級還級革職還職等官。仍不行取  
外。照給事中御史缺出之數。每一缺出。於直隸  
各省俸滿在前正途出身知縣三員。無論有無  
卓異薦舉。但係三年俸滿。無錢糧盜案等項處  
分官員內。查明俸深者。開列姓名籍貫履歷。具  
題行取。○四十四年奉

旨嗣後郎中補授御史。停用試字。員外郎主事照常用

試字。○又議准嗣後行取在外知縣到部引

見後。以各部主事按班補用。遇考選時。方准考選中

行評博等官。除知縣升任者。照舊例考選外。其初任選授者。俟升任主事後。方准考選。凡遇考選時。將正途出身之各部郎中員外郎主事。照三十六年例。令各堂官保送。翰林院編修檢討。照三十九年例。令該衙門保送。引見簡用。○四十五年覆准。停止初任之主事。中行評博考選。將合例之編修檢討郎中員外郎主事。及由知縣升任中行評博者。一體開列。○又議准。嗣後考選科道官員。照各項次第開列。恭候欽點補授。俱停其由本堂官保送。○五十一年題准。給事中御史員缺。編修檢討。停止開列。○又定。滿洲給事中。滿洲蒙古御史員缺。由員外郎內閣侍讀按旗論俸。擬正陪升補。漢軍御史員缺。由漢軍郎中不論旗分。論俸擬正陪升補。○又定。滿洲給事中員缺。應升官內。先儘科甲出身之人升補。如無科甲出身之人。仍照常升補。○雍正元年

諭。總理事務王大臣大學士尚書左都御史掌院學士等。於編修檢討內。揀選八人。引見補授御史。○二年。奏准。科員六缺。將編修檢討中材品優長俸深

之人。咨送吏部。題請命題考試。引見補授。○又奉旨。爾等會同吏部。將各部司官多揀選數員。引見所選。係何部司官。仍會同伊本部堂官。○三年。議准。御史試俸。如有一年期滿。未能深信者。再試一年。考數。○又

諭。應開科道人員。俱係正途出身。再考文字。亦屬無益。今次著於翰林各部院衙門。應行開列人員內。令各堂官薦舉。○五年。議准。稽察宗人府御史二員。由宗人府於宗室內簡選。引見補授。○又議准。嗣後科道缺出。在京則令各部院堂官。於各屬司官內。不論科甲貢監。擇其勤敏練達。立心正直者。保送翰林院掌院。於編修檢討內保送。吏部列名。引見恭候。簡定。儻有選舉不實。或夤緣保送者。將該堂官等照例議處。其在外之州縣官。各省督撫保送之員。到京之日。吏部帶領引見。恭候。

簡定其留京者。以科道補用。○六年定滿洲科道缺出。不必限定旗分。亦不必拘定科目。於應升官內。除出差外任不行開列外。將在京人員。每缺論俸開列四人。帶領引

見恭候

簡用。蒙古御史員缺。由六部蒙古員外郎。不論旗分。

通行較俸。擬正陪升補。○七年

諭。向來由員外郎以下。授為御史者。有試俸一年稱職。

然後題請實授之例。若該御史奉差在外。乃由揀選。

命往辦理公事者。自應與在京之御史一體題請實

授。乃從前該衙門疏忽。未曾題請。遂致出差之御史。

試俸數年。而不得實授。深為未協。嗣後著將出差之

御史。試俸一年期滿者。與在京之員。一同具題請旨。

永著為例。○又

諭。向來漢御史多由主事中行評博及行取之知縣補

授。是以定為七品。今由郎中員外郎補授者甚多。不

便仍拘七品之例。且滿漢御史品級亦不畫一。應酌

量更定。著該部議奏。欽此。遵

旨。議准。滿漢給事中及滿洲漢軍御史。均改為正五品。

漢御史由郎中員外郎內閣侍讀編檢補授者。

定為正五品。由中行評博及行取知縣補授者。定為正六品。○八年奏准。漢軍御史員缺如無合例應升之員。令各部堂官將漢軍郎中員外郎保送吏部帶領引

見補授。○又定。滿漢科道兼部內郎中員外郎行走者。俱為額外郎中。兼內閣侍讀行走者。亦授為額外侍讀。員缺另行升選。○九年奏准。御史員缺。每缺於記名人員內論俸分班。以編檢一人。部屬等官二人。引

見候

旨補授。○十三年議准。滿漢蒙古御史員缺。照漢御史之例。於郎中員外郎等官內保送引

見補授。漢御史員缺。由郎中員外郎編修檢討考選。主事由中行評博升任者。不拘食俸年限。准其考選。由別項升授者。食俸二年。方准考選。中行評博由知縣升任者。准其考選。○又議准。漢軍御史。照滿洲御史之例。由郎中員外郎等官內保舉引

見補授。○又奏准。以御史用之滿漢人員。按記名之先後。俟前次記名之人用完。再將後次記名之

人引

見。乾隆元年奏准行取知縣三年舉行一次由吏部於正途出身知縣內食俸已滿三年任內無參罰事故者。大省行取三人。中省二人。小省一人。開列職名具題請

旨。並令各該督撫於所屬正途出身知縣內遴選才能出眾者。不論何項參罰事故。亦照行取之數。大省三人。中省二人。小省一人。具題請

旨。○三年

諭。科道為朝廷耳目之司。關係甚重。向來俱係各部院

堂官。將合例司員揀選保送。翰林院編修檢討亦在揀選保送之例。由吏部帶領引見。朕親加簡拔。用為科道。此定例也。但思部院官員及翰林院編檢人數甚多。各堂官保送。皆就伊等所見舉出。統計一衙門官員。不過十之一二。其餘眾員。朕未經徧覽。此中或有可任科道而不在保送之列者。亦未可定。朕意欲將例應考選翰林部屬等官。一概通行引見。司員每日在本衙門辦事。其才品之短長賢否。該堂官皆所熟悉。著逐名出具考語。有由州縣行取補用者。亦著註明。即著該堂官帶領引見。至編檢官員。職司文墨

其辦事之能否。未經試驗。毋庸出具考語。著掌院學士帶領引見。記名之後。陸續交與吏部。俟有御史缺出。按其品級俸次。開列引見。候旨補授。補用將完之日。吏部再將如何考選之處。另行請旨。○又

諭。現在所出滿漢御史員缺。著將記名人員。每缺論俸帶領三員引見。嗣後御史缺出。俱照此論俸。每缺帶領二三人引見。○又

諭。朕將翰林部屬等官例應考選御史者。引見記名。以備將來數年之用。其未用御史以前。若該員論俸應升。仍著照例升用。若應行開列請旨。亦仍照舊開列。

但於本名之下。將御史記名之處。開註奏聞。其應出差者亦然。著傳諭各衙門知之。○又奏准將應行遴選之各部院滿洲郎中員外郎。通行引見。其奉

旨記名者。遇有御史員缺。將奉

旨記名之郎中員外郎。各論俸次。郎中二人。員外郎一人。引

見補授。○六年奏准漢軍御史。歸併漢人內一例補授。○七年

諭。古者諫無專官。故進言之路廣。三代而下。始設官而

責之以言。然如馬周陽城之起布衣而為御史。其事猶可風也。茲特降諭旨。著大學士九卿擇其素所深知。其人有骨鯁之氣。撲質之風。而復明通內外政治者。不拘資格。列名封奏。朕將量加錄用焉。○八年奏。非將各衙門合例人員。願考選者。通行考試引見。恭候

簡用。○又奉

旨。著各衙門保舉請旨考試後。該部帶領引見。○又御史李清芳奏。保任之法。本不可偏廢。若專用保任一途。恐開受祿天朝拜恩私室之漸。請令吏部將部曹編檢合例人員。奏請考試後。吏部引見。記名補用。奉

旨。朕以保舉可得賢材。李清芳所慮亦是。著照所請行。該部知道。○十一年

諭。向例御史由保舉考試補授。後因臣工條奏。請朕於翰林部屬引見時。記名特用。今看來不若仍復舊制。之為妥。著九卿於應行考選人員內。秉公保舉。請旨考試引見。候朕簡用。○十三年奏。准嗣後滿漢人員。記名御史者。按記名之先後。照例引見補授。○又

諭。各御史風聞言事。不域以地。但既按省分道。專司稽察。該省事務。則本省之人。自應迴避本省。其應如何定例。著妥議具奏。欽此。遵

旨。議定。除現任御史內。其所任之道在本省者。由院酌撥別道。移咨吏部註冊外。嗣後遇有御史員缺。如有記名及應補人員。應迴避本省者。查明扣除。即將其次之人引見補授。○十六年

諭。向例直省知縣。三年行取一次。吏部按期奏請。康熙雍正年間。少舉多停。當朕臨御之初。臣工中有援行取成規入告者。朕以舊制可循。敕部議覆。旋經准行。由今觀之。此特相仍故套。而於吏治人才。毫無裨益。所當永行停止。○十七年

諭。國家設官分職。期於有裨實政。若同一官而差分階級。於官制體統未協。如翰林部曹。小京官補用御史。既經簡擢。同列諫垣。即應無所區別。乃舊有五品六品之分。試俸不試俸之異。舊例相沿。宜歸畫一。嗣後給事中著仍為正五品。御史皆改為從五品。不必試俸。○二十九年奏。准現在滿洲御史員缺。由郎中員外郎內閣侍讀揀補。並無主事詩博等官。准用



御史之例滿漢係屬一體嗣後考選漢御史除編修檢討各部郎中員外郎內閣侍讀仍准保送外其主事許事博士中書均不准考選○又定監察御史考選由各部院郎中員外郎內閣侍讀歷俸三年之翰林院編修檢討保送滿洲蒙古不考試漢軍漢人由吏部奏請考試引見記名後遇滿洲蒙古員缺以郎中二員員外郎等官一員漢員缺以翰林一員部屬二員引見簡用○三十八年議准嗣後編檢等官散館授職後閱俸三年始准保送御史其授職後未及三年者概不得與○六十年

**諭**此後各該衙門保送滿漢御史初次引見未經記名者下次不得再行保送著為令○嘉慶二年奉旨向來御史缺出吏部帶領一排三人翰林前列以致多用現在部屬人員不少而翰林止有一員若再將翰林保送部屬未免壅積偏枯所有未用之翰林一員著暫停引見此時遇有御史缺出先將部屬帶領引見俟部屬僅餘二三員時再將翰林部屬一同照例引見○四年議准宗室額設御史四缺向由正副理事官引

見補授今部院增設宗室郎中員外郎遇保送御史時准其一體保送記名後咨送宗人府註冊遇有宗室御史缺出由宗人府與應升人員論俸帶領引見補授○又

**諭**嗣後各衙門保送御史其年齒過輕者固不便率行保列如年逾者艾各員精力尚強者仍准保送以六十五歲為率過此者不准保送○又奏准由科道降補部屬及捐復改補部屬並由科道升任後仍因科道職掌如升任京堂仍緣事降至部屬等

官均不准再行保送如升任京堂並非因科道任內事故降至部屬者仍准保送○六年奏准向例保送御史部屬翰林各為一班不相遲待自改為一同保送編檢每不敷遴選嗣後仍照舊例陸續分班保送庶免窒礙○十一年奏准嗣後考選御史請旨於考選御史條內增入廕生一項准其一體考選○二十二年

**諭**御史高翔麟奏請定保送御史開列名次一摺六部保送御史朕於引見時察看酌量記名原不因開列

先後以為去取。所有保送御史名次。仍著吏部查照舊例辦理。毋庸另立科條。徒滋紛擾。○道光九年

諭。嗣後各部院堂官。於所屬司員內。凡因私罪降補京職。及不勝外任。特旨改用人員。不准保送御史。並不得截取外用。○十七年議准。宗室額設御史四缺。如

有遷轉科員者。其御史員缺。仍以宗室補用。○同治二年

諭。漢員保送御史。例須考試。滿員則向不與考。殊非慎簡言官之道。以後保送滿洲御史。著即由各衙門堂官認真考試。擇其通曉清漢文字。品行端謹者。出具

切實考語。保送候簡。以期臺諫得人。力除積習。○四年

諭。御史為朝廷耳目之官。職司彈劾。較之保送京察人員。更須認真遴選。著各部院衙門。嗣後保送御史。毋得但計資俸。務須認真考覈。選擇得人。如保送後有犯貪汙劣蹟者。即將原保之堂官。比照京察保送不實例。由該部奏明議處。如能訪出揭叅者。免議。○光

緒八年

諭。嗣後各部院堂官。保送滿漢御史。務當認真考察。擇其才守兼優者。出具切實考語。以備簡用。不得

濫行保送。如所保非人。定照濫保例議處。○十三

年議准。嗣後現任滿洲科道各官。如有父子胞

伯叔胞兄弟胞姪。升任三品以上京堂。並外任

督撫者。即比照漢員科道迴避之例。一律辦理。

該科道自行呈明都察院具奏。令其迴避。至各

衙門保送宗室滿洲蒙古御史人員。如有前項

應行迴避者。亦比照考選漢御史之例。一概不

准保送。其保送御史人員。業經奉

旨記名後。如有父子胞伯叔胞兄弟胞姪。後經升任

三品以上京堂。並外任督撫者。即由該員自行

呈明本衙門堂官。知照本部。暫緩帶領引

見。俟毋庸迴避時。再行由該衙門知照本部。遇有御

史缺出。再行帶領引

見。

坐道職掌。○乾隆十三年

諭。御史向有生道協道之分。坐道徒屬空銜。並不辦本

道之事。協道則以次遞遷。其制沿自前明。糾紛無謂。

今既定為二十八員。與滿御史畫一。應就現在十有

五省。即以此二十八人分理之。省分事繁者。多分數

人。並令稽察在京各部院衙門。則可省紛更而專職

業於體制方為允協著定議具奏欽此遵

旨議定按從前御史止有河南江南浙江山西山東陝西六道分察各部院事件其餘各道皆附於六道之中今既各歸各道其稽察事件自應分隸各道按事繁簡以定額數再十有五省御史舊例止有十四道雖有京畿一道專刷卷宗並不稽察直隸事件其直隸事件均分隸各道今將京畿道與河南等道合為十五道京畿道照舊刷各部院卷宗並辦理直隸及

盛京等處刑名案件稽察內閣順天府大興宛平

二縣應設滿漢御史各二人河南道辦理河南省案件稽察吏部詹事府步軍統領衙門五城並辦理本衙門

特交轉交之事及文武官考覈一應具控呈詞應設滿漢御史各二人江南道辦理江南省案件稽察戶部寶泉局宣課司左右翼監督在京十二倉總督漕運衙門兼察三庫月摺事件應設滿漢御史各四人浙江道辦理浙江省案件稽察禮部都察院應設滿漢御史各二人山西道辦理山西省案件稽察兵部翰林院六科中書科

總督倉場衙門坐糧廳大通橋監督通州倉應設滿漢御史各一人山東道辦理山東省案件稽察刑部太醫院河道總督衙門兼查覈五城竊盜命案應設滿漢御史各三人陝西道辦理陝西省案件稽察工部及寶源局應設滿漢御史各二人湖廣道辦理湖廣省案件稽察通政使司國子監應設滿漢御史各二人江西道辦理江西省案件稽察光祿寺應設滿漢御史各二人福建道辦理福建省案件稽察太常寺應設滿漢御史各二人四川道辦理四川省案件

稽察鑾儀衛應設滿漢御史各一人廣東道辦理廣東省案件稽察大理寺應設滿漢御史各一人廣西道辦理廣西省案件稽察太僕寺應設滿漢御史各一人雲南道辦理雲南省案件稽察理藩院欽天監應設滿漢御史各一人貴州道辦理貴州省案件稽察鴻臚寺應設滿漢御史各一人除河南京畿道掌印仍由院揀選保題外其餘各道均令滿漢各一人為掌印其一道內有御史數人者即以資深者為掌印嗣後如有出差事故該道乏人辦理者即聽院酌

委署理再宗人府事件。專責宗室御史稽察。仍與蒙古御史同列滿洲御史之內。一例升遷。一同辦事。其餘滿洲御史稽察八旗內務府。及滿漢御史序次差務秋審等項。仍照舊辦理。所有增設湖廣等八道印信。照例鑄給。○又議准滿洲御史並無坐道。概為監察御史。殊未盡一。嗣後照漢御史之例。分隸十五道。定為某道監察御史。○二十年奉

旨。京畿道著列於河南道之前。舊隸河南道之事。著京畿道辦理。舊隸京畿道之事。著河南道辦理。○咸豐

十一年奏准京畿掌道協道同時出缺。應揀選正陪。由題改奏請補。御史不准兼部行走。○乾隆二十年

諭。向來由各部院司員補授御史者。原有准該堂官奏請。仍兼部務之例。後經定議停止。但御史雖職司稽察。而事務簡少。且既經保送考選。必係尚能辦事之員。嗣後郎中等官補授御史。如有諳練部務者。仍准各部堂官奏請引見。朕酌量令其兼管。著為例。○三十三年

諭。向來各部司員補授御史。該堂官等有奏請仍兼本

部行走者。雖為熟諳部務起見。但御史有稽察各部之責。若令兼司部事。不無意存瞻顧。究於政體未協。嗣後司員改任御史。奏請留部之處。著永行停止。其現在御史中兼部行走者。並著撤回。○三十五年

諭。御史陳聖時奏火器營房工程。經督辦大臣奏請交內閣六部都察院派員承辦。御史有稽察刷卷之責。若分辦工程。恐彼此意存瞻顧。與從前兼部事屬相類。合行停止等語。所奏非是。工程處派送御史於承辦之中。兼寓稽察之責。該工支放奏銷。其中如有情弊。自當隨時糾劾。其職掌正屬並行不悖。况派工御史數止二員。其言官之未經司工者。尚有數十人。該工設有弊端。伊等一有風聞。獨不當據實舉發耶。其於官制職掌。有何妨礙。至該御史以御史停止兼辦部務為詞。不過借為援引之名。欲巧行其敦體好名之計。於政體尤有關繫。從前御史兼辦部務。其來已久。於事並無窒礙。因傳為訛。曾經奏及。以衙門各有專司。本任或難兼顧。此例遂爾中止。其實御史在部兼辦。該堂官或有行私舞弊情事。較之不在部中者。見聞確近。即行據實奏。朕必以其不憚上官。深為嘉許。即該堂官尚在本部。善於彌縫。朕亦必秉公究

理所派大員。當此綱紀肅清之時。亦誰敢徇官官相護之情。不惜以身試法。自貽伊戚耶。况兼部御史。即因堂官稍存隱忍之見。其他專司稽察該部之御史。及兼部務各員。又豈毫無見聞甘心緘默耶。近日兼部之例一停。各部或於保送御史時。以平日幹練司員。不肯聽其離部。將中材碌碌者舉出充數。乃係情勢所必至。則停例之舉。為有益乎。為無益乎。我朝乾綱獨斷。大權不稍下移。

皇考世宗憲皇帝曾令六科歸都察院堂官管理。彼時無識之徒。尚有惑於臺無長官之陋說。連名瀆奏者。賴我

皇考睿斷舉行。至今諸事整飭。該御史復囿於積習。輒以言官不涉司員職任。妄自尊大。欲於朕前巧售其術。能乎不能。明季科道頹風。專務自矜標榜。馴致黨援門戶。牢不可破。其時國事敗壞。此輩實為厲階。此真可引為前車炯戒者。不可不力防其漸也。嗣後各部司員。有已用御史。而該員於本部素稱得力者。仍許該堂官奏請兼部行走。陳聖時所奏不可行。著傳旨申飭。○四十一年

諭各部院司員補放御史。向曾禁止不令仍兼本衙門

辦事。嗣因各部院欲得諳練人員。仍准該堂官保留兼原衙門行走。誠以公務為重。特予通融酌辦。乃近年以來。凡部院司員補放御史者。該堂官率以熟手奏留兼辦。竟似成例相沿。漫無區別。於政體既屬未協。且御史有稽察部務之責。一經留部。則兼吏部者必不肯糾舉吏部之事。兼戶部者必不肯糾舉戶部之事。其他可以類推。久之恐滋流弊。嗣後由各部院改補御史者。非實係練習部務必不可少之人。該堂官不得擅行奏留。○四十八年

諭各部院司員升調別處。奏留原衙門行走之例。業經降旨停止。因刑部為刑名總匯。理藩院有蒙古事件。必得熟悉之員。是以准其仍兼行走。但思奏留人員。內如京堂翰林等官。本屬閒曹。兼各部行走。尚無關礙。至科道有糾劾之責。未便令其仍兼各衙門。辦理司員事務。即刑部理藩院之熟習部務司員。本部留以辦事。有何不可。何必又送科道。博升職之虛名。資掣肘之浮議乎。嗣後刑部理藩院亦概不准兼科道。其果能始終出力。該堂官據實奏聞。帶領引見候朕。以四五品京堂酌量補用。仍可兼部行走。○嘉慶四年。議准此。後在軍機處人員。遇有補放御史者。

即回本衙門任事。不必在軍機處行走。○光緒十二年欽奉

慈禧端佑康頤昭豫莊誠皇太后懿旨。吏部都察院奏總理海軍事務衙門請將御史常明暫留當差。查無成案。請旨遵行。一摺。總理海軍事務衙門創辦伊始。一切事宜。關係甚重。自需要員經理。與各衙門尋常奏留不同。御史常明著仍准其暫留當差。

欽定大清會典事例卷一千三十

都察院

各道內升外轉直月督催所補授學道 補授給事中

內升外轉。○順治元年定。漢御史內升外轉。俱由都察院論資俸酌定。咨送吏部升轉。○十二年奉

旨。以後科道官考選差遣內升外轉。俱候朕裁定。永著為例。○又覆准。臺員現在三十員。二年內內升三人。外轉三人。○又

諭。國家官人。原當內外互用。以勵羣材。近見外官內轉

京官外任者。多能稱職。宜再行互用。除翰林官員。朕自裁定。其六部卿寺等衙門官員。有才優經濟。堪任養民者。著各堂官開列。六科官員。著吏科開列。各道御史。著都察院開列。通送吏部會同都察院查覈。送奏。其在外司道等官。品行著聞。政治卓越者。確察實蹟。遇缺內轉。務使內外得人。職事修舉。以副朕圖治安民至意。○十三年覆准。每年二八月內升二人。外轉一人。○十四年奉

旨。以後差回御史。務期考覈至當。方與內升。以示鼓勵。不得輕議升用。○十五年覆准。御史增至六十員。每

年內升三人外轉三人。十六年覆准御史今留四十員內升二人外轉二人。又題准科道內升補四品京堂應升之缺巡按內升補五品京堂應升之缺。又覆准查舊制巡方御史三差稱職內升其典原自慎重若一差即優升未免太驟今後巡方各官一差稱職仍回各原衙門管事酌量加級紀錄應將一差優升例概行停止至三差稱職者恭候

親裁擢用。十七年議准御史有參大姦大壘興利除弊者別為一冊以定優劣升轉時可即據為甄別。十八年議准御史每年二月八月內升

外轉各一人。康熙四年題准科員每年八月內升外轉各一員。九年八月掌河南道李之芳內升奉

旨以前內升各員未經補用者尚多李之芳著以內升應得品級留原任。十一年題准內升官員借補五品京堂仍與小四品京堂論俸升轉。又題准科道外轉官不必驗到於單月遇缺先補。十二年題准漢軍御史入漢御史內論俸升轉。又題准給事中內升亦得補授太常寺少卿等

缺。又題准外轉官掌印給事中以副使用給事中監察御史以參議用。十九年

諭科道官內升外轉原以示勸懲也。今見才優者猶知憚於外轉其或才力不及不稱言職之人安於外轉道員者甚多。是但以示勸非所以示懲也。故令九卿科道詹事會議務期得當。魏象樞等奏稱恐天下不肖之輩不識朝廷慎重道員之意疑為厭薄言路之端等語。邇年以來姚文然李之芳施維翰等內升未久即任以大僚督撫亦因其克盡言職才能素著之故也。此無論天下至愚不肖當亦知朝廷無厭薄言路之意矣。其外轉者或係素無建白或係昧於事理或係任意妄言或係才力不及原非因其條奏而外轉也。又稱近年外轉之科道並無貪汙溺職之一人而各部郎中俸深升道如范永茂高恆豫盧元培程汝璞等職私累累劣蹟彰彰者不知凡幾等語。科道外轉者豈無溺職之一人乎。各部俸深升道員者甚多豈盡係貪劣之人乎。如陳丹赤等優者匿而不言獨舉范永茂等四人。不辨賢否而概言之可乎。魏象樞去歲七月內曾於朕前面奏科道所行皆係徇私有負朝廷耳目之任罪皆應死。今甫數月復言歷年

外轉者並無溺職之一人前後參差何其速耶爾等所奏理不宜批答因註語內以存國體之語故令諸臣知之至若外轉科道以小品官員用遂致有傷國體朕殊不解故特諭諸臣示以朕意○二十四年題准凡科道吏部外轉官不另起赴補之文於單月遇缺先補○三十八年

諭內升官員俱係科道內選拔賢員因暫無伊等應升之缺或有候缺回家者亦有借補小衙門者但此等選拔之員借補小衙門反在無事之處應將此等內升官員雖借補小衙門堂官仍應兼伊原科道之銜

欽此遵

旨覆准嗣後內升科道官員如有應升之缺擬補者不議外其餘俱照姚文然之例留管原任候補如無應升之缺借補小衙門堂官者俱仍兼科道候應升之缺○三十九年

諭本年內升科道官員仍留原任辦事員缺暫且不出本年行取以科道用人員補授額外試監察御史○

四十一年

諭嗣後內升科道官員升補者俱停其兼科道任以前升補科道官員兼科道任者通查出缺○五十二年

諭言路不可不開亦不可太雜明朝國事全為言官所壞今之進言者輒云某為上所喜某為上所惡每揣

摩朕意私心窺伺以圖迎合朕並無所愛憎之人其居官善者則愛之不善者則憎之耳即如噶禮居官如此不善不但無一人劾奏反有從而譽之者後噶禮與張伯行互參差往審事滿漢大臣謂朕意有偏向故審理俱不公平朕亦不露意旨直至議定奏聞方向九卿明諭於是眾乃知朕無偏向之意大凡人臣事君之道公爾忘私乃為正理且性理諸書中亦不過辨別公私二字事君者果能以公勝私於治天下何難若挾其私心則天下必不能治今科道於內

外官員亦有明知其不善者或其人有所倚仗或其人素有聲勢不可搖動遂莫敢參劾亦由學淺膽小故耳為清官者惟潔己不要錢猶是易事若論公爾忘私誠為難得科道官員內朕無深知者今條奏亦稀將伊等照例挨次升轉可也○五十九年

諭科道官係從部員內揀選補授每年內升外轉並未論其原升品級一體開列今科道官內升有即超擢至堂官者果其卓然特出雖為布衣朕亦可不次任用况科道乎若本屬平常而不查原任品級竟一體



內升起用未免越次著交與九卿將科道官由何銜升任應作何分別開列之處會議具奏欽此遵

旨議覆科道官內升外轉應查原任之官係郎中補授者歷俸二年員外郎補授者歷俸三年主事補授者歷俸四年然後准其開列○雍正元年

諭嗣後科道內升外轉不必拘定食俸年限盡行開列

○三年

諭朕初即位時內外官員俱未識認惟科道官每日輪班條奏進見因見外省事務緊要故令科道中可用之人補授外任但科道外轉向屬降用是以令其將

科道原銜帶於新任前御史陳時夏越分奏事朕曾嚴飭他省所用道員侍身有科道職銜抗違上司亦未可定除新用許容柯喬年陸賜書三人仍帶科道職銜外爾部查明凡有兼科道銜之各省道員行文各該督撫問明本人有情願不兼科道銜在道員任內效力者該督撫據實奏留任其有不願在道員任內效力者亦令據實奏明仍調回原任○十年定科道曾奉

旨記名褒獎議敘及申飭訓誨處分著繕一單於題請升轉點差時將單隨本進呈備

覽○乾隆元年奉

旨嗣後科道官內升外轉者俟補官日離任其未得升之先仍食原俸辦事○又議准舊例小四品京堂員缺將科道內升官員不論年分補完四員之後將五品京堂升用一員嗣後小四品京堂缺出仍照舊例將內升之科道員題請

旨俟

簡用四員之後再將五品京堂開列升補一員如無內升科道方以應升京堂科道通行開列具題再科道內升官員如無小四品京堂缺出遇有五品京堂缺出借補仍支四品俸與小四品京堂論俸開列○又議准舊例道員缺出有參政參議副使僉事兼銜之分各按雙單月將科道外轉並俸深郎中外省道員知府論俸升轉嗣後道員單月應選缺出先儘科道外轉人員無外轉人員用應補之人單月無人歸雙月以郎中知府論俸內外各升一次其兼銜之處仍照現行之例兼銜○又議定向例科道內升外轉俱離任候缺若必專俟小四品京堂方准補用恐一時無缺未免守候稽遲是以准其借補五

品京堂今科道內升者業經奉

旨令其在任候缺即刪除借補五品京堂之例○三年

議准滿洲蒙古科道照漢科道之例於每年二

月八月內一併開列具題恭候

欽定內升外轉各一人○五年奏准記名各官如由

科道記名者遇有應升與內升之科道論奉

旨日期先後開列具題一同引

見候

旨簡用○又奏准議敘應升四品京堂之科道郎中

等官均論其議敘奉

旨日期先後遇有員缺依次引

見候

旨簡用○又奏准內升外轉官均按品級考註冊在

任候補係內升者候缺具題外轉者不必投候

補之文驗到亦不必論已未五十五日於單月

遇缺先補其未經得缺以前如遇丁憂告假降

革事故後經服滿假滿開復遇有應升即准具

題升補單月應轉員缺亦准即行轉補若一時

無應升應補之缺仍令以原官補用在任候升

○八年議准宗室御史遇滿洲御史升轉之時

一例開列止令內升不令外轉○十六年

諭科道近列臺垣優絀易見自可不時擢用而定例內

升外轉給事中則一年一次御史則一年兩次每逢

奏請時自康熙雍正年間至今率降旨停止者多每

年徒增此題奏繁文於治理亦復無益嗣後三年舉

行一次著為例○十七年定內閣漢軍侍讀學士兼

用漢人以京堂科道各部郎中俸深者引

見簡用○十九年定內升外轉京畿道將各道條奏

繕造黃冊進呈滿道稿漢道畫題漢道稿滿道

畫題○二十六年議准嗣後滿太常寺少卿鴻

臚寺卿缺出由內閣侍讀學士五品京堂欽天

監監正科道各保一員並該寺鳴贊引

見補放○五十二年

諭嗣後滿漢科道應升缺出該部開列具題及帶領引

見時著將該科道有無條奏其所奏事件部議或准

或駁並奉特旨允准或當經駁飭之處均於各科道

名下綠頭籤上註明以便較其優劣著為令○五十

五年

諭向來滿漢科道相沿前明內升外轉之例徒資資緣

都察院三年題請一次殊為具文滿漢科道果有才

具出衆供職勤慎者京察之年原准該衙門分別保送引見時記名以道府升用或亦時有令各部院保送道府者是升遷不致久滯又何用相沿舊例屆期題本徒滋案牘耶嗣後滿漢科道內升外轉三年請旨之例著停止毋庸題本○又

論科道三年內升外轉之例原屬具文昨已降旨停止今思京察之期都察院堂官原有保送記名道府之例但外轉止此一途熱中之輩未免以壅滯竊議嗣後漢科道當照六部漢郎中之例都察院堂官覈其才具分別繁簡送部截取御史以知府用科員以道

用照例截取則選用道府者人數較多所有漢郎中科道論俸截取俱著定以四年之俸准其截取○又

奏准內閣侍讀學士員缺由通政司參議等官並科道各保一人引

見一次六部郎中各保一人引

見一次鴻臚寺少卿缺出由科道通行開列具題一

次由各部郎中各保一員開列具題一次○五

十九年定給事中御史郎中連閏歷俸四年方准截取○嘉慶四年議准漢郎中四年截取銓

補稍遲酌定間俸三年即行截取漢科道事同

一例亦照此辦理○又議准內閣漢侍讀學士及鴻臚寺漢少卿缺出輪用科道時將科道照依俸次通行開列輪用部員時將郎中照依俸次通行開列不准保送○又議准漢給事中御史開列京堂按照衙門前後其御史轉科則係按其俸次滿洲給事中開列京堂亦按照衙門前後其御史開列轉科均係按其到院原資相沿已久辦理殊未允協嗣後滿漢科道遇有通行開列及引

見科缺之時均按俸以為前後並於例內註明論俸

字樣以昭畫一○五年

論科道開列應升本內例應將科道條奏事件摘敘事

由開單進呈朕留心披閱往往奉旨准行者開敘單

內而於降旨擲還及經部駁各條奏多不敘入殊非

覈實之道嗣後著都察院左都御史等於科道開列

應升吏部咨查時務須詳細查明各該員條陳事件

無論准行與否統行咨覆吏部不得僅交各科道自

行開報致有遺漏掩飾之弊○又奏准內閣侍讀學

士員缺京堂照品級開列一次科道照俸次通行開列一次郎中照俸次通行開列一次○八

年議准嗣後滿洲鴻臚寺卿缺出鳴贊不准保送其各衙門應升人員改為開列請

旨補放至滿洲少卿缺出改為科道郎中分班引

見輪用科道時將科道各保一員與該寺所保之鳴

贊一同引

見補放○道光二十三年奏准嗣後內閣侍讀學士

及通政司參議光祿寺少卿鴻臚寺少卿缺出

輪屆科道到班時若統行帶領引

見人數未免過多應請遇科道正班仿照各部院保

送郎中之例酌量定以額數遇有京堂缺出輪

屆科道應升引

見時由吏部先期行文都察院令該堂官秉公保送

掌印給事中給事中四員各道監察御史八員

先儘一等人員如一等不敷保送或一等無人

方准將二等人員保送出具考語移咨吏部按

照俸次先後帶領引

見如有京察一等者列名於二等人員之先以昭公

允○光緒七年奏准嗣後凡遇保送四五品京

堂應行引

見人員均須遵照到班毋得託故不到如實因患病

不克到班者即由該堂官查明屬實據情咨部

或補行咨部以憑辦理若有臨時不到並無該

堂官咨文到部者照例參處其科道等有自行

咨報告假或自行咨報感冒者一概不收來文

仍按名帶領所有各該堂官咨報告假感冒各

員均於排單內該員銜上註明以符保送原數

○九年議准嗣後直隸熱河道北道山西歸

綏道合併積缺遇有缺出比照滿科道保送通

政司參議之例將六部並理藩院步軍統領衙

門滿洲郎中與滿科道分為兩班相間輪流帶

領引

見補用如輪用科道時由都察院堂官秉公保送掌

印給事中給事中四員各道監察御史八員先

儘一等人員如一等不敷保送或一等無人方

准將二等人員保送出具切實考語移咨吏部

按照俸次先後帶領引

見○十年議准漢科道歷俸年限比照漢郎中截取

之例改為歷俸二年即予截取○十三年奏准

由給事中御史因迴避以郎中改補並郎中升

授御史雖係改官未遇下屆京察以前其一等

例准帶於新任遇有保送各缺或按應升開列均仍照一等人員辦理其保送各項年限差使亦即照此數辦至給事中御史因不能勝任奉旨回原衙門行走應以郎中用者如曾經保列一等仍不准帶於郎中任內○又議准遵例報捐及保獎俸滿截取道府人員毋庸再行計扣實歷年限准其隨時呈請分發

旨嗣後掌河南京畿二道著都察院揀選具題○乾隆十三年議准御史缺出吏部將所出之缺分別

省分如有奉

旨記名應行迴避本省者查明扣除○十五年議准按乾隆十三年軍機處會同吏部都察院議覆御史久於其任一摺內稱河南京畿道掌印仍聽都御史揀選保題外其餘各道均令滿漢一人為掌印其一道內有滿漢御史各數人者即以滿漢資深者各一人為掌印是資深為掌印專指本道現任御史而言原奏甚明候補人員不在其內嗣後一道有滿漢御史數人者止就本道現任資深者轉為掌印不得與候補之人

通較資俸○三十八年奏准嗣後滿漢協理京畿道缺出俱照掌道之例由都察院於各道御史內揀員擬定正陪題請調補所遺之缺歸吏部照例辦理○四十四年奉

旨掌貴州道監察御史員缺著交都察院於各道內揀員轉補嗣後著為令○又奏准嗣後四川廣東廣西雲南貴州等五道員缺照江南等道掌道之例由都察院於各道協理御史內揀資深者轉補再行咨部開缺

補授給事中○順治九年吏科右給事中魏裔

介奏本科都給事中員缺請停調用照舊於左右給事中內升補以昭畫一奉

旨吏科都給事中員缺升補定為常例果有為國為民不阿不私應格外優升者本衙門據實保奏候旨調用○雍正五年定給事中員缺將任內並無降革事故之御史開列職名咨送吏部引

見補授○又議定蒙古御史轉補給事中後將滿洲人員補授俟蒙古給事中升轉之後再將蒙古人員補授御史○乾隆八年議准宗室御史遇給事中員缺亦一例開列與滿洲御史通行引

見如奉

旨轉科其所遺宗室御史員缺照蒙古御史之例將滿洲人員補授其稽察宗人府事務即令轉補之宗室給事中協同現在宗室御史一同稽察俟宗室給事中升補之後再將宗室人員補授御史○四十六年

諭向來宗室人員既不分用各部院又不便簡用外省道府其宗人府理事等官保送御史止有二缺轉科後遺缺仍用八旗滿洲人員升途未免稍狹現在宗室蕃衍其中不少可用之才所有宗室御史著於原定二缺之外俟有滿洲御史缺出時再行添用宗室二員連前四員作為額缺如有遺轉科員者其御史員缺仍以宗室人員補放○又奏准嗣後宗室御史轉補科員後如係協道即以宗室人員補授係掌道都察院照例轉補所遺之缺吏部行文宗人府仍以宗室人員補授○嘉慶十七年

諭向例科道各員遇有應行開列引見補授之缺都察院將各該員條陳事件曾否准駁咨送吏部開單呈覽以備考覈本月御史引見科缺所開單內韓鼎晉名下共開列條陳奏五件其四件係應行列入者

內有具奏全漕越出東境一件此係該御史巡漕任內之事與條奏無涉該員巡漕時所奏不止此一事各御史曾任巡漕者亦不止一人何以該員名下獨將此一件列入嗣後都察院於開列科道條奏清單如係該員等出差循例奏報事件無關建白者均著毋庸列入

直月○乾隆四年定本院直月日以滿洲御史一人收各部院八旗一切文移並內閣傳鈔事

件筆帖式一人登記冊籍在署直宿督催所○乾隆十三年奏准照各部例設立督

催所按年輪委滿漢御史各一人凡各廳各道五城承辦事件由所委御史實力督催按限完結如限內不能完結著該處移知緣由儻無故遲延著督催御史具稿呈堂察覈糾參如督催御史有意瞻徇一併糾參

兩廳廳員分掌 廳員調部

廳員分掌○乾隆六年奏准向例凡有

欽部事件及議處等事係河南道今歸承辦科道差五城註銷並管轄吏役等事係經歷承辦繕本及滿官冊籍係都事承辦其餘五城詳報一切

刑名錢糧及各部移咨案件。並無專管之員。皆係六房書吏。徑行定稿。呈堂辦理。按經歷都事。為本院首領之官。事務尚簡。嗣後吏戶刑等部。關涉事件。歸併經歷掌管。禮兵工等部。歸併都事掌管。其行文稿面。列銜畫押。呈堂。如有遲延。舛錯。書吏不法等弊。將承辦之員。照各部司官例議處。○九年議准。經歷都事。均定為選缺。○十七年奉

旨。改滿都事二人為滿漢各一人。

廳員調部。○乾隆四十一年議准。經歷都事。遇

京察保送引

見。准其一等後。仍由該堂官擇其將來堪膺外任者。再行加具考語保薦。由部帶領引。

見。以六部主事調補。有奉

旨。指定何部行走者。交該部遇缺即補。其未經指定部分者。由部籤掣部分。亦交該部遇缺奏補。

欽定大清會典事例卷一千三十一

都察院

五城 巡城職掌 司坊分理

巡城職掌。○順治三年奏准。天下諸司入京朝覲。部院科道考察賢否。誠恐有鑽營屬託。拜謁當道。交通賄賂。不肖官僚。巧生機變。假稱接風。為名。大張筵席。及無籍棍徒。串通京棍。肆行詐索。少有不遂。徧布匿名揭帖。設謀陷害者。由五城御史督令司坊官員。時加訪緝。違者題參。○十年議准。令五城御史各率所屬。辦理地方之

事。釐剔姦弊。整頓風俗。○十三年覆准。

京師城內闢毀錢債等細事。如原告被告。皆旗人。則送部審理。如與民互告。仍聽五城審結。○十六年題准。

京師內外十六門。令巡城御史不時巡查。○又題准。五城滿洲漢軍御史。遇常朝齋戒。俱隨各旗班次之內。嗣後凡遇常朝齋戒之期。俱隨都察院各官一同上。

朝齋戒。○十七年題准。城外居民地方。有侵佔搭蓋。並街中立牌。難以行走。通行拆卸。如違該城

題參治罪。○十八年題准。緝捕盜賊。審理人命。盤獲逃人。及禁約賭博。稽查姦宄。邪教謠言。煽惑人心。惡棍衙蠹。指官嚇詐。姦徒惡官。潛住地方。聚夥燒香。並僧道寺院坊店等項。事務責令巡城御史通行嚴飭。○又定。在城捕盜官兵人等。遇有地方殺人劫財事件。不行用心緝捕。聽巡城御史指實題參。○康熙十一年題准。五城詞訟。御史徑行審結。徒罪以上送刑部。○二十七年議准。城外居住旗人。有在城控告者。笞杖以下事件。該城御史審理歸結。○又議准。凡有姦宄聚眾結黨。設阱流毒者。五城御史不時緝訪。重則題參。輕則懲處。○二十九年議准。凡軍流人犯。有祖父母父母告稱老疾無倚。家無以次成丁者。令掌印兵馬司出結。該御史確查轉送。○雍正八年

諭。嗣後內外大小文武官員。帽頂補服坐褥等項。悉照本身現任品級。不得指稱加級。以開僭越之端。在京著有稽察之責者。嚴行稽查。在外著該管上司稽查。倘仍復不遵。除將本人議處外。其失察之員。一併處分。○乾隆八年議准。

天壇南北兩廊內圍牆外居住者。租賃貿易。弛往來。懋遷之禁。惟禁游蕩酣飲之徒。以及腥羶酒脯。垂帘列肆者。仍令該城御史及司坊各官不時巡察。倘有藉端生事。立行查拏。○二十七年

諭。諸徐孫條奏七品以下官生帽頂不遵定制。概用素金。請嗣後編檢知縣等官。改用蜜蠟頂一摺。所奏原為慎重等級起見。但從前議定頂式。分別銜品。著在儀章。差等本為詳備。今因官生等妄意希榮。假借乃不先懲其違制之咎。而轉欲紛更品目。增出蜜蠟一項。則事涉煩瑣。可不必行。但內外督撫部臣。俱應留心查察。即需次京城未登仕版各員。亦有步軍統領及五城御史衙門。可以時為稽察。嗣後倘有故違成式。戴用混淆。不分金銀花素。如該御史所奏者。即行斥革治罪。以重名器。○三十一年奏准。嗣後五城一切案卷。務須存儲公所。滿漢御史均應每日進署理事。民間呈詞。公同接收辦理。或遇昏夜緊急事件。始准在私宅接收。次日會辦。倘仍前每月進署數次。以致公務稽延。或更有將檔案私存書吏家中之事。即行參處。○二十九年議准。嗣後五城等衙門審理案件。悉遵向定成例辦理。



理遇有詞訟內所控情節介在疑似及聞繁罪  
名出入非笞杖所能完結者量其情節輕重或  
奏或咨俱交刑部審明按擬不得率行自結如  
有將例應送部之案不行送部者即將承辦官  
員交部照例議處。○嘉慶五年

諭給事中邱庭澍奏嚴禁借用帽頂一摺據稱每月驗  
看月選官及新捐分發試用人員八九品及未入流  
各官俱備用七品金頂又近見街市各色人等纓帽  
上俱用紅絨結頂並有棍徒等假冒官職戴用金頂  
均請嚴禁等語所奏甚是此弊由來已久朕在藩邸

曾經目睹國家設官分職等威本自秩然冠服儀章  
豈容稍有僭越會典所載甚明乃近日八九品及未  
入流人員往往僭戴七品素金頂並有無職人員隨  
意戴用者此等陋習向有聞見該給事中奏請嚴禁  
甚為得當嗣後八九品及未入流帽頂俱謹遵會典  
分別戴用其補服亦應按照定例毋許稍有僭越京  
城內外著交步軍統領及五城御史各部院衙門著  
交堂官各省著交督撫留心查察勒限更換違者立  
即奏奏至外間民人涼暖帽上俱用纓絨大結尤屬  
非是並著一體飭查嚴行禁止俾章服得有等差官

聯益昭整肅其游手棍徒及逃匪等有假充職官戴  
用金頂者亦照該給事中所奏實力嚴拏毋使宵小  
弊混。○九年

諭給事中汪鏞奏現在五城御史坐城之期大率五日  
一次覈計每月辦事止有六日殊覺過疏等語所奏  
是各衙門堂官朕節經降旨諭令於每日到署辦公  
以期事無曠廢乃近來不但巡城御史有坐城之期  
即京堂除六部外其餘各衙門亦俱設有堂期名目  
每隔三五日始一進署以致案牘積壅豈勤勉辦公  
之道嗣後巡城御史除另有他事准其開日到署其  
無事日期俱著常川到署辦事至九卿各衙門非遇  
直日奏事之期均應按日進署毋許再有堂期名目  
以重職守而儆怠惰。○十五年

飭令五城御史遇有應緝案犯須嚴定期限責成捕役  
上緊捕獲懈玩者重懲。○又  
飭令五城御史於開張錢鋪者必令五家互出保結遇  
有關鋪潛逃之事令保結之家照票分賠其換  
出錢文除照向例錢市與鋪家准各扣底四文  
外如有任意短少許換錢之人扭稟地方官隨  
時究治。○又奏稱嗣後陸續開張錢鋪如無互

保及保結不全者。俱不准開設外。其從前舊有各鋪。多至三百五十餘家。俱免其取保。期無擾累。仍不時督率司坊官分投查察。不許各鋪多出錢票。以防拐逃。○十九年

諭。外城市廛稠密。易於藏姦。著五城御史督率司坊官一體查緝。以期肅清。緝獲。緩靖民居。毋得日久生懈。○又

飭令五城御史。所承捕役。止令緝犯送官審訊。不得私刑拷掠。勒取供詞。○二十年

飭令五城御史。嚴密訪拏訟師。凡城外會館廟宇。俱認真稽察。以免藏匿。○二十二年

飭令五城御史。凡有飭緝要犯。須上緊嚴拏。不在禁令者。毋得妄拏株累。○又

飭令五城御史。於各城門偷運米石出城者。隨地查拏究辦。並重懲包庇縱放情弊。○又

飭令五城御史。嚴拏盜賊窩主。並重懲硬拉居民牲畜勒錢回贖。及胥役包庇等弊。○道光元年

諭。士民扶優疎飲。耗竭資財。曠廢職業。因此導侈長惡。不可不嚴行飭禁。嗣後有徵逐歌場。招搖侈肆者。隨時嚴拏懲辦。以杜奢靡而端習尚。○又

飭令五城御史。嚴拏城外把棍會匪等犯。其未犯案者。即行驅逐。毋任容留。○又

飭令五城御史。認真訪拏不法匪徒。不得以現獲一二匪犯塞責。仍復疏縱。○二年

諭。御史許乃濟奏。近來五城地方報竊之案。每年獲案不過十之二三。且有命盜重犯。日久通誅者。五城司坊額設捕役。工食甚微。其承緝時。購覓眼線。每多需費。該捕役等餬口不敷。或奉賊養姦。或畏法求退。皆因有懲無勸。遂致捕務無從整頓。著照所請。交戶部都察院會同叢議。籌撥部庫銀兩。發典生息。每年所得息銀。酌給捕務較繁之西北兩城。賞需銀各四五百兩。捕務稍簡之中東南三城。賞需銀各三四百兩。視獲案之多少。定賞賚之重輕。即責成巡城御史覈實支用。年終造冊報銷。毋許浮冒。仍以一半息銀歸還部款。如此後查有該捕役奉賊延案者。即重治其罪。庶幾知所勸懲。可期輩數肅清矣。欽此。遵

旨。議准。部庫開款內撥銀三萬兩。發交殷實典商。按月一分生息。每年應得息銀三千六百兩。遇閏加增三百兩。以二千兩為緝捕經費。交五城御史衙門備賞。所餘銀兩。按年解交部庫歸還原款。

統俟歸完之日將原撥銀三萬兩內提回一萬三千兩餘銀一萬七千兩照舊生息以資五城賞費並令該御史覈實支用按季造冊報部備覈仍於年終將一年賞用細數彙報都察院造具總冊咨部覈銷備有餘賸存儲各城作為次歲賞需之用其每年賞需銀二千兩酌給捕務較繁之西北兩城各五百兩酌給捕務較簡之中東南三城各三百三十三兩零並將各典商姓名分領銀數及起息日期分析報部以備稽覈○又議定緝捕賞費章程凡奉

特旨緝拿要犯迅速擊獲者按事之輕重臨時分別從優酌賞至本城准刑部審明緝獲正兇之案於六箇月內擊獲者賞銀五十兩本城盜案迅速擊獲首犯審實法無可貸者賞銀五十兩情有可原者賞銀三十兩本城積年承緝命盜案擊獲要犯審實法無可貸者賞銀四十兩情有可原者賞銀二十兩本城賊物重大竊案擊獲要犯審實按罪名之重輕賞銀三十兩或二十兩如係協同擊獲者不在賞內本城尋常竊盜計贓在十兩以上迅速擊獲者賞銀十兩擊獲

富家者倍之其贓物雖微審係進屋偷竊迅速擊獲者賞銀五兩其擊獲偶爾絡竊者不在賞內止記功一次彙記功三次者本城酌賞鄰境命盜案擊獲要犯審實經本城奏明司坊官得有議敘者賞銀五十兩如得有優敘遷升者賞銀一百兩擊獲鄰境積年逃避重犯者如之鄰境竊案擊獲審實計贓十兩以上者賞銀五兩如係協同別處捕役擊獲者記功一次彙記功三次者本城酌賞其協擊鄰境竊案者不在賞內至五城地面原應不分畛域如有協同擊獲之案本城分別酌賞再以上賞項一役擊獲者獨賞眾役擊獲者分賞如有擊獲多名者臨時酌量加賞其實給銀兩本城當堂給發不經書臬之手以免滋弊○又

諭御史許乃濟奏請嚴禁崇文門稅局需索蠹弊一摺各關徵稅科則責令該管官詳刊木榜豎立關口街市定例本為詳備即崇文門有商人漏稅議罰之條亦自有一定章程豈容意為高下若如該御史所奏崇文門稅局於尋常行李往來不論有無貨物每衣箱一隻勒索銀二兩四兩至八兩之多或偶然攜帶

常用物件。不知應稅科則。一經查出。輒以二十倍議罰。卽有照例開報納稅者。又以輸課無多。仍百計刁難。否則押赴官店守候。不准放行。京師為萬方輻輳之區。乃任書役恣意婪索。苛及行旅。若此。不可不嚴申禁令。著該監督遵照定例。於崇文門及分口巡查之盧溝橋東壩板橋海淀等處。一律添設木榜。仍著順天府刊刷科則定例。每年頒發俾眾咸知。並責成巡視五城御史。隨時前往認真稽察。如有濫行需索。擾及行旅情事。卽行據實奏。不得日久視為具文。

○又

諭。御史梁中靖奏請除五城捕役繳票積弊一摺。刑部各司現審案內有應緝之犯。票傳五城捕役緝拿。其有無緝獲。向由該捕役自行赴部呈繳。茲據該御史奏稱。刑部書吏往往刁難勒索錢文。以致捕役守候需時。實屬大干法禁。嗣後五城有應繳刑部之票。著該巡城御史查明咨送刑部。不准由該部書吏經手。以杜弊端。○三年

諭。御史陶廷杰奏請嚴五城捕務一摺。所奏是向例五城承緝捕役。按限責比。原期有案必獲。庶可肅清地面。巡視五城御史有稽察約束之責。著卽飭令司坊

官揀選勤幹捕役。務使足額。責其認真緝捕。毋任仍前怠玩。其各處匪徒結伴游行。白晝搶取衣物者。並著嚴飭所屬員弁。加意巡緝。查拏懲辦。○四年。

飭令五城御史嚴拏各衙門在逃書吏。○又

飭令五城御史嚴拏市井匪徒。冒託飢民搶奪。○五年

議准。五城副指揮吏目衙門額設捕役各二十四名。東西南北四城副指揮均駐關外。所有額設捕役。止能在關外地面巡查。惟中城副指揮吏目及四城吏目。在前三門外。通共捕役一百四十四名。均有該管地面分段巡查。仍照舊章辦理。其揀發正副指揮吏目各員。除西北兩城派駐海淀香山挂甲屯之員。另有差使外。其餘各員。卽令幫同中城實缺副指揮吏目。東南西北四城實缺吏目輪班督率捕役分段巡查。仍歸各巡城科道隨時稽察。分別懲勸。以專責成。至文武會哨。俱於每月逢五逢十。中城查夜司坊官營弁。在正陽橋官廳會哨。東南兩城查夜司坊官營弁。在花兒市官廳會哨。西北兩城查夜司坊官營弁。在菜市口官廳會哨。交換職名。文武互相稽察。○又

飭令五城御史嚴拏前三門內外姦棍訟師。包攬京控

之事。○又奏准。各城錢鋪。無論新開舊設。悉取

聯絡保結。不拘鋪戶相離遠近。均令五家聯名

互保。並令各報知該管司坊。分析彙造各鋪戶

字號花名籍貫清冊。送院覈對。如再有關閉者。

即令互保之四家代為開發票存錢文。儻五家

一同關閉。即係有心誑騙。無論財主管事人鋪

夥侵吞賠折。即送交刑部照例治罪。仍查明該

犯原籍家屬追銀給領。嗣後五城地面。凡有新

設及關閉錢鋪。該管司坊隨時具文報院察覈

○十年

飭令五城御史遇有錢鋪關閉逃走者。即將該鋪管事

人等查拏嚴究。一面咨行本犯原籍家屬名下

著落償追。毋任隱匿。○又

諭。嗣後在京衙門承審事件。限一箇月完結。刑部現審

事件杖責等罪。限十日完結。發遣軍流等罪。應入彙

題者。限二十日完結。命盜等案。應會三法司者。限一

箇月完結。其鬪毆殺傷之犯。到案後以傷經平復及

因傷身死之日為始。行查及提質並案犯患病。以查

覆及提到並病愈之日為始。仍將應行扣限。及三法

司會審日期。並於科道衙門註銷內聲明。儻司員因

循。或法司不即會審。以致逾限。如係書役作弊者。將

書役嚴加治罪。承審司員及會審遲延之堂司官。一

併交部分別議處。內外移咨行查。如催文三次無回

文者。照例題參。行文八旗內務府五城順天府提人

於文到三日內無故不行送部者。亦照例參處。○十

一年

諭。嗣後五城及步軍統領衙門收審案件。如訊係罪犯

徒流以上。及事涉宗室覺羅者。送部審辦。若罪止枷

杖笞責等案。必須隨時判結。不得以案情稍介疑似

濫行送部。至刑部遇有各該衙門將不應送部之案。

率意咨送者。亦不得濫行收審。即將原案駁回。仍據

實奏參。以專責成。而省訟獄。○十三年

諭。嗣後凡有拏獲鄰境要犯之員。必確覈本任緝捕並

無未獲之案。方准酌請鼓勵。仍於摺內隨案聲明。儻

將本任緝捕漏不敘入。即係違例保奏。著該部概行

議駁。並將該御史議處。○十五年

飭令五城御史嚴拏京城地面誘拐與販用樂迷人等

犯。○十七年

飭令五城御史如所管地面。有無業棍徒假冒宗室設

諭。給事中沈鐸奏請嚴禁各門稅口藉端需索擾累一

局詐騙等弊。該坊官即行呈報嚴行查辦。○又  
摺。近來各門稅口於尋常行李任意勒索錢文更有  
不肖營兵及無賴匪徒冒充差役攔阻訛詐實為行  
旅之害。而右安門為尤甚。似此擾累不可不嚴行查  
辦。崇文門總局本派有御史二員專司稽查其內外  
十三門稅口。巡城各科道本有稽查之責。嗣後著即  
責成該城科道分段認真密訪嚴查。倘有前項情弊  
即時奏嚴加懲辦。以肅門禁而安行旅。○咸豐三  
年議准五城地面科道均有稽查之責。儻平時

應駐堆撥巡夜弁兵。或有短少曠誤。及遇有緝  
捕事件。並不會同查拏。巡城科道將該地面營  
汛從嚴參辦。○同治元年

諭。京師內外時疫傳染貧民不能自備藥劑情形殊堪  
憫惻。除御藥房藥丸照舊祇領外。著由廣儲司發給  
實銀二千五百兩。分交五城祇領。選擇良方。修和藥  
劑。於五城內外坊地面分段設局施放。廣為救治。連  
派妥實可靠之司坊等官經理。各該城御史仍不時  
前往認真稽察。不准假手胥吏偷減藥料。以致有名  
無實。○四年定滿漢巡城科道不准交司坊官手條

將被押人犯發保。○十三年  
諭。宗室住居外城匪徒畏官役查拏多串結宗室以為  
護符。著宗人府嚴飭宗室遵照向例在內城居住除  
在京城外墜地居住者仍從其舊外不得寄居前三  
門外南城地面。並著五城御史會同營汛認真稽查  
倘有匪徒假冒宗室藉勢訛詐情事即行拏究。○光

緒六年奏准五城地面各營汛按季造具堆撥  
花名人數印冊分送各城以憑點驗稽察。倘有  
曠誤懈弛等弊隨時參辦。○七年議定五城開  
設鑪房章程。一。字號成色均須鑿明。模糊者不  
得行使。一。分兩每箇均須足庫平十兩之數不  
得短少。一。攬和低潮必將鑿字鑪房查究。有假  
充字號者責令隨時報明重辦。一。松江一律足  
九八色。鑿明字號以憑責成。一。凡票存兌條概  
不准開有敢擅行使用者立將該鋪封閉嚴辦。  
一。中城除現在二十六家鑪房字號不准再添  
如有關閉接充者呈明本城仍不准挪移門面  
以防一號兩開之弊。其東南西北四城鑪房亦  
令一律遵照。至修理門面仍呈報街道衙門辦  
理。一。鑪房專事傾鎔不得把持行市。僅准懸挂

散碎成錠信實傾銷招牌。如有兌換銀兩私行易錢情事。即行究辦。一。鑪房出入之數。俱以現銀為斷。其有銀市買空賣空。及撥用存儲空言抵兌。查出究懲。一。內城鑪房所化銀兩不歸一律。即移會步軍統領衙門。順天府畫一辦理。一。各兌號所開銀票。幸由鑪房撥用。如銀色低潮。即按所鑿字號查明懲辦。○八年奏准。西城之崇效寺。東城之夕照寺。分期查收字紙。按斤給價奉

旨。此次查收倉匪張六八官房屋等項。由五城御史

公同估計變價發商生息。以備收買字紙之用。嗣後京城內外紙坊。概不准將字紙攙雜。改造紙張。並不准各鋪戶轉相售賣。各該地方官務當隨時認真察查。嚴行禁止。○九年議准。現開各錢鋪。自光緒九年六月以後所開者。悉令取具四家鋪保。方許開張。並將現存各錢店字號。地方鋪東店夥。查明造冊。申送該管衙門存案。如有私開私換。未經取保。一經發覺。將地方官從嚴懲處。○十年

諭。御史方汝紹奏。司坊官承辦案件。夤夜傳人。往往

書吏串通作弊。胥役恐嚇取財。靡所不為。請飭嚴禁等語。著五城御史查明禁止。如有前項情弊。即著從嚴參辦。○又議准。五城緝捕。由戶部待支項下。借撥銀十萬兩。由都察院交五城發商生息。八年以內。務令該城將所收息銀。按年提銀六千兩。解還部庫。毋得延欠。八年屆限。應提本銀五萬二千兩。清償部庫。補足原借十萬兩之數。仍將每年收支數目。報部查覈。以重款目。○又飭令五城御史。嚴禁婦女入廟燒香。

司坊分理。○康熙年間定。五城兵馬司指揮副

指揮吏目專司

京師詰緝。逃盜稽察。姦究等事。○又定。凡緝賊捕逃。禁約賭博。驅逐匪類。稽察妄造謠言。及衙役指官嚇詐。私開煤窯。糾夥燒炭。以致邪教惑人。聚眾燒香。寺院庵觀。坊店等處。皆令該司坊等時加巡查。○四十年覆准。嗣後五城兵馬司正副指揮吏目。凡係籍隸順天府之人。一概迴避。如有現任及捐職者。俱令對品改授。○四十五年覆准。五城副指揮吏目。係佐貳官。除逃人盜案。照舊管理。其餘民間詞訟。非奉該城御史批

發。正印官移行。不得准理動刑。僅有擅准民詞。暨拘禁濫刑。縱役索詐等弊。該城御史糾參。照例議處。○五十二年覆准。京師五城地方。設立司坊官共十五員。所居房屋。各極宏敞。每年租價約合計之。幾至千有餘兩。司坊官私派總甲。總甲私派居民。追呼紛擾。自宜嚴行裁革。嗣後司坊官等所居房屋。皆令捐俸自租。不得私派累及小民。○五十七年定。五城承追承變承驗活傷。並內外問刑衙門。行提人犯。或遞解回籍。及各項公事差委。令副指揮吏目分任。驗屍專委指揮。○雍正元年覆准。司坊官員不許收受民詞。該城御史亦不許批審詞訟。○又定。五城兵馬司職司稽察姦宄人命案件。以指揮管理逃盜等件。以副指揮吏目分地管理。中城副指揮管理中西坊。吏目管理中東坊。東城副指揮管理崇南坊。吏目管理朝陽坊。南城副指揮管理東南坊。吏目管理正東坊。西城副指揮管理宣南坊。吏目管理關外坊。北城副指揮管理日南坊。吏目管理靈中坊。○八年議准。五城關內關外巡檢。於該管地方。遇有盜逃及黃銅賭博。

宰牛鬪毆酗酒等事。將人犯立即拘拏。報明司坊官詳解。該城御史發落。該巡檢不得擅自審理。○十三年。裁革五城巡檢。○乾隆元年奏准。向例五城司坊官。概不許收受民詞。因而於地方事件。概不准理。雖人命盜賊屍親事主迫切投訴。亦不審究。未免貽誤地方。嗣後人命案件。仍令指揮管理盜賊案件。仍令副指揮吏目按地分理。該司坊遇有屍親事主呈報者。即行收受。一面詳報該城御史。一面親往相驗踏勘。其本案人犯。即予查拏。審明解院。不得遲延時日。如有推諉遲誤及藉端滋擾等弊。由該城御史叅處。其逃人土倡。責該坊官按地稽察。告發者收受緝拏。至賭博鬪毆等件。該坊官於所屬地方。固宜隨拏隨審。即別城隔屬。途行夜巡。但遇酗酒罵街。角口廝打。開場賭博。小絡竊物等事。隨見隨拏。移交該管坊官審理。不得以地非所屬。過而不問。至民間一應詞訟。仍遵定例。不許擅受。皆歸該城御史審理。○十一年奏准。民間房屋債負。經該城批發事件。該坊錄取供詞。報明本城結案。○二十七年議准。嗣後五城正指



揮公出。即將印信交副指揮代管。○二十八年諭。御史邵樹本奏請五城吏目一缺。改為副指揮。並各給印信以專職守等語。所奏殊不達事體。司坊官員。如果潔己奉法。原不在乎職分之崇卑。儻或不自愛惜。敗檢踰閑。惟責成五城御史隨時糾劾。且吏目之於副指揮。相去無幾。安見吏目之皆不肖。副指揮之必稱職乎。若徒紛更舊制。於實政仍屬無裨。非整飭吏治之適所。奏俱不可行。○三十一年議准。向例五城司坊各官。正指揮專司人命。緝拏匪犯。副指揮管理正陽崇文宣武等三門外竊盜逃人姦匪事務。吏目亦同分地辦理。永定等七門。安定等六門外地方。專責吏目分管。該員衙署。俱設於正陽等三門之外。分管地方。相隔遙遠。稽察難周。嗣後移副指揮駐紮城外。凡各吏目原管地方。即令副指揮專管。其正陽等三門外副指揮所轄地方。俱歸正指揮與吏目分管。○又議准。五城正指揮。專司命案。無論城關內外。凡屬該城之地。統由該員相驗緝兇。刑部提督衙門命案。亦委該員相驗。是以向來專一責成。辦理至關。毆賭博竊盜等件。則係副指揮與吏目分

地管理。而吏目一官。有專管關外者。亦有兼管關內者。原屬參差不一。今移副指揮駐紮關外。則關外統歸副指揮管理。其關內地方。即歸併各城吏目分管。坊名。南城仍舊。東西北三城。俱隨地更換。正指揮仍照舊專辦城關內外一切命案。毋庸更易。至中城地處中要。事務較多。關外地方。已屬東西南北四城分管。中城原未分管關外地方。應照舊經理。五城司坊官。每城止有印信一顆。公同鈐用。今四城副指揮移紮關外。相隔遙遠。遇有緊急文移。鈐印恐有貽誤。應將移紮之副指揮。各頒給本城副指揮關防一顆。以昭信守。○三十年議准。中城副指揮照關外副指揮之例。一體給予關防。五城吏目。各給予條記。○三十八年奉旨。吏部議覆御史范宜賓條奏五城吏目請改為關內副指揮一本所駁甚是。依議。此事前經袁鑒咨爾崇義等先後陳奏。吏部俱已議駁。其事之不便更張。顯然可見。范宜賓何得復為此喋喋瀆奏耶。且辦理地方事務。惟在其人之稱職與否。初不係乎品秩之加增。所謂有治人無治法。乃一定不易之理。若以吏目

續修四庫全書 史部 政書類

官職較卑。必待改為副指揮。始足以資彈壓。試問現在副指揮內果能稱職者。又有何人。而各城吏目於應辦之事。豈皆束手無措乎。范宜賓此奏。並非為公事起見。不過欲借之以博微員感悅。顯屬意存沽譽。至所稱五城吏目交都察院考覈保留。令其按級加捐一節。尤屬不知政體。范宜賓著交部議處。○嘉慶

十四年

諭。本日巡視中城御史卓麟等奏。拏獲假官誑騙從犯陳煥文一摺。據稱副指揮孔傳葵緝捕尚屬認真。可否量加鼓勵等語。近日五城等衙門。於緝獲逃犯摺

內。往往將緝兇之員附請獎勵。朕覈其案關重大者。聞予降旨施恩。但思向來外省緝拏鄰境盜犯。有送部引見之例。其各項人犯。亦有計算拏獲次數。分別給予議敘者。所有步軍統領五城順天府等衙門。拏獲逃犯。亦應視其案犯之重輕。次數之多寡。分別等差。定立章程。俾勤於捕務之員。知所獎勵。亦復示以限制。不致妄生冀倖。著吏兵二部詳查例案。悉心妥議具奏。欽此。遵

旨。議准。嗣後五城司坊各官。拏獲鄰境逃犯。實係外來潛匿。罪應凌遲斬絞立決。並請

旨即行正法者。准其送部引見候

旨升用。如係尋常斬絞監候人犯。即每名加一級。係軍流遣罪人犯。每名紀錄一次。徒罪人犯。每名紀錄一次。如並非外來潛匿。止係五城命盜案犯。由別城地方官拏獲。以及前官任內逃犯。經接任官拏獲者。俱仍照向例分別給予議敘。凡拏獲逃犯。由該城御史奏請議敘。統俟刑部覈覆罪名。知照過部。吏部再行照例覈辦。○十八年

諭。都察院奏五城地方現有編查保甲等事。實任司坊各官。事務繁多。稽察難周。請揀發指揮吏目分發各城。差委等語。著吏部於候補候選指揮吏目。內揀選十五員。交都察院分發五城。差委。如果認真出力。由該城御史呈明都察院。據實保奏。量加鼓勵。○二十一年奏准。嗣後西北二城。遇有揀發司坊官缺出。即於南東中三城內揀選調補。所遺之缺。再行咨明吏部揀選。○道光四年

諭。前因御史王贈芳條奏五城吏目歸正指揮統轄。當交吏部都察院會議。茲據吏部議准。而松筠等另摺

奏稱。正指揮專司命案。事已極繁。若再添管吏目所司事務。勢必顧此失彼。吏目本不准理詞訟。其闖毆賭博等事。不過詳城敘供。該御史欲以敘供之事歸正指揮辦理。而命案轉委代驗。未免輕重倒置。且揀發各員。並無印信。書差又非本管。稽察難周。弊端滋甚。至吏目向歸巡城御史考察。今作為正指揮屬員。令其考察。豈能賢於巡城科道。必啟瞻徇之弊。所奏較為明晰。著即照都察院堂官所議。仍循照舊章辦理。○十八年

諭。前因御史章煒條陳五城事宜。當交吏部會同都察院議奏。茲據奏稱。吏目本係雜職。向例不准擅受民詞。若令其於戶婚田土詞訟案件傳人敘供。即與擅受無異。再查吏目專係捐納出身。流品既雜。且久於其任。雖有巡城御史稽察鈐制。而御史每年更換。防範恐有未周。該御史請將城內案件改歸正指揮管理之處。不為無見等語。所議甚是。嗣後城外案件。仍歸副指揮報城。城內案件。除竊盜闖毆賭博一切緝捕事宜。仍歸吏目分管外。其餘戶婚田土詞訟案件。向歸吏目管理者。均著改歸正指揮衙門詳城。聽各該御史批發覈辦。即闖毆因戶婚田土起者。一切傳

人敘供。仍歸正指揮管理。毋許吏目干預。以符體制而專責成。○又

諭。昨據吏部議奏五城事宜。業經降旨將城內戶婚田土詞訟案件。均改歸正指揮衙門詳城覈辦。毋許吏目干預。是該正指揮等責任綦重。嗣後巡城御史留心查察。如該正指揮等有縱容吏役營私舞弊。及才具平庸不能稱職者。隨時奏參。毋稍姑容。僅該吏目等仍有干預擅受情弊。亦即嚴參懲辦。以專職守而儆官邪。○二十五年奉

旨。此案已革吏目蔣勤培。以不應承審之案。經該城御史批委。並不稟辭。且聽許囑託。輒將無辜婦女濫行責押。實屬任性妄為。僅予革職。不足蔽辜。著從重發往軍臺效力贖罪。給事中雙壽。為鋪戶再三情託。又復串囑捏供。殊屬卑鄙。御史萬超。於副指揮審報之案。違例改派吏目。雖訊無授意曲法情事。惟以風憲官聽受囑託。並諭令吏目追問婦女。以致該吏目濫行拷訊。實屬乖謬。雙壽萬超均著即行革職。永不敘用。給事中陳慶鏞。於萬超向商改派吏目。訊案時隨同批發。咎亦難辭。著交部嚴加議處。

欽定大清會典事例卷一千三十二

都察院

五城事件限期 五城地界 五城練勇

事件限期。康熙二年題准。五城向來各該地方事件。俱五日一報都察院。今定為五城審理事件。每月兩次開報。已未完結到院。限二十日完結。一月兩次註銷。未完事件。兩箇月一奏報。如限內難結。呈明寬限。五十八年題准。兵馬司案件。職分應管之事。隨到隨審。定限五日內完結。報院。半月一次註銷。若將案件叢積。遲延不於限內完結。或有縱役訛詐等事。由院查叅。

○咸豐元年

諭都察院奏各省奏交案件。逾限未結。請照咨案一律。知照該衙門。以憑催叅等語。嗣後奏交案件。著與咨交各案一併將已結未結起數。咨報都察院。查覈例限。催叅其步軍統領衙門。逾限奏案。亦著歸入都察院。催叅案內辦理。欽此。遵。

旨議准。每年按三月九月咨催。六月十二月彙叅。統於一年之內。咨催兩次。彙叅兩次。通行各省遵照。○同治三年奏准。士民殉難請卹呈詞。仿照交

審案件。以接奉咨交之日起。統限四箇月。令該督撫查明具奏。仍由都察院分析開單。按限咨催。至咨交呈詞。既立查覆定限。除官紳大員有關緊要者。仍隨時具奏請。

旨外。將士民兵勇請卹呈詞。由本院彙齊。每屆三月。彙奏一次。以便依限咨催。庶歸簡易。而昭覈實。○光緒十年議准。五城轉行公文。向由中城遞轉。每至南北兩城。動需十日以外。於公事不無貽誤。嗣後。劄城轉文。即行由中城摘由分咨四城。由各城督飭書吏。赴中城鈔錄呈城。以期迅速。

五城地界。雍正五年議奏。凡城內地方分隸五城者。或憑以牆垣屋址。或憑以衙衙曲折。猶可細按基址。劃明界限。至城外鄉邨。與州縣接壤者。地勢遼闊。雖有四址冊可稽。但未建立界牌。難為憑據。一遇命案事件。往往互相推諉。令五城將城內所轄地方。舊有基址界限者。再行清理。按界分管。其所轄城外鄉邨。與州縣接壤之處。按舊造四址清冊。公同勘定。建立界牌。以垂永久。奉。

旨。城內舊址界限著五城御史查勘。建立界牌。其城外與州縣接壤之處。著巡視直隸三路御史於各該管處查明勘定。建立界牌。十二年定五城交界地方。犬牙相錯。五城官員會同清理。釘設木牌。分別交界。乾隆二年議准。東西南北四城並大興宛平通州昌平各州縣令會同確勘。劃清界址。彼此覈對。建立石碑。仍將四址處所造冊繪圖。呈送戶刑二部及都察院存案。至各城犬牙相錯之處。均應分立界址。其街道寬者。亦建立石碑。其衙巷狹者。仍設木牌。三十八年議准。東南二城向定界址。自便門至花兒廟止。以河中為界。南岸屬南城。北岸屬東城。遇有中流浮屍。每多觀望推諉。儻有傷痕。易滋疑竇。查自便門至二廟。計四里半。自二廟至高碑店。計十二里。自高碑店至花兒廟。計三里半。各有廟座。界段劃然。應將二廟至高碑店。分與東城經營。便門至二廟。並高碑店至花兒廟。分與南城經營。中城中西坊地界。內城自長安左門起。至王府大街止。街北係中西坊所轄。街南係南城交界。自王府大街北口起。至兵馬

司衙東口止。街西係中西坊所轄。街東係東城交界。自兵馬司衙東口起。至南鐘鼓巷止。街南係中西坊所轄。街北係北城交界。自帽兒街衙西口起。至大石橋西口止。街南係中西坊所轄。街北係北城交界。自大石橋北口起。至地安門止。街東係中西坊所轄。街西係中東坊交界。自地安門居中起。至東華門並小南城一帶地方。路東係中西坊所轄。路西係中東坊交界。外城第一鋪。東自西月牆起。至正陽門大街。與中東坊交界。南至珠子市。與二鋪交界。西至西河沿交界。石碑止。與北城分界。北至正陽門太城牆止。第二鋪。東至正陽門大街。與中東坊交界。南至珠子市口大街。與三鋪交界。西至觀音寺前。與北城交界。北至珠子市。與一鋪交界。第三鋪。東至珠市口大街。與南城交界。南至永定門城牆止。西至石頭衙。與北城交界。北至清風巷火神廟以西。與北城交界。中東坊地界。內城自日中坊橋起。往南至景山後街中分界。西係中東坊所轄。東係中西坊

交界。自

長安右門外起。至瞻雲坊南北大街止。街中分界。北係中東坊所轄。南係南城交界。自長安大街西口外瞻雲坊起。至護國寺西口外止。街中分界。東係中東坊所轄。西係西城交界。自護國寺西口起。迤東定府大街龍頭井三座橋。並地安門外日中坊橋止。南係中東坊所轄。北係西北兩城交界。外城第一鋪。東自打磨廠長巷上二條衙衙北口外起。至東河沿四間樓柵欄止。與二鋪交界。南自小夾道起。往北至城牆根止。

西自正陽門東門外城牆迤東第二塚止。與二鋪交界。北自正陽門東門大街甬道中起。至小夾道止。與三鋪交界。第二鋪。東自蕭公堂起。至東河沿南城交界牌止。與第一鋪交界。南自南蘆草園起。至三里河大街中止。與南城交界。西自正陽門東門外城牆第二塚起。至第四塚止。與南城交界。北自鑾慶衙衙起。至玉金樓大神廟止。與三鋪交界。第三鋪。東自草廠頭條衙衙起。至小席兒衙衙止。與二鋪交界。南自東珠市口起。迤北至大街路東小夾道止。與一鋪交界。

西自豆腐巷起。往東至元帝廟止。與二鋪交界。北自小夾道起。至小蔣家衙衙止。東城朝陽坊地界。內城東至朝陽門東直門城牆止。南至東大市街。與崇南坊交界。西至大市街路西。與中城交界。北至新橋。與北城交界。外城第一鋪。東便門外地方。東至二橋。與南城交界。首橋係南城所轄。南至大通橋橋上石獸分中。與南城交界。西至城根太平倉牆止。北至崇善庵。與二鋪交界。第二鋪。朝陽門外地方。東至大王莊。與大興縣交界。南至皇姑庵。與第一鋪交界。西至朝

陽門外城牆止。北至朝陽庵南牆。與三鋪交界。第三鋪。東直門外地方。東至東壩西門。與五鋪交界。南至朝陽庵北牆。與二鋪交界。西至東直門角樓。與北城交界。北至勇士營。與大興縣交界。第四鋪。六里屯地方。東至東壩西門。與五鋪交界。南至大王莊。與大興縣交界。西至呂祖閣。與三鋪交界。北至大興縣交界。第五鋪。東壩地方。東至東岡子。與通州交界。南至康各莊。與大興縣交界。西至壩西門。與三鋪交界。北至勇士營。與大興縣交界。崇南坊地界。內城東至城牆

止。南至崇文門止。西至王府大街。與中城交界。北至東大市街為界。外城第一鋪。東至東便門。與五鋪交界。南至東河漕界。西至南城界。北至崇文門口止。第二鋪。東至米市口。與四鋪交界。南至三轉橋。與三鋪交界。西至南城界。北至東河漕止。第三鋪。東至米市口。與四鋪交界。南至左安門口止。西至南城界。北至蒜市口。與二鋪交界。第四鋪。東至廣渠門口止。南至三轉橋。與三鋪交界。西至蒜市口。與二鋪交界。北至東河漕界。第五鋪。東至城牆。南至東河漕。西至崇文門。與一鋪交界。北至東便門口止。第六鋪。東至羊肉衙衙。與四鋪交界。南至手帕衙衙為界。西至崇文門大街。街西係南城分界。北至四條衙衙為界。第七鋪。東至草園瓢城牆止。南至找子營為界。西至羊肉衙衙。與六鋪交界。北至胡叭喇口為界。南城東南坊地界。第一鋪。廣甯門外地方。東至右安門城牆止。南至護國廟。與右安門交界。西至大井邨。與西城關外坊交界。北至接待寺。與宛平縣交界。第二鋪。右安門外地方。東至永定門大道中分。南至西紅門三官廟。與

大興縣交界。西至七里莊。與宛平縣交界。北至護國廟。與廣甯門外交界。第三鋪。左安門外地方。東至波羅營西直河一帶地方。與通州交界。南至南苑北牆下止。西至永定門外大道中分。北至八里莊燕窩一帶地方。第四鋪。廣渠門外地方。東至南花園白鹿司一帶地方。與通州交界。南至八里莊燕窩一帶地方。西至城牆止。北至東便門外二廂止。與東城交界。正東坊地界。內城正陽門棋盤街東至崇文門內大街中分。與東城交界。南至城牆止。西至太平湖西城牆止。北至王府大街。與中城交界。又自西長安街中分。至就日坊地。西與西北二城交界。外城第一鋪。東至崇文門大街中分。與東城交界。南至北官園南口。與四鋪交界。西至新開路北口。與三鋪交界。北至城牆止。第二鋪。東至喜鵲衙衙東口外路南。與三鋪交界。南至平樂園北口。與四鋪交界。又至草廠二條衙衙南口外。與中城交界。西至閻王廟前街。與四鋪交界。又至蕭公堂。與中城交界。北至中帽衙衙西口。與一鋪交界。又至





與北城交界。南至法源寺。與五鋪交界。西至牛街。與四鋪交界。北至廣甯門大街路西。與二鋪交界。第四鋪。東至牛街。與三鋪交界。南至棗林街。與五鋪交界。西至廣甯門城牆。北至廣甯門大街路南。與七鋪交界。第五鋪。東至姚家坑。與北城交界。南至右安門城牆。西至廣甯門城牆。北至盆兒衚衕。與三鋪交界。第六鋪。東至土地廟斜街。與一鋪交界。南至廣甯門大街韋馱庵。與二鋪交界。西至西便門。與七鋪交界。北至宣武門城牆止。第七鋪。東至鬪雞坑。與六鋪交界。南至綏閣口止。與四鋪交界。西至廣甯門內。與四鋪交界。北至虎皮牆。北城靈中坊地界。內城。東至東直門內。往北一帶城牆止。南至東直門內大街街北一帶止。街南與東城交界。安定門內至交道口止。與東城交界。鼓樓前南至後門橋止。與中城交界。西至德勝門內大街。街東係北城所轄。街西與西城交界。北至德勝門內及安定門內。往東一帶地方。均至城牆根止。外城第一鋪。安定門外東至迴龍橋。與東城交界。南至安定門外一帶城牆止。西至黃寺。與二鋪交

界。北至小關一帶土城止。第二鋪。德勝門外。東至黃寺。與一鋪交界。南至德勝門外一帶城牆止。西至藥王廟五聖庵。與西城交界。北至小關一帶土城止。第三鋪。土城外。東至龍稻邨。與東城大興縣交界。南至東西小關土城止。西至十間房。與西城交界。北至清河。與昌平州交界。第四鋪。青龍橋西北。東至紅石口蕭家河。與五鋪交界。南至西山一帶。西至寨口邨。與宛平縣西城交界。北至大道。與昌平州交界。第五鋪。北海甸東北。東至六道口百靈莊。與三鋪交界。南至白塔庵三間房。與西城交界。西至北海甸梢子營。與四鋪交界。北至清河。與昌平州交界。日南坊地界。第一鋪。東至西河沿交界石碑止。南至延壽寺街。與二鋪交界。西至西河沿響橋。與三鋪交界。北至西河沿護城河止。第二鋪。東至廊房頭條衚衕。與中城交界。南至觀音寺前。與四鋪交界。西至琉璃廠橋。與三鋪交界。北至茗第衚衕。與一鋪交界。第三鋪。東至琉璃廠橋。與二鋪交界。南至東南園。西至永光寺中街。北至宣武門城根止。第四鋪。東至石頭衚衕南口。與中

城交界南至

先農壇北牆止。西至菜市口。北至虎坊橋西。第五鋪東至大保吉巷。與中城交界。南至黑窯廠永定門城牆止。西至米市衙衙北口。與六鋪交界。北至藏家橋。與四鋪交界。第六鋪東至雞鷲市。與五鋪交界。南至藍旗教場右安門城牆止。西至半截衙衙。與西城交界。北至菜市口。與四鋪交界。歸併靈中三鋪。第一鋪東至陝西巷。與四鋪交界。南至虎坊橋。與四鋪交界。西至山西街。北至藏家橋。第二鋪東至琉璃廠橋。南至沙土園。西至宣武門大街。與西城交界。北至西南園北口。第三鋪東至藏家橋北。南至魏染衙衙北口。西至菜市口大街北頭。與西城交界。北至南柳巷北口為界。

五城練勇。同治元年

諭。給事中那清阿等奏。酌留內城水火會請飭交五城按段稽察一摺。前因周祖培奏請撤內城團防。當經降旨允准。惟兩年以來。內城各鋪戶設立水火會。稽察姦宄。彼此防護。頗合守望相助之義。未可一律撤裁。著五城御史各按內城所管地址。飭令各該鋪戶

照舊聯絡。仍留水火會實力巡防。以資捍衛。○又

諭。著都察院查照咸豐年間辦理團防成案。將外城居住之科道十員。繕寫名單。候旨簡派。內城團防。均係步軍統領衙門應辦之事。惟內城地面遼闊。所有查旗科道各員。並著派令督辦內城團防事務。○四年諭。御史汪朝榮奏請嚴禁外省人員混入五城團防希圖保舉一摺。五城設立團防局。向係各該城御史遴選籍隸順天之公正紳富。及寄籍鋪戶人等。充當局董。會同司坊各官緝拏盜賊。藉以保衛地面。若如該御史所奏。竟有籍隸外省之六部司員。紛紛冒充順

天籍貫。蒙混入局。為將來保舉地步。實屬拋荒本務。居心卑鄙。著五城御史查明實係籍隸順天之紳富。及寄籍鋪戶人等。准其在局辦公外。其籍隸外省之京外大小各官。如有冒充順天籍貫。蒙混入局。鑽謀保舉者。即著指名奏參。僅該城御史及紳董等通同容隱。別經發覺。即將該城御史及紳董人等交部議處。○七年奉

○八年

旨。將五城幫辦團防御史及內城團防御史。一併裁撤。諭。賈植等奏外城練勇酌擬改併。請旨遵行一摺。外城

設局練勇。本屬一時權宜之計。現在地方安謐。自應酌量裁併。著照所請。外城練勇二百五十名。均著一併裁撤。即將此項練勇分屬五城。由各該城歸併原募局勇。認真挑選。酌量定額。以供緝捕之用。其部撥練勇銀每月一千兩。即由五城支領。該城本有緝捕盜賊之責。其各督飭司坊官員。實心經理。整頓捕務。所有各部院衙門及投效當差人員。即著概行裁撤。至此項人員。向由五城御史等隨案請獎。嗣後並著一併停止。○光緒九年定。五城練勇局用款。一律支放實銀。自九年四月初一日起。照新章支放。並

刊給木質某城練勇局鈐記。專備支銷錢糧之用。他事概不准用。○又定練勇局章程。一。勇定五十名。每月支銀一百二十二兩七錢。一。長夫二名。每月支銀三兩六錢。一。房租銀每月支銀三兩。一。薪水每城六分。每月支銀三十兩。一。局書每月支銀六兩。一。採買火繩。每月不得過三兩之數。一。每月支領大藥藥。每次給車價銀三錢。一。煤炭每月支銀一兩六錢。一。每月紙硃銀二兩。一。油燭茶葉炕席燈籠甜水苦水一切零項。每月給銀十兩。一。號衣皮襖。於光緒九年一

律新製。以後出售更新。不得過半。一。十冬臘正四箇月。煤炭銀支銀二十兩。一。四季操演犒賞。共六十兩。一。三節犒賞勇丁長夫及局員書差。共三十兩。以上各條。計每城每年領銀二百四十兩。一。部中原平。翦碎支放。每多折耗。即於每歲小建截存勇丁口糧內開除。仍歸入報銷。一。勇丁擊獲新梟要犯。及軍流疊竊人犯。由餘存項下的提給賞。一。所領部款。文司存儲。遇有放款。由局開單呈城覈定。移司驗明。將款項送局散放。一。立印簿二本。鈐蓋城印。註明頁數。司局各存其一。司簿註放過之數。局簿註收過之數。夾連原批呈城標閱。一。局內派員坐辦住宿。稽察勇丁。每日卯午酉三次點名。午刻點名後。由哨官操演一次。不准間斷。酉刻點名後。即閉門。不准一人出外。於亥正後。由局員哨官分帶出隊。一。局中放款。以京平為率。司發欠平。准局員駁換。局發欠平。准勇丁稟究。一。赴部領銀。五城各具印領。飭本城指揮親身支領。毋庸由五城輪流承領分給。一。勇丁口糧。一律放銀。五日放銀一次。一。司坊賞捕。自有緝捕經費。不得挪動

局款。一十冬臘正四箇月。緝捕緊要。應與五營水會聯絡一氣。各立考勤簿。彼此會哨。過境之時。帶隊官書名畫押。一此後局用。有應行增添之款。須咨部覈准。通行五城。方許動支。○又奏定五城水會紳董。每屆三年。請獎一次。其水局紳董兼巡夜者。每局不分文武。准保十人。不兼巡夜者。准保七人。以示區別。其紳董入局。以咨明吏部之日起。扣滿三年。方准列保。其有事故告假。以及選補出局者。均由城咨部。雖前經在局。亦不准保。其隨案列保之員。未經咨部者。不得事後補咨。必須實係業經咨部在局之員。方准列保。其離局之日。亦由城查明。並無經手未完事件。給咨赴部。如有始勤終怠。及經手支用不清者。將其保案撤銷。不得含混取結。赴部註冊。

欽定大清會典事例卷一千三十三

都察院

五城條教 保甲

條教。○順治十六年。議准令五城各設公所。御史司坊各官。督率鄉約人等。於每月朔望日。聚集公所。宣講。

欽頒六諭文。○康熙九年。頒

上諭十六條。令五城於朔望日宣講。○雍正二年。頒

聖諭十六條廣訓。令五城曉諭。○嘉慶五年

諭。朕於上年曾經降旨。令各省有司。每逢朔望。謹將

聖諭廣訓。剴切宣示。俾小民領悟。各地方官。自應實力

奉行。京師為首善之區。尤宜先為開導。以期化行自

近。嗣後著五城順天府大興宛平二縣各官。選舉鄉

約耆老。於朔望之日。齊集公所。宣讀

聖諭廣訓。按期講諭。毋得視為具文。日久廢弛。以副朕

化民成俗至意。○十四年

諭。御史周鉞奏。請復講約舊例。實力奉行。以敦風化。一

摺。順治年間

欽定六諭文。康熙年間頒發

上諭十六條。雍正二年。復頒發

聖諭廣訓萬言。通飭各直省地方官。於每月朔望。剴切宣講。務使鄉曲愚民。共知嚮善。仰見

列聖關心民瘼。教養兼施。所以為世道人心計者。至深遠也。故令為親民之官。向例計典屆期。各州縣有能宣講

聖諭。實力奉行。者。該督撫即列入卓薦之內。原以該員等有教民之責。承流宣化。正藉此以鼓勵進階。乃近日以來。各地方官。歷久懈生。率視為奉行故事。竟至日形廢弛。所謂化導斯民者。何在。嗣後順天府五城所屬地方。並各直省督撫。於所屬州縣。務當飭令一

體格。遵舊例。於每月朔望日。傳集城鄉居民。敬將聖諭各條。曉諭宣講。行之以實。毋得視為具文。庶民風丕變。治道益臻。上理。○光緒二年

諭。宣講

聖諭廣訓。鉅典昭垂。自應認真舉辦。乃近來各地方官。往往視為具文。實屬不成事體。著順天府五城。實力奉行。並著各直省督撫。學政。督飭地方及教職各官。隨時宣講。毋得有名無實。

保甲。○乾隆三十一年題准。五城所屬各鄉莊。向來並未照州縣之例。編聯保甲。嗣後按其居

民戶口。照例酌編。責成副指揮等。不時查察。如有容留不肖之徒。藉端生事者。一經察出。將各該保甲一併嚴究。○四十年奏定。

京都為天下人民會聚之所。其間姦良不一。稽察宜周。是以於大宛兩縣之外。特設五城司坊各官。分管其地。在司坊官。弭盜詰姦。固有查察地方之責。而大宛兩縣。亦不得竟置戶籍於不問。現經直隸總督奏請。編查保甲。所有五城管轄地方。即令司坊各官。會同大宛兩縣。實力辦理。毋得推諉。○嘉慶十七年。

飭令五城地面。各參酌保甲舊章。認真經理。毋得以具文塞責。○十八年

諭。京城內外。交順天府五城。分別旗民。編查保甲。即刻奉行。若稍遲延。治罪不恕。○又定。京城內外。分別旗

民。一體編查保甲。其王公滿漢文武大臣官員。第宅。各令自行查察。如給使人役內。有來歷不明。形迹可疑者。立即送究。凡居民鋪戶。造立循環簿。按年更換。客店車行。庵觀寺院。設立清冊。兩月更換一次。園館居樓。優伶寓所。另立專冊。一月更換一次。五城御史督率所屬。分段實力

稽查。○又

諭。五城御史嵩安等奏編查保甲各事宜。所議客店車行庵觀寺院設立之循環簿。自應每月更換。其揀發五城委用司坊官。遇有乏員之時。准由都察院咨明吏部。照例揀選。發交該城委用。至各城需用心紅紙張筆墨等項。向無報部支領之例。著交都察院自行籌款撥給。欽此。遵

旨議准。左都御史每年共捐銀二十二兩。副都御史每年共捐銀二十八兩。二共捐銀五十兩。六科滿漢給事中二十四員。每年共捐銀一百兩。十五道滿漢御史五十六員。每年共捐銀一百兩。統計捐銀二百五十兩。每年每城給發銀五十兩。作為心紅紙筆之費。以資辦公。至六科扣捐銀兩。均歸吏科彙總。十五道扣捐銀兩。均歸京畿道彙總。呈送本堂。交飯銀處彙數分給。移會各城。出具印領。赴院支領。○又

諭。巡城御史嵩安等奏。現因編查保甲。請將浮寓及土著文武微員一體編次等語。京師居民稠雜。流品不齊。其土著及浮寓微員。原與現任職官有別。自應詳加稽考。以杜混淆。著該巡城御史等將土著浮寓之

文職佐貳雜職武職五六品以下等官。並虛銜人員。均一體編列稽察。如查有假冒職官者。即嚴行根究懲辦。其例應在籍候選及已捐分發者。飭令按限回籍赴省。毋任逗遛滋弊。○二十年

諭。前據那彥成奏。拏獲逆犯劉第五之婦閻氏。訊據該犯婦供稱。伊於十八年九月逃走。後十一月捏稱崔姓嫁與姜得富為妻。曾告知係劉第五之婦。姜得富畏懼將伊送入都中。雇與李鐵拐斜街姚姓家傭工。至十九年四月回家等語。十八年冬至十九年春夏間。正飭拏逆犯緊要之時。乃劉第五之婦以律應緣坐之犯。近在京城藏匿。該管地方官毫無覺察。實屬疏縱。該犯婦現已解京。著刑部堂官覆訊。該犯婦於何日到李鐵拐斜街姚姓家傭工。何日辭工出京。知照都察院堂官。將彼時該管巡城御史及司坊官查明參奏。候旨交部分別議處。以示懲儆。前曾降旨以緝獲逆犯之後。其從前失察在境藏匿之咎。概行寬免。原指本境該管官自行拏獲者而言。若經他處緝獲。則從前漫無查察者。其咎實無可逭。近日京城緝捕各衙門。及外省地方官。詢及查拏逆犯一事。總以編查保甲。甚為嚴密。實無逆犯蹤迹。為詞。不知各逆

犯自問罪大惡極。法所不宥。必皆更名改姓。輾轉掩藏。如閻氏一犯。在都市闖輻輳之區。隱匿多日。以此類推。則謂輦轂之下。姦宄淨盡。豈復可信。著通飭步軍統領順天府五城。各就所轄地面。設法嚴查。遇有外來之人。務詳究來歷。毋令不法之徒。混迹市廛。致有求之千里失之目前者。經此次飭諭之後。若仍復玩泄。將來逆案正犯。由別處緝獲。究出經由藏匿之處。必將該管官嚴懲不貸。○二十一年議准南城

自永定門外南面至

北紅門南頂等處六十餘邨。責成現任副指揮專

司稽察。左安門外東南至

小紅門前後街等處六十餘邨。酌派司坊官一員。

駐紮適中之十八里店。專司稽查。右安門外西南至

西紅門潘家廟等處六十餘邨。酌派揀發司坊官

一員。駐紮適中之紀家廟。專司稽察。東城自朝

陽門東直門東便門外關廂地方。南至五座墳。

北至太平莊。共邨莊八十餘處。責成現任副指

揮稽察。朝陽門外新橋之東南頭二四鋪一帶

邨莊七十餘處。酌揀發官一員。駐紮適中之

慈雲寺。專司稽察。朝陽門外草廠之東北三鋪五鋪一帶邨莊七十餘處。酌揀發官一員。駐紮適中之東壩。專司稽查。○二十四年

諭京師戶口門牌。原應隨時稽察更正。覈實辦理。恐日久生懈。著該管各衙門嚴飭所屬認真查辦。毋得因循疏玩。視為具文。○道光元年

諭京城內外居民稠密。設立門牌戶冊。原以稽察姦宄。毋使混迹。但恐該管官日久視為具文。漸就廢弛。行之有名無實。著申諭步軍統領衙門。順天府五城。各督飭所屬於鋪家業戶門牌戶冊。隨時嚴密稽察。如

有遷徙增減。按照章程逐一更正。務使耳目常周。毋擾毋漏。輦轂肅清。以收戢暴安良之效。○三年

諭編查保甲。本以杜賊匪之窩頓。所有戶冊門牌。每年春秋更換。務當逐細確查。覈實填寫。俾姦民無從混迹。慎毋視若具文。有名無實也。○九年

諭五城地方設立保甲。並不按照章程稽察填註。以致賊匪潛匿。捕役縱容。而雜院茶館。尤為藏垢納汙之所。查驗率多挂漏。是盜源未清。捕務焉有起色。著五城御史嚴飭司坊官將門牌戶冊分款認真稽覈。無論軍民人等。或自立門戶。或數家共處一院。務須隨

時按名點驗詳悉註明其茶肆中有深夜聚賭喧嘩及容留來歷不明之人住宿者並著司坊營汛各按地面時加巡察禁止但不得藉端騷擾復滋流弊該巡城御史仍當隨時查察有弊即參以期革戢肅清閭閻靜謐○十六年

諭近來各處徒流遇赦及曾經刺肘刺面之犯往往潛匿京師結成黨與其在配徒流人犯地方官並不認真查察每致逃逸來京恣行不法此等人犯在直隸省為最多必當嚴行查禁以靖地方著順天府直隸總督嚴飭各州縣嗣後徒流在配人犯務須實力稽

查造冊按月點卯不得僅憑胥役捏報如有逃逸立即根究其軍流遇赦人犯籍隸直隸各州縣有籍可歸者由配所知照該犯原籍地方官查明到籍日期嚴加管束仍詳報該上司立案不准流寓京師其籍隸大興宛平二縣者一經赦回亦由配所知照即交該二縣嚴加管束詢明該犯下落造冊登記知照五城著巡城御史五城司坊官各按所轄地面於編查門牌之便嚴飭鋪甲捕頭稽查約束遇有此等赦回人犯出外滋事立即稟報懲治儻有徇隱即治該捕甲以約束不嚴之罪如該城御史及司坊各官並不

認真稽查別經發覺即著一併議處○二十一年諭前據給事中和豐等奏請將現居城外之宗室人等一體編查當降旨交宗人府覈議茲據戴銓等奏稱應如該給事中等所奏一體由該城坊編查列入甲冊隨時查覈其有復移入城居住者自行呈明該城坊將甲冊之名裁撤等語宗室覺羅向例原不應在城外居住所有現在暫居城外各戶不可漫無稽覈自應一體編查保甲儻於城坊編查時不遵約束應如何懲治之處著宗人府酌議具奏○又

諭宗人府奏酌議暫居城外宗室覺羅編查保甲章程所議尚未盡善現在宗室人等居住城外戶口較多若概令移居城內殊多窒礙自應一體編查保甲以資稽覈惟司坊官員職分較小儻意存容隱不敢認真稽查轉致有名無實著宗人府派委司員傳知該族長先行按戶曉諭俾令靜聽編查毋稍違抗儻查有不妥本分或任意容留開離人等即由巡城御史密呈都察院堂官酌其情節較輕者知照宗人府迅即派委會同城坊查究其情節較重者即由都察院奏聞請旨辦理○二十七年巡視中城御史志魁等

奏編查保甲率獲吸食鴉片逸犯杜焜請飭交



刑部審辦得

旨杜景胡即杜焜著交刑部審辦。中城御史志魁給事中路慎莊督查保甲認真著交吏部議敘。從來編查保甲為緝姦要務。若奉行故事。實無裨益。該御史等按冊逐戶點查。竟能將前經降旨飭拏逸犯杜焜等獲。並查出人數姓名不符。及形迹可疑多起。分別辦理。可見一經查拏。該匪等即無駐足之處。是認真稽查門牌。大有實效。因思各城各有專轄地面。自應一律認真清查。毋令姦宄涸匿。該巡城科道等必應督飭所屬實力奉行。認真查察。遇有形迹可疑。及門牌人數不符之處。立即嚴拏究辦。毋得視為具文。有名無實。仍不時稽察丁胥人役等。毋得藉端騷擾需索。以戢姦宄而靖閭閻。○二十八年

諭御史程德麟奏請京城各省會館一體編查保甲一摺。著都察院順天府會同妥議具奏。欽此。遵

旨議准。各省會館其現有京官在館寄居者。即與官宅無異。仍宜遵照舊定保甲章程。令本官自行嚴查。其但有京官管理而不能常川在彼。與並無京官管理而第付之看館人役者。自應照客店廟宇之例。一體編次。添設門牌。所有各省投寫

士子以及候補候選官員。與夫僕從人等。均責令該看館人詢明來歷。填註循環簿。每月一次送官查驗。儻有無籍之徒。冒充職官生監。匿名混迹。該看館人應查不查。應報不報。一經發覺。從重治罪。至看館之人。亦責令各省掌館官紳。慎擇老成。不得以無業游民。濫充斯役。儻有聚賭販煙等弊。即將該館主事人治以失察之罪。仍嚴飭五城司坊大宛兩縣。無分畛域。逐館稽查。以杜混淆而免遺漏。○咸豐三年。奏定外城稽查章程。一住戶立十家牌。互相稽查。每戶給牌一張。令其自行照式填寫。由官覈對。每十家立一總牌。發給第一戶直管十日。其餘各戶。以次遞推。百日一周。如十家中有窩藏姦匪者。責令密稟。立加重賞。儻隱匿不報。別經發覺。從重究辦。如有來所不願列入總牌者。另編零戶冊。加意嚴察。一每街衙各設牌夫一名。即用熟悉地方之人。就近充當。發給腰牌。責令常川住守。如有面生可疑。潛蹤匿迹者。立即稟報。以便拏究。其住戶遷移。亦令隨時報明。一雜院戲館茶館。不時稽察。雜院責令房主。戲館茶館責成掌

極儻有形迹可疑之人。立即密稟。一各衙衙間房。隨時嚴察。儻有雜人潛住。立即究辦。一雜藝方技人等。俱令報明地面。取有的保。方准居住。仍將門牌註明。以便稽查。一沿街樓止貧民。人數衆多。若概逐出城外。恐滋事端。擬編立冊籍。隨宜安插。至老幼殘廢。以及婦女。分別於樓流所普濟堂安置。如有面目兇悍。形蹤詭秘之人。立即拿辦。○同治元年

諭。京畿地面。五方輻輳。良莠不齊。疊經諭令步軍統領衙門都察院於所屬地面。嚴拿姦宄。編查保甲。迄今數月。未見實力奉行。實屬疏懈。現在陝西回民滋事。該教人數衆多。處處暗通消息。其散布京師內外城者。尤屬不少。風聞該教人出有傳單。約期議事。恐有外來姦回。意圖搆釁。宜就稽察門牌之時。明查暗訪。如有滋生事端之人。即惟該頭人是問。並著步軍統領衙門密為捕拿。毋得姑息貽患。其外來客民。在寺觀客店雜院居住者。行蹤無定。最易藏姦。必須責成房主。須有切實可靠保人。方准收留。遇有形迹可疑之人。隨時赴該地面衙門送信。五城御史責任巡防。務須親歷各處。嚴密編查。隨時辦理。並督同司坊各

官實力奉行。違則嚴行參辦。至來歷不明之人。往往粘貼門封告條。冒充官員住宅。著步軍統領衙門五城御史一體設法嚴密訪察根究。毋令姦宄混迹。經此次密諭之後。如各該衙門於地面公事。仍不認真經理。設有姦宄混迹。必將該管地方官從重懲處。決不寬貸。○又

諭。五城御史有稽察巡防之責。著將團防保甲章程。迅速詳定章程認真辦理。○又

諭。巡視中城御史承繼等奏籌議團防保甲章程。及請飭步軍統領會同巡察各摺片。京師外城人煙稠密。姦宄易於潛藏。該御史等所擬嚴飭司坊各員分查地面。編註門牌。造具清冊各章程。尚屬周備。惟保甲雖為良法。行之不善。往往視為具文。全在該御史等實力奉行。按日親歷巡察。既不可稍涉張皇。更不可始勤終怠。庶弭盜安良。地方藉資綏靖。至逐日分段親查。助理需人。著都察院將外城居住之科道十員。繕寫名單。候旨簡派。惟內城地面廣闊。所有查旗科道各員。並著派令督辦內城團防事務。其從前襄辦內國防科道。亦著一同辦理。庶事有責成。不至推諉。至額設堆撥。嚴防宵小。極為周密。乃日久玩生。半就

廢弛實堪痛恨。著步軍統領衙門會同五城認真整頓。並著循照舊章。申明夜禁。營汛等官各回汛地。以專責成。其外城堆撥官弁兵丁姓名人數。並著按照地面造冊分送五城查覈。○三年

諭宗室覺羅居住外城。原屬例所不禁。惟近有詭託姓名。滋生事端。不知自愛者。亦不可不嚴行查辦。嗣後居住外城之宗室覺羅等。除業經編入保甲者。仍照例辦理。毋庸概行遷回內城外。如有詭託姓名。潛居外城。滋生事端。不知自愛者。即著照宗人府所擬一面由該城御史查明姓名旗分。開單知照該衙門查傳究辦。一面由宗人府飭傳各旗族學長佐領等。勒令即時遷回內城。嚴加管束。經此次明定章程之後。儻該宗室覺羅人等。仍有未經報明城坊編入甲冊。潛居外城滋事。怙惡不悛者。一經各該城御史查拏送交宗人府。即著該衙門從嚴懲辦。以肅禁令。○光緒二年

諭前據沈葆楨等奏稱江蘇等省現有邪教紙人翦辨情事。疊經諭令各該省督撫飭令地方官查拏懲辦。京師五方雜處。儻稽查不力。亦恐匪黨潛蹤。著步軍統領衙門順天府五城妥定章程督飭地

十年

面官協力梭巡一體拏辦。以杜姦宄而靖地方。○  
諭近來京師及附近地方搶劫之案層見迭出。總由平日巡緝不嚴。以致姦究易於混迹。甚至窩藏盜賊。包庇分贓。地方官漫無覺察。殊屬不成事體。著步軍統領衙門順天府五城御史督飭所屬舉行保甲認真稽查。毋得有名無實。視為具文。儻該員弁等並不實力奉行。即著奏參懲辦。

欽定大清會典事例卷一千三十四

都察院

五城米廠

米廠○中城糶米官房二所一設正陽門外鷄兒衚衕內指揮管理一設正陽門外糧食店副指揮管理東城糶米官房二所一設崇文門外小市口東指揮管理一設朝陽門外會芳樓之東副指揮管理南城糶米官房二所一設崇文門外蒜市口香串衚衕內指揮管理一設廣渠門內欄杆市街副指揮管理西城糶米官房二所一設宣武門外轎子衚衕內指揮管理一設阜城門外關廟內副指揮管理北城糶米官房二所一設宣武門外觀音堂路東地方指揮管理一設德勝門外醬房衚衕地方副指揮管理○康熙六十一年議准嗣後將糶米所交制錢令五城照市價易銀交庫○雍正三年奉旨上年雨水過多米價騰貴可將廠內成色米酌量平糶欽此遵

旨奏定將京通二倉二成至七成三色米一百餘萬石本裕倉三成四成稜米共三萬二千餘石於

京師東南二城立廠一處西北二城立廠一處通州立廠二處清河立廠一處照時價減糶按成色覈收○四年

諭京倉好米著發五萬石每城領一萬石照例立廠委員平糶欽此遵

旨議定五城平糶銀錢兼收交送戶部查覈○五年奉旨聞老米市價一兩八錢今年又多一閏月當此青黃不接之時民間恐有艱食者可將成色米照例發糶

○八年議准現今五城設廠糶賣成色米照春開價值按成遞減人多擁擠應於每城各增設

一廠止許零星糶買每人不過三斗所收銀錢該司坊官按月造冊送交戶部查覈再成色米價值既賤於窮民尤為便益應隨時發糶不宜拘定米數亦不必限定於春秋停止俟米價稍平應停之時戶部奏

聞○十二年奏准五城兵馬司糶賣成色米每年令都察院造冊咨送戶部於年終查覈每年題銷一次○又題准五城各酌撥官房二所以為米廠○乾隆三年奏准現今五城設立十廠平糶六居城內四居城外今糶米加多糶米人衆將

原設六廠移於城外關廂酌定地方分設其米廠一切費用悉照現在五城糶米之例開銷正項。○七年題准嗣後五城兵馬司糶米奏銷造冊以次年開印之日為始定限兩月彙齊送部如有遲誤即行題參。○又定五城兵馬司糶青成色米解交制錢均於年終始行停糶是以均於次年開印後將上年米錢各數目一面先造底冊送倉場衙門磨對清楚別造清冊呈送倉場一面由本城御史呈院轉咨戶部題銷。○二十三年奏准各城糶賣土米報銷文冊令該城御史加結分送戶部都察院查數如遇領米開糶日期監糶各員協同該城御史赴廠稽察。○又奏准五城領米車脚每石舊給大制錢三十五文惟各廠遠近不同酌為增減每石東城減為三十二文南城減為三十三文中城減為三十四文北城增為三十七文西城增為三十九文如赴本裕豐益二倉領米仍照舊例每石給大制錢七十文。○又奏准五城領米令司坊官親身赴領如遇公務不克分身仍慎派妥幹書役持領赴倉拉運並呈報查倉御史查明應領

數目按色驗放將米樣封交該城御史暨監糶官於開糶時比對。○二十四年

諭京師現在米價稍昂著於京倉內撥米五萬石在五城適中地方設廠平糶。○又奏准再撥倉米五萬石分發各廠接糶。○又

諭前因京師麥價稍昂令於河南麥收豐稔之處購運來京平糶今頭運船隻已陸續銜尾前進到京之日即分派五城平糶米廠內源源出糶以平市價。○又奏准河南採買麥十萬石運京平糶除雜糧行戶不准領買五城麪鋪准其赴廠領票買麥磨

麪以五石為率。○二十五年議准各倉成色米石接准部咨發糶即傳五城支領並令都察院飭各指揮作速赴倉領糶如有遲延照例查參。○二十六年撥黑豆五萬石發五城減價平糶。○二十七年撥米五萬石照市價酌減平糶。○又撥米三萬石發五城各廠接糶。○二十八年諭現在存倉黑豆甚屬充裕著該部即於存貯豆石內每城分撥八千石以資各廠平糶接濟之用。○三十四年奏准京倉氣頭廠底存積日多不必拘定成數無論三石五石俱聽民糶買仍令各廠將

派領成色米石限次年全數領竣如逾限不完即分別查叅○三十五年

諭前因山東今年二麥可望豐收曾降旨令採買新麥三十萬石解京備用京城今歲麥秋歉薄得此東省麥石源源接濟於市糶甚為有益著該部即查照向例交五城平糶○又奏准現在分廠平糶麥石全行磨麪不必兼糶麥石以杜姦商設法囤買之弊○三十六年撥杭米三萬石稜米二萬石分給各廠平糶○又奏准現在稜米將次糶竣杭米雖經十廠分領三千石至今糶賣無多所有未

領之杭米二萬七千石即行停止再撥粟米五萬石令五城各廠出糶○又撥京倉粟米五萬石發五城接糶○三十七年撥京倉粟米五萬石發五城平糶○三十八年議准各倉土米估報三成四成自應確照所報成色發給各城領糶各城領運到廠亦應照領糶費其中或有倉役及廠役人等故意攙和沙土致成色不符即由倉場侍郎轉飭各監督嗣後務須驗明支放仍令巡城御史驗明發糶並不時嚴行稽察如察出前項情弊即將倉役及廠役人等從重治

罪並將該倉監督暨司坊官員一併指名叅處○四十年撥老米一萬石稜米二萬石粟米五萬石照市價酌減出糶○四十三年奏准撥老米五千石稜米一萬石粟米二萬石減價出糶並照向例每人每日糶買自一二升起不得過二斗之數至老石一項通倉現有餘騰麥二千四百餘石先行分給五城陸續發糶令磨麪小鋪零星承買以二石為率民間家有磨具情願領買者亦聽其便○又奏准嗣後各城米廠正副指揮於領米來之日輪流親赴該倉支領○

又奏准再撥採買麥三萬石減價平糶此次糶麥毋庸設廠令倉場侍郎派定倉口每次撥出一萬石徑令五城確查穩實鋪戶認買先交麥價給予執照赴領戶部每倉派滿漢司官各一員都察院每倉派御史一員眼同監放嚴查○四十四年奏准撥麥二萬石照上年糶麥之例令五城查穩實鋪戶認買領糶○又奏准將上年倉存餘麥二萬石再行撥發五城出糶○又議准開糶土米時令各城司坊官親身赴倉關領並令查倉都統御史前往監看如成色不符

許司坊官即時稟明查究。仍將所領米樣封送巡城御史暨監糶部員於到廠發糶時比對查辦。四十九年奏准倉存餘麥九千一百餘石。先交五城各廠出糶。俟奉天麥石運京後即陸續接糶。每城各設一廠。每廠派滿漢御史眼同監放。五十二年

諭。現在市價稍昂。著於京倉內撥米五萬石。每城交與一萬石。各派大臣一員。在城內城外公同揀擇殷實大鋪戶各一處。將官米交給該鋪戶自行糶賣。仍官為酌定價值。令其稍霽餘潤。俾資贍給。所有賣出價

值。即隨時繳納。如該鋪戶不遵官定價值。仍私行擡高牟利者。一經察出。不但將官米撤回。另選殷實大鋪承糶。並將其鋪內自置米石一併入官。為平糶之用。仍將該商治罪。其有不願領米者。即是把持禁令。姦商治罪如前。另選一人充之。至倉內官米。若概行發給。恐該鋪無地容貯。著酌定數目。陸續發交該鋪戶收領。零星糶賣。欽此。遵

旨。議定五城平糶。今改交商辦。仍於適中地方。每歲選擇殷實鋪戶二家。令其將領出粗米。盡行舂細。按八折交出。照市價酌減出糶。所餘碎米糠粃。

儘可抵給春碾工費。出糶米數。每日定以五百石為率。令五日一領。每次領米二千五百石。所用升斗。照戶部官斗較准烙印領用。其赴倉領米車價。即於出糶米價內。按部定車腳隨時給發。不得另行開銷。所有出糶之錢。照例令司坊官陸續解交戶部。搭放兵餉工程等項之用。

又  
諭。著再撥京倉米五萬石。交與五城地方減價平糶。俱著照前次章程妥協經理。五十二年

諭。所有上年平糶餘存米三萬四千石。即著照舊章程平糶。並著戶部查明各倉現存麥石。除酌留敷用外。其餘儘數發出。交監糶大臣一併出糶。欽此。遵

旨。奏准各倉現儲麥石。除備用外。尚餘四萬四千石。俱交五城揀殷實麵鋪磨麵糶賣。每人不得過十斤之數。仍令逐日將賣出麵麩斤兩據實呈報。五十五年

諭。現在京倉米數充盈。著發給稜米三萬石。照時價減糶。欽此。遵

旨。奏准。此次撥出稜米三萬石。令五城設廠。即將粗米糶賣。每人每日准買三五升至七八升。總不得

過一斗之數聽其自向碾房對換。○五十七年諭現屆青黃不接之時恐糧價不無昂貴自應減價平糶以裕民食其如何分城設廠並撥用何項米麥及派員經理之處著該部查照向例具奏欽此遵

旨奏准撥出京倉氣頭廠底杭稔粟米二千七百餘石

並入官各色米一千二百餘石又倉存稔米四萬六千餘石共米五萬石並撥倉存漕麥四萬石分給五城十廠與米石一同減價平糶每人每日糶買米麥俱自一二升起至二斗止如市價遞平官價亦奏明酌減。嘉慶五年撥杭米

四萬石麥四萬石分給五城十廠減價平糶。○七年

諭現值青黃不接之時京城米價不無昂貴閭閻口食維艱自宜量為調劑著加恩於五城設立廠座將倉貯米石減價平糶欽此遵

旨奏准各倉現有稔粟二項溢額米二萬六千餘石並十成土米二萬五千餘石即分給五城十廠減價平糶。○十一年

諭近日京城米價較昂昨雖得有透雨而青黃不接之時市值尚未能驟減貧民口食維艱著於五城適中

處所分設廠座發給米麥各四萬石平價糶賣以便民食其如何分城設廠並撥用何項米麥及派員經理之處該部查照向例速行妥議具奏欽此遵

旨議定此次欽奉

恩旨設廠平糶於現在京倉存儲杭米內撥四萬石分給五城十廠減價糶賣又前議搭放甲米之麥六萬餘石全數撥出與米石一同減價平糶每石市價制錢二千八百文今酌減制錢三百文

以二千五百文出糶其出糶之米每人每日准其糶買自一二升起至一斗止出糶之麥每人每日准其糶買自一二升起至二斗止不得逾數多買如市價遞平官價亦奏明量為酌減並將各部院大臣名單開列恭請

欽點監糶大臣滿漢各五員分派各司一廠會同各城御史每日在廠嚴查遵照向例妥辦仍令步軍統領選派妥幹員弁督率兵役密查姦商影射偷糶及胥役藉端需索等弊即行知各城轉飭赴倉關領開糶糶賣錢文照例陸續解部以



便搭救兵餉工程等項之用。應給車價等項。均查照從前章程辦理。十二年奏准。於在京各倉撥出秬米四萬石。稜米四萬石。暨舊存白麥三千餘石。一併減價出糶。以裕民食。京城現在糧價。每糶米一石。市價制錢二千二百文。今酌減制錢四百文。以一千八百文出糶。稜米一石。市價制錢一千七百文。今酌減制錢四百文。以一千三百文出糶。白麥一石。市價制錢三千三百五十文。今酌減制錢五百五十文。以二千八百文出糶。十四年奏准。各倉舊存漕白麥七萬三千餘石。發城糶賣。以裕民食。從前平糶米麥成案。係五城分設正副十廠。按市價酌減糶賣。市價遞平。官價亦奏明酌減。現據各城月報糧價。每漕麥一石。市價制錢二千五百三十文。白麥一石。市價制錢三千八百文。比之上年市價較貴。此次平糶麥石。每石照市價酌減制錢五百文。其漕麥一石。以三千三十文出糶。白麥一石。以三千三百文出糶。十五年奏准。各倉現在舊存漕白麥七萬四千餘石。一併發城糶賣。以裕民食。此次平糶漕麥。每石的減制錢六

百文。以二千二百五十文出糶。又奉

旨。五城御史奏籌辦出糶麥石。請交鋪戶領賣。一摺。此事從前辦有成案。自可仿照辦理。即著原派之監糶大臣。會同五城御史。訪擇殷實鋪戶。令其赴倉關領。官為酌議領價出糶。以裕民食。十六年奏准。發倉儲米麥於五城適中處所。設廠平糶。又

諭。向來京師平糶。俱於城內及關廂處所。分設廠座。第恐城外貧民入城赴糶。其道路較遠之處。往來維艱。並或日暮趕城不及。既非所以示體恤。且甲米出城。向有例禁。若令小民糶米出城。轉恐甲米藉此影射。透漏無所區別。尤難稽查。所有此次平糶廠座。俱著於城外擇地分設。以便民食。而杜弊端。嗣後凡遇平糶。俱照此辦理。著為令。十八年

諭。平糶麥石。原期市價平減。以便民食。嘉慶十五年。曾將麥石交鋪戶領賣。辦有成案。此次著即仿照辦理。前因分廠出糶。派乾清門侍衛十員。稽察彈壓。今交鋪領賣。事歸簡易。該侍衛均毋庸前往。著派出之卿員十人。會同五城御史。查照舊章。將平糶麥石。訪查殷實鋪戶。承領糶賣。五城城內關外。務令均勻分撥。方與貧民有濟。並廣行出示。禁止囤積擡價。該鋪戶

赴倉領運時仍著該卿員輪流赴倉監放毋令倉書花戶人等有需索串通等弊。道光三年五城分設廠座發倉米五萬石平糶。又

諭海運倉撥給秬米三萬石秬米二萬石分給五城平糶秬米每石著減制錢五百文以一千八百文出糶秬米每石著減制錢六百文以一千二百文出糶。

又奏准向來平糶間有指揮私運米石之弊嗣後由巡城科道隨時密訪其貧民買米交錢俱傳經紀帶同鋪夥逐一數清每日結算不許在官人役經手至姦商雇覓私人到廠糶買巡城

科道放米時留心查驗其代姦商糶買者從嚴究治又各廠赴倉領米即由查倉御史嚴諭該倉花戶照例支放不許短少斛面及攙雜泥土致妨民食並令司坊官親身到倉不許糧書承領運到之米由巡城御史抽查並於該廠擇高燥房開豫備席片鋪墊妥為收儲每廠派司坊官一員直宿帶領坊役會同兵役巡查又五城米廠向有升斗照式造具兩分送戶部較準烙印以備應用。四年五城分設廠座發倉米五萬石平糶。又議准平糶車價向照五城領運

土米例價覈銷惟五城廠座距倉遠近不一概以三十餘文銷算道遠之廠未免賠累嗣後援順天府運米成案除距倉較近之北城正廠東城副廠照舊覈銷外其距倉較遠八廠每石每里准銷制錢五文。又奏准將城內給孤寺一廠移在廣安門外天凝寺安設共計城外六廠城內四廠每廠糶秬米三千石秬米一千石每人以一斗為限。光緒三年奏准撥南省大米三萬石在正陽崇文門外設局平糶。四年

諭京師外城地面經李鴻章派員設局平糶日來民間購買較多恐原辦米石不敷自應寬為籌備著李鴻章酌量撥銀數萬兩派員前赴奉天採買小米雜糧由海道運至天津陸續轉運京城平糶以資接濟。十年

諭平糶局姦僧偷販棍徒包庇著步軍統領衙門順天府五城派員嚴查責成局員如有私冒糶米及包庇姦棍立即嚴拏懲究以杜弊端。十三年發京倉大小米各一萬二千石並酌撥經費銀二千兩由順天府領交五城分設各局平糶

欽定大清會典事例卷一千三十五

都察院

五城飯廠

飯廠○中城飯廠二一設正陽門外珠市口給  
 孤寺副指揮散給一設永定門內佑聖庵吏目  
 散給其米及薪銀均副指揮支領分給吏目東  
 城飯廠二一設朝陽門外海會寺副指揮散給  
 一設崇文門外蒜市口西利市營興隆庵吏目  
 散給南城飯廠二一設廣渠門外積善寺副指  
 揮散給一設三里河安國寺吏目散給西城飯  
 廠二一設阜成門外萬明寺副指揮散給一設  
 廣甯門內增壽寺吏目散給北城飯廠二一設  
 德勝門外關帝廟副指揮散給一設宣武門外  
 永光寺吏目散給東南西北四城飯廠米石薪  
 銀均吏目支領分給副指揮○順治九年題准  
 五城煮粥賑貧每年自十一月起至次年三月  
 中止每城日發米二石柴薪銀一兩○康熙十  
 四年定五城每年冬三月煮粥賑貧每城日發  
 米二石柴薪銀一兩○二十八年奉

旨今歲煮粥賑貧著展限兩月正二月銀米加一倍○二

十九年議准今歲增設粥廠五處日發米二十石柴薪銀十兩並原設粥廠均至六月底止○三十三年奉

旨今歲煮粥賑貧著展限兩月正二月銀米加一倍○四

十七年議准每年煮粥賑貧展限至三月二十日止○雍正元年奉

旨今歲煮粥賑貧著展限至四月二十日止銀米加一倍○二年奏散給流民餘贖銀兩請存留五城以備煮賑柴薪之用奉

旨此銀存貯五城備用甚好遇有掩骼之事亦於此項

銀兩動用但須覈實不得冒濫○三年奉

旨今歲煮粥賑貧每城每日銀米加一倍○四年諭今歲煮粥賑貧每城每日六石外加米二石再東直

西直安定右安廣甯五門向未設飯廠著增設飯廠五處每日每廠給米二石○乾隆二年議准五城煮

粥賑貧每城日增米一石柴薪銀五錢俟春融人少將所增米數停止○三年奉准五城煮粥

賑貧於九月十六日起每城日增米一石柴薪銀五錢俟春融人少將所增米數停止○六年

議准嗣後於煮賑之前將每月應領米數早行

知會倉場及五城御史。令各城御史備具文領徑行移會倉場總督。按數赴領。不必先由都察院戶部遞轉。以免遲誤。倉場查明數目相符。即行給領。事竣倉場總督將給發米數報明戶部。該城御史亦將所領米數報明都察院。轉咨戶部察覈。○八年議准。今外來貧民日衆。五城十廠。每廠日增米二石。柴薪銀一兩。煮飯散賑。自十月初一日起。至次年三月二十日止。○又奏准。每廠再增米二石。均勻散給。○十五年議准。嗣後五城煮賑米石。俱以十成撥米給發。其場收土米。即於各城平糶成色米石時。一併糶賣。報部。並令都察院堂官親臨查察。儻有不肖官吏。私自更易成色米石。通同侵蝕等弊。即行指名題參。○十六年奉

旨。今歲京師米價昂貴。又係閏年春寒未解。若照常年之例。停止煮賑。誠恐窮民難於餬口。著加恩於限外再賑一月。○二十四年

諭。今歲近京地方收成未能一律豐稔。現在五城設廠煮賑。貧民就食者多。著加恩每廠每日加給米一石。俾得寬裕煮賑。以資優恤。但向來賑廠專在外城地

面。一時赴食之民。道路遠近不均。今米石既經加給。應並於內城酌量分廠一體通融散給。○二十五年諭。前已降旨加增米石。於五城分廠煮賑。現在貧民就食者尚多。著再加恩於內城新設各廠內。每廠每日加給米一石。○又

諭。五城內外增設煮賑各廠。三月二十日。例應停賑。著再加恩內城展賑十日。南城展賑十五日。城外展賑二十日。○二十七年

諭。今歲近京收成稍歉。四鄉貧民赴廠就食。路遠既不無向隅。人衆亦易致擁擠。著加恩於五城例設各廠外。每城各再添設一廠。於東壩盧溝橋黃邨清河樹邨五處。照舊章程一體妥辦。再增派滿漢科道各五員。會同五城御史督率司坊官。悉心經理。毋使胥吏侵扣滋弊。其都察院堂官仍不時自往稽察。○又奏准。五城添設粥廠。司坊官不敷經理。令順天府添派佐雜五員會同妥辦。○又

諭。京師五城冬月煮賑。雖已降旨加恩於附近四鄉增廠散給。比聞邨落就食之人。比城內較多。著加恩每廠每日各加米一石。○二十八年

諭。今歲五城內外各廠。著加恩展賑一月。○又

諭五城內外增設煮賑各廠著加恩再行展賑一月五月

○又奏准監廠御史務於每日辰刻到廠督同司坊官勤慎辦理設立檔案各自填註到字以便查覈○又奏准在城十廠展賑之期於五月二十日停止在鄉五廠於五月二十九日停止○三十五年

諭聞今歲五城內外粥廠貧民就食者較多著加恩每廠每日再增給米一石○三十六年

諭京師五城每歲設立粥廠贍給貧民第念今年秋間雨水稍多其距京稍遠鄉民艱於赴廠著加恩於近

京四鄉地面約計三四十里許再行添設四廠交都察院於各廠奏派滿漢科道二員輪流駐彼稽察

內外各廠均展至次年四月初五日停止○又奏准四鄉添設粥廠

應在東壩盧溝橋黃邨清河四處揀派滿漢科道八員分定四廠輪駐稽查至五城現設平糶

煮粥等廠共二十處又添設四廠司坊官不敷委用仍照舊例行文順天府府尹酌派佐雜四員會同司坊官辦理○四十年

諭京師每屆冬令五城設廠煮賑三箇月今歲因係閏十月經都察院奏准於閏月朔開賑第念十月望日

已交立冬節所有五城煮賑著加恩於十月十五日為始○四十五年

諭今歲五城內外粥廠貧民就食者較多著加恩每廠每日再增給米一石是年內外各廠均展至次年四月初五日停止○五十七年

諭向來京師冬春之際五城及普濟堂俱設廠煮粥以濟貧民一屆融暖例即停止第念現在近畿一帶尚未得有透雨雖業經降旨加恩平糶尚恐京城及附近覓食貧民餬口維艱著五城順天府再行煮賑一月閏四月○又議奏本年直隸歉收貧民赴京就食者

多請於直隸截留漕糧之內酌撥數千石分給五城各廠煮賑自六月中旬為始每廠日給米

三石至十月初一日以後於各廠原額一石之外加米二石仍俱以三月二十日停止共需漕米六千五百五十石奉

旨本年因直隸被旱各屬二麥歉收節經降旨緩徵借糶並截漕五十萬石俾資接濟現因應賑百姓赴京就食者較多酌籌分廠煮賑所有京城需用賑米即著動用通倉米石速行撥廠分賑以資災民口食○

又

諭本年直隸被旱地方稍廣各處貧民聞設粥廠自必

紛紛就食著加恩照乾隆二十七年之例於五城例

設各廠外在離城三四十里鎮集處所添設五廠並

增派滿漢科道各五員會同現任五城御史督率司

坊官悉心經理並著加恩每廠每日加米一石其中

人數不齊或將在城之贏餘協濟在鄉之不足著都

察院堂官等善為酌量仍不時稽查○又奏准今歲

就食貧民自京南來者居多黃邨東壩盧溝橋

清河應仍其舊惟樹邨非南來貧民經由之地

應將此廠裁撤移於大井地方並令順天府尹

派佐雜五員各帶應用衙役前往經理交四路

捕盜同知就近彈壓俱聽派出御史節制如有

貽誤即行叅劾○又奉

旨此後凡在廠監賑派出科道等官俱應每日在廠親

身督放如遇坐城日期須俟領賑人散後始許回至

衙門辦事其不坐城各員更當俟領賑人散畢方准

回寓不得藉辭早散自干咎戾○五十八年

諭現屆三月賑期將竣但距麥收尚遠著再加恩展賑

一月○四○六十年

諭京城五城飯廠定例應放五箇月零二十日本年係

閏二月應於閏二月二十日停止但現在天氣尚寒

著加恩展至三月二十日停止○嘉慶五年

諭本年係閏四月節氣較遲著五城順天府再行煮賑

一月○四○六年

諭京師自六月以來陰雨兼旬永定河水泛溢附近災

黎節經特派大員前往撫恤因思五城地方貧民乏

食者自復不少著加恩照每年冬月之例設立飯廠

煮賑一月責成該御史親自稽查督放○又

諭前因京師被水窮民急須撫恤因令五城地方照每

年冬月之例設立飯廠煮賑一月現在各處河道尚

未興工即動工之時其老弱殘廢之人亦不能力作

著再加恩展賑一月○又奏准本年被水之後米

價昂貴各廠就食貧民比往年人數較多計自

十一月起至來年三月二十日止須添米三百

五十石柴薪銀兩照例添給○七年

諭京師五城現在分廠煮賑以濟貧民刻下正屆青黃

不接之時聞外州縣來京就賑者較多著再於盧溝

橋黃邨東壩采育四處添設廠座專派脚員督同地

方官經理○又

諭昨經降旨於附近京城添設飯廠四處聞盧溝橋一

處就食貧民較多且距廣甯門稍遠著於道中之大井地方再增設飯廠一處是年內外各廠均展至次年五月初五日停止○又

諭上年近京州縣被水較重著加恩將普濟堂五城飯廠移前十日於九月二十一日照例開放○八年

諭五城飯廠定例扣足五箇月零二十日即行停止第念本年節候較遲著加恩展至三月初一日停止○十九年

諭向來五城飯廠及普濟堂煮賑例由春融停止本年節候較遲距麥收之期尚遠著加恩展限一月四○

道光二年

諭現在各廠就食貧民已較往年加倍著加恩每廠日加米一石本年十一月十五日起至來年正月十五日止均勻散放○三年

諭本年夏間雨水過多貧民生計拮据著加恩照年例賞給京倉小米三百石外再加賞二百石○又

諭五城飯廠於四月二十日加賑期滿但就食貧民尚多著再展賑一月至五月二十日停止○又

諭向例京師於每年十月初一日開設飯廠著加恩先期於八月初五日各該城設廠煮飯散放每廠加米

一石著滿漢科道各五員幫同妥辦○又奏准五城飯廠自十月初一日起至來年三月二十日止每廠每日煮米二石○四年

諭御史王世紱奏請酌撥平糶米石接濟飯廠一摺著加恩於平糶十廠內每廠撥米一千石發交五城御史及順天府尹於京城內外飯廠酌量加米展期散放順天四路飯廠每廠撥米一千五百石其餘米石分撥五城飯廠著都察院堂官及該城御史遵照前旨隨時嚴查務須認真妥為經理俾窮黎均霑實惠○欽此遵

旨奏准飯廠自三月二十日截止之後展賑兩箇月至五月二十日止應用米石即由平糶米內照數全撥撥米所餘米石暫緩領運俟五月中旬察看如尚需展期再行請

旨○七年

諭據巡視中城御史安誠奏副指揮舒恭讓玩視公務每日不日到飯廠並失察糧頭飯頭等偷減米石著都察院堂官秉公查詢明確據實奏○又

諭此案糧書邵煦收發飯廠米石有監守之責輒敢私賣餘米實屬膽玩著先於犯事地方加枷號一箇月

滿日照例辦理。中城副指揮舒恭讓赴廠遲延。復失察糧書侵賣官米。著交部議處。應得處分。不准抵銷。指揮計連。經該城御史委查。未將正身糧書傳訊。率行錄供呈報。亦屬疏忽。著一併交部察議。○十二年諭昇寅等奏京畿雨澤愆期。窮黎艱於口食。請賞給米二千二百石。交五城分設十廠。自七月十一日起。開廠煮賑。所奏係為撫恤災民起見。著加恩照所請行。惟現在溽暑未退。儻辦理不善。致令飯顆蒸變。不堪食用。殊不足以溥實惠而濟民艱。著昇寅等出示曉諭。嚴飭五城及派出照料之滿漢科道各員。每日散飯務於清晨以前。一律放竣。庶不致有味變之虞。並隨時體察。如實因天時炎熱。所煮飯粒難免蒸變。即行據實奏明。變通辦理。毋得回護。前奏草率將事。以致有名無實。○二十一年奏准監放普濟堂粥廠之御史。每年十月奏派。次年清明差竣。如有升遷。事故出缺。距差竣之期。在兩月以外。仍請派員接查。在兩月以內。揀員署理。○咸豐三年諭京師自七月以來。雨水過多。糧價稍昂。貧民度日維艱。向例京師每年十月初一日。開設飯廠。著加恩先期於九月初一日。各該城設廠煮飯散放。○六年

諭本年近畿各屬。因永定河漫溢。間被水災。京師糧價昂貴。所有五城設廠煮飯散放。著先期半月。於本月十六日開放。並著展限一月。至來春三月十五日止。○九年奏准五城飯廠。展至九月十五日止。○十一年奏准五城粥廠。展限兩箇月。至六月初四日截止。並於例給賑米外。每廠每日仍加賑米一石。○同治九年普濟堂功德林粥廠。奉旨展限兩月。○光緒二年奏准五城飯廠。提前三月。於七月初一日開放。其中城之朝陽閣。東城之東壩南城之打磨廠。西城之長椿寺趙邦北城之圓通觀。梁家園各粥廠。每月共需粟米三百石。照數賞給。於七月初一日起。由各該城按月咨明戶部。劄倉給發。○四年奏准西城教子衙門。由回民設立粥廠。每年發給小米三百石。自本年為始。○又諭嗣後如有樂善好施。添設粥廠者。概在城外地方妥為設立。○七年奏准中城之朝陽閣。東城之臥佛寺育嬰堂。南城之打磨廠。西城之長椿寺。甄塔衙門。北城之圓通觀。梁家園各粥廠。每月給粟米三百石。自十月初一日起。散放清化寺街



之崇善堂。梁家園之百善堂。太清觀之公善堂。  
三處煖廠各給小米三百石。教子衙衙禮拜寺。  
給小米三百石。朝陽門外海會寺。崇文門外玉  
清觀各粥廠。並岡子上興善煖廠各給小米一  
百五十石。

欽定大清會典事例卷一千三十六

都察院

五城散放棉衣

積流所 稽察育嬰堂  
孤貧銀米 野禁口糧 禁止遺棄嬰  
孩 捕蝗 救火 巡夜 義冢

散放棉衣。嘉慶六年

諭向來地方偶遇災賑例止給發銀米俾資食用並無  
散放棉衣之事。本年近畿一帶被水較重實非尋常  
偏災可比。當經降旨截留漕米六十萬石。動撥帑銀  
一百五十萬兩。並以工代賑。為費亦不下百餘萬兩。  
現在開放大賑之期。氣候已屆嚴凝。窮黎等無衣禦  
寒。特發給帑銀買購棉衣數萬件。交順天府五城分  
地同日散給。今據汪承霈西成等奏請派員監放。所  
有順天府奏永定門外之海會寺。右安門外之三官  
廟二處。著派文職大員劉權之。范建豐。札郎阿。莫瞻  
萊。高杞祖之望。吉綸。戴均元。那彥成。茅元銘。武職大  
員春甯。德麟。慶長。積拉堪。丹巴多爾濟。共十五員。分  
往監放。其五城地方十廠。除都察院堂官西成。舒聘  
萬甯。陳嗣龍。劉湄分往外。著添派先福。廣泰。蔣子蒲。  
廣興。范整分赴各廠。會同該城御史監放。均於二十  
二日辰刻分賞。此實朕軫念窮黎。恩施格外。並不在

常例之內在貧民等得有絮纒過冬藉資全活惟當  
安靜領賑度日慎毋將官給棉衣付之典當仍復受  
寒無賴甘為宵小或衣食粗給仍不知守分有鼠竊  
狗偷之事轉瞬春融務當各謀生業毋以特恩為可  
屢邀勉為良善以副朕子惠困窮之意○又奉

旨所有此次應行補給棉衣之男婦共五百七十餘名  
著提督衙門再備棉衣六百件交都察院分給五城  
御史等補行散給○又

諭陳嗣龍奏普濟堂功德林兩處領賑貧民現在各有  
八百餘名尚未散給棉衣等語此時雪後天氣驟寒  
所有普濟堂功德林收養貧民若順天府必俟臘月  
初八日截數後始將棉衣散給貧民等豈能忍寒久  
待必至轉於溝壑殊堪憫念著該府尹等即行文提  
督衙門領取棉襖二千四百件棉褲二千四百件會  
同稽察普濟堂功德林兩處放賑之給事中御史等  
先照現在人數散給並豫備續收貧民之用如此外  
尚有不敷仍著行文按數補領分散以副朕軫念窮  
黎有加無已至意○八年

諭本年節候較遲入春以來天氣尚寒無業貧民衣褐  
不完殊堪憫念因思前年秋間曾諭令步軍統領衙

門置辦棉衣八萬餘件除陸續放給外尚餘數千件  
存貯該衙門著祿康等即提取棉襖二千五百六十  
二件棉褲一百條發給五城交該巡城御史等各就  
附近貧民內擇其衰老羸病者酌量賞給俾免號寒  
以副朕加惠窮黎至意○二十二年

諭向來每歲頒賞棉衣二千件交五城分散本年著加  
一倍賞給四千件該衙門即趕緊製備如期頒給○  
又議現在內務府所製棉衣五千一百四十  
件以三千一百四十件交與五城十廠散給附  
城居住領賑貧民其餘二千件發交順天府派  
員散給大宛兩縣距城較遠不在五城十廠領  
賑之人○又

諭本年應賞棉衣著即照奏定章程於二千五百七十  
件外加賞二千五百七十件○道光二年  
諭軍機大臣會同戶部議覆給事中王家相條奏五城  
散給棉襖易錢分賞章程每年冬間五城散賞棉衣  
額少人多貧民未能周備著照所議即將應用製備  
棉襖生息銀三千六百兩由內務府咨交五城巡城  
科道嚴飭司坊官詳查人數照市價易錢按大口小  
口分別散給毋許軍民開雜有業之戶混進冒領嗣

後即責成巡城科道督率司坊官嚴定章程俾人數不至混淆錢數毋得短少如司坊官暨胥吏人等從中剋扣及錢價以多報少查明嚴行究辦事竣覈實報銷務期實惠及民毋致有名無實欽此遵

旨議准五城散給貧民棉衣錢文派委司坊官員在飯廠門首點驗先儘老病殘廢及貧寡婦女孀獨小口其餘外來覓食之人實係貧苦不堪者亦准放入如有年力強壯衣履完整者不准放入自九歲以上至十五歲者作為小口至放錢之日於卯刻運錢進廠辰正一刻於廠門首查驗放入辰正三刻人齊將外門關閉派役把守一面將實到人數分大小口覈計小口減大口之半每一口應分錢若干穿為一串即將大小口應給錢若干揭示廠首令貧民共睹於已初二刻散放將應給錢文令司坊官親手遞給不許吏役經手○三年

諭都察院奏五城棉衣請仍復舊規製備散放一摺上年因五城散賞棉衣額人多貧民未能周徧降旨將應用製備棉衣生息銀三千六百兩由內務府咨交巡視五城科道詳查人數易錢分別散給本日據

巡視五城科道等奏稱本年按照市價易錢十廠同時散放查驗實係孀獨老弱者分別大口小口均勻散給每廠自一千餘名至三四千名不等窮黎均霑實惠辦理甚為妥協若來年仍復舊規製備棉衣散放則每廠僅有二百五十餘件轉不能徧及窮黎嗣後仍將生息銀兩按市價易錢分別散放責成該巡城科道督同司坊官妥為辦理並嚴查剋扣短少及重領冒混等弊毋得日久玩生用副朕恩膏普被至意○光緒八年奏准嗣後每年冬令所給貧民棉衣銀兩由順天府府尹領出發交各善堂紳董承

領製作棉衣分別極貧次貧先後給發事竣造冊申報順天府府尹五城御史查覈

棲流所○中城棲流所設永定門內廚子營東城棲流所設崇文門外米市口東南城棲流所設崇文門外平樂園西城棲流所二一設宣武門外確兒衚衕一設西便門內靛兒衚衕北城棲流所設正陽門外西河沿○順治十年覆准每城建造棲流所交五城管理俾窮民得所○

雍正三年

諭今年天氣寒冷聞外間無屋居住之窮民竟有受凍

傷損者。朕思居民中豈無愷悌好善之人。但因慮及稽查牽累。不敢輕易收留。爾等可留心照看。使寒夜不致露處。若有好義之人。容其棲息者。不必禁阻。巡城之職。固在禁民為匪。亦當恤窮救困。嗣後僕有凍斃之人。經朕訪聞。爾等不得辭其責。○十三年議准。嗣後五城棲流所。每年令該司指揮估計修葺。如遇無依流民及街衢病臥者。令總甲扶入所內。報明該司。發記循環簿。留心察看。每名日給小米一倉升。制錢十五文。再召募本城誠實民人一名。月給工食銀五錢。令其看守房屋料理。流民如有患病者。即具報該司撥醫藥餌調治。冬月無棉衣者。給布棉衣一件。病故及道路倒臥者。通行備棺收殮。埋於義冢。棺價定銀八錢。該司指揮總理其事。副指揮吏目共相協理。該城御史仍不時巡察。至修理工料口糧諸費。動支戶部庫項。每年每城豫發銀二百兩。令該司指揮具領收存。隨時給發。不足准其赴部再領。有餘留為次年之用。統於年終將用過銀數造冊送部覈銷。如有虛冒侵蝕及奉行不力者。該城御史題參。○又定。凡棲流所貧民。日給柴薪

等費制錢十五文。折倉米一升。制錢六文。立冬後人各給布棉襖一件。價銀六錢。布棉被一條。價銀一兩。病故者各給棺木及殮埋銀一兩。其道路無名屍棺木殮埋銀亦如之。亦於棲流所銀內報銷。均該司指揮管理。○乾隆六年議准。五城棲流所。每年用過錢。合銀銷算。但錢價低昂。勢難畫一。嗣後需用錢。該司坊照依庫平。據實造冊覈銷。○嘉慶十五年議准。嗣後棲流所備用銀兩。每年五城准領銀二千六百兩。如有贏餘。留於下年備用。不得任意濫支。以歸覈實。而昭慎重。其每城應就銀二千六百兩數內分。支銀若干兩之處。請旨令都察院就各城收養人數多寡。分別酌定報部立案。自此次酌定之後。不准再逾此數。如偶遇偏災。實不敷用。令都察院自行奏明加增。豐稔之年。仍不得援以為例。至支銷銀兩。散給章程。仍照向例辦理。○二十二年議准。五城棲流所。每年定額銀二千六百兩。前經酌定。中城分領銀三百六十兩。東南二城各四百七十兩。西北二城各六百五十兩。今查中南二城雖所轄地

面不寬而商賈輻輳乞丐流民羣趨覓食是以殘廢僵斃者多西北二城原定銀數較多尚有贏餘將西北二城額定銀內各劃出五十兩分給中城四十兩連原額共四百兩分給南城六十兩連原額共五百三十兩作為定額西北二城即以六百兩之數造報統以嘉慶二十二年為始按年報部覈銷○道光四年

諭御史程喬采奏五城停止飯廠請將賞撥未領餘米一千五百石分給五城棲流所每城可領三百石照放賑例大口五合小口減半逐日分別散給著即交

各巡城科道等飭屬領米散放並將該流民等籍貫姓名詢明註冊給予戳記籤牌隨時稽察妥為經理務期實惠及民毋許假手書役吏胥致有侵漁剋扣之弊並著都察院堂官不時前往查察如有弊端立即嚴參懲辦毋稍徇隱欽此遵

旨議准自六月初一日為始每四日五城科道督同指揮給放一次至赴倉領米責成各城正指揮各以五十石為率俟用完後再行續領並添派科道五員分赴五城幫辦○又

諭五城棲流所例有額定備用銀兩以為收養貧民等

項之需本年春夏間流民覓食較多動項加增不敷支用著加恩再行賞給銀二千六百兩分給五城以資應用○同治五年

諭翰林院檢討董文煥奏京師五城地面窮民結羣白晝搶奪平民商賈均受其累並有假裝廝僕撞騙財物請飭妥為彈壓安置等語著五城御史順天府會議章程如查有無賴之徒肆行搶奪即著從嚴懲辦其老弱困苦者迫於飢寒情殊可憫著棲流所養濟院等處酌加經費妥為撫恤用副朝廷除莠安良至意○光緒三年官紳等於西城廣安門內捐建資善

堂南城清化寺街捐建崇善堂北城梁家園捐建百善堂南下窪太清觀地方捐建公善堂由各巡城科道奏准棲息窮民○又奏准資善堂崇善堂百善堂俱設暖廠每年各給小米三百石自本年為始○又

諭西城資善堂冬令收養貧民前有旨每年賞給小米三百石本年各省災區甚廣京師糧價倍昂貧民就食者多米石不敷支放加恩著再行賞加小米二百石以贍窮黎○四年奏准西城資善堂暖廠每年由三成船鈔項下撥給銀五百兩自光

緒三年冬為始。由巡視西城衙門出具印領。派該堂紳董一員。赴總理各國事務衙門支領。歸入船鈔項下。按年奏銷。○又奏准北城南下窪。太清觀地方公善堂。每年給小米三百石。○又奏准資善堂。煖廠。加給小米三百石。○又稽察育嬰堂。○嘉慶四年。

諭官設養濟局。自善濟堂外。尚有育嬰堂。向由順天府派人經理。其中給發官項支銷用度。胥吏及鄉耆等。多有侵漁。現在善濟堂已派滿漢御史監放稽察。育嬰堂事同一例。即令巡視東城御史隨時稽察。以昭

覈實。○道光七年。咨准育嬰堂經費款項。大興縣北馬房每年地租銀四十四兩零五分。宛平縣小營等鄉每年地租銀一百一十一兩一錢五分三分。蘆房山縣北郭等鄉每年地租銀二十六兩零七分五釐。唐縣溫家莊每年地租銀一百八十八兩。新城縣屬每年地租銀四十兩。固安縣屬每年地租銀二百八十五兩零九分。宛平縣發商生息。每年利制錢十七千七百文。育嬰堂左近。每年共收地租制錢七十四千三百五十五文。京城內外住房十八處。每年租制錢三百二

十六千四百文。京鹽局每年捐助銀三百二十四兩。以上共銀七百二十五兩二錢七分八釐。共制錢五百六十九千零九百六十九文。

孤貧銀米。○凡五城疲癯殘疾年老之民。日給銀一分。米一升。順天府檄飭該司指揮。赴戶部支領。並委官按季監發。仍按季冊報順天府。覈銷。轉咨戶部。○乾隆二十四年議准。孤貧銀兩。在五城糶賣成色米石錢文內。照各衙門公費之例。每銀一兩。折給錢九百文。順天府每季。彙冊送部。戶部覈明。應給錢文數目。割庫給發。○

五十九年。奏准八旗兵餉及各衙門公費等項。全放銀兩。孤貧口糧亦一體改支銀兩。○又奏准公費銀兩。暫行改支錢文。每兩以千文覈給。孤貧口糧亦照公費之例。改支。

羈禁口糧。○雍正十三年議准。五城所屬司坊羈禁人犯及刑部等衙門發交各司坊枷示。並看守牽連待質人犯。如果孑身赤貧。並無家屬者。每人日給平糶成色米一升。仍按季造冊。送戶部覈銷。○乾隆六年議准。嗣後五城羈禁人犯口糧。照順天府人犯口糧之例。每人每日改

給老米一升仍按季造冊送戶部覈銷如該司有冒銷扣剋等弊並該御史失察及徇情者照例分別議處

禁止遺棄嬰孩○康熙十二年題准凡旗民有貧窮不能撫養其子者許送育養嬰兒之處聽其撫養如有輕棄道途致傷生命及家主逼勒奴僕拋棄者令五城司坊官嚴行禁止○三十六年題准溺女相習成風令五城司坊官嚴行禁止違者照律治罪

捕蝗○凡五城地方遇有蝗蝻該司坊官率領甲捕立即撲滅不得稽延時日有害田禾○乾隆三十五年

諭白家灘蝗蝻長發州縣各官自應嚴懲示儆但其地即係北城連界管轄該巡城御史等即應早為查察據實奏明協同督捕何竟視同隔膜並不實力查辦豈該御史所司僅以城坊詞訟為職掌而於此等關係民瘼之事竟可置之不理耶著交都察院堂官將該巡城御史等查交部嚴加議處

救火○凡官民房舍火起不分地方各司坊督領甲捕均持器具救火○康熙十二年題准凡

失火致傷人命者杖一百該城照例發落○二十二年議准各司所屬地方有失火者責令即行撲滅若延燒十間以下者免議自十一間以上者分別多寡議處○嘉慶十六年奉

旨據步軍統領衙門查明崔大花爆炸坊內燒斃人口共有十五命之多甚屬可憫著步軍統領衙門查明無論男婦大小名口於該衙門公項內各賞銀五兩傳屬給領以為埋葬之費崔大著即釋放毋庸議罪向來製造火藥即官局俱在曠闊地面此案民人崔大花爆炸坊開設鬧市本屬非宜著五城逐一查明俱飭令遷徙空閒處以昭慎重

巡夜○每年十月初一日起至十二月終止該司坊官每夜巡查督率總甲捕役互相巡邏緝捕盜賊○道光十五年

諭給事中周開麒奏請整頓營汛夜巡一摺據稱近來營汛堆撥夜間寂無柝鐃暗無燈火請責成巡城各科道親身巡查並稽查曠誤將弁等語京師外城密迤重地設有營汛堆撥基布星羅全在步軍統領衙門實力整頓該營將弁等不分晝夜梭織巡查宵小自無從潤迹乃僅派筆帖式於關城時出城抽查各

汛兵下多係雇替。何怪巡夜曠廢。有名無實。嗣後前三門以外地面。著責成步軍統領及左右翼總兵。嚴飭南營各將備督率兵弁。認真巡夜。並著巡城各科道。一併周歷查察。如有將弁曠誤夜巡者。即據實奏。以肅營伍而靖閭閻。

義冢。○中城義冢三。一設永定門內香廠。一設南城永定門外地方。一設西城廣甯門內老君地。南東城義冢四。一設崇文門外文昌宮前。一設東便門外核桃園。一設東便門外儲濟倉後。一設東直門外北後街。南城義冢四。一設廣渠門外地方。一設金魚池西南地方。一設金臺書院前。一設右安門內聖賢廟東。西城義冢四。一設廣甯門內報國寺後。一設潘家地內。一設廣甯門內老君地。東。一設阜成門外三塔寺北城。義冢二。一設宣武門外黑窯廠。一設西城地方白馬寺坑。均係指揮管理。○乾隆六年議准五城地方。係民人輻輳之區。人稠地狹。若不設立義冢。則無主枯骸。必致終年暴露。嗣後各撥地。作為義冢。令其收瘞。○道光元年。因京城內外疫氣傳染。

飭令五城御史設局散給棺槨。毋令暴露。○同治十三年。巡視西城御史捐買空閒地一段。坐落在該坊五堡所屬聖安寺街地方。契字存司備查。並將坐落畝數四至刻碑。改作官設義冢。○光緒四年。諭給事中夏獻馨奏請修掩骼之政一摺。京師五城地面。近來道斃頗多。著該管官隨時迅速收埋。以示矜恤而平厲氣。



欽定大清會典事例卷一千三十七

都察院

五城命案 盜案 竊案 發冢之案

命案。順治十年題准。凡遇五城地方道斃之人。果係飢寒所致。查無別情者。即行瘞埋。司坊官不得藉名檢驗。株連無辜。開姦人騙詐之端。

十二年題准。凡人命事情。行五城兩縣各官詳驗。十八年覆准。凡遇人命重案。呈報到官。責令印官親詣屍所。同屍親被告人犯。當即驗明傷痕。填格詳報。如作作有受賄捏報者。計贓

與衙役同罪。檢驗之官。查有無受賄。分別議處。

○康熙二十二年議准。京城外各地方人命屍傷。令五城兵馬司指揮親行檢驗。三十三年議准。嗣後五城兩縣民人自盡命案。原被審得實情。又藉端株累兩鄰者。照定例治罪。有詐取財物者。從重治罪。雍正三年奏准。凡控告人命。有自縊自殘及病故。而妄稱身死不明。意在圖賴詐財者。究問明確。不得一概發檢。以啟弊竇。其果係鬪殺故殺謀殺等項。當檢驗者。在京委刑部司官及五城兵馬司指揮。務須於未檢

驗之先。即詳鞠屍親佐證兇犯人等。令其實招以何物傷何致命之處。立為一案。隨即親詣屍所。督令作作如法檢報。定報要害致命處所。細驗其圓長邪正青赤分寸。果否係某物所傷。公同一千人眾質對明白。各情輸服。然後成招。或有屍久發變青赤顏色。亦須詳辨。不許聽憑作混報毆傷。輒擬償抵。其作作受賄增減傷痕。以成冤獄。審係受賄者。依律科斷。○四年

諭律載鬪毆成傷。定有保辜之限。所以重民命而慎刑罰也。聞京城內外鬪毆傷人者。各該地方步軍無分輕重。即將兩造並拘解審。大凡被毆之人。受傷雖重。尚可醫救。一經移動勞頓冒風。或至殞命。嗣後應分別傷痕之輕重。若傷重不能行動者。禁令移動。勒令即時調治。著問刑衙門委官親詣驗看。其應如何定例通行。著三法司議奏。欽此。遵

旨議定。嗣後京城內外有鬪毆傷輕者。照例送理刑衙門審斷。其傷重不能行動者。或在衙門控告。或被步軍擊獲。惟將毆人之犯。拏送理刑衙門。該衙門即委官帶領作親詣驗傷取供。定限保辜。所有被傷之人。擡赴衙門驗傷。永行禁止。違

者將該管官參處。○十一年題准五城關廂內外地方。有旗民之分。向例凡遇人命。旗地則領催報佐領轉報刑部。委官相驗。民地則總甲報該城御史。委指揮相驗。往往領催總甲互相推諉。遲延不報。以致傷痕難驗。兇犯遠颺。嗣後遇有人命。如係旗地。令領催呈報。民地令總甲呈報。儘遲延不報。將該管之領催總甲。照地界內有死人不申報。官司律治罪。如已報而佐領指揮互相推諉。將該管官照推諉事件例議處。○又定。正陽崇文宣武三門內五城分管地方。如有民間命案。各設總甲一名。呈報其身死有無傷痕。刑部票委該司檢驗。關毆活傷。則委該坊官看驗。儘驗報不實。將該司坊官照例議處。○又定。凡五城地方。除倒臥身死無傷者。許兵馬司驗詳立案掩埋外。如有受傷身死無名之人。令五城兩縣該管各官一面報部。一面緝拏。即詳開年貌服色。多張告示。招人認識。設立首報賞格。務期弋獲。以初報官之日為始。扣限一年緝光。如限滿不獲。將該司照緝光不力例參處。如日後查係盜殺。仍照京城盜案例參處。○乾

隆六年奏准。嗣後五城受傷身死無名之案。一經具文報部。即令該司嚴緝兇犯。並通行各衙門協緝。如一年限滿不獲。將該司參處。○十三年奏准。向例內城地方。旗人遇有命案。本家稟明佐領。呈報刑部相驗。街道遇有命案。不分旗民。由步軍校呈報步軍統領轉咨刑部。票委該城指揮相驗。外城地方。有旗民之分。遇有命案。旗地則由地主或屍親尋覓領催呈報。佐領轉報刑部。票委該城指揮相驗。民地則由總甲呈報該城指揮相驗。是外城命案。總係該指揮相驗。止因分別旗民。輾轉咨呈。稽延時日。設遇兇傷謀害重案。久延時日。不特傷痕難驗。亦且兇犯遠颺。嗣後凡外城命案。不分旗地民地。均令總甲呈報該城指揮。立即相驗。一面呈報該城轉報刑部都察院。如係旗人。則一面呈報該旗。照定例分別辦理。○十四年

諭。向來通緝之案。不過行文出票。便為了事。兇徒潛居坊巷。從無過問。並未實力查拏。京都地大物衆。萬方輻輳。情偽多端。地方官承緝處分。自不能過嚴。但盜案為首。或命案正兇。必應治罪之犯。不當任其遠颺。

嗣後發保脫逃及承緝限滿作何議處。能緝獲者作何議敘。該部定擬具奏。欽此。遵

旨議定。五城命盜重犯。一經拏獲。雖未審擬。理應羈禁。原不應令其取保。以致脫逃。至脫逃後。承緝之司坊官。以例無處分。並不實力查拏。各城司坊官及鄰近州縣。又視為通緝之案。雖能拏獲。例無議敘。遂致彼此因循。姦匪漏網。嗣後五城命盜要犯。除未經到案在逃。其承緝原定有處分外。其拏獲到案。尚未審擬。不行羈禁。擅行發保。未經脫逃者。將該司坊官罰俸一年。因而脫逃者。降一級留任。限一年緝拏。如限內拏獲者。開復。限滿不獲者。照所降之級調用。逃犯交與接任官。勒限一年緝拏。限內拏獲者。紀錄一次。限滿不獲者。罰俸一年。逃犯照案緝拏。如別城及鄰近州縣官。有能拏獲者。每名紀錄一次。○二十九年議准。五城命案。向無督緝處分。嗣後限滿查參。巡城科道。一年之內。三案未獲。罰俸三月。五案未獲。罰俸六月。六七案以上。罰俸一年。至捕役承緝兇犯。如一月不獲。照例責比。二月至五月不獲。即行責革。枷號兩月。示懲。另選幹

捕躡緝。如能實力拏獲者。照拏獲盜案之例。於贓罰銀兩內。令巡城科道酌量給賞。以示鼓勵。○三十四年議准。內城旗人命案。令本家稟報。該佐領徑報刑部相驗。街道命案。無論旗民。令步軍校呈報步軍統領衙門。一面咨明刑部。一面飛行五城兵馬司指揮星往相驗。徑報刑部。○三十八年議准。嗣後五城命案。俱令該城指揮照例相驗。由巡城御史審明。轉報刑部覈覆。審結。仍責成該御史隨時稽察。實力奉行。僅有漏報。一經查出。即將該城官員指名參處。○三

十九年奏准。五城辦理命案。內有倒臥一項。該指揮向據總甲等於倒臥處。著落附近居民鋪戶呈報。始憑相驗。名曰叫知人。此等居業平民。與路斃之人。毫無干涉。一經充當叫知。不但守候完結。有妨生理。該書吏等不能保無任意擇充藉端嚇詐情弊。嗣後五城地方。嚴飭總甲實力巡查。除無名男子身負有傷之案。另行緝兇嚴究外。若尋常倒臥不在居民鋪戶門內。但與牆垣檐宇相近者。務令總甲自行呈報。該指揮隨時驗訊。果係無傷。即照例作速詳城。覆覈完

結。所有叫知人名色。無論在城在鄉。概行禁止。  
○四十六年奏准。嗣後除尋常命案仍照例令  
本地方官驗辦外。如遇有本城書吏衙役所犯  
之命案。即概令本城官員迴避。該巡城御史作  
速咨調別城正指揮。帶領本管書吏件作等前  
往相驗辦理。○五十六年奏准。嗣後五城相驗  
城內不得過兩日。關外不得過三日。如一時案  
件聚集。正指揮不能分身者。即委副指揮吏目  
代驗。承審仍歸本官辦理。設本官有心規避。及  
委驗之員有心推卸者。均責成巡城御史稽察  
參奏。巡城御史姑容者。都察院堂官查出一併  
參奏。○嘉慶十五年奉  
旨。此案在逃之舒黑子現經緝獲。著交刑部審辦。其北  
城冷泉邨地方。有自縊無名男僧。亦經訪查得實。即  
係毆死僧緒志之正兇元玉一犯。該指揮李廷禧於  
兩旬之內。將二案兇犯弋獲。訪明得實。尚屬認真緝  
捕。著該城御史存記。嗣後該指揮如再有緝獲案犯。  
該御史具奏時。即將此二案隨摺聲敘。候朕量予恩  
施。至該御史所奏五城按地分隸。本城遇有人命重  
案兇犯在逃。即移會各城協力查緝。其無名無傷自

盡等案。僅止詳報本城。不復移會各城。請嗣後將五  
城所有各案。統於五日內通行移會。以便彼此查對  
等語。所奏甚是。著通諭五城。即照該御史所請行。  
道光二十五年

諭京師五城地面人命案件。向由指揮相驗。理宜慎重  
詳細辨認。方無錯誤。近來該指揮等往往辨認未能  
明確。即如刑部昨日奏結董王氏一案。該指揮於屍  
傷辨認未真。迨調城相驗。復以屍身發變藉詞推諉。  
若非刑部派員認真辨驗。審明辦理。幾至逆倫重犯。  
倖逃法網。殊非慎重人命之道。嗣後著五城御史嚴  
飭該指揮等於一切命案。無論本城及調城相驗。總  
須加意詳慎。認真驗視。斷不准稍有含混推諉。致滋  
枉縱。儻該員等仍復不能慎重。即嚴行參辦。毋稍姑  
容。  
盜案。○康熙四十一年覆准。正陽崇文宣武三  
門關廂內被盜。文職兵馬司副指揮吏目。皆降  
二級留任。罰俸一年。限一年內緝獲。全獲者開  
復。不獲者降三級調用。交與接任官緝賊。○雍  
正三年奏准。正陽崇文宣武三門關廂內被盜。  
文職兵馬司官交部降罰。賊犯限一年緝拿。全

獲者開復。獲半者免議。不及半者仍照定例議處。○乾隆六年奏准。凡五城三營地方被盜。應令彼此關會。便於協緝。嗣後以被盜報官之日為始。勒限三月緝拿。如限內不獲。將文武官弁合疏題參。○又定。凡刑部現審內行文五城查拏之案。如關繫偷盜倉庫錢糧。並隱匿緊要重犯。即於文內加註要犯勒限緝拏字樣。該司坊於文到之日。按限緝拏。如限滿不獲。照京城定例議處。其餘尋常命盜行文查拏之案。如限滿不獲。照外省定例議處。均令該城御史呈報都

察院咨部題參。據該城御史不行呈報。經刑部都察院查出。將該御史題參。一併議處。○二十九年議准。嗣後遇有失盜事發。該坊官一面詳報上司各行通緝。一面即自行飛關大宛兩縣。該縣亦速即關會前途州縣辦理。庶督緝多方。盜賊不能潛遁。○嘉慶五年議准。巡城御史一年任滿。本任內已滿例限盜案。三案未獲。罰俸三月。五案罰俸六月。六七案以上罰俸一年。○九年

諭。嗣後著步軍統領五城御史嚴飭所屬營汛司坊等

官。各將所管地面。晝夜巡查。俾匪類潛蹤。如再有強劫之案。一經發覺。必將疏防文武各員嚴行懲辦。不稍寬貸。○二十二年

諭。巡視北城御史德莊等奏疏防盜案。坊官一摺。此案盜犯持械入室。嚇禁事主。強劫銀物。膽敢於輦轂之下。肆行無忌。該管文武員弁。非尋常疏防可比。北城吏目梁習敏。著即革去頂戴。專汛營弁。著步軍統領衙門查明。亦即革去頂戴。均勒令上緊緝拏。獲犯之日。奏明開復頂戴。如限滿無獲。即行參處。嗣後京城九門以內及外城七門以內。有似此強劫之案。該坊汛員弁。俱先行革去頂戴。勒限嚴緝。○又

諭。向例京城地方盜案。三月無獲。始行題參。未免過寬。嗣後在京城外七門以內尋常竊盜案件。三月限滿題參。如有執械嚇禁強劫之案。二月無獲。即行題參。其九門以內尋常竊盜案件。二月題參。強劫之案。一月無獲。即行題參。著為令。○二十五年

諭。五城御史。嗣後捕有盜竊等犯。籍隸外州縣者。均嚴訊其曾否犯案。如先在原籍犯事。地方官縱令漏網。即查明案情。將該地方官分別參處。以示懲儆。○同治五年

諭。王憲成另摺奏聲明則例。請將外七門關廂以內劫盜殺人之家。照內九門劫案一月贓賊無獲。即行題參等語。著照所請行。

竊案。凡五城坊官在汛地所管之處。若被竊賊偷有實據。賊被旁人拏獲。或事主有受傷實據者。將該坊官罰俸三月。○雍正十一年議准。向來拏獲竊盜呈報該坊官。並未定有限期。是以捕役得以藉端勒索。稽延時日。嗣後司坊捕役。本日拏獲竊盜。即令本日呈報該坊官。如晚間拏獲。限次日早間呈報該坊官。訊明被竊情由。將事主年貌姓名住址及所失贓物。詳細註冊。即令回家。不必一同解送。該城御史研訊贓物行竊情由。查明冊籍。出示曉諭。令事主親身赴該坊照數認領。如訊問事主有應追贓物。或有影盜未能全獲者。問明事主。將贓物詳細註冊。即令事主回家。俟查明追出贓物。再行出示。令事主認領。至竊盜有應完結者。即照例完結。有應送部者。即送部審訊治罪。僅捕役違限不即呈報。任意勒索事主。許事主赴都察院呈告。照恐嚇取財例治罪。其坊官失察及縱容者。分

別議處。○乾隆三年議准。五城坊官。如有縱容捕役養賊。及苦累事主等弊。或經該城參奏。或被事主告發。審實。將該坊官照溺職例革職。該捕役照養賊例分別名數治罪。○六年議准。五城地方報竊。該坊官立即親赴事主家驗明竊迹。確查失單。勒捕迅速訪拏。仍報明本城並都察院立案比緝。即於本日密行知會各城坊官協緝。如別城捕役能於十日內人贓並獲。至三案以上者。令本城坊官量加獎勵。如別城竊賊潛匿該地方。該役不實力協拏。及明知故縱者。分別責懲。○七年議准。五城地方被竊。令事主報明本城。並報明該營將弁。立即選飭兵丁嚴緝。仍移會各營協緝。○八年議准。五城竊案。以報官之日為始。勒限四月緝拏。如限內不獲。該城參奏送部議處。○十四年議准。五城竊案。既經事主呈報。該坊官如有隱諱不行詳報。該城御史覈參。降一級留任。竊犯限六月緝拏。限內拏獲者准其開復。限滿不獲者降一級調用。竊犯交與接任官照案緝拏。其有事主未報。別經發覺者。免其諱竊處分。仍於發覺之日為始。將

未獲賊犯限六月緝拏。限滿不獲。罰俸三月。竊犯照案緝拏。如賊已拏獲者免議。○二十七年議准。五城參限未滿竊案。該坊官能於二參年限之內拏獲賊犯。即照拏獲鄰境逃徒之例。每二名紀錄一次。如一年內未獲一名。五案以上。降一級留任。十五案以上。降一級調用。如一年內無論案數。但能拏獲一二案者。仍予免議。○二十九年議准。五城捕役果能實力緝拏盜賊者。令巡城御史於贓罰銀內酌量賞給。如有不敷。於刑部發交司坊官追贓銀內支用。年終該司坊官將賞過數目造冊報明巡城御史轉送都察院查覈奏銷。○三十七年議准。嗣後遇有家人竊盜主財案件。事主既經呈明。該坊官即具詳通報。以便比緝。立限查參。倘隱匿不報。即照諱竊例議處。○五十一年奏准。嗣後各處曉市。嚴申禁令。俟日出後方許擺貨交易。違者拏究處治。以杜鼠竊賣贓之弊。至報竊案件。該坊官即開單通行五城一體飭捕。實力協拏。有能捕獲到案者。即贓未滿貫。亦照鄰境緝獲之例。記案抵銷處分。捕役等令該城坊官酌賞。以示

鼓勵。○又議准。嗣後五城彙題未滿參限竊案。承緝至五案以上未獲一名。該坊官降一級留任。十五案以上未獲一名。降一級調用。俱照舊例辦理。至三十案以上未獲十分之二者。亦降一級調用。不得以已獲一二案。概予免議。○嘉慶五年議准。巡城御史一年期滿。本任所報已滿初限竊案。獲不及十之二三者。罰俸六月。○七年

諭緝捕事件。原係五城司坊官專責。如有拏賊多名。並緝獲緊要之犯。辦理果能迅速。經朕加恩。或將該員量予議敘。或賞給緞疋。皆非可援以為例。自上年以來。五城多有拏獲尋常案犯。輒即奏請恩敘。殊覺過濫。嗣後遇有拏獲尋常案犯者。俱不准奏請議敘。○八年

諭現在街市有買零星小押鋪。不過希圖謀利。而鼠竊匪徒藉以消贓。並聞各街市於天尚未明時。即擺攤售賣。最為藏姦。而售主亦貪圖便宜。即明知實係賊贓。亦不查明來歷。殊非日中為市之義。此時若將小押鋪概行查禁。在彼生理微薄者。或不免失業無依。若不示以例禁。則姦究公然售賣贓物。尚復何所顧

忌嗣後著五城出示曉諭不得仍前開設小押其在街市擺攤者總於日出後方准售賣儻其中有來歷不明之物於犯案後查出即將知情售賣之人按律治罪。○道光九年

諭近來五城竊案愈積愈多即聞有報獲之犯亦贓物微細暫為搪塞其計賊逾貫情節較重者迄無弋獲總由該捕役等縱容包庇平日利其贓物臨時得錢賣放此等積弊實為可惡嗣後務當嚴行督緝有犯必獲每年將報竊各案統計已獲未獲及獲犯過半各若干於春秋二季開列清單具奏分別勤惰照例

數辦如捕役等仍復養賊養姦立即從重究治儻該管官視為具文漫不經心或隱漏規避致蹈故習即著嚴參照例懲處毋稍寬貸。○光緒三年  
諭山東道御史秀文等奏竊盜各案疊出請申明舊章一摺向來五城地面遇有竊案均須報明山東道隨時稽察並將捕役按限責比如坊官有縱捕養竊等弊由該道指參乃近來竊盜各案層見疊出該司坊官並不呈報亦不將捕役送比殊屬懈弛嗣後循照舊章認真辦理如有再蹈前轍即由該道指名奏參以儆效尤而重捕務其五營地面

遇有司坊應報各案並著步軍統領飭令照章呈報該道毋任玩延如有遺漏著一併查明辦理發冢之案。○凡五城地方開棺見屍者以報官之日為始勒限六月緝拏如限內不獲由院劾參送部議處



欽定大清會典事例卷一千三十八

都察院

五城官員赴任 廢員回籍 鄉會試禁約 書吏役滿 驅逐游惰 點那 禁煙

官員赴任。康熙六十一年議准。凡補授外官。領憑後。交都察院轉行五城司坊官嚴查。如有在京久住。不依限赴任者。即報部題參。○雍正五年定。凡在京補授知縣以上官。自奉

旨之日起。限十日內給發文憑。給發之日起。亦限十日內交都察院轉行五城兵馬司指揮嚴催。照限令其赴任。

廢員回籍。○康熙二十九年定。凡京官革職休教解任。該部知照各原籍督撫。仍移咨都察院。轉付五城司坊官嚴催起程。將起程日期報部。○三十年議准。除革職提問官照例勒限驅逐回籍外。其餘解任休致。丁憂等官。聽其自便。○雍正三年

諭。凡旗員革職離任者。皆勒限歸旗。康熙二十九年定。例。漢官革職離任者。照旗員例勒限回籍。嗣後陸續條陳。前後更改。且日久廢弛。奉行不力。嗣後凡漢官

革職。於任內事結之後。即勒限令其回籍。若有逗遛任所。以及潛住京師。遊他省者。照例治罪。其擅自容留之五城及各方官。亦分別處分。至朕從前曾令革職解任官。或有冤抑。赴都察院申理。嗣後如有此等人員。著於本地方取具文書。然後來京。事竣之後。仍發回原籍。不得藉端留滯。著該部議奏。欽此。遵旨議定。凡京官革職。曾經問有罪名者。限一月內起程。

五城司坊官將起程日期報部。並知會原籍地方官。照旗員歸旗例。限回籍。違限不即起程。及逗遛中途。並回籍遲延。違限一月以上者。

都察院及該督撫題參。照旗員例治罪。如該管文武各官。或不於限內催令起程。或潛住京城。五城司坊官專訊武官。不查出驅逐。皆照容留旗員例議處。其革職解任廢官。或有冤抑。赴都察院具呈申理者。先具呈本地方官。轉詳督撫。給咨來京。事竣之日。都察院轉行五城司坊官發回原籍。仍知會原籍地方官。如藉端留滯。照例治罪。五城司坊官徇情容留者。照例議處。○乾隆四十五年奏准。嗣後凡有外省人員。因公到京。以患病告請回籍者。吏部即飭令在京司

坊官詳加驗看。如果屬實。即行開缺銓選。

鄉會試禁約。○康熙十七年議准。凡遇鄉會試之年。場前榜後。如有私書匿名紙帖。揭於街市。或編就歌謠。豫為傳播。計圖陷害他人者。在內巡城御史五城司坊。緝拏治罪。○雍正四年

諭。科場關繫大典。若聞中間卷果有不公。許應試舉子親身赴都察院控告奏聞。若不軌之徒。假捏汗蠟之辭。以洩私憤。而撓公事。則國法斷難寬宥。著五城御史等密訪嚴拏。即行叅奏。從重治罪。○乾隆元年

諭。鄉會試。僅有場前錯判。豫報元魁。及榜後生事。捏造

歌謠。為人心風俗害者。五城御史訪拏治罪。○二年

議准。向來下第舉子。每於場後藏匿姓名。編造謠歌對聯。任意誣捏。黏貼街衢。最為不法。應令

步軍統領。順天府五城御史。出示曉諭。如有違犯。即行嚴拏。○六年

諭。今鄉試在過。聞不肖士子。故智復萌。賃倩善寫細字之人。鈔錄文藝。為入場夾帶之具。著五城御史出示曉諭。密行嚴拏。○又議准。武闈難保無雇寫細字策論之弊。應照文場之例。令五城御史出示曉諭。密行嚴拏。○九年奏准。凡鄉會試。坊間擬表。刊

刻發賣。令五城御史出示禁止。○五十二年議

准。舉場附近地方。近科以來。聞有積慣姦徒。窩藏槍手。專為場內代倩文字。而不肖舉子。勾通外場巡綽兵役。及闈中號軍。將題目走漏消息。用甄塊等物。擲出場外。及至文字作就。或遙點

燈竿。連放爆竹。或將馴養鴿鷄。繫鈴縱放。作為記號。豫行指定地方。以便關通接遞。仍用甄塊等物。擲入場中。最為積弊。應交步軍統領衙門。屆期選派番役。會同五城順天府密訪窩留槍手之家。查拏治罪。並於考試日期。凡附近居民。

有遙點燈竿。連放爆竹。及縱放鴿鷄。拋擲甄塊

等弊。即嚴行拏究。並豫先出示嚴禁。以杜弊端。○道光十一年

諭。軍機大臣會同禮部都察院議奏。給事中王雲錦條

陳請禁書肆小本一摺。此等不肖惡習。朕亦素知。若止出示嚴禁。令其自行銷毀。仍屬有名無實。著各直

省督撫。順天府五城步軍統領。明查暗訪。將書肆小本板片。概行銷毀。該胥吏等。亦不得藉端訛索。其貢院左右。除向有書鋪。仍准開設外。其臨時開設者。概行斥逐。如有公然售賣小本文策者。加責嚴辦。並責

令外巡緝官嚴密查察。有犯必懲。儻士子尚有不知檢束。懷挾傲幸者。即著斥革究辦。其恃眾逞強不服約束者。枷號示眾。儻按檢番役吏胥人等。有意栽害者。重治其罪。

書吏役滿。康熙三十八年定。凡部院衙門書吏。五年役滿考職。一經出榜曉示。即令五城司坊官嚴催回籍。取具地鄰一月內起身甘結。並司坊官印結報部。儻有潛住京城。不行查催。將司坊官照容留廢員例處分。雍正元年奏准各部院衙門盤踞書吏。除掣獲者已遵

旨遞解原籍外。仍飭五城司坊官不時稽察。如有潛匿京城或遞回私自來京者。並拏送刑部治罪。嗣後考滿書吏。各部院移咨都察院。令五城司坊官立押回籍。毋許逗遛。如司坊官不行嚴查。一併參處。又

諭。各衙門募設書辦。不過令其繕寫文書。收貯檔案。但書辦五年方滿。為日既久。熟於作弊。甚至已經考滿。復改換姓名。竄入別部。姦弊叢生。更有一等缺主名色。掌握一司之事。盤踞其中。交通賄賂。上下朋姦。書辦尚有更換。缺主總無改移。子孫世業。遂成積蠹。自

後書辦五年考滿之後。各部院堂司官查明勒令回籍聽選。如有逗遛不歸者。飭令五城司坊官稽察。遣逐其缺主倚恃勢力抗違潛匿者。刻即參究。押解回籍。各部院一年一次保結具奏。儻仍有潛居京師者。或經朕聞知。或被科道題參。將出結之大臣官員。一併治罪。十二年議准。各部院衙門役滿書吏。於考定職銜後。即由五城司坊官限一月內令其回籍。儻司坊官將冊內有名之人。不行催令回籍。容留京城。並復行來京潛住。將司坊官照例按名數分別議處。其各部院衙門責革書辦。亦交與該司坊官嚴催。令於一月內起程回籍。並行文本籍地方官。嚴行管束。如潛住京城。將司坊官亦照例議處。儻實係失於覺察。以致役滿逗遛。或業經催令回籍。復來京潛住者。照失於覺察例罰俸一年。其籍隸大宛二縣者。該縣將各役年貌住址三代墳墓。造冊送都察院。令該城御史按冊確查。果係本京籍貫。有墳墓房產可據者。仍准居住。非實在大宛籍貫。如有潛住招搖等弊。經該御史查出。將濫送冊結之知縣。照造冊舛錯例罰俸一年。如該城御史不行查出。

一經發覺。將從前失察之御史。照不行詳察例。罰俸六月。○乾隆三十四年奏准。嗣後在京簡缺書吏役滿時。即由各衙門自行考試。庶頂替代倩之弊。無可復施。試畢。即知照都察院。將該吏飭令回籍。○三十六年議准。各部院衙門年滿書吏。除在館行走承辦則例。仍留館辦事。俟館務告竣。飭令回籍外。其餘役滿書吏。若不遵例回籍。仍復在署辦事。立即逐出。發回原籍。儻數日久。潛居京城。出入衙署。一經查出。交部治罪。所有失於查察之該管官。照例議處。仍行令都察院五城御史。嚴飭司坊官。不時稽查。儻有徇情故違。不即據實舉報。查出。一併照例議處。○嘉慶五年奏准。在京簡缺書吏供事役滿。由各衙門自行考試。授定職銜。吏部覈明。將執照發交本衙門。傳令收領。該衙門即將書吏姓名籍貫。咨送都察院。轉交五城司坊官。勒限一月。回籍報院存案。仍行文原籍督撫。轉飭地方官。將到籍日期。報院備查。至內閣即用供事。及各部院衙門繁缺。即用書吏。於役滿後。該衙門出具考語。咨送吏部掣定職銜。照例行文該衙門。

飭令回籍。即將該書吏姓名籍貫。造冊咨送都察院。轉交五城司坊官。限一月內。令其回籍。儻司坊官不行催令回籍。容留在京。並復行來京。潛住。將失察之司坊官。按依名數分別議處。○二十二年  
諭。各部院衙門書吏。藉端逗遛者。著步軍統領衙門及五城一體嚴查。勒令回籍。毋任潛匿京師。招搖舞弊。○二十五年  
諭。各部院衙門書吏。已革者不准復充。已滿者不准逗遛。立法本為周密。若姦胥猾吏。仍於暗中盤踞。不免有舞文弄法之弊。著步軍統領五城順天府。一體訪查。如有已革已滿書吏把持公事者。立即嚴拏究辦。其各衙門書吏缺出。並著遵照定例。按限遞充。毋令姦徒身後辦事。以除積蠹。○道光九年奏准。各衙門書吏役滿後。隨時行知順天府五城。勒限回籍。其充役將及五年。無故具呈告退者。亦著督飭回籍。儻有役滿後改名冒入大興。宛平籍貫。捐納職官。並戶部捐納房役滿貼寫。一併嚴查。照例辦理。不准在京稽留。以除積弊。○十年議准。已滿書吏。逾限不即起程。及半年不到原籍。潛

行來京。分別革去職銜治罪。司坊官分別懲處。告退革退之吏。勒限回籍。五城司坊官督率總甲。認真查報。冒籍大宛。兩縣者。役滿令歸原籍。其籍隸大宛者。不准充當書吏。並著都察院堂官滿漢科道。留心查察。如有役滿逗遛。及地方官容留疏縱等弊。隨事隨時。據實嚴參究辦。○十一年奏准。在京各衙門。嗣後有役滿。及告退革退書吏。務將現任地方。確切查訊。於咨文內敘明。行知都察院查照。剴飭各該城司坊官。押令回籍。並報明起程日期。以便查覈。○二十八

年

諭。役滿書吏。身後辦事。最干例禁。必應飭令回籍。惟年久未見。巡城御史查拏一人。可見稽察保甲。並未認真辦理。著步軍統領衙門。順天府五城一體訪察。驅逐。以除積蠹。而杜弊端。○同治五年

諭。各衙門已滿書吏。例應勒令回籍。無如日久視為具文。革吏退吏。輒在京師盤踞。與外省院司書吏。潛通消息。舞弊把持。亟應嚴行申禁。著各部院堂官。嚴飭司員。將無卯書吏。分別裁汰。如有滿退斥革吏役。仍敢進署干預公事。即行拏交刑部治罪。仍將每月滿

退斥革吏役姓名住址年貌。移送該管地方衙門備查。並著五城御史。嚴飭司坊官隨時查察。驅逐。以清積弊。

驅逐游惰。康熙五年覆准。五城司坊官及巡捕三營官。查各該管地方。有無業游手來歷不明之人。即送該城遞回原籍。仍查明犯事離籍情由擬罪。如該管官不行拏送。別經查出者。議處。總甲等並容留居住之房主。皆責三十板。○十年覆准。凡無業之人。在街道打手鼓踢石毬者。係旗人鞭五十。係民人責二十板。○又定。凡

游手好閒之人。輪又舞棍。演弄拳棒。徧游街市。射利惑民。打降賭博。五城等官拏獲。將本犯照違制律治罪。仍枷一月。即行發落。遞回原籍。坊店寺院房主。容留不報。地保人等。不行查拏。皆照不應重律治罪。地方文武官失察。照例議處。○又定。凡唱秧歌婦女。及惰民妻。令五城司坊等官。盡行驅逐回籍。毋令潛住京城。若有無籍之徒。容隱在家。因與飲酒者。職官照挾妓飲酒例治罪。其失察地方官。照例議處。○雍正五年諭。京師為輦轂之地。理宜肅清。但五方雜處。品類混淆。

往往有各省游手姦偽之徒。潛來居住。招搖生事。或呼朋引類。訛詐錢財。或捕風捉影。指稱緯路。或打探消息。囑託衙門。或捏造浮言。煽惑衆聽。以至鬧場局賭。誘人為非者。難以悉數。朕思京城內外。遠人聚集者。雖多。皆有容留居住之處。或在客店。寺廟。或倚親友居停。或租賃房屋。但就其住處稽察。自可得其蹤迹。如候補候選之人。必有仕籍可稽。至於讀書之人。或應試到監。或處館作幕。貿易生理之人。或行商生賈。或工匠手藝。以及醫卜梨園。肩挑負販。皆必實有本業營生。方可聽其在京居住。若閒散游蕩。出入詭秘。託名餽口四方。而實無恆業。即係姦偽之徒。立宜擯逐。嗣後令步軍統領巡城御史。順天府首率屬員。於九門五城地方。嚴加察訪。並出示曉諭京城內外客店。寺廟。以及官民人等。凡有容留居住棲止之人。果知其行蹤來歷。可以深信。方許容留棲止。儻係面生可疑。蹤迹莫定。或人雖熟識。而生事妄行者。概不許容留居住。若徇情受賄。一時姑容。經該管官訪出。或本人日後事蹟敗露。必將容留居住之人。連坐治罪。其作何察訪。取具保結之道。不使賢愚混雜。並令奉行得宜。不致滋擾。著九卿定議具奏。欽此。遵

旨議定。嗣後飭令五城司坊大宛二縣。凡客店庵院。不時稽察。取具並無容留來歷不明生事妄行之人甘結。以憑各衙門查閱。其通衢僻巷。賃房屋居住者。令房主詢問保人來歷。並著兩鄰稽察。儻有此等游棍。該鄰佑房主。協同斥逐。毋得徇情。若有徇情受賄容留者。本犯照律治罪。遞回原籍外。將客店庵院住持房主。一併懲治。該管官不行查出。照失察例議處。至編戶居民。住有常業。及候補候選讀書貿易諸色人等。確有憑據者。毋庸驅逐。儻有藉端勒索。混擾良民者。照嚇

詐例治罪

黜邪。順治十三年

諭朕惟治天下必先正人心。正人心必先黜邪術。儒釋道三教並垂。皆使人為善去惡。反邪歸正。遵王法而免禍患。此外乃有左道惑衆。如無為白蓮。聞香等教。名色邀集結黨。夜聚曉散。小者貪圖財利。恣為姦淫。大者招納亡命。陰謀不軌。無知小民。被其引誘。迷罔顛狂。至死不悟。愚考往代。覆轍昭然。深可痛恨。向來屢行禁飭。不意餘風未殄。墮其邪術者。實繁有徒。京師輦轂重地。藉口進香。張幟鳴鑼。男女雜處。喧填衢

巷公然肆行無忌。若不立法嚴禁。必為治道大蠹。雖倡首姦民。罪皆自取。而愚蒙陷網。罹辟不無可憫。爾部大揭榜示。今後再有踵行邪教。仍前聚會燒香。飲錢。號佛等事。在京著五城御史及地方官。在外著督撫。按道有司等官。設法緝拿。窮究姦狀。於定律外加等治罪。如或徇縱養亂。爾部即指參處治。○康熙五年定。凡邪教惑眾。該司坊官不行嚴禁。五城御史不行糾參。一併議處。○十六年題准。凡捏造俚歌。刊刻傳頌。沿街唱和者。內外地方官即時查拏。照不應重律治罪。若係妖言惑眾等詞。照律擬罪。○十八年議准。凡迎神進香。鳴鑼擊鼓。肆行無忌者。為首之人。照邪教惑眾律治罪。為從者。加三月。責四十板。不准折贖。五城御史及司坊官不行查拏。分別議處。○二十六年覆准。無賴狂徒。假借僧道為名。或稱祖師降乩。或妄逞邪說。託言前知。或以虛妄之談。盡惑愚蒙。至有羣相禮拜。甘作徒從者。此等邪教。行令五城官嚴行禁止。○四十八年覆准。凡鳴鑼擊鼓。聚眾燒香。男女混雜等弊。曾經嚴禁。恐相沿日久。舊俗復熾。再扶鸞書符。招搖賣藥之輩。概不行

禁止。違者。該司坊官究治。○雍正二年題准。婦人成羣聚會。往寺廟進香者。令五城司坊官嚴禁。○又覆准。除軍民妻女禁止入廟燒香。及扮神賽會外。其民間春秋里社祈報者。不在此例。由都察院分析出示。並令司坊官明白曉諭。○三年奏准。凡妄布邪言。書寫張貼。煽惑人心者。令五城司坊官不時嚴拏。○又奏准。凡坊肆市賣。一應淫詞小說。在內交與都察院等衙門。轉行所屬官弁嚴禁。務按板書。盡行銷毀。有仍行造作刻印者。係官革職。軍民杖一百。流三千里。市賣者杖一百。徒三年。買看者杖一百。該管官弁。不行查出。按次數分別議處。仍不許藉端出首訛詐。○乾隆十年奏准。五城街衢牆壁間。術士多貼淫戲穢惡之方。巧立名色。哄騙少年。迷惑浸淫。害人匪淺。飭令該司坊官嚴行驅逐。○二十七年奏准。五城寺廟僧尼。開場演劇。男女概得出資隨附。號曰善會。敗俗釀弊。所關匪細。應交步軍統領五城順天府各衙門。嚴行飭禁。儻有設為善會。煽聚婦女者。立將該廟為首僧尼。查拏治罪。至有職人員。罔顧官常。濫與廟會。

一五五... 冊... 5

及縱容妻妾入廟一經查實指名糾參。○三十年奏准五城內外如有前經入天主教之人許其自首免罪。儻別經發覺按律重懲。○三十四年議准朝陽門外東嶽廟道衆指定每月初二十六為婦女入廟之期。男女混雜應將初二十六婦女廟期名色永遠禁革。並令該廟道衆出具甘結。嗣後旗民婦女有指稱廟期燒香者概行查禁。儻有仍前違犯者立即根究。照律將本婦夫男及該廟道衆等治罪外。並將失察之該管文武地方官一併議處。○四十九年奏准紅陽教經卷令步軍統領衙門及五城司坊各官嚴行查禁不得存留。○嘉慶五年

諭朕恭閱

皇考高宗純皇帝實錄內載小民知識短淺種種惑於鬼神祈求禱祀為費不貲如越省進香一事程途則有千餘里及二三十里之遙時日則有一月及二三月之久以有限之蓋藏坐耗於酬神結會之舉直隸山東山西陝西等處風俗大半如此而河南為尤甚著各省督撫訪察所屬有越省進香者善為化導徐徐轉移毋得呼朋聚眾跋涉山川以致誤農耗財漸

成人心風俗之害仰見

皇考肅民善俗諄諄教誡至意朕在藩邸時即素知民間有赴髻髻山天台山等處進香之事而近京各省相習成風亦所不免往往千百為羣填塞街道其間男女雜還姦良莫辨不獨耗費錢財且恐別滋事端風俗人心殊有關繫在蚩蚩者氓於福善禍淫之理不能深曉每以進香虔禮即可迎邀福祐又或遇父母疾病許願酬神以冀速痊殊不知父母有疾正當親身侍奉湯藥焉可越境遠離而神靈隨處降格即於本境祠廟虔誠祝告亦無不可况小民果能竭誠侍親諸惡莫作眾善奉行自蒙神祇默佑又何必遠勞跋涉為此無益之祈禱乎是此等酬神之事其始原為求福免禍起見但分途四出結隊成行其為會首者藉此斂錢滋事日久相沿人數衆多漸至流為邪教此而不嚴行禁止何以正人心而厚風俗嗣後京城內外及各直省所有民間一切越境酬神聯羣結會等事俱著該管衙門及各督撫等出示曉諭嚴行禁止違者按律懲治。○七年

諭朕恭閱

皇考高宗純皇帝實錄內載乾隆十八年七月欽奉



諭旨。滿洲習俗。瀆慢。自我朝一統以來。始學漢文。曾將五經及四子通鑑等書。繕譯刊行。近有不肖之徒。不繕譯正傳。反將水滸西廂記等小說。繕譯使人閱看。誘以為惡。甚至以滿洲單字還音。鈔寫古詞者。俱有滿洲習俗之偷。皆由於此。不可不嚴行禁止等因。欽此。仰見我

皇考崇正黜邪。為風俗人心計者。至深且遠。從前滿洲盡皆通曉清文。是以尚能將小說古詞。繕譯成編。

皇考深恐為習俗之害。嚴飭禁止。今滿洲非惟不能繕譯。甚至清話生疏。不識清字。其粗曉漢文者。又以經

史正文。詞義深奧。難於誦習。專取各種無稽小說。日事披覽。而人心漸即於偷。此不獨滿洲為然。漢人亦更多蹈此陋習。如經史為學問根柢。自應悉心研討。至諸子百家。不過供文人涉獵。已屬藝餘。乃鄉曲小民。不但經史不能領悟。即子集亦束置不觀。惟喜替詞俗劇。及一切鄙俚之詞。更有編造新文。廣為傳播。大半不外乎草竊姦究之事。而愚民之好勇鬪狠者。溺於邪惡。轉相慕效。糾夥結盟。肆行淫暴。概由看此等書詞所致。於世道人心。大有關係。不可不重申嚴禁。但此時若紛紛查辦。未免假手吏胥。轉滋擾累。著

在京之步軍統領順天府五城各衙門。及外省之各督撫。通飭地方官。出示勸諭。將各坊肆及家藏不經小說。現已刊播者。令其自行燒毀。不得仍留原板。此後並不准再行編造刊刻。以端風化而息詖詞。○十七年。

飭令五城御史。嚴禁開設會場。招搖婦女入寺。○十八年。

飭令五城御史。如有擊鼓鳴鑼。揚幡賽會者。將為首之人。嚴拿懲辦。○又

諭居民人等。如有家存姦盜邪淫小說。及違礙經卷。或自行燒毀。或呈繳到官。巡城御史衙門。彙送軍機處。驗明查銷。○咸豐二年。

諭京西妙峯山廟宇。每於夏秋二季。燒香人眾。有無賴之徒。以走會為名。裝演雜劇。以致男女混淆。於風化殊有關係。著西北城各御史。先期出示曉諭。如有前項匪徒。即行拏究懲辦。仍不准差役人等藉端擾累。

○同治三年。

諭近日京師地方。竟有施用邪術。迷拐幼子女。報轉

售賣。為害閭閻。著五城嚴密查拏。如有不法匪徒。用

藥迷人。及施用邪術。誘拐子女。報轉略賣者。一經訪

獲訊實。即行奏明。立予正法。以靖地方。○光緒十一年

諭。御史張廷煒奏。京師城外白雲觀。每年正月間燒香賽會。男女雜處。並有託為神仙之說。怪誕不經等語。僧道造言惑眾。及婦女入廟燒香。均干例禁。嗣後著該管地方官嚴行禁止。其餘京城內外各寺觀。如有燒香賽會者。亦著隨時查禁。

煙禁。○乾隆四十一年

諭。據曹學閔奏。請禁水煙一摺。雖屬無關緊要。但火煙已屬無益。因相沿日久。未便飭禁。今更流為水煙。尤非所宜。著交步軍統領衙門暨五城御史。概行禁止。並著甘肅等省一體飭禁。○嘉慶十二年奉

旨。恭阿拉奏。朝陽門查獲私帶鴉片煙之楊姓。請交刑部審辦一摺。所奏甚是。鴉片煙出自閩粵兩省。最為風俗之害。久干例禁。該犯楊姓。膽敢攜至京城地方私賣。殊屬可惡。著交刑部將該犯從何處販運。茲來京賣與何人。嚴加訊究。務得確情。按律定擬具奏。並著五城嚴密查察。如有私帶鴉片煙潛行售賣者。即當擊究嚴辦。○十八年

諭。刑部議奏。侍衛官員買食鴉片煙者。革職杖一百加

枷號兩箇月。軍民人等杖一百。加號一箇月。均著照所議辦理。其各處報轉營販之徒。並著五城順天府步軍統領衙門。及各直省督撫等。一體嚴查。按律究辦。○二十二年

諭。聞近日都城中有以水煙入市售賣者。甚至每歲隨往熱河。逐隊營趁。不可不嚴行禁止。著五城出示曉諭。各令改業營生。如有不遵。查拏懲辦。

囤積。○雍正四年

諭。聞京城近日米價騰貴。恐有姦人囤積射利。擾亂情弊。著都察院轉飭五城曉諭各行戶等。不得高價勒索。有囤積過糶不遵勸諭者。五城御史密行訪察。從重治罪。再將京倉米發五萬石。分給五城。每城領米一萬石。立廠委員平糶。俟市價平減。即行停止。將餘米存貯該城市價一貴。即將此米平糶。以濟窮民。○

乾隆二十五年

諭。上年因得雨水稍遲。糧價易致增長。是以節次酌設五城各廠。未立草束。多方籌畫出糶。以平市價。而麥麵一項。至今源源接濟。所有現在麥價。尤當日就平減。乃據順天府尹奏報。現今時價。較上半月每石加增三錢。此必其中姦商市販。巧為牟利。以致翔貴。若

此國家立法調劑。原屬因時制宜。非可援為定例。且前經降旨。將官員俸祿。先行借放。原期未石倍為充裕。而商販等乘時落價。收買存積。及至支放已停。則乘機昂價獲利。在在有之。京城重地。設官糾察。彈壓至為詳備。願任一二刁民乘間居奇。甚至齊行把持。累及閭閻口食。而莫之懲。傲可乎。著步軍統領衙門。會同五城御史順天府。嚴行飭禁。如有藉此多收囤積高擡市價者。即行查拏究處。以為逐利病民者戒。

○三十七年奏。准嗣後查察市價長落。惟在實力嚴拏。囤積齊行。不稍寬縱。俾閭閻長受平價之惠。至於開張鋪面。逐日交易。原不必繩其多寡。以冀商販流通。○五十二年奏。准嗣後各舖戶存米。不得過五十石。視年歲豐歉。隨時量加增減。儘各該商等。仍敢玩視居奇。一經查出。除將未參入官。仍將該商等從重治罪。○五十九年奏。准米商舖戶。囤積居奇。遇有兵丁等需用銀錢之處。向其借貸。輒將未領米石。先期賤價押買。謂之短米。及屆各倉放米之期。該舖戶等。串通領催車戶及倉書斗級包攬冒領。或參佐領等。素與往來。曲為徇隱。殊干嚴禁。應交步

軍統領衙門順天府及五城嚴行出示。如舖戶人等。現在有將兵丁米石違禁豫買者。除將應領之米。飭令該兵丁自行赴倉關支外。將兵丁責處。其用過舖戶銀錢。不准償還。如姦商等仍敢索討。或參佐領等為之調停了事。許兵丁等自行出首。將索債人從重治罪。該參佐領嚴行參處。以清弊端。○嘉慶五年

諭。京師米糧。無論官民舖戶。一概不准出城鬻賣。久經嚴行飭禁。但恐各衙門奉行日久。稍有廢弛。現在漕米將次抵通。兌竣。京城米糧。任聽門軍車戶米舖人等私販出城。難保無向串挪移之弊。並恐市僧之徒。居奇囤積。以致米價漸昂。實於民食有關。自應重申禁諭。著步軍統領並順天府五城各衙門。酌派番役人等輪流查察。如有私販出城。及囤積各弊。俱當嚴行禁止。該衙門等。經此番嚴禁之後。務須實力奉行。久而無懈。儘番役人等藉稽察之名。任意訛索。滋生事端。一經訪聞。必將該管各官及番役人等。分別嚴辦。示懲不稍寬貸。○又奏。准五城各舖戶。所有未參雜糧等項。每種不得過八十石。逾數囤積居奇者。照違

制律治罪。○六年奉

旨。京師五城各鋪戶。所存米麥雜糧等項。定例每種不得過八十石。儻逾數囤積居奇。即照違制例治罪。但念小民無知趨利。若照定數止准存貯八十石。違制罪法者必多。嗣後各米鋪存貯各種米麥雜糧俱准存貯一百六十石。以便流通糶賣。其現在所餘糧石。若按全數入官。該鋪戶等必致虧折資本。著五城御史查明各鋪戶存貯糧石。除現定額數。每種准積至一百六十石外。餘俱加恩准其平價糶賣。不許囤積。該吏役等亦不得藉端滋擾。致干咎戾。○十五年

諭。御史興安奏請將鄉民糶買細米准令出城一摺。向來粗米不准顆粒出城。所以杜回漕之弊。法至善也。升斗細末。原准鄉民入城糶買。以資口食。本不在禁止之例。乃近日該營員等。往往規避處分。概行關阻。以致實係附近鄉民買食細米。亦一概不准出城。殊於小民生計攸關。著步軍統領衙門。通飭各營員及城門領催等。嗣後該商戶等。如有偷運販賣及囤積牟利等弊。該地方文武員弁。自當隨時實力訪拿。其附近居民糶買細米。數在一石以內者。著照舊定章程。准其出城。毋得攔阻。○十八年奉旨。嗣後五城鋪

戶開設通衢。流通糶賣。間有賣少存多。並非有心滋弊者。雖在一百六十石之外。亦當體察情形。以昭區別。如租賃廟宇民房堆儲。隨時糶賣。即係囤積居奇。雖不及一百六十石。亦當嚴行查禁。

欽定大清會典事例卷一千三十九

都察院

五城私鑄 罰占 禁止 謠言 拐騙 違例 故 債 霸 止 謠言 拐騙 違例 故 紀 收 管 煤 窯 火 房 藏 造 軍 器 戲 館 經 馬 匹 耕 牛 保 結 取 保

私鑄。順治十四年議准。凡失察私鑄。五城坊官。一起降一級。掌印兵馬司。二起降一級。五城御史不行查參。一併議處。十八年議准。凡失察私鑄。五城坊官。一起降二級。二起降四級。皆調用。三起革職。掌印兵馬司。一起降一級。二起降二級。三起降三級。皆調用。四起革職。五城御史不行查參。以疏忽治罪。康熙二十三年定。五城地方姦民私鑄。及銷毀制錢之人。若別經拏獲。將失察之五城官員。皆照處分錢局官員例。議處。二十九年覆准。凡攬和私錢行使之人。查拏被獲。係旗人鞭八十。係民人責四十板。京城外責令五城司坊官。京城內責令大宛二縣。嚴行查拏。若仍有攬和私鑄者。將該管官每起罰俸一年。三十六年議准。嗣後銷毀制錢私鑄販賣。該管官自行緝獲。免其論罪。如不行查出。五城坊官。不知情者。一起降三級調用。二

起革職。掌印兵馬司。不知情者。一起降二級。二起降四級。皆調用。三起革職。五城御史。一起罰俸一年。二起降一級。三起降二級。四起降三級。皆調用。五起革職。雍正三年議准。凡五城司坊官。但能拏獲私鑄者。不論年月遠近。概免處分。文職拏獲。准免武職處分。武職拏獲。准免文職處分。果能實心查拏。不論本管地方與否。視拏獲之多寡。量予議敘。若仍前怠玩。仍照舊例處分。乾隆五十九年奏准。現在京城小錢未能淨盡。交步軍統領衙門五城。順天府一體出示查禁。立限收繳。照例給價。並令換錢經紀。通傳各鋪戶。不准將小錢攬雜入串兌換。並隨時查棟。儘數呈繳。仍交步軍統領各衙門不時查察。毋許吏胥人等藉端擾累。六十年。飭令五城御史。將私鑄小錢。俱令依限呈繳。道光四年。飭令五城御史。嚴禁牟利之徒。不得於局鑄大錢。攬和短數。光緒四年。飭令五城御史。嚴拏私鑄。毋壞錢法。又。飭令五城御史。於京城各門。令所屬認真稽察。毋任

私錢偷運入城。九年。

飭令五城御史嚴拏擺設地攤。及回民蠟鋪將私錢加底換票等弊。以免銷毀改鑄。

私銷。康熙五十六年定。錢局收買舊器。四廢銅。小民圖利。致將制錢毀壞變賣。嗣後停其收買。行令五城嚴緝毀壞之人治罪。雍正五年奏准。凡銷毀制錢地方。密行嚴查。毋致潛藏。如怠忽疏縱。該地方官革職。九年議准。京城鋪戶。有將制錢之邊。磋捶令薄。攪和兌換。鎔化銅末取利者。五城御史查拏治罪。十三年十一

月

諭。京城中姦徒銷毀制錢。著地方官密訪嚴拏。毋稍疏縱。儻仍視為具文。將該管官重加處分。不稍寬貸。

乾隆二十四年奏准。向來米行均以銀交易。近時俱用錢文。源源而往。是大銷耗之一大端。此必有姦商在四鄉收買。巧為販運。令順天府五城一體查禁。出示曉諭。嗣後鄉民雜賣糧價。仍用銀兩。不得多載錢文。違者即嚴拏治罪。其有零星載負。賣得錢文在三五千。及十千之內者。不得查禁。載運數十千至一二百千。即行查拏。

分別治罪。仍將錢文照市價發賣。並嚴禁官役人等。不得藉端滋事。擾累地方。一經訪獲。嚴加究治。咸豐十一年。

飭令五城御史查拏私銷人犯。暨私設錢攤之人。並嚴禁販錢出城。同治元年。

飭令五城御史嚴拏私銷姦徒懲辦。

嚇詐。康熙十一年題准。惡徒借事挾詐。勒騙錢財。公同搶奪。擾害地方者。責成該司坊官不時巡緝。如知情徇庇。及失察者。分別議處。雍正二年議准。凡部院吏役人等。有指稱打點衙

門名色。招搖撞騙。及向拘禁在官之人。恐嚇勒詐財物者。久干禁例。令五城御史實力奉行。訪拏懲治。乾隆三十五年奏准。凡五城地方惡棍。在街衢藉端訛索詐騙。攪擾市肆。行兇不法等事。司坊官一有見聞。即行拏究。如知情不即嚴拏者。革職。得財私縱者。交刑部治罪。不知情者。將該管之司坊官降一級留任。巡城御史罰俸六月。五十年奏准。嗣後都察院堂官及五城御史長隨。散帖請分。永行禁止。許令出分之人。自行呈首。如有不遵。一經發覺。將與者受者

一體治罪。○光緒四年

諭。御史戈靖奏請禁官差訛索一摺。京師地面各衙門。設立官差。原所以供緝捕。若如該御史所奏。在官差役。往往與賊相通。容隱分肥。輒以起賊為名。轉相誣陷。昨有中城水局官人。帶領獲賊。誣擊成衣舖杜姓拷問。並探去銀錢之事。尚復成何事體。著步軍統領衙門。順天府五城。議定章程。嚴行禁止。並甄別紳董賢否。以期得人。遇有公差訛索。即行從嚴懲辦。○又

諭。御史田翰墀奏棍徒指官嚇詐。請飭嚴禁等語。著步軍統領衙門。順天府五城。嗣後遇有傳訊之案。按票蓋印。並錄案由及原告姓名。以防假冒。如查有兵役藉端嚇詐情弊。即著送交刑部。從重治罪。○九年

諭。御史劉恩溥奏滿漢科道賢否不齊。難保無宵小私作摺底。藉名撞騙等語。此風斷不可長。嗣後如有攜帶摺底向人恐嚇者。准將原人原稿扣住。立即送交該地方官。從嚴究辦。以儆刁風。

拐騙。○康熙二年題准。八旗買賣人口。兩家赴市納稅記冊。令領催保結列名。若係漢人。令五

城司坊官查有該管官印票者。准買。永著為例。○六年

諭。凡搶奪婦女。拐騙幼子。此等姦惡之徒。嚴行五城查拏。從重治罪。如所屬地方不行查拏。將該管巡緝官治罪。○又議准。凡聚眾搶奪路行婦女。及以藥餅撲項邪術。迷拐男婦子女。或賣或自為奴婢者。審實。凡夥謀之人。照光棍例。皆擬斬立決。買者知情。減正犯一等。不知情者不坐。失察之五城司坊官議處。○二十三年定。凡私設窩子。誘拐人口之犯。令五城等官嚴行查拏。務盡其類。以靖地方。若不查拏。照錢局官處分例議處。亦不得藉名查拏。妄擾良民。○雍正七年議准。嗣後民人幼孩迷失。收留之人。呈報該司坊官。該司坊官傳人認領。即報明刑部。若收留不報。照誘拐例治罪。○乾隆二十五年覆准。嗣後迷失幼童案件。在內城者。即時稟報該管地方步軍校。即日轉報步軍統領。行順天府。並各該管衙門。外城即時報明該城。並各該管衙門。報到之日。一面行知內外看守城門官兵。加意盤詰。一面飭屬差蹤緝。並通飭內外城附近地方官弁。

一體稽查。嚴緝務獲。如該管官弁據報不即轉呈關緝。以致遲誤者。照推諉事件例議處。並通行京城內外各衙門。嚴飭所屬於偏僻處及交界地方。實心查緝。使兇徒不致漏網。緝獲之日。審係迷拐。將失察員弁。照例分別議處。其鄰境地方員弁。有能盤獲迷拐之犯。量予紀錄二次。以示鼓勵。

違例放債。乾隆二十三年議准。嗣後在京放債之人。凡有通挪借貸。務遵定例取息。按年計算。其三月倒票刀風。交步軍統領五城御史出

示曉諭。永行禁止。如示禁之後。仍有短票盤剝情弊。查訪確實。即行嚴拏。交部治罪。其銀入官。借債之人。許其自首免罪。嘉慶四年。

飭令五城御史。嚴懲牟利之徒。不得向候選官員。私用短票扣折。重利盤剝。二十五年。

飭令五城御史。嚴禁私設帳局。向候補候選官員。勒捐盤剝。道光十三年。

飭令五城御史。嚴禁姦商出放官債。重利盤剝。

霸占。雍正八年議准。嗣後五城地方。私立水窩名色。分定界址。把持賣水。不容他人擔取者。

照把持行市律治罪。該地甲役。知有私立水窩。不即舉報者。照不首告律分別治罪。該司坊官不行嚴禁。照約束不嚴例議處。又議准。五城地方民人。有喪葬婚嫁等事。須用人夫車轎。悉聽本家自行雇覓。如有私分地界。霸占損擡。多取價值。不容本家雇覓者。立拏枷示兩月。杖一百。仍令司坊官曉諭。永遠遵行。該地甲役。知有損擡攬頭。不即舉報者。照不首告律分別治罪。該司坊官不行嚴禁。照約束不嚴例議處。又

定。凡京城無帖鋪戶。如有私分地界。不令旁人攬運者。各枷兩月。杖一百。乾隆三十五年。奏准。京城向來食水之家。俱係挑水人占定。三十家或十餘家不等。起自何人挑送。即成為世業。並可輾轉售賣。設挑水人他往。或爭長價值等事。稍不遂欲。即勒捐食水之家。不准另雇他人挑送。實為相沿惡習。嗣後由五城御史嚴加革除。凡各井挑水者。如有把持多家。任意增價。及作為世業。轉相售賣者。令該戶呈首。或經



查出。即照把持行市例治罪。○嘉慶十三年。飭令五城御史。嚴禁各行公議擡價。

禁止謠言。○雍正元年。覆准。書吏提塘人等。除紅本

上諭外。如有訛造無影之辭者。該司坊官嚴行查拏。○二年。議准。吏兵部科銜役。及各省報房。探聽事件。捏造言語者。該司坊官嚴行查拏。○十三年。奏准。嗣後無論事之巨細。若非據實首告。編造歌謠詩詞。黏貼街巷者。五城御史拏送刑部治罪。○光緒八年

諭。近來投遞匿名書信。不一而足。甚至刊刻成書。以絕無根據之詞。肆口誣讎。顛倒是非。淆亂觀聽。於朝政大有關係。著五城御史出示嚴禁。嗣後如有向京官私宅。投遞匿名書信者。即將來人送交刑部。嚴行究辦。以儆刁風。賭博鬪毆等件。○康熙十五年。議准。凡失察賭博之司坊官。每起罰俸一月。二起巡城御史罰俸一月。三十年覆准。凡有造紙牌骰子者。該司坊官嚴行查拏。京城現有之紙牌骰子。限一月內銷毀。○雍正元年。覆准。凡有開鴉鷄園關

雞坑蟋蟀盆並賭關者。該司坊官嚴行禁止。○三年。奏准。凡開園關雞鴉鷄蟋蟀者。照開場賭博枷責例治罪。其該管官亦照開場賭博之該管官例議處。○十二年

諭五城司坊等官。各有管轄之地。越界拏人。固不免滋擾。然路遇鬪毆。酗酒。拐騙。嚇詐之徒。若因地非管轄。遂置而不問。以致逃遁無蹤。亦非稽察整飭之道。似應不論何地。皆准其拘執。移送該城司坊官。聽詳該御史審訊發落。至曖昧隱僻。不法等事。雖訪聞的確。猶非刻不可緩。則准其密詳該城御史查拏。並密詳本城御史存案。如此庶無推諉。亦不致攙越。其應如何定例。著九卿議奏。欽此。遵

旨議定。嗣後五城司坊官。途遇鬪毆。酗酒。騙詐等事。不論何城地方。均令當時拘執。押送該城司坊錄供。詳解該城御史審訊發落。一面報與本城御史存案。備仍泥疆界。不即拘執。以致案犯脫逃者。巡城御史題參。照疏脫例議處。至曖昧隱僻。不法等事。各司坊官訪聞的確。亦不論何城地方。准其密詳該城查拏。仍密詳本城存案。均歸於各城造冊。送都察院註銷。備該役藉端訛詐。

嚇索不遂。架辭妄稟。及司坊官擅作威福者。該城題參議處。再司坊各設捕役。專緝匪類盜賊。亦不得因非本管地方。明知故縱。竟不擒緝。儻有明知故縱。及受賄情弊。將該役治罪。該司坊官照疏忽例議處。再五城地方。多與大宛二縣接壤。仍不分彼此地界。一例緝拏。○乾隆五年議准。正陽崇文宣武門內。皆係旗人居址。雖有民人錯處。而街道則有兵丁查看。堆撥柵欄。則有兵丁看守。又有步軍尉等直宿巡邏。不但五城捕役無可參置。即司坊官亦無從查問。是以向例未曾設有巡役。遇有逃盜賭博等事。既無捕役巡察。則司坊官自不應一律參處。嗣後正陽崇文宣武門內。五城分管地方。除人命及活傷驗報不實。照例各處外。其逃盜賭博等事。皆免司坊官失察處分。至正陽崇文宣武門外。五城分管地方。各設巡役。遇有人命逃盜賭博等事。令該役按地緝拏。如該司坊官有失察逃盜賭博等事。仍照例參處。○又議准。捕役等如有受賄故縱。聚賭窩賭者。嚴加治罪。將失察之該司坊官議處。○道光十九年奏准。步軍統領衙

門順天府五城於各旗營附近處所。一體嚴查。遇有回民開局誘賭之事。拏獲究辦。○光緒九年。飭令五城御史。嚴拏兇惡痞棍。遇事生風。動輒羣毆之人。收管。○乾隆二年奏准。嗣後刑部五城步軍統領衙門審擬竊盜。如係本京之人。交保甲收管。該地方官不時點驗。其不知籍貫者。分發大宛二縣。安插收管。○十一年議准。嗣後安插人犯。除大宛二縣稽查外。如屬在五城者。該司坊官一併點驗。煤窯。○順治十二年題准。西山過街塔山玉泉山。紅石山杏子口一帶煤窯。永行封禁。○康熙十年題准。燒稅累民。准予豁免。遞年應用之煤。照時價招商辦用。其煤窯事件。聽五城州縣管理。○五十二年題准。紅石山。蝎子山。自青龍橋。迤北高兒山。破頭山。楊家頂一帶。均關風水。行文五城等官。通行嚴禁。毋許採斫。若有將禁止之處。私行偷斫石料者。查拏治罪。嗣後如有修造之處。應用石料。著欽天監官前往踏看。果係

無關地脈之山。方許開採。又定西山一帶密  
 通京城地方。內外官豪勢要之家。私自開窯燒  
 煤。鑿山賣石。立廠燒灰者。問罪。初一月發邊衛  
 充軍。干礙內外官員。各奏提問。乾隆十一年  
 議准。按楊家坨軍莊。在渾河以西。諸處煤窯甚  
 多。在香山數十里之外。毫無開礙。仍照常聽民  
 開採。其過街塔子公寺東西一帶。現有煤窯。為  
 數無多。稽察尚易。且離香山西外牆尚有數里。所  
 有現在煤窯。仍聽開採。不必查禁。其廢窯內。如  
 有情願復開。亦應聽民之便。此外附近過街塔  
 如天台山。談玉邨諸處。如有請開者。令先呈明  
 該地方官。詳報步軍統領順天府。委官確勘酌  
 量辦理。四十七年覆准。向例民間報開窯座。  
 經地方官查驗後。給發循環印簿。令窯戶填註  
 做工人花名。送地方官查覈。以杜潛藏匪類。但  
 循環印簿。既假手於窯戶登記。不惟有名無實。  
 且易啟胥吏藉端勒索之弊。嗣後如有可開窯  
 座。屬京汛者。令該處民人具報步軍統領衙門  
 查驗。屬順天直隸省者。由各該地方官轉報府  
 尹總督衙門。派員查驗。即令開採。不必給予循

環印簿。以杜弊端。

藏造軍器。雍正二年

諭八旗盜甲器械等物。曾經禁止質當。今再嚴加禁約。  
 交與八旗五城。以永年為限。儻經查出。將五城官員  
 治罪。或有不肖之徒。藉此訛詐者。並應嚴禁。十二  
 年議准。嗣後民間鐵鋪內私造之烏槍。及民間  
 違禁隱藏之烏槍。在京行令五城司坊官。勒限  
 兩月。嚴行追出。交兩翼鐵匠局。如逾限不能追  
 出。並民間有隱藏不行交出者。一經查出。將私  
 造隱藏之人。並失察之地方官。照例分別治罪。

嘉慶十八年。

飭五城御史嚴禁典鋪收當各營軍器。

戲館。康熙十年議准。京城內城。永行禁止開  
 設戲館。其城外戲館。如有惡棍藉端生事。該司  
 坊官查拏治罪。乾隆二十七年奏准。前門外  
 戲園酒館。倍多於前。八旗當差人等。前往遊讌  
 者。亦復不少。嗣後交八旗大臣步軍統領衙門。  
 不時稽察。遇有此等違禁之人。一經拏獲。官員  
 參處。兵丁責革。仍令都察院五城順天府各衙  
 門。出示曉諭。實貼各戲園酒館。禁止旗人出入。

○又奏准。在京如有需次人員。出入戲園酒館。不自愛惜名器者。交步軍統領順天府及五城御史。嚴行稽察。指名糾參。以示懲儆。○二十九年奏准。五城戲園。概行禁止夜唱。○三十九年議准。嗣後無論城內城外戲園。概不許旗人潛往游戲。交各旗該管大臣。嚴切誡諭。隨時稽察。毋許違犯。並令步軍統領衙門及都察院轉飭五城御史。日派番役甲捕人等。巡緝訪查。如有旗人擅入戲園。除將本人照例懲治外。並將管束不嚴之該都統等。交部議處。○四十一年議

准。嗣後如有旗員赴園看戲。一經發覺。除將本人治罪外。並即查明。如係各部院衙門司員筆帖式等官。及各營官弁。即將該管之各堂官附參。交部議處。其本旗都統等。毋庸交議。如係參佐領等官。及閒散世職。即將該管之都統副都統附參。交部議處。若係驍騎校以下人員。並將該管參佐領一併議處。○五十年議准。嗣後城外戲班。除崑弋兩腔。仍聽其演唱外。其秦腔戲班。交步軍統領五城出示禁止。現在本班戲子。概令改歸崑弋兩腔。如不願者。聽其另謀生理。

儻有怙惡不遵者。交該衙門查拏懲治。遞解回籍。○嘉慶八年

諭。嗣後著步軍統領衙門五城巡城御史。於外城開設酒館戲園處所。隨時查察。如有官員等改裝潛往。及無故於某堂某莊游讌者。據實查參。即王公大臣。亦不得意存徇隱。○十二年

諭。給事中嚴烺奏現在霽雨未霑。請於齋戒期內。飭令大小臣工。凡遇喜慶等事。暫停演戲。並請敕下五城御史曉示各戲園。毋許演唱戲劇一摺。向例齋戒期內。原俱禁止演劇。况值望澤維殷。朕齋心籲禱。屬在臣工。仰體宵旰勤求。諒亦斷不出此。至外城戲園。於祈雨齋戒日期。未必盡能知悉。但當雨澤愆期之際。節次設壇祈禱。並降旨平糶倉糧。清理庶獄。凡所以關繫民瘼者。無不刻深縻廬。小民等自不當恣意燕樂。然未經明白曉示。伊等亦無由謹避。著五城御史豫行曉諭居民人等。凡遇齋戒日期。並祈雨齋戒及祭日。所有戲園。概不准演唱戲劇。以昭肅敬。惟所稱侯甘雨霑足之後。再聽其便。此則不必。朕齋居默禱。所夕虔祈。恪恭寅畏之誠。無時不仰希

昊鑒。豈閭閻所能深悉。若因朕心夙夜乾惕。謂民間皆

宜敬體此意。未免繩之太過。且恐民間以演劇營生者。轉致失業。向隅。覈之定例。亦未符合。嗣後若非齋戒之期。毋庸飭禁。○十八年

諭外城地面開設戲園。本無例禁。但演唱淫詞豔曲。及好勇鬪狠戲劇。於人心風俗。大有關係。著該御史等嚴行查禁。以端習尚。○道光四年奏准。凡太監等母許在戲園酒肆飲酒聽戲。如有犯者。即責成該管營汛員弁及司坊官員查拏。送交內務府辦理。○又定。嗣後如有呈請建設戲樓者。俱不准行。○咸豐二年

諭京師五城。向有戲園戲莊。歌舞昇平。歲時燕集。原為例所不禁。惟相沿日久。競尚奢華。或添夜唱。或列女座。燕會飲饌。日侈一日。殊非崇儉黜奢之道。至所演各劇。原為勸善懲惡。俾知觀感。若靡曼之音。鬪很之技。長姦誨盜。流弊滋多。於風俗人心。更有關係。著步軍統領衙門五城御史。先期刊示曉諭。屆時認真查辦。如仍蹈前項弊端。即將開設園莊之人。嚴拏懲辦。經紀。○乾隆五年議准。嗣後京城酒行經紀。除每兩應得用銀三分外。不得絲毫多取。賤削商民違者。司坊官查拏治罪。○咸豐八年

諭御史富稼奏請飭嚴禁錢市賣空一摺。據稱錢市舊規。各持現銀現錢。互相交易。近日市間多有憑空言買賣之人。並有官號影射買銀之弊。故銀價日昂。百

物因之騰貴。著順天府五城立即嚴拏。照刑部新定章程懲辦。並將代保之經紀。一併嚴懲。

馬匹耕牛。○康熙三十一年

諭一應馬匹。不許宰殺貨賣。著永行禁止。交與五城等官嚴查。如有宰馬賣者。拏送刑部。從重治罪。○雍正三年定。凡旗人將在京馬匹。販至外省發賣者。處絞。說合牙人。不分旗民。減一等科罪。該管佐

領等及該管五城司坊官。不行查禁者。交部議處。○五年議准。嗣後宰賣偷竊耕牛。五城司坊官嚴行禁止。違者嚴拏照例治罪。○七年

諭聞民間竟有私宰耕牛之事。著該部步軍統領順天府府尹五城御史等。通行曉諭京城直省。並嚴行查訪。如有違禁私宰。立即鎖拏。按律究治。如該管官不實力嚴查。致有干犯者。定行從重議處。

火房。○雍正十二年議准。五城及順天府。轉飭各司坊官。大宛二縣。令各處火房。設立循環簿。將逐日投宿之人。詳開姓名住址行業。十日一

報。儻有行止可疑之人。即令呈報該地方官。詢知住址。遞回原籍安插。儻不據實呈報。將開設火房之人。照不應律責處。儻遇有患病受傷身死之人。並不具報者。照移屍律治罪。地方官不行查出。照失察例議處。○乾隆二年奏准。從前火房。不許容留刺字之人。以致此輩無處容身。嗣後各處火房。許前項孤身無業之人宿歇。仍照例設循環簿稽察。○十一年奏准。五城御史轉飭各司坊官。將設立循環簿編查保甲之處。遵照雍正十二年及乾隆二年定例實力稽查。嗣後開設火房之人。容留匪類。如有犯強竊案者。分別有無知情分贓例治罪。保甲人等。照所管內有為盜之人。贖徇隱匿例。分別責處。保結。○雍正三年奏准。凡部內題結軍流徒犯。及免死流犯。發遣以前。告稱祖父母父母老疾。家無以次成丁者。如屬五城民人。令掌印兵馬司指揮出結。巡城御史確查報部。若有捏出印結及受賄者。從重論。失察者。交部議處。其鄉約地方總甲。十家長。兩鄰內有徇庇假捏出結者。杖一百。受財出結者。杖一百。徒三年。若地方官

出結後。上司復令查出。或原官查出。及鄉約人等首送者。除本犯仍行發遣外。官員及鄉約人等皆免議。其在人犯咨解到部之後。告留養者不准。○十一年題准。嗣後刑部更夫。行令五城

召募。擇勤慎者准其供役。○又定。凡

陵寢採買米麥價值。及各部院須知雜糧價值。並由五城司坊官呈報。○又定。凡官員領憑。在京病久未能起程者。吏科批發該坊查驗。該坊據實驗明。出具印結報科。○又定。凡鑾儀衛校尉缺。於現役校尉親生子及兄弟之子內選擇堪用者

充補。如校尉子弟不足。移交五城召募。該坊官查無過犯身家殷實民人。出結保送。其每月應領工食。並出具印領。現由內務府於○道光十

年

諭。著步軍統領衙門順天府五城。嗣後遇有錢鋪關閉逃走者。即將該鋪戶管事人等一併查拏嚴究。並咨行本犯原籍家屬名下。著落追償。毋任隱匿。其互保之錢鋪。先令代為開發。各該管地方官。務當遵照定例認真稽查。有犯必懲。斷不可視為具文。任令姦商挖累閭閻。○同治三年

諭奎英奏外火器營兵丁領餉換錢請添保殷實鋪戶以資周轉一摺著管理火器營王大臣妥議具奏欽此遵

旨奏准所有藍靛廠外行錢鋪暫開寄存錢票應令其陸續收回仍請

旨准其挂幌數分飭令該管司坊詳細查明不必拘泥何鋪令其取具聯絡切實保結咨覆本營擇其最為殷實鋪商准其挂用錢幌以免層層牽制取保○雍正五年議准嗣後五城拏獲輕犯未經審理之先應行收禁者令該衙門照常收禁

若情罪甚輕令取具的保候審不必監禁如有疏縱等弊即將原保之人一併究治○乾隆四十一年議准嗣後五城送部之案如案犯住址即在原址所管地方仍發交原城司坊官取保其餘各衙門移送案內應行取保人證如本無原城可發者各按本人居址坐落何城即發交該城司坊官就近取具的保其由外省州縣提到例不監禁人證即令本人自舉其親識寓居所在交城就近發保若並無親識者即交城看守以上取保犯證均令各司坊官當堂給領仍

將保人姓名具文報部以憑查覈

欽定大清會典事例卷一十四十

都察院

五城 清理街道 溝渠 柵欄

清理街道。順治元年定差工部漢司官一人。

清理街道修溝渠。仍令五城司坊官分理。

十八年題准京城內平治街道如有侵占者五

城御史兵馬司分各城地方同步軍總尉副尉

等清理。康熙二年覆准內城令滿漢御史街

道廳步軍翼尉協尉管理外城令街道廳司坊

官分理。三年覆准街道分左右翼差工部滿

漢司官管理。十四年覆准內城街道溝渠交

步軍統領管理外城交街道廳管理。四十三

年奉

旨。街道交步軍統領專管。四十七年奉

旨。著給事中管理街道。五十二年覆准監督街道仍

差工部滿漢司官各一員。定限一年更代。乾

隆十九年

諭。五城街道泥土每歲填積增高。行路居人均屬不便。

著管理河道溝渠大臣等詳勘量其修理之費。動支

官帑。除去積土。堆置就近城外隙地。此番官辦後。隨

時春除。自易為力。並令該管衙門酌照從前煤車回  
空攜帶沙土之例。善為經理。毋仍壅積。但不得任聽  
兵役抑勒滋擾。三十一年

諭。工部每年題派滿漢街道廳各一員。專司外城街道

溝渠。乃行之日久。漸成故事。每逢雨後泥淖。溝道並

未稍為修治。則所謂管理街道。徒屬有名無實。現在

特發帑金。將京城內外街道溝渠。概行修整。專派大

臣董司其事。期於經久。工竣以後。必須妥員實心經

理。庶有成效。嗣後著工部堂官及步軍統領衙門各

揀選賢能司官二員。並令都察院保送御史二員。帶

領引見。候朕派出管理。以專責成。仍每年更換一次。

○又奏准南城副指揮駐紮永定門外。所遺衙

署。給予街道廳為辦事之所。三十三年奏准

管理街道科道出差。照查旗之例。期在一年之

內。有由該堂官揀員委署。三十五年議准街

道挑除積土。導水歸溝。令五城御史並街道廳

衙門。曉諭居民。無論大街小巷。隨時自行剷削。

不許再將灰土任意傾潑。四十一年議准大

街官溝地面。原不容鋪戶居民侵占。以致街道

窄狹。嗣後責成管理街道御史。並會同五城御



史逐細清查。每城造冊二本。一送工部。一送街道衙門存案。但須秉公查勘。不得任聽司坊官及胥役瞻徇情面。辦理不公。如有藉端需索騷擾市廛等弊。即行查參。至造冊之後。如有鋪戶人等呈報拆蓋房屋等項。該管街道衙門務須親帶司坊官員持冊查對明確。實力奉行。應清出者。即行清出。並無騎溝礙道者。方准興修。不得僅委坊官詳報率准。五十年議。准嗣後大街小巷。無論官民商賈及開居之人。凡有方能兼顧者。俱照舊例。責令各就住房門面之街道隨時修理平整。其實係貧乏小戶。僅止婦女幼孩及空屋隙地。則責令看守柵欄之堆兵及鋪頭坊役常川剗墊。務將地形凸凹及車轍較深之處。鏟築平坦。不許留有坑窪深溝。並令將堆存穢土。停蓄積水。隨時爬掃疏濬。其有溝面未經蓬蓋。並巷口進路欹崎。或穿牆出穢作踐者。亦一律收拾平坦潔淨。並令該管各官於雨雪初止之後。即親自巡查。督令刮泥平治。如有不行遵辦者。輕則申飭。重則責懲。仍嚴禁五城坊官及胥吏坊役人等。不得藉端滋擾勒索。其無

賴情。民於低窪處所。暗掘坑坎。令車陷入。以至呼助挽曳。索錢漁利者。該管官尤當留心查察。有犯必懲。至管理街道御史。向係都察院選派二員。帶領引

見。欽點一員。每難兼顧。嗣後保送管理街道之御史。派滿漢各一員。俾住居外城之漢御史。更得就近不時稽查。街道廳向係一年為滿。未免太速。嗣後照巡城之例。統以兩年為滿。再請更換。五十六年奏准。街道廳係照巡城之例。二年更換。

今巡城已改一年。所有管理街道之御史司員。亦以一年為滿。奏請更換。○嘉慶十二年奉

旨。據管理街道廳御史慶元等奏。請將印信存貯公署。一摺。都察院十五道御史及巡視五城御史印信。向例俱存貯都察院衙門。惟街道廳印信。相沿存貯管理街道滿洲御史私宅。殊於體制未協。嗣後著交存都察院公署。遇有鈐印事件。隨時取用。以昭慎重。○十三年奉

旨。城垣切近地面。挑取土方。應定以限制。著即照所議定例。以距城五丈為限。五丈以內。不准取土。所有崇

丈門外現在挑挖土坑在五丈以內者即令承修之員勒限填築完固並補還低窪處所以免積水此次因向無成例承修官免其議處若定例以後再有於近城五丈限內取土修工即著該管官查禁奏奉。

十七年

諭京師首善之區商賈雲集正陽門大街兩旁向有負販人等列市貿易勢難查禁但毋許侵占軌轍以使車馬往來著步軍統領及督理街道衙門隨時稽察如沿街鋪戶及市僧等搭棚露積致礙官街者即押令移徙以利經涂。十九年

諭京城街道寬廣應修治蕩平以昭整肅商賈人等肆而居其搭棚露積致礙官街者例有明禁衢巷居民亦不得將煤渣等物拋積中遠壅塞道路近日該管各衙門並不認真經理仍墮因循疲玩惡習以致料道等屢形奏牘步軍統領及督理街道衙門俱著傳旨申飭嗣後務各就所管地面實力稽察如市販等有搭棚座侵佔官街者即押令移徙其積土壅高之處亦隨時督率起除以利經涂。道光九年

諭此案解任御史安明於前任批准修理之件如果知其實有情弊何難立即查辦乃始而自往查勘聲言

李時軒房基侵佔街道四五尺繼復勒寫書吏筆據指為侵佔二三寸是尚無真知灼見何以當時不會同沈魏皆前往查勘託故遷延必欲票傳住戶致書吏謝宣微窺其意敢於懇令罰錢免究雖據訊明送到罰錢未經接收已屬有干功令至於家人卑役時時嚴行約束尚恐其遇事招搖乃竟遣令干預公事實屬謬妄安明著交部嚴加議處沈魏皆既與安明意見不合阻止不從即應赴都察院公署陳明乃輒至那清安等私宅訴說且於批發另案報呈並不加意致有筆誤殊屬疏率著交部議處都察院左都御

史那清安既知該御史等因事齟齬應傳令至署公同查辦乃將安明傳至其家詢問亦屬不合著交部議處。又奏准五城街道遼闊額設鋪頭無多不敷差委其通衢大道尚可藉附近鋪戶捐貲修墊若僻靜小巷零星住戶難以斂錢應准其借款生息為修理街道經費以資久遠而免擾累所有籌借銀三萬兩在部庫撥給由承辦衙門派員赴部關支發商生息除每年以一半息銀作為修理街道經費外其餘一半息銀按年解交部庫歸還原款仍俟歸完後在原撥銀三萬兩

內提回銀一萬五千兩解部查收。○又定修理街道章程五條。一。五城街道有應起應墊處所其鋪戶稠密之處仍勸令各鋪戶捐貲官為修理其鋪戶稀少之處捐貲不敷酌用息銀添補。一。五城街巷應修處所須分別緩急擇其尤要者挨次修理按季將修過街道並支用生息銀兩造冊咨報工部。一。各司所存息銀遇有應行修整地面相度工程鉅細酌提息銀若干兩不敷再行提用。一。凡有修理之處街道御史自為經管不得派委司員遇有工作令書吏立簿逐

日登記以便完工彙總覈銷街道御史不時親身察勘以杜浮開冒銷之弊。一起高墊窪街面務須一律平坦其起街餘土如有添墊房基者聽其自行出貲運用或回空大車情願載運出城糞田者亦聽其便不許勒派。○十六年奉

旨此案兵馬司史目高士英指控御史供詞狡執著交刑部確切訊明照例辦理欽此遵

旨訊明高士英革去候選兵馬司史目以為恃符撓公者戒巡視街道御史王藻因高士英恃符頂撞抗不修街遵照臺規將其責懲並無不合應毋

庸議。二十一年奉准管理街道御史如有升遷事故出缺距更換之期在三月以外奏請派員接查在三月以內揀員署理俟更換之期仍由工部照舊咨取。○光緒七年

諭都察院奏街道廳干預五城事務請旨撤去差使一摺京城鋪高貿易如有應行查辦之事向由巡城御史覈辦給事中孔憲毅管理街道輒即擬定章程諭令鑪房商人遵辦實屬任意干預孔憲毅著撤去管理街道差使。○又

從嚴懲處一摺國子監助教朱榮清於伊戚劉姓修理房屋堆擲瓶土阻礙水道經邵日濂派役清理輒即登門咆哮並唆令劉姓婦女跟追辱詈實屬恃符妄為朱榮清著交部嚴加議處嗣後居民人等如有阻撓逞刁情事著該御史隨時懲辦

溝渠。○凡五城溝渠一年一次修理務使疏濬深適不得壅塞該坊副指揮史目分年輪管

諭聞前三門外溝渠壅塞人家存水街道泥淖行路艱難如有積水之處作何疏通毋使居民受害步軍統

領察覈奏聞著該城御史街道廳營弁會同料估啟  
奏動用內帑修理如有騎溝大房著拆毀賞銀以償  
其費○乾隆二十七年奉

旨工部議覆御史湯世昌條奏廣開溝渠以資蓄洩事  
宜一摺所辦尚未周悉自來力役一項載在方策以  
其事本為捍衛民生而設則供官正所以自為並非  
徵求無藝也第如摺內所稱富者計畝出夫貧者出  
力餬口一切並責之閭閻微特小民久樂昇平已素  
不識公甸之令設使地方不肖吏胥因而從中高下  
其手苛派賄脫何所不有轉非因利利民之本意自

宜分析籌畫如有地與民田民舍甚為切近而工程  
又屬細微民間願出己力從事者原可聽其自行疏  
築不必繩以官法外若其工程非旦夕可既而民力  
更難以全任則仍當官為酌助口食之資庶民不艱  
而事易集於公私實為兩得現在京城外道途低窪  
處所已降旨特派大臣會同步軍統領衙門辦理此  
案南城外應修溝渠道路亦非五城御史等所能任  
並著工部會同步軍統領衙門悉心確勘妥辦○三

十一年

諭京城內外河道溝渠前經動帑興工以資清治迄今

雖閱有年物料或漸朽敝亦究因估辦之初未能覈  
實經理所致是以每歲仍事補苴難以經久完善今  
據該管大臣等議覆御史戈濤請修街道溝渠條奏  
估需銀十七萬餘兩此項工程關係緊要况現今估

料大修更非從前隨時修治者可比原不惜多發帑  
金以為久遠利民之舉然非悉心籌辦實用實銷徒  
費多金於事終為無補惟在董辦大臣稽覈精詳毋  
使工程稍有偷漏從此經塗平坦溝道宣通足垂悠  
久現在如阿里衮等每日入直內廷管理事務殷繁  
勢難親身督辦著添派英廉期成額會同該管大臣

實力興修其應需分辦司官不必泥於成例僅在工  
部司員中揀擇著於各部院衙門遴選明幹人員奏  
派委用令其分段承修妥協辦理以專責成阿里衮  
等仍不時前往查察務期帑不虛糜工歸實用事竣  
後當派大臣覆勘儻工程仍前草率一經查出或朕  
別有所聞不惟該管大臣及承辦之司員各無可辭  
英廉等係特行添派大臣責任較重更難寬貸也○  
又議准外城街巷溝渠向未動帑修濬者酌量  
改修以資宣洩此外小巷各溝仍令街道廳飭  
五城該管官董率居民鋪戶遇有坍塌者即行

修整務使接連大溝一律通順。○三十二年奏  
 准外城修竣溝工。責成街道廳並五城御史加  
 意照管。每年春開溝之際。該御史等督率各  
 鋪戶居民。照內城批溝之例。將門面之溝。逐一  
 淘挖。使戶戶接聯。一律深通。水有去路。其蓬砌  
 甃石。毋致稍有傷損。仍嚴察胥役人等。不得藉  
 端需索。至淘挖之後。即由該御史等奏請  
 欽派管理河道溝渠大臣一二員。親往查勘。如有虛  
 應故事。不肯實力淘挖。致溝身淤塞。以致損壞  
 甃石者。即行參奏。其蓋溝石塊。俱候查勘後方  
 准照舊鋪墊。仍令該管大臣責成原辦。監督加  
 謹保固。○三十四年奏。准外城官溝。每年春初  
 即行查報。速為覈算。給項與民溝同時興舉。將  
 淤泥淘淨。以資宣洩。又覆准內城官溝。照外  
 城一律辦理。○三十九年議。准外城每年淘挖  
 溝渠完竣。請派大臣履勘之例。應行停止。嗣後  
 官溝淘竣。由五城街道官報明河道溝渠大臣。  
 各派妥幹司員一人。會同五城街道等官。剋期  
 查勘。蓬蓋定限。自二月初開凍後為始。至三月  
 底止。一律完竣。如有稽遲逾限。溝夫需索等弊。

經委員等查出。據實稟報。經該管大臣訪出。將  
 委員一併參究。○五十年議。准嗣後每年外城  
 淘挖溝渠蓬蓋時。將大小各街道酌留溝眼處  
 所。詳細註冊。令該管官員率領副指揮史目等。  
 隨時稽察。如有居民鋪戶人等。私行填塞者。嚴  
 行懲治。○嘉慶十七年

諭。御史榮椿奏。稱京城大小溝渠。並不認真開通。請飭  
 該衙門實力稽查等語。京城街巷溝渠。每年循例疏  
 治。以利經涂。若虛應故事。致有壅塞。值大雨時行。必  
 致停潦。有礙往來。著交工部步軍統領暨督理街道

衙門隨時稽查。如有溝渠坍塌及街巷積水之處。查  
 明修整。其修費著落承辦之員。分別攤賠。○二十年  
 諭。京城河道溝渠。每年動用歲修銀兩。開挖疏通。管理  
 之員。自應實心督辦。不使稍有阻塞。近來淤積日甚。  
 溝水不能暢流。每遇大雨時行。多有積潦難行之處。  
 御史等疊次奏言。自係該管官因循疏懈。不能如法  
 疏濬所致。嗣後著管理河道溝渠大臣及該管各衙  
 門督飭所屬實力批挖。認真查驗。務令水道宣通。毋  
 得草率從事。○道光元年

諭。工部步軍統領衙門會同查覈前三門外溝渠街道

有應行修理段落甚多。著照所請自道光二年起將外城溝渠酌量情形緩急逐漸增修。其每年估用銀兩准其照向來合計內外城溝渠歲修銀數以三萬餘兩為限。該管河道溝渠大臣務督飭所屬認真疏挑修理俾工歸實用帑不虛糜以期一律通暢完整。並著管理街道御史隨時稽察如有浮銷偷減情弊即行據實參奏毋稍瞻徇。○九年

諭京師為萬方輻輳之地五城街道自應隨時修治平坦其工部及步軍統領衙門派出司員應與滿漢御史會商辦理以昭慎重。著責成管街道御史協同各該司員如遇有停潦及車轍傾陷之處即撥役修墊毋得日久因循所有該廳一切公事並著該員等到署會同商辦不得稍有推諉。

柵欄。乾隆二十三年奏准外城坊巷柵欄俱責成五城三營管轄載入交代不得任其傾圮。如三年限內傾壞者查明咨部令原辦官賠修。限外遇有些小損壞令五城隨時設法整理至期屆十年或須大加修葺五城三營會同確勘奏明咨部修整。○二十九年奏准外城各街道柵欄設有柵欄至為嚴密交五城不時稽察務

令以時啟閉柵頂仍釘木板書寫街道柵衙名色。○三十四年奏外城柵欄交五城御史督率坊官不時查看如有零星傷損即令就近商民隨時修補其堆撥房交三營將備隨時查看動用營中公項貼補常令完整仍令街道廳按季查驗如有殘損過甚即令參奏奉

旨此項柵欄著交都察院會同步軍統領衙門每年將有無修理及是否完整之處於歲底查明具奏。○道光二年

諭京城內外街道設立柵欄暮閉晨開盤查形迹可疑之人其有公務急速等事仍即時放行立法至為周備現當一律修整之後著步軍統領衙門嚴飭堆撥兵役並該管地方司坊等官認真稽察按時啟閉如有脫漏立即修補毋得堆積泥穢致滋虧朽。○同治元年

諭前因御史瑞亨奏請修復堆撥柵欄並飭五城認真稽察各摺片當經降旨著步軍統領衙門會同都察院五城御史議奏茲據奏稱八旗地方照該御史所奏各按界址由巡城御史與步軍統領衙門表裏稽查應如所議辦理至堆撥柵欄損壞處所均應即時

修補各住戶紳富軍民人等急公好義者居多如欲自行修理亦聽其鳩工建立共相保衛以昭嚴肅地方官弁不得從中掣肘○四年

諭御史夏獻馨奏京城八旗地面向設柵欄一千一百餘道日久損壞實多外城柵欄廢弛已久致明火盜劫糾結往來毫無覺察請飭申明舊例嚴密稽查等語著步軍統領衙門順天府五城御史嚴飭所屬員弁及司坊等官於安設柵欄處所一律修補完整並責令兵役人等實力稽查專司啟附偵查有疏懈情事即行從嚴懲辦

欽定大清會典事例卷一千四十一

都察院

五城石路 官房 民房 客店 教場 河崖 承運 醫集 遞解 供應  
供應夫役 仵作

石路○廣甯門外石路及兩旁土道令南城副指揮西城吏目今改歸東便門至朝陽門外石路及兩旁土道令東城吏目今改歸各遵部定丈尺修墊平坦○乾隆十七年議准廣甯朝陽左安右安永定等五門土道遇有應行修墊者由巡城御史勘報都察院堂官覈明咨部興修以杜冒銷○又覆准東南西三城所屬土道俱令隔年修墊一次○二十九年覆准自新莊至土城德勝門至清河一帶新開大道行旅輻輳道旁柳株務令成活大宛二縣將栽種數目報部都察院步軍統領飭五城三營巡查看守毋令損傷○又覆准阜成門外新開大道自慈惠寺前起至兩家店一帶大興縣所種柳株交都察院飭城看守不時巡查○三十一年議准正陽門大街石道兩旁鋪面溝渠之外各定車路一大飭令營汛堆兵及城坊鋪頭捕役嚴加查

管。○五十年議准。正陽門外至天橋以南一帶石道。交街道官員。不時稽查。一切民車。皆令由兩旁土道行走。至兩旁開設棚攤。不許有礙車轍以利通行。

官房。○乾隆四十年奏准。正陽門外。新建官房租賃。漢員內實係現任官員。准其租住。非現任京員。並升遷離任及降革丁憂告假回籍者。概不准租。交五城御史飭令司坊官員辦理。嗣後於各漢員具呈賃住時。即行查吏部。是否現任京官。以備考覈。仍按月一次。行查吏部辦理。

光緒八年

諭巡視中城給事中。國秀等奏請。將入官房產變價生息。接濟公費一摺。五城設局收買字紙。經費不敷。著照所請。將此次查收倉匪張六入官房屋等項。由五城御史。公同估計變價。發商生息。以備收買字紙之用。

民房。○康熙五十年。覆准。正陽門外。大街東西兩邊房屋。並珠市口民房。以新溝為限。准其修理蓋造。至小街有溝者。以溝為限。其無溝並街道彎斜不整。或一面係空地者。均以左右鄰房

不占官地者為度。仍於本戶下註明礙道尺寸。立冊存案。日後更造。清出還官。○雍正十二年。議准。嗣後旗民。不論自置民房。與認買官房。若整齊堅固。不准無故拆賣。僅迫於需用。止准將院內零星房屋拆賣。其臨街羣房。不許盡行拆賣。該坊官出示曉諭。違者查拏。○乾隆八年。奏准。嗣後認買官房。已經帑項清完者。或因傾頽。或因急需。呈報該坊官批呈存案。准其拆賣。其有不告官司。將認買官房。私行拆賣者。仍照原例治罪。至於兵民自置房屋。無論院內臨街。拆賣悉聽其便。番役人等。不得藉端勒索。○又奏准。嗣後旗民人等。臨街房屋。實在拆賣濟急者。呈明該旗該坊官。查看地方街衢。果係僻巷。尚可築牆遮蔽者。准其拆賣。即行築牆遮蔽。儻臨街房屋。不得築牆。一經拆毀。即覺破壞者。仍一概不准拆賣。○十九年

諭京師為萬方輻輳之地。街衢廬舍。理應整齊周密。以肅觀瞻。乃近來京城內外。別有拆售房屋者。行戶等亦藉以居奇射利。此陋習也。現因八旗人眾。居住不敷。特發帑金增置。以資棲止。該管大臣。止圖近便。率



購舊料。致將已成之屋。報轉拆蓋。料物必多耗折。是因增而轉減。於生計亦屬無益。著五城御史出示嚴行禁止。○又定。凡民間街道房屋。私造私修私拆等事。該坊副指揮吏目。分年輪管。三十一年改為副指揮吏目分○三十二年議准。嗣後旗民臨街坍塌房屋。內城令各該戶呈報步軍統領衙門。外城呈報管理街道衙門。照舊修理。如有木植。概不。全。本人無力添補。令於呈內將如何改修之處。詳細聲明。委員查驗屬實。准其將餘廢並朽爛物料變抵。總期街道整齊。以肅觀瞻。毋致拆為隙地。至於院內房間。拆修挪蓋。俱令報明。聽其修蓋。儻有不肖之徒。將臨街完整房屋。捏稱倒塌。無端拆毀。售賣者。仍照例嚴行禁止。○三十三年議准。嗣後遇有坍塌房屋。該戶呈報。委員驗看。實係應行拆改者。照三十二年原議辦理。仍將原拆並修蓋開數記檔。其修改房屋。原係坐落何處。今移何處。並新舊開數。一併確勘。儻有藉稱移蓋。改修名色。串通胥役。將拆改房屋。私行變賣者。一經查出。該戶照例治罪。委驗官扶同失察。分別叅處。仍令步軍統領街道衙門。

將本年拆蓋修改房屋若干開數。於年終彙案具奏。○四十五年議准。外城各衙街巷市房屋。遇有坍塌者。照依舊址修蓋。不得於舊址外稍有侵占。○五十年議准。五城戶民修造。例於三六九日赴街道衙門呈報。該衙門批坊驗明。給以執照。方准修理。惟是批發以後。向無定限。難免指勒索等弊。嗣後初三日批坊之呈。近者限初六日即覆。遠者初九日必覆。儻有實須轉查不能依限者。准該坊申明街道衙門。專文起限。其收呈給照。該管官員務須按照三六九呈期。全行到署。令戶民當堂呈領。毋庸胥役經手。致滋弊端。仍將收發日期。每月彙報工部都察院提督衙門一次。以憑稽察。至城外郵莊。除石道兩旁建造。及修理墳塋。仍令赴該衙門呈報。其餘郵莊修造。在本管營汛衙門呈報。就近驗明。准修。仍按季造冊。彙送該衙門存案備查。○嘉慶六年

諭。向來京城內外。遇有修建牆垣房屋等事。各該旗民。係報明步軍統領及街道衙門。方准興修。原以杜侵占官街之弊。現在京城內外。因雨勢過大。坍塌牆垣。

房屋甚多。自應各行趕緊修葺。以資棲止。若必俟報明各該衙門後。方准動工。未免守候稽時。且恐啟胥吏需索之端。著加恩准令各該旗民。現修牆垣房屋。除於舊址之外。另行改建添蓋者。應照舊呈報外。其餘俱聽自行修築。毋庸呈報各衙門。以歸簡便。而示體恤。儻因此旨。竟有藉端越界。侵占官地者。仍令該衙門查明究辦。○十五年奉

旨。給事中慶明奏請嚴禁京城內外拆賣住房一摺。京城內住房。向例止准轉向售賣。不准拆賣。乃近來竟有業主串通姦商。私行拆賣等弊。自應嚴行禁止。著

步軍統領及管理街道衙門。一體訪查飭禁。毋任胥吏等藉端滋擾。○十六年

諭。御史景德奏禁止都城擅拆房舍一摺。所奏甚是。京師第宅雲連。市廛基布。為四方會極之區。大小街巷。設立堆撥柵欄。分派弁兵晝巡夜察。法至備也。向例房舍牆垣。遇有傾圮。即令報官修整。以復舊觀。乃近年以來。竟有私拆房間。將瓦木植零星售賣者。積日既久。衢巷之間。漸多隙地。皇都四民輻輳。何以壯肅觀瞻。甚至巷宇毗連之處。來往成蹊。而柵門之啟閉。轉同虛設。於擊柝禁暴之義。必致防檢多疏。步軍

統領衙門專司管轄。廢弛若此。咎將誰歸。嗣後內城房屋。遵照定制。概不許私行拆毀。其歲久坍塌者。責令隨時修葺完整。儻有仍前私售。輒木該管地界官兵。立即報明飭禁。如官兵明知故縱。查明懲處。○光緒八年議准。嗣後凡業主知情。將房屋租給賭局煙館窩娼處所。一經事犯到官。訊係經旬累月。仍照例將房屋入官外。若查明並非經旬累月。其租給房屋之房主。訊係初犯。寬免入官一次。若再犯後。無論是否知情。及月日久暫。概將房屋入官。

客店。每月置店簿一本。赴兵馬司署押記。逐日附載歇店客商姓名人數。起程月日。各赴所司查照。如有客商病故。所遺財物。別無家人親屬者。官為封識。移招已故之人親屬。識認給還。一年後無識認者。入官。教場。雍正三年議准。京城安定門外黃寺前教場。乃操演兵丁閱看軍器之地。每有路旁掘土為坯。市賣者。令該坊官不時巡查。嚴行禁止。違者拏送刑部治罪。再八旗教場。皆近城垣。並令一例查禁。

河厓。康熙五年題准。大城下護城河厓水衝之處。工部差官修築。外羅城河厓。令順天府及五城官修築。乾隆九年奏准。京城內外沿河植柳。行令該坊官時加培護。禁止偷折。違者查拏。五十年議准。護城河道兩旁。如有鋪戶居民。私造房間。即勒令拆移。務符界限。仍交管理街道衙門嚴查。毋得私相傾墊渣土。以杜侵占。承追。凡五城兵馬司承追贓罰變產等項。如限滿不完。照大興宛平二縣承追雜項錢糧例議處。該城御史。即將司坊官職名呈報都察院。咨部題參。如司坊官承追限滿不完。該城御史不將職名開送者。經都察院刑部查出。將該御史一併議處。仍令該司坊官。將積年承追之項。造具清冊三本。一送都察院。一送刑部。一存該城御史察覈。

羈禁。順治十六年覆准。五城人犯有事關重大者。方許羈鋪候審。其餘小事。不得濫行羈鋪。如各役有索詐等情。該御史題參。按例治罪。康熙五十七年覆准。嗣後五城司坊官奉行牌票。除六部都察院。通政使司。大理寺。順天府。步

軍統領河南等道本城御史批發事件外。其餘各衙門。不得擅行牌票。交與司坊鎖禁人犯。如果緊要案件。必須印文咨明巡城御史。轉行司坊。又定。凡部院行令該司羈禁要犯。該司一面羈禁。一面申報都察院。同治八年諭御史宋邦德奏。天時亢旱。敬陳管見。一摺。番役捕快。原准隨時躡緝。若如該御史所奏。該役等竟敢私立下處。拷訊偏供。實屬有違定例。著步軍統領順天府五城及各直省督撫。嚴飭該役等緝獲案犯。即日送官審訊。不准私立下處。偏供誣陷。儻有前項情事。即行從嚴究辦。光緒元年諭都察院奏童生呈遞條陳。乘閒逃逸。請飭查拏。並將吏目議處一摺。據稱河南祥符縣童生李正元。以著有箴策條陳。赴該衙門呈遞。當經該衙門將該童生交南城吏目張士傳看守。查閱該童生所呈各篇。字句多有違礙。正擬駁斥發還。旋據該吏目呈報管帶李正元。赴院發落時。該童生乘閒逃逸等語。童生李正元。著步軍統領衙門順天府五城一體嚴拏務獲。並著河南巡撫查明李正元。如已回籍。即交該地方官懲治。嚴加管束。所有僉差

不慎之南城吏目張士傳。著交部議處。○五年諭御史方學伊奏請飭清理現審案件一摺。著刑部步軍統領衙門順天府五城將現審各案。迅速清理。差役人等。如有需索私押情弊。即行從嚴懲辦。遞解。○凡各部人犯應遞解者。發該司遞解。○雍正五年議准。凡徒罪人犯。係順天府所屬者。仍送府尹發配外。各省民人。皆遞回由該督撫照原籍應發地方。發配充徒。徒限滿日。仍令原籍地方官管束。不許再來京城。違者拏獲之日。枷一月。責四十板。仍行遞回。五城兩縣並巡捕營嚴行查拏。僕奉行不力。仍有容留潛住者。將該管官議處。總甲人役並容留之房主。皆照不應重律治罪。○乾隆二年議准。京城遞回原籍充徒人犯。復來者。定例枷一月。責四十板。其有再來犯事。罪止杖笞者。仍照例枷責。若所犯罪重於枷責者。照本犯應得之罪加一等。一併遞回原籍。不許出境。至具呈廢員內。有與例不符及引見未用者。應即歸里。黨聽從書吏等鑽刺請託。該司坊官查拏。○三十五年議准。嗣後刑部凡有咨

送兵部一切軍犯。俱應先咨兵部定地。將人犯仍監禁刑部。俟兵部定地後。提發順天府。照例起解。毋庸再轉發五城兵馬司看守。○三十九年諭遞解人犯一事。五城提督等衙門。向俱自行辦理。究不免有流弊。京師五方雲集。眾所環依。苟非下賤匪類。尤頑生事。及實患瘋病之人。原可毋庸擯歸原籍。而遞解之案。亦不可無所稽查。嗣後五城提督順天府各衙門。遇有應行遞解人犯。除籍係直隸就近遞回者。聽各該衙門照舊辦理外。其餘應解回別省人犯。均著敘明案由。交送刑部。覈明應解與否。妥協辦理。交該地方官嚴行管束。並著刑部三月彙奏一次。以昭慎重。各該衙門不得仍前自行遞解。著為令。供應。○雍正元年定。向來貢院應用案座等物。均係五城司坊借用民間。因之總甲捕役等藉端科派。種種擾累。嗣後貢院應用諸物。由工部備造取用。所有派借民間之處。概行禁止。○又議准。鄉會場內。所用筆墨紙張及筭帚水筒等物。亦令備辦。以杜五城借用之擾。其水筒等物。於考畢日。交司坊官收存。至筆墨紙張等項。日

銷之物。嗣後於科場供應銀內。一例奏銷。○十一年題准。向來部院各衙門。票取各項差務。該坊官均令總甲承辦。而總甲皆派於民間鋪戶。藉端需索。在所不免。嗣後或竟行裁革。或自行承直。或給發官價。均不得藉口賠墊。暗行私斂。逐條分析。永久遵行。如部院票取東西馬館藥引獸醫。文鄉會試雇覓各項長短夫役。禮部票取刻字匠及筵燕傳婦除潑水夫役。順天府武鄉試票取空白簿。武鄉會試外場領運牀椅等物。所用車價人夫。武會試廚役及應用器物。又每遇應送校尉駕衣翎帽。並擡夫錢糧。各項須用車裝載。內務府雇車所用席蓬繩竹。光祿寺票取廚役茶夫並蒸鍋等匠。各部院發下遞解人犯。老病婦女。須車驢解送。各衙門票取鼓吹絃索。並公案公座。內務府器皿庫匠作。每月票取青竹藤條茶葉。鑿儀衛。每年六月票行洗象搭棚。以上各條。盡免總甲承辦。永除藉端科派之弊。並將各城總甲照捕役工食。一例給予。僮總甲仍有藉端科派者。按律計贓治罪。如該司坊官失於覺察。該御史題參。照失察衙役犯贓

例議處。若知情故縱。照縱役貪贓例議處。○又定。凡耕耨。順天府行令該司坊官先期習禮。屆期督率埽除。料理從耕播種等事。鄉會試。順天府禮部行令該司坊官。料理外場監試供應物件。並督率檢巡。武鄉會試。順天府兵部行令該司坊官。料理外場監射棚廠物件。及會試外場監射一切供給。鄉飲酒禮。順天府行令該司坊官報事決囚。刑部行令該司坊官督率巡邏。刑部各司步軍統領衙門。飭發枷示看守取結養病各犯。及飭驗生死傷痕。並掩埋病故監犯。行令該司坊官承辦。○又定。凡兵部額車。如不敷用。行令該司坊官雇覓。以百里為站。每車每站給銀一錢。或里數多少。遞為增減。移咨戶部給發。○乾隆三十年議准。武會試外圍供給。向係五城兵馬司承辦。體制未符。嗣後統歸順天府辦理。○三十三年奏准。嗣後武鄉試外圍棚座。亦統歸順天府辦理。供應夫役。康熙九年定。凡內府取用匠夫。行文到部。移咨都察院轉行五城取送。如工程緊急。行令該坊官取送。○十年議准。嗣後各部院

應用工匠夫役。移咨都察院轉行五城取用。○十二年題准。五城匠役。各委坊官一人查管。○雍正二年議准。嗣後

壇

廟埽除道路。應用夫役。歸工部辦理。其向五城取夫之

例。概行停止。○十一年題准。嗣後文鄉會試。內外接檢等夫。以五城捕役聽用。揭曉護榜等夫。以五城總甲聽用。工部所用昇夫。行令該司坊官。選壯健不生事之人送部。仍令該司坊官。督總甲管押。

件作。○雍正十一年題准。人命最重相驗。相驗全憑件作。刑部向無件作。遇有命案。隨傳五城件作相驗。嗣後刑部專設件作二名。五城各設件作一名。由本城召募誠實諳練者充當。給發工食。每月各一兩。如三年無過。月各二兩。○乾隆三十四年議准。五城司坊。每城額設件作一名之外。各添設額外學習件作一名。令巡城御史召募考試充當。其工食照額設件作減半賞給。每名每月給銀五錢。由戶部支領。以資養贍。遇額設件作病故革退。即以額外件作頂補。再

行考募學習之人。○五十一年

諭。嗣後五城自行召募件作應用。不得復向順天府借

撥。○道光三年議准。五城於戶部支領件作工食外。

正身加銀二兩。副役加銀一兩。由各該城籌款

發給。○六年奏准。刑部議增正身件作工食銀

二兩。副役銀一兩。五城議增學習件作每月酌

給飯食銀二兩。其認真教導之正副件作。每月

亦各給飯食銀二兩。均遇閏加增。學習件作。補

缺後即將飯食銀兩停止。此項銀兩。俱在五城

當商生息項下。動用給發。

欽定大清會典事例卷一十四十二

通政使司

題本格式 按受本體制 分別題奏 應具本人

格式。順治八年題准。每幅六行。每行二十格。

平行寫十八字。章內稱

宮殿者。擡一字稱。

皇帝稱

上諭稱

旨稱

御者。擡二字稱。

天地

宗廟

山陵

廟號

列祖諭旨者。均出格一字寫。首行列衙門官銜。具奏人

姓名。末幅具年月日。內外一式遵行。又定本

內擡頭錯誤。應擡書不擡書。不應擡書而擡書。

本面。空補摺皺。沾汙。破損。訛字。遺字。接縫處。遺

漏。背印。空白。空幅。頭行官銜。雙列。年月。下遺書

官銜。前後官銜不符。本內僅書某官。不書名者。

均屬違式。由司揭送內閣參處。又定。貼黃違

式。一併揭參。康熙三年題准。督撫提鎮等官

題奏本章。無貼黃者。由司題參。四年題准。內

外衙門清漢字黏連本章。無貼黃者。免參。若止

具漢字。而無貼黃者。題參。四十七年議准。本

章有不合式者。由司駁回。於每月終。將駁回幾

件。所駁何事。彙本具奏。雍正二年。停止駁回

本章。乾隆三年議准。直省本章。除緊要事件

停止駁回。其謝

恩陳請等本。或本官品級未到。或

賞賜物件。不應奏謝者。由內閣交司轉駁。仍詳載冊

籍。按季彙奏。七年議准。直省將軍都統督撫

提鎮副都統。一應本章。如有奉

旨飭行者。仍遵

旨飭行。其奉

特旨交部議處者。均照在京各衙門錯誤本章之例

議處。嘉慶九年

諭。題本末後填寫年月。例用印信鈐蓋。原以防吏胥竄

改情弊。近來外省題本。往往於填寫年月之處。多有

空補。即經內閣票出飭行。亦復不加查察。殊非杜弊

之道。題本書寫年月之處。乃係末幅。字數無多。若有錯誤。何難接扣另繕。嗣後外省各督撫。凡遇題本。年月日俱不准它改。一有錯誤。即著另換一扣。黏尾接寫。仍將黏接之處鈐印。以杜弊端。而符體制。

體制。○順治初年定。不論題奏本章。不得過三百字。貼黃不得過百字。○雍正二年議准。凡興利除弊。獎善懲惡。一應條奏。緊要本章。務須詳明暢達。其貼黃亦不得遺略。含糊均不限定字數。○乾隆三年議准。題奏本章。不得濫用頌揚套語。屢奉

諭旨訓飭。若外省恭謝陳情本章。乃臣子感激

隆恩。及敬抒悃忱之意。原與陳奏地方事務不同。儻過於簡略。亦非拜颺之體。且稽古人陳謝箋表。類多文藻。可觀。雖繁簡不一。未有徑情直致者。然或堆砌套語。不切情事。其中悃忱。轉為虛文。所掩。究無當於敬謹之誼。嗣後督撫提鎮各官。恭謝陳情等本。或用駢體。或用散敘。務期能達情悃而止。不得濫用浮詞。重複見長。○十五年議准。凡直省錢糧命盜及因事數陳之本章。情節不同。勢難畫一者。毋庸拘定。其通行典禮。或

循例題報。如鄉試入闈。耕藉日期。學政報滿。考試教職。節婦請旌。照案緝拏。彙題過失殺人等件。事體既屬相同。辦理應歸畫一。務遵定式。毋得繁冗。

分別題奏。○順治二年定。在外督撫鎮按等官。一應漢字本。暨在京各衙門。除題本外。一切奏本。不分公私。均赴司投遞。違者參駁。○雍正三年議准。督撫提鎮等官。遇地方公事。皆用題本。本身私事。皆用奏本。違者參處。○七年定。嗣後舉劾屬官。及錢糧兵馬命盜刑名。一應公事。照例用題本外。其慶賀表文。各官到任接印。離任交印。及奉到

教諭

頒發各直省衙門書籍。或報日期。或係謝

恩。並代通省官民慶賀陳謝。或原題案件未明。奉

旨回奏者。皆屬公事。應用題本。至各官到任升轉。加

級紀錄。寬免降罰。或降革留任。或特荷

賞賚謝

恩。或代所屬專員謝

恩者。均應用奏本。概不鈐印。○乾隆四年議准。凡



賞賜書籍如係概行

頒發各衙門存儲交代者其陳謝應用題本若

賞賜本人祇領者其陳謝應用奏本如代屬官謝

恩即非專員在二三人以上者亦皆用奏本○十三

年

諭向來各處本章有題本奏本之別地方公事則用題

本一己之事則用奏本題本用印奏本不用印其式

沿自前明蓋因其時綱紀廢弛內閣通政使司藉公

私之名以便上下其手究之同一入告何必分別名

色著將向用奏本之處概用題本以示行簡之意

應具本人○原定在京六部及院寺等堂官在

外文官督撫武官將軍都統提鎮其餘均令上

司官代表○順治二年題准在外督撫鎮按到

任及慶賀本章均准封進謝

恩概免司道等官事件聽督撫代題總兵官除事關

軍機及兵馬錢糧外其餘悉歸督撫題達違者

執法題參○十年題准各省大計之年布按都

司運司及府州縣等官均具本造冊送司○康

熙十年議准各省大計布按都司運司仍照舊

例封投本冊其府州縣等官停止具本造冊○

又定在京官員事關通省需

恩合詞陳謝之本皆赴司恭進由司送閣今陳謝均用奏摺以

例得奉事之員居首餘員並列銜名詣司門恭進行禮其外省督撫據情陳謝仍具題本由司送

○三十七年奉

旨文官侍郎以上武官總兵以上如有遺本准其投遞

通政使司封進以下官員如有遺本一概駁回○五

十一年議准尚書都御史侍郎副都御史宗人

府府丞通政使司通政使詹事府詹事大理寺

卿太常寺卿順天府尹光祿寺卿太僕寺卿僉

都御史今改通政司副使大理寺少卿詹

事府少詹事太常寺少卿鴻臚寺卿大僕寺少

卿國子監祭酒通政使司左右參議今改通政使司參議

光祿寺少卿鴻臚寺少卿均許進遺本其不及

具本者聽謹案遺本一項於嘉慶十七年奉旨停止

接受本章○雍正二年題准每年封印後所到

本章令提塘官送司驗收存庫如有緊要事件

到日即封送內閣轉奏其尋常本章均俟次年

開印之日校閱明白封送內閣○七年奏准各

省督撫提鎮投遞各衙門揭帖凡關涉緊要事

件均用密封投遞其尋常事件亦不許先行刊

刻傳播皆經屢次定例進行但各省投遞揭帖不免別封豫投之弊而通政使司止按期收本不察揭帖之先後分發提塘投遞或致先期洩漏因而鑽營謀幹舞文弄法亦未可定且拜疏未上具揭先行先後失序亦屬非宜嗣後督撫提鎮凡有揭帖均隨本章同發其揭帖封套註明月日開單送通政使司稽覈於送本次日發提塘分投各衙門如提塘私行探報先期傳播者查出送刑部治罪○十一年奏准向例直省本章由司接收將正本封固移送內閣副本存庫備案後經條奏正本副本並交內閣以致本司無全本冊案無憑稽考嗣後直省本章除正本副本外亦照各部院之例隨本開具揭帖送司存案○十二年奏准嗣後直省具題本章由司於交送內閣之後仍將各衙門揭帖加謹收存俟送本五日後交各提塘分送則分送揭帖與本章進呈之期相近各衙門辨理事件既不遲延亦可杜書吏傳謄漏洩之弊○十三年奏准各部院彙送本章尚非每日常有之事至直省本章交提塘官齎送本司自行跪呈至安設

黃案於二堂當門亦屬褻瀆嗣後將黃案安設於大堂正中每日令經歷知事等官二人侍立案旁該堂官在二堂辦事遇有送本人員立即傳知堂官一人出立案旁敬謹接受○乾隆十一年奉旨通政使司堂官甚多而所司惟有接受本章之事嗣後每日著堂官一人在衙門直宿○十七年奉旨通政使司滿洲知事二缺著改為滿漢各一員○五十八年奏准各部會議題奏事件內有應開缺者一經奉旨即行知照吏部其各省具題本章有關員缺者交送內閣之日即將揭帖移送吏部並聲明送開日期毋庸收存五日後始交提塘分送程限○各省督撫將軍都統副都統提鎮本章到京限期直隸馬蘭鎮秦甯鎮雲副都統均限二日總督吉北口提督宣化鎮天津鎮通永鎮均限三日察哈爾都統副都統山海關副都統正定鎮均限四日熱河都統限五日盛京將軍奉天府尹均限八日吉林將軍副都統均限十二日伯都訥副都統限十五日甯古塔

|         |               |            |              |          |         |                  |                      |          |         |        |        |         |          |        |          |                   |        |         |    |        |    |         |    |          |     |          |                  |                  |    |         |          |    |          |          |         |           |    |        |        |          |    |            |                   |        |        |
|---------|---------------|------------|--------------|----------|---------|------------------|----------------------|----------|---------|--------|--------|---------|----------|--------|----------|-------------------|--------|---------|----|--------|----|---------|----|----------|-----|----------|------------------|------------------|----|---------|----------|----|----------|----------|---------|-----------|----|--------|--------|----------|----|------------|-------------------|--------|--------|
| 副都統限十六日 | 黑龍江將軍副都統均限十八日 | 三姓副都統限二十二日 | 阿爾楚喀副都統限二十三日 | 琿春副都統限十日 | 山東巡撫限五日 | 河東河道總督駐紮山東濟甯州限七日 | 巡防黃運兩河在河干拜進按道里遠近增減限期 | 青州副都統限八日 | 兗州鎮限五六月 | 八月限十六日 | 餘月限十二日 | 登州鎮限五六月 | 七八月限二十二日 | 餘月限十六日 | 山西大同鎮限四日 | 巡撫綏遠城將軍歸化城副都統均限六日 | 太原鎮限九日 | 河南巡撫限八日 | 七時 | 河北鎮限八日 | 十時 | 南陽鎮限十一日 | 二時 | 江南徐州鎮限八日 | 十一時 | 漕運總督限十二日 | 京口副都統京口鎮狼山鎮均限十三日 | 兩江總督江甯將軍副都統均限十三日 | 四時 | 蘇松鎮限十四日 | 江蘇巡撫限十四日 | 四時 | 江南提督限十七日 | 安徽巡撫限十五日 | 壽春鎮限十四日 | 江西九江鎮限十六日 | 四時 | 巡撫限十八日 | 湖口鎮限十日 | 南贛鎮限二十二日 | 六時 | 福建建甯鎮限二十三日 | 閩浙總督福州將軍副都統均限二十七日 | 澎湖鎮限十日 | 汀州鎮限二十 |
|---------|---------------|------------|--------------|----------|---------|------------------|----------------------|----------|---------|--------|--------|---------|----------|--------|----------|-------------------|--------|---------|----|--------|----|---------|----|----------|-----|----------|------------------|------------------|----|---------|----------|----|----------|----------|---------|-----------|----|--------|--------|----------|----|------------|-------------------|--------|--------|

|    |           |          |          |          |          |             |                |            |          |              |          |          |    |    |               |    |                 |          |    |        |          |    |    |          |          |                  |         |         |          |         |          |                  |                   |           |         |             |    |    |          |     |    |          |            |              |
|----|-----------|----------|----------|----------|----------|-------------|----------------|------------|----------|--------------|----------|----------|----|----|---------------|----|-----------------|----------|----|--------|----------|----|----|----------|----------|------------------|---------|---------|----------|---------|----------|------------------|-------------------|-----------|---------|-------------|----|----|----------|-----|----|----------|------------|--------------|
| 八日 | 陸路提督限二十九日 | 水師提督限三十日 | 漳州鎮限三十一日 | 福甯鎮限三十三日 | 南澳鎮限三十二日 | 浙江乍浦副都統限十六日 | 巡撫杭州將軍副都統均限十七日 | 提督衢州鎮均限二十日 | 定海鎮限二十二日 | 黃巖鎮處州鎮均限二十五日 | 温州鎮限二十七日 | 湖北提督限十三日 | 二時 | 二刻 | 湖廣總督湖北巡撫均限十四日 | 六時 | 荊州將軍宜昌鎮鄖陽鎮均限十六日 | 湖南巡撫限十八日 | 九時 | 提督限二十日 | 永州鎮限二十一日 | 一時 | 四刻 | 鎮守鎮限二十二日 | 綏靖鎮限二十三日 | 陝西巡撫西安將軍副都統均限十三日 | 漢中鎮限十四日 | 延綏鎮限十五日 | 固原提督限十七日 | 陝安鎮限十八日 | 陝甘總督限十七日 | 甯夏將軍副都統甯夏鎮均限二十三日 | 涼州副都統涼州鎮西甯鎮均限二十四日 | 甘肅提督限二十八日 | 肅州鎮限三十日 | 甘肅新疆巡撫限三十六日 | 七時 | 六刻 | 巴里坤鎮限三十日 | 十一時 | 四刻 | 伊犁鎮限四十三日 | 四川川北鎮限二十三日 | 總督成都將軍副都統提督松 |
|----|-----------|----------|----------|----------|----------|-------------|----------------|------------|----------|--------------|----------|----------|----|----|---------------|----|-----------------|----------|----|--------|----------|----|----|----------|----------|------------------|---------|---------|----------|---------|----------|------------------|-------------------|-----------|---------|-------------|----|----|----------|-----|----|----------|------------|--------------|

潘鎮均限二十四日。重慶鎮限二十九日。建昌鎮限三十四日。廣東右翼鎮限二十六日。兩廣總督廣東巡撫廣州將軍副都統均限三十二日。左翼鎮限三十二日。六時。提督限三十四日。碣石鎮限三十五日。六時。陽江鎮限十日。高廉羅鎮限三十七日。潮州鎮限三十八日。六時。雷瓊鎮限四十四日。廣西巡撫限二十三日。十一時。四刻。提督限二十六日。十時。四刻。柳慶鎮限十日。左江鎮限三十一日。十一時。四刻。右江鎮限三十八日。雲貴總督雲南巡撫臨元鎮昭通鎮均限四十日。提督開化鎮均限四十五日。鶴麗鎮限四十八日。普洱鎮限五十日。騰越鎮限五十日。七時。貴州鎮遠鎮限二十五日。古州鎮限二十七日。巡撫限二十八日。提督安義鎮均限三十日。威甯鎮限三十五日。其督撫提鎮出巡途次。學院按試各府。隨處拜進本章。各按道里遠近。增減限期。○康熙二十四年。覆准一應本章。均令原題衙門。計算道里遠近。豫定程限。揭帖內。並令填註日期。其年月上所用印信。改鈐於日期之上。以便稽查。其提塘承差齋送本

章。原題衙門。給發火牌。向來沿途驛遞。止填註並無需索等弊。字樣鈐蓋印信。嗣後經過驛遞。用印時。即令一併增註各驛所到起發日時。同本章投司。由司查明。有違限者。將提塘承差交該部治罪。如有情弊。從重科斷。至原題衙門本章揭帖批迴內。不填日期。到京後。方於印文上加註者。除提塘承差交部治罪外。原題之督撫提鎮等官。由司題參。交該部議處。○雍正三年。議准直省督撫提鎮鹽政等官。遇有緊要本章。連站星馳外。其尋常本章。由該處至京。各有一定限期。兵部及司存案。均於批迴內註明。同本章投司。將批迴限期。按站查覈。途中或猝遇大雨。或陰雨連綿。河水暴漲。路途泥淖。係專差送進者。取具經過地方官印結。隨本批呈明。係驛遞馳送者。由地方官出具印結。申報到司。免其遲延處分。倘有故意稽留。及提塘沈壓情弊。查出交該部治罪。○乾隆十九年。覆准嗣後本章。督撫等務遵兵部定例。差遣二人。給騎二匹。僅遇中途患病等事。即令管驛官於火牌內註明。扣除騎馬一匹。令一人按限馳送。其慶賀表箋

均令豫期辦理封發提塘立限遞送毋庸專差滋擾至齋送本章人有捏飾患病等情地方官不察遽行出結者事發罰俸一年○光緒九年諭御史曾銖奏請申明題本限期一摺著各該衙門申明定例設法稽查各就定章實力奉行務須依限具題以除積弊

外省冊報○乾隆三年議准直省所進本章僅有隨本批文一紙並無註銷總冊其間遲誤無由稽考遺失更難覺察且督撫提鎮一遇升遷轉調新舊交代之際儻有不法書吏提塘營私

作弊將緊要本章藏匿沈閣均未可定嗣後直省督撫提鎮等官無論升任調任現任務將奏過本章開明月日備註事由詳列數目按季造具印冊二本一送司一送內閣以便查覈○又議准各省將軍副都統均防守大員各有題奏本章應照督撫提鎮之例將奏過本章每季造具印冊咨送內閣及本司查覈

登聞鼓廳建置 木榜條例

建置○順治元年設登聞鼓於都察院門首每日御史一人輪流監直○十三年將鼓廳衙門

移設於

長安右門外滿漢科道輪流監直○康熙十二年題准在外民人告旗人及旗下家人告主強壓霸占者均令赴刑部具告審結後果屬冤枉仍向原問衙門覆告如不與准理許告狀人開明年月日期案情始末並審駁言詞赴司告理詳查情節取閱原案冤枉屬實方准具疏其餘仍照例用印送該衙門覆審○六十年停差科道將鼓廳事務交司管理其舊設筆帖式二人書吏六名皂隸六名並隸焉○雍正八年題准鼓廳衙門舊有科道輪流巡直自歸併通政使司管理以來因未有專管之員致有越過廳牆妄行擊鼓等事嗣後鼓廳衙門應令通政使司每日令參議一人輪流掌管並令該衙門知事委役晝夜巡察遇有擊鼓之人由司訊取口供果有冤抑確據奏

開請

旨○交部昭雪若有誣妄越訴等情即送部按例治罪加一等發落如有捏開大款欲思洩忿並將法司督撫衙門已結事件執圖翻案聚眾擊鼓詭

告者將首犯照擅入

午門長安等門內叫訴冤枉倒發邊衛充軍餘人減一等發落如究出教令主使之人身雖不行亦照首犯治罪

木榜條例○順治十七年

諭刑部。民間果有冤抑。自當據實呈告。以求伸理。乃近來刁風日熾。常有持刀抹項。故為情急。以圖倖准。深為可惡。以後再有此等。除所告不與准理。本人按法究懲。其妻子流尚陽堡。兩部即遵諭傳飭。○凡狀內事情。必關繫軍國重務。大貪大惡。奇冤異慘。方

許擊鼓。其戶婚田土鬪毆等細事。及在內未經該衙門告理。在外未經督撫按三處告理。與已經告理尚未結案者。均不准封進。仍重責三十板。如係職官。送刑部折贖。舉人送禮部監生送國子監。生員送順天府責治。○凡登聞之設。原以伸辨冤枉。近有無賴棍徒。本無冤枉。或希圖報復。或受主使。劈鼓抹項。持刀詐害者。明係無賴刁徒。嗣後如有此等。除原狀不准外。將本人送刑部責四十板。照例於

長安門外。加一月示衆。○凡設鼓原恐民間受屈

於貪官汙吏及官民被陷重罪。冤枉無伸。俾得直達

天聽。近見辨復官職者。紛紛見告。事多虛罔。不惟長

買陵之風。且原非

國家設鼓之初意也。嗣後凡官員被革被降者。既係職官。均應赴通政使司具奏。庶蠅營之徒。不致日集都門。觀仕宦之捷徑矣。至於姦民假託條陳。希圖倖進。尤可痛恨。並應嚴禁。○凡告鼓狀。必明白開具情節。不許黏列款單。如列款單。不與准理。狀後仍書代書人姓名。如不書代書人姓名。亦不與准理。○凡民間冤抑。必親身赴告。果本身羈禁。亦應的親正身。確具籍貫年貌。保結。方准抱告。違者不准。其有姦徒代人擊鼓。挾騙者。即令直鼓官即時拏送五城。嚴訊的實。照光棍例治罪。

欽定大清會典事例卷一千四十三

大理寺

官制設官 職掌

設官。原定。二品滿洲卿一員。三品漢卿一員。三品滿洲少卿一員。四品漢少卿二員。五品漢寺丞一員。與刑部都察院為三法司。與六部都察院通政使稱九卿。四品滿洲左右寺寺正各一員。四品漢軍左右寺寺正各一員。六品漢左右寺寺丞各一員。從六品漢左右寺寺副各一員。七品漢左右寺評事各一員。與刑部司官及都察院各道御史稱小三法司。○順治元年。改左右寺滿洲漢軍寺正為寺丞。○十六年。改二品滿洲卿為三品。三品滿洲少卿為四品。四品滿洲漢軍左右寺寺丞為六品。漢卿漢少卿寺丞漢左右寺寺丞副滿洲漢軍堂評事漢左右寺評事滿洲漢司務各仍其舊。○康熙六年。改三品滿洲卿為二品。四品滿洲少卿為三品。六品滿洲漢軍左右寺寺丞為五品。○九年定滿洲漢卿俱改為正三品。滿洲漢少卿俱改為正四品。滿洲漢左右寺寺丞俱改為正六品。○

三十一年。增置滿洲筆帖式二員。○三十八年。裁漢寺丞一員。○又裁左右寺寺副各一員。○又裁漢軍堂評事一員。○又裁滿洲筆帖式三員。○乾隆十三年。裁漢少卿一員。

職掌。原定。凡各直省刑名案件。左寺分掌順天府屬通州霸州薊州大興永清東安三河寶坻密雲文安等州縣。直隸省保定府屬祁州安州清苑滿城安肅定興新城唐縣博野望都容城完縣蠡縣雄縣東鹿高陽新安<sub>縣</sub>改等州縣。天津府屬滄州天津青縣靜海南皮鹽山慶雲等州縣。永平府屬灤州盧龍遷安撫甯昌黎樂亭臨榆等州縣。廣平府屬磁州永年曲周肥鄉雞澤廣平邯鄲成安威縣清河等州縣。順德府屬邢臺沙河和平鄉廣宗鉅鹿唐山內邱任縣等縣。遵化州親轄及州屬玉田豐潤等縣。冀州親轄及州屬南宮新河棗強武邑衡水等縣。定州親轄及州屬曲陽深澤等縣。並奉天山東江蘇安徽浙江四川廣東貴州等省刑名兼吏部戶部禮部都察院內務府光祿寺太常寺太僕寺欽天監太醫院步軍統領等衙門文移關

|   |
|---|
| 白事件。右寺分掌順天府屬昌平州涿州宛平良鄉固安香河武清甯河順義懷柔房山平谷等州縣。直隸省正定府屬晉州正定獲鹿井陘阜平樂城行唐靈壽平山。元氏贊皇無極藁城新樂等州縣。宣化府屬蔚州延慶保安宣化赤城萬全龍門懷來西甯懷安等州縣。河間府屬景州河間獻縣阜城肅甯任邱交河甯津吳橋故城東光等州縣。承德府屬平泉灤平豐甯建昌赤峯朝陽等州縣。大名府屬開州元城大名南樂清豐東明長垣等州縣。易州親轄及州屬涿水廣昌等縣。趙州親轄及州屬柏鄉隆平高邑臨城甯晉等縣。深州親轄及州屬武強饒陽安平等縣。並山西河南江西福建湖北湖南陝西甘肅廣西雲南等省刑名。兼宗人府內閣兵部刑部工部通政使翰林院 |
|---|

|   |
|---|
| 承受一切案牘。支領官員俸薪。吏役工食。筆帖式掌繙譯清漢章奏文移。○雍正六年   |
| 諭。朕前曾降諭旨。在京在外有奉旨永遠枷示之人。令各衙門該管官於歲底奏明。今著各衙門將奏摺交與大理寺。大理寺彙齊。開列名單。開具所犯略節。進呈。並將各案情由詳細繕摺。隨名單一併呈進。均用漢字繕寫。○十年  |
| 諭。大理寺所奏永遠枷示人犯。於歲底彙奏時。即將各該犯曾否改悔之處。由該旗該管處保送。開註該犯名下。一併進呈。若釋放之後。仍不知悔改。生事妄行。定將保送人員。照徇庇欺罔例治罪。○乾隆二十五年  |
| 諭。永遠枷號人犯。俱係身獲重罪。怙終不悛。然後加以嚴懲。大理寺每於歲底分別能否改悔。彙奏一次。雖係循照舊例。但此等人犯。既經枷號拘管。即欲復蹈前轍。亦所不能。又何從知其改悔與不改悔。不過該管各官奉行故事。究無裨於實政。嗣後該衙門彙奏時。止將各犯原案罪由摘敘摺內。其分別能否改悔之例。著停止。○嘉慶十六年 |
| 諭。大理寺向有彙奏永遠枷號人犯之例。朕因京城現   |



有賄囑疏枷案件。於召見該寺卿員時。詢以向來有無稽察條例。本日據該寺酌議章程。具奏京城暨各直省永遠枷號人犯。向例大理寺僅行查各衙門。於年終摘敘案由彙奏一次。並無稽查。殊屬有名無實。嗣後京城各衙門永遠枷犯。著大理寺專司稽察。每月輪派堂官二員。司官四員。五日一次前往查驗。如有疏縱等弊。即時彙奏。每屆三箇月後。將稽察情形具奏一次。至枷號輕重。本有定式。著刑部等衙門將各枷犯所帶枷號尺寸斤兩開具印冊。隨時知照大理寺。以憑查覈。其外省永遠枷號人犯。恐賄囑疏脫之弊。尤所不免。著各該督撫將軍都統等派員嚴查。如有情弊。指各重懲。仍於年終咨報大理寺彙奏。以符定制。○道光十五年奉

旨各直省咨報有無永遠枷號人犯。嗣後著該督撫等扣算程限。務於十月內咨報到齊。由該寺查覈具奏。

會題熱審 會覈 會審 朝審 秋審

會題○原定凡奉

旨三法司覈擬者。直省揭帖到寺。左右寺官即據揭詳覈。查所擬罪名是否與律例相符。出具讞語呈堂。俟刑部定稿送寺畫題時。視其讞語意見

相同無疑義者。堂屬一同畫題。或情罪未明。律例未協。將稿送還刑部。再為參酌。若彼此意見仍有異同。該左右寺官即擬稿別為一議。呈堂送刑部都察院酌量議覆。其在京現審重辟。左右寺官司讞者。詣刑部會御史及刑部司官聽其獄獄成。各質成於其長。卿及少卿詣刑部會刑部都察院堂官聽之。務期平允。乃畫題會疏。○順治十年題准凡奉

旨三法司覈擬事件。刑部審明。成招定罪。註定讞語。送都察院參覈。都察院參覈既確。送大理寺平反。會稿具題。三衙門議同者。合具讞語。不同者。各出讞語具奏。

會覈○凡應會三法司畫題事件。刑部將稿面鈐蓋司印。註明緣由。付督催所彙齊。轉交直日司分。用印文移送法司衙門畫題。限十日內亦用印文送回。如稿內有酌議改易之處。限五日內即將應酌議改易之處。用印文聲明緣由。送回刑部察覈定議。刑部仍用印文。將應否改易之處聲明。再送法司衙門。○乾隆十四年定。刑部移送三法司畫題事件。限五日內用印文送

回。如有酌議改易之處。亦於五日內定議。○四十二年

諭。各省遇有人命重案。俱將全案招供揭帖送大理寺察覈。惟盛京一處。向無隨本揭帖。嗣後盛京遇有斬絞重案。其招供揭帖。並著一體送大理寺。以憑查覈。○道光元年定。刑部應會三法司事件。用印文移送法司衙門。畫題限八日內亦用印文送回。如有酌議改易之處。即用印文聲明緣由。亦於八日內送回刑部查覈定議。刑部仍用印文將應否改議之處聲明。再行彙送法司衙門。

會審。○凡遇有應三法司會審事件。刑部即知會都察院及本寺。本寺堂官率屬官至刑部衙門。秉公會審。定案畫題。備飾辭推故。竟無堂上官到部者。交部議處。○又定。會審限期。限一月完結。有應行提質及患病之犯。以提到及病愈之日為始。仍將應扣限期及三法司會審日期。並於科道衙門註銷冊內聲明。備三法司不即會審。以致逾限。吏役得以乘機舞弊者。其會審遲延之堂司官。交部分別議處。○又定。重囚稱冤。原問官難辦理者。許移文會三法司堂官覆

審果有冤枉及情可矜疑者奏請

定奪。○道光十年定。刑部現審命盜等案。應會三法司者。限一箇月完結。其關毆殺傷之犯。到案後以傷經平復。及因傷身死之日為始。內外移咨行察及提質並案犯患病。以查復及提到並病愈之日為始。仍將應行扣限及三法司會審日期。並於科道衙門註銷冊內聲明。備三法司不即會審。以致逾限。書役得以乘機作弊者。將書役嚴加治罪。會審遲延之堂司官。交部分別議處。

朝審。○刑部監候秋決重囚。每年於覆覈具奏後。摘敘緊要情節。刊冊進呈。

御覽。仍分送本寺。八月初開。本寺會同九卿詹事科道。於

天安門外金水橋西。詳覈情實。緩決可矜。分擬具題。

秋審。○凡秋審案件。刑部隨各省具題到部。先後將原案貼黃及法司督撫讞語。刊冊進呈。御覽。仍分送本寺。八月內本寺會同九卿詹事科道。亦於

天安門外金水橋西詳覈情實緩決可矜分擬具題

熱審○每年於小滿後十日起至立秋前一日止如立秋在六月內以七月初一日為止左右寺官同都察院掌道御史各就所管司分會刑部司官將刑部現審案件審擬呈堂加責等輕罪人犯照例減等發落答罪寬免十日一次彙題其人犯交該旗該地方官暫行保釋俟立秋後送部發落如重囚內有可矜疑者請旨定奪其杖責人犯無論題達重案及一應事件統

於減等之中遞行八折發落

謹案乾隆六年改為按季彙題

欽定大清會典事例卷一千四十四

翰林院

官制設官 升除 保送御史

設官○

國初置文館於

盛京○天聰十年改文館為內三院曰內

國史院曰內祕書院曰內宏文院設大學士每院

各一員○順治元年二月增設內三院學士每

院各一員五月

國朝定鼎京師令各衙門悉仍舊制定翰林院為

正三品衙門設漢學士一員秩正三品侍讀學

士一員侍講學士一員秩正四品侍讀二員侍

講二員秩正五品修撰秩正六品編修秩正七

品檢討秩從七品俱無定員庶吉士三年一選

亦無定員並設典簿二員孔目二員裁博士侍

書待詔○二年定內三院為二品衙門令翰林

官由內三院補授○又裁翰林院歸內三院稱

內翰林

國史院內翰林祕書院內翰林宏文院定內三院

官制大學士二員學士四員侍讀六員○六年

更定內三院官制。每院各設學士一員。侍讀學士一員。侍講學士一員。侍讀一員。侍講一員。○八年增設內三院侍讀學士各三員。裁侍讀二員。○十年增設內三院大學士各二員。○十五年改內三院為內閣。置翰林院大學士。加殿閣銜。設滿漢掌院學士各一員。秩正五品。漢侍讀學士三員。侍講學士三員。秩從五品。侍讀三員。侍講三員。秩正六品。滿漢典簿各一員。滿洲侍讀四員。漢侍讀兩員。滿漢孔目各一員。滿文筆帖式八員。滿漢文筆帖式八員。餘如元年定制。○十七年設翰林院侍讀四員。以中書劉格。啟心郎金繼煒。工部四品主事董國安各兼太常寺少卿。刑部員外郎盧震兼光祿寺卿。管理待詔事。○十八年裁內閣翰林院。復置內三院。每院設滿洲大學士各一員。漢大學士各一員。滿洲學士各二員。漢軍學士各一員。漢學士各一員。○康熙元年增設內三院滿洲侍讀學士各一員。漢侍讀學士各一員。滿洲侍讀各一員。漢侍讀各一員。○八年裁內三院滿洲學士各一員。○九年復改內三院為內閣。別置翰林院。

設滿漢掌院學士各一員。兼禮部侍郎銜。秩正三品。設滿漢侍讀學士各三員。滿漢侍講學士各三員。侍讀各三員。侍講各三員。修撰編修檢討無定員。品級俱如順治十五年制。並設滿漢典簿各一員。孔目各一員。待詔各二員。增設滿文筆帖式八員。漢軍筆帖式八員。○十一年增設滿文筆帖式十四員。滿漢文筆帖式十員。○三十四年裁滿洲筆帖式八員。漢軍筆帖式四員。○雍正三年晉翰林院侍讀學士。侍講學士。秩從四品。侍讀侍講秩從五品。○八年晉掌院學士秩從二品。○乾隆二十八年定掌院學士為兼管銜。○五十二年裁滿洲侍讀學士。侍講學士。侍讀侍講各一員。○五十八年定掌院學士不兼禮部侍郎銜。○升除。○順治九年奏准修撰編修檢討。按科分先後資序升轉。凡奉差終養丁憂依限到京者。仍序資。違者計所違日月序於後。給假告病者。概序於後。○十一年奏准翰林詹事官升補歸吏部。○十六年吏部題補吏部右侍郎缺。奉旨。內閣既不設學士。翰林官無缺可升。嗣後吏部侍郎。

缺出著照禮部侍郎之例亦用翰林官補授謹案漢

康熙十一年題准滿洲侍讀學士以下各員缺

將應升官員內擇其文義優通者擬正陪咨送

吏部題補謹案滿洲編檢庶吉士員數較少翰

門科甲出身司員補選○二十八年

諭翰林院掌院一官職任緊要必文學淹通衆所推服

者始克勝任凡翰林撰擬之文亦須掌院詳加刪潤

然後成章聞明代大學士有兼管掌院之例大學士

徐元文著兼管翰林院掌院學士事謹案向例滿洲

以詹事少詹事講學士祭酒庶子暨科甲出

身之太常寺卿光祿寺卿太僕寺卿通政司副

使大理寺少卿鴻臚寺卿太常寺少卿太僕寺

少卿內閣侍讀學士為應升侍讀侍講洗馬司

業登科甲出身之通政司參議光祿寺少卿鴻

臚寺少卿科道等官為其次應升漢掌院學士

缺出以詹事少詹事講學士祭酒庶子暨科甲出

身之太常寺卿光祿寺卿太僕寺卿通政司副

使大理寺少卿鴻臚寺卿太常寺少卿太僕寺

少卿內閣侍讀學士為應升侍讀侍講洗馬司

業登科甲出身之通政司參議光祿寺少卿鴻

臚寺少卿科道等官為其次應升漢掌院學士

缺出以詹事少詹事講學士祭酒庶子暨科甲出

身之太常寺卿光祿寺卿太僕寺卿通政司副

使大理寺少卿鴻臚寺卿太常寺少卿太僕寺

少卿內閣侍讀學士為應升侍讀侍講洗馬司

業登科甲出身之通政司參議光祿寺少卿鴻

諭朕先慮翰林官壅滯故用數人於部院衙門所用數

政司副使大理寺少卿缺出以侍讀學士侍講

學士庶子開列太常寺少卿鴻臚寺卿太僕寺

少卿順天府府丞缺出以侍讀侍講洗馬中允

司業贊善開列俱在正木之外另為大單京堂

由翰詹改補者如遇翰詹應升之內閣學士缺

出以太常寺卿順天府府尹光祿寺卿太僕寺

卿通政司副使大理寺少卿開列詹事缺出以

光祿寺卿太僕寺卿通政司副使大理寺少卿

開列亦○三十八年

諭比年內升官員少翰林官甚衆升遷壅滯現出京堂

缺將翰林官職名一併開列○四十八年議准凡本

院暨詹事府官一應升轉均以編檢任內俸通

論○五十七年奏准六部侍郎缺出不論翰林

京堂應升官通行開列○雍正元年

諭滿洲翰林向無升轉之途伊等如何升轉之處著議

奏欽此遵

旨議定侍讀侍講諭德洗馬司業缺出以編修檢討論

俸推升一員以中允贊善及科甲出身之各部

司員升補一員少詹事侍讀學士侍講學士庶

子缺出以侍讀侍講諭德洗馬司業推升一員

以科甲出身之科道等官升補一員○二年定

凡遇升轉由本衙門會同詹事府以應升官及

其次應升官職名一併咨送吏部題請

簡用○又定向例漢官奉差如遇升轉照例咨吏部

題補。惟提督學政。俟差滿日升轉。嗣後凡遇升轉。將現出學差人員一併開列。○乾隆二年

諭。翰林開坊缺出。著將俸深人員開列二十員。帶領引

見。○又定。翰詹開坊等官。係蒙

特簡之員。京察雖列一等。毋庸優敘加級。○十一年

定。庶子讀講等官。升國子監祭酒。由吏部帶領

引

見。○三十三年議准。滿洲開坊員缺。將應升之翰詹

官員與科甲出身之部屬。應升官員分缺開用。

翰詹各官論俸。部屬各官由大學士九卿揀選。

擬定正陪引

見補放。○三十四年奏准。詹事府贊善國子監司業

缺出。除未經散館之修撰編修。不准論俸開列

外。由院將俸深修撰編修檢討開列二十員。咨

送吏部。覈其俸次帶領引

見補授。○又奏准。國子監滿洲祭酒員缺。照漢祭酒

之例帶領引

見補授。○三十六年

諭。向來翰林院侍讀侍講學士及侍讀侍講中允贊善

等官。有需次候補者。例俱坐補原官。不得通融補用。

此等詞曹清秩。額缺有定。一經回籍。至來京應補時。

輒格於成例。未免守候需時。因思讀之與講。繫銜雖

殊。品級相等。而漢缺中允贊善。亦非若滿員之銓用

殊途。分別五六品頂戴者。可比從前坐補之例。未免

過於拘泥。即稍有變通。於體制亦無妨礙。嗣後此等

候缺人員。讀講中贊。准其各通融補用。著為令。○又

諭。本日引見京察各員內。翰林院庶吉士亦有列入一

等者。該員尚未散館授職。不應遽膺薦剡。著撤去。嗣

後庶吉士保列一等之例。著停止。○五十六年奏准

向例京察庶吉士停列一等。仍概以二等註考。

嗣後請將庶吉士考察之例停止。○又奏准。滿

洲少詹事缺出。專以內班學士論俸升轉。以庶

子讀講洗馬司業作為其次。應升學士缺出。專

以內班庶子讀講洗馬司業升任。仍論俸擬定

正陪引

見補放。將舊例由外班揀補少詹學士之通政使參

議光祿寺少卿鴻臚寺少卿科道郎中。悉行扣

除。再中允贊善二缺。向例定為外班。遇應升時。

中允例。應試俸一年。贊善例。應試俸二年。俟期

滿後。方准升轉。嗣後毋庸試俸。至庶子讀講洗

馬等缺。照例以內外班分補。遇有內班升缺無人時。准以外班抵補。嗣後如外班人員抵升內班之缺。俟內班有人。即按照次數歸還。○五十八年奏。准歷年來掌院學士。俱係欽奉

諭旨。以大學士各部尚書兼攝管理。應候

旨簡放。如奉

旨開列。即以大學士及各部尚書繕單進呈。再掌院學

士從前有奉

旨。以左都御史及各部侍郎兼攝管理者。嗣後除

特旨簡放外。如奉

旨開列。應以科甲出身之大學士。各部尚書侍郎。都察

院左都御史繕單進呈。○嘉慶五年奏。准開列

京堂翰詹等官。將應補應升人員。照例開列。如

有降革留任等項。不合例事故。除應補人員。仍

行開列坐補外。其應升人員。即於題本內聲明

扣除。至轉補。據案如翰林開列京堂。及由翰林

事之類。是應轉人員。不止一人。俱開入夾單。其

侍讀學士。由侍讀學士。將侍讀學士。通列名

於應補人員之復。如應補人員。侍讀學士。侍讀

將應補人員。論俸擬擬一人。列入正本。轉補。次

將應補人員。侍讀學士。出缺之後。不准論俸擬擬

補。左庶子。由右庶子。轉。左中允。由右中允。轉。左

贊善。由右贊善。轉。於正本內列。及其次應升列

入夾單之員。並外官內轉。應夾單者。俱逐員開

寫。如有降革留任不合事故。及未報到任。出缺

後補任升任。俱於本員名下註明。一併另行繕

單。與題本一同進呈。其列入正本之應轉人員。

及未報到任。出缺。自出缺後補任升任。並降革

留任。俱於本內聲明扣除。不得仍行隨本轉補。

註案。此專指侍讀學士。侍講學士。而若右庶

子。右中允。右贊善。俱止一缺。並無別員。可以扣

除。另轉。所有各項不合例事故。仍。○又奏。准嗣

後侍講缺出。將洗馬與中贊一體開列。中允缺

出。司業與贊善較俸開列。○八年

諭。此次大考翰詹。洗馬那爾豐阿侍講。貴慶侍講學士

法式善。俱考列三等。分別降補。中允贊善。向例滿洲

內班翰詹。均不升轉。中允贊善。遇有缺出。專由外班

揀選補授。朕思漢缺。中允贊善。定為編檢升階。滿洲

翰林品級。與漢缺一例。嗣後遇有滿中允贊善缺出。

著先儘編檢論俸升補。以次遞轉。如內班無人。再由

外班揀選。其侍讀侍講缺出。應用內班者。先儘內班

之中允贊善升用。如內班中贊無人。仍准其以編檢

升補。所有那爾豐阿貴慶法式善三人。即著歸入內

班升轉。○又

諭。開坊翰林由大考降職者。開舊例按前俸接算。近來數次大考降補人員。均不准接算前俸。是以俸深各員一經左遷。資格轉居最後。此例始自何年。因何更改之處。著吏部詳悉查明具奏。欽此。遵

旨議准。嗣後翰詹除因事降調及改補別衙門者。不准接俸外。其因大考降補人員。仍接算前俸。但須定以限制。如少詹事學士降庶子講讀。止准接庶子講讀以前之底俸。其少詹事學士任內之俸。不准接算。中允贊善降編修。檢討亦如之前。

由編修檢討擢講讀者。今降中允贊善。從前並無懸俸。止令接編修檢討之俸。遇有缺出。論俸開列。凡考試等第。仍列於各員名下。○十年

諭。翰詹升轉各缺。自內閣學士以至中允。均係由吏部開列請簡。以後國子監漢祭酒一缺。著改為開列請簡。以符體制。○十四年

諭。嗣後滿少詹事講學士及祭酒缺出。均著將應升人員通行開列。註明俸次具題。其庶子以下坊缺。仍照舊例擬定正陪帶領引見。○道光二十一年奏准。滿洲贊善缺出。應用外班庶吉士出身有人。仍

按科分甲第名次擬定正陪。毋庸揀選。如輪用進士及應用進士擬陪。輪用舉人及應用舉人擬陪。均按照品級考所列表。各衙門應升人員。奏請

欽派大臣。擇其年力富強者。公同揀選正陪引見。補放如有年力衰邁。起跪維艱者。即行扣除。○二十五年奏准。嗣後翰詹衙門應行引

見之滿員缺出。專以合例在先之員擬升引見。毋庸以其次之員擬陪。其合例擬升之員。如報患病。比照月選官之例。一月後不報病痊。另擬其

次合例之員引見。惟此項人員與月選官不同。不必開其本缺。俟咨報病痊時。停其別項升轉。止令其坐補原升之缺。○二十七年議准。於翰林院侍讀侍講中允贊善中各分一缺。作為繕譯專缺。專以繕譯人員升補。洗馬一缺。以文進士與繕譯進士相間

輪用。庶子講讀學士。不分文進士繕譯進士。通行論俸升用。○咸豐十年

諭。吏部奏請應行引見庶子侍讀等員。現在出差。請旨辦理等語。詹事府左庶子著擬正之伍忠阿補授。翰



林院侍讀著擬正之全順補授均著毋庸帶領引見  
 ○同治四年議定翰詹各官如在外省出力保  
 奏無論何項勞績不准保升坊職及遇缺題奏  
 又庶吉士無論何項勞績不准保免其散館授  
 職編修檢討○六年奏准翰詹衙門滿洲各缺  
 除讀講學士庶子向未分定繙譯專缺仍照舊  
 辦理外其分缺補用之侍讀侍講以下等官毋  
 庸拘定專缺將繙譯進士舉人出身人員歸併  
 與文進士舉人出身人員一體分內外班升轉  
 繙譯庶吉士留館後即歸入本科文庶吉士留  
 館各員之次升轉○八年奏准翰詹官員無論  
 何項勞績如有保舉以應升之缺奏補者列名  
 於各項應升人員之先保舉以其次應升之缺  
 奏補者列名於其次應升人員之先仍照例分  
 別具題引

見請

旨簡用毋庸指缺奏補謹案翰詹官員各項勞績保  
 舉應儘先升用遇缺題奏向無  
 專摺奏補之例近年成案有保舉遇有升缺由  
 吏部奏補者缺出時即將該員專摺奏補至是  
 竊○光緒元年奏准嗣後翰詹官員有保奏開  
 列在前者遇應升缺出列名在正陪之先如保

奏應升之缺儘先升用者無論該員俸次即以  
 該員擬正將俸深人員擬陪若儘先升用同班  
 保有數員應比較奉  
 旨日期先後擬正陪引  
 見毋庸將俸深人員擬陪其餘儘先人員下次缺出  
 仿照辦理如同日保奏即論該員等俸次為先  
 後如保奏以應升之缺升用並無儘先字樣者  
 列名於正陪人員之後○又奏定保舉開列在  
 前者須入二十名內始准開列引  
 見○五年議定嗣後翰詹無論何項勞績不得保舉  
 開列在前如係尤為出力人員止准保以應升  
 之缺升用遇有應升缺出仍按原名次開列將  
 應升之缺升用保案於本員名下註明出力稍  
 次各員止准保舉議敘加銜加級  
 封典不得保獎升階所有從前翰詹保獎開列在前  
 尚未升用人員除  
 實錄館保案仍照舊開列外其餘各處保案均於本員  
 名下註明至遇缺題奏係翰詹大考奉  
 特旨給予嘉獎除此次  
 實錄慶成保獎外嗣後無論何項勞績概不得保舉遇

缺題奏

保送御史。康熙三十八年。大學士等以漢科道員缺。揀選編修檢討等官。開列職名具奏。奉

旨。此內查嗣韓查昇俱善書。不可使離翰林院。凌紹雲姚士嘉汪倭陳夢球亦著仍留衙門。馮雲驥湯右曾

劉灝宋朝楠彭始搏張瓊著改科道。謹案國初庶道以編修檢討改授。○四十四年定編修檢討御

自馮雲驥六人始。史。毋庸試俸。謹案向例試俸一年始得實授。至是以翰林班在科道之上。俸試俸

例。○又議定。考選科道。將翰林編修檢討及正

途出身之六部司員一同開列恭候

簡用。謹案滿洲蒙古滿檢例不考選御史其餘皆得保送。○乾隆三年

諭。科道為耳目之司。關係甚重。向來俱係各部院堂官

將合例司員揀選保送。翰林院編修檢討亦在揀選

保送之例。由吏部帶領引見。朕親加簡拔。用為科道

此定例也。但思部院司員及翰林編修人數甚多。各

堂官保送。皆就伊等所見舉出。統計一衙門官員不

過十之一二。其餘眾員。朕未經編覽。此中或有可任

科道而不在保送之列者。亦未可定。朕意欲將例應

考選翰林部屬等官。一概通行引見。司員每日在本

衙門辦事。其才品之長短賢否。該堂官皆所熟悉。著

逐名出具考語。有由州縣行取補用者。亦著註明。即

著該堂官帶領引見。至編檢官員職司文墨。其辦事

之能否。未經試驗。毋庸出具考語。著該掌院學士帶

領引見。朕自有鑒別。現在御史員缺。應行考選。且記

名之人。即可備將來考選之用。至於考選人員。著各

衙門於圓明園該班奏事之日。帶領引見。翰林院編

檢人多。分作三班。部院酌量人數。分班。每班以二

十人為率。記名之後。陸續交與吏部。俟有御史缺出。

按其品級俸次開列引見。候旨補授。補用將完之日。

吏部再將如何考選之處。另行請旨。○三十八年奏

准編修檢討侯歷俸已滿三年之後始得保送

御史。○六十年

諭。各衙門保送滿漢御史。初次引見未經記名。下次不

得再行保送。著為令。○嘉慶二年奉

旨。吏部奏現在記名御史之部屬尚有八員。翰林止有

一員。應請考選等語。向來御史缺出。吏部帶領一排

三人。翰林前列。以致多用。現在部屬人員不少。而翰

林止有一員。若再將翰林保送。部屬未免壅積。偏枯

所有未用之翰林一員。著暫停引見。俟部屬僅餘二

三員時。再將翰林部屬一同照例引見。○六年奏准

編檢保送御史仍照舊例部屬記名者無人即保送部屬翰林記名者無人即保送翰林陸續分班不相遲待。○十年

諭。據給事中永祚奏漢御史缺出請將翰林部屬輪班簡用一摺。向來漢御史缺出吏部將翰林一員部屬二員帶領引見朕隨時酌覈人材量加錄用豈能記憶前次所用係屬何項人員該給事中所奏尚為平允著准照所請嗣後遇有漢御史缺出吏部將曾經記名以御史用之翰林部屬各員輪班帶領引見候朕簡用。○十四年

諭。現在翰林院應行保送御史該衙門多係新科人員其歷俸三年以上合例應保者人數無多著將從前曾經保送未經記名各員照京察一等續行引見之例帶領引見。○道光十七年

諭。翰林院應行保送御史現在歷俸三年以上合例應保者人數無多著將從前曾經保送未經記名各員與應行保送之員一體帶領引見。○咸豐三年

諭。金鶴清現在南書房行走所有記名御史著即註銷。○七年奏准保送御史合例者人數無多請將未經記名人員一體保送。○同治元年

諭。翰林院奏前經撤銷御史人員應否再行保送請旨等語翰林院編修彭瑞毓曾經考取御史因在南書房行走撤銷茲屆保送御史之期著仍准其保送一體考試。

欽定大清會典事例卷一千四十五

翰林院

官制外轉 湖廣 日講起居注官兼銜 考選  
庶吉士 考選 編修 庶吉士 館舍 庫儲

外轉 ○ 順治十年

聖駕幸內院將試過翰林銜侍郎及學士以下各官  
御筆親定去留

諭吏部朕親試詞臣量為分別有照舊留任者有改授

外任者其外任編檢以上官照詞臣外轉舊例優予  
司道等缺詳大考 ○ 又

諭翰林官簡擢中秘書知法度今用人孔亟必得文行

兼優者以學問為經濟助登上理茲朕親行裁定陳  
煥黃志遠王無咎楊思聖藍潤王舜年范周馬華曾  
沈荃陳彩鄧旭徐必遠于朋舉王聰耿介崔之瑛湯  
斌盧高皆品行清端才猷瞻裕各照外轉應得職銜  
升一級用遇缺即補須益矢忠勤興利除弊副朕圖  
治安民至意 ○ 又定詹事以布政使用支正二品俸  
少詹事以布政使用侍讀學士以按察使用侍  
讀中允以參政用編修檢討以副使用 ○ 十六  
年

論人才經歷外任然後請練事情克稱任使科道官俱

照舊例按年內升外轉今後翰林官除照常升轉外  
亦與科道官一體按年外轉爾部會同翰林院定議  
具奏欽此遵

旨議定翰林官外轉例除侍讀學士侍講學士以上照

常升轉外侍讀以下應照科道例年年轉二員  
春季一員秋季一員侍讀侍講以參政用修撰

以副使用編修檢討以參議用 ○ 十八年奉

旨翰林現在無多且皆經酌量選用以後不必外轉 ○  
康熙三十七年左都御史吳涵奏翰詹之儲材

日廣升轉之壅滯宜疏請變通以收實用留館  
之編修檢討每有歷俸十餘年而不得遷中允

贊善者由中允遷侍講侍讀等官有歷十餘年  
而僅止五六品者今編修檢討五六十人開坊

而上約三十人以七八十人而經年不遇一缺  
不轉一人仰懇

聖恩酌復變通編修檢討或照李濤等之外補一二

人少詹講讀學士等官或照王士禎等之例以  
京堂調補一二人每年開列一次恭候

欽點庶仕路均平羣材競奮奉

旨所奏極是。翰林官員係進士內選拔者。教習三年。又

行考試。擇其善者始留衙門。伊等應升缺少。以致壅

滯。此奏朕已知之。不必令部議也。謹案先是翰林外

二十八年五月編修李濟丁是健檢討汪楫始

外用知府。至是以吳涵堉復改檢討劉涵為揚

知州府。○雍正元年

論。國家建官分職。於翰林之選。尤為慎重。必人品端方。

學問純粹。始為無忝厥職。所以培館閣之才。儲公輔

之器也。從前

聖祖加意育才。循循訓導。又纂修各種書籍。需員甚多。

故翰林院編檢幾至二百人。庶吉士亦五六十人。朕

臨御之初。未有編纂諸事。又未能如

聖祖之善於訓導。誠恐人材置之閒散。特多方錄用。內

而科道吏部外。而道府州縣。俱各隨材器使。務令疏

通。今編檢尚有百餘人。庶吉士尚有數十人。若內閣

翰林院掌院教習。秉公別擇。其學問優長。字畫端楷。

或精於繕譯圖書者。留本衙門辦事。及分各館纂修。

其或材具練達。可當科道吏部之選。或長於史治。編

檢可為道府。庶吉士可為州縣者。一一分別具奏。

八年

論。編修檢討中有能勝知府之任者。著大學士等揀選

數員。交與吏部帶領引見。○乾隆十四年

論。近年翰林院人員外用者少。著大學士會同翰林院

掌院學士。將可勝道府之任者。於編修檢討內揀選

數員。帶領引見。○二十九年

論。翰林人員向有外任道府之例。著大學士會同翰林

院掌院學士。將材堪勝任道府者。揀選數員。帶領引

見。○嘉慶五年

論。向來翰林院編修檢討。遇有京察保列一等記名者。

俱與開坊各員一體簡放道府。但編修檢討。止係七

品。而道府則係四品。職級相去甚遠。乃編檢等一經

保列記名。即邀簡用道府。未免太優。且編檢職係詞

垣。其由掌院學士保列一等者。大率因其學問較優。

年力精壯。登之薦牘。引見時量予記名。並非考試優

等者可比。該員等即長於文藝。究未經歷政務。於地

方民事。豈能諳習。遽膺方面。恐不免致有貽誤。嗣後

除業經開坊之翰詹等官。及修撰。京察一等記名外

用者。遇有道府缺出。仍開列請旨。其編檢京察一等

記名外用者。遇有同知直隸州知州缺出。開列簡放。

著為令。○又

論。昨已降旨將翰林院編修檢討。京察一等記名外用

者。遇有同知直隸州知州缺出。開列簡放。原因編檢與道府品級相去較遠。遽加擢用。未免過優。今思編檢開坊。止係按照俸次。其京察引見。准列一等者。未必俱係俸深人員。嗣後編檢各員。遇有坊缺。著將京察一等記名之員。於引見時。排單錄頭牌。及開列本內詳細註明。各該員開坊後。遇有道府缺出。即一體開入簡放。著為令。

日講起居注官兼銜。

日講起居注官。滿洲十人。漢十二人。其員缺不設專官。俱以翰林院編檢以上。詹事府中贊以上。

官兼充。詳見起居注事例

文淵閣兼銜。乾隆四十一年

諭。昨四庫館進呈。哀集永樂大典散篇。內有麟臺故事一編。為宋待制程俱撰。具詳當時館閣之制。所載典掌三館秘閣書籍。以執政領閣事。又有直秘閣。秘閣校理等官。頗稱賅備。方今蒐羅遺籍。彙為四庫全書。每輯錄奏進。朕親披閱。釐正。特於文華殿後。建文淵閣。弄之以充策府。而昭文治。淵海縹緲。蔚然稱盛。第文淵閣。固朝雖為大學士兼銜。而非職掌。在昔並無其地。茲既崇構鼎新。琅函環列。不可不設官兼掌。以

副其實。自宜酌衷宋制。設文淵閣領閣事。總其成。其次為直閣事。同司典掌。又其次為校理。分司註冊點驗。所有閣中書籍。按時檢曝。雖責之內府官屬。而一切職掌。則領閣事以下各任之。於內閣翰詹衙門內。兼用其每職銜。應設幾員。及以何官兼充。著大學士會同吏部翰林院。定議列名具奏。候朕簡定。令各分職兼銜。將來即為定額。用垂久遠。至於四庫所集。多人間未見之書。朕勤加採訪。非徒廣金匱石室之藏。將以加惠藝林。啟牖後學。公天下之好也。惟是鐫刻流傳。僅什之一。而鈔錄儲藏者。外間仍無由窺睹。豈

朕右文本意乎。翰林原許讀中秘書。即大臣官員中。有嗜古勤學者。並許告之所司。赴閣觀覽。第不得攜取出外。致有損失。其如何酌定章程。並著具議以聞。欽此。遵

旨議定。置文淵閣領閣事二員。以大學士協辦大學士。翰林院掌院學士兼充。總司典掌。置文淵閣直閣事六員。以由科甲出身之內閣學士。由內班出身之滿洲詹事少詹事。讀講學士。漢詹事少詹事。讀講學士等官兼充。同司典守釐輯之事。置文淵閣校理十六員。以由內班出身之滿洲

庶子讀講洗馬中贊編檢漢庶子讀講洗馬中贊修撰編檢及科甲出身之內閣侍讀等官兼充分司註冊點驗之事仍仿宋代館職結銜之例令其繫銜於本職之上如遇領閣事直閣事員缺由翰林院列名具疏題請簡授如校理員缺應由領閣事大學士會同翰林院掌院學士遴選引

見請

旨充補各員中有出差等事照講官例請旨簡員署理又每歲仲夏曝書再設

文淵閣檢閱八員由領閣事大臣於科甲出身之內閣中書遴選兼充令於曝書時隨同點閱至

凡管鑰啟閉等事並屬內府司存請旨交內務府將經營之大臣開列名單奏請

特派一員令其兼充文淵閣提舉閣事銜用資管理

至閣內收發直宿諸事應於內府司員筆帖式內分派掌管其應設幾員兼管之處即交派出

之提舉大臣酌量奏明管理並於文淵閣後酌撥房屋數間作為閣職直舍如有查收書籍之處即同內府官員前往檢出收還隨時存記以

備查數俟四庫全書告竣後各藏其副於翰林院署立架分儲依全書目次編排標籤安度置簿詳記派本院辦事翰林數人各司其籍如翰林及大臣官員內欲觀祕書者准告之領閣事赴署請閱有願持筆札就署鈔錄者亦聽之如所鈔之本文字偶有疑誤須行參校者亦令其識明某卷某頁某篇彙書一單告之領閣事酌派校理一員同詣閣中請書檢對○五十三年

論

向來文淵閣藏度四庫全書設有領閣提舉直閣校理檢閱等官原未詳立規條以專責成因思文淵閣

提舉閣事一員係由總管內務府大臣兼充其司員以及看守埽除之人皆其所轄呼應較靈即著交提

舉閣事一人專為管理其領閣校理檢閱等官俱作為兼充虛銜不必辦理本閣事務○五十四年奏准

直閣校理檢閱等官既無承辦事件直閣事六員減作四員校理十六員減作八員檢閱八員

減作六員○五十五年

論

四庫全書薈萃古今載籍至為美備不特內府珍藏藉資乙覽亦欲以流傳廣播沾溉藝林前因卷頁浩繁中多舛錯特派總纂等復加詳細雠校俾無魯魚

亥豕之謬。茲已釐訂。咸工悉臻完善。至文淵等閣禁地森嚴。士人等因不便進內鈔閱。但翰林院現有存貯底本。如有情殷誦習者。亦許就近檢錄。掌院不得勒阻留難。如此廣為傳播。俾如古者得睹生平未見。互為鈔錄。傳之日久。使石渠天祿之藏。無不家絃戶誦。益昭右文稽古加惠士林盛事。不亦善乎。○五十八年。奏准檢閱員缺。向由內閣揀送翰林院奏補。校理員缺。翰林院酌帶引。

見記名候補。嗣後校理亦照檢閱之例。公同揀補。不帶引。

見。○嘉慶四年。奏准校理員缺。將翰詹人員全行開列請。

簡。檢閱員缺。將內閣移送人員一同開列請。

簡。○九年。增設校理四員。又奏准校理缺出。除講官例於。

經筵侍班。毋庸開列外。將庶子以下各員。並俸深編檢十員開列。奏請。

簡。充。檢閱缺出。由領閣事大臣於內閣中書內揀選。實缺之俸次較深。考班之行走勤勉者。一缺開送二員。由本院奏請。

簡。充。提督四譯館兼銜。○順治元年。定設太常寺少卿一員。提督翰林院四譯館。○十八年。題准翰林院裁併內三院。本館止稱四譯館。不稱翰林院。○康熙九年。題准本館仍隸翰林院。○十年。命提督四譯館太常寺少卿關防內增鑄翰林院銜。○乾隆十三年。改隸禮部。以禮部郎中兼鴻臚寺少卿銜一人兼攝。

考選庶吉士。○順治三年。定進士殿試畢。即簡授庶吉士。先由吏部移咨到院。題請日期。至期駕御使殿。

御座前設案。陳硃筆硯。掌院學士豫以新科進士名單進呈。次第引見。恭候。

欽選大學士。依次跪。

御案左西面。掌院學士在大學士後跪。講官立。

殿西東面。選畢。由院以選中諸進士。並一甲進士籍貫及鄉會試。

殿試名次。與所習本經。開明進呈。奉。



旨後交內閣欽遵

諭旨分別讀清漢書。具本啟奏。謹案自身設翰林院後禮部以新進士移

送到院掌院學士會同大學士以新進士開列

引到院掌院學士會同大學士以新進士開列

史部館選者宣學士一員 ○九年奏准按直省大

小取漢進士四十人。滿洲四人。蒙古二人。漢軍

四人。一同讀書。謹案自此以後因地取 ○康熙

二十四年

諭新選庶吉士張希良等。士子讀書稽古。原期窮理致

用。平居砥礪廉隅。敬修品行。皆為異日服官莅政之

本。迨登仕路。志在功名。未免奮志求進。干營奔競。喪

其懷來。往往有之。爾多士從田間來。甫通仕籍。務宜

率其素履。不改初心。凡授內外職任。其各加勉。清

操自矢。恬靜寡營。循分盡職。深已愛民。以副朕造就

人才至意。○雍正元年

諭新科進士於引見之前。朕欲先行考試。知其學問。再

行引見。選拔庶人才不致遺漏。目今天時寒冷。考試

之日。一應照殿試豫備。考試題目。朕將詩文四六各

體出題。視其所能。或一篇或二三篇。或各體皆作。悉

聽自便。謹案試卷於本院印由 ○又

諭新科進士。著問九卿。有知其居家孝友。人品端方者。

各就所知舉出。毋得隱而不言。親戚相識。亦不必迴

避。問明即註於姓名之下。一併奏聞。○又

諭選庶吉士。著照依文字入選。有保舉無保舉名次引

見。其文字不入選與無保舉者。仍照殿試甲第引見。

○三年

諭大學士九卿等。前日李鍾我奏稱翰林為儲材重地。

自康熙四十五年至六十年七科。每省俱有庶吉士。

查雍正元年癸卯科。漢軍及河南四川進士無館選

者。雍正二年甲辰科。蒙古及山西河南陝西四川廣

東湖南廣西雲南貴州進士。俱無館選者。請廣儲才

之路等語。朕即位之後。以培養人材。最重翰林。故加

意詳慎。隆科多曾奏稱

聖祖時館選。每省俱有庶吉士。所以朕於雍正元年癸

卯科館選時。試其文義。觀其人品。於僻遠省分之人。

亦酌量選取。又每諭教習之臣。盡心訓迪。迨後歷經

簡擇。及考試文章。其中惟江浙人文義實較各省為

優。因將各省人員。分用於內外各衙門。而江浙人留

館獨多。雍正二年甲辰科館選。亦詳加考試。朕因以

文義優者。選為庶吉士。於是山西河南等省進士。遂

多不得與選。蓋翰林職司文章。若以文義不及者處

之則用違其才。而其人或有他長。反無以自見矣。朕凡於用人行政。無不審慎籌畫。務求當理。而選擇翰林。更為留意。實欲人人勿枉其才。各效所長。庶國家得收器使之效。豈計及於各省翰林之多寡有無也。今覽李鍾我奏。是必外人有此議論。故遂以入告。朕甚嘉之。大凡國家政事。朕有不及見聞者。若臣下不言。朕何由而知。朕正欲爾等盡心陳奏。朕因得以察其所奏之是否。是則改而從之。否則亦可以朕意宣示爾等。使天下之人。曉然共白。不致妄生議論。嗣後館選庶吉士。或應考試文義進取。或應每省額選

幾人。或應分為南北兩院。向來教習止派滿漢各一員。今若按省分各選庶吉士。或亦按省分各設教習可乎。至各省未得館選之進士中。或有文義可充翰林之選者。爾等確有所知。即行舉出。毋使人有遺才之論。爾大學士會同九卿詳議具奏。欽此。尋議奏。

皇上振興文教。儲養英才。因人器使。館選之法。盡善盡美。更無遺逸之才。李鍾我條奏。應毋庸議。○五年定。試諸進士。以詔論奏議詩各一篇。○乾隆元年

翰。國家以科目取士。廷試之後。分別任用。或授庶常。或

分部學習。或以縣令銓補。此因才器使之道。欲令士子各展所長。裨益政治。原非有用舍去取於其間也。聞向來士子。因詞林地望資格。優於外任。每以得與是選為幸。及至引見後。輒於內用外用。妄生計較。此狃於習俗見聞之陋。而於朝廷優待士子之心。實未深悉。蓋今時縣令所轄土地人民。等於古者侯伯子男之國。撫綏經理。實賴通材。故親民之官。所繫最重。果其材猷政績。卓然表著。類皆不次超擢。膺斯任者。何得不力圖報稱。而更生企羨乎。若身與詞林之選者。其名實尤難相副。蓋文詞不工。於館職固為有愧。

即使詞采可觀。尚恐流為浮華無用之士。務各砥礪廉隅。講求經術。漸致淹雅宏通。以無負選後儲才之意。至於在部學習人員。分曹佐理。各有攸司。當念外省官吏。措置偶或失宜。尚有內部為之較正。在部中所定章程。一經奏准通行。將來即引為成例。稍有舛錯。貽誤不少。安得不倍矢精勤。期免隕越。總之百司庶府。悉非榮利之階。政事文章。各有當修之職業。務宜屏除私意。勉效忠良。庶幾識見日增。猷為日著。士風吏治。漸臻上理。朕實於爾等有厚望焉。○二年翰。新科進士。著總理事務王大臣驗看。分別三等具奏。

候朕親加簡選。○十六年試諸進士論奏議詩賦各

一篇。○二十五年奏准新科進士

朝考在

保和殿考試。閱卷大臣於

文華殿兩廊住宿。派御史四人於監試後。即令監

看閱卷。並令閱卷官於一二日內竣事。○三十

一年

論。向來新進士殿試朝考。復派王大臣驗看。分別等第。

原因人文並重。且使邊方遠省名次在後者。亦得均

與館選也。但思進士原係通行引見。其人之可造與

否。朕皆臨時甄別錄用。自可毋庸豫為揀選。嗣後新

進士引見時。著各按省分。仍依甲第前後。分班帶領。

並將上次每省錄用人數。詳晰開單呈覽。如有朝考

錄取者。並於綠頭籤及排單內註明。其如何分省分

日引見之處。該衙門臨時的辦奏開。○又奏定。新進

士引

見。除一甲三名業經授職。另為一班外。其滿洲漢軍

及各直省新進士有

朝考文字入選者。除於排單及綠頭籤內註明。並

將此項入選人員。歸於各該省之前。仍按其甲

第名次帶領引

見。○三十四年奏准新進士

朝考文字入選者。止於排單及綠頭籤內註明。仍

按各省甲第名次帶領引

見。○三十六年奏准

朝考詩遵照定式。止賦一首。毋許多作。此外如庶

常散館翰林大考。以及考試試差。均不得違例

多作。以符定制。○四十年

朝考閱卷奉

旨。嗣後鼎甲試卷內如有失粘落韻。以及字畫差訛之

處。俱著一體加籤。○五十三年奏准。試卷添用草稿

○又奉

旨。令監試大臣逐卷畫押。以作標記。○五十四年奉

旨。新進士著在保和殿考試。所有豫備茶水等事。不必

護軍校尉人等伺候。即照正大光明殿考試之例。令

太監等經管。光祿寺亦毋庸豫備飯食。朝考即照此

辦理。○嘉慶四年定

朝考試卷。毋庸添寫草稿。○二十年

論。向來新進士朝考。以論詔疏詩四項命題。其詔題多

係擬古。朕思士子文義。試以論疏詩三項。其優劣已

可概見。擬作古詔。不過臨時強記。敷衍成篇。况可擬古詔。本屬無多。歷科命題。幾偏嗣後。新進士朝考。著即裁去。詔一遵。以論疏詩三項命題。著為令。○道光

二十四年奏定。每科新進士

朝考。所有護軍統領稽查之處。由翰林院咨取堂

銜奏派。○同治元年奏准。

朝考改於五月初八日。謹案向例四月二十八日

一日。殿試初五日。傳。因奏改。朝考日期。州後。歷。仍照向例辦理。

考選繙譯庶吉士。○道光二十七年

諭。向來翰詹衙門。遇有滿洲翰林缺出。先儘內班升用。

內班無人。例用外班充補。及至考試詩賦。多非素習。以致未能前列。充補後。旋即改官。殊非造就人才本意。因思繙譯為滿洲本業。均應隨時學習精熟。毋稍荒廢。現在每科繙譯會試。獲雋者止用部屬。升途較隘。若將此項人員。轉入翰詹衙門。令其專心學習。繙譯與各員一體升轉。遇有考試翰詹之年。即照向例考試繙譯。免致舍其所長。用其所短。似足以收實效。其應如何分缺錄用之處。著大學士軍機大臣會同吏部妥議章程具奏。欽此。遵。

旨議奏。每科繙譯會試中式進士。吏部帶領引

見時請

旨。簡用庶吉士。下科散館。按本科覆試一二等者。授職編修。三等者。授職檢討。作為內班。論俸先儘升用。俸同者。以等第名次為先後。遇考試翰詹之年。仍令專考繙譯。○是月奉

旨。桂豐廣。勅爾精阿。伍忠阿。俱著以庶吉士用。是為

庶吉士。○又奏准。繙譯庶吉士。應與文進士改

庶吉士各員。一體在館肄業。專習繙譯。到館由

大教習出題督課。並添派通曉繙譯滿洲小教

習一員。隨時教習。互見教習庶吉士。至散館時。請

欽命繙譯題一道。令繙譯庶吉士考試繙譯。互見其

開單列名等事。即將繙譯庶吉士列於本科文

庶吉士之次。仍以甲第覆試等第為先後。其開

列講官。並進署儀節。及到館任各事宜。均照文

翰林一例辦理。

館舍康餼。○康熙三十九年。

諭。大學士等。觀翰林官及庶吉士。內有極貧者。衣服乘

駟。皆不能備。將此等查出。作何施恩。有益供職。爾等

會同翰林院議奏。欽此。遵。

旨議奏。翰林官內貧者。月給銀三兩。○四十二年定。長

庫兩淮南浙兩廣河東福建等處鹽差及許暨  
蕪湖崇文門等處稅差各八十兩湖口淮安等  
處稅差各七十兩北新鳳陽開海太平橋龍江  
關等處稅差各五十兩揚州贛關天津粵海浙  
海臨清關等處稅差各四十兩山海關江海南  
新等處稅差各三十兩共計銀一千四百四十  
兩每年解交戶部送院除丁憂告病回籍者不  
給外現在館庶吉士均得分給

御試授職之後停其給發○雍正十一年

翰林院教習庶吉士所以造就人材使之沈潛經籍

涵泳藝林可以典制誥之文鳴國家之盛也從前庶  
吉士皆就翰林院讀書教習諸臣不時策勵是以身  
心約束學殖易增館閣之閑蔚然稱盛朕意今科選  
拔庶常仍令在衙門讀書俾教習諸臣得以朝夕訓  
課兼厚給廩餼資其膏火庶幾枕經昨史文藻可擬  
克稱詞臣珥筆之職應稽考前例及如何加予廩給  
之處其酌議以聞欽此遵

旨議定庶吉士廩餼每人月給銀四兩五錢器用什物  
由工部支取並撥給官房一所為教習館令庶  
吉士肄業其中頒給經史詩文各種存儲館內

以資課習○乾隆三十二年奏准庶吉士幫俸  
一項嗣後交庶常館提調按銀數人數均派具  
稿送教習覈定分發不得以別項藉端開銷又  
庶常館向設學掌八員於翰林院廳員筆帖式  
內充補嗣後酌留四員辦理繕稿餘應咨回本  
院辦事並請裁去學掌名目○三十三年重修  
庶常館頒給

御書芸館培英扁額○三十四年議定分給幫俸章程

一銀項到館提調當堂兌收如有低色短平之  
處行文查辦一覈定銀數每庶常一員應分銀  
若干記明存簿一每次分給幫俸以部咨到日  
現在肄業之庶常為準如已告假及未銷假者  
雖先後一日不得分給一新舊兩科交換之際  
以散館之日為限在前解到者屬舊科庶常在  
後解到者屬新科庶常詳細聲明總簿一署後  
市廛七間每月收租為本館修理之需刊刻木  
榜懸之館內

給假○順治十六年奏准翰林院官自侍讀學  
士以至編檢與掌院俱為同官原無統屬凡給  
假省親終養違并告病等項令其自行陳請○

康熙十四年定翰林請假。惟掌院學士自行陳請其餘均送吏部具題。○五十二年

諭近見翰林等官告假者甚多。三分已去其二。又庶吉士等正當學習時。遽回本籍。至三年考試將近。又來考試。似此任意告假。焉得學習。此後除丁憂終養外。凡翰林院庶吉士告假者。應照致仕知縣例。不准補用。○雍正四年奏准翰林告病休致。照致仕知縣例。不准起用各員恭達

恩詔俱准補用。嗣後凡患病告假者。俱准其起用。○乾隆三十四年

諭御史孟邵條奏所稱編檢聽其去來。不足以昭慎重等語。不知伊等遇有告假等事。資俸例應扣除。不能越次遞轉。僕其間有以領俸前後巧為趨避者。自有定例。本難趨避。即間有一二見小不惜顏面之徒。亦將為士林所不齒。國家又何必屑屑為之防禁耶。○嘉慶十五年

諭昨閱吏部彙題官員告假事故本內。庶吉士患病呈請回籍調理者。共十二名之多。降旨交教習庶吉士查明具奏。茲據秀甯等履奏京官告假省親等項。定例須食俸六年。始准具呈。惟患病准其隨時呈明給

假。各該庶吉士有實因患病回籍者。亦有因甫得一官。家有老親不能迎養。又未符省親例限。偶有微疾。即以患病呈請。取結咨部辦理等語。新科庶吉士由舉子會試來京。中式後蒙恩錄用。如家有父母。即年未衰老。急思歸省。原屬人子至情。或留京資斧不繼。回籍設措。亦屬事所恆有。儘可據實呈明。何必紛紛託辭患病。而教習及吏部亦明知事有假託。委驗咨題。虛應故事。殊非覈實辦公之道。著交吏部改擬條例。嗣後庶吉士告假除實係患病者。循例辦理外。其請假省親不必拘食俸六年之例。准其據實呈明給假。但亦須定以限制。如除去往來程期。應給假幾箇月。準情酌議。其資斧不給者。該部本有回籍措費舊例。著一併酌議奏明。載入則例。欽此。遵

旨議奏。查在京大小各官告假定例。歷俸十年以上者。准給省墓假。歷俸六年以上者。准給省親假。歷俸五年以上者。准給遠葬假。其送親及畢姻者。不論歷俸。如各部院衙門額外人員。有告病省親。接眷修墓葬親等項。或因資斧不繼。呈請回籍措費者。均不必定以年限。至庶吉士離家未久。未便遽以省親修墓等詞。具呈請假。故告病

者多。嗣後亦當予以定限。除患病終養不計外。凡省親接眷修墓葬親。並實因資斧不繼。回籍措費等事。悉照實缺人員告假之例。按其省分遠近。除去往返程途。在家許住四箇月。期滿後。即到館銷假。告假之時。俱令據實呈請。給假之後。亦不得託故閒游。再各員先後告假。同日具題。其程限假限。不待具題奉旨。即以准其給假之日起。扣算日期。奉

旨。向來在京實缺官員。有因省親省墓等事請假者。俱分別歷俸年分。以定例限。其額外人員呈請給假。不

必定以年限。仍俟行走期滿。甄別去留。惟庶吉士一項人員。向不計俸。又無報滿日期。其告假之久暫。亦漫無定限。殊非勵品覈實之道。嗣後庶吉士等。呈請給假。除實係患病終養外。其請假省親修墓等事。不必論歷俸年分。俱令據實呈明。仍各按省分遠近。除去往返程途。定限在家居住四箇月。期滿即應起咨銷假。如違限不到。查係無故逗遛者。著奏明將該員懲治不貸。○道光二十九年

諭。吏部奏翰林院庶吉士王衡。告假回保定駐防。修理墳塋。不候路引。徑行起程。殊屬不合。著照例議處。該

員現又展假。著該督於假滿後。即行飭令回京。

欽定大清會典事例卷一千四十六

翰林院

官制考試博學鴻詞 保舉經學 改授館

考試博學鴻詞○康熙十七年

諭自古一代之興必有博學鴻儒振起文運闡發經史

潤色詞章以備顧問著作之選朕萬幾餘暇游心文

翰思得博學之士用資典學我朝定鼎以來崇儒重

道培養人材四海之廣豈無奇才碩彥學問淵通文

藻瑰麗可追蹤前哲者凡有學行兼優文詞卓越之

人不論已仕未仕令在京三品以上及科道官員在

外督撫布按各舉所知朕將親試錄用其餘內外各

官果有真知灼見在內開送吏部在外開報督撫代

為題薦務令虛公延訪期得真才以副朕求賢右文

之意欽此嗣經大學士李蔚等薦原任副使道曹溶

等七十七人

命俟各員赴部會集之日具奏其在外現任者不必開

缺是年十一月大學士承

旨令戶部酌議貼給俸廉並薪炭銀兩按月支領○十

八年三月

御試博學鴻詞一百四十三人於

禮仁閣

賜燕時陪燕者吏部尚書二員掌院學士二員

欽命題賦一詩一

命大學士李蔚杜立德馮溥掌院學士葉方鵠閱卷進

呈

御定一等二十人彭孫通倪燦張烈汪霽喬萊王頊齡

李因篤秦松齡周清原陳維崧徐嘉炎陸萊馮

勛錢中諧汪楫袁佑朱彝尊湯斌汪琬邱象隨

二等三十人李來泰潘耒沈珩施閔章米漢雯

黃興堅李鎰徐欽沈筠周慶曾允侗范必英崔

如岳張鴻烈方象瑛李澄中吳元龍龐瑄毛奇

齡錢金甫吳任臣陳鴻績曹宜溥毛升芳曹禾

黎騫高詠龍燮邵吳遠嚴繩孫俱令纂修明史

其作何分別授職及未取人員內有年老者作

何量給職銜俱下部議尋議上奉

旨邵吳遠授為侍讀湯斌李來泰施閔章吳元龍授為

侍講彭孫通張烈汪霽喬萊王頊齡陸萊錢中諧袁

佑汪琬沈珩米漢雯黃興堅李鎰沈筠周慶曾方象

瑛錢金甫曹禾授為編修倪燦李因篤秦松齡周清

原陳維崧徐嘉炎馮勛汪楫朱彝尊邱象隨潘耒徐



欽允侗范必英崔如岳張鴻烈李澄中龐堽毛奇齡  
吳任臣陳鴻績曹宜溥毛升芳黎纂高詠龍慶服繩  
孫授為檢討。又試前告病之杜越傳山。未取卷內  
年老之王方穀等奉

旨。杜越傳山及王方穀等。文學素著。念其年邁。從優加  
銜。以示恩榮。俱授以內閣中書銜。雍正十一年

諭。國家聲教覃敷。人文蔚起。加恩科目。樂育羣才。彬彬  
乎盛矣。朕惟博學鴻詞之科。所以待卓越淹通之士。  
俾之黼黻皇猷。潤色鴻業。膺著作之任。備顧問之選。

聖祖仁皇帝康熙十七年。

特詔內外大臣。薦舉博學鴻儒。召試授職。一時名儒碩  
彥。多預其選。得人號為極盛。迄今數十年來。館閣詞  
林。儲材雖廣。而鴻通博雅。淹貫古今者。未嘗廣為揀  
羅。以示鼓勵。自古文教休明之日。必有瑰奇大雅之  
才。况蒙

聖祖仁皇帝六十餘年。專考作人之盛。涵濡教澤。溥海  
從風。朕延攬維殷。闡門籲俊。敦崇實學。諭旨屢頒。宜  
有品行端醇。文才優贍。枕經藉史。彈見洽聞。足稱博  
學鴻詞之選者。所當特修曠典。嘉予旁求。除現任翰  
詹官員。毋庸再膺薦舉外。其他已仕未仕之人。在京

著滿漢三品以上各舉所知。彙送內閣。在外著督撫  
會同學政。悉心體訪。遴選考驗。保題送部。轉交內閣。  
務期虛公詳慎。揀拔真才。朕將臨軒親試。優加錄用。  
廣示興賢之典。茂昭稽古之榮。應行事宜。著大學士  
九卿會議具奏。十三年。以直省奏薦人員尚少。復  
敕內外大臣。廣行遴選。是年十一月

諭。國家久道化成。人文蔚起。  
皇考樂育人材。

特降諭旨。令直省督撫。及在朝大臣。各保舉博學鴻詞。  
以備制作之選。乃直省奉

詔。已及二年。而所舉人數寥寥。朕思天下之大。人材之  
衆。豈無足膺是舉者。一則各懷慎重觀望之心。一則  
鑒衡之明。視乎在己之學問。或已實空。疏難以物色  
流品。此所以遲回而不能決也。然際此盛典。安可久  
稽。朕用再為中諭。凡在內大臣。及各省督撫。務宜悉  
心延訪。速行保薦。定於一年之內。齊集京師。候旨廷  
試。儘直省中實無可舉。亦即具本題覆。乾隆元年  
諭。內外臣工。所舉博學鴻詞。聞已有一百餘人。止因到  
京未齊。不便即行考試。其赴考先至者。未免旅食艱  
難。著從三月為始。每人月給銀四兩。資其膏火。在戶

部按名給發。考試後停止。若有現任在京食俸者。即不必支給。並行文外省。令未到之人。俱於九月以前到京。若該省無續舉之人。亦即報部知之。免致久待。欽此遵。

旨議奏保舉博學鴻詞一百七十六人。照康熙十八年

例行。至期赴

太和殿前考試。奉

旨。天氣漸寒。著於保和殿內考試。

賜燕

欽命第一場題賦一。詩一。第二場題

制策二。越日

命大學士鄂爾泰張廷玉吏部侍郎邵基閱卷。擬取一

等五人。二等十人。均

親加裁定。十月初引

見養心殿。分別授職。一等劉綸潘安禮諸錦于振杭世

駿均授翰林院編修。二等陳兆崙劉藻夏之蓉

周長發程恂俱授翰林院檢討。楊度汪沈廷芳

汪士鋐陳士璠齊召南俱授翰林院庶吉士。各

賜

御製日知薈說一部。二年七月。

御試被薦。續到博學鴻詞於

體仁閣。

賜燕

欽命第一場題

制策二。第二場題賦一。詩一。論一。

命大學士張廷玉尚書孫嘉淦閱卷。

欽命一等萬松齡授檢討。二等張漢授檢討。朱荃洪世

澤授庶吉士。

保舉經學。乾隆十四年

諭。聖賢之學。行本也。文末也。而文之中。經術其根柢也。

詞章其枝葉也。翰林以文學侍從。近年來因朕每試

以詩賦。頗致力於詞章。而求其沈酣六籍。含英咀華

究經訓之闡奧者。不少概見。豈篤志正學者。鮮與抑

有其人。而末之聞興。夫窮經不如敦行。然知務本則

於躬行為近。崇尚經術。良有關於世道人心。今海宇

昇平。學士大夫。舉得精研本業。其窮年矻矻。宗仰儒

先者。當不乏人。奈何令終老牖下。而詞苑中。寡經術

士也。內大學士九卿。外督撫。其公舉所知。不拘進士

舉人諸生。以及退休閒廢人員。能潛心經學者。慎重

遴訪。務擇老成敦厚純樸淹通之士。以應精選。毋濫

稱朕意焉。○十六年

諭朕前降旨。令九卿督撫薦舉潛心經學之士。雖據大學士等嚴覆調取。來京候試。現在到部者尚屬寥寥。但觀此番內外諸臣保舉。尚未能深悉朕意。蓋經術為根柢之學。原非徒以涉獵記誦為能。朕所望於此選者。務得經明行修。淹洽醇正之士。非徒現其工射策。廣記問文藻詞章。充翰林才華之選而已。亦非欲授以政事。責其當官之效。如從前各保一人故事。此朕下詔本意也。在湛深經術之儒。原不必拘拘考試。若如內外所舉。既有四十餘人。即云經術昌明。安得如許績學未遇之宿儒。其間流品自不無混淆。豈可使國家求賢之盛典。轉開倖進之捷徑。勢不得不慎重。考校以甄別之間。有素負通經之譽。恐一經就試。偶遇僻題。必致重損夙望。因而託詞不赴。以藏拙為完名者。苟如此用心。已不可為醇儒矣。其安所取之。然此中亦實有年齒衰邁不能跋涉赴考者。伏勝年九十餘。使女孫口授遺經於鼂錄。其年豈非為老。何害其為通儒。此所舉內果有篤學碩彥為眾所真知灼見。如伏生之流者。即毋庸調試。朕亦何妨降旨。問難經義。或加恩授以官階。示之獎勵乎。著大學士九

卿將現舉人員。再行虛公覈實。無拘人數。務取名實相符者。確舉以聞。如果眾所共信。即可不必考試。若仍迴護前舉。及彼此瞻徇。則尤重負尚經學求真才之意。獨不畏天下讀書人。訾議與後世公評耶。欽此。尋內閣等衙門合詞奏稱。內外薦舉經學人員。內惟陳祖范。吳鼎。梁錫璵。顧棟高等四人。經諸臣公同諮詢。多有知其平素品行端謹。留心正學者。雖未敢遽謂湛深經術。足以追蹤曩哲。上

明詔而就數十人中詳加較量。允屬潛心經學之士。○

又奉

旨保舉經學之陳祖范。吳鼎。梁錫璵。顧棟高。既據大學士九卿等公同覆覈。眾論僉同。其平日研窮經義。必見之著述。朕將親覽之。以規實學。在京者即交送內閣進呈。其人著該部帶領引見。在籍者行文該督撫就取之。朕觀其著述。另降諭旨。或願赴部引見。或年老不能來京者。聽其著述不必另行繕錄。致需時日。啟勅襲粹辨贗。鼎混珠之弊。欽此。嗣據吳鼎恭進象數集說一部。集說附錄一部。易問一部。春秋四傳選義一部。易堂問目一部。考律緒言一部。梁

錫珙恭進易經揆一一部奉

諭。吳鼎梁錫珙所著經學各書著派翰林二十員。中書二十員。在武英殿各繕寫一部進呈。原書給還本人。所有紙札飯食皆給之於官。梁詩正劉統勳董理其事。○又奉

旨。吳鼎梁錫珙俱以國子監司業用。葉酉現出學差。遇有中允贊善缺出補授。張九鑑不必署理司業。其員缺即著吳鼎補授。梁錫珙亦著授為司業。一體食俸辦事。不為定員。○又

諭。據王師摺奏保舉經學之陳祖范顧棟高年力老邁不能來京等語。陳祖范顧棟高俱著賞給國子監司業職銜以為績學之勸。所有著述留覽。○二十二年

諭。顧棟高前以保舉經學特賜國子監司業銜。今朕巡幸江南前來接駕。念其年登耄耋。經術湛深。著加恩賜以國子監祭酒銜。用示獎勵實學之意。

改授館職。○順治初年。授官學生王繼文為宏文院編修。張長庚為祕書院編修。○二年。授選貢生周有德為宏文院編修。筆帖式尼滿為祕書院編修。○又授明進士王崇簡杜芳周爰訪張丕吉喬庭桂岳映斗魏天賞為庶吉士。○七

年。授官學生劉兆麒為祕書院編修。○九年。授官學生靳輔為

國史院編修。○又授戶部郎中張允欽為翰林院侍讀。○康熙九年。授刑部主事杜鎮為翰林院編修。○十八年。授戶部郎中王士禎為翰林院侍講。○十九年

諭。高士奇杜訥學問淹通。居職勤慎。供奉有年。應授為翰林官。爾部一併從優議敘。○又

諭。內閣中書高士奇授為翰林院侍講。食原品。州同俸。杜訥授為翰林院編修。○三十二年。授二等侍衛揆

敘為翰林院侍讀。○三十八年。授戶科給事中王原祁為詹事府右中允。○三十九年。授廣西

道御史彭始博為翰林院檢討。○四十二年。授內閣中書魏學誠為翰林院編修。○五十二年

授內閣中書陳厚耀為翰林院編修。御史陳學海為翰林院檢討。○雍正元年。授安慶府教授

王懋竑。刑部主事陳鼎。均為翰林院編修。○二年。授左通政錢以壇為詹事府少詹事。○三

年。授

景山教習進士夏之芳為翰林院編修。姜穎新黃

岳牧陸宗楷為翰林院檢討。又授工科給事中。康五瑞為翰林院侍讀。八年授湖南按察使。趙殿最為詹事府少詹事。九年授會試中式舉人。方苞為詹事府左中允。十年授進士。勵宗萬甘肅秦州知州。張逸少均為翰林院編修。十一年授河南道御史。胡香山為翰林院編修。乾隆十六年授太僕寺少卿。陳其凝翰林院編修。十七年授國子監學正。王延年為額外司業。十八年授國子監助教。曹洛種為額外司業。二十二年授禮部尚書。何國宗翰林院編修。三十二年授內閣侍讀學士。湯先甲為翰林院編修。三十八年

諭。辦理四庫全書處。將永樂大典內檢出各書陸續進呈。朕親加披閱。聞予題評。見其考訂分排。具有條理。而撰述提要。繁然可觀。則成於紀昀陸錫熊之手。二人學問本優。校書亦極勤勉。甚屬可嘉。紀昀曾任學士。陸錫熊現任郎中。著加恩均授為翰林院侍讀。遇缺即補。以示獎勵。又授校勘四庫全書進士邵晉涵。周永年。余集。為翰林院庶吉士。四十年

諭。楊昌霖因在四庫全書館纂校書籍。是以欽賜進士。

准其一體殿試。昨進士引見。該員甲第在後。而江蘇省館選者已多。是以未經錄用。茲閱館中所進由散編。哀輯書內春秋經解一種。編校頗見實心。即係楊昌霖所辦。是其學問尚優。楊昌霖著加恩授為翰林院庶吉士。又授山西布政使。朱珪為翰林院侍講學士。四十一年

諭。韋謙恆前在護貴州巡撫任內。因蘇場侵貪一案。不即揭參。尚非大過。伊係翰林出身。學問亦優。著加恩賞給編修。在四庫全書處行走。四十二年授吏部主事。程晉芳為翰林院編修。四十四年授進士。朱鈐為翰林院庶吉士。四十五年授國子監監丞。侍朝進士張能照。胡榮。吳紹燦為翰林院庶吉士。又

諭。孫士毅前在雲南巡撫任內。不能參劾李侍堯革職。發往伊犁。因屬咎所應得。但與本身獲譴者究屬有間。且其學問亦優。著加恩免其發往伊犁。令在四庫全書處自備資斧。效力贖罪。又

諭。孫士毅著加恩賞給翰林院編修。四十八年授進士。程嘉謨為翰林院庶吉士。五十四年

諭。謝墉在學政任內。聲名平常。本係獲咎之人。前京察

議處時。經吏部議以革職。念其學問尚優。是以從寬留任。仍令在上書房效力。乃偷安七日不到。更屬有乖職守。著降為編修。革職留任。在武英殿修書處效力贖罪。○嘉慶四年

諭。侍郎吳省蘭。李潢。皆係和坤引用之人。雖無人列款。叅劾。但未便俾列卿貳。俱著降為編修。○又

諭。法式善所論旗人出外屯田一節。是其大咎。至於命親王領兵一節。不過迎合揣度。而國子監一事。已屬既往。姑不深究。若照議革職。轉阻言路。著加恩賞給編修。○又投內閣學士平恕為翰林院侍講學士。○

五年

諭。那彥成在外不能決勝千里。在內不能運籌帷幄。分宜置散投閒。著革去尚書都統講官花翎。用為翰林院侍講。○六年

諭。昨日引見散館人員。除一甲進士三名先經授職外。所有二甲進士內。以部屬知縣用之。吳其彥。張惠言。陳壽祺。李翊。吳榮光。花杰。李端。李象鵠。王鼎。楊世英。胡大成。俱著加恩。改授編修。三甲進士。以部屬用之。貴慶。著加恩。授為檢討。○又授翰林院侍講學士。陳崇本。為編修。○七年。授戶部侍郎周興岱為翰

林院侍讀學士。○八年。授勒令休致之翰林院侍讀學士周興岱為編修。○九年

諭。戶部主事黃鉞。在懋勤殿行走有年。伊本係進士出身。學問尚優。著加恩。改擢贊善。○又授廣東按察使邱庭澆為翰林院侍讀學士。○又

諭。吏部右侍郎降調內閣學士錢棧。於吏部書史舞弊一案。曉曉置辯。並有意為堂司官開脫。本應照都察院所議革職。姑念伊向在內廷行走。尚屬勤慎。著加恩。賞給編修。○十年。授詹事府詹事胡開益為翰林院侍讀。○又

諭。初彭齡。擢任巡撫。辦理地方事務。亦尚認真。上年叅劾吳熊光。將朕召對時。面諭之旨。向高杞傳述。漏洩之罪。實無可辭。是以將伊革職。因念初彭齡官聲尚好。本日所出右庶子一缺。著加恩。以初彭齡補授。○

又  
諭。劉權之。屢次瞻徇情面。本應照議革職。第念伊在各部院供職有年。且在軍機處行走三載。尚無錯誤。著加恩。降為編修。○十二年。授山東按察使石韞玉為翰林院編修。○十三年

諭。秦承恩。由詞垣擢授封圻鉅任。緣事獲譴。經朕棄瑕

錄用游升刑部尚書。不意於聽斷問擬之事。竟敢有心月脫。本應照部議革職。姑念其服官未久。著加恩降為編修。○又授步軍統領文甯為翰林院編修。○

又授翰林院侍講學士陳嵩慶為編修。○又

諭。倉場侍郎李鈞簡任內有黑檔舞弊之事。著降為五

品翰林。○十四年

諭。此次恭獻詩冊人員內。散館改授主事聶銑敏所進

頌三百章。詩一百首。臚陳實事。文義優贍。除已給恩

賞外。著加恩授為編修。○又授浙江巡撫阮元。貴州

巡撫孫玉庭。均為翰林院編修。○十七年

諭。武英殿御書處校刊

聖訓告成。裝函呈覽。朕詳細敬閱。字畫訛誤處甚多。提

調侍講姚元之到館未久。著降為編修。○十八年

諭。此次賊匪擅入紫禁城。據訊取現獲賊犯供詞多係

直隸固安縣及黃邨一帶籍貫。鄒炳泰李鈞簡在順

天府尹任內平日漫無查察。以致養癰貽患。鄒炳泰

著以中允贊善降補。李鈞簡著降為編修。○二十年

諭。上年初彭齡奉使廣西。著由刑部司員隨往。初彭

齡差旋復命。著豫前已奉旨留於江蘇。以知府候補

伊稟請給假。初彭齡自應咨該督撫。方為正辦。乃率

行入奏。實屬專擅。本應即予褫革。姑念伊由翰林出

身。著加恩以侍講侍讀候補。○又授江西道御史夏

國培為翰林院編修。○二十一年。授浙江道御

史羅家彥為翰林院編修。○二十三年

諭。朕前降旨命館臣纂輯明鑑一書。其體例原全仿范

祖禹唐鑑。乃館臣等規仿通鑑輯覽敘次。凡書內

御批之關涉明代者。全行恭載。迨纂至萬曆天啟年間

又不請旨。以致按語措詞乖謬。侍講朱珩覆校時不

為改正。亦屬疏忽。著從寬降為編修。○又

諭。張師誠前在江蘇巡撫任內。以伊父患病。先經具摺

懇請解任歸省。朕已允其所請。乃不候諭旨。將印信

徑交楊護護理。自行回籍。不能不褫職示懲。但念張

師誠究屬愚孝。伊本係翰林出身。著加恩賞給編修

服闋。後來京供職。○又授吏部侍郎劉鳳誥為翰林

院編修。○二十四年

諭。都察院議處周系英。以本省案件。致書巡撫請照因

事屬託例革職。所擬甚是。本應照例即行罷斥。姑念

其人尚樸實。學問亦好。著革去侍郎。加恩以編修用

○又授工部侍郎鮑桂星為翰林院編修。○道

光元年。授翰林院侍講陳官俊為詹事府右中

允。○又授候補京堂周系英為翰林院侍講學士。○二年。授刑科給事中盛唐為翰林院編修。○五年。授大學士兩江總督孫玉庭為翰林院編修。○十四年。授協辦大學士兩廣總督李鴻賓為翰林院編修。○又授詹事府少詹事胡達源為翰林院侍講。○十五年。授河道總督吳邦慶為翰林院編修。○十六年。授工科給事中鮑文瀉為翰林院編修。○十七年。授山西道御史徐寶善為翰林院編修。○二十四年。授奉天府府丞駱秉章為詹事府右庶子。○三十年。授司經局洗馬徐士毅為翰林院編修。○咸豐九年。授兵部尚書朱鳳標為翰林院侍講學士。○同治元年。授翰林院編修徐桐為檢討。○又授翰林院侍讀學士顏宗儀為編修。○又授順天府府丞蔣達為翰林院編修。○二年。授福建道御史許其光為翰林院編修。○十三年。授戶部侍郎潘祖蔭為翰林院編修。○又授翰林院編修陸懋宗為檢討。○光緒二年。授翰林院編修黃自元為檢討。

欽定大清會典事例卷一千四十七

翰林院

典禮祭分經筵 日講 臨幸 丁

經筵。○每歲春秋二仲舉行。由院列講官名奏請

欽定。滿漢各二人。直講官同掌院學士會擬所講經

書奏定。撰講章。繕清漢文進呈

欽定後。繕正副本。恭候

御論發出。繕清文進呈。屆期

駕御文華殿。講官同諸臣赴階下行禮畢。入

殿。講官出班至講案前行一跪三叩禮。起立進講。

講畢。恭聽

御論。禮成。本院官恭進

御論及講章正本。○順治十年

諭。朕惟修己治人。大經大法。備載經史。欲與翰林諸臣。

明其義理。但內院尚非經筵日講之地。著工部即將

文華殿作速起造。以便講求古訓。即傳諭行。○十四

年定。

經筵講官滿漢各八人。○是年。以

文華殿工未竣。先於

保和殿開講。○康熙九年



諭禮部帝王勤求治理必稽古典學以資啟沃之功朕於政務餘閒惟日研精經史念經筵日講允屬大典宜即舉行爾部其詳查典例擇吉具儀以聞○十年

定滿洲講官以內閣學士翰林院掌院學士侍

讀侍講學士詹事府詹事少詹事暨六部尚書

侍郎都察院左都御史左副都御史通政使司

通政使大理寺卿之曾任內閣學士翰林院掌

院學士讀講學士者充補漢講官以內閣學士

翰林院掌院學士侍讀侍講學士詹事府詹事

少詹事國子監祭酒暨六部尚書侍郎都察院

左都御史等官之由翰林院官升任者充補均

由院具題恭候

簡用○十四年奉

旨講章內書寫稱頌之言雖係定例但凡事俱宜以實

如秉至誠而御物體元善以宜民固媲美三王躋隆

二帝等語似屬太過著改奏○十五年奉

旨嗣後經筵講章稱頌之處不得過為溢辭但取切要

有裨實學其諭各講官知之○十六年

諭滿洲小九卿內有由翰林官升轉者一併開列○二

十一年奉

旨經筵所以講學修德大典也講章須有勸戒箴規之意乃稱啟沃今講章內有道備君師功兼履載二語太過其易之○二十二年

諭經筵闡繫大典必君臣交儆上下相成方有裨於治

理向來所擬經筵講章但切君身此後當兼寓訓勉

臣下之意庶使諸臣皆有所儆省○四十一年奏

臨御經筵後講官缺出俱於年終具題究未妥協嗣

後遇有缺出隨時題請

簡充○五十年

諭從來經筵之設皆帝王留心學問勤求治理之意但

當期有實益不可止飾虛文朕觀前代講筵人主惟

端拱而聽默無一言如此則雖人主不諳文義臣下

亦無由而知之若明萬曆天啟之時何嘗不舉行經

筵特存其名耳朕御極五十年聽政之暇勤覽書籍

凡四書五經通鑑性理等書皆經研究每儒臣逐日

進講朕輒先為講解一過遇有一可疑一字未協

之處即與諸臣反覆討論期於義理貫通而後已蓋

經筵本係大典舉行之時不可以具文視也○乾隆

五年

諭經筵之設原欲敦宣經旨以獻箴規朕觀近日所進

五年

2

講章其間頌揚之辭多而規箴之義少殊非責難陳善君臣咨儆一堂之意蓋人君臨御天下敷政寧人豈能毫無闕失正賴以古證今獻可替否庶收經筵進講之益若頌美過甚不能實踐躬行反滋朕心之愧此後務剴切敷陳期有裨於政治學問毋尚鋪張溢美之虛文而無當於稽古典學之實義○六年

諭此次經筵講章規多諛少甚慊朕意夫以虞廷之神聖猶且一堂咨儆况後世遠不逮古尤當交相儆勉以求泰交之治○七年

諭今日舉行經筵典禮禮部據向例以天雨奏請改期

朕思魏文侯將出獵而雨左右不欲行文侯曰吾已與虞人期矣豈可不一期會哉乃往身自罷之夫田獵之娛尚不以遇雨失期况經筵大典業經祭告自應舉行但執事諸臣例應在丹墀內排班行禮未免露溼若穿雨衣排列駕到即入殿進講講畢即奏禮成其階下行禮殿內賜茶諸儀俱著停止嗣後凡遇雨俱照此例行○二十五年

諭御史吉夢熊奏經筵事宜一摺所言是非參半其中有應行採擇者有事不必行且已屢經降旨飭禁者如講官俸朕簡用大員經筵講章本應自行撰擬期

副獻納論思之義乃故事相沿竟有由翰林院循例屬稿者朕於講官呈本時尚為研討折衷著為經書二論務在自抒心得而侍案敷陳者顧以成言誦習聊為塞責可乎該御史所奏實為近理嗣後將此明著為令至稱二十二史通鑑綱目諸書內有關治道者應俱令其進講一條此則可以不必帝王宥密單心緝熙典學豈專恃此每歲春秋兩舉之文特以典禮崇重必與廷臣面詢稽古乃足懋昭嚮學親賢至意夫經書義蘊畢賅天德王道之大端實為兼貫初無待旁及史鑑以浩博相誇且朕幾餘披覽於古今

治亂得失之故研窮往復現在自頒發正史之外於通鑑一書特敕儒臣分條修輯彙冊陸續進呈朕精研訂正凡中有所見必親加評議務期理明事覈以成善本若僅於進講時敷衍一二則以為甄綜史事無論挂一漏萬徒為具文正昔人所謂一部全史從何處說起者也又稱講章在於簡約不必以駢麗為工等語此則向來久經訓飭之事即如殿試策內士子多用頌語朕以其無關實政尚令一切屏除况講筵自有體裁何取冗詞長語以富麗為工前諭諄諄講官當所素悉向後更當有則改之無則加勉以光

鉅典。是用別白宣示。俾中外共知之。○嘉慶十五年

諭。向例臨御經筵。升殿及宣講後。講官同侍班各官。均

於文華殿丹墀內行二跪六叩禮。丹墀中互甬道。兩

旁行禮之處。殿內不能俯矚。嗣後著改於丹墀上分

左右行禮。○道光二十三年

諭。向例臨御經筵。畢後各官在太和門外行禮。嗣後著

改於文華殿院內行禮。

日講。講官員額詳載。○順治十二年

諭。朕惟自古帝王勤學圖治。必舉經筵日講以資啟沃。

今經筵已定於文華殿告成之日舉行。日講深裨有裨

益。不宜刻緩。爾等即選滿漢詞臣。學問淹博者八人

以原銜充講官。侍朕左右。以備諮詢。欽此。遵

旨議定。

旨議定。

日講之禮。每歲自二月

經筵後始。夏至日止。八月

經筵後始。冬至日止。每日於部院官奏事後進講。講

章繕正副二本。以正本先期進呈。本日掌院學

士率講官二人或三人。以副本進講。歲終彙錄

成帙進

御。○康熙十二年

諭。人主臨御天下。建極綏猷。未有不以講學明理為先

務。朕聽政之暇。向來隔日進講。朕心猶然未愜。嗣後

爾等須日侍講讀。闡發書旨。為學之功。庶可無間。○

又

諭。朕以修葺宮殿。移駐瀛臺。暫留數日。夫進講所以致

知。蓄德期於日新。未容稍閒。講官其日至瀛臺。照常

進講。○又

諭。學問之道。必無間斷。方有裨益。以後寒暑不必輟講。

○十三年

諭。日講關係重大。日月易逸。恐致荒疏。雖當此多事之

時。不妨乘閒進講。於軍事無誤。工夫不閒。則裨益身

心。良非淺鮮。爾衙門議奏。欽此。尋掌院學士等奏。機

務繁重。請開一日進講。○又

諭。軍機事情。有閒數日一至者。亦有數日連至者。不可

以日期。其仍每日進講。以應朕惓惓嚮學之意。○十

四年

諭。日講原期有益身心。增長學問。今止講官進講。朕不

覆講。但循舊例。日久將成故事。不惟於學問之道無

益。亦非所以為法於後世也。嗣後進講時。講官講畢。

朕乃覆講。如此互相討論。庶幾有裨實學。○十五年

諭講官喇沙里等。經書屢經講讀。朕心業已熟曉。通鑑一書。事關前代得失。甚有裨於治道。作何撰擬講章。進講。爾等議奏。欽此。遵。

旨議定。資治通鑑一書。統貫諸史。最為詳備。而通鑑綱目。又從資治通鑑中提綱分目。尤得要領。擬從綱目中擇切要事實進講。講章體裁。前列綱次。列目。每條之後。總括大義。撰為講說。其先儒論斷可採者。亦酌量附入。○十六年

諭。帝王之學。以明理為先。格物致知。必資講論。向來日講。惟講官敷陳講章。朕躬默聽。即不諳文義。講官無由得知。此雖係循行舊例。然而經史精義。未能研究印證。朕心終有未慊。前曾諭內閣諸臣。或朕自講。未註。或解說講章。內閣諸臣奏稱。朕宜隨便發明書旨。不必豫定規程。今思講學。必互相關發。方能融會義理。有裨身心。嗣後日講。或應朕躬自講。未註。或解說講章。仍令講官照常進講。著大學士會同內閣諸臣。翰林院掌院學士議奏。欽此。遵。

旨議定。講官進講時。候聖意。或先將四書朱註講解。或先將通鑑等書講解。使得仰瞻。

聖學。講畢。講官仍照常進講。○又

諭。講官等。爾等進講經書。皆內聖外王修齊治平之道。朕亦孜孜詳詢。每講之時。必專意以聽。但學問無窮。不在徒言。惟當躬行實踐。方有益於所學。爾等仍愈加直言。毋有隱諱。以助朕好學進修之意。○十七年奉

旨。日講講章。停止歲終彙寫。止具本奏聞。○十九年諭。尚書紀載帝王道法。關切治理。朕留心研究。期於貫通。講幄諸臣。講解明晰。深有裨於典學。著將尚書講議。刊刻頒行。○又

諭。卦爻之義。原各不同。即如噬嗑一卦。中四爻主用刑者言。初上二爻主受刑者言。每爻各有取義。必得總論發揮。方覺全卦之義了然。諸卦可俱仿此撰進。○二十一年

諭。講義云。一國非之而不顧。天下非之而不顧。此必認得道理真。乃為無弊。否則反為乖矣。○二十二年奉旨。齋戒日期。照例停講。如不親詣行禮。則仍進講。○又諭。彖傳講章云。驕心一生。何所不至。聖人惕之以憂。此所發明極是。滿招損謙受益。聖人久安長治之道。則在能持滿而已。○又

諭。朕每旦未明求衣。坐待部院奏事。既奏事畢。然後入講。不惟遲延晷刻。亦且稽誤工夫。嗣後於未啟奏前。進講。方得從容議論。多所發明。二十三年

諭。元龍有悔一節。何以註在不應講之列。天道人事。元則有悔。易中所言。無非此理。正宜以此為戒。不必避忌。以後繫辭講章。不分應講與不應講。以次逐節進講。是年翰林院刊成

日講易經講義進呈奉

諭。易經闡發天人理數。道統攸關。朕朝夕披玩。冀造精微。講幄諸臣。殫心剖晰。有裨典學。其即頒行。用廣勵

臣庶。期臻一道同風之治。○又

諭。講官辭取達意。以確切明晰為尚。如本文敷衍太多。則篇末未免重複。大約詮次本文。原在了徹聖賢意旨。而篇末該括數語。又貴闡明理道。務去陳言。朕閱張居正尚書四書直解。篇末俱有精實之義。無泛設之詞。今後所撰詩經講章。亦須體要備舉。期於盡善。○是年十一月講官等奏。冬至後尚有停講之

例。仰惟

皇上聖學日新。寒暑無間。今易經講義已畢。將進講詩經。時值五寒。應否停講。奉

諭。天氣雖寒。朕於宮中暖閣。可以進講。且機務少暇。每日披覽經義。於學問多所裨益。不必停講。○二十四年三月。講官孫在豐等奏。恭逢

皇上

萬壽節。請自十五日至二十一日暫停進講。奉

諭。講書深有益於學問。朕愛聽不倦。前偶爾違和。較講數日。心尚歉然。朕意欲將詩經速速講完。不必停也。

○又翰林院奏

皇上聖德聰明天縱。好學敏求。洵從古所未有。臣等會同詹事等官。正在晝夜撰擬

日講講章。伏乞

皇上暫時少緩進講。俾得陸續撰擬進呈。奉旨。仍著按日進講。其講章爾等撰擬後。節次進呈。○二十五年

諭。掌院學士庫勒納張英爾等。每日將講章奉至乾清門。豫備詣講。延行禮進講。為時良久。妨朕披覽功。著暫停止。春秋禮記。朕在內每日講閱。其詩經通鑑講章。俱交與張英。令其齋至內廷。○乾隆二年

諭。總理事務王大臣。朕在潛邸。六經諸史。皆嘗誦習。自承大統。劫髮萬幾。少有餘閒。未嘗不稽經讀禮。今祥

練既逾。科臣畢誼所奏。令諸臣日繕經史奏議。理得施行。在朕廣挹羣言。可以因事鑒觀。隨時觸發。而覽諸臣所進。亦可考驗其學識。或召見講論。則性資心術。必因此可覘。但畢誼所奏。止及史臣。而朕意科道職司獻替。應令一體錄呈。其規條應如何酌定。並分日按班呈奏事宜。著定議具奏。欽此。遵

旨。議奏分翰詹為一班。科道為一班。日輪一人。具奏摺式。先標經史。下註義疏。或略節史文。下註史斷。後皆附列所見。曰臣案云云。以千言為率。得

旨。每日繕進書摺。朕披閱後。交南書房收存。其或召見講論。朕所降旨。令本人於次日繕寫呈覽。亦交南書房收存。將來行之日久。不特集思廣益。亦可會萃成書。以資觀覽。○又

諭。前命翰林科道官員。輪日錄呈經史講說。以資披覽。今科道輪已周。著仍照前與翰林官員分日錄進。○十一年。

飭令翰林科道官。輪日進講經史。不當藉端立說。以逞私見。○十四年。

諭。進呈經史一事。有關入時政。於事理未當者。開加訓飭。所稱洞達天人。發明道奧者。殊不概見。行之十餘

載。漸成故套。著停止。○嘉慶十四年。

諭。張鵬展奏。請令翰林科道日進經義奏議一摺。朕每日恭閱。

先朝實錄。誠以

列聖修齊治平之道。無不備載。典型儀式。夙夜寅承。即萬幾之暇。披覽者亦皆經史諸書。鑒觀得失。以期有裨治化。若使翰林科道日進講義。其所撰述。不過摭拾陳言。敷衍入告。無論二典三謨。莫能窺其涯涘。即賈董諸儒論說。亦萬不能及。設敷奏可觀。而能言者。又未必能行。况所敷陳。又未必盡出己手。若就此獎其學識。加以甄拔。恐亦未能遽得真才。行之日久。又生弊端。仍復視為具文。於事毫無裨益。又豈務實之道乎。張鵬展所言。近於迂拘。於政體未能通達。特將朕敦崇實政。不尚虛文之處。通諭知之。○二十四年。

諭。御史唐鑑奏。請復輪班日講官員及繕進經史講義一摺。經書史鑑。皆闡治道。人君日理萬幾。不廢典學。我朝

列聖相承。皆本聖學以成。

聖治。朕仰紹

詒謀。孜孜求治。每值幾暇。亦惟披覽經史。學於古訓。然念帝王之學。在於貫徹天人。明體達用。以見諸施行。與經生尋章索句者不同。從前康熙年間。

聖祖仁皇帝曾有翰林輪班入直之命。旋亦停罷。乾隆初年。

高宗純皇帝命翰林科道。輪進經史講義。其後即有借進講經書。隱諷時事。行其詐偽者。

特降旨訓飭。至乾隆十四年。因御史金相之奏。

聖諭以諸臣按日奏御。所稱洞達天人。發明道奧者。殊不概見。行之十餘載。漸成故套。

敕令停止。自後數十年。總未舉行。是以朕嗣位以來。亦未議及此事。今該御史請復此舉。朕每日召見臣工。多至十餘起。披覽章奏。動輒數十件。即使添見翰林四人。多閱講義數篇。亦斷不以為煩苦。惟朕召見大臣。皆以諮諏庶政。即京堂各官。近年增有冬季輪班直日之例。其學識之淺深。心術之邪正。於召見時。亦均可鑒察。至翰林資格本淺。俟升轉至學士以上。或擢用京堂。改補科道。自可敷奏以言。如此時遽令撰進講義。輪班入對。其能闡聖賢之精義。陳古今之治

忽者。能有幾人。若徒摭拾陳言。敷衍入奏。或以頌揚塞責。甚至妄議時事。豈非徒亂人意乎。朕圖治維殷。然一切皆求之於實。所謂為政不在多言。願力行何如耳。使但博稽古之名。而無裨實政。殊不如其已也。該御史所奏。著毋庸議。○道光三十年三月

諭。便殿日講。為求治之本。我聖祖仁皇帝登極之初。即命儒臣逐日進講。無間寒暑。朕紹承

丕業。夙夜孜孜。景仰

前徽。勉思繼述。著於百日後舉行日講。所有一切應行事宜。著各該衙門查例詳議以聞。○咸豐元年

諭。朕念深典學。御極之始。即欲舉行日講。舊典。禮臣以乾隆嘉慶年間。

兩朝訓諭。皆以此事易滋流弊。徒尚虛文。俱奉旨停止。是以斟酌未行。然朕心未嘗不念茲在茲也。尚書有言曰。辭尚體要。又曰。不由古訓。于何其訓。儒臣進善於君。援古即以證今。紛紛論列時事。恐啟挾私逞臆之端。轉失講道沃心之義。朕幾務餘閒。將於翰詹諸臣中。輪流選派。親命題目。各擬講義。分日進呈。在朕既可以古為鑑。且以觀諸臣器識學問。為量能

授任之資。庶幾上下交相勉勵。用副朕集思廣益。崇實黜浮至意。○同治三年

諭朕奉

慈安皇太后

慈禧皇太后慈旨。從來致治之原。端在以古為鑑。凡用人行政之要。治亂得失之源。載在簡編。足資法戒。前於皇帝御極之初。命南書房上書房諸臣。採擇前史事蹟。纂輯成書。進呈備覽。賜名治平寶鑑。其中援據往事。推闡敷陳。尚稱切要。若將此書講貫發明。於治理尤有裨益。著瑞常寶鑒。載齡李棠階單懋謙徐桐。

於本月二十七日起。每日輪派一人。由議政王帶領進講。瑞常等於進講之時。務當剴切敷陳。言必盡意。毋得稍有避忌。用副集思廣益至意。

臨幸。○乾隆八年

諭翰林院衙門。年久未能修葺。傾圮之處甚多。著哈達哈海望三和科估修理。○九年

賜御書籍古論思集賢清祕二類。並奉

諭。本朝所修古今圖書集成一書。蒐羅浩博。卷帙繁富。實藝林之巨觀。為從來之所未有者。古稱天祿石渠。為藏書之所。今之翰林院。即圖書府也。著將古今圖書集成頒賜一部。收貯院署。俾詞臣等咸得觀覽。以廣識見。以資學問。○又奉

旨。重葺翰林院落成。車駕臨幸賜燕。送大學士掌院事鄂爾泰張廷玉進署。以張說東壁圖書府五律字為韻。賦東字音字二首。教諸臣各分一字賦詩。○又奉

旨。朕幸翰林院。既與大學士等用張說五律字分韻賦詩。顧人數為字所限。編檢庶吉士皆不獲與。因復為柏梁體。俾人賦一句。用聯上下之情。欽此。

欽派分韻三十八人。自大學士及翰林出身之大小九卿。下至中允贊善。惟內閣學士塞爾赫以宗室

能詩。亦得與。聯句一百六十五人。凡編檢改授科道皆得與。由庶吉士改別衙門者不與。屆期聖駕出長安左門。設鹵簿。大學士掌院學士及翰林院官俱蟒袍補褂。集院門外跪迎。

聖駕前引大臣恭導聖駕入詣

先師祠行禮。遣學士一員。祭韓愈祠。有司豫入。設御席於後堂中。寶座前南嚮。設大學士掌院學士及分韻諸臣席於堂上。其餘以次設於東西廊及左右階下。俱東



西嚮樂部陳中和韶樂於東西廊下。陳中和清樂於東廊下。陳丹陛大樂於敬一門之旁。俱北嚮。有項中和韶樂作。奏隆平之章。

高宗純皇帝御吉服升座。樂止。丹陛大樂作。奏慶平之章。掌院大學士率羣臣由左右間道入至階下行禮。如大朝儀。樂止。羣臣詣坐次。一叩首坐。丹陛大樂作。奏文物京華盛之章。

高宗純皇帝進茶。羣臣就坐。一叩首。樂止。侍衛授羣臣茶。行禮如前。飲畢亦如之。尚膳移御膳在前。中和清樂作。奏玉署延英之章。

高宗純皇帝進饌。樂止。承應上。陳唐代十八學士登瀛洲故事。有司以饌分授各筵。承應止。乃徹尚膳復進。

御燕席。兼設羣臣燕。掌儀奉臺盞及壺卮。由中墀進。丹陛大樂作。奏延閣雲濃之章。羣臣俱起立。掌儀進至廊東。西嚮立。酌酒。進爵。大臣出班跪。羣臣畢跪。掌儀以臺盞授進爵大臣。恭進。

御前復跪前所。高宗純皇帝進酒。進爵大臣一叩。羣臣皆一叩。進爵大臣起。至。

御前受臺盞。下復跪。掌儀跪接而退。羣臣起立。掌儀以

金卮酌酒立。

賜進爵大臣。進爵大臣一叩飲畢。掌儀立取卮退。進爵大臣再叩興退。樂止。羣臣皆坐。承應上。陳唐代晦日幸昆明池百官賦詩故事。

高宗純皇帝召大臣以次至。

御前。

賜酒。咸跪飲。一叩首退。侍衛分授羣臣酒。行禮如賜茶時。復坐。承應止。丹陛大樂作。奏慶平之章。大臣暨羣臣起立。趨階下謝燕。行禮如初。樂止。中和韶

樂作。奏顯平之章。羣臣皆退。禮部恭導。

高宗純皇帝至齋房更衣。是時御製復得七言長句四章。

宣示諸臣。

命和。

駕出。掌院大學士率羣臣於院門外跪送。禮成。

賜樂善堂全集性理精義各一部。及名茶文綺。綵絹時果有差。掌院大學士鄂爾泰張廷玉率羣臣詣

乾清門謝。

恩。並恭進詩冊。嘉慶八年。

諭翰林院為儒臣文藪圖書清祕。規制恭崇。乾隆甲子年。

皇考高宗純皇帝曾經

臨幸。錫燕賡吟。允為藝林盛軌。明歲又屆甲子。朕當踵行斯典。諏吉親臨。用光文治。所有應行豫備各事宜。著各衙門照例辦理。屆期具奏。再翰林院衙門。久未修葺。茲當鑿輅賁臨。觀瞻宜肅。署內

至聖先師祠。尤當繕治整齊。敬伸展禮。又聞詹事府衙門。年久日就傾圮。亦應一併飭修。著派祿康長麟先期估計。將應行黏補及必須營建者。查明分別具奏。後交那彥寶常福妥為督辦。○又

諭。朱珪英和奏請將敬一亭兩旁舊刻前明嘉靖六年兩碑。細為刮磨。恭繕乾隆九年

臨幸翰林院

諭旨。及朕此次幸院諭旨。摹勒豐碑。以光盛典。並鈔錄明時碑文進呈。固屬臣下尊崇本朝令典之意。但前明所建兩碑。幾經三百年。且詳閱碑文。係飭修明倫大典。古帝王之教諭。亦不可輕去。若磨去原碑。將我朝幸院鴻儀改為刊泐。亦不足以昭盛美。所有前明兩碑。毋庸改動。朱珪等既欲摹刻

皇考高宗純皇帝諭旨。及朕此次諭旨。著於該署內製造扁額。敬謹書寫懸挂。垂示藝林。永彰盛軌。○又

諭。朕諏吉於來年甲子二月初三日臨幸翰林院。上繼前徽。恩榮藝苑。仍用唐張說東壁圖書府五律字分韻賦詩。朕賦東字音字二首。餘三十八字。著派儀親王永璇等各分一字賦詩。其為字數所限。不得同與賦詩者。應重賦柏梁體一章。朕為首倡。諸臣依次聯吟。俾清華列秩。共效賡賜。以昭盛典。○九年。

臨幸翰林院。是日儀仗全設。樂部設中和韶樂於翰林院後堂東西廊下。設中和清樂於東廊下。設丹

陛大樂於敬一門兩旁。俱北嚮。屆時。禮部堂官奏請

仁宗睿皇帝御龍袍袞服。乘輿出宮。

午門鳴鐘。王公文武大臣官員於

午門內外跪送。

仁宗睿皇帝出長安左門。王大臣暨翰林出身大臣官員。俱蟒袍補服。於道旁跪迎。

駕至翰林院。前引大臣恭導

仁宗睿皇帝至穿堂降輿。禮部堂官恭導

仁宗睿皇帝詣

至聖先師祠行二跪六拜禮。是年。行三跪九拜禮。引  
駕至清祕堂。少憩。據設

仁宗睿皇帝御燕卓於

寶座前。稍遠。設王大臣等卓席於兩旁。設各官卓席  
於左右階下。王大臣官員各先就坐位。掌院學  
士奏請

升座。中和韶樂作。奏隆平之章。王大臣官員俱於坐位  
跪接。

仁宗睿皇帝升座。樂止。丹陛大樂作。奏慶平之章。王大  
臣官員各於坐位行三叩禮畢。樂止。王大臣暨

各官俱於坐次行一叩禮。坐。尚茶正等帶領茶  
卓進。丹陛清樂作。奏文物京華盛之章。

仁宗睿皇帝進茶。王大臣暨各官俱就坐次行一叩禮。  
坐。樂止。侍衛等奉授王大臣暨各官茶。王大臣  
暨各官俱就坐次一叩。飲畢復一叩。坐。

賜茶畢。尚膳正等移

御膳卓近前。中和清樂作。奏玉署延英之章。

仁宗睿皇帝進饌。樂止。承應上。尚膳正等以饌分授各  
筵。承應止。尚膳正等徹

御前燕卓。及王大臣並各官卓席。尚膳正等進

御酒燕卓。及王大臣並各官酒席卓。掌儀司官奉臺盞

壺。厄由中墀進。丹陛清樂作。奏延閣雲濃之章。

王大臣暨各官俱起立。掌儀司官進至廊下東  
邊。西嚮立酌酒。進爵大臣出班在中門內跪。王  
大臣暨各官俱跪。掌儀司官奉臺盞跪。恭授進  
爵大臣。進爵大臣接奉臺盞恭進

御前。仍復原跪處跪。

仁宗睿皇帝進酒。進爵大臣行一叩禮。王大臣暨各官  
俱行一叩禮。進爵大臣起至

御前。接臺盞退。至原跪處跪。掌儀司官跪接臺盞退。王  
大臣暨各官起立。掌儀司官以金厄酌酒立

賜進爵大臣。進爵大臣行一叩禮。飲畢。掌儀司官立接  
厄退。進爵大臣行一叩禮。興退。樂止。王大臣暨

各官皆坐。承應上。領侍衛內大臣視侍衛等分  
授諸王大臣暨各官酒。王大臣暨各官跪一叩  
頭。受酒飲畢復一叩頭

御前侍衛奉酒進。派出

賜酒之王大臣。各出位。依次詣

御座旁。跪受酒。一叩頭。飲畢。復一叩頭。依次復位。一叩  
頭。承應畢。鴻臚寺堂官奏禮成。王大臣暨各

官均起立。於坐位行一跪三叩禮。謝燕。丹陛大樂作。奏慶平之章。王大臣暨各官於坐位跪。樂止。中和韶樂作。奏顯平之章。禮部堂官恭導。

仁宗睿皇帝至清祕堂。少憩。王大臣暨各官先於翰林院門外排班。掌院學士奏請

駕出。王大臣暨各官跪送。其應行

賜酒之王大臣。及侍郎以上大臣。屆期。禮部繕寫名

籤。恭請

欽派。其茶酒燕卓。交茶膳房豫備。各處關防侍衛。交領侍衛內大臣派出。凡執事各官。是日俱穿蟒服。

翰林院內韓愈祠。學士一員行禮。翼日。入燕之。大臣官員。具摺恭赴

乾清門外謝

恩。行三跪九叩禮。○又

諭。朕於二月初三日臨幸翰林院。賜燕賡吟。紹述

前徽。光昭藝苑。實為右文盛事。現在協辦大學士朱珪

侍郎英和。俱係掌院學士。領袖詞垣。躬逢令典。允宜

特沛恩施。朱珪著晉加太子太傅銜。英和著賞給一

品補服。並加太子少保銜。以示優寵。儒臣至意。○又

諭。翰林院為典冊淵藪。從前

皇考高宗純皇帝臨幸時。曾將古今圖書集成全部。

頒發珍藏。俾詞臣咸得觀摩。共窺美富。敬念

皇考聖製詩文全集。闡經明道。如古涵今。集聖學之大

成。括羣集之義蘊。允宜垂示藝林。光昭萬禩。至太學

鐫刻石經。仰維

皇考尊經典學。超軼漢唐。亦當頒之冊府。用示楷模。此

次朕臨幸翰林院。特將內府尊藏

皇考聖製詩文全集。及

欽定石刻十三經各一分。交該院祇領恭貯。以昭朕繼

緒。右文加惠儒臣至意。○又

賜御書天祿儲才清華勵品二額。○屆日。

欽派分字賦詩三十八人。署禮部尚書長麟。曾掌院事。

通政使趙秉冲。原任戶部主事。特擢贊善黃鉞。

均以

南書房行走得與。聯句二百有五人。自王大臣大

學士以下。及翰林出身之尚書侍郎京堂等官。

並翰詹司業之現任候補者。俱得與。禮成。

御製復得長律二首。

命諸王及分字諸臣恭和。

賜王大臣及羣臣

御製味餘書室全集。九家集註杜詩各一部。並如意名

茶文綺。絹箋宣紙。硯石有差。莫日。入燕之王大

臣官員。具摺恭赴

乾清門外謝

恩。恭獻詩冊。

丁祭分獻。每歲春秋仲月上丁。釋奠於

先師。以修撰編修檢討資深者二人分獻

十二哲。如遇

親詣行禮。以修撰編修檢討四人分獻

崇聖祠四配兩廡。又本院

先師祠。以本院官之資深者一人主祭。餘均助祭。

咸豐元年奏准。翰林官到班遲誤。有誤分獻。照

例議處。

欽定大清會典事例卷一千四十八

翰林院

職掌 入直侍班 扈從 暫攝批本 撰文

入直侍班。天聰三年。

命儒臣分直文館。順治十年。

命內院大學士學士於太和門更番入直。十七年

諭翰林院各官。原係文學侍從之臣。分班直宿。以備顧問

問。往代原有成例。今欲於景運門內建造直房。令翰

林官直宿。朕不時召見顧問。兼以觀其學術才品。應

分幾班。每班酌用幾員。即開列職名具奏。欽此。遵

旨奏定。分翰林官為三班。每班用讀講學士二人。讀講

二人。編檢四人。依次入直。周而復始。掌院學士

一體分日直宿。康熙十六年

諭朕不時觀書寫字。近侍內並無博學善書者。以致講

論不能應對。今欲於翰林內選擇二員。常侍左右。講

究文義。但伊等各供厥職。且住外城。不時宣召。難以

即至。著於城內撥給間房。停其升轉。在內侍從數年

之後。酌量優用。再如高士奇等能書者。亦選擇一二

人同伊等入直。三十三年

諭翰林乃近侍之臣。向因日講時時進見。是以猶知其

言語舉止近時進見稀少。講官侍班不過頃刻。難以悉其賢否。著翰林詹事官每日以四人進南書房侍直。令學習文章字畫。亦可以知其人之高下。以備擢用。著即定議具奏。欽此。遵

旨議定。本院讀講學士以下。編檢以上。與詹事府詹事以下。中贊以上。每日四人一班進

南書房侍直。四十七年。五十二年。

諭翰林官員朕多不識其學問之高下亦不能悉知嗣

後朕駐蹕暢春園時著四人一班與南書房翰林一處行走五日一更代。自讀講學士以下。編檢以上。與詹事府詹事以下。中贊以上。

諭侍派出。六十年。五十七年。

諭每逢奏事翰林亦派五人侍班。每侍班於本衙門讀講學士讀講與詹事

府少詹事坊局等官內一員領班。次滿洲。編檢一員。漢編檢三員。六十年。五十七年。雍正三年。

諭每逢聽政著翰林院滿漢編修檢討四人侍班。班在

科道之上。○乾隆二年

諭朕御門聽政之時翰林院修撰編檢與科道一同侍

班著一體懸帶數珠以肅朝儀。○五年

諭翰林院編修檢討朕多未認識著翰林院該班之日

每次帶領二十員引見。○又

諭翰林院編修檢討著翰林院該班日每次帶領十員引見。○四十三年

諭向曾令翰林院於輪班日期帶領編檢十人引見以備甄識。近來久未舉行著於三月內朕謁

陵回鑾後仍照舊例將現在編檢按班通行輪帶。嗣後

閱五年即請旨辦理一次。○嘉慶五年

諭向例翰林院於直日之期將編檢等官輪班帶領引

見近來未經舉行嗣後該衙門直日時仍照向例豫備引見。輪班引見之例乾隆二十一年間一班帶領二十三年間兩班帶領四十年間一班帶領四十八年五十五年各舉行一次。以後未經奏辦。至是始復舉行。

又奉

旨嗣後翰林院編檢輪班引見著於每年開印後舉行

一次。○十二年

諭翰林院每逢直日之期將修撰編檢等官輪班帶領

引見原係照例奉行其實引見時亦並未加甄別因

思乾隆年間本係間數年後始將翰林等輪帶一周

今則竟成常例未免虛應故事嗣後著於每屆恩科

正科鄉試之年仍將修撰編檢等官輪班帶領引見

一次朕得識記其人以備簡用其尋常年分不必帶

領引見著為令。○二十一年

諭。向例翰林院於直日之期。將編檢等官輪班帶領引見。近年未經舉行。嗣後該衙門直日時。著仍照向例。豫備引見。○道光八年

諭。向例翰林院每逢直日。將修撰編檢等官輪班帶領引見。嗣經改為每屆恩科正科鄉試之年。輪班帶領一次。朕思考試差人員。既經吏部帶領引見。何必又須翰林院輪班帶領。嗣後著將簡放試差年分輪班引見之例停止。○又定。

圓明園直班。遇遞無事摺片。即以滿漢侍讀侍講學士各一人銜名。夾片同遞。以備

召見。俟摺發下始退。謹案近年宮內辦事及駐蹕西苑均照此豫備。○

十八年閏四月

諭。翰林院侍讀以下詹事府庶子以下各員。著自本月初十日起。每日二員豫備召見。如遇外膳日期。即改於次日伺候。其餘各員。以次遞推。○咸豐元年

諭。翰林院自學士以下。詹事府自庶子以下。著該衙門將現任人員名單。開列進呈。按月更換一次。

扈從。○順治九年奏。

駕出京城。臨幸別所。詞臣照常扈從。

駕幸城內各處。其扈從與否。請

旨定奪。奉

旨。除出城扈從外。其在城內或幸王府及他所。亦令扈從。○康熙十二年

諭。朕或出郊外。或幸南苑。嘗不輟講。以此翰林官員每次隨從。但翰林各官。俱遠離家鄉。京城毫無資產。扈從不免艱苦。殊為可念。嗣後扈從講官所用帳房。及一切應用物件。酌定數目。由內府給予。○五十年奉

旨。翰林院滿洲漢軍翰林甚多。每行圍著二人學習行走。謹案滿洲漢軍翰林。從扈從名依都圍。○三十二年

駕幸天津。奏派扈從人員。奉

旨。嗣後著派一員隨往。○嘉慶十三年

諭。向來各衙門奏派隨駕人員。翰林院例應奏派滿洲翰林一員。輪班前往。令其學習上圍。但朕每遇巡幸。舉行典禮。俱有講官隨往。滿洲翰林得講官即可輪班隨扈。學習騎射。此外行在翰林院別無應辦之事。嗣後翰林院奏派滿員輪班之例。著停止。

暫攝批本。○內閣學士職司批本。或遇奉使請假。需人代理。則以詹事少詹事翰林院侍讀侍講學士及三四品京堂之曾任翰林者。請

簡兼攝。謹案暫攝之制。起於雍正八年十月。以侍讀將建暫攝批本。至乾隆九年七月。十一年九

簡兼攝。將建暫攝批本。至乾隆九年七月。十一年九

簡兼攝。將建暫攝批本。至乾隆九年七月。十一年九

簡兼攝。將建暫攝批本。至乾隆九年七月。十一年九

凡開臣皆備例請  
行迄今相沿無改

撰文。順治十六年定。

尊崇。

冊立暨

冊封

妃

嬪各

冊

寶印文。恭上恭加

尊謚。

升祔

冊謚各

冊

寶文。均由翰林院撰擬進呈。酌委本院官會同內閣官

監視鐫刻。

冊封公主。王貝勒貝子。令將軍福晉夫人。

冊

誥文。由院題定文式。填名咨送中書科。祭告祝文。及

諭祭。內外文武官祭文碑文。由院遵照禮部來文撰

擬。繕譯進呈。

欽定後。仍交禮部轉行。封贈內外文武各官

誥

敕文。由院開列撰擬官職名。送內閣具題。康熙十

年題准。

誥

敕文。按品刊刻文式。停止撰擬。二十四年議准。

誥

敕文。各照官職撰定文式頒給。三十四年

諭。翰林官撰擬文章。是其專任。善與不善。皆應有鼓勵

懲戒之處。自是以後。凡碑文祭文。其撰擬人姓名及

所撰之文。或經俞允。或被申飭。一一記名。有三次善

有三次不善者。俱行奏聞。四十三年議准。凡八

分公以下。奉恩將軍以上。兼大臣侍衛等官。間

散宗室補授大臣侍衛等封贈

散宗室補授大臣侍衛等封贈

誥

敕文。各照官職撰定文式頒給。五十二年

諭。南書房翰林等。向來升殿所奏中和樂章。皆仍明代

所撰。句有短長。體制類詞。後因文體不雅。命大學士

陳廷敬等改撰。其章法皆以四字為句。而奏樂人未

易聲調。仍以長短句法。湊合歌之。是雖文法易而聲



調未易也。今考察舊調。已得其宮商節奏。甚為和平。必得歌章字句。亦隨詞調。則章法明而宮調諧。此事所關最要。著南書房翰林同大學士等詳考定議。務使章法與聲調協和。歸於允當。○雍正元年。

諭

聖祖仁皇帝上諭十六條。乃係綱領。今欲詮解發揮。暢明義旨。以曉兵民。著修撰編修檢討庶吉士等。將每條作訓誡文一篇。名曰

上諭十六條廣訓。文體散行。字數在五百以外六百以內。需明白條暢。毋太深奧。毋涉鄙俚。兵民並加訓飭。

翰林八人分與一條。各擬一篇。各人封進。○又奉

旨。文章要六百以外六百五十以內字。○乾隆元年。

諭總理事務王大臣。翰林以讀書為職業。然讀書將以致用。非徒誦習其文辭也。古來制誥多出於詞臣之手。必學問淹雅。識見明通。始稱華國之選。有裨於政事。今翰詹官員甚多。於詩賦外亦當留心誥敕。掌院學士以下。編檢以上。可各以己意擬寫上諭一道。陸續封呈朕覽。既可以規其文藝之淺深。並可以觀其胸中之蘊蓄。儻有切於吏治民生者。朕亦即頒發見諸施行。則詞曹非徒章句之虛文。而國家亦收文章

之實用矣。嗣後庶吉士散館後。即照此例行。○又

諭總理事務王大臣。翰林院撰擬王貝勒貝子冊文。如朕叔朕兄等。皆呼為爾某。於朕敬長之意未符。此心有所不安。凡遇叔兄等。皆當稱叔稱兄。自弟姪以下。則用爾字。永著為例。○八年

諭朕前往奉天恭謁

祖陵典禮重大。所有祭文。應盡心撰擬。今滿漢文俱甚屬平常。語意亦多重複。著將撰擬之于振。繙譯之文。保德通。各罰俸三箇月。以示懲儆。○三十七年。奏准嗣後遇有親王郡王貝勒等封爵。初次受封。及

軍功昭著。應行載入

冊內者。給予

冊文。由翰林院撰擬具奏。至世及襲封。止添寫世次

緣由。襲封年月。由翰林院恭擬字樣。移交中書

科繕寫。俱於本內分別聲明。○四十五年奉

旨。所擬盛京新建運河巨流河

河神廟名神牌扁額。俱着用單內首擬字樣。至建廟神牌扁額。均係褒崇神祀。沿用敕賜二字。未協敬謹之意。嗣後遇有建廟封神等事。擬請欽定者。廟名著寫敕建。其神牌扁額。俱著寫敕封字樣。○又

諭翰林院撰擬祭文。向例俱兼清漢如

壇

廟羣祀載在禮部祀典者。自應需用國書。若滿洲大臣亦當用清文。諭祭。至漢大臣本不請清語。諭祭時原可專用漢文。又何必重加繙譯。致滋煩瑣。為耶嗣後翰林院撰擬漢大臣祭文。俱不必繙清字。○嘉慶十二年

諭。向來祈雨報雨。本無樂章。迨乾隆十八年始行增設。至祈晴報晴。本不時有。嘉慶六年。曾因雨水稍多。舉行此禮。彼時未經議設樂章。因念雨暘祈報。民瘼攸

關。典禮自宜畫一。所有祈晴報晴。應行增設樂章之處。著樂部太常寺查明。交翰林院妥擬進呈。候朕開定。交太常寺載入則例。永遠遵行。○道光十九年

諭。陳鑾等奏請飭下儒臣推闡

聖諭廣訓。頒發各省等語。著翰林院敬謹推闡

聖諭內融異端。以崇正學一條。擬撰有韻之文。進呈。候朕欽定。頒發各省。飭令各該學政一併恭書。徧頒鄉塾。俾民間童蒙誦習。潛移默化。以敦風俗。而正人心。

○咸豐元年

諭。翰林院呈進侍講學士潘曾瑩撰擬原任兩江總督

李星沅祭文碑文。獎譽過實。沅辭藻太多。著另行刪改。李星沅調度失宜。惟念其歿於王事。故爾優卹。其功過不相掩之處。亦應敘明。溯其歷任封疆。尤不足稱矣。○三年撰擬

諭。祭原任協辦大學士尚書禧恩文內。逾七表。以康疆句。原擬近字。誤寫逾字。經軍機大臣傳

旨查詢。遵將繕寫錯誤之員。由院記過。其未經看出之掌院學士。均交部照例察議。○十一年議准。呈

地壇告祭祝文內

皇地祇地字。誤寫帝字。未能校正。罰俸一年。未能看出之掌院學士。罰俸六月。又於告祭

太廟祝文內。恭列

孝靜康慈皇后徽號。將撰文官降一級留任。掌院學士罰俸一年。

○康熙十二年

諭。大學士傳達禮滿漢文義。照字繙譯。可通用者甚多。後生子弟。漸致差謬。爾任翰林掌院。可將滿語照漢文字彙發明。某字應如何用。某字當某處用。集成一書。使有益於後學。此書不必太急。宜詳慎為之。務期

永遠可傳方為善也。乾隆十五年

諭。我朝創制國書。分十二字頭。簡而能該。用之無所不備。而音韻尤得天地之元聲。惟是漢人初學清字者。辨字審音。每借漢字音註。以便記誦。而漢字不能悉協。不得已更從俗音。以意牽合。未經較正。畫一將恐久而益差。聞嘗讀漢字金史。其用漢字音註國語者。本音幾不可曉。諦尋之。則原清語所常習。又如元史之達魯花赤。以今蒙古音譯之。當為達魯噶齊。不華當為補哈。此類未易枚舉。在史氏或以己意為音。或出於當時承旨。蓋由以漢字而註清語蒙古語。既非本字。又無一定。是以訛復傳訛。以此知官為校定之。不可以已也。夫一天也。國書謂之阿補喀。蒙古謂之騰格哩。西番則謂之納穆卡。至國書之騰格哩。則漢語所謂弦子耳。又如一日也。國語謂之舜。漢文謂之日。蒙古謂之納蘭。西番謂之尼嗎。又如國語呼爾者。其音為西。而西方則稱幹呼基。此在兼通清漢文者。無所疑義。而通清不通漢者。但知西之為爾。通漢不通清者。但知西之為西。而語之以幹呼基。且不知為何物矣。蓋凡物之命名。本屬後起。爾雅釋名。方言土訓。莫可殫述。皆假象耳。若夫以漢字註清文。實假象

中之假象。而必執此以較。是非定高下。寓褒貶。此特私心妄見耳。爰命大學士傅恆。率同儒臣。重定十二字頭音訓。開章六字。則用直音。如阿額伊鄂烏謬。餘用二字合音。如納諾尼。佛勞。其餘十一字頭。首六字用二字合音。如阿額伊鄂烏謬。以下俱用三字合音。如蒙蒙蒙蒙蒙。以分輕重緩急。而國書之元聲。略可得梗概。是不過同文之一端。無關奧義。然習之於童蒙之始。有不容忽者。用示其義。傳示久遠。俾知所法守焉。二十三年奏准。繕譯清文。由滿洲學士繕就草底。交繕書房改正。始行進呈。謹案向例改正繕譯。以滿

員中熟通清文者為之。至是始專歸繕書房。本衙門編修檢討漢員內。其由肆習。國書出身者亦兼繕書房行走。道光二十五年奏定。翰林院額設筆帖式四十員。分隸東西兩廳。繕寫章奏文移。分當各項差使。就中擇其繕譯清文行走勤慎者。充補委署廳官及掌稿各缺。遇有應行繕譯事件。即在署繕寫。親行呈閱。其有稍形懈弛者。仍即撤歸散班。督令學習。

欽定大清會典事例卷一千四十九

翰林院

職掌纂修書史一

纂修書史。原定恭纂

實錄

聖訓。掌院學士充副總裁官。侍讀學士侍講學士侍讀

侍講。修撰編修檢討充纂修官。典簿待詔孔目

充收掌官。筆帖式充謄錄官。亦間充收掌官。恭

修

玉牒。以滿洲蒙古漢軍修撰編修檢討職名移送宗人

府充纂修官。庶吉士亦得擬送。凡各館纂修書

史。掌院學士充正副總裁官。侍讀學士以下編

檢以上充纂修官。亦充提調官。庶吉士亦間充

纂修官。典簿待詔孔目充收掌官。筆帖式充謄

錄官。亦間充收掌官。編纂諸書刊刻告竣皆得

奏請

頒賜。凡與纂諸臣。至告竣時已出館局者。仍許列銜

奉

旨特開之館。應用纂修額缺酌定奏請。其長開

內廷三館

武英殿額設纂修十二員。現在提調總纂各二人。纂修十二人。不分滿漢。

國史館額設纂修八員。現在係滿洲總纂四人。漢

纂修二人。漢纂修二人。方略館提調纂修不專屬翰詹。惟額

設纂修一員。至各館額缺協修均隨時酌送。

天聰元年

命恭纂

太祖高皇帝實錄。九年

諭文館諸臣。朕睹漢文史書。殊多飾詞。雖全覽無益也。

今宜於遼宋金元四史內。擇其勤於求治。而國祚昌

隆。或所行悖道。而統緒廢墜。與夫用兵行師之方略

以及佐理之忠良。亂國之姦佞。有關政要者。彙纂繕

譯成書。用備觀覽。順治二年

敕修明史。九年

敕恭纂

太宗文皇帝實錄

諭大學士希福等。朕惟帝王撫宇膺圖。綏猷建極。凡一

代之興。必有一代之史。以觀揚於後世。誠要務也。我

太宗文皇帝應天順人。安內攘外。在位十有七年。仰惟

文德之昭。武功之盛。以及號令賞罰。典謨訓誥。皆國

家之大經大法。爾等稽覈記注。編纂修輯。尚其夙夜

勤恪考據精詳。毋浮誇以失實。毋偏執以廢公。毋疏忽以致闕遺。毋怠玩以淹歲月。敬承一代之令典。永作萬世之成憲。各殫乃心。以副朕意。○十二年

諭。朕惟帝王之道。法祖為先。夏貽典則。商監成憲。周重謨烈。三代盛隆。率循茲軌。欽惟我

太祖武皇帝創業垂統。聖德開天。

太宗文皇帝積功累仁。宏模啟後。大經大法。固足範圍百王。一動一言。皆可訓行四海。

實錄素已告成。朕欲仿貞觀政要。洪武實訓等書。分別義類。詳加採輯。彙成一編。朕得朝夕儀型。子孫臣民咸恪遵無教。稱為

太祖聖訓

太宗聖訓。即於五月開館。特命輔臣馮銓。車克成。克鞏。劉正宗。傅以漸。為總裁官。麻勒吉。鏗。特。祁。傲。白。胡。兆。龍。張。懸。錫。李。爵。梁。清。寬。為副總裁官。王。無。咎。楊。思。聖。方。拱。乾。卓。彝。周。啟。雋。黃。機。吳。偉。業。左。敬。祖。曹。本。榮。熊。伯。龍。馬。葉。曾。宋。之。繩。又。滿。官。四。員。為纂修官。滿。漢。官。各。四。員。為。謄。錄。官。滿。漢。典。籍。四。員。為。收。掌。官。卿。等。膺。茲。委。任。須。勤。勵。恪。恭。精。心。蒐。討。務。期。早。竣。大。典。以。稱。朕。觀。光。揚。烈。至。意。○十三年

敕纂易經通註。○又

諭。朕惟紀一朝之得失。爰有史書。考百代之是非。厥惟通鑑。顧筆削互異。論斷相衡。卷帙雖紛。得中尚寡。何以昭垂永久。號稱完書。朕茲欲將諸家所纂。廣加裒集。刪繁考異。訂為一編。名曰通鑑全書。特命巴哈納額色黑。劉正宗。傅以漸。為總裁官。張長庚。禪代。麻勒吉。鏗。特。折。庫。訥。胡。兆。龍。張。懸。錫。李。爵。白。允。謙。為副總裁官。岳。蘇。朱。之。錫。卜。素。履。楊。熙。范。承。謨。盧。彥。杭。奇。王。世。功。圖。巴。海。方。拱。乾。何。采。王。清。張。士。甄。范。廷。元。熊。伯。龍。諸。豫。張。永。祺。曹。爾。堪。金。鉉。方。猶。楊。永。甯。為纂修官。

白希圖。納海。吳世霸。哈世泰。霜色。塞赫。黑德。津拜。胡密色。王秉坤。陳登科。達揚阿。任治民。邵鳳翔。邱衡雷。經徐。吳。錦。韓。詩。為謄錄官。朱臣。崔振聲。王鍾龐。錢世清。為收掌官。卿等受茲委任。須精勤蒐討。公慎參詳。務使古來政治盛衰。人才善惡。昭明畫一。以副朕致治垂憲之意。○又

諭。自古平治天下。莫大乎孝。孝為五常百行之原。故曾子備述孔子之言。以為孝經。昭示後世。上自天子。下逮庶人。至孝之道。罔不備焉。朕觀其立言正大。意旨深遠。苟非取古人言行。關於孝道者。推而廣之。不足

深遠。苟非取古人言行。關於孝道者。推而廣之。不足

以彰其義。茲欲博採羣書。加以論斷。勒成一編。名曰孝經衍義。特命馮銓為總裁官。馮溥、黃機、吳偉業、王熙、曹本榮、姜元衡、郭榮宗之繩為編纂官。曹首望、盛際斯、方兆及吳煒為謄錄官。王鍾龐、包元辰為收掌官。卿等膺茲委任。須勤敏敬慎。悉心蒐輯。務俾讀者觀感效法。以稱朕孝治天下之意。○康熙六年

諭

世祖章皇帝勵精圖治。敬

天法

祖無事不以國計民生為念。鴻功偉業。載在史冊。理宜

纂修

實錄垂示永久。以昭大典。○十六年

敕編日講四書解義。○十八年

敕纂

欽定皇輿表

敕續修明史。○十九年

命編日講書經解義。○二十二年

命內閣侍讀學士翁英、丹岱、吳拉岱、拜禮、吳興祖侍讀

博際、安褚、庫孟額圖、翰林院侍讀學士朱之佐

孫在豐侍講學士阿山、祖文謨、朱典侍讀烏赫

為纂修官。重修

太祖高皇帝實錄

聖訓。○又

命內閣侍讀學士徐廷璽、侍讀達哈塔庸、愛常、明尹泰

王三省、典籍倭赫臣、翰林院侍讀學士傅臘塔

多奇、嚴我斯、侍讀湯斌、施閔、章侍講戴通、編修

曹禾、檢討潘耒、詹事府右春坊右諭德朱世熙

左春坊左贊善徐乾學、司經局洗馬田喜、竄為

纂修官。恭修

太宗文皇帝

世祖章皇帝聖訓

諭監修總裁官大學士勒德洪等。卿等督率各官。敬慎

纂修。速竣大典。表彰謨烈。以副朕繼述顯揚

先德之意。○又

敕纂平定三逆神武方略。○又

諭。史書永垂後世。關係最重。必據實秉公。論斷得正。始

無偏蔽之失。夫作文宜有一字一句不可更改者。當

彼此虛心。互相推究。即如朕所製之文。亦常有參酌

更改之處。若不稍加更定。恐文章一道。流於偏私矣。

將此諭傳示修史官知之。○又

命編日講易經解義○二十二年

教纂

大清會典○二十四年

教謨

大清一統志

教編古文淵鑑○二十五年

諭自古帝王致治崇文典籍具備猶必博採遺書用充  
祕府蓋以廣見聞而資掌故甚盛事也朕留心藝文  
晨夕披覽雖內府書籍篇目粗陳而稟集未備因思  
通都大邑應有藏編野乘名山豈無善本今宜廣為

訪輯凡經史子集除尋常刻本外其有藏書祕錄作  
何給值採集繕寫爾部院會同詳議務摻羅罔軼以  
副朕稽古右文至意○又

諭自古經史書籍所重發明心性裨益政治必精覽詳  
求始成內聖外王之學朕披閱載籍研究義理凡厥  
指歸務期於正今摻訪藏書善本惟以經學史乘實  
有關係修齊治平助成德化者乃為有用其他異端  
說說概不准收錄○三十六年

教纂平定朔漢方略○三十八年

教謨春秋傳說彙纂○四十三年

教謨佩文韻府○四十四年

教纂佩文齋書畫譜○又

諭明史關係極大必使後人心服乃佳宋史成於元元  
史成於明其中是非事實甚多是以至今人心不服  
有明二百餘年其流風善政誠不可枚舉今之史官  
或執己見者有之或據傳聞者有之或用稗史者亦  
有之任意妄作此書何能盡善孔子聖人也猶言知  
我者其惟春秋乎罪我者其惟春秋乎孟子又言盡  
信書則不如無書當今之世用人行政規模法度之  
是非朕當自任無容他諉若明史之中稍有一不當

後人將歸責於朕不輕忽也是以朕為明史作文一  
篇爾等可曉諭九卿大臣

御製文曰朕四十餘年孜孜求治凡一事不妥即歸罪  
於朕未嘗一時不自責也清夜自問移風易俗未能  
也躬行實踐未能也知人安民未能也家給人足未  
能也柔遠能邇未能也治臻上理未能也言行相顧  
未能也自覺愧汗何暇論明史之是非乎况有明以  
來二百餘年流風善政豈能枚舉其中史官舞文杜  
撰顛倒是非者概難憑信元人修宋史明人修元史  
至今人心不服議論多歧者非前鑑耶朕實無學每

讀朱子之書。見相古先民。學以為己。今也不然。為人而已之句。固不悅誠服。又讀孟子盡信書則不如無書。益見史官上古不免訛傳。况今人乎。班馬異同。左國浮華。古人以為定論。孔子至聖。作春秋有知我罪我之句。後世萬倍不及者。輕浮淺陋。妄自筆削。自以為是。朕觀凡天下讀書者。皆能分辨古人之是非。至問以時事人品。不能一字相答。非曰從來不與人往來。即曰不能深知。夫目前之事。做官之道。尚茫然不知。而於百千年前。無不洞悉。何得昧於當世。而明於論古。豈非遠者明而近者闇乎。所以責人重者責己輕。君子不取也。明史不可不成。公論不可不採。是非不可不明。人心不可不服。關繫甚鉅。條目甚繁。朕日理萬幾。精神有限。不能逐一細覽。即敢輕論是非。後有公論者。必歸罪於朕躬。不畏當時。而畏後人。不重文章。而重良心者。此也。卿等皆老學素望。名重一時。明史之是非。自有燭見。卿等眾意為是。即是也。刊而行之。偶有斟酌。公同再議。朕無一字可定。亦無識見。所以堅辭以示不能也。○四十五年。

諭修國史諸臣。開國功臣作傳。當因其事蹟先後。以定次第。若視功績分次第。或有本人功績少。而子孫功

績多者。反置子孫於前列可乎。今應分別

太祖

太宗

世祖三朝功臣。以何人居首。請旨再定。至逮事

三朝功臣。各於本人傳內。通行開載事蹟。其子孫有立

功者。附載於下。俟作傳畢。可錄出。分給其子孫。各一

通令藏於家。○又

敕編歷代賦彙。佩文齋詠物詩選。○四十六年

敕編全唐詩。歷代題畫詩類。歷代詩餘。○四十七年

敕撰廣羣芳譜。○四十八年

敕編

皇清文穎。四朝詩。○四十九年

敕撰康熙字典。及淵鑑類函。○五十年

敕編全金詩。○五十一年

敕撰歷代紀事年表。○五十二年

敕修

萬壽盛典。○五十四年

敕編

御纂周易折中。月令輯要。音韻闡微。並詞譜曲譜。○五

十六年



教謨性理精義。○五十八年。

教謨駢字類編。○五十九年。

教謨韻府拾遺。○六十年。

教謨書經傳說彙纂。詩經傳說彙纂。及子史精華。分類

字錦。○雍正元年。

命大學士馬齊為監修總裁官。隆科多嵩柱白潢張鵬

翮為總裁官。朱軾張廷玉勵廷儀阿克敦額和

納登德為副總裁官。恭纂

聖祖仁皇帝實錄

諭

皇考御極六十一年。

聖謨神烈甚多。卿等督率各官。務期悉心敬纂。迅速告

成。俾永垂方冊。以副朕繼述顯揚

先德之意。○又

教恭纂

聖祖仁皇帝聖訓

教編次古今圖書集成。○又

諭大學士等。史書務紀其真。而史才古稱難得。蓋彰善

瘴惡。傳信去疑。苟非存心忠厚。學識淹通。未能定得

失於一時。垂鑒戒於久遠也。有明一代之史。屢經修

纂。尚未成書。我

聖祖仁皇帝大公至慎之心。旌別淑慝。務期允當。惟恐

幾微未協。遂失其真。鄭重周詳。多歷年所。莫得良史

之才。畀以編摩之任。朕思歲月愈久。考據愈難。目今

相去明季。將及百年。幸簡編之紀載猶存。故老之傳

聞不遠。應令文學大臣。董率其事。慎選儒臣。以任分

修。再訪山林。續學之士。忠厚淹通者。一同編輯。俾得

各展所長。取舍折衷。歸於盡善。庶成一代信史。足昭

示於無窮。著將滿漢大臣等職名開列具奏。○又

教纂功臣傳。○四年。

教續修

大清會典。○五年。

教編

御纂孝經集註

教纂八旗通志初集。○六年。

教謨執中成憲。○七年。

教編日講春秋解義。○十一年。

教增輯

皇清文穎。○十三年十月。

諭。大學士鄂爾泰等奏請纂修

皇考世宗憲皇帝實錄。朕思記事之文。務期確實。方可信。今傳後。我

皇考臨御以來。敬

天法

祖。勤政愛民。立極陳常。德洋恩溥。一切顯謨彝訓。皆出

實心實政。不尚虛文。茲當編纂之時。惟在敬謹繹思。

據實記載。不必沿襲史氏繁詞。徒作鋪張揚厲之體。

至於

皇考十三年中。整綱飭紀。事事極其周詳。覺世牖民。言

言可為典則。為臣子者。自當慎重考覈。編述詳明。期

於

聖德神功。廣大悉備。庶可昭垂簡冊。傳示萬年。其條例

款項。及監修總裁等應用人員。並一切開館事宜。總

理事務。王大臣詳議具奏。○乾隆元年

教恭纂

世宗憲皇帝聖訓。○是年

國史館總裁大學士鄂爾泰等恭進

太祖高皇帝本紀。奉

旨

四朝本紀。現在編纂。我

皇考本紀。亦應及時敬謹編輯。又據奏稱。表志列傳等

項。俟

四朝本紀編定之後。次第排纂等語。表志列傳。若俟

本紀編定之後。方行排纂。則曠日持久。書成未免太遲。

著一面辦理

本紀。一面將表志列傳等排纂。○又

教纂

欽定三禮義疏

命編日講禮記解義

教撰

大清通禮。○二年

教撰授時通考。○四年

教纂明紀綱目。○七年

教撰

宮史。○九年

教編滿洲氏族通譜

教撰詞林典故。及石渠寶笈。祕殿珠林

教修

皇清文穎。○十年

教撰

欽定天祿琳琅書目

敕編

皇清奏議

敕纂續文獻通考及

皇朝文獻通考○又

諭近因校閱金史見所附國語解一篇其中訛舛甚多

金源即滿洲也其官制其人名用本朝語譯之歷歷

可見但大金全盛時索倫蒙古亦皆所服屬幅員遼

廣語音本各不同而當時惟以國語為重於漢文音

義未嘗校正畫一至元臣纂修又不過沿襲紀載舊

文無暇一一校正訛以傳訛有自來矣即如所解之

中或聲相近而字未恰合或語似是而文又增損至

於姓氏惟當對音而竟有譯為漢姓者今既灼見其

謬豈可置之不論爰命大學士訥親張廷玉尚書阿

克敦侍郎舒赫德用國朝校定切音詳為辨正令讀

史者咸知金時本音本義訛謬為之一洗並註清文

以便考證即用校正之本易去其舊其坊間原本聽

其去留庶考古信今傳世行遠均有裨焉○十三年

敕纂

大清會典

大清會典則例○又

敕纂平定金川方略○十四年

敕撰西清古鑑

敕編經史講義○十五年

敕纂同文韻統叶韻彙輯○十六年

敕撰

皇朝職貢圖

敕編錢錄○十九年

敕撰盤山志○二十年

敕纂周易述義

敕編

御纂詩義折中○二十一年

敕纂皇輿西域圖志熱河志○二十三年

敕編

御纂春秋直解○二十四年

敕纂

皇清禮器圖式○二十六年

敕修

宮史○二十七年

諭續文獻通考館纂進稿本朕閱宗廟考一門內附入

致祀歷代帝王及本朝臣下家廟。顧名思義。於輯書體例何居。蓋既以宗廟冠部。則惟

太廟時禘。典有專崇。方稱經常不易。至

奉先殿之禮重家庭。

壽皇殿

安佑宮

永佑寺之虔奉

神御於宗廟考中。敬從附載。尚為不失禮以義起之文。若撫

入歷代及臣下。匪獨其制絕不相蒙。揆之分門本意。亦復

何取。即云承用宋臣馬端臨原編舊式。而往世儒生之識

於大典未克折衷盡善。類此者正復不少。又豈得違禮

而曲泥之。朕意當於宗廟考專門備詳定制外。其餘不

應附入者。別立羣廟考一門。隸之。俾名義既得所安。而

其書亦足垂遠。館臣可錄朕旨。並登卷中。○二十八年。

敕編

欽定西域同文志及音韻述微。○二十九年。

敕纂宗室王公功績表傳。

敕修

大清一統志

敕校勘

皇朝禮器圖式。○三十年

諭。朕恭閱

世祖章皇帝實錄。內載大學士甯完我劾奏陳名夏之

疏。有與魏象樞結為姻黨一款。朕向聞魏象樞在漢

大臣中尚有名望。乃與黨惡之陳名夏聯姻。藉其行

私護庇。則亦不得謂之粹然無疵之名臣矣。因取國

史館所撰列傳。止稱以事降調。而不詳其劾本末。

則後之人亦何由知其事為何事。而加之論定乎。前

命廷臣編纂宗室王公功績表傳。現已告成。事實釐

然可考。因思大臣之賢否。均不可隱而弗彰。果其事

功學行。卓卓可紀。自應據實立傳。俾無溢美。若獲罪

廢棄之人。其情罪允協者。固當直筆特書。垂為炯戒。

即當日彈章過於詆毀。吏議或未盡持平。亦不妨因

事並存。毋庸曲為隱諱。著將國初以來滿漢大臣已

有列傳者。通行檢閱覈實。增刪考正。其未經列入之

文武大臣。內而卿貳以上。外而將軍督撫提督以上。

並宜綜其生平實蹟。各為列傳。均恭照

實錄所載。及內閣紅本所藏。據實排纂。庶幾淑慝昭然。

傳示來茲。可存法戒。○又

諭。前以國史原撰列傳。止有褒善。惡者惟貶而不錄。其

所以為惡人究不知非所以昭傳信也。因降旨開館重修。特派大臣為總裁。董司其事。並令詳議條例。以聞。今據該總裁等議奏開館事宜。內稱滿漢大臣定以官階分立表傳。旗員自副都統以上。文員自副都御史以上。及外官督撫提督等果有功績學行。又獲罪廢棄原委。俱為分別立傳等語。所議尚未詳備。列傳體例。以人不以官。大臣中如有事功學術足紀。及過蹟罪狀之確。可指據者。自當直書其事。以協公是公非。若內而部旗大員。循分供職。外而都統督撫之。歷任未久。事實無所表見者。其人本無足重輕。復何必濫登簡策。使僅以爵秩崇卑為斷。則京堂科道中。或有封章建白。實裨國計民生者。轉置而弗錄。豈非缺典。且如儒林亦史傳之所必及。果其經明學粹。雖韋布之士不遺。又豈可拘於品位。使近日如顧棟高輩。終於淹沒無聞耶。舉一以例其餘。雖列女中之節烈卓然可稱者。亦當覈實兼收。另為列傳。諸臣其悉心參考。稽之諸史體例。折衷斟酌。定為凡例。按次編纂。以備一代信史。至立表之式。固當如所定官階為限制。仍應於各姓氏下註明有傳無傳。使覽者於表傳並列者。即可知某某之嫩惡瑕瑜。而有表無傳者。

必其人無足置議。有傳無表者。必其人實可表章。則開卷瞭然。不煩言而其義自見。朕每覽歷代史冊。褒譏率無定評。即良史如司馬遷。尚不免逞其私意。非阿好而過於鋪張。即怨嫉而妄為指摘。其他更可知矣。我朝百餘年來。於大小臣工。彰善瘴惡。一秉至公。實可垂為法戒。今悉據事實。立為表傳。總裁大臣。公同商榷。朕復親為裁定。傳之萬世。淑慝並昭。而褒貶不爽。不更愈於自秉史筆者之傳聞異辭。而任愛憎為毀譽者耶。將來書成時。即以朕前後所降諭旨。弁之簡端。用示慎重修輯國史之意。

欽定大清會典事例卷一千五十

翰林院

職掌纂修書史二

乾隆三十一年

諭今日國史館進呈新纂列傳內洪承疇傳。於故明唐王朱聿釗加以偽字。於義未為允協。明至崇禎甲申。其統已亡。然福王之在江甯。尚與宋南渡相髣髴。即唐桂諸王。轉徙閩滇。苟延一綫。亦與宋帝昞帝昺之播遷海嶠無異。且唐王等皆明室子孫。其封號亦其先世相承。非若異姓僭竊。及草賊擁立一朱姓以為

號召者可比。固不必概從貶斥也。當國家戡定之初。於不順命者。自當斥之以偽。以一耳目而齊心志。今承平百有餘年。纂輯一代國史。傳信天下萬世。一字所繫。予奪攸分。必當衷於至是。以昭史法。即明末諸臣如黃道周史可法等。在當時抗拒王師。固誅修之所必及。今平情而論。諸人各為其主。節義究不容掩。朕方嘉予之。又豈可概以偽臣目之乎。總裁等承修國史。於明季事皆從貶。固本朝臣子立言之體。但此書皆朕親加閱定。何必拘牽顧忌。漫無區別。不準於天理人情之至當乎。特明降諭旨。俾史館諸臣咸喻

朕意。奉為準繩。用彰大中至正之道。三十二年。敕纂續通典。續通志。及

皇朝通典。

皇朝通志。並

御批通鑑輯覽。○又

諭前開館續纂文獻通考一書。並添輯本朝一切典制。分門進呈。朕親加披覽。隨時裁定。全書現在告竣。經該總裁等奏請將館務停止。因思馬端臨通考。原踵杜佑通典。鄭樵通志而作。三書實相輔而行。不可偏廢。曩因舊本多訛。曾命儒臣詳為校勘。鐫刻流傳。加

惠海內。今續通考復因王圻舊本改訂增修。惟通典通志。尚未議及補輯。士林未免抱闕如之憾。著仍行開館。一體編輯。所有開館事宜。著大學士詳悉定議具奏。其修書義例。有應仍應改之處。該總裁等務博稽前典。參酌時宜。而要之以紀實無訛。可垂久遠。至現輯續通考一書。從前所進各門。僅截至乾隆二十五年以前。而陸續呈進者。並纂入三十一年之事。先後體製。尚未畫一。著交新開書館。將所纂二十四考。概行增輯。編載事實。悉以本年為準。增添各卷。即速繕呈覽。以便刊板頒行。其通典通志二書。亦以三十

一年為限。以期畫一。至於朕之敕修諸書。固以闡往開來。備乙覽而牖後學。亦使詞館諸臣。得效編摩之職。且於常俸以外。復叨月給餐錢。用示朕體恤之惠。承辦各員。自當悉心蒐考。無漏無訛。以期完善。所有節次繕進各書。皆經朕詳加釐定。其間字句差訛。及文義錯謬者。即為指示改正。不一而足。諸編纂者。亦當知愧改過。實心校錄矣。而茲閱輿地考內。所載南海子一條。言自萬泉莊匯注於此。試思萬泉莊水勢南高北下。從清河一帶逶迤通行。即有涓流旁溢。亦當入長河以達會通。與南海子無涉。而該纂修竟以旁近之萬泉寺誤為萬泉莊。此係目前易考之地。何以不加詳覈。疏略若此。著將該纂修交部議處。嗣後在館諸臣。務益加意參稽。毋得率爾操觚。致貽謬誤。以副朕興學右文之意。○三十四年。

敕修校正高化閣帖釋文。○三十六年。

敕纂評鑑闡要。

諭前以批閱通鑑輯覽。見前史所載遼金元人地官名。率多承訛襲謬。輾轉失真。又復詮解附會。支離無當。甚於對音中曲寓褒貶。尤為鄙陋可笑。蓋由章句迂生。概不能深通譯語。兼且逞其私智。高下其手。以訛

傳訛。從未有能正其失者。我國家當一統同文之盛。凡索倫蒙古之隸臣僕供宿衛者。朕皆得親為諮訪。於其言語聲音。俱能一一稽考。無纖微之誤。是以每因摛文評史。推闡及之。並命館臣就遼金元史國語解內。人地職官氏族及一切名物象數。詳悉釐正。每條兼系以國書。證以三合切韻。俾一字一音。咸歸昭合。並為分類箋釋。各從本來意義。以次進呈。朕為親加裁定。期於折衷。至是一訂舊史之踳駁。今金國語解業已訂正。歲事而諸史原文。尚未改定。若俟遼元國語續成彙訂。未免多需時日。著交方略館。即將金史原本先行校勘。除史中事實。久布方策。毋庸復有增損外。其人地職官氏族等。俱依新定字音。確覈改正。其遼元二史。俟國語解告竣後。亦即視金史之例。次第釐正畫一。仍添派纂修官分司其事。總裁等綜理考覈。分帙進覽候定。用昭闡疑傳信之至意。○又

敕編

御製清文鑑。○三十七年。

諭朕閱三通館進呈所纂嘉禮考內。於遼金元各代冠服之制。敘次殊未明晰。遼金元衣冠。初未嘗不循其國俗。後仍改用漢唐儀式。其因革次第。原非出於一

時即如金代朝祭之服其先雖加文飾未至盡去其舊至章宗乃概為更制自應詳考詮次以徵蔑棄舊典之由並酌入案語俾後人知所鑒戒於輯書關鍵方為有當若遠及元可例推矣其嘉禮考仍交館臣悉心確覈遼金元改制時代先後逐一臚載加擬案語證明改繕進呈候朕鑒定昭示來許並將此申諭中外仍錄一通懸勒尚書房○又

諭國史館進呈新纂明珠列傳內所列郭琇糾參各款臚採不全於覈實紀載之義未合明珠在康熙年間身為大學士柄用有年乃竟不克自終漸至植黨營私市恩通賂勢欲熏灼物議沸騰

皇祖疊申

誠諭期得以恩禮保全而明珠不知省改致為郭琇參奏復念其於平定三藩時曾有贊理軍務微勞不即暴示罪狀然亦立予罷斥並未嘗廢法姑容後雖量為錄用僅授內大臣之職距其身歿二十餘年不復再加委任此實

皇祖恩威並用權衡纖毫不爽迥非三代以後所可幾及而確覈明珠罪案止在徇利太深結交太廣不能恪守官箴要不至如明代之嚴嵩溫體仁輩竊弄威

福竟敢陰排異己潛害忠良舉朝側目而莫可誰何也即如明珠以現任閣臣而郭琇即以露章臚款抨擊甚力使明珠果能如明季諸姦之箝制言路則郭琇矢口之聞早已禍不旋踵即或深謀修隙亦必多方狙伺假手擠排乃郭琇因此一疏遂以鯁直受知不及二年即由僉都御史洵擢都御史不聞明珠之黨有能為之抑沮者雖其間亦曾因事論黜而我

皇祖鑒其政績風力由閒廢中擢為湖廣總督後因紅苗搶奪隱匿不報削籍歸里其罪實由自致亦非明珠之黨藉事以為報復今郭琇列傳具在可考而知也

諭朕稽古右文聿資治理幾餘典學日有孜孜因思古今來著作之手無慮數千百家或遺在名山未登柱史正宜及時採集彙送京師以彰千古同文之盛其令直省督撫會同學政等通飭所屬加意購訪其歷代流傳舊書內有闡明性學治法關繫世道人心者自當首先購覓至若發揮傳註考覈典章旁暨凡流百家之言有裨實用者亦應備為甄擇又如歷代名

也。因命於明珠傳中全列郭琇參本俾天下後世得喻此事本末用是剖悉原委宣諭中外仍命錄載傳後使定論昭然永以示傳信而垂法戒焉○又



人。洎本朝士林宿望。向有詩文專集。及近時沈潛經史。原本風雅。如顧棟高陳祖范任啟運沈德潛輩。亦各著成編。並非勦說危言可比。均應概行查明。在坊肆者。或量為給價。家藏者。或官為裝印。其有未經鐫刊止係鈔本存留者。不妨繕錄副本。仍將原書給還。著該督撫等。先將各書敘列目錄。註係某朝某人所著。書中要指何在。簡明開載。具摺奏聞。候彙齊後。令廷臣檢覈有堪備用者。再開單行知取進。庶幾副在石渠。用儲乙覽。從此四庫七略益昭美備。稱朕意焉。

○又

敕編平定準噶爾方略。○三十八年奉

旨。軍機大臣議。覆朱筠條奏。內將永樂大典擇取繕寫。各自為書一節。著即派軍機大臣為總裁官。仍於翰林等內。選定員數。責令及時專司查校。將原書詳細檢閱。並將圖書集成。互為校覈。擇其未經採錄。而實在流傳已少。尚可裒綴成編者。先摘開目錄奏聞。候朕裁定。至朱筠所奏。每書必校其得失。撮舉大旨。敘於本書卷首之處。於檢查洵為有益。應俟移取各省購書全到時。即令承辦之員。將書中要旨。彙括總敘。厓略。黏貼開卷副頁右方。用便觀覽。○又

諭永樂大典。其中每多世不經見之本。而外省奏進書目。亦頗裒括無遺。合之大內所儲。朝紳所獻。不下萬餘種。特詔詞臣詳為勘覈。釐其應刊應鈔應存者。系以提要。輯成總目。依經史子集。部分類聚。命為四庫全書。簡皇子大臣為總裁。以董之。開取各書。繕閱。有可發揮者。親為評詠。題識簡端。以次付之剞劂。其應鈔者。則於雲集京師士子中。擇其能書者。給札分鈔。共成善本。第全書卷帙。檢玩為難。摘藻堂向為宮中陳設書籍之所。朕每憇此觀書。取攜最便。著於全書中。擷其菁華。繕為薈要。其篇式一如全書之例。著總裁于敏中王際華專司其事。書成即以此旨冠於薈要首部。以代弁言。○又

敕纂

閩國方略。

敕編日下舊聞考。○三十九年。

敕纂臨清紀略。○又奉

旨。武英殿現辦四庫全書活字板。著名為武英殿聚珍板。○又

諭辦理四庫全書處。進呈總目。於經史子集內。分析應刻應鈔。應存書名三項。各條下。俱經撰有提要。將一

書原委。撮舉大凡。並詳著書人世次爵里。可以一覽了然。若不載明係何人所藏。則閱者不能知其書所自來。亦無以彰各家珍弄資益之善。著通查各省進到之書。其一人而收藏百種以上者。即應將其姓名附載於各書提要末。其在百種以下者。亦應將由某省督撫某人采訪所得。附載於後。其官板刊刻。及各處陳設貯庫者。俱載內府所藏。使其眉目分明。更為詳備。至現辦四庫全書總目提要。多至萬餘種。卷帙甚繁。自應於提要之外。另刊簡明書目一編。止載某書若干卷。註某朝某人撰。則篇目不煩。而檢查較易。

○四十年

教撰通鑑綱目三編。○又

諭國史館進呈所纂王鴻緒列傳。於左都御史郭琇劾王鴻緒與高士奇招納賄賂等案。僅敘大略。而郭琇原疏。未經載入。恐傳之後世。其不知王鴻緒輩之罪狀者。妄疑一劾即去。或有屈抑。其知者又疑秉史筆之人。意存袒護。不肯顯暴其短。豈朕特命另修史傳之意乎。著交該館總裁。將王鴻緒徐乾學高士奇等列傳。覆加覈訂。所有郭琇等原劾諸疏。悉載入傳內。另繕呈覽。其餘有類此者。並著一體詳載。以示大公。

而昭傳信。○又

諭前曾命仿朱子通鑑綱目體例。纂為明紀綱目。刊行已久。茲披閱葉向高集。見論福藩田土疏。所敘當日旨意之養贍地土。原給四萬頃。卿等屢奏地土難以湊處。王亦具辭。今減去二萬頃云云。則福王當日所得之田。僅二萬頃。今綱目載福王常洵之國條云。賜莊田四萬頃。中州腴土不足。取山東湖廣田益之。與向高言不合。又所載青海朵顏等人名。對音沿用鄙字。與今所定同文韻統音字及改正遼金元國語解。未為畫一。是張廷玉等原辦綱目。惟務書法謹嚴。而未暇考覈精當。尚不足以昭傳信。著軍機大臣即交方略館。將原書改纂。以次進呈。候朕親閱鑒定。其原書著查繳。○又

諭昨因明紀綱目。考覈未為精當。命軍機大臣將原書另行改輯。候朕鑒定。因思綱目三編。雖曾經披覽。但從前進呈之書。朕覽閱尚不及近時之詳審。若通鑑輯覽一書。其中體制書法。皆朕親加折衷。一本大公。至正。可為法則。此次改編綱目。自當仿照辦理。又明史內於元時人地名。對音訛舛。譯字鄙俚。尚沿舊時陋習。如圖作為免之類。既於字義無當。而垂之史冊。

殊不雅馴。今遼金元史已命軍機大臣改正另刊。明史乃本朝撰定之書。豈可轉聽其訛謬。現在改辦明紀綱目。著將明史一併查改。以昭傳信。朕非於此等音譯字面有所偏袒。蓋各國語音不同。本難意存牽合。即如滿洲蒙古文譯為漢文。此音彼字。兩不相涉。乃見小無識之徒。欲以音義之優劣。強為分別軒輊。實不值一噓。朕每見法司爰書。有以犯名書作惡劣字者。輒令改寫。而前此書回部者。每加大作狃。亦令將夫旁刪去。誠以此等無關裨貶。而適形鄙陋。實無足取。况當海寓同文之世。又豈可不務為公溥乎。將

此通諭知之。○又

敕纂平定兩金川方略。○又

敕編勝朝殉節諸臣錄。○又

諭昨閱江蘇所進應燬書籍。內有朱東觀選輯明末諸臣奏疏一卷。及蔡士順所輯同時尚論錄數卷。其中如劉宗周黃道周等。指言明季秕政。語多可採。因命軍機大臣將疏中有犯本朝字句者。酌改數字。存其原書。而當時具疏諸臣內。如王承吉龔鼎孳吳偉業張縉彥房可壯葉初春等。在明已登仕版。又復身仕本朝。其人既不足齒。則其言不當復存。自應概從刪

削。蓋崇獎忠貞。即所以風勵臣節也。因思我朝開創之初。明末諸臣。望風歸附。如洪承疇以經略喪師。俘擒投順。祖大壽以鎮將懼禍。帶城來投。及定鼎時。若馮銓王鐸宋權謝升金之俊。黨崇雅等。在明俱曾躋顯秩。入本朝仍忝為閣臣。至若天戈所指。解甲乞降。如左夢庚田雄等。不可勝數。蓋開創大一統之規模。自不得不加之錄用。以靖人心。而明順逆。今事後平情而論。若而人者。皆以勝國臣僚。遭際時艱。不能為其主臨危授命。輒復畏死倖生。醜顏降附。豈得復謂之完人。即或稍有片長足錄。其瑕疵自不能掩。若既

降復叛之李建泰金聲桓。及降附後潛肆詆毀之錢謙益輩。尤反側僉邪。更不足比於人類矣。此輩在明史既不容闖入。若於我朝國史。因其略有事蹟。列名敘傳。竟與開國時范文程。承平時李光地等之純一無疵者。毫無辨別。亦非所以昭褒貶之公。若以其身事兩朝。概為削而不書。則其過蹟。轉得藉以掩蓋。又豈所以示傳信乎。朕思此等大節有虧之人。不能念其建有功績。諒於生前。亦不能因其尚有後人。原於既死。今為準情酌理。自應於國史內另立貳臣傳一門。將諸臣仕明及仕本朝各事蹟。據實直書。使不能

纖微隱飾。即所謂雖孝子慈孫百世不能改者。而其子若孫之生長本朝者。原在世臣之列。受恩無替也。此皆朕大中至正之心。為萬世臣子植綱常。即以示彰瘅。昨歲已加諡勝國死事諸臣。其幽光既為闡發。而斧鉞之誅。不宜偏廢。此貳臣傳之不可不覈定。於此時。以補前世史傳所未及也。著國史館總裁查考姓名事實。逐一類推。編列成傳。陸續進呈。候朕裁定焉。○四十二年。

教纂滿洲源流考。○又  
教編滿洲祭

神祭

天典禮。○又

諭四庫全書館進呈李廌濟南集。其詠鳳凰臺一首。有漢徹方秦政。何乃誤至斯之語。於理不順。因檢查北史文苑傳敘。亦有頡頏漢徹跨躡曹丕之句。韻府因而錄入。均屬未協。秦始皇焚書阮儒。其酷虐不可枚舉。號為無道秦。後之人深惡痛絕。因而顯斥其名。尚無不可。若曹丕躬為篡逆。稱名亦宜。至漢武帝在漢室。尚為振作有為之主。且興賢用能。獨持綱紀。雖黷武惑溺神仙。乃其小疵。豈得直書其名。與秦政曹丕

並論乎。著文武英殿。將北史文苑傳敘。改為漢武韻府內刪去此條。酌為改刊。所有陳設之書。悉行改補。其李廌集亦一體更正。並諭四庫全書館臣等。於校刊書籍內。遇有似此者。俱加籤擬改。聲明進呈。毋稍忽略。○又

諭前此批閱通鑑輯覽。以石晉父事遼國。而宋徽欽之於金亦稱臣稱姪。舊史於兩國稱兵。皆書入寇。於義未協。因命用列國互伐之例。書侵以正其誤。並以大旨批示簡端。今館臣校勘刻本。復因當時所改。僅自石晉為始。其宋梁後唐諸代。尚未一律改正。將書內

應改之處。黏籤進呈。已照所請行矣。朕之釐正書法。一秉至公。非於遼金有所偏向。蓋歷代相承。重在正統。如匈奴在漢。頡利在唐。凡與中國交兵。自宜書寇。以正大一統之義。即宋室運際陵夷。然自徽欽以上。共主位號猶存。書法尚宜從舊。若五季時中國已瓜分瓦解。不獨石晉為遼所立。即梁唐諸代。亦難與正統相衡。猶之南宋以後。不得與漢唐北宋並論也。且朕意在於維持正統。非第於歷代書法為然。洪惟我國家開創之初。當明末造。雖其國政日非。而未及更姓改物。自宜仍以統系予之。至本朝順治元年。定鼎京

師一統之規模已定。然明福王猶於江甯僅延一綫。故綱目三編及通鑑輯覽所載。凡我朝與明國交兵事蹟。不令概從貶斥。而於甲申三月。尚不遽書明亡。惟是

天心既已厭明。福王又不克自振。統系遂絕。若唐桂二王之竄徒無常。亦如宋末曷昱之流離瘴海。並不得比於高宗南渡之偏安。蓋能守其統則人共尊王。而失其統則自取輕辱。實古今不易之通義也。朕詳論及此。惟準以大中至正之道。為天下萬世嚴予奪。即以是示創懲。且使我世子孫。咸知恪守神器。兢兢

業業。常保此統緒。以綿億萬載丕基。所為詒謀垂裕之道。亦即在是也。將此明降諭旨。俾眾共知之。○四

十三年

諭睦親彰善。王政宜先。繼治昭屈。聖經所重。朕自臨御以來。聞日恭閱

列祖

列宗實錄一冊。因得備知

祖宗創業艱難。及爾時懿親蓋臣勤勞佐命。底定中原。偉伐殊功。實為從古所未有。而當時策勳錫爵。崇號崇封。所以酬答者。本從優厚。迨其後或有及身緣事

旋被降削者。或有子孫承襲更易封號者。迄今平情準理。若不為之溯述闡揚。追復舊恩。於心實有所未愜。因念睿親王多爾袞。當開國時。首先統眾入關。掃蕩賊氛。肅清宮禁。分遣諸王追殲流寇。撫定疆陲。一切創制規模。皆所經畫。尋即奉迎

世祖車駕入都。定國開基。以成一統之業。厥功最著。願以攝政有年。威福不無專擅。諸王大臣未免畏而忌之。遂至歿後。為蘇克薩哈等所搆。授款於其屬人首告。誣以謀逆。經諸王定罪除封。其時我

世祖章皇帝實尚在沖齡。未嘗親政也。夫睿王果萌異志。則方兵權在握。何事不可為。且吳三桂之所迎。勝國舊臣之所奉。止知有攝政王耳。其勢更無難號召。即我滿洲大臣心存忠篤者。自必不肯順從。然彼誠圖為不軌。無難潛鋤異己。以逞逆謀。乃不於彼時因利乘便。直至身後。以斂服僭用明黃龍袞。指為覬覦之證。有是情理乎。况英親王阿濟格。其同母兄也。於追捕流賊回京時。誣報李自成身死。且不候

旨班師。睿王即遣員斥責其非。並免王公等往迎之禮。又因阿濟格出征時。曾令巡撫李鑑釋免逮問道員。及擅至鄂爾多斯土默特取馬。令議其罪。降為郡王。

平日辦理政務。秉公持正。若此。是果有叛志無叛志乎。又

實錄載。睿王集諸王貝勒貝子王公大臣等。遣人傳語曰。今觀諸王貝勒大臣。但知諂媚於予。未見有尊崇皇上者。予豈能容此。昔

太宗升遐。嗣君未立。英王豫王跪請予即尊位。予曰。爾等若如此言。予當自刎。誓死不從。遂奉

皇上繼承大統。似此危疑之時。以予為君。予尚不可。今乃不敬

皇上而媚予。予何能容。自今以後。有盡忠

皇上者。予用之。愛之。其不盡忠不敬事

皇上者。雖媚予。予不爾宥也。且云。

太宗恩育予躬。所以特異於諸子弟者。蓋深信諸子之成立。惟予能成立之。每覽

實錄至此。未嘗不為之墮淚。則王之立心行事。實能篤忠。蓋感

厚恩。深明君臣大義。尤為史冊所罕觀。使王彼時如宋太宗之處。心積慮。則豈肯復以死固辭。而不為邪說。搖惑耶。乃令王之身後。久抱不白之冤。於泉壤。心甚憫焉。假令當時王之逆迹。稍有左驗。削除之罪。果出

於我

世祖聖裁。朕亦甯敢復翻成案。乃實由宵小姦謀。構成冤獄。而王政績載在

實錄者。皆有大功而無叛逆之迹。又豈可不為之昭雪乎。昨於乾隆三十八年。因其瑩域久荒。特敕量為繕葺。並准其近支。以時祭掃。然以王之生平盡心王室。尚不足以慰彼成勞。朕以為應加恩復還睿親王封號。追諡曰忠。補入

玉牒。並令補繼襲封。照親王園寢制度。修其瑩墓。仍令太常寺春秋致祭。其原傳尚有未經詳敘者。並交國

史館恭照

實錄所載。敬謹輯錄。添補宗室王公功績傳。用昭彰闡宗勳至意。又如豫親王多鐸。從睿親王入關。肅清京輦。即率師西平流寇。南定江浙。實為開國諸王戰功之最。乃以睿親王之誣獄株連。降其親王之爵。其後又改封信郡王。雖至今承襲罔替。但以王之勳績。超邁等倫。自應世昨原封。以彰殊眷。豈可以風影微青。輒加貶易乎。朕以為應復其原封。又諸王中披堅執銳。拓土開疆。共成一統之業者。如禮親王代善。後改封康親王。鄭親王濟爾哈朗。後改封簡親王。肅親王

豪格。後改封顯親王。克勤郡王岳托。後改封平郡王。當時俱茂著壯猷。克昭駿烈。載在宗盟。今其子孫所襲。均非始封之名。外人不知。妄疑宗藩。當國家締造時。有大勳勞。而後裔均不得長延帶礪。似為闕典。即其本支承家襲慶。以去祖漸遠。幾忘其先世錫封之由。弗克顧名奮效。所繫於宗室子孫者甚重。况功臣內如揚古利之英誠公。費英東之信勇公。額亦都之累毅公。俱以本號相傳。其子孫承襲者。各能溯勳闡以宣偉績。不失故家喬木之遺。今以親賢世胄。竟改其初封嘉號。何以垂詒奕禩。示酬庸追本之義乎。朕

以為應復其原號。著交軍機大臣會同宗人府悉心妥議具奏。其餘宗室諸王貝勒等。如有顯著功績。其封爵後經降奪者。除本人身罹重愆。自不當復邀優典。若係承襲之子孫。獲咎議處者。僅當斥其本身。而不當追貶其祖宗世爵。方為平允。亦著一併會查議奏。再配享

太廟諸王。僅有通達武功慧哲宣獻四郡王。其

太祖

太宗

世祖時。戮力行間。櫛風沐雨之親藩。如向所舉數人。皆

未之及。蓋由當時議禮諸王。各懷私意。遂爾沒其勳伐。不得同侑馨香。豈足以彰公道。所有睿親王禮親王鄭親王豫親王肅親王克勤郡王。俱補置牌位。配

太廟。用以妥功宗而昭渥典。至通達郡王係

顯祖之子。武功慧哲宣獻三郡王係

景祖之子。當時雖身與配饗。第以三郡王宗支已在覺羅宗室王公表傳內。亦未立通達郡王傳。國史傳又以屬在宗滿。今此四王無所附麗。亦覺闕典。著交內閣國史館補為立傳。通達郡王入於宗室。武功等三

郡王列於國史諸大臣之前。或當時紀載簡少。功績無由稽覈。不拘詳略。各立一傳。以徵信實。○又

諭我國家開創之初。明季諸臣。望風歸附者多。雖皆臣事興朝。究有虧於大節。自不當與范文程諸人。略無區別。因命國史館以明臣之降順者。另立貳臣傳。據實直書。用彰公是。茲念諸人立朝事蹟。既不相同。而人品之賢否邪正。亦判然各異。豈可不為之分辨。淄澠如洪承疇。在明代身膺閫寄。李永芳。曾乘障守邊。一旦力屈倭降。厯躋顯要。律以有死無貳之義。固不能為之諱。然其後洪承疇宣力東南。頗樹勞伐。李永

芳亦屢立戰功。勳績並為昭著。雖不克終於勝國。實能效忠於本朝。昔戰國豫讓。初事范中行。後事智伯。卒伸國士之報。後之人無不諒其心。而稱其義。則於洪承疇等。又何深譏焉。至如錢謙益。行素不端。及明祚既移。率先歸命。乃敢於詩文。陰行詆毀。是為進退無據。非復人類。又如龔鼎孳。曾降闖賊。受其偽職。旋更投順本朝。並為清流所不齒。而其再仕以後。惟務覲顏持祿。毫無事蹟足稱。若與洪承疇等同列貳臣傳。不示等差。又何以昭彰瘁。著交國史館總裁。於應入貳臣傳諸人。詳加考覈。分為甲乙二編。俾優者瑕瑜不掩。劣者斧鉞慄然。於以傳信簡編。而待天下後世之公論。庶有合於春秋之義焉。然朕所以為此言者。非獨為臣子勵名教。而植綱常。實欲為君者當念苞桑而保宗社。蓋此諸人。未嘗無有用之才。誠使明之守成者。能慎持神器。而勿失。則若而人。皆足任心膂股肱。祖業於是延。人才即於是萃。故有善守之主。必無二姓之臣。所以致有二姓之臣者。非其臣之過。皆其君之過也。崇禎臨終之言。不亦舛乎。○又諭前以遼金元三史內人名字義。多未妥協。因命編纂諸臣。遵照同文韻統所載。詳加更正。至本朝發祥定

鼎以來。文武兼資。所有王公大臣。載在史冊。昭著耳目。人所共知。其命名之初。原係斟酌文義。清漢合宜。若拘同文韻統所載。與遼金元史一體更改。將今前此諸臣。傳之奕禩。莫辨誰何。而現在諸臣之名字。又斷不能盡改。若有改有不改。前後參差互異。轉不足以示來茲。著傳諭各館總裁等。嗣後所辦各書。如遇本朝人名。第當詳考。實錄為準。不必另行譯改。其從前已經辦過各書。亦著一併更正。以昭畫一。○又

敕諭國子監志。



欽定大清會典事例卷一千五十一

翰林院

職掌纂修書史三

乾隆四十四年

敕撰滿洲蒙古漢字三合切音清文鑑○又

敕撰蒙古王公功績表傳及明季奏疏並重修

盛京通志○四十五年

敕纂歷代職官表○四十六年

敕纂蘭州紀略熱河志明代名臣奏疏○又

敕續纂宗室王公功績表傳○又

諭四庫全書體大物博將來書成之日舉何為序所有

歷次所降諭旨列之總目首卷以當序至朕題四庫

諸書詩文分別入朕御製詩文集內而四庫書內朕

所題各書詩文列在本籍首卷庶眉目清而開帙了

然○又

諭所有四庫全書經史子集各部俱著各按撰述人代

先後依次編纂至我朝

欽定各書仍各按門目分冠本朝著錄諸家之上○又

諭國史之修所以彰善癉惡信今傳後從前編纂時因

係彙總進呈未及詳加考覈抑揚出入難為定評是

以於乾隆三十年特頒明旨簡派總裁董率纂修各

官將國初以來滿漢大臣已編列傳者通行檢閱覈

定事實增刪考正以期不虛美不隱惡其未編列傳

之文武大臣內自卿貳以上外自將軍督撫提督以

上並綜其生平實蹟各為立傳恭照

實錄紅本據事直書以彰法戒其或限於資格懿嫚弗

傳並令博採旁搜如儒林隱逸及列女中之節烈卓

然可稱者亦覈實兼收另為立傳昨又評定

開國以來宗親戚胄勳績昭著繼獲罪愆以致削爵除

籍如睿親王諸人者其是非功過諭令該館重加編

纂又我朝定鼎之初明末諸臣望風歸附如洪承疇

祖大壽李永芳等在勝國雖為不忠於主在本朝則

為宣力之臣特命入於貳臣傳之甲編其進退無據

謬託保身如錢謙益龔鼎孳馮銓諸人則列入乙編

以昭褒貶之公蓋春秋者天子之事朕於本朝王公

文武大臣是非功過一秉大公至正凡此皆朕所指

示該總裁等令其悉心排纂以次呈進候朕親自裁

定庶幾華表斧鉞懍然共見筆削之嚴也乃自開館

以來迄今十有七年其所纂成進御之書甚屬寥寥

現在所辦臣工表傳無論

開國諸臣早可蒐輯成編即

皇祖

皇考實錄久經告成維時諸臣事蹟亦無難檢閱縱使廣為採錄以昭考覈之精亦何至遲遲若此至朕臨御初政贊襄左右諸臣按其通籍筮仕如在

皇考之朝者亦應一體立傳其猷為顯著尤在人耳目之表載筆亦無虞失實如此則史館裒輯成書安得復藉延歲月而不嚴立程限乎朕每覽前代史冊褒譏好惡率無定評茲國史諸臣列傳皆經朕親自披覽是是非非不少假借該總裁等務即董飭所司速為纂辦進呈候朕鑒定務臻覈實垂為信史其如何定限完竣之處並著詳議奏聞○又

敕修契丹國志○四十七年

敕編河源紀略

諭今年春閒因豫省青龍岡漫口合龍未就遣大學士阿桂之子乾清門侍衛阿彌達前往青海務窮河源告祭

河神事竣復命並據按定南鍼繪圖具說呈覽據奏星宿海西南有一河名阿勒坦郭勒蒙古語阿勒坦即黃金郭勒即河也此河實係黃河之上源其水色

黃迴旋三百餘里穿入星宿海自此合流至貴德堡

水色全黃始名黃河又阿勒坦郭勒之西有巨石高數丈名阿勒坦噶達素齊老蒙古語噶達素北極星也齊老石也其崖壁黃赤色壁上為天池池中流泉噴涌醜為百道皆作金色入阿勒坦郭勒則真黃河之上源也其所奏河源頗為明晰從前康熙四十三年

皇祖命侍衛拉錫等往窮河源其時伊等但窮至星宿海即指為河源自彼回程覆奏而未窮至阿勒坦郭勒之黃水尤未窮至阿勒坦噶達素齊老之真源是以

皇祖所降諭旨並

幾暇格物編星宿海一條亦但就拉錫所奏以鄂敦他臘為河源也今既考詢明確較前更加詳晰因賦河源詩一篇敘述原委又因漢書河出昆侖之語考之於今昆侖當在回部中回部諸水皆東注蒲昌海即鹽澤也鹽澤之水入地伏流至青海始出而大河之水獨黃非昆侖之水伏地至此出而挾星宿海諸水為河濱而何濟水三伏三見此亦一證因於河源詩後復加案語為之決疑傳正嗣檢閱宋史河渠志有

云河繞昆侖之南折而東復繞昆侖之北諸語夫昆侖大山也河安能繞其南又繞其北此不待辯而知其誣且昆侖在回部離此萬里誰能移此為青海之河源既又細閱康熙年間拉錫所具圖於貴德之西有三支河名昆都倫乃悟昆都倫者蒙古語為橫也橫即支河之謂此元時舊名謂有三橫河入於河蓋蒙古以橫為昆都倫即回部所謂昆侖山者亦係橫嶺而修書者不解其故遂牽青海之昆都倫河為回部之昆侖山耳既解其疑不可不詳誌因復著讀宋史河渠志一篇茲更檢元史地理志有河源附錄一

卷內稱漢使張騫道西域見二水交流發蔥嶺匯鹽澤伏流千里至積石而再出其所言與朕蒲昌海即鹽澤之水入地伏流意頗合可見古人考證已有先得我心者按史記大宛傳云于闐之西水皆西流注西海其東水東流注鹽澤潛行地下其南則河源出焉河注中國漢書西域傳于闐國條下所引亦同而說未詳盡張騫既至蒲昌海則或越過星宿海直至回部地方或回至星宿海而未尋至阿勒坦鄂勒等處當日還奏必有奏牘或繪圖陳獻而司馬遷班固紀載弗為備詳始末僅以數語了事致後人無從考

證此作史者之略也然則武帝紀所云昆侖為河源本不誤特未詳伏流而出青海之阿勒坦噶達素而經星宿海為河源耳至元世祖時遣使窮河源亦但言至青海之星宿海見有泉百餘泓便指謂河源而不言其上有阿勒坦噶達素之黃水又上有蒲昌海之伏流則仍屬得半而止朕從前為熱河考即言河源自蔥嶺以東之和闐葉爾羌諸水豬為蒲昌海即鹽澤蒙古語謂之羅布淖爾伏流地中復出為星宿海云云今覆閱史記漢書所紀河源為之究極原委則張騫所窮正與今所考訂相合又豈可沒其探本

諭朕披閱

御批通鑑綱目續編內發明廣義各條於遼金元三朝時事多有議論偏謬及肆行詆毀者通鑑一書關係前代治亂興衰之迹至綱目祖述麟經筆削惟嚴為

萬世公道所在不可稍涉偏私。試問孔子春秋內有一語如發明廣義之肆口嫚罵所云乎。向命儒臣編纂通鑑輯覽其中書法體例有關大一統之義者均經朕親加訂正。頒示天下。如內中國而外夷狄。此作史之常例。願以中國之人載中國之事。若司馬光朱子義例森嚴亦不過欲辨明正統。未有肆行嫚罵者。朕於通鑑輯覽內存宏光年號。且將唐王桂王事蹟附錄於後。又諭存楊維禎正統辨。使天下後世曉然於春秋之義。實為大公至正。無一毫偏倚之見。至於東夷西戎南蠻北狄因地而名。與江南河北山左關右何異。孟子云舜為東夷之人。文王為西夷之人。此無可諱。亦不必諱。但以中外過為軒輊。逞其一偏之見。妄肆譏訕。無論桀犬之吠。固屬無當。即區別統系。昭示來許。並不在乎此也。况前史載南北朝相稱互行詆毀。此皆當日各為其主。或故為此訕笑之詞。至史筆係千秋論定。豈可聘私臆而廢公道乎。夫歷代興亡。前鑒不遠。人主之道。惟在敬天勤民。兢兢業業。以綿億萬載之丕基。所謂天難誑。命靡常。常厥德。保厥位。誠不在乎區區口舌之爭。若主中國而不能守。如宋徽欽之稱臣稱姪於金。

以致陵夷南渡。不久宗社為墟。即使史官記載。曲為掩飾。亦何補耶。所有通鑑綱目續編一書。其遼金元三朝人名地名。本應按照新定正史一體更正。至發明廣義詆毀之處。著交諸皇子及軍機大臣量為刪潤。以符孔子春秋體例。仍令黏籤進呈。候朕閱定。並將此諭冠之編首。文武英殿照改本更正後。發交直省督撫各一部。令各照本抽改。將此通諭中外知之。

○又

諭。昨閱進呈一統志內國朝松江府人物。止載王頊齡。王鴻緒諸人。而不載張照。其意或因張照從前辦理貴州苗疆曾經獲罪。又其獄中所題白雲亭詩。語意感憤。經朕明降諭旨。宣示中外。因而此次纂辦一統志。竟將伊姓氏里居概從刪削。殊屬非是。張照不知朕辦理其案之公衷。而反挾私怨恨。誠非大臣公忠體國精白一心之道。然其文采風流。實不愧其鄉賢董其昌。即董其昌亦豈純全之正人君子哉。使竟不登志。乘傳示藝林。致一代文人學士。不數十年。竟歸泯沒可乎。况從前張照之獲罪。因疑為鄂爾泰傾陷。其獄中憤怨之詞。亦大都指摘鄂爾泰者居多。蓋鄂爾泰欲置伊於死地。朕若聽信其言。張照豈獲生全。

彼不知朕非信讒之主。而鄂爾泰又豈能護張照之人。即如朕初政時。戶部尚書缺出。果毅親王保薦右侍郎托時。朕以海望乃左侍郎。資俸既深。

皇考眷注亦優。特予擢用。夫鄂爾泰之力。必不能過於

果親王。果親王尚不能薦用一尚書。豈鄂爾泰能構一尚書致死耶。嗣念張照究係可用之材。因出之。固不數年間。由內閣學士游擢刑部尚書。供奉內廷。是朕之待張照終始成全。原不以一眚之微。終使擯棄。可謂極儒臣之榮遇。即將來國史中亦當令載筆之臣。將伊事蹟詳晰編入。何此時纂輯。轉佚其名耶。

總之張照雖不得謂醇儒。而其資學明敏。書法精工。實為海內所共推重。瑕瑜不掩。公論自在。所有此次進呈之一統志。即將張照官秩出處事蹟。一併載入。其各省志書。或有似此者。纂修諸臣。皆宜查明奏聞。補入。並通諭中外知之。○四十八年

諭。國史體例與歷代史不同。館臣纂輯。惟應據事直書。毋庸分別各門。至若忠烈廉孝。以及姦臣宦官。歷代皆附入列傳。我朝百代昇平。並無此等事也。惟載臣傳一門。前經降旨另編甲乙。至叛逆之臣。如吳三桂等。亦應明正罪狀。另立一門。用昭斧鉞之嚴。所有現

辦滿漢臣工表傳。及宗室王公表傳。蒙古王公事蹟。其在乾隆四十年以前者。俱著該總裁等。董飭纂修等官。速為纂輯。勒限五年。陸續進呈。候朕欽定成書。頒行。至該館採錄事蹟。向俱恭照

實錄紅本。覈實紀載。第自雍正八年設立軍機處以來。五十餘年。所有諭旨批奏事件。未經發鈔者尚多。著先將乾隆四十年以前軍機處所存檔案。令該館總裁纂修等。詳晰查閱。哀輯。以昭典覈。○又

敕修古今儲貳金鑑。○四十九年

敕纂石峯堡紀略。○五十年

諭。前命阿彌達前往青海。迤上窮溯河源。旋京具圖呈覽。隨御製河源詩文。並令館臣編輯河源紀略。錄入四庫全書。以昭傳信。四庫書中。從前言河源者甚多。從未有探本窮源。以及方向山川。皆能符合者。近偶閱河防述言一書。卷目冠以河圖。朕詳加檢閱。內所載源流方向山川形勢。與阿彌達所奏相符。此圖為張霽生所著。其書則係採述陳潢議河之言。彙輯成編。頗為精當。因思河源之說。從來疑信參半。歷數千百年。今始考詢明確。而張霽生之圖。在數十年前。適與今圖脗合。乃其書沒而不彰。非所以揚善誌美。

也著四庫館總裁即將河防述言一書錄入四庫全書附於新輯治河奏牘一書之後以示朕博採羣言片長必錄之至意○又

教編清涼山志○五十一年

教修

南巡盛典○五十三年

教纂平定臺灣紀略○五十四年

諭前因國史館所進貳臣傳乙編內有先順流賊仍降本朝投誠後復行從逆者係反覆小人不值為之立傳是以降旨令將伊等列傳概行撤去止為立表排

列姓名摘敘事迹今思此等偷生嗜利之徒進退無據實為清議所不容若僅於表內略摘事迹敘述不詳使伊等醜穢之行不彰後世得以倖逃警議轉不足以示懲戒但貳臣傳內原分甲乙二編如甲編內洪承疇李永芳諸人皆曾著績宣勞本朝有功可紀即列入乙編者歸順本朝之後並未嘗別生反側若吳三桂耿精忠李建泰姜瓖王輔臣薛所蘊張所等或先經從賊復降本朝或已經歸順復行叛逆此等行同狗彘醜類無恥之人並不得謂之貳臣若亦一同編列轉乖史例著國史館總裁即行詳悉查明持

立逆臣傳另為一編庶使叛逆之徒不得與諸臣並登汗簡而生平穢蹟亦難逃斧鉞之誅方為公當至如馮銓龔鼎孳等固顧名節身事兩朝降附之後又無功績可紀從前歿而錫謚蓋因本朝定鼎之初

世祖章皇帝尚在沖齡未嘗親政睿親王等綜理事務皆在草創權宜之際或欲藉此收拾人心不暇覈實被彼時為史者所欺耳今久而論定使伊等倖竊易名之典實不足以昭彰瘴之公所有貳臣傳內似馮銓之曾給美謚者亦著國史館查明概行追奪以示朕維植綱常慎重名教至意○五十六年

教纂

八旬萬壽盛典○五十八年

教纂八旗通志○嘉慶二年

教纂平苗紀略○四年

諭朕惟唐代始置監修實錄之員自宋以來皆沿之所以專簡任董程期酌體例之宜垂久遠之範誠重務也欽惟

皇考高宗純皇帝法

天健運久道化成六十年來

峻德豐功同符

聖祖凡覺世牖民之本用人行政之方敷文奮武之猷行慶施惠之典年編月紀記注周詳創制顯庸昭垂法守茲者恭修

實錄啟佑無疆特命爾慶桂為監修總裁官爾其率同在館纂修諸臣稽實成編折衷至當毋過質略毋尚繁文勤以董成敏而竣事務期顯謨承烈炳焉與三代同風稱朕意焉爾其勉之欽哉○又

諭朕惟溯勳華者道寫典謨宗文武者政存方策自古帝王皆有實錄所以昭當時之政治垂後世之法程較之大事記時政記諸書體例為尤備焉我

皇考高宗純皇帝體元行健久道化成六十年來敬天法

祖勤政愛民累洽重熙至誠無息年經事緯記注具詳蕩蕩巍巍賢於堯舜朕祇承付託夙夜紹庭思闡

閑猷恭修實錄特命爾王杰朱珪董誥那彥成為總裁官爾布彥達賚德明紀昉彭元瑞豐仲濟倫為副總裁官其率同在館纂修諸臣稽實成編折衷盡一毋致遺漏毋

事繁詞務期文極雅馴事徵確覈恪勤朝夕丕昭懋

典稱朕意焉爾等其共勉之欽哉○又

敕恭纂

高宗純皇帝聖訓○六年

敕續修

大清會典及會典事例○又

敕續修

宮史○七年

敕修勦平三省邪匪方略○八年

諭四庫全書內恭繕

皇考高宗純皇帝聖製詩文存貯諸閣

奎文炳煥垂訓萬古惟

聖製詩自四集以後文自二集以後俱未繕寫恭貯理

宜敬謹增入此外如

八旬萬壽盛典及續辦方略紀略等書亦應一體繕入

度藏○又奉

旨向來史書皆有本紀以為弁冕我朝

列聖相承均經國史館恭修

本紀故謹存藏伏念

皇考高宗純皇帝聖德神功登三歲五業於四年春特

命纂修

實錄自應恭修

本紀以垂史冊。著國史館總裁派提調等督率編纂。隨時進呈。務於

實錄告成後。陸續辨竣。至國史館尊藏。

五朝本紀尚未裝潢成帙。亦著該館將原本分函裝修。

謹貯。並著另繕一分進呈。以昭慎重。○又

教纂功臣傳。○九年

教纂

皇朝詞林典故。○十一年

教續修

皇清文穎。○十三年

教編全唐文。○十五年

教續修宗室王公功績表傳。蒙古王公功績表傳。

皇清奏議。○十六年

教重修清涼山志

大清一統志

教纂

西巡盛典。○十七年

教纂治河方略。○十八年

教輯明鑑。○二十年

教續纂祕殿珠林石渠寶笈。○二十三年

諭。朕前閱范祖禹唐鑑。見其摘取有唐事蹟。論列得失。

有裨治道。因命館臣仿其義例。作為明鑑一書。蓋以

取鑑前代。其善政則因以為法。其秕政則用以為戒。

亦即殷監夏周監殷之意也。昨日館臣呈進明鑑五

冊。於萬曆天啟間載入我朝開創之事。後加案語。頌

揚。並論及前明用人不稱其職。更為誕妄矣。我

祖

宗開基遠瀋。其事備載於

實錄

聖訓及

開國方略

豐功

偉烈。億禩光昭。至明鑑乃係論列有明一代事蹟之書。

摘取一事。借鑑得失。非若編年紀月。事事臚列。今以

興朝之

隆業。載入勝國卷中。於體例殊為背謬。如該總裁等豫

行請旨。朕必將不應編載之故。早為指示。乃並不奏

明。率行纂輯。實屬冒昧。所有該館總裁曹振鏞。戴均

元。戴聯奎。秀甯。俱著交部議處。總纂官朱珔。纂修易



禧善張岳崧俱著交部嚴加議處原書著發交該館另行纂輯進呈此數節案語係何人所撰著軍機大臣查明先行具奏○又

諭朕前降旨令纂輯明鑑一書其體例本仿范祖禹唐鑑乃史論一類非編年紀事之書也唐鑑卷帙本簡今所輯明鑑殆倍過之但圖篇帙繁富於不應載者亦按年編入其於體例先未精審以致詞義紕繆大乖立言之旨昨已降旨將總裁總纂纂修各官交部分別議處此書著改派托津章煦英和盧蔭溥和甯充總裁官另派纂修承辦所有原辦之書無論已進

呈未進呈俱著另行編輯改正務歸簡要○二十四

年

教續纂通禮○二十五年九月

教纂文武大臣年表

皇清奏議○又

教恭纂

仁宗睿皇帝實錄○又

教恭纂

仁宗睿皇帝聖訓○道光二年

教恭修

仁宗睿皇帝本紀○四年

教纂昭忠列傳○七年

教重刊字典○八年

教纂平定回疆方略○十六年

教續纂蒙古王公表傳

大清一統志○二十五年

教續纂蒙古回部王公表傳○三十年二月

教恭纂

宣宗成皇帝實錄○又

命實錄館副總裁官刑部左侍郎周祖培敬謹專勘稿

本○又

教恭纂

宣宗成皇帝聖訓○咸豐二年

教恭修

宣宗成皇帝本紀○九年

教續纂

皇清奏議文武大臣年表○十一年十月

教恭纂

文宗顯皇帝實錄○又

教恭纂

文宗顯皇帝聖訓。○又

諭。朕奉

母后皇太后

聖母皇太后懿旨。現在內外庶政。均賴

兩宮

皇太后躬親裁定。並承

慈命。將歷代帝王政治。及前史垂簾事蹟。著南書房尚

書房翰林等。擇其可為法戒者。據史直書。簡明註釋。

彙為一冊。恭呈

慈覽。欽此。遵

旨。彙纂成書。繕寫呈遞。

賜名治平寶鑑。○同治三年

教恭修

文宗顯皇帝本紀。○又

諭。古今治亂得失之原。聖賢身心性命之學。莫備於經

君臨天下者。所當朝夕講求。期有裨於治理。著倭仁

賈楨選派翰林十數員。將四書五經。擇其切要之言。

行為講義。數陳推闡。不必拘泥排偶舊習。總期言簡

意賅。仿照大學行義體例。與史鑑互相發明。將來纂

輯成書。由掌院學士裝帙進呈。以備觀覽。○六年

教纂功臣傳。○七年

教纂勦平粵捻各匪方略。○光緒元年

教恭纂

穆宗毅皇帝實錄。○又

教恭纂

穆宗毅皇帝聖訓。○三年

教修

穆宗毅皇帝本紀。○十年奏准功臣館纂輯昭忠列傳

○十二年

教續修

大清會典及會典事例

欽定大清會典事例卷一千五十二

翰林院

職掌 教習庶吉士 專員辦事 稽查史書  
錄書 稽查官學功課 稽查理藩院  
檔案 輪班接見

教習庶吉士

國初以內院學士教習庶吉士侍讀等亦間有與者自康熙九年專設翰林院歷科皆以掌院學士領其事而內閣學士時參用焉至六十一年辛丑科始以工部尚書陳元龍領教習事厥後尚書侍郎內閣學士並得掌教習事由本院以

應開列各官職名奏請

欽定滿漢各一人。順治六年奏准於新進士內廣選庶吉士察其品行端方年力強壯者俾肄習清書精熟授以科道等官內而召對可省轉譯之煩即出而巡方亦便與滿洲鎮撫諸臣語言相通可收同寅協恭之效。九年議准選用庶常擇其年貌合格文字雅醇者充其選名數照己丑科例取漢進士四十名照直省大小及近日人材多寡直隸江南浙江各取五名江西福建湖廣山東河南各取四名山西陝西各取二

名廣東取一名內拔其年青貌秀聲音明爽者二十名習學清書餘二十名習學漢書屆期恭請

欽命題目考試其滿洲進士取四名蒙古進士取二名漢軍進士取四名俱選年貌聲音合式者同漢進士一體讀書進館之後仍不時稽考勤惰以為優劣。十二年

諭內三院考選庶吉士原欲儲養真才以備任用必須懋勉學問時加策勵乃能練習典故博通文章無負朕親行簡拔之意除照舊教習館試院試外今後滿

漢庶吉士同讀書一甲翰林每二月朕必面試一次以辨勤惰高下每歲六試永著為令。十六年

諭自己未科以後所選翰林庶吉士令習清書俱期有裨實用恐其自謂已熟將向來所習或至遺忘朕今先加考試一次以後翰林院堂官仍不時考課務令純熟以副朕簡拔之意。康熙二十三年

諭掌院學士翰林院乃儲養人才之地教習庶常當以品行文章為事一切交際禮文皆宜杜絕近聞有餽送重禮者庶常等俱甚寒苦自翰墨外不應別有所取前喇沙里在時待伊等甚善所以至今有感念者

至庫勒納任學士以來。交際之風漸盛。爾等宜加洗剔。無負簡任之意。○三十三年。奏准漢庶吉士學習漢書。亦於侍讀侍講修撰編修檢討內擇學問優長者。為小教習。教習詩文四六。雍正八年。六年。停此。○六

十一年定大學士尚書侍郎之不兼掌院事者。並得掌教習事。○雍正元年

諭。向來庶吉士學習清書。散館之後。每至荒廢。以三年學習之功。置之無用。殊為可惜。嗣後清書散館之翰林。不可令其荒廢。今年新科進士。選拔庶常。朕意學習清書者。少點數人。令其盡心學習。務期通曉。或在翰林。或在部曹。即令與滿官一同繙譯。如此方實有裨益。○二年

諭。總理事務王大臣。滿洲進士。選授庶常。向例俱學習漢書。去年因徐元夢條奏。滿庶吉士復令分習清書。朕思滿語係滿洲自幼所習。止須漢文通順。人人皆能繙譯。且授職之後。自可令辦繙譯之事。清文亦不致荒廢。何必於選館之時。專令學習乎。嗣後滿洲庶吉士習清書之例。著停止。○乾隆十年

諭。每科學習清書之庶吉士。於散館授職後。遂不留心清文。以致日久荒棄。歷來習氣如此。昔我

皇考曾經訓飭。今當散館之期。朕再行申諭。所有清書留館各員。既用三年之功。仍應隨時溫習。不使遺忘。棄置數年之後。朕當考試。以分勤惰。毋謂朕不戒視成也。○又

諭。會典開載。康熙年間。選拔庶吉士。後有選讀講編修檢討數人。為小教習之例。教習庶吉士詩文四六。今科之庶吉士。著掌院暨教習庶吉士之大臣。於現任讀講修撰編修內。選拔數人為小教習。○十六年

諭。庶吉士分習清書。例由翰林院掌院學士分派。惟量其年力。不拘省分。舊時清漢各半。自雍正年間以來。分習清書者漸少。每科尚有十四五人。十七八人不等。朕思邊省之人。選館本少。聲律亦素所未嫻。既習國書。自必專意殫精。惟清文是務。非天分優而學業勤者。不能兼顧。漢文益致日就荒落。散館時或以清書優等授職。而留館後。遇通行考試。往往絀於詩賦。列入下等。改令別用。究其所肄清文。自散館一試外。別無職分應用之處。微獨邊省。即北五省庶吉士。類然翰苑中。江浙人員較多。而遠省或致竟無一人。非所以均教育而廣儲才也。嗣後雲南貴州四川廣東廣西等省庶吉士。不必令習清書。直隸山東山西河

南陝西等省亦視其人數若在三四員以下酌派年力少壯者一二人其江浙等省人數在五員以上者酌派二三人率以三十歲以下者充之每科通計在十人內外甯缺無濫循舉舊章備國朝典制足矣

謹案學至雍正年間以前以庶吉士四十五歲以下者充之至乾隆年間以前以庶吉士四十五歲以下者充之至乾隆年間以前以庶吉士四十五歲以下者充之  
十四年奏准本科庶吉士習清書五員合舊科

未經散館之清書庶吉士共有八員為數較多

今將現派五員內酌減二員○嘉慶十六年

諭昨據掌院學士曹振鏞桂芳奏新科庶吉士內派習清書者三人未免過少國初庶吉士分習清書係與漢書各率雍正年間每科派十四五員十七八員不等嗣於乾隆十六年欽奉

皇考高宗純皇帝諭旨除雲貴川廣邊省不派外其直隸山東河南山西陝西等省庶吉士若在三四員以上派一二人江浙等省庶吉士在五員以上派二三人每科通計在十人內外定制昭垂自當循例酌

派若為數太少亦不足以備典制而均教育除本科業經派定毋庸增改外嗣後每科清書庶吉士著遵奉乾隆十六年

諭旨仍酌派在十人內外毋致過少謹案清書庶吉士自道光十八年戊

戊科以後○道光元年

諭御史年悖儒奏請申明庶吉士大課定例一摺庶常館為培養人才之地自應勤於考課以勵講習但祁寒酷暑責令人在館局試亦勢有所難嗣後大教習到館考課之期該庶吉士等俱當在館將詩賦寫作全完大教習評定甲乙以昭覈實○二十七年奏

准今繕譯進士以庶吉士錄用者與翰詹各員

一體升轉嗣後繕譯庶吉士應與文進士改庶吉士各員一體在館肄業專習繕譯到館後由大教習出題督課並添派通曉繕譯滿洲小教習一員隨時教習○同治元年

諭翰林院為儲才之地膺斯選者必須經術淹通於古聖賢性理精義講明而切究之確有心得將來敷衍中外本其平日所身體而力行者發為經濟著為事功方能名實相副至詩賦一事亦係古雅頌之流庶吉士從事於此原以備鼓吹休明之用非謂此外遂

無實學也。乃近來積習相沿。專以此為揣摩進身之階。做精勞神。無裨實用。將經史性理等書。束之高閣。殊非我國家共館培英。造就人材之意。自應將庶常館課程。及散館舊章。量為變通。以求實濟。著自明年癸亥科起。新進士引見。分別錄用。後教習庶吉士。務當課以實學。治經治史治事。及源洛關閩諸儒等書。隨時赴館。與庶吉士次第講求。辨別義利。期於精研力踐。總歸為己之學。其有餘力。及於詩古文詞者。聽之。除課期照舊舉行外。其課題及散館改詩賦為論策。論用經史性理等書。策用時事。皆准直摠所見。暢所欲言。教習及閱卷大臣。其各破除積習。毋避忌諱。毋以小疵而累大體。俾士氣蒸蒸日上。賢才輩出。共濟時艱。有厚望焉。

專員辦事。雍正元年。

諭部院衙門均設司官。專管定稿說堂筆帖式。專管繕譯廳官。專管收發文書。翰林院衙門亦有錢糧出納。遷升議敘。並各衙門文移往來事務。繁瑣關繫不輕。乃出於筆帖式典簿之手。故遲速輕重。皆有弊端。當於俸淺編檢內。擇才守優長者。滿漢各二人。作為司官。專主定稿說堂。庶小吏不得作弊。而衙門肅清矣。

所委司事之編檢。如果實心任事。辦理公敏者。據實奏聞。加以殊恩。漢四缺之外。有協辦官無額缺。奏辦

官出缺。即以乾隆四十一年奏准

文淵閣所儲四庫全書。應將副本藏翰林院。署派本院辦事翰林數人。各司其籍。翰林及大臣官員內。欲觀祕書。即告之領閣事。赴署請閱。司籍之員。隨時存記檔冊。點明卷數。不許私帶出院。致有遺誤。謹案。辦事翰林官。列派滿漢二人。兼庶常館提調。入辦理。昭忠列傳。館設本院。亦於辦事滿漢員內。派充提調。文移用印。滿漢辦事官。及協辦官。輪流監視。又廳員筆帖式。考察保送。皆由辦事官。議呈掌院。酌定恭遞。皇帝御經筵。則為展書。○道

光二十三年。奏准翰林院堂印一顆。廳印一顆。向在當月處存儲。歸廳官筆帖式。每日一員。輪班看守。遇有蓋印事件。由辦事翰林官。眼同該班之員。拆封開鎖。蓋印畢。仍由辦事翰林官。與該班之筆帖式。廳官。共同封鎖。交當月處存儲。其應用廳印事件。係典簿專司。監蓋。○二十五年。奏准翰林院額設筆帖式四十員。分隸東西兩廳。繕寫章奏文移。充各項差使。擇其繕譯。清通行走勤慎者。充補委署廳官。及掌稿各缺。○咸豐十一年

諭。賈積等奏請留辦事翰林官以資熟手等語。記名御  
史翰林院編修吳鳳藻著准其暫留該衙門辦事。俟  
經手事竣再行咨部帶領引見。

稽查史書錄書。○雍正八年

諭。史書錄書每年點出滿漢翰林院各二人。悉心稽查  
專司其事。儻有玩忽潦草之處。該翰林據實奏聞。如  
徇隱不奏。後經查出。將該翰林官一併議處。

稽查官學功課。○稽查宗學覺羅學。掌院學士  
及讀講學士俱得列名請

簡。○雍正七年掌院學士張廷玉奏請揀選翰林教

習

咸安宮官學生得

旨。教習官學生。著將應派之舉貢人員內派出九人。令

其專司教習之事。爾於翰林內揀選滿漢翰林官各  
二人。與甘汝來一同總理稽查教習功課。不必常住

書館之內。謹案咸安宮官學總或之設始於光緒

諭。德謝履忠編修將振鷺嗣後皆由掌院學士  
派委滿官二員漢官四員充咸安宮官學總

○光緒九年奏准八旗官學每學添設翰林  
官一員。由翰林院堂官於編檢內揀派。令其分  
學訓課。

稽查理藩院檔案。○雍正四年奏理藩院本院  
漢檔甚多。係撫綏蒙古等事。關繫緊要。請派員  
修理奉

旨。著交大學士於內閣翰林院將繕譯通順之侍讀侍

講等官。出派二員稽查。俟二年後另行出派更換。欽

此遵

旨議奏。內閣翰林院每次各派查檔滿官一員。謹案滿

官向有派往口外護印辦事等差。屆期更  
換。乾隆五十年正月將軍奎林奏准停止

輪班接見。○同治元年

諭。各部院堂司各官皆有公事。日相接見。因以知其人

之才具。惟翰林院掌院學士終年不與諸翰林相見

奚由辨其賢否。攷其優劣也。嗣後編檢講讀各官除  
內廷行走外。每十人為一班。每十日進署一次。掌院

與相接見。講讀正學。藉得窺其人之底蘊。以備薦舉  
其有無故不到者。著掌院學士據實奏聞。謹案接見

學士到署講讀編檢以科分先後為坐次或實

經史或言性理或論時務互相討論以期切實

發見。講讀時辦事翰林暨廳員不得至前啟事

接見。雖然後掌院學士至清秘堂覈辦公事

欽定大清會典事例卷一千五十三

翰林院

考試 散館 大考一

散館○原定庶吉士讀書三年期滿由掌院學士奏請定期散館。屆日滿漢教習學士引庶吉士等行三跪九叩禮。吏部官散卷。庶吉士等恭領。

欽命詩賦題完卷後吏部官收卷進呈。

欽定甲乙引

見分別除授留館者二甲出身授編修三甲授檢討。

餘改用有差○順治四年散館除授職外改庶

吉士董篤行。杭齊蘇魏象樞魏喬介為給事中。李若琛。王士驥為監察御史。始此○十六年

散館除授職外。庶吉士王遵訓。田麟彭之鳳。俞之炎。王封濬。郭諫。陳廷敬。王曰高。吳本。植。宋德

宜。王颺。昌。楊正中。王鍾靈。孫一致。李天馥。王吉人。呂顯祖。吳珂。鳴俱留館教習。留教習始此殷觀光

等三人以清書荒疏革退。○十八年散館除授職外。庶吉士郭諫。曹鼎望。鄭端。朱錦。趙濟。美。周

訓成。羅繼謨。劉元勳。周燦。盧乾元。鍾朗。唐寅。清

鄭日李李為霖俱改部屬。顧高嘉楊大鯤翟世

琪俱照甲第外用。改部屬外用始此○康熙三十三年

散館停止補授科道部屬除授編修檢討外。再留館教習者一員。以知縣用者八員。革職者一

員。○三十六年散館除授編檢外。令隨旗行走

者一員。以科道用者二員。以部屬用者二員。以知縣用者六員。○三十九年散館再留教習者

六員。○四十二年散館歸進士班選用者三十

員。○四十五年停止散館引

見○又

諭吏部。選拔庶常。原以教養人才。儲備任用。庶吉士王

誥等。教習日久。今加考試。滿漢書俱未精通。掌院學士按敘等督課不嚴。交都察院議處。其文義粗通者

除王式丹已授修撰外。滿書庶吉士楊尤奇。劉師恕

王景曾。史貽直。陳邦彥。廖慶謨。薄有德。蔣肇。陳世倌

王誥。漢書庶吉士吳廷楨。劉巖。宋至。楊萬程。俱照例

授為翰林院編修檢討。仍宜不時勤加學習。涂天相。謝履忠。馬汝為。柯喬年。萬民欽。李天祥。劉圻。楊緒。萬

經。吳相。李堂。劉祖任。王邁。朱書。伊泰。西庫才。住。高其偉。董泰。何焯。文義。荒疏。俱不准授職。再教習三年。盛



度。阿進泰。耿古德。文字俱劣。俱革職。○雍正元年

諭。朕特開恩科。人才輩出。將來選拔庶常。朕當親加考

試。至日後散館。仍照舊例。以三等分用。○又議。准滿

洲庶吉士散館。文理優者。除授編修。檢討。平常

者。照滿洲散進士例。以通政使司知事等官補

用。謹案滿洲庶吉士散館。雍正甲辰科。用小京

○又

諭。今科庶吉士散館。滿漢試卷。著吏部尚書隆科多戶

部尚書張廷玉。禮部尚書張伯行。禮部侍郎登德。閱

看具奏。從前已將庶吉士內揀選分用。此內或更有

才堪外任。及可任部員者。爾等會同左都御史朱軾

分別具奏。○五年奉

旨。舒明著再留教習三年。○乾隆元年。教習庶吉士尚

書任蘭枝。侍郎方苞。奏准。向例庶吉士散館。止

試五言排律八韻。或十韻。及論一篇。不出論題

則用時文。雍正元年

命詩賦時文論四題。聽羣士或作兩篇。或作三篇。四篇

本年尚有以兩篇列高等者。其後羣士皆勉強

並完四篇。風檐寸晷。轉多草率。不若止命詩賦

二題。有裨實學。○十三年

諭。歷科進士。殿試一甲第一名。即授為修撰。二名。三名

授為編修。至散館時。無所更易。伊等恃已授職。遂自

甘怠忽。學業轉荒。即如今年散館。修撰錢維城。考列

清書三等。編修莊存與。考列漢書二等之末。其不留

心學問。已可概見。但錢維城。係派清書。或尚非其素

習。著再試。以漢書。候朕閱定。莊存與。不准授為編修。

俟引見時。朕酌量其人才。或以部屬。或以知縣。或歸

班選用。則此後一甲之人。皆有所做。而專心學問。若

有列三等者。其例視此。○又

諭。昨因錢維城散館。繕譯清書。考列三等。復試以漢書。

雖詩句有疵。賦尚通順。著仍留修撰之職。○十六年

奉

旨。林明倫著再教習三年。○四十年

諭。此次辦理四庫全書。需員募校。是以散館人數較上

次少。而留館者轉多。後不為例。○四十三年

諭。本年散館。清書庶吉士。梁上國。漢書庶吉士。倉聖脈

何思鈞。前已有旨。以部屬用。著加恩。俱留館再教習

三年。同新科庶吉士一體散館。倉聖脈。何思鈞。以四

散館。○嘉慶元年。奉

高宗純皇帝敕旨。昨庶吉士散館。適朕連日盼望雨澤

散館。○嘉慶元年。奉

高宗純皇帝敕旨。昨庶吉士散館。適朕連日盼望雨澤



泰趙榮俱用為內閣中書俾得仍列清班該二員其各勤慎供職勉力進階○道光二十一年奏准嗣後庶吉士散館遇有丁憂百日孝滿之旗員應否一體散館均前期請

旨辦理○二十七年奏准繙譯進士以庶吉士錄用者至散館時請

欽命繙譯題一道令繙譯庶吉士考試繙譯○咸豐六年奏修撰陸增祥前因勦匪出力以贊善即補本年散館有期尚未補缺應否散館奉

旨准其一體散館○又引

見補行散館人員奉

旨修撰陸增祥業經授職該員即補贊善著即註銷仍罰俸六箇月○同治元年

諭朕奉

慈安皇太后

慈禧皇太后懿旨本年庶吉士散館經派出閱卷大臣尚書朱鳳標等將各試卷公同閱看擬定等第名次開單進呈於各卷考列前後尚屬公允惟萬青藜所閱擬取等一名嚴辰一卷詩賦文理雖屬明順而其賦體全篇牽引本朝故實作意鋪張詞意多未著

題甚至過事頌揚有女中堯舜等句國家取士本明試以功之義總宜崇實黜華用規品學翰林院散館將以選授清華之職試用詩賦尤宜切當敷陳若如嚴辰所作不求實際專事揄揚於人品學問心術甚有關係此風斷不可長嚴辰著改為一等末名即將原擬一等二名之王珊作為一等一名其餘以次遞推嗣後各項考試派出考官及閱卷大臣等各當悉心考校講求切實毋事虛浮以期拔取真才用副敦崇實學之至意○二年

諭翰林散館歷科均用詩賦考試因近來積習相沿專

於研揣聲律不求實學前經降旨自癸亥科起庶吉士散館改詩賦為策論原期講求實用培毓真才茲據御史陳廷經奏稱歷科取士法制屢更行之既久莫不有弊惟在用法得人不必遽改定制庶常散館嗣後請仍用詩賦等語翰林院為人才淵藪膺是選者平日於古聖賢經史性理諸書果能講明切究身體力行自然學問優長體用兼備發為策論既不同陳言勸業作為詩賦亦不徒競尚聲華該庶吉士等必應兼擅其長始為名實相副著自癸亥科為始嗣後遇散館之年該衙門於先期一月具奏請旨於詩

賦策論兩項內。不拘何項出題考試。該庶吉士等仍當  
研求經術。修明正學。求為本末兼賅之士。俾詞章經  
濟。相輔而行。用副朝廷樂育英才至意。○四年奏定

嗣後投效軍營之庶吉士。不准保奏留館。○又  
諭。此次庶吉士散館。著用策論考試。○七年

諭。內閣奏庶吉士散館考試詩賦策論先期請旨一摺。  
此次著考試詩賦。至策論兩項。該庶吉士等業經於  
殿試朝考時。分別考試。散館時自毋庸再行覆考。嗣後  
散館。著仍考試詩賦。屆期不必奏請。以復舊制。

大考。○順治十年二月。大考教習清書翰林於內院。

侍讀胡兆龍升侍讀學士。編修李蔚升中允。檢討莊  
同生升贊善。餘令勉學者十二人。改部五人。○三月

諭。朕稽往制。每科考選庶吉士。入館讀書。歷升編檢講  
讀及學士等官。不與外任。所以諮求典故。撰擬文章。  
充是選者。清華寵異。過於常員。然必品行端方。文章  
卓越。方為稱職。乃者翰林官不下百員。其中通經學  
古。與未嘗學問者。朕何由知。今將親加考試。先閱其  
文。繼觀其品。再考其存心。持己之實據。務求真學。備  
朕異日顧問。自吏禮兩部翰林侍郎及三院學士詹  
事府詹事以下。各候朕旨親試。分別高下。以昭朕慎

重詞臣之意。○四月。大考翰林於

太和門。

欽命題論一疏。

御筆親定去留。

諭。國家官人。內外互用。朕親試詞臣。量為分別。有照舊  
留任者。有改授外任者。其外任編檢以上官。照詞臣  
外轉舊例。優予司道等缺。年衰病弱者。聽其請告。朕  
仍優遣之。○是年少詹事王崇簡。侍讀學士喬廷桂。

侍讀王炳昆。侍講法若真。章成賢。諭德張爾素。  
中允王一驥。傅維麟。王紫綬。贊善喬映伍。李培

真。編修宋杞。傅作霖。王大初。張宏俊。張天植。胡  
亶。張道漫。安煥。高光燮。檢討李廷樞。俱從優外  
轉。○十三年二月。大考教習清書翰林。陳啟永。  
胡簡敬。田逢吉。黨以讓。鄧鍾麟。馮源。濟史。大成。  
田種玉。慕汝楫。王澤宏。俱加賞賚。罰俸三月者  
四人。○五月再試。王熙。張士甄。諸豫。王清。余恂。  
沙澄。學問皆優。

特旨獎勵。餘任俸再留教習者四人。降調外用者二人。  
○十五年四月。大考。除三院學士外。翰林各官  
皆與試。○又

諭翰林官教養有年。習知法度。正宜內外互轉。使之歷

練民事。以資任用。茲朕親行裁定。吳正治。王紹隆。范

廷元。許纘曾。張永祺。楊紹先。金鉉。張瑞徵。陳子達。薛

澐。葉先登。李昌祚。戴王綸。秦鈺。曹申吉。俱才堪外用。

著照前例。即予補用。○康熙十八年五月大考。侍講

牛鈕第一。升侍講學士。○二十四年正月大考。

欽命題賦一。詩一。越二日再試。辨一。記一。詩一。

諭。國家設立翰林衙門。原以儲養人材。嫻習文學。以備

顧問。編纂之用。必淹貫經史。博極羣書。方克諳練體

裁。洞悉古今。敷詞命意。典贍宏通。悉登著作之林。用

佐右文之治。始為稱職。今將翰林各官。特行考試。朕

親加詳閱。分別次第。以示勸懲。欽此。旋以徐乾學。韓

萊。孫岳。頌。歸允。肅。喬。萊。學。問。優。長。文。章。古。雅。

特旨獎勵。均加賞賚。餘留館調用。有差。○三十三年七

月大考。

欽命題賦一。論一。自內閣學士以下。及由翰林院改補

卿寺者。皆與試。贊善。陸。萊。第一。升內閣學士。餘

賞賚有差。○是年再試於

楊春園。

欽命題賦一。詹事。徐。秉。義。第一。

賜燕並

賜御書。少詹事以下。分別賞賚。惟不合格者二十人。不

與。○五十四年正月大考。

欽命題論一。詩一。編修儲在文第一。

特命入直

南書房。又

命入直

武英殿者八人。致仕者二十四人。○乾隆二年五

月

諭。翰林乃文學侍從之臣。所以備制誥。文章之選。朕看

近日翰詹等官。其中詞采可觀者。固不乏人。而淺陋

荒疏者。恐亦不少。非朕親加考試。無以鼓勵其讀書

嚮學之心。自少詹講讀學士以下。編修檢討以上。滿

漢各員。著於本月初七日。齊赴乾清宮。候朕出題。親

試。儻有稱病。託詞者。著另行具奏。朕必加以處分。考

試之日。著乾清門侍衛。察看。○屆期。先令大學士掌

院等引

見於

養心殿

欽命題論一。賦一。詩一。分為四等。一等三人。編修。陳大

受升侍講贊善趙大鯨升洗馬編修張映辰升侍讀二等十人檢討數文介福編修張若靄俱升侍讀侍讀吳應枚侍講世臣俱升侍讀學士三等二十人編修鄂容安升侍讀侍讀鄒升恆升侍讀學士四等五十六人降調者七人休致者十三人尋

賜優等翰詹諸臣

御製喜雪詩墨刻及宮紗文葛端溪松花石硯等物先

是博學鴻詞授職編檢劉綸等以

御試未久特免考試至是並蒙

宣召頒賜○八年四月

諭古者創冊府於西崑闢芸臺於東壁是以木天儲彥石渠掄材由來尚矣乾隆二年朕曾親試翰詹諸臣因文以考其行所取者如陳大受等頗不愧此選也越今數載頗聞翰詹諸臣率從事於詩酒博奕而四庫五車鮮有能究心者將何以華館閣而垂奕葉哉著於本月三十日赴圓明園候朕出題親試其託詞不到者列名具奏

欽命題論一賦一詩一詩一等三人編修王會汾升侍讀

學士庶子李清植升少詹事編修袁日修升侍

讀學士二等九人編修觀保升侍講編修萬承蒼升侍講學士中允于振升左庶子編修沈德潛升中允編修秦蕙田升侍講張若靄周長發陳兆崙周玉章於應升缺出具名題奏三等十七人四等七十一人降調者十九人罰俸一年者三十二人休致二十人並

賜優等諸臣宮紗文葛畫筆香囊筆墨等物○是年閏

四月

諭昨考試翰林時由部屬等官用入翰林詹事衙門者皆不與朕思伊等已升用翰詹讀書作文乃其職分事伊等雖不由庶吉士升轉實俱科甲出身縱不能詩賦如作論繙譯豈得謝曰不能著齊集圓明園候朕出題考試著為例

欽命題論一詩一另試繙譯題分為四等一等二人侍

講學士石介於應升缺出具名題奏侍讀赫瞻升侍讀學士二等四人侍讀世貴升庶子庶子文保升侍讀學士三等五人四等五人降調四人對品改用旗員一人○是月覆試休致翰林

欽命題賦一詩一阮學濬何其睿陸嘉穎王居正路斯

道主錦仍留原任各罰俸一年○又

諭休致之編修吳統通曉三禮著仍留編修任在館纂

修照四等例罰俸一年○又奏准考試罰俸翰詹諸

臣將一年俸作三年扣除遇有升轉缺出均予

開列○十三年五月大考

欽命題賦一詩一疏一。一等三人侍讀學士齊召南升

內閣學士編修李因培升侍講學士王際華升

侍讀學士二等十人檢討程恂升中允侍講程

景伊升侍讀學士編修張若澄升贊善國柱升

洗馬其未經升用者於應升缺出具名題奏三

等二十人降調三人四等五十四人降調三人

降知縣六人降筆帖式一人休致十三人四等

之未降調者均罰俸一年○又

諭編修孫人龍由廣東肇高學政來京復命正當考試

之時以患病不能與考為言伊甫經到京何至適有

患病之事况伊從前考列四等學差三年辦理公事

無暇從事筆墨詩賦更當荒疏若據實陳明情尚可

恕今乃以患病託詞明係畏考規避殊屬取巧孫人

龍著作為四等罰俸三年姑從寬免其休致○同日

考試滿洲外班翰林一等二人少詹事世貴遇

應升缺出題奏庶子永世升侍讀學士二等三

人三等七人降調三人改旗員一人○又

諭翰林院所奏病痊之侍讀學士世臣等七員請行考

試其病尚未痊不能補考者吳紱等三員應請休致

一摺考試之事原應合眾人相較今另行考試僅就

此數人定擬等第與合較大不相同伊等若與眾人

同考未必能在前列且既定等第其考列下等者又

須分別降革著從寬免其補考楊廷棟湯大紳鈕汝

騏莊有信朱璣俱照四等之例罰俸一年世臣龔勳

官職已大著帶領引見另降諭旨其患病未痊之吳

紱上次考試已令休致後因修書留任此次又不能

應考遷延至今應如議令休致王以昌周人驥上次

並未與考仍著帶領引見候旨翰林院記此旨若下

次考試翰林中以此為傲幸相與稱病規避者劾

之尋奉 例罰俸一年 王以昌周人驥休致○十七年六月

大考

欽命題賦一詩一策一。一等三人編修汪廷璣升侍講

學士侍讀學士寶光鼎升內閣學士編修楊述

曾升侍讀二等十二人檢討陳兆裔升侍讀學

士朱珪升侍講莊存與升侍讀侍讀陳大齡升

侍讀學士編修積善升中允贊善金柱升庶子

三等二十二。人侍讀張九鑑升侍讀學士。編修張若需升贊善。李宗文升侍讀。降調二人。四等三十二人。降調五人。降知縣二人。休致七人。罰俸一年者十八人。考試不到之勵宗萬降二級。調用檢討王世仕。以知縣用。○同日考試滿洲外班翰林。一等中允德爾泰升少詹事。二等四人。休致二人。三等四人。降調一人。四等一人。以七品筆帖式用。考試不到者三人。降二級調用。○又

諭休致翰林院檢討王太岳。著加恩照舊供職。○二十

三年三月大考

欽命題賦一。疏一。詩一。一等三人。編修王鳴盛升侍讀學士。修撰秦大士升侍講學士。侍讀學士錢汝誠升內閣學士。二等十五人。編修錢大昕升右贊善。侍講周煌從前革職之案。准其開復。編修沈棻升右庶子。侍講景福升侍讀學士。侍講朱璉升侍講學士。編修博明升中允。梁同書升侍講。其未經升用者。於應升缺出具名題奏。三等二十五人。降調六人。休致二人。四等十七人。降調二人。降知縣一人。休致八人。罰俸一年者六

人。○同日考試滿洲外班翰林。一等少詹事德爾泰加一級。二等侍讀博通阿升侍讀學士。三等五人。四等一人。降調二人。休致四人。○二十八年五月大考

欽命題賦

一。疏一。詩一。一等三人。編修王文治升侍讀。檢討周升楨升侍講。侍讀錢大昕升侍讀學士。二等十八人。檢討張曾敞升侍讀。侍讀李宗文升少詹事。未升用者。於應升處題奏。三等三十人。開坊官降調一人。留原任六人。罰俸一年。降知縣一人。休致二人。編檢罰俸一年者七人。四等十七人。開坊官降調五人。編檢休致九人。罰俸一年者二人。侍讀勝格。以未與試附四等。降編修。○同日考試滿洲外班翰林。一等侍讀學士哈靖阿加一級。二等二人。三等一人。罰俸一年。四等一人。不入等一人。俱革職。○是年考試以御史王懿德奏。始彌封試卷。○又奉

欽命題賦

一。詩一。議一。一等三人。編修吳省欽升侍讀。褚廷璋升侍講。少詹事張曾敞賞緞四疋。二等十八人。編修宋銑升洗馬。胡高望升侍讀。彭冠



升中允金士松孫致曾俱升侍讀贊善朱筠升侍讀學士編修秦承恩彭紹觀俱升贊善韋謙恆升庶子未升用者於應升處題奏三等三十人降調四人降知縣四人休致四人罰俸一年者二人四等十五人降調四人休致八人不入等二人革職○同日考試滿洲外班翰林一等侍講覺羅巴彥學升侍讀學士二等左中允恆濟升侍讀學士三等五人降調二人罰俸一年者三人四等一人休致不入等一人革職內廷翰林曹文植等是年未與大考奉

旨中允曹文植編修彭元瑞沈初董誥學問俱優因內廷有承辦事件考試翰詹降旨停免未得與諸臣一體升轉著加恩各加一級

欽定大清會典事例卷一千五十四

翰林院

考試 大考二

乾隆三十五年四月

高宗純皇帝巡幸天津大考休致翰林鄭岱鍾等迎

鑾奉

旨此次考試之休致翰林鄭岱鍾陳本敬著仍以檢討用孟生蕙陳蘭森著以主事用張世淶易文基著以知縣用郭潔著以驍騎校用○三十六年

高宗純皇帝巡幸江浙大考休致翰林蕭芝等迎

鑾奉

旨此次考試休致之翰林蕭芝李臺著仍以檢討用龔駿文周位庚于宗瑛著以主事用○五十年二月大考

考

欽命題賦一詩一論一等二人編修陸伯焜升侍讀

學士吳璣升侍講學士二等三十六人編修蔡

廷衡陳萬青升侍講侍講瑞保升侍讀學士編

修茅元銘顏崇滿吳舒帷升侍讀陳崇本升中

允方煒升贊善侍講王保升侍講學士未升用

者於應升缺出題奏三等五十人開坊官仍留

原任一人降調仍罰俸半年者九人。編修註銷議敘仍罰俸半年者七人。四等三十二人。改主事十人。降知縣二人。休致十一人。註銷議敘仍罰俸一年者六人。罰俸三年者一人。罰俸二年者二人。不入等四人。革職。○同日考試滿洲外班翰林一等少詹事慶齡加一級。二等二人。三等二人。罰俸一年者一人。休致一人。四等二人。罰俸二年者一人。革職一人。不入等一人。革職。○奉

旨。此次考試翰詹所有由總校議敘之編修倉聖脈朱

鈐吳紹燦何思鈞四員。雖係先期告假。究未免心存規避。著於銷假到齊時。補行考試。該衙門屆時題奏。

○又

論。此次考試翰詹。朕嚴加甄別。滿員出缺甚多。除簡擢數人外。餘竟無員可補。與其濫竽充數。毋甯覈實酌裁。所有現出之侍讀侍講學士二缺。侍讀侍講二缺。已另降旨。裁汰嗣後滿洲人員。益當自知愧勉。讀書敦行。砥礪成材。以備國家器使。如果能蒸蒸日上。一變從前積習。人材蔚興。彼時朕自當為再補還舊額也。○又

諭。本年考試翰詹。其講讀等列三等者。應以中允贊善

降補。但該員等本以文理平常。因考降職。若仍以翰林補用。將來再遇考試。恐仍不免於降官。且中允贊善員缺本少。降補之後。得缺亦屬無期。轉致淹滯。嗣後翰詹等官。凡遇考試。應行降補者。俱著對品以部屬補用。俾得及時自效。若果能勤奮供職。自可仰邀甄拔。是亦造就人材。量力器使之道。著為令。所有此次接駕之張燾莊承錢。即著對品以主事改補。○五  
十三年十月。

御試八旗翰詹出身之大臣官員。賦一詩。侍讀學士

鐵保第一。旋擢內閣學士。○五十五年奉

旨。檢討龔大萬饒慶捷許霖。前因大考分別休致革職。昨於山左迎鑾進獻詩冊。茲命出題考試。所作詩句。雖屬平庸。尚不甚荒謬。且饒慶捷龔大萬等。並非緣事獲譴。尚可酌加錄用。龔大萬饒慶捷許霖均著加恩。以內閣中書補用。○又奉

旨。編修周厚轅前因大考休致。今來京祝嘏進獻詩冊。復命出題考試。所作詩句。文理尚順。且該員因繕寫越幅。列入四等休致。並非文理荒疏。尚可加恩錄用。周厚轅著仍以編修用。○五十六年

諭吏部題請將告病之翰林院侍讀學士彭紹觀准其休致一本現在翰詹各員定期於本月初九日考試向例在京官員遇京察期近即不准其告病今彭紹觀於已屆大考之年始以患病年衰呈請開缺明係藉詞規避著即革職其掌院學士率行咨部殊屬非是著交部察議該部不即駁回遽行題奏亦著飭行

○二月大考

欽命題賦一詩一疏。一等二人。編修阮元升少詹事

侍講吳省蘭升詹事二等十一人。修撰胡長齡

升侍講學士。編修劉鳳誥升侍讀學士。侍讀陳

嗣龍升侍講學士。編修汪廷珍升侍讀。檢討劉

環之升侍讀。檢討蔡共武升中允。侍講曹城升

侍讀學士。編修程昌期崔景儀升贊善。編修吳

樹本升侍讀學士。編修邵晉涵升中允。三等七

十四人。編修曹振鏞升侍講。降調十人。改部屬

九人。降知縣二人。罰俸一年者六人。罰俸二年

者五人。四等八人。改中書五人。休致三人。不入

等一人。革職。○同日考試滿洲外班翰林二等

二人。三等五人。降一級二人。不入等二人。革職

○是年九月

御試八旗翰詹官賦一詩一祭酒瑚圖禮第一。侍講那彥成第四均蒙

特旨入直

南書房。○嘉慶三年二月大考

欽命題賦一詩一疏。一等二人。編修陳琪修撰潘世

恩俱升侍讀。二等二十一人。編修莫晉升侍講

侍講汪廷珍升侍講學士。侍讀學士曹振鏞升

少詹事。編修吳廷選升左中允。侍讀英和升侍

讀學士。編修祝曾升右中允。侍讀學士文甯升

詹事。侍講學士劉環之轉侍讀學士。編修李宗

瀚陳希曾俱升贊善。贊善李鈞簡升右庶子。未

升用者。於應升缺出具名題奏。三等四十人。開

坊翰林降一級補用七人。留任二人。編檢後二

十名。改部三人。降知縣一人。降中書一人。留館

者後二十名內。在前十名罰俸一年。在後十名

罰俸二年。四等六人。開坊翰林降檢討二人。仍

罰俸四年。休致四人。○同日考試滿洲外班翰

林二等一人。三等五人。罰俸一年。○八年閏二

月

諭本日周興岱奏因大考屆期陳明年老有疾懇恩休

致一摺所奏非是。周興岱學問本屬平常。從前在編修任內大考時。即曾列四等。茲又隔十餘年。自更形荒落。上年伊由侍郎典試江西。獲咎經部議以革職。朕加恩用為翰林院侍讀學士。此次大考。周興岱本應與試。若隨眾較藝。即使考列下等。或尚可酌量施恩。今一聞大考之信。輒冒昧奏懇乞休。據稱去冬病目數旬。眼力昏花。今春又復重感風邪。尚未痊愈。如果屬實。即應早為請假乞休。何待聞知大考始行奏懇耶。設此時尚無大考之信。伊自必覲顏戀棧。濫廁清班。尤屬有心取巧。且伊雖曾任大員。現已降補讀學。即有所陳請。亦應於掌院前具呈代奏。乃自行摺奏。亦屬越分。周興岱懇請休致。既稱老病不能應考。即著勒令休致。是年三月大考。

欽命題賦一詩。論一。一等三人。編修陳嵩慶升侍講學士。吳鼎升侍讀。王引之升侍講。二等三十人。編修鮑桂星升右中允。王鼎升左贊善。贊善周系英升左中允。編修李潢升右贊善。左庶子陳希曾升侍讀學士。侍講學士萬承風。轉補侍讀學士。右庶子周兆基升侍講學士。侍讀學士莫晉賞。綴二疋。洗馬施杓。少詹事茅元銘。皆賞綴。

一疋。交軍機處記名。遇應升缺。出題奏。張問陶等十一人。各賞綴一疋。未經升用者。於應升時。具名題奏。三等三十八人。開坊翰林。分別降級。仍以坊缺。即補者五人。降編修者三人。編檢十八名。後。罰俸有差。無降改。四等三人。罰俸三年。留館一人。休致二人。同日考試滿洲外班翰林。一等侍讀成格。升侍讀學士。二等右庶子賡泰。升侍講學士。三等三人。罰俸半年者一人。罰俸一年者一人。四等二人。降筆帖式一人。休致一人。○又

諭。此次大考翰詹。原因向來每隔數年。即大考一次。是以循例舉行。其考列前三名者。予以超擢。此外考列二等各員。或量升一階。或賞給綴疋。即考居三等後者。亦不過降等錄用。或分別罰俸。稍示薄懲。此內有曾任大員。如李潢。吳省蘭。周興岱三人。其才具朕所素悉。豈尚復以一試定其優劣。如果有欲行罷斥之員。何難明降諭旨。豈必以考校翰林加之澄汰耶。現在考試前列中。亦無朕所素識者。是大考黜陟。朕全無所容心於其間。乃周興岱見有大考諭旨。率行陳奏。懇請休致。試思周興岱平日學問。雖不如李潢。吳

省蘭伊二人俱考列二等。李潢在前。量擢贊善。吳省蘭在後。亦照例候升。周興岱若果與考。安知不倖居前。列或轉邀擢用。即考居後等。朕尚可加恩。或不予降調。即降調亦不至於廢棄。特因周興岱自請休致。是以降旨勒休。咎實由於自取。但念伊父周煌曾任尚書房總師傅。周興岱前在南書房行走。稍有筆墨微勞。著加恩賞給編修。准其在館效力。○十七年二月大考。

欽命題賦一。論一。詩一。一等四人。編修徐頌升侍讀學士。陳嵩慶升侍講學士。顧純升侍讀。姚元之升

侍講。二等四十七人。除侍讀學士王鼎侍讀穆彰阿先經升授少詹外。編修彭邦疇升左贊善。侍講學士宗室果齊斯歡轉侍讀學士。其未經升用各員。照例記名。遇缺題奏。編修朱士彥等四人。各賞綫緡二疋。編修葛方晉等七人。各賞綫緡袍料一疋。編修李廣滋等七人。各賞綫緡褂料一疋。三等七十四人。開坊翰林分別降調候補者六人。改郎中一人。改員外郎二人。編檢罰俸半年者五人。罰俸一年者五人。罰俸二年者六人。四等四人。罰俸三年者一人。休致三人。

不入等一人。革職。○同日考試滿洲外班翰林三等降筆帖式一人。四等休致一人。不入等革職一人。○又補考翰詹二人。編修周之楨附二等。照舊供職。中允僧格附三等。改主事。○又

諭。本日大考翰詹。據翰林院掌院學士曹振鏞奏。侍讀學士承恩。泰於傳知該員時。自行註明考試繙譯。今領卷未到。請將該員嚴議。並據承恩泰自行陳奏。因去秋墜馬不能書寫。請革職治罪等語。承恩泰既稱手足麻木不能寫字。即應早行辭職。或自揣可望就痊。翰林院傳知考試時。亦應呈明掌院學士暫行告病。扣除應試。乃既自註與考。甫隔一日。又越分遞摺。抗不就試。自請情願革職治罪。實屬膽大妄為。向例滿洲翰林試以清語騎射。則自謂身係詞員。未嘗肆習。及考試文藝。又稱身係旗人。文藝非其所長。甘居人後。陋習相沿。如承恩泰者。尤屬無恥無能之至。著逐出本處。即行革職。此等不堪之輩。亦不值治罪。○十九年

諭。英良前於考試翰詹時。緣病未經預試。茲病痊後。手顫不能補考。懇請革職。另賞差使。該員患病已閱二年。此時甫能就痊。尚非有心規避。伊年力尚壯。不可

廢棄。加恩以六部主事用。二十三年大考。

欽命題賦一。詩一。論一。一等五人。編修潘錫恩升侍讀。

顧元照升侍講。修撰吳信中升庶子。編修錢林

升洗馬。許邦光升贊善。二等四十五人。俱記名。

遇缺題奏。編修賀熙齡等四人。各賞緞二疋。修

撰龍汝言等十五人。各賞緞一疋。三等五十四

人。開坊翰林以坊缺降補一人。改郎中三人。改

員外郎一人。改主事一人。降編修一人。罰俸二

十人。四等七人。降筆帖式三人。休致三人。罰俸

一人。不列等一人。革職。道光四年大考。

欽命題賦一。詩一。論一。一等五人。侍讀學士朱方增升

內閣學士。編修毛樹棠升侍讀。洗馬鄂木順額

升侍講學士。檢討戚人鏡升贊善。侍讀潘錫恩

升侍講學士。二等五十一人。少詹事鍾昌等五

人。各賞大卷緞二疋。侍讀德興等八人。各賞大

卷緞一疋。俱記名。遇缺題奏。編修吳清鵬等十

三人。各賞小卷緞一件。三等六十人。開坊翰林

以坊缺降補四人。改主事四人。罰俸十五人。四

等四人。俱罰俸。不列等四人。降中書一人。休致

三人。又

諭。向來考試翰詹。欽派大臣閱卷。自當按其文字之優

劣。定等第之高下。其有違式及平仄不諧。失粘錯誤

者。例應定置四等。不列等。以昭公允。此次考試翰詹

各員。閱卷大臣等擬定名次進呈。頗有違式之卷。列

入二三等中者。未經籤出。僅將文理荒謬之二卷。列

為四等。經朕披閱。始行看出。親加更定。分為四等。四

員。不列等。四員。該大臣於考校大典。顛倒錯亂。顯係

瞻徇情面。不肯指出。紕繆。為見好地步。設非朕親加

釐定。其列在二等者。轉可倖邀遷轉。必啟外邊議論。

如殿試朝考試卷。二百數十本之多。朕何能一一披

覽。若如此草率從事。尚復成何事體。該大臣等皆係

朕特派簡校。隨意率定。殊失委任之意。嗣後諸大臣

派出閱卷。務各秉公特正。期於允協。如再有擬定等

第前後舛錯者。定當懲處不貸。○十三年七月大考。

欽命題賦一。詩一。論一。一等五人。編修田嵩年升侍講。

學士。羅文俊升庶子。李芝昌升侍讀。王植賈楨

俱升侍講。二等四十八人。編修戴熙升贊善。杜

受田升中允。侍讀許乃普升侍講學士。侍講全

慶升侍讀學士。侍讀學士胡達源升少詹事。侍

講吳文鎔等二人。俱記名。遇缺題奏。並同編修

勞崇光朱蘭羅統典李星沅王珣均各賞小卷  
緞四疋。編修張集馨等六人各賞小卷緞二疋。  
編修朱其鎮等十四人各賞小卷緞一疋。三等  
五十八人。開坊翰林以坊缺降補十人。降編修  
一人。降主事一人。編檢罰俸四人。四等五人。由  
侍讀降編修一人。由庶子降主事一人。編檢罰  
俸三人。不列等三人。由編修降小京官一人。休  
致二人。○又

諭前降旨於本月十六日大考翰詹。茲據翰林院奏編  
修嚴良訓呈請病假。投結後即起程回籍。雖在未經

降旨考試之前。究屬不合。嚴良訓著交部議處。又據  
奏少詹事史評。侍講學士福保。右贊善福祿。現俱患  
病。委驗屬實。應俟病痊之日。奏請補考。該員等現既  
不能隨同考試。一切差使。俱毋庸伊等充當。遇有應  
行升轉缺出。著吏部即將該員等扣除。如六箇月後  
各員內尚有病未痊愈。不能補考者。著吏部即行開  
缺。○十九年二月大考。

欽命題賦一論一詩。一等四人。編修李國杞升侍講  
學士。喻增高升庶子。侍讀李芝昌升少詹事。編  
修何裕承升侍講。二等四十二人。編修汪振基

車克慎趙振祚邵燦單懋謙檢討慧成俱升贊  
善。中允陸建瀛升侍講。編修賈瑜等四人。俱記  
名遇缺題奏。並同侍講李蘭。編修李汝嶠葉觀  
儀均各賞小卷江紬四件。編修何紹基等九人。  
各賞小卷江紬一件。三等四十四人。開坊翰林  
以坊缺降補六人。降員外郎三人。降主事一人。  
四等四人。罰俸三人。由贊善改主事一人。不列  
等一人。休致。○二十三年三月大考。

諭本日大考翰詹。經監試王大臣查出右贊善如山懷  
挾賦本。如山著即革職。交刑部照例治罪。

欽命題賦一論一詩。一等五人。編修萬青黎殷壽彭  
升侍講學士。庶子張芾升少詹事。中允蕭良城  
升侍讀。編修羅惇衍升侍講。二等五十五人。檢  
討曾國藩升侍講。編修丁嘉葆升侍讀。編修郭  
沛霖楊能格方壙吳敬義升贊善。中允孫銘恩  
等五人。俱記名遇缺題奏。並同編修何紹基少  
詹事福濟均各賞大卷緞一件。小卷江紬二件。  
編修呂佺孫等十二人。各賞大卷宮紬一件。三  
等五十六人。開坊翰林以坊缺降補二人。降郎  
中一人。降員外郎一人。降主事二人。編檢罰俸

三人四等七人。罰俸三人。由侍讀學士降主事一人。由侍講降筆帖式一人。由編修改中書二人。○四月病痊侍講邵燦補行大考。奉

旨。附入二等末名。仍以侍講候補。○二十七年五月大考。

欽命題賦一。論一。詩一。一等四人。編修王慶雲俞長贊升侍講學士。支清彥潘曾榮升庶子。二等五十人。編修馮譽驥升侍讀。侍讀許乃釗升庶子。編修楊式毅升侍講。宋晉升中允。王履謙。何若瑤。徐玉豐升贊善。修撰龍啟瑞升侍講。中允鈕

福保升侍講。編修孫鏘鳴等七人。記名遇缺題奏。並各賞大卷緞袍料一疋。小卷緞褂料二件。編修楊福祺等十七人。各賞大卷宮綉一疋。三等六十人。開坊翰林以坊缺降補一人。降編修四人。降主事三人。編檢罰俸八人。四等三人。俱降筆帖式。不列等一人。革職。○又四月

諭。此次大考翰詹。所有上書房行走之詹事府少詹事葉觀儀。翰林院侍講沈兆霖均著不必考試。○三十年四月

諭。本日翰林院奏請將前次定期大考後因病不到現

在銷假之瑞嵩補行考試。係屬遵照舊章辦理。瑞嵩自應靜候考試。乃率行遞摺條奏。已屬不合。又另片奏稱。此時不宜以詩賦試士。請待二十七月之後。獨不思本年會試。豈無試帖耶。至其摺內所陳。亦政治所當然。且言甫經病痊。似不合冒昧陳言。蓋以為所陳率皆謔論。雖詩賦未成。猶應錄用。種種取巧。實屬卑鄙之極。將原摺擲還本人。瑞嵩即著於本月初四日。在上書房中天景物補行考試。○又

諭。此次病痊補行大考之翰林院侍講學士宗室瑞嵩。著附入二等末。仍以侍講學士候補。毋庸帶領引見。

○咸豐二年五月大考。

欽命題賦一。論一。詩一。一等五人。編修李聯琇龍元僖俱升侍講學士。沈桂芬龐鍾璐俱升庶子。孫鼎臣升侍讀。二等六十五人。編修胡焯升侍讀。馮培元周壽昌袁希祖。何彤雲俱升侍講。何廷謙徐樹銘沈炳垣俱升中允。侍講學士王履謙升少詹事。編修郭驥遠升贊善。編修宜振等八人。俱記名遇缺題奏。並各賞大卷緞袍料一疋。小卷緞袍褂料各一件。編修李熙載等十八人。俱各賞大卷綉袍料一疋。三等八十六人。開坊翰



林以坊缺降補四人。降編修二人。降主事一人。編檢罰俸者十八人。四等一人。罰俸不列等一人。革職。同日考繙譯翰詹。二等二人。編修廣鳳升侍講。侍講訥爾濟記名。遇缺題奏。並賞大卷緞袍料一件。小卷緞褂料一件。三等三名。罰俸一人。由贊善降編修一人。○又

諭。本月大考翰詹。所有此次留館人員。著毋庸與考。○又

諭。此次病痊補行大考之前任詹事府右贊善徐玉豐。著附入二等末。仍以右贊善候補。照例帶領引見。○

九年九月大考

欽命題賦一。論一。詩一。一等二人。編修顏宗儀。周學源。俱升侍講。學士。二等二十四人。編修黃倬。升侍講。學士。夏同善。景其濬。俱升庶子。楊東璋。馬恩。溥。修撰孫如僅。俱升侍讀。編修梁肇煌。杜聯。俱升侍講。編修楊榮緒等六人。俱記名。遇缺題奏。並各賞大卷緞袍料一疋。許彭壽。潘祖蔭。並加賞春綉一疋。三等三十八人。開坊翰林。以坊缺降補二人。降編修四人。編檢罰俸十一人。撤銷升用一人。四等一人。改中書。○同日考試繙譯

翰詹。一等一人。中允奎昌。升庶子。二等三人。侍講。學士。依奇哩。少詹事廣鳳。侍讀。學士。清安。俱記名。遇缺題奏。並各賞大卷緞袍料一疋。小卷緞褂料一件。三等五人。罰俸二人。由侍講降贊善一人。由侍講學士降侍講一人。由贊善降編修一人。○同治元年

諭。此次病痊補行大考之翰林院檢討許業香。著附入三等末。仍罰俸二年。毋庸帶領引見。○二年

諭。此次病痊補行大考之翰林院編修徐申錫。著附入二等末。由該衙門帶領引見。○五年四月

諭。著於本月二十五日在保和殿考試翰詹。徐桐翁同龢。均著毋庸與考。○是年大考

欽命題賦一。論一。詩一。一等五人。洗馬孫毓汶。升侍講。學士。侍講學士。夏同善。升詹事。少詹事。杜聯。升內閣學士。編修平步青。升侍讀。許其光。升侍講。二等三十七人。編修劉桂年。吳啟。俱升侍講。侍讀。周壽昌。升庶子。編修黃體芳。升洗馬。張鵬翼。李文田。升中允。徐申錫。升贊善。侍讀學士。景其濬。升少詹事。編修黃鈺等六人。均記名。遇缺題奏。並各賞大卷江綉袍料一疋。小卷江綉褂料

料各一件。編修夏子錫等八人。均各賞大卷江  
紬袍料一疋。三等五十二人。開坊翰林以坊缺  
降補四人。降編檢二人。編檢罰俸者十七人。四  
等三人。罰俸一人。由贊善降主事一人。改中書  
一人。不列等一人。革職。同日考試繙譯翰詹  
一等一人。侍講松淮升侍讀學士。二等二人。侍  
講學士訥仁升少詹事。侍讀文奎。記名遇缺題  
奏。並賞大卷江紬袍料一疋。小卷江紬袍褂料  
各一件。三等二人。罰俸一人。由贊善降編修一  
人。光緒元年四月大考。

欽命題賦一論一詩。一等四人。編修吳寶。恕。瞿鴻  
機。俱升侍講學士。鈕玉庚升庶子。侍講學士孫  
詒經升詹事。二等六十一人。侍講學士徐鄰升  
少詹事。編修張登瀛。張佩綸。俱升侍講。廖壽恆  
升洗馬。王先謙。修撰鍾駿聲。俱升中允。編修陳  
翼。葉大焯。張楷。俱升贊善。編修潘衍桐等七人  
均記名遇缺題奏。並各賞大卷紬袍料一疋。小  
卷紬袍褂料各一件。編修朱琛等十人。各賞大  
卷紬袍料一疋。三等九十人。開坊翰林以坊缺  
降補四人。降編修三人。編檢罰俸者十五人。四

等四人。罰俸一人。由編檢改中書二人。由贊善  
降主事一人。同日考試繙譯翰詹。一等一人。  
右贊善銓林升侍講學士。二等二人。洗馬崇勳  
升庶子。中允興廉升洗馬。三等一人。由侍講降  
補贊善。又奏大考翰詹人員。例應考試。後帶  
領引

見此次應否帶領奉

旨。毋庸帶領引見。二年補行大考。病痊編修毛松  
年附入二等未名。

欽定大清會典事例卷一千五十五

起居注

建置記注設官 日講設官

記注設官○康熙七年內秘書院侍讀學士熊賜履奏准請遴選儒臣簪筆左右

聖躬一言一動書之簡冊以垂永久○八年給事中魏

象樞奏准

臨御之時召滿漢輔臣講說治道仍擇滿漢詞臣文

學雅重者數人備顧問記

起居○九年始置

起居注館於

太和門西廊滿漢記注官侍直其員額俱以

日講官兼攝掌院學士以下坊局編檢以上皆得

開列請

簡○又定設滿洲記注官四員漢記注官八員清文

主事一員清漢文主事二員漢軍主事一員清

文筆帖式四員漢文筆帖式四員漢軍筆帖式

四員○十一年增設清文筆帖式四員清漢文

筆帖式二員○十二年增設滿洲記注官一員

漢記注官二員○十六年增設滿洲記注官一

員○二十年

諭翰林日講官敷陳經史日侍顧問贊襄典學職務繁

多宜廣其員以彰右文之治現在滿官足用漢官尚

宜增添著即開列應用各員職名具奏○又增設漢

記注官八員○三十一年裁漢記注官六員○

三十八年裁滿漢主事各一員○五十六年

諭大學士等記注官陳璋於今年三月內查閱檔案鈔

朕去年十二月所諭江南錢糧之旨與趙熊詔伊等

皆屬有心特以朕於去年有欲免江南舊欠錢糧之

意偶爾諭及今年未行蠲免伊等欲將朕前後互異

之處指出書寫耳去年兩江總督赫壽摺奏請蠲前

項錢糧朕批令繕本具奏及繕本具題後朕知赫壽

受人囑託又彼此私同商定具題欺朕朕以西邊正

值軍需之時故舊欠未准蠲免照部議分年帶徵朕

御極以來蠲免天下錢糧數千萬豈有惜此些微舊

欠之理江南官員眾多赫壽惟欲沽取美譽而民殊

不感戴聲名甚劣朕於事無不經歷人亦焉能欺朕

朕豈肯以大權授人乎若不將此故曉諭諸臣皆謂

朕前後諭旨不符所繫匪輕且漢人著作文集內有

將未題之稿云欲行具奏以事已完結未獲具題等

語似此並未入告者尚且書寫况其他乎起居注衙門自古未有久遠設立者亦有旋立旋止者或因所記不實故耳朕聽政之日記注官入侍伊等跼躅無措豈能備記諭旨侍班漢官歸寓後纂寫數日方攜至署與滿官校看又每爭競是非則其遺漏舛訛可知諭旨皆有關繫惟朕硃書諭旨及批本發科者始為的確其起居注所記難於憑信也陳璋趙熊詔鈔寫記注之處著問九卿具奏○五十七年

諭大學士等歷觀從來帝王設立起居注多有更張亦間有裁革者朕在位日久設立多年近見記注官內年少之員甚多皆非經歷事體之人伊等且自顧不暇又豈能詳記朕之諭旨耶且官職卑小不識事之輕重或有事關重大者不能記憶致將朕之諭旨頗多遺漏不行備錄甚至如趙熊詔曾私鈔諭旨攜出示人記注之事關係甚鉅朕設立起居注甚為久遠在位五十七年一切政事現有各衙門檔案何必另行記載其作何裁革之處爾等會同九卿議奏欽此

旨議定  
皇上手書諭旨及理事時所降之

旨並轉傳之

旨各處俱有記載檔案又如本章所批

諭旨六科衙門既經記載發鈔各部院又存檔案皆可稽查且記注官多年少微員或有事關重大者

不能全記以致將

諭旨舛錯遺漏又妄行鈔寫與人僕伊等所記

諭旨稍有互異關係甚鉅應將

起居注衙門裁去○又

諭每遇奏事將翰林派出五員侍班每侍班於本衙門讀講學士讀講與

詹事府坊局等官內一員領班次滿洲編檢一員漢編檢三員○雍正元年

諭自古帝王臨朝施政左史記言右史記動蓋欲使一舉動一出言之微無不可著為法則垂範百世也

皇考聖祖仁皇帝英年踐祚即設日講起居注官於詞

臣中擇其才品優長者以原官充補鉅典茂昭度越

前代誠為聖帝哲王之盛事

御極六十一年紹精一執中之統勵敬

天勤民之心文謨武烈經緯萬幾盛德日新大業丕顯

天下臣民仰瞻至治不啻日月麗天江河行地莫不

敬信悅服記注之臣美不勝書

皇考聖祖仁皇帝謙德彌光聖不自聖惟恐史官或多

溢美之辭。故康熙五十六年。裁省記注。止令翰林五人於理事時輪侍班行。凡有重務要旨。仍命諸臣記而存之。意至周密也。茲朕繼承大統。夙夜兢業。日昃不遑。思所以上繼。

皇考功德之隆。下致四海晏安之治。願惟涼德。甚懼負荷之難。今御門聽政之初。益當寅畏小心。綜理庶事。咸期舉措允宜。替筆侍臣。何可闕職。當酌復舊章。於朕視朝臨御。

郊祀壇

廟之時。令滿漢講官各二人侍班。不獨記載諭旨政務。或朕有一言之過。一事之失。皆必據實書諸簡策。朕用以自儆。冀寡尤悔。庶幾懷冰淵之懷。以致久安。慎樞機之動。而圖長治。其仍復日講起居注官。如康熙五十六事以前故事。欽此遵。

旨奏定復於

太和門西廊設起居注館。除滿漢記注官員仍照康熙三十一年例設立外。設滿洲主事二員。清文筆帖式八員。清漢文筆帖式八員。內有漢軍二員。十二年議准。

起居注衙門。止滿洲主事二員。應增設漢主事一員。於進士舉人出身之內閣中書揀選引。

見補授。○乾隆元年。增設滿洲記注官二員。○又奏准。記注官多兼各館修書。又值本年直省鄉試屆期。將次出差典試。請於新科編檢內選擇四人協修記注。

日講設官。○順治十二年。

諭朕惟古帝王勤學圖治。必舉經筵日講以資啟沃。今經筵已定於文華殿告成之日舉行。日講深裨裨益。不宜刻緩。爾等即選滿漢詞臣學問淹博者八員。以原銜充講官。侍朕左右。以備諮詢。○又

諭吏部。日講官侍從禁庭。朝夕進講。國子監衙門較遠。職任難兼。如遇祭酒司業員缺。不必以日講官推補。

○十四年。增設講官八員。○康熙十年。定講官俱兼。

起居注銜滿漢講官翰林院與詹事府坊局各官

皆預開列。由本衙門題請以原銜充補。謹案日講起居注官缺出。掌院學士例坐充一缺。○十九年。

諭朕萬幾之暇。留心經史。雖遜志時敏。夙夜孜孜。而研究闡發。良資講幄之功。日講起居注各官。俱以學行

優長簡備顧問講解明晰奉職勤勞所纂講義典確  
精詳深裨治理爾部一併從優議敘具奏以後著益  
殫心職業佐助典學以副朕崇儒重道稽古右文至  
意○三十九年

諭嗣後題補漢日講官開列人員內有由一甲進士出  
身者註明本人名下○雍正元年議准嗣後如講官  
出差者多侍班之員不足本衙門即將應行開  
列官員通行開列具題恭請署理

欽點俟出差之講官回日署理之員仍回本任○乾  
隆二十九年奏准向例講官缺出翰林院開列  
具本題補惟雍正六年

特旨將開列人員引

見後仍循例題請嗣後遇有缺出請將少詹事以下  
等官及俸深之編檢十員引  
見補充○又奏准詹事亦係應充講官之員嗣後遇  
有缺出將詹事一體引  
見○三十九年奏准講官奉差  
簡員署理或更有升遷事故其間充署疊更輾轉承  
接若某缺定歸還某員則出缺紛繁殊多未便  
嗣後止應按缺計員不必以員拘缺○五十八

年奏准講官奉差將應署之員繕籤進呈恭候  
欽定○嘉慶四年復署講官引  
見例○八年

諭日講起居注官滿員向止八缺較漢員減少四缺每  
遇侍班及舉行典禮不敷勻派准其增設滿講官二  
員作為額缺該衙門即行帶領引見候朕簡派○九  
年奉

旨詹事府詹事准其照翰林院學士之例坐充日講起  
居注官著為令纂入會典  
職掌記注事宜

記注事宜○凡記注先載  
起居次  
諭旨次題奏次官員引

見凡編記各檔  
上諭簿

絲綸簿外紀簿軍機處檔宗人府檔理藩院檔各寺  
監檔八旗檔護軍營檔前鋒營檔所有  
諭旨及官員引

見除授皆全載奉  
旨依議及該部議奏報聞者俱不載載部本查略節

|                      |
|----------------------|
| 載通本查揭帖有遺落即查對紅本       |
| 絲綸簿有疑者亦查對紅本凡載祭祀      |
| 行禮                   |
| 問                    |
| 安                    |
| 駕臨                   |
| 駐蹕各項俱查照              |
| 內起居注由內檔鈔出存館備查凡載      |
| 諭旨惟每日第一條書大學士某某奉      |
| 諭旨云云以下各條敘完事由即接書奉     |
| 諭旨云云不再書大學士至各部院衙門帶領引  |
| 見俱係各部院面奉             |
| 諭旨不書大學士字樣凡載          |
| 上諭                   |
| 旨意俱書大學士某某奉           |
| 諭旨惟                  |
| 御門折本則書               |
| 上御何門及何殿聽政部院各衙門官員面奏畢大 |
| 學士某某協辦大學士某某尚書某某學士某某  |
| 某以                   |

|                       |
|-----------------------|
| 折本請                   |
| 旨覆請吏部奏請補某官一疏          |
| 上曰云云又覆請各部議某事一疏        |
| 上曰云云又覆請各省督撫某人奏某事一疏    |
| 上曰云云                  |
| 折本載完之後本日若有            |
| 上諭則接書大學士某某奉           |
| 諭旨云云若有奏請事務則接書是日吏部奏請補  |
| 授某官員缺一疏大學士某某奉         |
| 諭旨云云若有帶領引             |
| 見則接書某部帶領某項人員引         |
| 見奉                    |
| 諭旨云云凡載各部各旗事件如吏部引      |
| 見各官京官在前外官在後病痊補用及降調革職  |
| 各官又在後惟太常寺引            |
| 見內有                   |
| 壇                     |
| 廟                     |
| 陵寢字樣者及八旗補授各           |
| 陵寢防禦等官俱載在吏部之前若無此等官仍依次 |

序分載吏部之後凡引

見官無論大小俱載惟押運官仍回原任者不載八

旗引

見補授驍騎校護軍校及管印房等官俱不載凡載

事件俱查照原檔日期惟

絲綸簿內所有補授各官俱以部檔引

見奉

旨之日為定若係文職則查吏部及各本部帶領引

見日期若係武職則查兵部帶領引

見日期若係旗員則查各旗帶領引

見日期按日記載凡選授文武各官如教職千把之

類不引

見者俱不載如奉

特旨揀選則俱載凡吏部兵部推補推升及奉

旨出具考語送部引

見者不載俟該員引

見之日方行載入凡載事次序首

上諭次部本次通本次旗摺次京外各官奏摺次各

部院衙門引

見次八旗引

見凡載

上諭以本日事務大小輕重為序若事關

壇

廟

陵寢俱首載凡部本首內閣次宗人府次翰林院次六

部次都察院次理藩院若遇有禮部慶賀太常

寺祭祀本俱列在內閣之前凡通本首總督次

巡撫督撫先後以省分為序凡吏部引

見次序首月選次翰林次京堂次科道次部屬官

居前後次小京官外官以大小為次首卓異官

次原任次開復次降調次革職次病痊次起復

次六法官次筆帖式次廕生兵部引

見次序首京官滿前漢後次外官次革職次開復旗分次

序首鑲黃次正黃次正白次正紅次鑲白次鑲

紅次正藍次鑲藍凡本旗首滿洲次蒙古次漢

軍次護軍凡編纂記注每月分作二冊每年計

二十四冊先成草本由總辦記注官逐條查覈

增改送掌院閱定書明年月及當直官名姓例

以上年之事至次年分月排纂前後謹撰敘跋

冊中用翰林院印鈐縫儲以鐵匣局鑄封識歲



十二月封篆前具摺呈奏俟

發下。記注官會同內閣學士藏之內閣大庫其繕寫

正本則專派庶吉士副本仍藏本署。○天聰三

年。

太宗文皇帝命儒臣分為兩直。巴克什達海同筆帖式

剛林蘇圖固爾嘉澤托布齊等。繙譯漢字書籍

巴克什庫爾禪同筆帖式吳巴什查素喀胡球

詹霸等記注

本朝政事以昭信史

駕幸文館遂入庫爾禪直房問所修何書對曰記注

上所行事

太宗文皇帝曰此史臣之事朕不宜觀。○康熙九年初

置

起居注。令滿漢記注官每日各一員侍直事畢以

本日應記之事用滿漢文記注。○十二年

諭起居注官胡密色曰朕適詣

太皇太后宮問安

太皇太后問朕曰頃者地動爾知之否朕奏曰此乃

天心垂異以示儆也

太皇太后諭曰人君遇有災異固當益加修省然亦在

平時用人行政敬承

天意耳朕仰繹

慈訓誠為克謹

天戒之要也爾其書諸冊。○十四年

諭起居注官朕向詣

兩宮問安爾等常隨行記注朕思昏定晨省問安視膳

為子孫者之恆禮嗣後朕詣

兩宮問安侍直官不必隨行。○十八年

諭大學士等朕每日聽政一切折出票籤應商酌者皆

國家切要政務得失所繫今後起居注官除照常記

注外遇有折本啟奏俱令侍班記注惟會議機密事

情及召諸臣近前口諭記注官不必侍班。○二十二

年翰林院奏康熙二十一年

起居注冊應照例會同內閣諸臣看封儲庫

諭記注起居事蹟將以垂之史冊所關甚要或在朕前

原未陳奏乃在外妄稱如何入奏如何奉旨私自緣

飾開送起居注館且每日止該直官二員記注或因

與己相善特美其辭與己不相善故抑其辭皆未可

知起居注官能必其皆君子乎記注冊朕不欲親閱

朕所行政事即不記注其善與否自有天下人記之

爾等傳諭九卿詹事科道等官會議如以所無之事  
誣飾記注者將嚴懲焉欽此遵

旨覆奏

起居注皆記載機密事宜垂諸史冊所關重大臣  
等不敢閱且滿漢記注官二十二員日直記載  
俱係會同校閱凡九卿官員所奏之事從無私  
自繕寫送進史館記注之例如有繕寫送進者  
必進呈

御覽方敢載入

起居注向來定例如此奉

旨著仍照舊例○又編修勵杜訥奏

皇上點閱綱鑑大全綱目全編二書自康熙二十四年  
三月起至康熙二十五年十二月而竣臣恭侍  
左右仰見

睿照精深參指詳切凡歷代興衰昔人得失一經

聖諭煥若典謨大義標新動關建極綏猷之至計片語

居要必殫格物窮理之精思所有記注

聖諭伏望頒付史館宣示來茲以發涑水所未詳補紫

陽之弗逮得

旨嘉獎○雍正二年奏准向來

起居注僅記每日

聽政時折本所降

諭旨殊為簡略嗣後各衙門奏事所奉

諭旨除尋常事件不載外其有關

訓勵獎勵事務重大者令各衙門於月終詳錄事由月

日送館編纂○六年奏准八旗具奏及補授官

職事宜並移送

起居注館以便記載○七年奏准各省題奏本章

俱增寫揭帖一通送

起居注館記注後移交內閣收存

欽定大清會典事例卷一千五十六

起居注

職掌 典禮侍班

典禮侍班。凡祭祀

閱祝版香帛俱於祭前一日冬至

南郊孟春上辛

祈穀孟夏

常雩三大祀

御太和殿記注官蟒袍補褂冬至上辛立於殿中間

門外檐西柱下東嚮

北郊

太廟

社稷

日壇

月壇

歷代帝王

先師

先農均

御中和殿記注官常服補褂歲暮旦前三日應服蟒袍期

內亦用蟒袍立於殿中間門外檐西柱下東嚮

太和殿班俟祝版香帛出

殿門太常寺官奏禮成祝版下階

皇帝升輿乃退

中和殿班俟祝版出

殿門太常寺奏禮成時記注官趨下西階仍排班

東北嚮立俟

皇帝升輿轉入殿東然後退。冬至祀

天於

圓丘祀日第二成

黃幄次設

皇帝拜位北嚮記注官朝服立於第三成階下神道

之西東嚮若上辛

祈穀祀日

殿門內正中設

皇帝拜位記注官朝服立於檐外西階前東嚮孟夏

常雩與冬至

圓丘禮同。夏至祭地於

方澤祀日第二成

黃幄次設

皇帝拜位南嚮記注官朝服立於第三成階下神道

之東西嚮。○春秋祭

社稷祀日。內壇北門外正中設

皇帝拜位。南嚮。記注官朝服立於壇門東。接福胙侍

衛二員之次。西嚮。祈雨祈晴報謝侍班。儀同。○

元旦祭

堂子。滿洲記注官二員隨往。立於門外。北嚮。

太廟時饗

大禘祀日

前殿門內正中設

皇帝拜位。北嚮。記注官朝服立於西階上。東嚮。

日壇祀日

皇帝入壇。左門升西階設

皇帝拜位。東嚮。記注官朝服立於壇門外之右。南嚮。

月壇祀日

皇帝入壇。右門升卯階設

皇帝拜位。西嚮。記注官朝服立於壇門之左。北嚮。○

歷代帝王廟祀日

殿門內正中設

皇帝拜位。記注官朝服立西階上。東嚮。○祭

傳心殿

皇帝至文華殿門內。東門降輿。由殿垣西門入

景行中門。升中階進

殿中門。記注官補服立

殿門外之西。南嚮。○釋奠於

先師孔子。恭遇

皇帝親詣行禮。記注官朝服立於西階上。東嚮。○

皇帝謁

列聖

列后

陵寢屆期。記注官暨各官等。咸更長袍褂詣

陵門外。記注官入。立於

隆恩殿西北隅。琉璃花門前階下之西。東嚮。如無琉璃

於殿北牆西東嚮禮成。仍易行衣。扈

駕出

陵

隆恩殿大饗

皇帝朝服行禮。記注官服蟒袍補褂侍班

皇帝拜位設

隆恩殿門內者。則記注官立於丹墀上。如設殿門外者

則記注官立於丹墀下。均東嚮。謹案恭遇皇帝謁前代陵

寢向例記注官不侍班嘉慶九年  
湯山編前明長陵持命起居注官侍班  
後行禮記注官立於案前東階○恭遇  
臨雍大典先釋奠於

先師記注官朝服將事如上丁釋奠儀禮畢

御彝倫堂

皇帝更袞服各官更蟒袍補褂趨集

辟雍殿南分東西班立

辟雍殿豫陳

御覽講章於正中案上書左經右其進講副本則陳  
書於左案陳經於右案

皇帝升座記注官入立於殿內西南隅東嚮各官聽

贊行二跪六叩禮畢退復東西班原位立鴻臚

寺官分引進講官以滿漢大學士二人為進講官由南

橋升入左右門各就位立

賜進講官坐就位各一叩坐贊進講滿漢大學士以

次進講四書

皇帝宣御論各官跪聆畢滿漢祭酒以次講經

皇帝宣御論各官跪聆亦如之畢進講官退就橋南

聽贊行三跪九叩禮畢進講官仍由左右門入

就位

賜坐進講官記注官皆跪一叩興

賜茶跪一叩興○

耕藉

皇帝親祀

先農記注官朝服立於壇下之西東嚮禮成

皇帝至具服殿更龍袍袞服記注官咸更蟒袍補褂

皇帝親詣藉田行

躬耕禮畢

御觀耕臺升座南嚮記注官於臺西升階侍立東嚮

○三大節

皇帝御太和殿是日掌院學士詹事少詹事侍讀侍

講學士滿漢各一員暨記注直班官四員咸朝

服於五鼓集

起居注館昧爽咸詣

中和殿學士等立甬道東記注官立甬道西俟

皇帝先御中和殿偕內大臣侍衛內閣禮部都察院

諸執事人員先行禮畢侍班之掌院學士詹事

少詹事侍讀侍講學士由

太和殿後東門趨出至殿外東檐第三柱下立西

嚮記注官由

|                       |                |            |     |     |        |       |  |                                      |          |                      |             |                  |                     |                   |                      |              |
|-----------------------|----------------|------------|-----|-----|--------|-------|--|--------------------------------------|----------|----------------------|-------------|------------------|---------------------|-------------------|----------------------|--------------|
| 太和殿後西門趨出至殿內西楹第三柱下立東嚮。 | 皇帝升座諸臣於丹墀下行禮畢。 | 賜王公大臣茶時記注官 | 賜坐。 | 賜茶。 | 駕還宮乃退遇 | 冊封及常時 | 升殿侍立儀同謹案舊制三大節皇帝先朝乾<br><small>清門俟 慈寧門外西立東嚮俟 永康行</small> | 禮畢同宮趨至中和殿如恭逢<br><small>萬壽聖節。</small> | 皇帝駐蹕圓明園。 | 御正大光明殿記注侍班官四員升西階立於殿外 | 西嚮東嚮掌院學士詹事及 | 內廷行走暨兼記注官諸員俱立丹墀下 | 出入賢良門內不兼記注官之學士庶子以下官 | 立門外咸蟒袍補褂隨班恭祝惟侍班官俟 | 駕還降階偕內大臣侍衛禮部樂部都察院諸執事 | 人員行三跪九叩禮乃退若在 |
|-----------------------|----------------|------------|-----|-----|--------|-------|--|--------------------------------------|----------|----------------------|-------------|------------------|---------------------|-------------------|----------------------|--------------|

|      |                      |        |       |                      |      |                     |         |             |                      |                    |   |             |                      |   |          |                  |                     |         |                     |
|------|----------------------|--------|-------|----------------------|------|---------------------|---------|-------------|----------------------|--------------------|---|-------------|----------------------|---|----------|------------------|---------------------|---------|---------------------|
| 避暑山莊 | 御澹泊敬誠殿扈從之翰詹官記注官咸蟒袍補褂 | 侍班叩祝儀與 | 圓明園同。 | 皇帝御門是日記注官四人編修檢討四人偕科道 | 四人咸集 | 乾清門西階下記注官近階編修檢討次之科道 | 又次之咸東嚮俟 | 皇帝升座記注官升階立於 | 御座西介右扉之中東嚮編修檢討科道等以次當 | 階立各部院官奏事畢內閣學士升自東階啟 | 奏 | 折本時記注官移近立恭聽 | 玉音以俟記載及大學士內閣學士退記注官亦退 | 若 | 皇帝駐蹕圓明園。 | 御勤政殿則記注官編修檢討味爽偕詣 | 出入賢良門外屆期偕內閣學士各部院大臣等 | 由東門入東行至 | 勤政殿牆門外記注官暨侍班編修檢討咸依西 |
|------|----------------------|--------|-------|----------------------|------|---------------------|---------|-------------|----------------------|--------------------|---|-------------|----------------------|---|----------|------------------|---------------------|---------|---------------------|

角門牆下立俟

皇帝升座即隨侍衛等由西角門入趨進記注官升

右階二人入殿右門立門內二人立門外俱東

嚮編修檢討以次當階立俟奏事畢內閣學士

升階奏本記注官四人俱入

殿門內立東嚮敬聽旅退咸如前御門皆常服朝珠若逢五

逢十日仍用補褂惟月之三凡遇

經筵禮是日掌院學士講官侍班記注官偕大學士

九卿詹事聽講諸臣咸補褂偕詣

文華門翰林院辦事官奉講章恭陳

御案並設進講副本於講案皆書左經右侍班記注

官立西階下東嚮掌院學士講官同大學士九

卿詹事聽講諸臣立丹墀左右分班東西嚮俟

聖駕由後左門出左翼門至

文華殿丹陛上降輿入

升座記注官升西階入

殿右門立於中柱之西東嚮贊排班講官暨聽講

諸臣成就拜位北嚮立贊跪叩興行二跪六叩

禮畢鴻臚寺官一人引講官暨聽講諸臣分行

升自東西階滿洲講官由

殿左門之右漢講官由右門之左入立於東西楹

之南聽講諸臣分東西班立於講官之後西班則立

侍班記鳴贊贊進講滿漢直講官四人出班進

至講案前行一跪三叩禮興復位立滿洲直講

官一人出就案左北嚮展講章以清語進講四

書畢復位漢直講官一人趨至案左進講如之

皇帝宣御論諸臣跪聆畢記注官興滿洲直講官一

人趨過案右進講經書畢漢直講官一人出就

案右進講亦如之

皇帝宣御論諸臣跪聆均如前講畢鴻臚寺卿引講

官暨聽講諸臣出至丹墀各就拜位立鳴贊贊

行二跪六叩禮禮部堂官奏禮成

皇帝由文華殿後退

御文淵閣領閣事直閣事校理檢閱諸員於橋西排

班侍立講官記注官進至閣內列班

賜坐跪一叩興

賜茶跪一叩興禮畢

皇帝還宮

賜燕於

文華殿之東配殿講官暨聽講官記注官咸與燕

樂部奏抑戒之章燕畢詣

文華殿丹墀東行一跪三叩禮各退謹案班官皆經

補服講官則兼服蟒袍與他官異其進講先後行二跪六叩禮時侍班記注官仍於殿內侍立不隨○三大節及慶典受賀筵燕

御太和殿除夕筵燕暨公主釐降筵燕額駙

御保和殿上元節

圓明園筵燕外藩

御正大光明殿記注官燕席均設於

寶座西北隅在後扈大臣之西大臣外藩等之上雁

齒排列記注官蟒袍補服應穿貂褂時晨入立

於坐次祇候

皇帝升寶座

賜坐時行一跪一叩禮侍衛行酒至前及

特賜克食行禮亦如之燕畢大臣暨外藩等降階行

三跪九叩禮記注官仍起立於坐次俟

駕還宮乃退上元之夕

皇帝御山高水長觀火戲蒙古外藩王公大臣隨從

記注官侍幄外西立東嚮候

駕出然後退○恭遇

皇帝謁

陵寢暨

巡幸各處

起居注衙門奏請

欽派記注官滿漢全行開列

東陵用四員

永陵

福陵

昭陵

西陵及

巡幸各處俱用二員各衣行衣隨

行營黎明恭候

駕出宮門偕各衙門堂官於

宮門外之右左嚮侍班次第以品級為序侍出門班著行

兼佩素鞵

駕發後即隨行以備

召對若連日

駐蹕遇侍出門班如拈香之類仍衣行衣惟不著行

鞵儀同前若在

避暑山莊行宮恭遇

駕出麗正門仍偕各衙門堂官侍班



駕出他門不侍班。○文進士傳臚前一日讀卷官以前十卷進呈。

欽定甲第按名傳宣讀卷官帶領前十人引

見。

皇帝御乾清宮記注官常服於西階入門內立東嚮

次印

皇帝御太和殿翰詹堂官記注官皆朝服侍班如

升殿儀

殿試執事官行禮畢傳臚官臚唱三諸貢士行禮

畢金榜出

駕還宮記注官暨各官皆退新進士引

見如

御勤政殿記注官四員入右門內序立東嚮。○武進

士

殿試對策後復

御試於紫光閣先馬步射次技勇凡二日記注官常

服立西階下東嚮恭俟

皇帝升座東進趨數武侍班試技勇畢武進士引

見於

乾清宮記注官常服立於

乾清宮西門內東嚮及

御太和殿傳臚侍班儀均與文進士傳臚同。○秋讞

覆奏訖

皇帝御懋勤殿勾到記注官偕大學士軍機大臣刑

部堂官內閣學士等分班立於丹墀之西西面

皇帝升座大學士等升階入門咸北嚮跪記注官趨

過門中升階入門負北立南嚮末一人距門尺

許若

駐蹕圓明園

皇帝御洞明堂勾到俟

升座則隨大學士軍機大臣刑部堂官內閣學士等

後入門分南北各二人西嚮夾門立若

駐蹕避暑山莊

御行殿則務視其地以定侍立之準凡勾到時

皇帝東嚮惟

蹕途

御行幄則南嚮其日穿常服冬穿貂褂不挂朝珠惟

朝審勾到日咸服青褂。○

皇帝大閱屆期

駕出行宮入

御營

躬御甲冑。扈從王公大臣侍衛親軍咸環甲侍班。記

注官蟒袍補服豫於

御營前恭俟。

皇帝乘騎出。周視隊伍畢。還降騎。

御幄殿。記注官侍立於西階上。東嚮。俟鳴角開操。擊

鼓行陣。鳴螺。結隊徐還。

皇帝入御營後乃退。

皇帝御午門樓受儀。記注官立

午門樓上前楹之西。東嚮北上。

皇帝郊勞

御郊勞臺將軍以下以次行抱膝禮恭請

聖安。記注官立於階下之西。東嚮北上。

欽定大清會典事例卷一千五十七

詹事府

建置設官 兼銜

設官。順治元年置詹事府。設少詹事一員。

是年旋裁詹事府。其職掌統於內三院。九年

復置詹事府。設詹事一員。少詹事一員。主簿一

員。錄事二員。通事舍人二員。置左右春坊。設庶

子各一員。諭德各一員。中允各二員。贊善各二

員。置司經局。設洗馬一員。正字二員。俱漢員。令

內三院官兼之。專設滿洲詹事一員。掌府事。司

其印信。十五年

諭詹事府未有職掌。著暫裁。現任官另行補用。康熙

十四年。復置詹事府。設滿漢詹事各一員。滿漢

少詹事各二員。滿漢主簿各一員。滿洲錄事二

員。漢錄事三員。滿漢正字各二員。左右春坊設

滿漢庶子各一員。滿漢諭德各二員。中允各四

員。贊善各四員。司經局滿漢洗馬各一員。滿洲

筆帖式十員。內清文五人。漢文五人。三十一年。

命禮部尚書湯斌掌詹事府事。三十七年。裁滿洲少

詹事。右諭德左右中允左右贊善各一人。正字

錄事各二人。漢錄事一人。○三十八年。裁漢右中允。右贊善各一人。正字錄事各一人。筆帖式四人。內清丈二人。漢丈二人。○五十二年。裁漢右諭德。左中允。左贊善各一人。錄事一人。○乾隆十三年。裁漢少詹事一人。滿漢左諭德各一人。○十四年。

諭詹事府衙門事務簡少。其庶子等官俱設有左右員。缺惟左諭德滿漢二缺。則有左無右。於官制殊未畫一。所有左春坊左諭德滿漢員缺著裁去。其現任滿漢二員著該部照例以應補之缺奏請補用。○三十

六年議准。司經局正字一缺。係中書兼銜。並無專辦事件。將正字一官裁汰。○四十年奏准。中允係正六品。贊善係從六品。嗣後中允員缺由右轉左。將左右贊善按次具題升轉。○嘉慶二

年。諭詹事府衙門事務。嗣後均著翰林院掌院管理。○五

年。諭從前和坤管理翰林院掌院時。將詹事府衙門奏明歸入翰林院兼管。究非體制。嗣後詹事府京察及一切應辦事宜。翰林院掌院不必兼管。

兼銜。○順治九年定。詹事兼內院侍讀學士銜。少詹事兼內院侍講學士銜。諭德洗馬兼內院修撰銜。中允兼內院編修銜。贊善兼內院檢討銜。正字以內院中書舍人兼攝。○又定。滿詹事兼銜與漢官同。○十四年定。

經筵講官缺出。詹事少詹事左右庶子。由內三院開列具題兼充。○康熙九年。初置

起居注館。起居注官均兼

日講官。詹事以下坊局以上。皆得開列請

簡。以原官兼充。○十四年定。詹事府以下漢官仍照

例兼翰林院官銜。○又奏准

經筵講官缺出。詹事少詹事。由翰林院開列具題

兼充。○五十六年。停充

起居注官。○雍正元年。復設

起居注館。仍准兼充。○乾隆二十六年。奏准。嗣後

日講官缺出。將少詹事以下及俸深之編檢十

員引

見。○又奏准。詹事亦係應充講官之員。嗣後遇有缺

出。將詹事一體引

見○四十一年奏准。

文淵閣直閣事缺出滿漢詹事少詹事均由翰林院開列請

簡校理缺出庶子以下洗馬中允贊善均由翰林院題請以原銜兼充○五十四年

諭本日閱洗馬周瓊呈請代奏謝恩摺內有補授司經

局洗馬兼翰林院修撰字樣修撰係一甲一名進士專銜何用假借兼攝因思詹事府衙門自詹事庶子

中允贊善等官亦俱兼翰林院讀講學士侍讀侍講編修檢討等銜此係相沿前明舊例詹事等官既各

有專銜嗣後毋庸再兼翰林院虛銜以昭覈實○嘉慶元年翰林院掌院學士奏查講官缺出凡少

詹事讀講學士均由引見充補惟詹事職分較大向係指缺奏補節次辦理

在案但前此未經明立奏案相應恭請欽定奉

旨詹事府詹事准其照翰林院學士之例坐充日講起居注官著為令纂入會典

職事朝會侍班 編纂書史 集議

朝會侍班○恭遇

升殿滿漢詹事少詹事皆在

殿上序於翰林院掌院學士之次庶子以下各照

次序列於丹墀東常朝坐班庶子以下等官皆坐四品班充

日講起居注官坐三品班

皇帝御經筵滿漢詹事少詹事俱於

文華殿侍班

編纂書史○凡纂修

實錄

聖訓滿漢詹事例得請派充副總裁官少詹事坊局官

例得請派充纂修官各館纂修一應書史少詹

事坊局官皆預派充

集議○凡會議

朝審驗看孝廉方正等事滿漢詹事少詹事皆與

其會集時詹事坐於大理寺卿之次少詹事坐

於左右通政大理寺少卿之次○乾隆十八年

諭會典館進呈纂修詹事府會典則例多沿襲舊文未

加更定詹事乃東宮僚佐儲貳未建其官原可不設

第以翰林敘進之階姑留以備詞臣遷轉地耳古稱

建儲為國本大計朕酌古準今深知於理勢有所難

行載在史策者姑置勿論。即如理密親玉當

皇祖聖祖仁皇帝時

聖慈鍾愛初無間言。嗣以東宮既建狎昵匪人陷於失德。再致廢黜。其先所置宮寮何嘗非一時之選。如湯斌即所稱當代醇儒。然亦何裨萬一。蓋別立宮府則僚屬多人。賢否參雜。斷難保其不滋事端。夫以

皇祖之包含宏大尚迫於

宗社之重必不可容。可見建儲一事亦如封建井田。固不可行之近世也。是以

皇考鑒於前事默定

宸衷不事建儲分府。惟擇老成宿望大臣。如朱軾鄂爾泰福敏張廷玉蔡世遠等。勸讀內廷

聖謨深遠

慈覆如天朕繼承以來恪遵

家法。今皇子等讀書內廷亦惟慎簡師傅。俾之薰陶德性。讀習經書。日有程課。其視出閣就傅有名無實者。相去為何如耶。要之豫教固所當重。實亦存乎其人。此則

蒼穹之敷佑

宗社之貽庥。景運靈長。有非人力所致者矣。會典載春

秋進講。虛文瑣節。甚為無謂。又如皇太子賀箋。論體制當由內閣撰擬。乃由詹事府頒發。此亦前明坊局。閒曹借以招事示權已耳。果爾則

皇太后皇后賀箋亦當由內務府頒發耶。此皆沿襲之謬。著該總裁官改正進呈。

欽定大清會典事例卷一千五十八

太常寺

官制 設官 職掌 除授

設官○原定太常寺設正三品卿滿洲一人漢一人正四品少卿滿洲一人漢一人正六品滿洲寺丞一人漢左右寺丞各一人其所屬典簿廳設正七品典簿滿洲一人漢一人又四品滿洲贊禮郎十有六人正九品漢贊禮郎十有六人五品滿洲讀祝官四人正七品博士滿洲一人漢軍一人漢一人孔氏世襲一人筆帖式滿洲十有八人漢軍二人滿洲司庫一人轄庫吏二人乾隆十一年又神樂觀設正六品漢提點一人從八品漢左右知觀各一人正八品漢協律郎五人從九品漢司樂二十六人又祠祭署設滿洲守

壇

廟官四品二人五品十有一人六品十有八人滿奉祀五人漢祀丞五人其朝月壇祀丞二人從祀又犧牲所設漢所牧所副各一人○順治二年增設滿洲讀祝官八人○十六年改滿洲贊禮郎為九品○康熙四年改滿洲贊禮郎為六品○六年

改滿洲贊禮郎為五品○九年復定滿洲贊禮

郎與讀祝官俱為正九品○十年以禮部滿洲

讀祝官二人改隸太常寺○又增設額外滿洲

讀祝官二人○十一年改犧牲所漢所牧所副

為八旗漢軍缺○二十四年改犧牲所漢軍所

牧所副為八旗滿洲缺○三十八年裁漢贊禮

郎二人滿洲筆帖式九人漢軍筆帖式一人神

樂觀協律郎一人漢司樂二人○雍正元年

聖祖仁皇帝神牌升配

郊壇增設漢贊禮郎二人神樂觀漢協律郎一人漢司

樂二人○又定

簡派大臣一人總理太常寺事務○又增設庫使二

人○十一年因

太廟大祀詳備典禮增點香之儀需用官員較前更多

再增設滿洲贊禮郎八人○又奏准額外讀祝

官二人定為額設○十二年裁犧牲所滿洲所

副一人增設漢所牧一人○乾隆元年議准滿

洲贊禮郎讀祝官俱為七品用六品頂戴○二

年

世宗憲皇帝神牌升配

郊壇增設漢贊禮郎二人。神樂觀漢司樂三人。○七年

定。樂部侍從等官。以太常寺等衙門官兼充。○

九年。裁漢贊禮郎四人。神樂觀漢司樂六人。○

十三年。改寺丞為屬官。○十四年奏准。以禮部

滿洲尚書兼管太常寺事務。○二十年。改神樂

觀為神樂署。提點為署正。知觀為署丞。○二十

六年。裁滿洲暨漢所牧各一人。○三十七年。於

太常寺贊禮讀祝官內揀選二人。改補鑿儀衛

鳴贊鞭官。○四十年。增設額外學習九品滿洲

贊禮郎讀祝官各二人。○四十六年。增設委署

滿洲贊禮郎五人。讀祝官三人。○嘉慶四年。

高宗純皇帝神牌升配

郊壇增設滿洲贊禮郎二人。讀祝官一人。神樂署漢司

樂二人。○道光元年

仁宗睿皇帝神牌升配

郊壇增設滿洲贊禮郎二人。讀祝官一人。神樂署漢司

樂二人。○咸豐二年。

宣宗成皇帝神牌升配

郊壇增設滿洲贊禮郎二人。讀祝官一人。神樂署漢司

樂二人。○光緒六年。增設宗室學習贊禮郎四

人。讀祝官三人。○十三年。增設滿洲寺丞一人。

職掌。○原定。太常寺專司

壇

廟大祀及中祀羣祀一應典禮。凡祝版樂舞牲帛器用

備辦陳設之事。與齋戒之期。贊相之節。皆掌之。

○又定。太常寺卿。以禮部滿洲尚書總統之。或

欽派大臣兼管。凡祭恭遇

皇帝親詣行禮。對引以禮部滿洲堂官充。如值禮部

堂官或奉

特旨出差。則咨取曾經對引大臣及各部院滿洲尚

書左都御史侍郎內閣學士等職名。前期開列

奏請

欽派。凡進呈禮節。惟

親詣行禮。則會同樂部堂官。而列其銜於本寺堂官

之後。餘如進

閱祝版

御齋宮各禮節。止列本寺堂官之銜。寺丞掌祭祀派

委執事與挑選讀祝贊禮等官。並三年京察考

勤保送人員。咨送職名。每月關支公費雜項飯

銀及本寺官員輪往

圓明園直班等事。典簿掌齋戒及陳設祭器祭品。牲隻並管轄。

壇

廟官署官樂舞執事生及充補內監書吏廚役阜隸關支俸米支放各項錢糧等事。贊禮郎讀祝官。掌唱贊禮儀並酌派恭請。

神

神牌司爵帛香燭安鑪蓋及安拜牌拜褥等事。博士。掌題奏事。付祝文禮節。並邊豆果品米麵菜蔬牲隻支銷銀兩及咨取祭日執事官員職名更換馬甲等事。筆帖式。掌奏稿文移等事。○又定神

樂觀提點知觀及協律郎。掌樂章音律。司樂。掌祭祀禮儀樂舞及司香帛爵壺等事。並派領祭器品物牲隻分住各廟宇司典守及掃除之事。

祠祭署守

壇

廟四五六品官及奉祀祀丞。掌守

廟

各七人。天。漢奉祀祀丞各一人。地壇滿洲五品官各一人。六品官各二人。五品官各一人。太廟滿洲四品官一人。六品官各一人。朝。社稷壇滿洲五品官一人。夕。先農壇奉祀祀丞各一人。交。儀牲所所牧所。日。月壇漢祀祀丞二人。

論

副。掌牲畜牧養之事。凡祭祀前期一月擇吉。太常寺官羣詣神樂觀南之司牲祠而祭。司犧牲之神。○雍正十二年奉准。犧牲所增漢所牧。協同滿所牧辦理所務。由太常寺堂官委博士五日一次赴所點驗。堂官仍不時稽查。如有侵蝕錢糧及洗滌失宜者。即行參究。如徇庇容隱。併議處。所牧果能實心辦事。咨部具題議敘。○乾隆二十六年定。犧牲所改歸內務府慶豐司管理。○嘉慶十二年

天壇齋宮

向係太常寺管理。僅派奉祀壇戶在內照料。不足以昭慎重。嗣後著交奉宸苑管理。除授。○原定。太常寺堂官內。曾充贊引典儀讀祝者。雖經升任別衙門。仍得專摺奏請兼原衙門職銜行走。不開缺。○又定。太常寺寺丞員缺。於贊禮郎讀祝官及博士典簿內揀選熟練之員。保題引見補授。滿洲典簿博士員缺。凡吏部咨取之同知通判。戶部咨取之司庫。均得揀選保送。滿洲贊禮郎讀祝官員缺。移咨吏部轉行八旗。於滿洲蒙



古筆帖式廕生監生前鋒親軍內不拘年限保送揀選豫期。

欽派大臣會同本寺每一缺揀選四人由本寺帶領引

見補放。○康熙四十年奉

旨。贊禮郎員缺嗣後著該旗將護軍校驍騎校護軍令其唱贊。選聲音洪亮者具奏。○雍正元年奉准。

盛京禮部贊禮郎讀祝官員缺將庫使一併揀選錄用。○又定。

盛京讀祝官員缺由本處八旗贊禮郎員缺由本

處本翼四旗筆帖式廕監生庫使官學生內揀選令其讀贊擬定正陪移咨太常寺引

見補用如此內又不得人讀祝官行取在京八旗贊禮郎行取在京本翼選擬正陪引

見補授。○七年奉准太常寺贊禮郎讀祝官員缺照盛京禮部之例庫使一併與選。○又奉准滿洲所

牧所副在任五年稱職由寺保題交該旗以應升之缺升用如屬平常奏明撥回本旗備有疏

忽即行題奏。○十年奉旨太常寺滿寺丞員缺交與該堂官於應升人員內揀

選熟練之人引見。○十三年奉准太常寺庫使三年

任滿照戶工二部之例暫停考試仍留三年果能勤慎辦事遇有本寺筆帖式缺出按次題補

如行走怠惰即行咨革嗣後新用庫使以補官日為始五年期滿分別等第照例考覈。○乾隆

元年奉准盛京禮部贊禮郎讀祝官六年期滿由太常寺行

文詢問若願來京者即與陵寢之贊禮郎讀祝官一例轉用太常寺贊禮郎讀祝

官如有願在盛京者聽。○又議准太常寺贊禮郎等官由護軍

校驍騎校補放者俱係六品職銜由八品筆帖式監生補放者俱係八品職銜由無品級筆帖

式庫使前鋒護軍補放者俱係九品職銜嗣後改照掌儀司贊禮郎之例不論由何項人員補

放俱定為七品職銜六品頂戴。○二年奉准滿洲舉人貢生一體揀選贊禮讀祝等官。○二十

年奉旨向來揀選贊禮郎等官新滿洲烏喇齊等皆不與伊

等國語純熟字音準切將伊等揀選尚屬合宜著交

該衙門嗣後揀選贊禮郎等官。將東三省新滿洲烏喇齊一併揀選。二十一年議准。太常寺贊禮郎讀祝官缺出。由文武官員兵丁拜唐阿及生員官學生監生內。揀選聲音洪亮者。帶領引

見補放。如係由文武官員補放者。仍兼原職行走。二十八年奏准。太常寺漢寺丞協律贊禮司樂奉祀等官。共五十五員。向由樂部王大臣驗看補放。嗣後遇有漢寺丞缺出。該管王大臣詳慎揀選。擬定正陪。帶領引

見補放。奉祀等官缺出。各該管王大臣繕摺奏補。又定。漢寺丞員缺。由協律郎贊禮郎補放。協律郎員缺。由贊禮郎司樂。贊禮郎員缺。由司樂。奉祀員缺。由祀丞。署正員缺。由署丞。各如例。由該管王大臣揀選補放。司樂祀丞缺出。由樂舞生拔補。三十年覆准。嗣後太常寺揀選

壇

廟五六品官。本衙門行走人員內。有曾經出兵宣力者。按其行走日期。擬定正陪。咨送吏部補放。如無行走年久及出兵宣力者。於應升人員及降級調用人員或印務筆帖式內。論俸揀選咨送。

三十一年議准。向例太常寺挑選贊禮郎。由本衙門自行挑選。帶領引

見補放。嗣後改照吏兵二部揀選之例。遇有贊禮郎缺出。由本衙門奏請御前大臣或部院大臣。會同詳慎揀選。擇其聲音清亮。舉止安詳者。帶領引

壇

見補放。仍由本衙門堂官。不時嚴加演習教導。三十三年覆准。太常寺看守

天壇

廟官共三十一員。內四品官缺出。作為公缺。於

地壇

太廟

社稷壇五品官十一員內。視其年久勤慎。曾在軍營效力者。揀選正陪。其五品官缺出。亦作為公缺。於

天壇

地壇

社稷壇六品官十八員內。揀選正陪。均咨送吏部引

見補放。所遺六品官員缺。由各該旗選擬正陪。咨送驗看補用。又議准。

天壇

地壇

社稷壇太常寺五品官各一缺專以各

壇六品官升補。

太廟五品官八缺以各

壇六品官與京察考試休致三四品京堂及翰詹郎中

員外郎等官分缺輪流開用仍由太常寺選擬

正陪送部引

見補放。○三十五年奏准。

天壇

地壇奉祀。向由祀丞揀補。如無熟練之員。於樂舞生內

揀選補放。○三十六年議准。太常寺少卿鴻臚

寺卿缺出。由各該衙門於年久熟習禮儀之贊

禮郎等官內。秉公揀選保題。咨送吏部。入於應

升人員之末。帶領引

見請

旨簡用。○又覆准。嗣後咨取撫民同知通判。除由護

軍等項出身之讀祝官替禮郎鳴贊等。仍照定

例毋庸保送外。其由監生挑補之讀祝官替禮

郎鳴贊及各衙門小京官。凡遇咨取撫民同知

通判時。令該堂官先儘京察一等人員保送。儻

無一等之員。或有能通文義。辦事明白。歷俸三

年以上者。亦准其一體保送。如無歷俸已滿三

年之員。任缺毋濫。○三十七年奏准。於太常寺

等衙門替禮郎鳴贊等官內。揀選四員。兼鑾儀衛

鳴贊鞭官行走。○三十八年奏准。

先農壇奉祀。向例由祀丞揀補。如祀丞內無熟悉之

員。即由司樂內揀放。○四十年奏准。太常寺額

設贊禮讀祝等官共三十二員。內除揀補鑾儀

衛鳴贊鞭官二員。尚有贊禮讀祝等官共三十

員。每逢祀事。各有執掌。如遇偶有事故懸缺。即

不敷用。嗣後於正缺之外。添設額外九品贊禮

讀祝各二缺。仍食原錢糧。在寺學習行走。如遇

贊禮讀祝等官缺出。即將學習人員與八旗應

批官員兵丁。一同帶領引

見補授。如學習人員。有聲音改變行走平常者。即咨

回原處當差。○四十六年議准。太常寺額設贊

讀官員。每逢祀事不能敷用。不得不於漢贊禮

郎及筆帖式內。派委執事。而漢贊禮郎於禮儀

未能嫻習。筆帖式品級卑微。於體制未為允協。

嗣後添設委署贊禮讀祝八員。與額外學習之九品贊禮郎讀祝官四員。一律學習行走。遇有贊禮郎讀祝官缺出。一體揀選。○又定。太常寺學習贊禮人員。俟滿三年。甄別帶領引

見奉。

旨准其留寺行走者。遇有贊禮官缺出。按年滿日期。

先儘補用。○又定。太常寺贊禮郎缺出。先儘

陵寢贊禮郎之親老改補者補用一人。再將本寺學習

贊禮郎期滿奏明留寺者補用一人。○五十九

年奏。太常寺鴻臚寺贊禮等官缺出。由本寺揀

先揀選一次。擇其聲音好者。會同

欽派大臣揀選。奉

旨。此不必仍交該衙門。著交八旗。將應選贊禮郎之人。

該都統揀先揀選一次。唱贊好者列名以備揀選。○

嘉慶四年奏准。凡

陵寢贊禮等官。因親老改補太常寺贊禮缺者。照漢員

終養之例。俟養親事畢。仍回原處。遇有缺出。即

行補用。如果禮儀嫻熟。唱贊合宜。由本寺帶領

引

見奏留。恭候

欽定。○五年議准。贊禮郎讀祝官缺出。學習期滿人員不敷補用。於未滿三年人員內。揀選熟練之人。列於已滿三年之後。一體引

見如蒙

簡放。作為題署。先給予六品頂戴。仍俟扣滿三年。咨

部實授。方准食俸。○又議准。太常寺贊禮郎等

官保送少卿。應自補放贊禮郎等官之日起。歷

俸十年以上。曾經京察一等者。始准保送。其由

寺丞保送者。亦由贊禮郎計俸。至一等人員。例

得保送理事撫民同知通判等官。止應擇其才

具明晰之員。保送外任。其唱贊好而禮儀嫻熟

者。酌留本寺。以備保送京堂之選。○又議准。太

常寺少卿鴻臚寺卿。由贊禮郎等官保送

簡用者。俟扣滿三年後。遇有應升缺出。始得照常開

列。○十五年奉

旨。太常寺奏請增添學習贊禮等官一摺。著照所請。在

其添設學習贊禮郎三員。學習讀祝官三員。此項學

習人員。除係護軍領催拜唐阿等挑補者。各照例給

予原餉外。其由候補筆帖式挑補者。准給予護軍錢

糧。由監生生員官學生挑補者。准給予馬甲錢糧。遇

有該旗護軍馬甲缺出。即行坐補。○道光三年

諭。向例各衙門應題缺出。先儘京察一等人員題升。如

一等無人。再由二等人員內揀選。此次太常寺寺丞

缺出。除讀祝官福康例應擬正外。該衙門現有筆帖

式恩慶。係保列一等之員。自當將該員擬陪。該堂官

以恩慶非替讀出身。因將二等之讀祝官善祥擬陪。

實與定例不符。所有太常寺寺丞一缺。著該堂官仍

照例將一等之福康恩慶擬定正陪。帶領引見。所請

以善祥擬陪之處。著不准行。○又議准。學習贊禮郎

讀祝官缺出。宗人府揀選閒散宗室十人。咨送

太常寺。與旗人一體挑選。仍食本身養贍錢糧。

在太常寺學習當差。其應升應補。亦照旗人一

體辦理。○八年

諭。太常寺讀祝贊禮各官。豫備祭祀差事。典禮攸關。必

須慎加遴選。昨太常寺帶領引見人員內。該衙門學

習讀祝官英威等。尚可錄用。其盛京禮部咨送補放

贊禮郎讀祝官所擬正陪各員。均屬平常。因其遠來

引見。姑准補授。嗣後盛京等處咨送贊禮郎等缺。並

在京欽派揀選各大臣太常寺堂官。遇有揀選。及擬

定正陪人員。務須秉公認真。擇其唱贊較優者入選。

帶領引見。不得以生疏之員。濫行充數。如草率從事。漫不經心。引見時經朕指出。必將揀選保列之大臣。懲處不貸。○十三年

諭。昨因

太廟五品官缺。輪用休致人員。經太常寺擬定正陪。由

吏部帶領引見。朕見擬正之海興阿。步履維艱。幾至

不能起跪。已將擬陪之豐伸祿補放矣。此項人員。雖

例以休致各員。開缺補用。惟

壇

廟地方。均有稽查守護之責。亦必精力未衰。拜跪如常

者。方可勝任。嗣後遇此等缺出。輪用休致人員時。著

太常寺堂官詳慎揀選。不得以衰頹之員。濫行保送。

○光緒十三年奏准。添設正六品滿洲寺丞一

員。將來揀選補放。保送升轉。均照原設之滿洲

寺丞例。一律辦理。

欽定大清會典事例卷一千五十九

太常寺

承事 樂舞生 守護內監 守護戶從 廚役 機柱所所軍

樂舞生。原定太常寺神樂觀設樂生一百八十名。文舞生武舞生各一百五十名。執事樂舞生九十名。其缺由本觀提點知觀及協律郎贊禮郎司樂奉祀祀丞等官家內道童及承充樂舞生家之道童內挑選充補。又定太常寺官半神樂觀協律郎等以樂舞之儀教習樂舞生。遇有祭祀前一日試演於

天壇壇外迤西之凝禧殿。又定。

天壇用樂舞生二百五十九名。如遇祭告。

皇帝親詣行禮用三十八名。遣官行禮用二十八名。祈穀壇用二百三十五名。

地壇用二百四十七名。祭告用二十六名。

太廟用二百六十七名。祭告用二十六名。或專祭一殿用十有七名。或十有五名。

社稷壇用二百二十七名。祭告用十有八名。

日壇用二百三十一名。

月壇用二百三十五名。

歷代帝王廟用二百八十三名。

先師廟用一百四十名。

太歲殿用二百三十二名。

先農壇用十有八名。如耕藉。

皇帝親詣行禮用二百二十二名。

先醫廟用二十四名。

真武廟用四名。

東嶽廟

城隍廟

關帝廟

火神廟與

司土

司工之神及武壯王祠各用三名。祀

礮神用八名。又定樂舞生冠服。

天壇執事樂舞生服藍鑲邊青緞袍。武舞生與執旌節

樂舞生服青緞銷金花袍。文舞生與執旌節樂

舞生焚香樂舞生服青緞補袍。補用素繪葵花

祈穀壇執事樂舞生服藍鑲邊青羅袍。武舞生服紅緞

銷金花袍。文舞生樂生焚香樂舞生服紅緞補

袍。

|                           |                        |                         |                  |   |  |       |  |  |                                 |                       |
|---------------------------|------------------------|-------------------------|------------------|---|--|-------|--|--|---------------------------------|-----------------------|
| 地壇執事樂舞生服藍鑲邊青緞袍。武舞生服青屯絹補袍。 | 銷金花袍。文武生樂生焚香樂舞生服青屯絹補袍。 | 太廟執事樂舞生服青羅袍。武舞生服紅緞銷金花袍。 | 文舞生樂生焚香樂舞生服紅緞補袍。 | 社稷壇執事樂舞生服藍鑲邊青羅袍。武舞生服紅羅銷金花袍。文舞生樂生焚香樂舞生服紅羅補袍。 | 日壇執事樂舞生服藍鑲邊青羅袍。武舞生服藍鑲邊紅羅銷金花袍。文舞生樂生焚香樂舞生服 | 紅羅補袍。 | 月壇執事樂舞生服藍鑲邊青羅袍。武舞生服月白羅銷金花袍。文舞生樂生焚香樂舞生服月白羅補袍。 | 歷代帝王廟執事樂舞生服青絹袍。武舞生服紅羅銷金花袍。文舞生樂生焚香樂舞生服紅羅補袍。 | 先師廟執事樂舞生服青絹袍。文舞生樂生執旌節樂舞生俱服紅緞補袍。 | 太歲殿執事樂舞生服青絹袍。武舞生服紅雲緞銷 |
|---------------------------|------------------------|-------------------------|------------------|---|--|-------|--|--|---------------------------------|-----------------------|

|                       |                                  |   |   |   |                     |   |      |                                      |
|-----------------------|----------------------------------|---|---|---|---------------------|---|------|--------------------------------------|
| 金花袍。文舞生樂生焚香樂舞生服紅雲緞補袍。 | 先農壇執事樂舞生服月白鑲邊藍絹袍。焚香樂舞生服紅絹補袍。如耕藉。 | 皇帝親詣行禮。執事樂舞生服月白鑲邊青絹袍。武舞生服紅絹銷金花袍。文舞生樂生焚香樂舞生服紅絹補袍。 <small>註樂舞生服色。今改定。</small> | <small>日壇用赤。地壇用青。月壇用月白。餘俱用赤。執事及羅。如祭之日遇雨。用雨衣雨帽。其花樣如前制。又定樂舞各生每名月給銀三錢。</small> | 九釐。米三斗三升。每斗折銀一錢三分。遇閏增給。按季咨行戶部關支。又改定。凡大祀中祀均用樂生七十四人。文舞生武舞生各六十四人。惟 | 先師廟用樂生五十二人。文舞生三十六人。 | 圓丘用司鐘樂舞生十有八人。執事生十有二人。典守金玉香帛及司尊爵香帛執事生二十四人。 | 雩祀同。 | 祈穀用司鐘樂舞生十有六人。執事生十人。典守金玉香帛及司尊執事生十有二人。 |
|-----------------------|----------------------------------|---|---|---|---------------------|---|------|--------------------------------------|

|   |                                     |                      |   |                        |                               |        |               |                            |  |                                  |                |                |
|---|-------------------------------------|----------------------|---|------------------------|-------------------------------|--------|---------------|----------------------------|--|----------------------------------|----------------|----------------|
| 方澤用司鑪樂舞生二十四人。執事生六人。典守金玉香帛及司尊爵香帛執事生三十五人。 | 太廟大禘用司鑪樂舞生四人。司尊爵香帛執事生四十一人。時饗增執事生二人。 | 社稷壇用司鑪樂舞生十人。司尊執事生四人。 | 日 | 月壇均用司鑪樂舞生十有六人。司尊執事生二人。 | 歷代帝王廟用司鑪樂舞生十有六人。司尊爵香帛執事生二十八人。 | 皇帝親釋奠於 | 先師。增用司尊執事生四人。 | 先農壇用司鑪樂舞生八人。執事生八人。司尊執事生二人。 | 先蠶壇遣官用司鑪樂舞生二人。執事生八人。司尊執事生二人。 <small>樂生詳內務府</small> | 太歲殿用司鑪樂舞生二人。司尊爵香帛及奉福胙接福胙執事生十有八人。 | 先醫廟用司香帛爵執事生十人。 | 顯佑宮用司香帛執事生各二人。 |
|---|-------------------------------------|----------------------|---|------------------------|-------------------------------|--------|---------------|----------------------------|--|----------------------------------|----------------|----------------|

|                 |                        |                 |                 |  |                    |  |  |   |
|-----------------|------------------------|-----------------|-----------------|--|--------------------|--|--|---|
| 大神廟用司尊香帛爵執事生二人。 | 都城隍廟用執事生四人。司尊香帛爵執事生二人。 | 東嶽廟用司尊香帛爵執事生二人。 | 關帝廟用司尊香帛爵執事生四人。 | 礮神用司尊香帛爵執事生十有二人。昭忠祠用司尊香帛爵執事生五十四人。賢良祠用司尊香帛爵執事生四人。雙忠祠用司尊香帛爵執事生二人。各功臣專祠司尊香帛爵各執事生二人。祇告 | 傳心殿用司尊執事生三人。○順治十五年 | 諭。祭祀關繫大典。必供事人員通曉嫻熟。始克肅將誠敬。近見太常寺樂舞生聲容儀節多有未諳。皆該衙門平日教演不精。以致如此。今後須責令勤加肄習。務俾精通。不得仍前玩忽。爾部即遵諭嚴行申飭。○乾隆三年 | 諭。太常寺樂舞生係供應祭祀之人。所得米雖足食用。但每月領銀三錢九釐。不敷用度。嗣後每人著月給銀六錢。○七年定。各 | 壇 |
|-----------------|------------------------|-----------------|-----------------|--|--------------------|--|--|---|



廟額設樂生一百八十名。每名月給銀一兩。米三斗三

升。舞生三百名。執事生九十名。每名月給銀四

錢。米三斗三升。遇閏各增給米三斗三升。每米

一斗折銀一錢三分。分四季咨行戶部關支。照

例給發。其應得銀米。未經給領以前。遇有事故

扣留。於下季應領銀內聲明數抵。如在領放以

後。雖遇事故。毋庸扣繳。至拔補承充。另行戶部

計日補放。樂舞生在

內城隍廟演習樂章。所需雜費。月給銀六兩。於支

領錢糧時一併造冊移取。○十六年奏准。樂舞

生袍帶。交內務府辦理。其鞞帽。交太常寺照例

辦理。○十七年奏准。樂舞生袍服。向例承應

太廟祭祀者。十年更換一次。承應各

壇各

廟者。至二十年更換一次。按袍服有青赤黑月白之

別。不能通用。至鞞帽並無分別。嗣後增添皮帽

布鞞一分。共為二分。遇有祭祀通用。自成造之

年起。每閱五年查驗一次。果有損壞者。隨時更

換。其換存鞞帽尚有可用者。留存本寺。以備中

祀羣祀之用。不堪用者。交內務府造辦處辦理。

○三十三年定。旌勇祠用司尊香帛爵執事生

二人。○四十五年定。睿忠親王祠用司尊香帛

爵執事生二人。○嘉慶二年定。獎忠祠用司尊

香帛爵執事生二人。○六年定。

文昌廟用司尊香帛爵執事生四人。○十一年定。褒

忠祠用司尊香帛爵執事生二人。○咸豐三年

議准。

關帝廟升入中祀。應用樂舞生。悉照

歷代帝王廟辦理。○六年議准。

文昌廟升入中祀。用文舞生三十六名。樂生與

關帝廟同。

守護內監。○順治初年定。設守護

壇

廟內監。屬太常寺管轄。

太廟首領內監一名。內監二十九名。

社稷壇首領內監一名。內監九名。○康熙二十五年。增

設守護

傳心殿首領內監二名。內監八名。○又定。凡首領

內監。每名每月給銀三兩。內監每名每月給銀

二兩。俱歲給米十六斛。分四季咨行戶部關支。又

冬季每名每月給煤百斤。炭十斤。煤一斤折銀一釐八毫。炭一斤折銀五釐。亦咨行戶部關支。遇閏按例加增。又冬月各給布面羊裘禦寒。

太廟內監十件。

社稷壇與

傳心殿內監各三件。由工部關支。五年一次更換。

○乾隆七年。裁守護

太廟內監九名。守護

社稷壇內監五名。守護

傳心殿首領內監一名。內監四名。所有三處原設

之首領內監三名。每名每季各增給米五斛。歲給米凡三十六斛。○十八年定。守護

太廟

社稷壇

傳心殿三處內監。所有每年各季應給煤炭。俱減

半支給。○三十六年奏准。守護

社稷壇與

傳心殿。由神樂署於漢贊禮郎司樂內委派正副

各一人。執事主樂舞生四名。以原食俸餉供職。

所有原設守護

社稷壇與

傳心殿之首領內監各一名。內監各四名。俱行裁

汰。撥給外圍當差。○嘉慶四年奏。增設守護

太廟副首領內監二名。共定為首領內監一名。副首領

內監二名。內監二十名。奉

旨賞給首領內監七品頂戴。副首領內監八品頂戴。至

伊等所得錢糧等項。仍照舊例支給。毋庸加增。○道

光元年。增設守護

太廟內監二名。○咸豐二年。增設守護

太廟內監二名。○同治四年。增設守護

太廟內監二名。○光緒五年。增設守護

太廟內監二名。

守護戶役。○順治初年定。凡各

壇

廟所設守護之壇戶廟戶。俱由太常寺行文順天府。於

所屬各州縣內籤派民人充當。○大興縣十名。宛

良鄉縣三名。固安縣七名。永清縣五名。東安縣十有一名。香河縣四名。通州三名。三河縣四名。武清縣五名。寶坻縣六名。昌平州五名。順義縣九名。密雲縣三名。懷柔縣五名。涿州七名。房山縣三名。霸州二名。文安縣六名。大城縣三名。平谷縣一名。遵化州三名。玉田縣一名。豐潤縣五名。薊州二名。共咨取壇廟戶一百四十名。內分守護

|   |         |          |        |                                    |      |            |                        |                 |                        |                      |              |   |          |        |       |       |            |                       |                |
|---|---------|----------|--------|------------------------------------|------|------------|------------------------|-----------------|------------------------|----------------------|--------------|---|----------|--------|-------|-------|------------|-----------------------|----------------|
| 天 | 地壇各二十名。 | 祈穀壇十有五名。 | 日壇二十名。 | 月壇十有五名。 <small>從增二名。為十有七名。</small> | 先農壇與 | 歷代帝王廟各二十名。 | 都城隍廟十名。○又定。設神樂觀庫夫六名。守護 | 關帝廟廟戶五名。○又定。設守護 | 先師廟廟戶十三名。○雍正七年定。設守護昭忠祠 | 祠戶二十名。○十一年建賢良祠。設守護祠戶 | 二十名。○乾隆六年裁守護 | 天 | 地壇壇戶各二名。 | 祈穀壇一名。 | 日壇八名。 | 月壇五名。 | 歷代帝王廟廟戶八名。 | 都城隍廟四名。昭忠祠賢良祠祠戶各十名。又裁 | 神樂觀庫夫六名。○又增設守護 |
|---|---------|----------|--------|------------------------------------|------|------------|------------------------|-----------------|------------------------|----------------------|--------------|---|----------|--------|-------|-------|------------|-----------------------|----------------|

|    |                                |                   |          |   |                            |                       |   |                          |   |
|----|--------------------------------|-------------------|----------|---|----------------------------|-----------------------|---|--------------------------|---|
| 天壇 | 先蠶壇壇戶二名。由順天府籤派民人充當。一年更換。○八年奏准。 | 齋宮設夫役八名。凝禧殿設夫役四名。 | 齋宮設夫役八人。 | 日 | 月壇具服殿各設夫役四名。如壇戶廟戶例行。○九年奏准。 | 先蠶壇歸奉宸苑典守。裁太常寺原設之守護壇戶 | 二名。○十六年。設守護雙忠祠祠戶六名。○三十三年設守護旌勇祠祠戶六名。○嘉慶二年。設守護獎忠祠祠戶八名。由該本家揀派家人承充。○六年。增設守護 | 文昌廟廟戶五名。○十一年。設守護褒忠祠祠戶六名。 | 廚役。○原定。太常寺額設鋪排廚役三百名。 <small>旋裁五十</small> 以供祭祀割烹滌濯及陳設之役。每名每月給米五斗。每斗折銀一錢三分。分四季咨戶部關支。祀 |
|----|--------------------------------|-------------------|----------|---|----------------------------|-----------------------|---|--------------------------|---|

天壇

地壇凡廚役之執事者。每名給淨衣一襲。咨工部給發。

○又定祭

天壇用廚役二百六名。如有事祇告

皇帝親詣行禮。用一百二十五名。遣官用三十二名。

祭

祈穀壇用一百五十九名。

地壇用二百名。祇告遣員用三十五名。

太廟用二百五十五名。祭告用三十二名。

社稷壇用一百五十二名。祭告用三十二名。

日壇用一百十五名。

月壇用一百三十一名。

歷代帝王廟用二百一十三名。

先師廟用一百二十五名。

太歲殿用七十六名。

先農壇用五十四名。如遇耕藉。

皇帝親詣行禮。用一百一十五名。

先醫廟用九十五名。

真武廟用十六名。

東嶽廟用三十八名。

城隍廟用三十三名。

關帝廟用四十四名。

火神廟用二十五名。祭

司土

司工之神用二十四名。祭

礮神用四十一名。武壯王祠用九名。○雍正元年。

增設廚役二十名。改定祭

天壇用廚役二百一十六名。

祈穀壇用一百六十九名。

地壇用二百一十名。

歷代帝王廟用二百二十三名。

先師廟用一百三十五名。恪僖公文襄公祠各用九

名。勤襄公忠勇公端純公合祠用十二名。○五

年奏准。廚役由工部給發之淨衣。改歸太常寺

自行辦理。○乾隆元年。增設廚役二十名。○又

奏准。廚役淨衣。向例上用大領闊袖短襖。下用

布裳。嗣後改為小領小袖藍絹袍。各增給紅布

帶一條。布褲一條。○又定。凡

圓丘

祈穀

|                 |
|-----------------|
| 常考              |
| 方澤大祭。各用廚役二百九十名。 |
| 社稷壇用一百五十九名。     |
| 日壇用一百二十一名。      |
| 月壇用一百四十三名。      |
| 歷代帝王廟用二百四十三名。   |
| 先師廟用一百八十四名。     |
| 先農壇用一百四十名。      |
| 先蠶壇用一百一十七名。     |
| 先醫廟用一百名。        |
| 太歲壇用七十名。        |
| 關帝廟用九十二名。       |
| 顯佑宮用二十三名。       |
| 火神廟用七十八名。祭      |
| 礮神用三十六名。        |
| 都城隍廟用三十八名。      |
| 東嶽廟用六十名。黑龍潭玉泉山  |
| 龍神祠各用二十四名。祇告    |
| 傳心殿用三十六名。祭      |
| 黨神              |

|                        |
|------------------------|
| 門神各用二十四名。昭忠祠用一百四十二名。賢  |
| 良祠用四十六名。勤襄公恪僖公祠各用三十    |
| 名。雙忠祠及凡功臣專祠各用二十一。○二    |
| 十七年奏准。廚役淨衣。定限五年修補一次。○  |
| 三十三年定。旌勇祠用廚役二十一。○四十    |
| 五年定。睿忠親王祠用廚役二十一。○嘉慶    |
| 二年定。獎忠祠用廚役二十一。○四年。增設   |
| 廚役二十名。○六年定。            |
| 文昌廟用廚役四十六名。○十一年定。褒忠祠用廚 |
| 役二十一。○十七年定。昆明湖         |
| 龍神祠所用廚役。與黑龍潭玉泉山        |
| 龍神祠同。○二十二年定。           |
| 惠濟祠                    |
| 河神廟應用廚役。與昆明湖           |
| 龍神祠同。○道光元年。增設廚役二十名。○咸豐 |
| 二年。增設廚役二十名。○同治五年。增設廚役  |
| 二十名。○光緒五年。增設廚役二十名。共為三  |
| 百九十名。                  |
| 犧牲所所軍。○原定。太常寺設犧牲所於神樂   |
| 觀之南。掌供芻牧洗滌之役。冬至前期一月擇   |

吉。太常寺官詣所祭

司儀牲之神。設所軍所夫共五十名。並設所牧所副等官統之。所軍每名月給米三斗。每斗折銀一錢三分。歲給藍布二丈二寸。白布一丈九尺八寸。棉一斤。米分四季。布棉於秋季咨行戶部關支。所夫由順天府籤送。與壇廟戶同。○康熙四十六年。裁所軍所夫共四名。○乾隆二十六年。內務府奏准。犧牲所改歸內務府慶豐司管理。並裁汰原設之所夫二十七名。其所軍十有九名。照舊留役。所有應領銀米棉布等項。仍由太常寺照例辦理。

欽定大清會典事例卷一千六十

太常寺

承事題奉祀期 祭日請 各傳啟門 各傳查禁 各傳供

題奉祀期。凡大祀。

圜丘以冬至日。

方澤以夏至日。孟春

祈穀以辛。龍見而

雩。

太廟時饗孟春諏吉以上旬。夏秋冬均以孟朔。禘祭以

歲暮前一日。春秋二仲。祈報

社稷以戊朝

日以春分夕

月以秋分。釋奠於

先師以丁。

關帝春秋卜吉。更於五月十三日誕辰致祭。

文昌帝君春祭卜吉。更於二月初三日誕辰致祭。秋

仍卜吉。

傳心殿以

皇帝御經筵之日。仲春或季春。祭

先農以亥。祭

|             |        |                          |               |            |          |         |          |      |     |     |                   |        |             |   |                |                 |       |      |           |
|-------------|--------|--------------------------|---------------|------------|----------|---------|----------|------|-----|-----|-------------------|--------|-------------|---|----------------|-----------------|-------|------|-----------|
| 先蠶以巳。仲春仲冬。祭 | 先醫以甲。祭 | 太歲孟春。諏吉。以上旬。季冬以歲除前一日。春秋祭 | 歷代帝王及羣祀。皆卜吉。祭 | 火神以六月二十三日。 | 礮神以九月初旬。 | 皇太后萬壽聖節 | 萬壽聖節。皆致祭 | 太廟後殿 | 顯佑宮 | 東嶽廟 | 都城隍廟。凡祭日。均質明行事。惟朝 | 日以卯時。夕 | 月以酉時。○原定。大祀 | 天 | 地。均前期二十五日具題。恭請 | 皇帝親詣行禮。或遣官恭代。並候 | 欽定。大饗 | 太廟。祭 | 社稷。甲丙戊庚壬年 |
|-------------|--------|--------------------------|---------------|------------|----------|---------|----------|------|-----|-----|-------------------|--------|-------------|---|----------------|-----------------|-------|------|-----------|

|    |         |    |             |                         |      |                       |                       |                      |   |    |             |    |               |         |            |                         |                       |           |                            |
|----|---------|----|-------------|-------------------------|------|-----------------------|-----------------------|----------------------|---|----|-------------|----|---------------|---------|------------|-------------------------|-----------------------|-----------|----------------------------|
| 親朝 | 日。丑辰未戌年 | 親夕 | 月。均前期二十日具題請 | 旨。餘歲及各中祀。均前期二十日題請遣官行禮。羣 | 祀。惟祭 | 礮神前期具奏。無定限。其睿忠親王定南武壯王 | 等專祠。由寺舉行。不具題。餘均前期十五日題 | 請遣官行禮。與中祀同。清明七月望冬至歲暮 | 祭 | 盛京 | 陵寢前期四十日具題。祭 | 畿輔 | 陵寢前期二十日具題。恭遇各 | 陵忌辰具題同。 | 萬壽聖節孟冬朔日祭各 | 陵寢均前期十五日具題。若因事祇告。由太常寺行文 | 欽天監擇日。豫期具奏。○順治十四年題准。十 | 五年正月初四日上辛 | 祈穀之期。前三日齋戒。正值元旦。改用十四日。次辛。○ |
|----|---------|----|-------------|-------------------------|------|-----------------------|-----------------------|----------------------|---|----|-------------|----|---------------|---------|------------|-------------------------|-----------------------|-----------|----------------------------|

續修四庫全書 史部 政書類

康熙八年奏准。次年正月初三日上辛。

祈穀。照順治十五年之例。改用十三日。次辛。○十年定。

每年祭祀。太常寺於豫年八月內。行文欽天監。

擇日送寺。遇各祀期前。以所定日期具題。○五

十四年

諭。太常寺奏孟春辛祭。

祈穀壇。於初十日上辛致祭。但次年正月初十日。雖係

上辛。尚未立春。從前亦有用次辛下辛致祭之時。大

學士會同太常寺議奏。欽此。遵

旨。議准。於正月三十日下辛行禮。○雍正十二年議准。

十三年

祈穀。照康熙五十四年改期下辛之例。擇於正月二十

日致祭。嗣後每年

祈穀。均在立春後上辛日舉行。永著為令。○乾隆二年

題准。四年正月初四日上辛

祈穀。照次辛

祈穀之例。改於十四日舉行。○十四年議准。每年正祭。

由禮部恭選日期。並諸祀之歲有定日者。於豫

年題准。劄寺。豫期。由太常寺照例題請。○十五

年題准。嗣後

祈穀齋戒。如值元旦。或上辛在立春前。俱改題次辛舉

行。○四十六年議奏。上辛

祈穀。以立春後所得之辛為上辛。若立春後之辛。尚在

上年十二月內。則仍用正月之上辛。以符歲首

之義。至正月初四日上辛。應於初一日齋戒起

是日

皇帝於未入

齋宮之前。

宮中拜

神。

奉先殿行禮。均可各昭誠敬。即毋庸改期。○嘉慶四年

諭。嗣後每年

祈穀。總以立春為度。如立春在本年臘月。而上辛亦在

內。未便隔年舉行祭辛之禮。自應改用次辛。又立

春。係在年內。而得辛如在元旦及初二初三。則歲除

之日。既未便於城外宿

壇。即得辛在正月初二三等日。而除夕亦係齋戒之期。

朕應住宿齋宮。於元旦應祭

堂子

奉先殿



壽皇殿及宮中拜

神之處亦未便分詣行禮俱應改用次辛總之每年立春後得辛如在正月初四日以後則當用上辛在初四日以前則當改用次辛設得辛日期適遇正月初七日

世祖章皇帝忌辰則祇承之義統於一尊不必因此而展

祈穀之期仍當於是日行致祭

壇上亦仍照儀注作樂惟禮成回宮鹵簿大樂則設而不作至元旦朝賀原屬臣下敬上儀文因值齋戒期

內停止受賀以昭朕凝承禋祀之義於禮原屬無缺况

南郊禮成向有次日受賀之例此後凡遇元旦齋戒其朝正典禮應於

祈穀次日補行著為令○七年

諭向來祭

社稷壇應用上戊本年二月初七日係上戊乃欽天監

所定祀期擇用十七日次戊於典禮未協仍著查照向例於二月初六日上丁祭

先師孔子即於次日上戊恭祀

社稷壇該衙門敬謹豫備嗣後祭

社稷壇俱遵用上戊○又奉

旨嗣後大祀中祀如適遇忌辰當以祀典為重不必改移祭祀日期用昭虔肅○又

諭向來內閣呈進本章凡遇禮部太常寺等衙門具題之件有關

壇

廟典禮者奏事處進呈時敬列於是日各本章之前並

豫備盥洗候朕浣手敬謹披閱至每日批覽奏摺奏事處先將外省所遞奏摺呈閱後始將各部院衙門

事件以次進呈此內有關繫大祀典禮者亦一律照常呈遞殊不足以彰誠敬嗣後禮部太常寺及各衙

門具奏事件除封奏照常呈進外其恭遇

天

地

祖

宗大祀各項典禮儀注或奏摺及綠頭牌內有稱述

尊號之處本係露封陳奏者奏事處即應照進本之例先行呈遞敬候披閱以昭慎重○八年

諭向來孟春

太廟時饗。係於正月上旬。詎吉舉行。非如夏秋冬之必於孟月朔日。著有定期者可比。且較之

祈年祀典。定以辛日將事者。亦屬有間。因思祭期若在

正月初四五六等日。則初三日適當致齋之期。正值

皇考高宗純皇帝忌辰。是日朕若仍御青袍青褂。則

廟祀為重。若竟御齋戒常服。朕心實切不安。即臣工等

常服將事。亦究有未協。禮緣義起。自當斟酌變通。明

年孟春時饗祭期。本擇於正月初六日。但既係蠲吉

舉行。即非不可改移之期。檢查嘉慶元年以來。正月

初八初九等日。均曾練日明禋。明歲正月初八日亦

係吉期。即著改於是日舉行孟春時饗典禮。嗣後孟

春時饗日期。總在於正月初八初九初十等日。擇吉

舉行。著為令。○十六年奏。

祈穀大祀。正月十一日立春。適值辛酉。已為元旦後次

辛。是否即用十一日奉

旨。著於二十一日下辛致祭。○道光十年奏。

祈穀大祀。正月十一日辛丑立春。可否擇於二十一日

下辛致祭。奉

旨。著於十一日次辛舉行。

祭日請

駕。○順治年間定。

圓丘

方澤

祈穀。均於日出前九刻請

駕。

太廟

社稷壇。均於日出前四刻。

日壇。於日出前八刻。

月壇。於酉時前六刻。

帝王廟

先師廟。均於日出前六刻。

傳心殿。於日出前三刻。

先農壇。於巳時前六刻。○乾隆四年奏准。夕

月。改於酉時前四刻。○七年奏。大祀

圓丘於

壇內齋宮齋宿。應更定請

駕時刻。並擬豫於前一刻恭請

神位。

皇帝降輦後。不入更衣大次。奉

旨。著於日出前七刻。即於是刻恭請

神位。朕由齋宮仍入更衣大次。候奉安畢詣

壇行禮。○八年奏。

祈穀壇更定請

駕時刻奉

旨。著於日出前七刻。○又奏。大祀

方澤更定請

駕時刻奉

旨。著於日出前七刻。○十五年奏。

聖駕親祭

禹陵。

駐蹕處距陵十有三里。

親祭

明太祖陵。

行宮距陵九里。應於日出前幾刻奏請

聖駕載入禮節。奉

旨。著於日出前四刻。○二十三年議准。致祭

日壇。改於日出前六刻。○二十四年奏准。嗣後大祀

方澤於

宮內齋宮齋宿。敬擬日出前六刻恭請

聖駕。○嘉慶二十年五月十六日子正初刻月食。寅

初二刻復圓。奉

諭。本年五月十六日夏至大祀

地壇。著於寅初一刻請駕。

咨傳供備。○原定。各祭祀前期十日。咨兵部轉

行步軍統領。祀日平治

鑾駕經由道路。設障衛巷。禁止行人。咨工部張

御拜帷更衣大次。豫備

齋宮

具服殿及各帷內應用器物。咨鑾儀衛備盥盆。巾。

前五日。咨樂部鑾儀衛陳設鹵簿導迎樂。並

知會

駕詣

壇

廟時樂設而不作。

還宮作樂。如遇齋戒忌辰。仍不作樂。

南郊

北郊祀前二月。咨內務府修理

齋宮。前八日。咨鑾儀衛於祀日自

神庫恭昇龍亭。設於

皇宮宇

皇乾殿

皇祇室各階下。候奉請

神位於亭。昇亭至

壇。設亭於內壇外。禮成恭送

還御。仍昇亭至

神庫收儲。冬至

郊祀孟春

祈穀前七日。孟春

太廟時饗歲暮禘祭前五日。咨內務府領取太常寺執

事官應服貂裘二十六件。

太廟

社稷壇

帝王廟

先師之祭前十日。咨鑿儀衛豫備拜褥。鋪設棹薦。

嘉慶四年定。恭遇

高宗純皇帝升配

天壇。增設一案。太常寺執事官應服貂裘。添取四件。

六年奏。

天

地壇大祀。太常寺同禮部堂官。祀前恭詣

皇宮宇

皇乾殿

皇祇室。謹奉

神牌。敬安龍亭。請至

壇上。恭候

皇帝大祀禮成。仍敬奉

神牌

還御。其昇亭校尉。令派正身充當。並請添派職官四員

頭役六名。小心照料。奉

旨。

天

地壇大祀。由太常寺衙門同禮部堂官恭奉

神牌。敬安龍亭。請至

壇上。禮成

還御。典禮恭嚴。較之奉請鑿輿。尤當敬慎。所有昇亭校

尉及督率官員。理宜整肅威儀。用昭誠敬。設稍有未

能平穩妥協之處。開繫匪輕。其承直官員處分甚重。

乃日久疏懈。鑿儀衛昇亭人役。或間有不用正身校

尉。所派官役稀少。不敷照應。殊非敬慎嚴肅之道。嗣

後大祀。著鑿儀衛揀選熟習擡昇正身校尉充當。並

添派職官四員頭役六名小心照料。其官員職名及校尉花名均先期咨送禮部太常寺嚴加查覈。儻敢攙雜外人。或人數不敷。致有禮儀不肅之處。即著該部寺據實奏。○道光六年

諭。向來恭遇

圓丘

禘祭

祈穀大祀。太常寺執事人員屆期移取內務府貂褂三

十四件。以備裏事時服用。祭畢仍行交還。茲據松筠等奏。現在執事等官計有五十餘員。或服貂褂。或穿

補服。未能畫一。嗣後除該寺堂官應服貂褂外。其餘

執事官員俱著一律穿用補服。毋庸移取貂褂。

咨傳啟門。○原定。凡遇祭祀。恭設齋戒牌銅人

於

乾清門。前期五日。咨直班護軍統領啟

長安門

天安門

端門

午門各中門。及

昭德門

中左門

後左門。以便太常寺官進內恭設。至徹齋戒牌銅人。咨直班護軍統領。太常寺官進

東華門

景運門出

午門。如設齋戒牌銅人於

齋宮。咨侍衛處護軍統領。各知會守衛官出入放行。

閱祝版前期五日。咨兵部步軍統領。並知會正陽門

該管城門官。暨

大清門

天安門

端門各守衛官。及直班護軍統領。太常寺堂屬官

於

閱祝版日五鼓進內執事。至時啟門。祀前十日。咨侍

衛處護軍統領。並咨兵部步軍統領。

郊祀於前一日。太常寺堂屬官及候時官詣

乾清門。祀日詣

齋宮。餘祀均於祀日詣

乾清門。啟奏時刻。出入放行。

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

駕詣

壇

廟經行各門均豫時啟俟前期八日咨兵部步軍統領

不陪祀官迎送

聖駕有居城外者至時啟正陽門放入前二日行直

班護軍統領

郊祀前一日太常寺堂屬官及候時官詣

乾清門奏

御齋宮時刻應進

長安門

午門

後左門守衛官放行○乾隆四年奏准每逢城外

祭祀啟門將城內官放出城內祭祀啟門將城

外官放入由寺先期咨步軍統領衙門辦理○

二十一年奉

旨嗣後凡出午門所祭

壇廟仍出午門外凡出東西門所祭

壇廟將出長安門改為出太和門由協和門熙和門出

東華門西華門

咨傳查禁○原定凡遇祭祀前期八日咨兵部

步軍統領委官禁止陪祀官從役不得隨進

南郊於

廣利門外

祈穀壇於二層

西天門外

北郊於外壇門外

日壇於景升街牌坊外

月壇於光恆街牌坊外

帝王廟於景德街牌坊外

先師廟於成賢街牌坊外

先農壇於壇外垣門外陪祀官各下馬從役不得喧

譁○雍正九年題准各

壇

廟祭祀飭令陪祀執事官各約束從役人等不得擅入

柵欄仍令步軍統領委官撥兵加謹巡察如有

從役人等及轎夫車馬喧擁者照例分別治罪

其該管官故縱者亦按律定議○乾隆四十年

議准大祀

天壇

皇帝閱視祝版日執事官員在

午門前騎馬。一品官許帶跟役三名。二品官二名。三品官以下及有執事人員。各帶一名。逾數即行參處。○四十七年

諭。凡祭

壇行禮。派出查

壇之王大臣等。皆在門外站班。雖屬遵循舊制。但恐於管理

壇內執事人員聲音行禮齊班。稽察難周。大典攸關。內外理應一體致敬。嗣後凡派出之王大臣。若四人。著門外二人

壇內二人站班。輪流稽察。若二人。亦著一體分管。斷不可稍有疏忽。○嘉慶七年奏准。恭遇

壇  
廟大祀。及中祀前一日。請送祝版。前期知會

景運門護軍統領。派直班章京四員。護軍校一員。護軍二十名。前引後護。並肅清街道。禁止通衢。左右車馬行走。○八年奏。嗣後凡遇恭祀

天壇。無論王公大臣官員。俱仍准其在二層  
西天門以外下馬。其乘轎坐車騎羸之人。一概不准  
放入頭層

西天門奉

旨。

郊壇重地。凡陪祀王公大臣。理宜倍加敬謹。於頭層門外一體下轎。但念漢大臣內有年老不能乘騎者。若概令其於頭層門外下轎騎馬進內。或自揣恐有跌失等事。藉詞告病。以致陪祀人少。殊非體制。嗣後凡遇

天壇大祀。儀親王成親王雖年未六十。著加恩准其乘轎至二層門外。其餘諸王以下。及滿漢頭品大臣年

在六十五以上者。亦著加恩准其乘轎至二層門外。仍各嚴飭家丁管束轎夫等。毋許嘈雜。僅有滋事之處。惟各該王大臣是問。此外頭品年未及六十五歲以上。及二品大員。均不准乘轎進頭層門。以崇體制。而昭畫一。○又奉

旨。向來

天壇神樂署兩廊以外空地。有太常寺官生建屋居住。並租給鋪戶收息。以為貼補當差修理之用。但

郊壇重地。理宜內外肅清。自不便任聽該官生率行租給平民。在彼貿易。惟相沿已久。若驟令搬移。則現在開設店鋪之人。資本貨物。恐多拋棄。著照長麟等所

請。即令步軍統領順天府衙門於

天壇外牆之外。指定隙地一處。准令各官生等將

壇內自建房間移於外。仍准其收租貼補。該鋪戶民人

亦可不致失業。其該衙門未經指定飭令搬移以前。

不必遽行驅逐。○十二年

諭。太常寺奏遵旨查明神樂觀餘屋一摺。神樂觀兩廊

房屋。既經空出。即應令官生居住。惟官生內有職守

在外者。自可不必搬入。其餘就現已空出之屋。酌量

人數。撥給居住。並著該管官隨時稽察。毋任滋事。至

所稱空出房屋內。有該鋪戶自蓋房五十五間。開鋪

獲利已多。應存留歸官一節。殊可不必。此項房間。既

係該鋪戶自造。現在業已不准在內。若將房屋充公。

日久伊等又必藉口影射。似嚴實寬。該堂官所奏未

免取巧。早伏日後重開鋪面之機。殊非實心辦理之

道。著查明房間係何鋪戶蓋造。傳令本人前來各自

拆移。除官房之外。不得再行存留民屋。以昭慎重。○

二十四年

諭。御史喻士藩奏祭祀禮成恭徹祭品。嚴禁夫役混雜

一摺。所奏甚是。

壇

廟大祀典禮。恭重。朕行禮以前。執事之人。尚知共矢恪

恭。至祭畢後。各夫役等輒藉奉徹器品為名。喧譁雜

沓。殊不足以昭敬慎。嗣後太常寺堂司各官。於祭祀

禮成後。不准先行散去。即在彼督率夫役。恭徹祭器

祭品。如有開雜人等混入喧譁者。立即查拏究辦。以

昭嚴肅。○道光四年奏准。

天壇圍牆以內。由太常寺認真稽察。不得日久生懈。○

又奏准。

天壇圍牆內外。沙土積聚。高與牆平。恐有夫役人等貪

近行走。由工部派員相度。將積土剷挖起除。牆

內回乾枯朽各樹。即由太常寺會同工部照例

辦理。○五年奏准。

天壇圍牆內。交太常寺責成壇戶人役隨時稽查。以昭

慎重。○十一年

諭。恭查

天壇樹林完竣。著太常寺造具清冊。咨送工部備查。其

內外牆各處。除實存各樹外。所有風損回乾倒木及

缺空處所。著即行知該管衙門如數補種。嗣後並著

太常寺隨時派員稽查。毋得致有短少。以昭敬慎。○

二十年



諭善燾等奏遵查

天壇各壇樹株。並查明鋸鉗及應去枯枝情形開單呈覽。據查樹株鋸口。實係舊有痕迹。其為歷年久遠。與太常寺原奏相符。所有樹株多有灰鶴結巢。及高處枯乾。恐傷旁枝之處。俱著不准鋸鉗。其低處應去枯枝。著工部會同太常寺查照冊載。詳慎辦理。事竣知照御前大臣備查。嗣後如有風損回乾。應行鉗除樹株。著太常寺於每年三月咨報御前大臣工部。隨時載入清冊。奏請派員眼同鉗除。明白覆奏。以昭慎重。

○咸豐三年

諭太常寺奏遵議稽查章程一摺。

壇

廟重地。理宜嚴肅。自應隨時稽察。以昭慎重。所請分撥官員輪班直宿。並兵役壇戶庫夫人等造具清冊。佩帶腰牌之處。均著照所議辦理。並著該堂官等常川親往稽查。如有官役人等偷安曠誤。或縱令閒人出入者。即行嚴參懲辦。不得僅委之壇官奉祀各員。致令日久生懈。至

壇

廟大典。雖派王大臣等稽查。該寺堂官職守所在。豈能

藉詞推諉。嗣後齋宿祭祀期內。仍著該堂官等一體認真稽查。以專責成。

欽定大清會典事例卷一千六十一

太常寺

承事進齋戒牌銅人 演禮 閱祝版

進齋戒牌銅人。康熙九年題准。齋戒牌銅人。

由禮部太常寺官恭設於

乾清門中門東第一楹前。承以黃案。雍正二年奏准。

天

地壇

太廟

社稷壇。如遣官行禮。奏請停進齋戒牌銅人。

日

月壇

歷代帝王廟等祭。如遣官行禮。停進齋戒牌銅人。不

具奏。至兩祭相連。止奏

皇帝親詣之齋戒。其遣官行禮。亦不具奏。乾隆四

年奏准。

天

地壇大祀。前期四日。太常寺具奏齋戒日期。進齋戒牌

銅人於

乾清門安設二日。

齋宮安設一日。

太廟

社稷前期四日具奏。遇忌辰前期五日具奏。於

乾清門安設三日。

日

月

歷代帝王

先農前期三日具奏。於

乾清門安設二日。均祭日撤回。

皇后親饗

先農前期三日具奏。如遇忌辰。前期四日具奏。進齋

戒牌銅人於

乾清門轉交內監於

交泰殿安設二日。祭日撤回。

閱祝版。原定。凡每年各祭祀應用祝版。太常寺行

文工部移取。

天

地壇

祈穀

雩祀

太廟

社稷壇

日

月壇祝版。俱送內閣恭行繕寫。謹填

御名。餘祀俱不填

御名。太常寺繕寫。不送內閣。由太常寺送至各

神庫。上香行禮。○又定。前期十五日。太常寺行文

欽天監擇

閱祝版吉時。送寺繕入禮節。並委候時官二人。前期

一日赴寺。豫備啟奏時刻。太常寺官先期送祝

版至內閣恭書。前期十日。行知工部鑾儀衛。於

前期二日。自

壇恭昇祝版亭至

午門前安奉。次日送至祭所。並行文兵部轉咨步

軍統領。凡經行道路。灑掃辟除。前期二日。太常

寺以

閱祝版具奏。

圓丘

祈穀

雩祀

御太和殿

躬閱祝版玉帛香。是日。設黃案於

太和殿中

御座之南。設香亭於殿內左楹之東。設祝版亭玉帛

香亭於殿內右楹之西。太常寺各官。奉玉帛香

祇俟於

太和門外。屆時。太常寺卿詣

乾清門。奏請

皇帝御龍袍。乘輿出宮。至

太和殿後降輿

御殿。立左楹前西嚮。司祝自內閣奉祝版入

太和門中門。玉帛香隨入。前列提鑪二。太常寺贊

禮郎十人導引。由中階升至丹陛。導引止。司祝

奉祝版。各官奉玉帛香。進殿中門。以次陳於黃

案。三叩退。太常寺卿展祝文。執事官設拜褥。

皇帝詣案前。次第恭閱畢。就拜位行一跪。二拜禮興。

復位立。太常寺卿韜祝版。執事官起拜褥。司祝

各官進至案前三叩。恭奉祝版玉帛香。依次安

設亭內。三叩退。司香官就香亭東奉香盒立。司

拜褥官設拜褥於香亭前。太常寺卿二人恭導皇帝至香亭前立。司香跪進香。

皇帝立上香畢。就拜位行一跪三拜禮。興復位。司拜

褥官起拜褥。司香奉香盒置亭內退。鑾儀衛官

率校尉昇亭。香亭在前。祝版亭。玉帛香亭。以次

由中道出。前引如儀。太常寺卿跪奏禮成。

皇帝乘輿還宮。太常寺卿隨亭送

南郊。恭安於

神庫。

方澤

太廟

社稷以下。

御中和殿閱祝版。是日設黃案於

中和殿中

御座之南。設祝版亭於

午門外。屆時奏請

皇帝御中和殿。立左楹前西嚮。司祝奉祝版入。陳案

上。

皇帝恭閱畢。行一跪三拜禮。興。司祝奉祝版至

午門外安設黃亭。餘同前。如遣官恭代行禮。太常

寺官由內閣恭奉至

午門外安設黃亭。恭送祭所。順治二年奏准。

壇

廟讀祝。停讀漢文。止讀滿文。四年奏准。

太歲

都城隍等祭。均仍舊例遣官行禮。其祝辭用清文。

承祭並贊禮均用滿官。十六年奏准。祝版應

書

御名者。先期送內閣敬書。祀前一日。

皇帝閱於

太和殿

中和殿畢。奉往祭所安設。又奏准。

皇帝閱祝版。應增設祝版座。安祝版於上。不必用手

奉視。又定。祀前二日。太常寺奏

閱祝版。並奏

簡讀祝官。又祀日行禮各禮節奏章。用本色紙。遇吉

慶日用紅色紙。雍正二年奉

旨。據太常寺奏。次年正月初八日時饗。初七日遇素服

日期。應照例停閱祝版。但大祭祝文。朕不親閱。於心

不安。若素服閱祝。於禮可行否。著大學士九卿等會

議具奏。欽此。遵

旨議定。

躬閱祝版。如遇忌辰。大祀

天

地祝文。

皇帝仍御龍袍。衮服。執事官咸補服。

太廟祝文。

皇帝常服。執事官咸常服。不挂朝珠。

社稷壇春秋致祭祝文。及

日

月壇

皇帝親祀之年。如遇祭辰。均太常寺官由內閣恭奉

送祭所安設。○四年奉

旨。嗣後視

太廟祝版。遇素服之期。仍以素服具奏。○乾隆元年奏

准。

太廟祝文。原備書

列祖

列后尊諡廟號。誠恐宣讀失儀。嗣後祝版仍備書

列祖全諡。

列后但書

尊諡

廟號。○又奏准祇告各

壇

廟用香帛酒果脯醢。舊時祝文內書牲帛菜盛等字。嗣

後令翰林院隨祭品更正。改書謹以香帛庶羞

之儀。○四年覆准。祭祀繕祝版時。內閣委官先

期在衙門齋宿恭書。其太常寺糊飾祝版。亦委

官赴內閣敬謹辦理。○七年

諭。嗣後若遇豫日。應詣齋宮齋宿之祭。其閱祝版。詣齋

宮。應御龍袍。衮服。隨從人等咸吉服。永著為例。○嘉

慶四年奏准。向例祀

地於

方澤。

皇帝親詣行禮。御朝服。前期一日

閱祝版。御龍褂。挂朝珠。查乾隆二年四月十六日。

世宗憲皇帝升配

天壇。正在二十七月期內。前期一日。

高宗純皇帝升太和殿。視祝版。玉帛香。御龍褂。挂朝珠。

不御衮服。今正月十九日致祭

方澤於十八日

閱視祝版亦在二十七月期內應

皇帝御常服挂朝珠前期齋戒

皇帝御常服不挂朝珠執事各官皆一體遵照○五年

諭向來每遇大祀宿

壇日期隨從執事大小官員皆穿蟒袍一日明歲上辛

祈穀朕於正月初三日宿

壇是日恭值

皇考高宗純皇帝二周年忌辰例應素服但

郊壇大祀典禮最重朕於恭閱祝版時仍照向例御龍

袍龍褂隨侍官俱穿蟒袍補褂到

壇恭詣

皇乾殿拈香並應行省視各典禮俱御龍袍貂褂其隨

從及在

壇內執事之大小官員亦俱穿蟒袍應穿貂褂者穿貂

褂應穿補褂者穿補褂俟朕至齋宮後大小官員俱

不必穿蟒袍仍穿貂褂補褂挂朝珠是日

壇外並不陳設鹵簿大駕所有

壇外執事官員俱不必穿蟒袍止穿補褂挂朝珠此外

無執事之大小官員俱照例穿青褂以昭誠敬而符

體制○九年

諭太常寺奏大祀閱視祝版及恭請祝版執事官員應

否加等穿用朝服恭請訓示一摺所奏是向來恭值

祈穀

常寧

南郊典禮前期閱視祝版因宿

壇齋戒並須恭詣

皇穹宇

皇乾殿拈香是以執事官員俱穿蟒袍補褂此外如

社稷壇四孟特饗

太廟閱視祝版日期應穿補褂至歲暮禋祭前期閱視

祝版並元旦萬壽告祭

太廟等處前期恭請祝版本係在應穿蟒袍補褂日期

之內所有執事官員自應照例穿用朝服並以閱視

祝版如遇朝期應穿補褂之日執事官亦加穿朝服

皆非體制從前太常寺堂官過於小心出自臆見而

會典內並無明文殊未允協嗣後禋祭

太廟前期閱視祝版元旦萬壽告祭

太廟等處前期恭請祝版所有執事官員俱照常穿蟒

袍補褂毋庸加等穿用朝服至閱視祝版如遇朝期

亦毋庸加穿朝服。以昭畫一。並著纂入會典則例。永遠遵行。○十六年

諭。向來

天壇三大祀恭閱祝版時。祝版玉帛香亭設於太和殿之西。香亭設於太和殿之東。其恭閱祝版玉帛香行禮後。各安設亭內。復詣東邊香亭行禮。方始昇行。朕思香亭之設。原因祝版通誠於

上帝。故必於香亭內上香行禮。至昇行時。即昇行於祝

版亭之前。今祝版亭安設在西。朕止於香亭前望空行禮。尚於義未協。嗣後三大祀閱祝版時。祝版即設

於東邊香亭之後。朕閱祝版。再恭詣香亭前。向祝版上香行禮。以昭祇肅。○十九年

諭。凡祭祀齋戒期內。適遇忌辰。其應用服色。總以祭祀為重。

南郊大祀前一日。如適遇忌辰。恭閱祝版時。朕御龍袍龍褂。執事人員。均穿蟒袍補服。其餘

大祀

中祀前一日。適遇忌辰。恭閱祝版時。朕御龍褂。執事人員。均穿補服。以昭祇肅。

駕御齋宮。乾隆七年定。大祀

天

地壇。前期十五日。由太常寺行文欽天監選擇請

駕御齋宮吉時。並取候時官二人。豫備啟奏時刻。前期五日。奏請

駕御齋宮。上香行禮。恭視

壇位。前二日奏

御齋宮禮節。並奏遣分獻官恭視。遵豆牲牢。○又

諭。

天壇

地壇。舊制建有齋宮。年久傾圮。未經繕修。朕意於大祀

前期致誠赴

壇齋宿行禮。其應如何修建之處。該部即前往相視。○

又

諭。

日

月壇舊有具服殿。該部亦前往相視。應作如何修理。詳細妥議具奏。欽此。遵

旨議定。

圓丘

祈穀二壇。共有

齋宮一所。

方澤壇

先農壇各有

齋宮一所。

日

月壇各有

具服殿一所。

圓丘

祈穀

方澤如遇

親詣行禮。應於

別殿齋戒二日。

齋宮一日。或遣官恭代。亦令該承祭官詣

壇齋宿。

日

月

先農等壇。均係中祀。如遇

親詣行禮。

皇帝致齋二日。止於

別殿齋戒。祭日請

駕詣

壇行禮。其

具服殿。仍應修繕。以備更衣。○九年。

高宗純皇帝親祭

方澤。

諭。此次不必前詣

壇內齋宮。仍在宮內齋宮住宿。將來遇親祭之年。該衙

門兩請旨意。○十四年議准。嗣後

齋宮吹角。嚴鼓。悉行停止。○嘉慶五年

諭。禮部具奏五月初一日夏至

方澤大祀

高宗純皇帝升配事宜一摺。於祭日先詣

高宗純皇帝神牌前上香行禮。尚未周備。上年冬至恭

逢

圓丘大祀。祇奉

高宗純皇帝神牌升配。朕於前一日恭赴

天壇齋宿。即敬詣

皇穹宇拈香。隨至

高宗純皇帝神牌黃幄敬謹行禮。今春

祈穀



升配前一日先詣

皇乾殿次詣

神牌黃幄禮節亦同。今

方澤大祀。

高宗純皇帝升配

地壇。因每年例係在宮內齋宿。禮部請於祭日先詣

神牌黃幄行禮。視

升配

天壇禮儀尚缺先期致告一節。朕心殊覺未安。因思

地壇於乾隆十七年初建齋宮。

皇考曾詣齋宿一次。彼時新栽樹木。尚未成陰。隨從官員。致有受熱者。

皇考俯加體恤。以後夏至

地壇。俱即齋宿宮內。祭日始詣

壇行禮。此次

升配前一日。自應先期致告。若禮畢仍行還宮。於義未

合。若住宿

壇內齋宮。雖屬正禮。但隨從之王公大臣侍衛人等。車

馬喧闐。其時

高宗純皇帝神牌黃幄。恭設

北天門外。相距甚近。不足以昭虔肅。心實不安。再四思維。惟有於前一日。閱祝版畢。還宮辦事。後。朕由東華門。恭赴

皇祇室拈香。隨至

高宗純皇帝神牌黃幄行禮畢。即詣

雍和宮齋宿。其隨從王公大臣侍衛等。亦可就近致齋。

朕於次早恭詣

地壇行禮。庶

圓丘

方澤

升配前期致告之儀。既昭畫一。而禮緣義起。節次更為詳備。著禮部遵照此旨。於儀注內敬謹增載。此次專

為

升配增此禮節。嗣後夏至

地壇齋宿。仍照舊例行。○九年五月夏至。大祀

地壇。

仁宗睿皇帝在

宮內齋宮齋宿。並奉

旨。嗣後宮內齋戒。不必請旨。○十二年

諭。朕閱會典所載

大雩典禮。惟乾隆二十四年曾經舉行一次。其時

皇考高宗純皇帝減膳虔齋。不設鹵簿。不陳樂。不乘輦。

乘騎出宮。詣

壇齋宿。次日御雨冠素服。步禱於

壇。仰見

皇考敬

天

勤民精虔昭格。禮成後即甘霖普降。四野霑足。感召之

理。如響斯應。至雨水調勻之歲。每遇

常雩大祀。則前期齋宿

郊壇。係由宮中乘輦而出。儀物具備。此次恭值

常雩。朕進宮齋戒。因思上年冬閒雪澤較少。本年春雨

又稀。前已設壇祈禱。得雨兩次。仍未霑渥。且近畿以

及東豫等省。均在望澤。雖未至早暵太甚。究與往歲

情形不同。今當大祀屆期。若仍照常御輦詣

壇。朕心實有不安。本月初六日。朕由宮中御禮轎。前詣

天壇齋宿。著該衙門敬謹豫備。其一切服飾儀仗。均如

常儀。朕宵旰民依。罔敢暇逸。或此一念減抑之誠。得

以上邀

昊蒼甘膏速霑。福我三農。實所籲望。而其幸者。嗣後遇

雨澤稀少之年。舉行

常雩祀典。均著照此行。○又

諭。本月十六日。

天壇齋宮。不戒於火。係由薰炕所致。朕前因太常寺則

例內所載需用木柴太多。早經降旨飭令所司官員。

大加節減。原為慎重起見。况朕向來不用熱炕。將來

新建齋宮炕座。竟無須柴炭薰烘。所有

壇內齋宮薰炕一節。嗣後永遠停止。其則例內每次開

銷木柴三千斤之處。著一併刪除。○又

諭。

天壇齋宮。向係太常寺管理。僅派奉祀壇戶在內照料。

殊不足以昭慎重。嗣後著交奉宸苑管理。其應如何

設官並建蓋直房之處。著該衙門妥議章程具奏。○

章程詳見奉宸苑

演禮。○凡祭祀演禮。大祀前四十日。中祀前三

十日。每旬三六九日。太常寺堂官率屬演禮於

神樂署之凝禧殿。○順治十六年。

世祖障皇帝親閱演禮於

南郊

大享殿。後改祈年殿。奉

旨。徹饌時獻爵官赴位前跪叩。著停止。○康熙十年題

准。奉福酒福祿光祿寺堂官。接福酒福祿侍衛。

均由寺咨取。各官於祀前二日黎明赴神樂署。

凝禧殿演禮。○雍正七年

諭。開祭祀之先。太常寺即於

壇

廟中演禮。雖取嫻熟禮儀。實非潔齊嚴肅之道。嗣後應

於何處演禮。著禮部議奏。欽此。遵

旨議定。向來各祭祀於前二日赴

天壇凝禧殿演禮。前一日至祭所演禮。嗣後應令執事

官。均前二日演禮於凝禧殿。停其前一日赴祭

所演禮。○乾隆元年奏准。

陵寢贊禮讀祝等官。禮儀殊不熟練。應令掌關防郎中。

於祭祀閒暇時。令其輪班來京赴寺演習。俟一

年後演習已熟。停其來京。令於該處逢三六九

日演習如常。每年春秋二季。太常寺堂官二人

分詣

東西陵查驗。第其優劣。回日具奏。○又定。

太廟獻爵奠帛。宗室覺羅官。由寺咨呈宗人府。傳於祀

前三日黎明。赴神樂署凝禧殿演禮。○七年。

命樂部大臣總修太常寺樂。並釐正樂員。同日飭太常

寺樂部勤習樂律。○八年奏准。太常寺堂官查

驗贊禮郎讀祝官。俱會同

陵寢贊理大臣公同閱驗。其各官平時行走之優劣。自

能深悉。等第亦易於編列。○十一年奉

旨。太常寺堂官查驗

陵寢贊禮郎讀祝官。不必每年兩次。惟秋季奏一次前

往。著為例。○十二年

諭。向來祭饗

太廟。獻爵奠帛。用侍衛暨太常寺官。朕御極後。悉用宗

室人員。蓋因宗枝繁行。實惟

祖德所貽。一氣感孚。昭格尤為親切。且使駿奔走執豆

簋。有事為祭。亦得服習禮儀。陶鎔氣質。意蓋有在。但

演習禮節。太常寺實所專司。宗室既非所屬。未必聽

其指使。嗣後每逢祭祀之期。著宗人府王公一人前

往監視。俾進退優嫺。執事有恪。以昭誠敬。○十八年

定。遣官釋奠於

先師。司香奠帛獻爵。以國子監官及肄業生。由寺咨

取各執事人。於祀前二日黎明。赴神樂署凝禧

殿演禮。並取國子監堂官一人監視。○嘉慶四

年議准。向例每逢

皇帝親詣各

壇

廟致祭。於齋戒日內。係在神樂署演樂。後改於

城隍廟。今仍循舊例。在神樂署。以省往返。搬運樂

器之煩。樂部堂官會同太常寺堂官看視演習。

○道光五年

諭。向來恭遇

大祀。例應先期一日演禮。昨日太常寺官員在

壇演習。將屆酉刻。朕在齋宮。猶聞唱贊樂器之聲。時候

過遲。殊失恪恭將事之義。嗣後凡遇

大祀。著於前一日未刻。敬謹演習。如有怠玩遲到之員。

即責成管理太常寺堂官等指名叅處。以昭祇肅。

欽定大清會典事例卷一千六十二

太常寺

承事 承祭官 分獻官 承祭官 承祭官 承祭官 承祭官

承祭官。原定承祭官並於具題祀期疏內列名請

旨。

圓丘

方澤

祈穀

嘗祀。以親王。

太廟

太廟後殿

社稷

日

月

歷代帝王廟。以王貝勒貝子公。釋奠於

先師。以滿漢大學士。

釋奠。道光二十二年奉 先師。著太常寺將滿漢大學士協辦大學士 六部尚書通行開列具題請旨。

崇聖祠。以祭酒司業。恭遇

親詣釋奠。則

崇聖祠。以大學士。

先農壇

太歲殿以親王郡王。

先蠶壇以內務府總管奉宸苑卿。

先醫廟以禮部堂官。

北極佑聖真君

大神

東嶽黑龍潭

龍神廟玉泉山

龍神祠以太常寺卿少卿。

都城隍廟

關帝廟賢良祠昭忠祠雙忠祠以領侍衛內大臣散

秩大臣都統尚書。

關帝廟後殿以太常寺卿少卿。

礮神以漢軍都統均於具題祀期疏內列名請

旨賢良祠後祠及功臣專祠均以太常寺卿少卿承

祭不具題。○順治初年定祇告

天

地

宗

社各開列承祭官與常祀同。○又定告祭

后土

司工

窯神

門神承祭官以禮工二部滿漢堂官開列。○康熙

二十四年定祇告

傳心殿開列滿漢大學士。○乾隆十八年定每三

年一次祀

礮神遣都統或副都統每旗各一人承祭。○二十

五年定嗣後黑龍潭

龍神改遣

圓明園大臣致祭玉泉山

龍神改遣內務府大臣致祭。○三十三年奏准祭

礮神八旗承祭大臣職名內如有王爵不拘旗分

以王銜繕入祝文承祭如無王爵則書鑲黃旗

都統職名在礮位前讀祝致祭。○又議准桂勇

祠承祭官以領侍衛內大臣散秩大臣都統尚

書。○四十五年定睿忠親王祠以太常寺卿少

卿承祭。○嘉慶二年定獎忠祠以領侍衛內大

臣散秩大臣都統尚書承祭。○六年議准

文昌帝君廟承祭官由寺行取領侍衛內大臣散秩

大臣都統尚書各職名具疏開列請

欽派一員行禮其承祭

後殿以太常寺卿少卿開列請

欽派一員行禮○七年議准昭忠祠賢良祠並功臣

各專祠承祭官均改用蟒袍致祭○十一年定

衰忠祠承祭官以領侍衛內大臣散秩大臣尚

書都統開列○十四年

諭每年恭遇

天

地

宗

社大祀朕皆躬詣行禮即中祀亦有親行者向來內閣

既有票擬雙籤奏派恭代之例自應將近支親王郡

王奏派以昭慎重嗣後著將儀親王永璇成親王永

理慶郡王永璘定親王綿恩輪流奏派如或奏上時

未經派出下次即另行更換不得仍將上屆所擬正

陪之人開送其餘祭祀應遣派行禮者仍著照舊例

行○十五年奏准春秋致祭

興安大嶺以熱河都統承祭若恭逢木蘭秋彌之

期即奏派王大臣一員告祭○十六年

諭朕從前隨侍

皇考高宗純皇帝巡幸木蘭親見每次必

遣員致祭興安大嶺上年朕特降諭旨命禮部議增祀

典定為春秋二次設幄望祀本年朕詣木蘭派員致

祭詢係承祭之員於派出後擇區望祭並無專地興

安大嶺雄峙塞北綿互坤維

山神靈異風昭凡木蘭以內原隰廣輪皆靈祇之所

普護昨朕自熱河啟蹕節屆深秋氣候已寒進哨後

風日暄和牲獸蕃庶閒值陰雨道途坦順諸事吉祥

自增修祀事以後顯應尤徵朕意應建立專祠俾

神有憑依庶歲奉明禋益昭虔敬東哨門內

高宗純皇帝聖製詩碑亭及朕御製文碑亭之北頭道

河二道河適中之處擇平坦地面建造祠宇一區供

奉

神牌春秋二祀即於此行禮朕每年進哨出哨俱親

詣拈香一次以申祈報之義若由西崖口進哨之年

著行在禮部奏請派員拈香祠宇後並著修葺行殿

三楹以備憩息綠以周垣垣外酌蓋兵房即令圍場

總管派官兵十餘名輪班敬謹看守所有此項工程

派熱河都統毓秀同承修普陀宗乘之內務府大臣

常福徵瑞辦理毓秀徵瑞即先行的議繪具圖說於朕回蹕熱河時進呈再詔吉興修限於明年八月以前竣工朕秋獵時親詣拈香落成以光祀典。○十七年

諭昆明湖廣潤靈雨祠龍神神佑感孚如響斯應允宜崇加封號於原封安祐普濟神號下敬增沛澤廣生四字並著禮部查照黑龍潭玉泉山兩處龍神祠祀典一體春秋致祭以昭靈貺欽此遵旨奏准。

廣潤靈雨龍神祠照致祭黑龍潭玉泉山

龍神之例春秋致祭屆期題請

欽派大臣一員承祭朝服上香讀祝行禮如儀。○十八年

諭白龍潭龍神於乾隆四十六年曾經加封為昭靈廣濟龍神著增入祀典春秋以時致祭用彰靈應每屆祀期前十日由太常寺專摺具奏將散秩大臣開列名單進呈候旨派往行禮。○咸豐三年議准。

關帝升入中祀。

前殿承祭以親王郡王。

後殿遣太常寺堂官一員。○六年

諭文昌升入中祀前期一日著遣親郡王行告祭禮春秋二季俱著卜吉舉行。

分獻官。原定。

園丘

方澤

太廟兩廡分獻官各二人。

親夕

月分獻官一人均以領侍衛內大臣散秩大臣都統

尚書。

月壇遣官承祭則以侍郎分獻。

帝王廟分獻官四人以侍郎內閣學士副都御史恭

遇

親祭則以尚書左都御史開列具奏春秋丁祭分獻

先師廟十二哲行文咨取翰林院編修檢討二人兩

廡用國子監官四人恭遇

親祭分獻

四配以尚書四人。

十二哲暨兩廡以侍郎六人開列具奏。

先醫廟兩廡分獻官二人以太醫院堂官。

太歲殿兩廡分獻官二人用太常寺卿少卿均於具

題祀期疏內開列。

崇聖祠四配兩廡分獻官。用國子監官四人。昭忠

祠分獻官十有三人。用太常寺官。均不開列具

題。凡開列各承祭分獻官。王公行宗人府。領侍

衛內大臣。散秩大臣。行侍衛處。都統行八旗。各

咨取職名。豫期奏請。

欽點數人以備開列。內閣大學士學士。六部尚書侍

郎。都察院左都御史。左副都御史。臨期咨取各

職名題請。均用滿官。惟

先師廟滿漢官並開列具題。奉

旨後。於祀前二十日或十五日。以具題科鈔行分獻

官各衙門。○康熙三年

諭。冬至四從壇分獻。向來遣副都統侍郎不合。應以都

統尚書一品大臣分獻。○乾隆八年定。承祭分獻各

官奏請

欽派後。如奉

特旨出差。或別有事故。即以原開列之大臣奏請改

遣。如不及另奏。即知會原開列之大臣代為行

禮。如值

慶典時。巡省方。曾經奉

旨派出之承祭分獻官。適有事故。復奏不及。由

紫禁城內總理王大臣。於在京之齊戒大臣內另

派致祭。均於祀畢補行奏

聞。○同治五年奏准。嗣後凡遇

壇

廟各祀。擬送王等銜名。及應派分獻之散秩大臣。年逾

六十者。俱毋庸擬送。

陵寢承祭官。○順治十七年奏准。祭

盛京

三陵。以守

陵宗室覺羅官行禮。○康熙八年議准。停止

盛京祭

陵宗室覺羅官居住。其

盛京及

畿輔各

陵。並遣在京之多羅貝勒以下奉國將軍覺羅男以上

行禮。

萬壽聖節。十月朔。忌辰。均照前例致祭。○十八年議

准。

盛京



陵四時祭祀。令奉天將軍副都統侍郎等致祭。

畿輔

陵照例遣大臣致祭。如遇大慶。自親五以下。鎮國將軍

覺羅文武一品大臣以上。奏請

欽派。○二十四年議准。祭

四陵。改由太常寺行取宗人府職名。開列奏請

欽派。○雍正八年議准。

盛京

三陵承祭官。由寺行吏兵二部。咨取奉天將軍副都統

侍郎各職名。開列具題。但各官有無差遣事故。

本寺無從考覈。嗣後

盛京禮兵二部。將應與開列各官有無事故。於祭

期前六十日移咨太常寺。如具題奉

旨之後。或有差遣事故者。

盛京禮部。即將彼處無事故之人酌代。行禮。行文

太常寺具奏。○乾隆元年奏准。特遣宗室將軍

六人往駐

盛京。給以田宅產業。永遠承祭

三陵。○六年奏准。

盛京所駐宗室將軍。奏遣承祭

三陵。如遇事故無應補之人。即於奉天將軍副都統侍

郎內。酌量無事故者代為行禮。仍將行禮之人

職名。及酌代緣由。行知太常寺具奏。

執事官。○順治四年定。

太祖高皇帝神位。都統恭奉。

孝慈高皇后神位。覺羅尚書恭奉。

太宗文皇帝神位。大學士恭奉。○十四年定。大祀

天

地

祈穀。前期五日。遣親王一人恭代視牲。前期二日。遣禮

部堂官一人省牲。

太廟

社稷及中祀各

壇廟。俱於前期二日。遣禮部堂官偕太常寺堂官至

攝牲所省牲。○十六年奉

旨。典儀官唱贊亞獻。俟文舞生立定唱贊。其唱徹饌。俟

文舞生退畢唱贊。○康熙十年題准。

太廟後殿獻爵用覺羅官。

親詣致祭。

前殿獻爵接福。昨用侍衛。餘執事用太常寺官。其大祀

各

壇中祀各

壇廟。

皇帝親祭。接福昨均用侍衛。餘執事用太常寺滿漢官。○又定前期四十日。由寺咨呈禮部。取祀前二日視牲之堂官職名。祀前二十日。開列正陪具題。前期十五日。以視牲科鈔行宗人府禮部。○又定前期十五日。由寺咨光祿寺。取奉福酒福昨光祿寺官二人。咨侍衛處。取接福酒福昨侍衛二人。將各職名送寺。○又定致祭城內

壇

廟前期十日。由寺咨鑾儀衛取鋪拜褥官。

太廟時饗夫人。裕祭十人。

社稷壇四人。

帝王廟

先師廟各二人。開具職名送寺。○又定前期六日。咨呈禮部。並咨都察院光祿寺。取監視宰牲官各職名送寺。大祀

天

地壇。於祀前一日于初刻。

太廟

社稷及中祀各

壇廟均於祀前一日黎明具朝服赴宰牲亭監視。○十二年奉

旨

壇

廟祭祀理宜虔致肅清。今觀祭祀時執事之人過多。殊為繁雜。作何減去令肅清之處。著諭禮部太常寺衙門會同議奏。欽此。遵旨議定。

天壇

祈穀壇

地壇壇上奉香官八員。裁去四員。奉帛官四員。樂舞生四名。裁去樂舞生。斟酒樂舞生四名。奉酒官四員。仍舊存留。鋪拜褥設牌官二員。裁去一員。供肉時。擲設各位香鑪銜官四員。仍舊存留。在壇下壇門鼎鑪點香官二員。仍舊存留。讀祝滿官一員。漢官一員。裁去漢官。贊賜福酒福昨官一員。仍舊存留。光祿寺看福酒福昨官二員。裁去一員。奉遞官二員。奉接待衛二員。仍舊存留。由

侍衛轉接看守官二員。裁去一員。祭

大廟獻酒侍衛六員。獻帛官三員。樂舞生三名。裁去樂舞生。斟酒樂舞生六名。仍舊存留。看守金銀器皿官四員。裁去二員。贊賜福酒福胙滿官一員。贊禮畢回宮滿官一員。仍舊存留。讀祝滿官一員。漢官一員。裁去漢官。鑪上點香漢官二員。仍舊存留。光祿寺看福酒福胙滿官二員。裁去一員。奉遞官二員。奉接侍衛二員。仍舊存留。由侍衛轉接看守官二員。裁去一員。祭

社稷壇奉香官八員。裁四員。獻帛官四員。樂舞生四名。

裁去樂舞生。獻酒官四員。樂舞生四名。贊賜福酒福胙滿官一員。仍舊存留。讀祝滿官一員。漢官一員。裁去漢官。贊禮即一員。樂舞生一名。裁去樂舞生。滿贊禮即一員。仍舊存留。光祿寺看福酒福胙官二員。裁去一員。奉遞官二員。奉接侍衛二員。仍舊存留。由侍衛轉接看守官二員。裁去一員。祭

日壇奉香供帛官二員。裁去一員。遞酒官一員。斟酒樂舞生一名。仍舊存留。鋪拜褥設牌官二員。裁去一員。讀祝滿官一員。漢官一員。裁去漢官。贊

賜福酒福胙官一員。仍舊存留。光祿寺看福酒福胙滿官二員。裁去一員。奉遞官二員。奉接侍衛二員。仍舊存留。由侍衛轉接看守官二員。裁去一員。祭

月壇奉香供帛官四員。裁去二員。奉酒官二員。斟酒樂舞生二名。仍舊存留。鋪拜褥設牌官二員。裁去一員。讀祝滿官一員。漢官一員。裁去漢官。贊賜福酒福胙滿官一員。仍舊存留。光祿寺看福酒福胙漢官二員。裁去一員。奉遞官二員。奉接侍衛二員。仍舊存留。由侍衛轉接看守官二員。裁去一員。凡祭祀

壇  
廟監察御史二員。在內侍立。禮部滿漢堂官。壇上侍立。會典載有監察御史侍立之例。無禮部官侍立之例。監察御史仍照舊侍立。其禮部堂官停其在

壇  
廟侍立。各在班次行禮。○二十四年定。  
傳心殿朔望。以太常寺寺丞一人上香行禮。○二十五年

諭朕惟敬

天奉

祖郊祀廟享。必精白厥心。竭誠致慎。庶幾有孚昭格。用洽明禮。朕於祭祀

壇

廟。每躬詣行禮。未嘗不齋明祗懼。實圖感通。凡從事於祀典者。皆宜表裏精誠。虔盡職掌。近見執事陪祀各官。聞有因循怠忽。視為具文。不能盡志致愆。共效昭事之忱。殊為非禮。嗣後務俾各秉誠心。克恭祀事。凡行禮儀節。始終整肅。毋得慢易。用副朕敬奉

天

祖至意。○雍正二年奏准。

上帝位前金鑪一。幄前門鑪二。

配位前金鑪各一。俱於各鑪上設蓋。祀時委太常寺官各一員。恭候

皇帝上香後。即行安蓋。○五年奉

旨。嗣後大祭祀。太常寺官不敷用。移取鴻臚寺官。○十一年奏准。

太廟恭請

神牌照

奉先殿之制。用太常寺官。○乾隆元年奏准。各

壇

廟祭祀。均於質明行事。舊例太常寺官。於曉鐘時即請神牌安設。俟

皇帝駕至行禮。嗣後祭

天

地

祈穀。俟

齋宮鳴鐘時請

神牌。各祭於

皇帝降輿時請

神牌。

皇帝駕至。均於幄次內恭候奉

神位畢。太常寺堂官奏請行禮。○又議准。致祭

先師廟。向例各祭品辦畢。交國子監官前期一日陳設。逢春秋天氣暄暖。率多變味。且與各處陳設

不能畫一。嗣後請照各祀例。交太常寺官陳設。○二年定祭

太廟前期一月。由寺咨呈宗人府。時饗取司爵宗室官

十有六人。司帛宗室官五人。覺羅官十有二人。

裕祭取司爵宗室官二十四人。司帛宗室官九人。豫將職名送寺。○四年覆准。

帝王廟

先農壇行飲福受胙禮。停其別設拜褥。賢良祠昭忠

祠宣讀祝文。照

諭祭禮。站立宣讀。承祭官亦恭立於位。○五年奏准。每逢祭祀。於陳設祭品之後。即令御史會同太常寺官徧行巡查。凡陪祀執事各官。如有

壇

廟內涕唾咳嗽談笑喧譁者。無論宗室覺羅大臣官員。

即指名題參。○七年定。向例進俎於典儀唱贊後。執事官率廚役於壇下昇俎而升。起鑪銜香几於兩旁。俟進俎後復安原位。倉卒間恐難必其端正。嗣後大祀

天

地所進牲俎。亦如籩豆例。豫先陳設。俟典儀唱贊之後

執湯壺官升壇。以湯沃俎。乃行進俎禮。毋庸臨時昇進。其起鑪銜香几官。亦請裁汰。○又奏准。

天壇

祈穀壇

太廟供奉

神牌之殿。每月朔望前期一日。仍令典守各官啟殿拂拭。至期。太常寺堂官各一員。分詣上香瞻禮。以昭

誠敬。其餘各

壇廟供奉

神牌。仍令奉祀各官上香瞻禮。○又奏准。躬祀

天壇兩門鑪於請

神位時。豫先焚香。隨蓋鑪蓋。再樂舞生執旌節領班。向例即用樂舞生首名。嗣後改用司樂官領班。○

九年議准。

太廟後殿獻爵。用覺羅官二十四員。○十年議准。

太廟朔望上香。改用王公一人。○十四年

諭。稽古虞書秩宗典三禮。周官宗伯掌邦禮。而首以吉禮事邦國之鬼神示。春秋典祀。職莫重焉。乃者

郊壇

宗廟。以太常寺為專司。而禮部堂官不莅其事。非古也。治神人。和上下。敬服乃職。其所事者何在。大學士會

同該部並會典館總裁官詳議以聞。欽此。遵旨議定。

兩郊大祀。

皇帝先期躬省

壇位。

親閱籩豆。禮部尚書侍郎皆陪從侍儀。視牲省牲。仍照例題請。

宗廟

社稷

日

先農各壇。

歷代帝王

先師孔子廟。祭前期省牲及祭日視陳。籩豆均

以禮部堂官一人。敬率太常寺卿等將事。以昭嚴恪。○又奏准。祭日請送

神牌。向用太常寺官恭奉。嗣後令禮部尚書一人上香行禮。其恭奉

神牌。仍用太常寺官。○又議准。

太廟

神牌。用宗室覺羅官恭奉。其上行禮。令宗人府王公暨朔望上香之王公內。每祭以二人將事。○十

七年奏准。古天子諸侯袒而割牲。厥典甚鉅。今監視宰牲。止沿舊例。用御史禮部太常寺司官。嗣後大祀中祀。俱增光祿寺卿一員。上香監視。以昭慎重之義。○又定。

太廟時饗。

後殿增覺羅官四人。○十八年定。遣官釋奠於

先師。前期二十五日。由寺行國子監。咨取司香帛爵

國子監官十有五人。肄業生六十一人。並司尊

賜福胙。接福胙。肄業生八人。將各職名送寺。

親詣行禮。咨取

崇聖祠司香帛爵國子監官十有五人。肄業生三

十人。將各職名送寺。○又定。凡遇

親詣祭祀。係禮部滿堂官對引。或適奉特旨出差。不及執事。將曾充對引大臣。並咨取各部

院滿尚書左都御史侍郎內閣滿學士職名具奏。恭候

欽派。○三十三年定。旌勇祠典儀司香司帛司爵讀

祝數帛均滿官各一人。掌燈漢官一人。○四十

五年定。睿忠親王祠執事官同旌勇祠。○嘉慶二年定。獎忠祠執事官同旌勇祠。○四年定。

太廟增取司爵宗室官三員。司帛宗室官一員。司拜褥  
鑿儀衛官一員。○六年定。

文昌廟典儀滿官二人。司香司帛司爵均滿官各四  
人。讀祝數帛滿官各二人。掌燎漢官一人。○十  
一年定。褒忠祠執事官均如獎忠祠。○道光元

年

論本年歲暮禘祭

太廟應派獻帛之近支王公人數不敷。著照太常寺官  
之例。嗣後派獻帛爵如遇人數不敷。凡服制已滿百  
日者。均准其一體當差。

齋戒官。○原定。祀期前四十日。由寺咨取各齋  
戒官職名。鎮國輔國奉國各將軍。宗室覺羅之  
文職大學士尚書以下。員外郎並員外郎品級  
官以上。武職都統以下。參領輕車都尉佐領以  
上。行宗人府。滿洲蒙古漢軍都統公侯伯以下。  
參領輕車都尉佐領以上。漢尚書以下。員外郎  
員外郎品級官以上。行吏部。漢武職冠軍使。行  
鑿儀衛。參將遊擊。行步軍統領衙門。均於十日  
前開送到寺。由寺出示正陽門。令陪祀官齋戒。  
前十五日。以齋戒事宜咨呈宗人府。並移內閣

典籍廳六部。理藩院都察院內務府。通政司大  
理寺翰林院詹事府光祿寺太僕寺鴻臚寺國  
子監。欽天監太醫院順天府鑿儀衛八旗都統  
步軍統領衙門。各設齋戒牌於本署。均如期齋  
戒。恭遇

親祭致齋。前期四日。以致齋事宜咨內務府尚膳房  
並咨呈宗人府。及咨侍衛處護軍統領一例齋  
戒。前期四日。咨吏部轉傳齋戒各官。至祀日朝  
服陪祀。○順治八年定。大祀致齋三日。中祀致  
齋二日。各衙門均設齋戒木牌。○康熙三十九

年。獲准。陪祀官故違不到。向有處分定例。但日  
久事弛。稽查不嚴。以致怠玩。嗣後凡遇祭祀。由  
部院堂官該旗都統查明咨送太常寺。若無事  
假託不到。都察院會同吏部參處。○雍正二年  
奏准。嗣後遇祭祀時。各衙門應陪祀官員。於太  
常寺文到。令該管大臣嚴行稽察。務令躬親齋  
戒陪祀。不得藉端規避。其實係有疾病事故者。  
令該管大臣秉公查察。聲明緣由。行文都察院  
查覈。至會集處令都察院收取職名。倘有並無  
事故不行齋戒。或已開齋戒職名不至會集處

者。經該管大臣查參。將該員照違令私罪律議處。如該管大臣不行查出參奏。照不行詳查例議處。○五年

論

壇

廟祭祀。理宜潔淨齋戒。嗣後命御史二人。各部院衙門司官二人。每旗賢能官一人。內務府官二人。三旗侍衛二人。前往

壇內稽察。其齋戒臨近時。將旗下大臣職名具奏。朕酌量遣往稽察。○七年定。凡祭祀前期二十五日。咨兵

部奏請稽察齋戒大臣。將

欽點大臣職名旗分送寺。○九年議准。六科給事中監察御史。凡遇祭祀。咸令齋戒。○十年

諭。國家典禮。首重祭祀。每齋戒日期。必檢束身心。竭誠致敬。不稍放逸。始可以嚴昭事而格神明。朕每遇齋戒之日。至誠至敬。不但殿廷安設銅人。即坐臥之處。亦書齋戒牌。存心儆惕。須臾毋忘。至內外大小官員。雖設齋戒牌於官署。但恐言動起居之際。稍有褻慢。即非致齋嚴肅之義。考明代祀典。凡陪祀及執事之人。有懸記牌之例。今酌定齋戒牌之式。令陪祀各官

佩著心胸之間。使觸目儆心。恪恭罔懈。並得彼此觀瞻。益加省惕。其於明禋大典。愈昭嚴潔。著傳諭各部院八旗。並直省文武官一併遵行。○又定。大祀中祀親詣行禮。前期二十五日。由寺咨左右兩翼前鋒統領。下五旗護軍統領。將應齋戒之前鋒護軍各統領參領對品之副署護軍參領等職名。於十日前開送到寺。以便散給齋戒牌。○十一年覆准。向例各衙門齋戒官職名。皆先期行文太常寺。轉送都察院稽察。但稽察齋戒大臣。無齋戒官職名。無憑稽察。嗣後齋戒之期。各部院及八旗齋戒官。除照舊知會太常寺轉送都察院外。再造冊一本。並送該寺存儲。俟

欽點八旗大臣後。令赴寺領取。按冊稽察。如各衙門八旗不豫造冊移送者。著稽察齋戒大臣參奏。交與該部。將該管造冊官照例議處。○又覆准。文武官有署理協辦兼幾處行走者。或在本任衙門。或在署理協辦衙門齋宿。於冊送太常寺時。註明冊內。以便稽察。○十二年奏准。祭

地天



祈穀陪祀大臣官員。均在衙署齋宿。至饗

太廟及各祭祀陪祀官。向在家齋宿。但滿漢官有住居

城內城外之別。若俟啟城門趨赴行禮。實有違

誤不及入班之虞。嗣後城內祭祀。令城外居住

之大臣官員前期一日在各該衙門齋宿。其城

外祭祀。凡城內居住之大臣官員前期一日住

城外附近處齋宿。如有臨時遲誤不及入班者。

察出參處。○十三年奏准。祭饗

壇

廟齋戒日期。並

列祖

列后忌辰。於時憲書內逐日旁加一圈。若祭祀齋戒之

日。適遇忌辰。圈內再加一圈。永為定例。嗣後於

欽天監未進呈時憲書之前。據將祭祀日期先

行具奏。○乾隆元年議准。

太廟

社稷均係大祀。照祭

天

地

祈穀之例。凡陪祀執事各官。均令在該衙門齋宿。令稽

察齋戒大臣侍衛嚴行查察。○七年奏准。直省

文職督撫以下。道府以上。武職將軍都統副都

統提鎮以下。協領副將以上。現任來京者。凡祭

祀前期二十五日。由寺咨吏兵二部轉取職名。

一例齋戒。又議准。大祀

天

地親王郡王。在

紫禁城內齋戒二日。壇外齋宿一日。宗室奉國將

軍以上。在該衙門齋戒二日。壇外齋宿一日。八

旗滿洲蒙古漢軍輕車都尉佐領以上。滿漢文

職員外郎以上。武職冠軍使京營參將遊擊以

上。均在該衙門齋宿二日。外任來京文職道

府以上。武職協領副將以上。附近地方齋宿。如

遣官恭代。王公不齋戒。各官在署致齋三日。饗

太廟。祭

社稷親王郡王。在

紫禁城內致齋三日。文職郎中以上。武職冠軍使

輕車都尉京營參將遊擊以上。在署齋戒三日。

朝

日夕

月

歷代帝王

先師

先農之祭。王公府第致齋二日。文武各官在私第齋

戒二日。遣官致祭。王公均不致齋。○八年議准

郊祀前期一日。

皇帝詣

齋宮。是日申酉時。並祭日五鼓。應稽察齋戒衙門。

均於壇門外收職名。陪祀官齊赴投遞。餘祀本

日於祭所門外收職名。○九年定。

皇后親饗

先慈。前期四日。由寺以齋戒事宜。知會內務府尚膳

房。○十二年覆准。凡有事於

園丘

方澤

祈穀

常雩。陪祀各官。前四日祇俟

午門外。跪聽宣讀

教諭。○十三年議准。致祭會集之處。王公由宗人府

委官開列名單。於會集處稽察。其已到者。於名

單內加圈。鎮國將軍以下至宗人府官員。由宗

人府。文職由吏部。武職由兵部。開列職名。咨送

都察院稽察。吏部滿漢官。由都察院稽察。宗人

府。吏部兵部都察院各繕名摺具奏。其因他處

會集不能到者。於摺內聲明緣由。無故不到者

叅處。若冊內緣故不符。或開列會集而不能投

遞職名。稽察官呈明叅奏。儻該員不行詳察及

瞻徇不呈叅奏者。一併叅處。至會集之日。臨期

有患病等情。亦必聲明緣由。知照稽察衙門。○

又

論向來

郊壇大祀。凡遇遣官恭代之日。大學士等均不齋戒陪

祀。蓋因會典開載定例。有武官公以下輕車都尉以

上。文官尚書以下員外郎品級官以上之語。是以親

王及內大臣大學士等咸不陪祀。朕思王等天潢近

派。原與臣僚不同。自當隨駕前往。內大臣職司環衛。

若專顧陪祀。則禁直必致曠誤。惟親行扈從。亦為合

宜。若大學士乃輔政之臣。為百僚表率。尤當致謹齋

宿。以為眾倡。何以轉不陪祀。揆厥由來。蓋緣明代大

學士僅列五品。在尚書以下。文官以尚書為冠。則大

學士等已在其中。至我朝雍正年間。大學士既定為一品。在高書之上。則所稱尚書以下。應改為大學士以下。嗣後一切祭祀。大學士等。均令齋戒陪祀。將此載入會典。又

諭。朕覽吏部等衙門所奏。致祭

地壇陪祀之文武大臣官員。其中不到者甚多。嗣後凡遇朝祀大典。應行齊集之處。如有仍蹈前轍者。朕斷不為之姑容。至稽察齋戒之大臣。尤宜致謹從事。豈有轉不陪祀之理。此後宜一例齋戒。十四年

諭。嗣後凡遇齋戒。有衙署之大臣。雖兼別職。務著在各

該衙門齋宿。其無衙門之領侍衛內大臣。散秩大臣等。著在紫禁城內齋宿。違者經朕察出。定行治罪。御前侍衛等。亦皆在紫禁城內齋宿。十九年奏准。凡有事於

園丘

方澤

祈穀

齊祭。陪祀各官。前期四日。祇俟

午門外聽宣

教諭。原以聳眾聽而致嚴肅也。但當尚未致齋之時。

各衙門照常辦理。應齋戒之大臣官員等。往往因有現辦事件。不能會集。其赴班者。又復先後參差。行之日久。徒存具文。轉無當於制禮本意。應令在京大小各衙門。赴內閣恭錄

教諭。製牌繕寫。敬謹收存。每

兩郊大祀之期。由太常寺通行各衙門。於致齋日。敬謹安設。俾瞻仰之下。時懍恪虔。較之宣讀一徧。更為親切。其宣讀

教諭。即可停止。三十三年

諭。嗣後諸王齋戒。著在紫禁城內齋戒。不可在家內與

紫禁城外齋宿。著永為例。三十七年

壇

廟

祭祀。王公大臣宿齋陪祀。各期恪致寅恭。若其中有年齒漸增。精力未免稍減。僅以格於查覈之例。因而勉強支持。跛倚從事。轉非嚴懋肅將之本意。嗣後王公大臣有年逾六旬者。凡遇祀典。聽其自行酌量精神。或致齋而不陪祀。或並不能致齋。一聽其便。並毋庸列入查奏彙覈之內。以昭體恤。以重明禮。嘉慶十二年

諭。御史胡大成奏請飭臣工敬謹將事以重祀典一摺。據稱近聞每值齋戒之期。應入署齋宿各員。多不入署齋宿。又伊於從前監禮時。曾親見祭告甫畢。樂奏未終。而執事人員即喧譁雜沓。請飭各部寺院。嗣後不得仍前怠玩等語。

壇

廟大祀。齋戒及執事各員。理宜恪恭將事。以昭誠敬。向例特派大員稽察。並令科道查齋監禮。立法已極詳明。惟奉行日久。在齋戒執事者。未必能仍前嚴肅。而稽察監禮者。亦即視為具文。殊非潔蠲之義。其例應入署齋宿之員。或因職守不同。聞有假廟宇齋宿者。亦應將所宿廟名。由本衙門咨報。俾有考覈。至祭告甫畢。執事者即喧譁雜沓。該御史從前監禮時既經親見。何以並不封上彈章。默爾而息。嗣後各部寺院衙門。惟申明舊例。凡應齋戒執事各員。務各小心。謹恪。毋得稍存怠忽。其派出查齋之員。向來稽察過早。齋宿者尚未到署。即已到各員。一經查竣。仍可散退。未免習而生玩。此後查齋之員。必當於傍晚時始行查察。如有違例懈忽者。即著據實奏。以肅祀典。

十九年

諭。太常寺人員職司

壇

廟執事。每遇祀事。自應致齋誠懇。以肅明禋。嗣後執事官員。俱著晝夜在本衙門齋戒。並著查齋科道等據實確查。如有不在衙門者。即行奏。二十四年。御史佟濟奏。參國子監堂官齋戒不到。奉

旨。御史佟濟秉公持正。所參甚是。著賞加一級。敏登額。張麟奕。溥音德布。俱著交部迅速嚴加議處。欽此。遵旨議奏。奉

旨。國子監堂官。於

太廟祭大典。齋戒不到。非尋常懈怠可比。除司業奕溥先行呈報。扣除免議外。祭酒敏登額。張麟司業音德布。俱著實降一級調用。道光五年

諭。凡遇祀事。於齋戒前數日。各衙門將派出陪祀人員造冊分送禮部都察院太常寺。除照向例稽察齋戒外。其臨祭之時。責成查班御史。收取職名。按冊而稽。如有無故不到。或夾帶他人職名。蒙混投遞者。即指名奏。

迎送官。康熙十年定。前期十日。由寺咨呈宗人府轉傳不陪祀之王以下宗室覺羅有頂戴

官員以上。咨理藩院轉傳來京蒙古王以下有頂戴官員以上。咨吏部轉傳滿漢有頂戴官。咨步軍統領衙門轉傳京營武職。其不陪祀各官。於祀日朝服祇俟午門外。

乘輿出入跪候迎送。○嘉慶十九年

諭。向例每逢祭祀大典朕出入禁城各衙門派有官員。在禁門外迎送。近日迎送之員甚屬寥寥殊非敬慎之道。著通諭各衙門嗣後該堂官將迎送官員酌定名數。派出後先期造冊咨送都察院屆時由齊班御史將迎送各員職名按冊查收覈對。如有曠誤者該御史指名參處。

欽定大清會典事例卷一千六十三

太常寺

|    |       |         |
|----|-------|---------|
| 祭器 | 圓丘祭器  | 祈穀壇祭器   |
| 祭器 | 方澤祭器  | 大廟祭器    |
| 祭器 | 社稷壇祭器 | 日壇祭器    |
| 祭器 | 先農壇祭器 | 地祇祭器    |
| 祭器 | 月壇祭器  | 天神祭器    |
| 祭器 | 先蠶壇祭器 | 先代帝王廟祭器 |
| 祭器 | 太歲壇祭器 | 文昌帝君廟祭器 |
| 祭器 | 三壇祭器  | 文廟祭器    |
| 祭器 | 傳心殿祭器 | 廟祭器     |
| 祭器 | 廟祭器   | 廟祭器     |
| 祭器 | 廟祭器   | 廟祭器     |

圓丘祭器

皇天上帝位。爵三。用匏高一寸八分。深一寸三分。口徑三寸七分。金裏。其下歧出為三足。高二寸九分。

登。用陶。青色。通高六寸一分。深二寸一分。口徑五寸。枝圍六寸六分。足徑四寸五分。蓋高一寸八分。徑四寸五分。頂高四分。蓋二。用陶。青色。通高四寸四分。深二寸三分。口徑六寸五分。橫八寸。底縱四寸四分。橫六寸。兩耳。蓋高一寸六分。口縱橫與器同。上有枝四周。縱四寸八分。橫六寸四分。亦附以耳。蓋二。用陶。青色。通高四寸六分。深二寸三分。口徑七寸二分。底徑六寸一分。兩耳。蓋高一寸八分。徑與口徑同。上有枝四出。高一寸三分。蓮十二。用竹。以絹飾裏。頂及緣

皆聚以漆。青色。通高五寸八分。深九分。口徑五寸。足徑四寸五分。蓋高二寸一分。徑與口徑同。頂正圓。高五分。豆十二。用陶。青色。通高五寸五分。深一寸七分。口徑五寸。校園六寸六分。足徑四寸五分。蓋高二寸三分。徑與口徑同。頂為絢紐。高六分。篚一。用竹。聚以漆。青色。高五寸。縱五寸六分。橫二尺三寸三分。足高一寸一分。蓋高一寸八分。俎一。用木。聚以漆。青色。錫裏。外四周各銅鑲二。四足有跗。縱二尺三寸。橫三尺二寸。通高二尺三寸。尊一。用陶。青色。通高八寸四分。口徑五寸一分。腹圍二尺三寸七分。底徑四寸三分。足高二分。兩耳為犧首形。

列聖配位。爵各三。用匏。登各一。簋各二。均用陶。豆各十二。用竹。豆各十二。用陶。篚各一。用竹。俎各一。用木。尊各一。用陶。制均與。

正位同。

四從神位。爵各三。用陶。青色。通高四寸六分。深二寸四分。兩柱高七分。三足相距各一寸八分。高二寸。琖。

大明

夜明位各二十。

星辰

雲雨風雷位各三十。用陶。青色。通高一寸九分。深一寸五分。口徑三寸四分。足徑一寸二分。登各一。用陶。制與。

正位同。

大明

夜明位不設劍。

星辰

雲雨風雷位。劍各二。用陶。青色。通高三寸九分。深三寸六分。口徑五寸。底徑三寸三分。足高一寸三分。兩耳。蓋高二寸五分。上有三峯。高九分。簋各二。均用陶。豆各十。用竹。豆各十。用陶。篚各一。用竹。制均與。

正位同。俎各一。用木。

大明

夜明位與

正位同。

星辰

雲雨風雷位。其制中區為三。錫裏。外銅鑲四。八足有

附。縱六尺有奇。橫三尺二寸。通高二尺六寸有奇。尊各一。用陶。制與

正位同。

祈穀壇祭器。

皇天上帝位。爵三。用匏。登一。簋二。均用陶。蓬十二。

用竹。豆十二。用陶。篚一。用竹。俎一。用木。尊一。用

陶。

列聖配位。爵各三。用匏。制均與

圓丘同。登各一。用陶。通高五寸三分。深一寸九分。口徑

四寸五分。校圓六寸。足徑四寸二分。蓋高一寸

七分。徑四寸。頂高三分。蓋各二。用陶。通高三寸

八分。深一寸七分。口縱四寸八分。橫六寸二分。

底縱三寸三分。橫四寸三分。蓋高一寸五分。上

有棧四周。縱三寸五分。橫四寸三分。蓋各二。用

陶。通高四寸。深一寸九分。口徑六寸一分。底徑

四寸五分。蓋高一寸三分。徑五寸五分。上有棧

四出。高一寸八分。蓬各十二。用竹。通高五寸二

分。深九分。口徑四寸四分。足徑四寸一分。蓋高

一寸八分。徑與口徑同。頂高五分。豆各十二。用

陶。通高五寸。深一寸七分。口徑四寸五分。校圓

二寸。足徑四寸一分。蓋高一寸八分。徑與口徑

同。頂高六分。篚各一。用竹。高三寸五分。縱四寸

五分。橫二尺二寸一分。足高七分。蓋高一寸三

分。俎各一。用木。尊各一。用陶。制及諸器之色。均

與

圓丘同。

方澤祭器。

皇地祇位。爵三。用匏。登一。簋二。均用陶。蓬十二。用

竹。豆十二。用陶。俎一。用木。尊一。用陶。制均與

與

正位同。

圓丘同。

方澤祭器。

皇地祇位。爵三。用匏。登一。簋二。均用陶。蓬十二。用

竹。豆十二。用陶。俎一。用木。尊一。用陶。制均與

圓丘

正位同。篚一。用竹。高三寸六分。縱四寸一分。橫二尺二

寸五分。足高七分。蓋高一寸一分。

列聖配位。爵各三。用匏。登各一。簋各二。均用陶。

蓬各十二。用竹。豆各十二。用陶。篚各一。用竹。俎

各一。用木。尊各一。用陶。制均與

正位同。

四從神位。爵各三。登各一。簋各二。均用陶。蓬

各十。用竹。豆各十。用陶。篚各一。用竹。俎各一。用

木。尊各一。用陶。制均與

正位同。銅各二。制與

正位同。

圓丘從位同。琖各三十。通高二寸。深一寸五分。口徑三寸五分。足徑一寸八分。凡陶則用黃色。凡竹木則髹以漆。黃色。

太廟祭器。

後殿。

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后四筵。爵各六。用玉。通高五寸三分。深二寸四分。

兩柱高九分。三足。相距各一寸六分。高二寸一分。登各二。用陶。黃色。制與

郊壇同。銅各二。用銅。兩耳及緣飾以金。高四寸一分。深四寸。口徑五寸一分。底徑三寸三分。三足高一寸三分。三拳高一寸。簋各二。用木。髹以漆。塗金。四面飾以玉。通高四寸六分。深二寸六分。口徑六寸四分。橫八寸。底縱五寸一分。橫六寸四分。

蓋高一寸四分。口縱橫與器同。上有棱四周。縱六寸四分。橫八寸。簋各二。用木。髹以漆。塗金。四面飾以玉。通高四寸二分。深二寸一分。口徑七寸二分。底徑六寸。蓋高一寸八分。徑與口徑同。上有棱四出。高一寸一分。邊各十二。用竹。以絹飾裏。頂及緣皆髹以漆。黃色。制與

郊壇同。豆各十二。用木。髹以漆。塗金。三方飾以玉。通高五寸五分。深二寸。口徑四寸九分。校圓二寸。足徑四寸七分。蓋高二寸二分。徑與口徑同。頂高五分。篚各一。用竹。髹以漆。黃色。高五寸。縱四寸九分。橫二尺二寸五分。足高七分。蓋高一寸一分。俎各一。用木。髹以漆。紅色。中區為三。錫裏外。銅鑲四。八足有跗。縱六尺有奇。橫三尺二寸。通高二尺六寸有奇。犧尊各二。用銅作犧形。尊加其上。高四寸八分。口徑三寸三分。腹圍一尺三寸五分。四面有棱。底徑二寸六分。蓋高二寸一分。徑與口徑同。犧高五寸一分。長八寸三分。孟春時饗用之。象尊各二。用銅作象形。尊加其上。高四寸二分。口徑三寸三分。腹圍一尺四寸四分。底徑三寸。蓋高一寸九分。徑四寸。象高五寸



二分。長七寸一分。孟夏時饗用之。著尊各二。用銅。高八寸五分。深八寸二分。口徑八寸三分。底徑六寸八分。孟秋時饗用之。壺尊各二。用銅。高八寸四分。深七寸九分。口徑五寸二分。頂圓一尺二寸六分。腹圓二尺二寸九分。底徑五寸二分。足徑四寸三分。孟冬時饗用之。山尊各二。用銅。高九寸七分。口徑五寸二分。項圓九寸九分。腹圓一尺六寸五分。底徑三寸七分。足徑五寸三分。四面有棱。中為山形。蓋高二寸四分。徑五寸六分。亦有棱。如器之飾。頂高五分。歲暮禘祭用之。

前殿  
太祖高皇帝  
孝慈高皇后  
太宗文皇帝  
孝端文皇后  
世祖章皇帝  
孝惠章皇后  
孝康章皇后

聖祖仁皇帝  
孝誠仁皇后  
孝昭仁皇后  
孝懿仁皇后  
孝恭仁皇后  
世宗憲皇帝  
孝敬憲皇后  
孝聖憲皇后  
高宗純皇帝  
孝賢純皇后

孝儀純皇后  
仁宗睿皇帝  
孝淑睿皇后  
孝和睿皇后  
宣宗成皇帝  
孝穆成皇后  
孝慎成皇后  
孝全成皇后  
孝靜成皇后  
文宗顯皇帝

孝德顯皇后

孝貞顯皇后

穆宗毅皇帝

孝哲毅皇后十筵。爵共九十六。用玉。登共三十二。用陶。

銅共三十二。用銅。簋各二。簋各二。均用木。蓮各

十二。用竹。豆各十二。用木。篚各一。用竹。俎各一。

用木。犧尊共三十二。象尊共三十二。着尊共三

十二。壺尊共三十二。山尊共三十二。均用銅。制

與

後殿同。東廡十二案。爵各三。用陶。白色。通高四寸二分。

深二寸二分。兩柱高六分。三足相距各一寸六

分。高一寸八分。銅共十五。用銅。高四寸一分。深

四寸。口徑五寸一分。底徑三寸三分。三足高一

寸三分。蓋高二寸二分。三奉高一寸。簋各二。簋

各二。均用木。鬯以漆。塗金。不飾玉。蓮各十。用竹。

以絹飾裏。頂及緣鬯以漆。紅色。通高五寸五分。

深八分。口徑四寸八分。足徑四寸二分。蓋高二

寸。頂高四分。豆各十。用木。鬯以漆。塗金。不飾玉。

篚各一。用竹。鬯以漆。紅色。縱五寸六分。足高一

寸。蓋高一寸七分。餘制及俎與

正殿同。尊八。用陶。白色。通高八寸二分。口徑四寸七分。

腹圍二尺三寸三分。底徑四寸。足高二分。西廡

十三案。爵各三。用陶。銅各一。用銅。簋各一。簋各

一。均用木。蓮各四。用竹。豆各四。用木。篚各一。用

竹。制均與東廡同。俎各一。用木。鬯以漆。紅色。中

區為二。錫裏。加蓋外。左右銅鑲二。六足有跗。縱

三尺九寸。橫二尺八寸。通高二尺七寸。有奇。尊

八。用陶。制與東廡同。

社稷壇祭器。

大社

大稷位。爵各一。用玉。又各二。用陶。玉爵通高三寸四分。

深八分。兩柱高一寸。三足相距各一寸六分。高

一寸四分。陶爵制與

方澤同。登各一。銅各二。簋各二。簋各二。均用陶。蓮各十

二。用竹。豆各十二。用陶。制均與

方澤同。篚各一。用竹。鬯以漆。黃色。高三寸五分。縱四寸

九分。橫二尺六分。足高七分。蓋高一寸二分。俎

各一。用木。鬯以漆。紅色。制與

方澤從位同。尊各一。用陶。制與

方澤同。

后土句龍氏

后稷氏位爵各三。登各一。劍各二。簋各二。豆各二。均

用陶。籩各十二。用竹。豆各十二。用陶。篚各一。用

竹。俎各一。用木。尊各一。用陶。制均與

正位同。

日壇祭器。琖三十。用陶。通高一寸八分。深一寸五

分。口徑三寸五分。底徑一寸四分。爵三。登一。劍

二。簋二。均用陶。籩十。用竹。豆十。用陶。篚一。

用竹。俎一。用木。尊一。用陶。制均與

天壇從位同。凡陶則用紅色。凡竹木則髹以漆。紅色。

月壇祭器。

正位爵三。琖三十。均用陶。俎一。用木。尊一。用陶。制均與

日壇同。惟琖底徑一寸二分。足高二分。登一。簋二。豆

二。均用陶。籩十。用竹。豆十。用陶。篚一。用竹。制均與

祈穀壇

配位同。劍二。用陶。高三寸八分。深三寸六分。口徑五寸

底徑三寸二分。三足高一寸一分。蓋高二寸六

分。三拳高一寸。凡陶則用月白色。凡竹木則髹

以漆。月白色。

配位爵三。琖三十。登一。劍二。簋二。均用陶。籩十。

用竹。豆十。用陶。篚一。用竹。俎一。用木。尊一。用陶。制均與

正位同。

先農壇祭器。爵三。琖三十。登一。劍二。簋二。均

用陶。籩十。用竹。豆十。用陶。俎一。用木。尊一。用陶。制均與

制均與

日壇同。惟琖底徑一寸二分。篚一。用竹。高三寸二分

縱四寸五分。橫二尺二寸一分。足高七分。蓋高

一寸一分。皆黃色。琖用白色。俎用紅色。

先農壇祭器。爵三。琖三十。登一。劍一。簋二。豆十。均

用陶。籩十。用竹。豆十。用陶。篚一。用竹。俎一。用木。尊一。用陶。制均與

專一。用陶。制均與

先農壇同。

天神

地祇

太歲三壇祭器。加。天神。地祇。增。凡。祭。每。案。各。用。器。不。足。則。取。於。天。壇。先。農。壇。以。益。之。

天神壇四案。爵共十二。用陶。簋各二。豆各二。均用陶

籩各十。用竹。豆各十。用陶。篚各一。用竹。俎各一。

用木。尊各一。用陶。

用木。尊各一。用陶。

地祇壇七案。爵共八十一。用陶。簋各二。簠各二。均用陶。蓬各十。用竹。豆各十。用陶。篚各一。用竹。俎各一。用木。尊各一。用陶。

太歲壇正位。爵三。瓊三十。登一。釧二。簋二。簠二。均用陶。蓬十。用竹。豆十。用陶。篚一。用竹。俎一。用木。尊一。用陶。兩廡四案。爵各三。瓊各三十。登各一。釧各二。簋各二。簠各二。均用陶。蓬各十。用竹。豆各十。用陶。篚各一。用竹。俎各一。用木。尊各一。用陶。簠制俱高三寸一分。橫二尺二寸三分。足高八分。蓋高一寸三分。瓊制與

圓丘從位同。餘制均與

先農壇同。凡陶則用白色。凡竹木髹以漆。黑色。惟俎髹以漆。紅色。

歷代帝王廟祭器。

正位十六案。爵各三。用銅。通高四寸六分。深二寸一分。兩柱高七分。三足。相距各一寸五分。高二寸。登各一。用銅。通高六寸。深二寸。口徑四寸九分。校圓六寸九分。足徑四寸七分。蓋高一寸六分。徑四寸六分。頂高三分。釧各二。用銅。高四寸一分。深四寸。口徑五寸一分。底徑三寸三分。三足。

高一寸三分。蓋高二寸二分。三峯高一寸。簋各二。用銅。通高四寸六分。深二寸一分。口縱六寸四分。橫八寸。底縱五寸一分。橫六寸四分。蓋高一寸四分。口縱橫與器同。上有棱四周。縱四寸一分。橫六寸四分。簋各二。用銅。通高四寸二分。深二寸一分。口徑七寸二分。底徑六寸。蓋高一寸八分。徑與口徑同。上有棱四出。高一寸一分。蓬各十。用竹。以絹飾裏。頂及緣髹以漆。紅色。通高五寸四分。深八分。口徑四寸六分。足徑四寸。蓋高一寸九分。徑與口徑同。頂正圓。高四分。豆

各十。用銅。通高五寸五分。深二寸。口徑四寸九分。校圓二寸。足徑四寸七分。蓋高二寸二分。徑與口徑同。頂高三分。篚各一。用竹。髹以漆。紅色。高五寸。縱五寸。橫二尺二寸五分。足高一寸。蓋高一寸七分。俎七。用木。制與

先農壇同。尊七。用銅。通高八寸六分。口徑五寸一分。腹圓二尺四寸。底徑四寸六分。兩廡二十案。爵二百四十有三。釧各二。簋各一。簠各一。均用銅。蓬各四。用竹。豆各四。用銅。篚各一。用竹。尊四。用銅。制與

正位同。俎四。用木。聚以漆。紅色。中區為二。錫裏。加蓋。外左右各銅錄二。六足有跗。縱三尺九寸。橫二尺八寸。通高二尺七寸有奇。

傳心殿祭器。

正位九案。爵各三。銅各一。均用銅。邊各二。用竹。豆各二。用銅。篚一。用竹。尊三。用銅。制均與。

歷代帝王廟同。

配位二案。爵各三。銅各一。均用銅。邊各二。篚各一。均用竹。尊各一。用銅。制均與。

正位同。

文廟祭器。

先師正位。爵三。登一。銅二。簋二。簋二。均用銅。邊十。用竹。豆十。用銅。篚一。用竹。俎一。用木。尊一。用銅。制均與。

歷代帝王廟正位同。

配位四案。爵各三。銅各二。簋各二。簋各二。均用銅。邊各八。用竹。豆各八。用銅。篚各一。用竹。尊各一。用銅。制均與。

正位同。俎各一。用木。制均與。

歷代帝王廟兩廡同。

十二哲位。爵各三。銅各一。簋各一。簋各一。均用銅。邊各四。用竹。豆各四。用銅。篚二。用竹。俎二。用木。尊二。用銅。制均與。

配位同。兩廡七十四案。爵一百四十八。獻爵六。簋各一。篚各一。均用銅。邊各四。用竹。豆各四。用銅。篚二。用竹。俎二。用木。尊六。用銅。制均與。

配位同。

崇聖祠

正位五案。爵各三。銅各二。簋各二。簋各二。均用銅。邊各八。用竹。豆各八。用銅。篚各一。用竹。俎各一。用木。尊各一。用銅。制均與。

大成殿

正位同。惟俎制與。

大成殿配位同。

配位五案。爵各三。銅各一。簋各一。簋各一。均用銅。邊各四。用竹。豆各四。用銅。篚各一。用竹。俎二。用木。尊二。用銅。制均與。

正位同。兩廡三案。爵九。簋各一。簋各一。均用銅。邊各四。用竹。豆各四。用銅。篚二。用竹。俎二。用木。尊二。用銅。制均與。

配位同。

關帝廟祭器。

前殿爵三。登一。釧二。簋二。簋二。均用銅。蓮十。用竹。豆

十。用銅。俎一。用木。尊一。用銅。遵制與

先農壇同。篚一。用竹。髮以漆。黑色。高三寸一分。縱四

寸三分。橫二尺三寸三分。足高八分。蓋高一寸

三分。餘制均與

文廟同。

後殿三案。爵各三。釧各二。簋各二。簋各二。均用銅。蓮

各八。用竹。豆各八。用銅。俎各一。用木。尊各一。用

銅。制均與

崇聖祠同。篚各一。用竹。制與

前殿同。○咸豐三年議准。

關帝升八中祀。所用蓮豆及登釧簋等器。均照中

祀定制備辦。

文昌帝君廟祭器。

前殿爵三。登一。釧二。簋二。簋二。均用銅。蓮十。用竹。豆

十。用銅。篚一。用竹。俎一。用木。尊一。用銅。

後殿一案。爵三。釧二。簋各二。均用銅。蓮八。用竹。豆

八。用銅。篚一。用竹。俎一。用木。尊一。用銅。制均與

關帝廟同。○咸豐六年議准。

文昌帝君升八中祀。應備祭器。均如中祀例舉行。

羣祀祭器。

先醫廟

三皇位。爵各三。釧各二。簋各二。簋各二。均用銅。蓮各

十。用竹。豆各十。用銅。篚各一。用竹。俎一。用木。尊

各一。用銅。

配位二案。爵各六。釧各二。簋各一。簋各一。均用銅。

蓮各十。用竹。豆各十。用銅。篚各一。用竹。俎各一。

用木。尊各一。用銅。兩廡六案。爵六。簋各一。簋各

一。均用銅。蓮各四。用竹。豆各四。用銅。篚二。用竹。

尊二。用銅。制均與

文廟

正位配位兩廡同。

都城隍廟。爵三。釧二。簋二。簋二。均用銅。蓮十。用竹。

豆十。用銅。篚一。用竹。俎一。用木。尊一。用銅。制均

與

關帝廟同。黑龍潭玉泉山昆明湖各

龍神祠。皆爵三。簋二。簋二。均用銅。蓮十。用竹。豆十。

用銅。篚一。用竹。俎一。用木。尊一。用銅。制均與

都城隍廟同。惟俎制與

關帝廟後殿同。白龍潭

龍神祠祭器。由該地方官備辦。

惠濟祠祭器。與昆明湖

龍神祠同。

河神廟

神位三案。爵各三。盞各二。簋各二。蓬各十。豆各十。

篚各一。俎各一。尊各一。制均與

惠濟祠同。每歲春秋致祭

興安大嶺。用爵三。簋各二。蓬豆各十。尊一。若恭

逢

皇帝木蘭秋獵之期。遣官告祭

興安大嶺。加登一。釧二。餘與常祭同。祭器由工部

製造。交地方官存儲。以備應用。

樂器 中和韶樂樂器 慶神散樂器

中和韶樂樂器。

圓丘

祈穀壇

方澤

太廟

日壇

月壇

先農壇

天神

地祇

大歲三壇。均設。罇鐘一。玉特磬一。金編鐘十六。五

編磬十六。琴十。瑟四。簫十。笛十。篪六。排簫二。壎

二。笙十。大鼓一。搏拊二。祝一。敔一。木笏十。干戚

六十四。羽籥六十四。麾一。旌節四。謹案樂器之制詳樂部。

社稷壇

歷代帝王廟。均設金罇鐘二。春用夾鐘之鐘。秋用南呂之鐘。玉特磬

二。春用夾鐘之磬。秋用南呂之磬。餘樂器同。

先師廟設金罇鐘。玉特磬如

歷代帝王廟之制。編鐘十六。編磬十六。琴六。瑟四。簫

六。笛六。篪四。排簫二。壎二。笙六。大鼓一。搏拊二。

祝一。敔一。木笏六。羽籥三十六。麾一。旌節二。

關帝廟設金罇鐘一。玉特磬一。編鐘十六。編磬十六。

琴十。瑟四。簫四。笛四。篪四。排簫四。壎四。笙四。大

鼓一。搏拊二。祝一。敔一。木笏六。干戚六十四。羽

籥六十四。麾一。旌節二。

文昌帝君廟設羽籥三十六。無干戚餘樂器如  
關帝廟之制。

慶神歡樂器。

先賢廟

顯佑宮

火神廟

礮神

都城隍廟

東嶽廟黑龍潭玉泉山昆明湖

龍神祠

惠濟祠

河神廟

后土

司工

窯神

門神均設鼓一。笙一。管二。雲鑼一。笛二。拍板一。

先賢壇樂器視慶神歡樂加隆。設雲鑼二。方響一。琴

四。瑟二。簫六。笛六。笙六。建鼓一。杖鼓二。拍板二。

欽定大清會典事例卷一千六十四

太常寺

祝文

圓丘

祈穀壇

祝文

太廟

後殿

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

祝文

祫祭

祫祭

圓丘祝文。維光緒某年。歲次干支。十一月干支朔越

若干日干支。嗣天子御名敢昭告謹案如違

文內連某官某恭代敬昭告於

皇天上帝曰。時維冬至。六氣資始。敬遵典禮。謹率臣僚

以玉帛犧齊菜盛庶品。備此禋燎。祇祀於

上帝。奉

太祖承天廣運聖德神功肇紀立極仁孝睿武端毅欽

安和文定業高皇帝。

太宗應天興國和德彰武寬溫仁聖睿孝敬敏昭定隆

道顯功文皇帝。



世祖體天隆運定統建極英睿欽文顯武大德弘功至  
仁純孝章皇帝。

聖祖合天弘運文武睿哲恭儉寬裕孝敬誠信中和功  
德大成仁皇帝。

世宗敬天昌運建中表正文武英明寬仁信毅睿聖大  
孝至誠憲皇帝。

高宗法天隆運至誠先覺體元立極敷文奮武欽明孝  
慈神聖純皇帝。

仁宗受天興運敷化綏猷崇文經武光裕孝恭勤儉端  
敏英哲睿皇帝。

宣宗效天符運立中體正文聖武智勇仁慈儉勤孝  
敏寬定成皇帝配尚

饗。

祈穀壇祝文。維光緒某年歲次干支正月干支朔越  
若干日辛酉嗣天子御名敢昭告謹舉如遣  
官恭代祝

皇天上帝曰臣仰承  
文內  
遣某官某恭代敢昭告於

眷命撫育萬方念切民生亟圖康乂茲者候屆上辛春  
耕將舉爰據誠悃上達

洪庥謹率臣僚以玉帛牲醴粢盛庶品恭祀

上帝伏祈

昭鑒時若雨暘俾百穀用成三農攸賴奉

太祖承天廣運聖德神功肇紀立極仁孝睿武端毅欽  
安弘文定業高皇帝。

太宗應天興國弘德彰武寬溫仁聖睿孝敬敏昭定隆  
道顯功文皇帝。

世祖體天隆運定統建極英睿欽文顯武大德弘功至  
仁純孝章皇帝。

聖祖合天弘運文武睿哲恭儉寬裕孝敬誠信中和功  
德大成仁皇帝。

世宗敬天昌運建中表正文武英明寬仁信毅睿聖大  
孝至誠憲皇帝。

高宗法天隆運至誠先覺體元立極敷文奮武欽明孝  
慈神聖純皇帝。

仁宗受天興運敷化綏猷崇文經武光裕孝恭勤儉端  
敏英哲睿皇帝。

宣宗效天符運立中體正文聖武智勇仁慈儉勤孝  
敏寬定成皇帝侑

神尚

饗。

續修四庫全書 史部 政書類 2 頁之四

寧祀祝文。維光緒某年。歲次干支。四月干支朔。越若

干日干支。嗣天子。御名。敢昭告。謹案如違官。恭代。祝文內。

某官某恭代。敢昭告於

皇天上帝曰。臣恭承

帝命。率育寰區。民為邦本。深思稼穡之艱難。食迺民天。

惟冀雨暘之時若。用錫吉日。肅展明禋。茲當龍

見之期。爰舉祈年之典。維皇

上帝。鑒茲將饗之誠。用康兆民。咸受明昭之賜。俾五風

十雨。黍稷維馨。九穀三農。順成有慶。奉

太祖承天廣運聖德神功肇紀立極仁孝睿武端毅欽

安和文定業高皇帝。

太宗應天興國弘德彰武寬溫仁聖睿孝敬敏昭定隆

道顯功文皇帝。

世祖體天隆運定統建極英睿欽文顯武大德弘功至

仁純孝章皇帝。

聖祖合天弘運文武睿哲恭儉寬裕孝敬誠信中和功

德大成仁皇帝。

世宗敬天昌運建中表正文武英明寬仁信毅睿聖大

孝至誠憲皇帝。

高宗法天隆運至誠先覺體元立極敷文奮武欽明孝

慈神聖純皇帝。

仁宗受天興運敷化綏猷崇文經武光裕孝恭勤儉端

敏英哲睿皇帝。

宣宗效天符運立中體正至文聖武智勇仁慈儉勤孝

敏寬定成皇帝。俯

神尚

饗。

方澤祝文。維光緒某年。歲次干支。五月干支朔。越若

干日干支。嗣天子。御名。敢昭告。謹案如違官。恭代。祝文內。

某官某恭代。敢昭告於

后土皇地祇曰。時當夏至。羣物方亨。生長發育。有生咸

賴功德至厚。上配

皇天。謹以玉帛牲醴。粢盛庶品。用將祇祭。奉

太祖承天廣運聖德神功肇紀立極仁孝睿武端毅欽

安和文定業高皇帝。

太宗應天興國弘德彰武寬溫仁聖睿孝敬敏昭定隆

道顯功文皇帝。

世祖體天隆運定統建極英睿欽文顯武大德弘功至

仁純孝章皇帝。

聖祖合天弘運文武睿哲恭儉寬裕孝敬誠信中和功

德大成仁皇帝。

世宗敬天昌運建中表正文武英明寬仁信毅睿聖大孝至誠憲皇帝。

高宗法天隆運至誠先覺體元立極敷文奮武欽明孝慈神聖純皇帝。

仁宗受天興運敷化綏猷崇文經武光裕孝恭勤儉端敏英哲睿皇帝。

宣宗效天符運立中體正至文聖武智勇仁慈儉勤孝敏寬定成皇帝配尚饗。

太廟時饗祝文。○維光緒某年歲次干支。正月十四日干支。

朔。謹案正月時饗卜吉。則書越若干日干支。孝孫嗣皇帝御名敢昭告。謹案如達官恭代。祝文內御名於下。敬書謹達某官某恭代。敢昭告。

太祖承天廣運聖德神功肇紀立極仁孝睿武端毅欽安弘文定業高皇帝。

孝慈昭憲敬順仁徽懿德慶顯承天輔聖高皇后。

太宗應天興國弘德彰武寬溫仁聖睿孝敬敏昭定隆道顯功文皇帝。

孝端正敬仁懿哲順慈傳莊敏輔天協聖文皇后。孝莊仁宣誠憲恭懿至德純徽翊天啟聖文皇后。

世祖體天隆運定統建極英睿欽文顯武大德弘功至仁純孝章皇帝。

孝惠仁憲端懿慈淑恭安純德順天翼聖章皇后。

孝康慈和莊懿恭惠溫穆端靖崇天育聖章皇后。聖祖合天弘運文武睿哲恭儉寬裕孝敬誠信中和功德大成仁皇帝。

孝誠恭肅正惠安和淑懿恪敏儼天襄聖仁皇后。孝昭靜淑明惠正和安裕端穆欽天順聖仁皇后。

孝懿溫誠端仁憲穆和恪慈惠奉天佐聖仁皇后。孝恭宣惠溫肅定裕慈純欽穆贊天承聖仁皇后。

世宗敬天昌運建中表正文武英明寬仁信毅睿聖大孝至誠憲皇帝。

孝敬恭和懿順昭惠莊肅安康佐天翊聖憲皇后。孝聖慈宣康惠敦和誠徽仁穆敬天光聖憲皇后。

高宗法天隆運至誠先覺體元立極敷文奮武欽明孝慈神聖純皇帝。

孝賢誠正敦穆仁惠徽恭康順輔天昌聖純皇后。孝儀恭順康裕慈仁端恪敏哲翼天毓聖純皇后。

仁宗受天興運敷化綏猷崇文經武光裕孝恭勤儉端敏英哲睿皇帝。

德大成仁皇帝。

孝淑端和仁莊慈懿敦裕昭肅光天佑聖睿皇后。  
孝和恭慈康豫安成欽順仁正應天熙聖睿皇后。  
宣宗效天符運立中體正至文聖武智勇仁慈儉勤孝  
敏寬定成皇帝。

孝穆溫厚莊肅端誠恪惠寬欽孚天裕聖成皇后。

孝慎敏肅哲順和懿誠惠敦恪熙天詒聖成皇后。

孝全慈敬寬仁端慈安惠誠敏符天篤聖成皇后。

孝靜康慈懿昭端惠莊仁弼天撫聖成皇后。

文宗協天翊運執中垂謨懋德振武聖孝淵恭端仁寬  
敏莊儉顯皇帝。

孝德溫惠誠順慈莊恪慎恭天贊聖顯皇后。

孝貞慈安裕慶和敬儀天祚聖顯皇后。

穆宗繼天開運受中居正保大定功聖智誠孝信敏恭  
寬毅皇帝。

孝哲嘉順淑慎賢明憲天彰聖毅皇后曰時屆孟秋冬夏

謹以牲帛醴齊菜蔬庶品用展追思伏惟尚

饗。

後殿祝文。維光緒某年歲次干支。正四月干支朔。如正月卜吉。則書

越若干日干支。孝孫嗣皇帝御名謹遣某官

敢昭告於

肇祖原皇帝。

原皇后。

興祖直皇帝。

直皇后。

景祖翼皇帝。

翼皇后。

顯祖宣皇帝。

宣皇后曰時屆孟秋冬夏謹以牲帛醴齊菜蔬庶品用展

追思伏惟尚

饗。

裕祭前期祇告

後殿祝文。維光緒某年歲次干支。十二月干支朔。越

二十七日干支。孝孫嗣皇帝御名謹遣某官某

敢昭告於

肇祖原皇帝。

原皇后。

興祖直皇帝。

直皇后。

景祖翼皇帝。

翼皇后。

顯祖宣皇帝。

宣皇后曰。茲者歲暮。特修禘祭之禮於

太廟。恭迎同格饗祀。伏惟

鑒知。謹

告。

禘祭前期祇告

中殿祝文。維光緒某年。歲次干支。十二月 干支 朔。越

二十七日 干支。孝孫嗣皇帝 御名 謹遣 某官 某

敢昭告於

太祖承天廣運聖德神功肇紀立極仁孝睿武端毅欽

安和文定業高皇帝。

孝慈昭憲敬順仁徽懿德慶顯承天輔聖高皇后。

太宗應天興國弘德彰武寬溫仁聖睿孝敬敏昭定隆

道顯功文皇帝。

孝端正敬仁懿哲順慈儉莊敏輔天協聖文皇后。

孝莊仁宣誠憲恭懿至德純徽翊天啟聖文皇后。

世祖體天隆運定統建極英睿欽文顯武大德弘功至

仁純孝章皇帝。

孝惠仁憲端懿慈淑恭安純德順天翼聖章皇后。

孝康慈和莊懿恭惠溫穆端靖崇天育聖章皇后。

聖祖合天弘運文武睿哲恭儉寬裕孝敬誠信中和功  
德大成仁皇帝。

孝誠恭肅正惠安和淑懿恪敏儼天襄聖仁皇后。

孝昭靜淑明惠正和安裕端穆欽天順聖仁皇后。

孝懿溫誠端仁憲穆和恪慈惠奉天佐聖仁皇后。

孝恭宣惠溫肅定裕慈純欽穆贊天承聖仁皇后。

世宗敬天昌運建中表正文武英明寬仁信毅睿聖大

孝至誠憲皇帝。

孝敬恭和懿順昭惠莊肅安康佐天翊聖憲皇后。

孝聖慈宣康惠敦和誠徽仁穆敬天光聖憲皇后。

高宗法天隆運至誠先覺體元立極敷文奮武欽明孝

慈神聖純皇帝。

孝賢誠正敦穆仁惠徽恭康順輔天昌聖純皇后。

孝儀恭順康裕慈仁端恪敏哲翼天毓聖純皇后。

仁宗受天興運敷化綏猷崇文經武光裕孝恭勤儉端

敏英哲睿皇帝。

孝淑端和仁莊慈懿敦裕昭肅光天佑聖睿皇后。

孝和恭慈康豫安成欽順仁正應天熙聖睿皇后。

宣宗效天符運立中體正至文聖武智勇仁慈儉勤孝

敏寬定成皇帝。

孝穆溫厚莊肅端誠恪惠寬欽孚天裕聖成皇后。  
 孝慎敏肅哲順和懿誠惠敦恪熙天詒聖成皇后。  
 孝全慈敬寬仁端慈安惠誠敏符天篤聖成皇后。  
 孝靜康慈懿昭端惠莊仁弼天撫聖成皇后。  
 文宗協天翊運執中垂謨懋德振武聖孝淵恭端仁寬  
 敏莊儉顯皇帝。  
 孝德溫惠誠順慈莊恪慎恭天贊聖顯皇后。  
 孝貞慈安裕慶和敬儀天祚聖顯皇后。  
 穆宗繼天開運受中居正保大定功聖智誠孝信敏恭  
 寬毅皇帝。

孝哲嘉順淑慎賢明憲天彰聖毅皇后曰。茲者歲暮。特  
 修禘祭之禮。恭迎

肇祖原皇帝。  
 原皇后。  
 興祖直皇帝。  
 直皇后。  
 景祖翼皇帝。  
 翼皇后。  
 顯祖宣皇帝。  
 宣皇后。同格饗祀。伏惟

鑒知謹  
 告。

禘祭祝文。維光緒某年。歲次干支。朔越二十  
 九日。干支。孝孫嗣皇帝御名。敢昭告。謹案如遺  
 官恭代。祝  
文內 某 恭代。敢昭告 於

肇祖原皇帝。  
 原皇后。  
 興祖直皇帝。  
 直皇后。  
 景祖翼皇帝。  
 翼皇后。  
 顯祖宣皇帝。  
 宣皇后。  
 太祖承天廣運聖德神功肇紀立極仁孝睿武端毅欽  
 安和文定業高皇帝。  
 孝慈昭憲敬順仁徽懿德慶顯承天輔聖高皇后。  
 太宗應天興國弘德彰武寬溫仁聖睿孝敬敏昭定隆  
 道顯功文皇帝。  
 孝端正敬仁懿哲順慈傳莊敏輔天協聖文皇后。  
 孝莊仁宣誠憲恭懿至德純徽翊天啟聖文皇后。

世祖體天隆運定統建極英睿欽文顯武大德弘功至  
仁純孝章皇帝。

孝惠仁憲端懿慈淑恭安純德順天翼聖章皇后。

孝康慈和莊懿恭惠溫穆端靖崇天育聖章皇后。

聖祖合天弘運文武睿哲恭儉寬裕孝敬誠信中和功  
德大成仁皇帝。

孝誠恭肅正惠安和淑懿恪敏儼天襄聖仁皇后。

孝昭靜淑明惠正和安裕端穆欽天順聖仁皇后。

孝懿溫誠端仁憲穆和恪慈惠奉天佐聖仁皇后。

孝恭宣惠溫肅定裕慈純欽穆贊天承聖仁皇后。

世宗敬天昌運建中表正文武英明寬仁信毅睿聖大  
孝至誠憲皇帝。

孝敬恭和懿順昭惠莊肅安康佐天翊聖憲皇后。

孝聖慈宣康惠敦和誠徽仁穆敬天光聖憲皇后。

高宗法天隆運至誠先覺體元立極敷文奮武欽明孝  
慈神聖純皇帝。

孝賢誠正敦穆仁惠徽恭康順輔天昌聖純皇后。

孝儀恭順康裕慈仁端恪敏哲翼天毓聖純皇后。

仁宗受天興運敷化綏猷崇文經武光裕孝恭勤儉端  
敏英睿睿皇帝。

孝淑端和仁莊慈懿敦裕昭肅光天佑聖睿皇后。

孝和恭慈康豫安成欽順仁正應天熙聖睿皇后。

宣宗效天符運立中體正至文聖武智勇仁慈儉勤孝  
敏寬定成皇帝。

孝穆溫厚莊肅端誠恪惠寬欽孚天裕聖成皇后。

孝慎敏肅哲順和懿誠惠敦恪熙天詒聖成皇后。

孝全慈敬寬仁端慈安惠誠敏符天篤聖成皇后。

孝靜康慈懿昭端惠莊仁弼天撫聖成皇后。

文宗協天翊運執中垂謨懋德振武聖孝淵恭端仁寬  
敏莊儉顯皇帝。

孝德溫惠誠順慈莊恪慎恭天贊聖顯皇后。

孝貞慈安裕慶和敬儀天祚聖顯皇后。

穆宗繼天開運受中居正保大定功聖智誠孝信敏恭  
寬毅皇帝。

孝哲嘉順淑慎賢明憲天彰聖毅皇后曰。氣序已周。歲  
時告成。謹以牲帛醴齊。奉盛庶品。特修大禘禮  
於

太廟。用申追慕之情。伏惟尚

饗。

元日

後殿祝文。維光緒某年歲次干支。正月干支朔。孝孫

嗣皇帝御名謹遣某官某敬昭告於

肇祖原皇帝。

原皇后。

興祖直皇帝。

直皇后。

景祖翼皇帝。

翼皇后。

顯祖宣皇帝。

宣皇后曰。茲逢元日。歲序方新。嚴事更始。謹以香帛醴

齊。菜盛庶品。特修祀禮。用申遵養之情。伏惟尚

饗。

皇太后聖壽節

後殿祝文。維光緒某年歲次干支。十月干支朔。越十

日干支。孝孫嗣皇帝御名謹遣某官某謹昭告

於

肇祖原皇帝。

原皇后。

興祖直皇帝。

直皇后。

景祖翼皇帝。

翼皇后。

顯祖宣皇帝。

宣皇后神位前曰。茲恭逢

皇太后壽節。仰承

鴻佑。莫罄追思。謹以香帛醴齊。菜盛庶品。特修祀禮。用

展微忱。伏惟尚

饗。

萬壽節

後殿祝文。維光緒某年歲次干支。六月干支朔。越二

十六日干支。孝孫嗣皇帝御名謹遣某官某敢

昭告於

肇祖原皇帝。

原皇后。

興祖直皇帝。

直皇后。

景祖翼皇帝。

翼皇后。

顯祖宣皇帝。

宣皇后曰。茲臣誕辰。深承



啟佑莫罄報私。謹以香帛醴齊。菜盛庶品。特修祀禮。用展微忱。伏惟尚饗。

饗。

社稷壇祝文。○維光緒某年。歲次干支。八月干支朔。越

若干日戊支。

皇帝御名敢昭告。謹案如遣官恭代。祝文內。敢昭告。御名。下敬書遣某官某恭代。敢昭告。御名。

於

社稷之神曰。欽惟

神贊輔

皇天。發生嘉穀。粒我烝民。萬世永賴。茲當仲秋。謹以玉

帛牲醴庶品。致祭。配以

后土句龍氏。

后稷氏。尚

饗。

日壇祝文。○維光緒某年。歲次干支。二月干支朔。越

若干日干支。嗣天子御名。謹告。謹案如遇甲丙。戊庚壬年。遣官

恭代。祝文內。御名。下敬書遣某官某恭代。無恭代字樣。於

大明之神曰。欽惟

神陽精之宗。列神之首。

神陽精之宗。列神之首。

神光下照。四極無遺。功垂今昔。率土仰賴。茲當仲春。式遵古典。謹以玉帛牲醴之儀。恭祀於

神。伏維

鑒歆。賜福黎庶。尚

饗。

月壇祝文。○維光緒某年。歲次干支。八月干支朔。越

若干日干支。嗣天子御名。謹告。謹案如遇甲辰。未戌年。遣官恭

代。祝文內。御名。下敬書遣某官某恭代。無恭代字樣。於

夜明之神曰。欽惟

神配陽之德。鍾陰之精。周環九野。普照萬方。繼明於

夕。天下共賴。茲當仲秋。式遵古典。謹以玉帛牲

醴庶品之儀。致祀。惟

神歆鑒。福我兆民。尚

饗。

歷代帝王廟祝文。○維光緒某年。歲次干支。某月干

支朔。越若干日干支。

皇帝遣某官某致祭。謹案恭遇。親詣行禮。祝於

太昊伏羲氏。

炎帝神農氏。

炎帝神農氏。

炎帝神農氏。

|        |
|--------|
| 黃帝軒轅氏。 |
| 帝金天氏。  |
| 帝高陽氏。  |
| 帝高辛氏。  |
| 帝陶唐氏。  |
| 帝有虞氏。  |
| 夏十四王。  |
| 商二十六王。 |
| 周三十二王。 |
| 漢十九帝。  |
| 東晉七帝。  |
| 宋三帝。   |
| 齊一帝。   |
| 後魏八帝。  |
| 陳二帝。   |
| 唐十六帝。  |
| 後唐一帝。  |
| 後周一帝。  |
| 遼六帝。   |
| 宋十四帝。  |

|  |
|--|
| 金六帝。   |
| 元十一帝。  |
| 明十三帝曰。欽惟                                     |
| 諸帝。應運代興。作君作師。撫育黎烝。創始維艱。基業                    |
| 用宏。守文不易。謨烈是承。風教既遠。功德可稱。                      |
| 報於仲 <small>春秋</small> 。                      |
| 神其式憑。尚                                       |
| 饗。   |
| 文廟祝文。○維光緒某年。歲次干支。二月干支朔。越                     |
| 若干日丁支。                                       |
| 皇帝遣某官某致祭。 <small>謹案恭遇 皇帝親詣行禮。於</small>       |
| 至聖先師孔子曰。欽惟                                   |
| 師德配  |
| 天地。道冠古今。刪述六經。垂憲萬世。茲當仲 <small>春秋</small> 。祇奉舊 |
| 章。謹以牲帛酒果致祭。配以                                |
| 復聖顏子。  |
| 宗聖曾子。  |
| 述聖子思子。                                       |
| 亞聖孟子。尚                                       |
| 饗。   |

崇聖祠祝文。維光緒某年歲次干支。二月干支

朔越若干日丁支。

皇帝遣某官某致祭於

肇聖王木金父公。

裕聖王祈父公。

詒聖王防叔公。

昌聖王伯夏公。

啟聖王叔梁公曰。欽惟

王誕生至聖。為萬世王者之師。功德顯著。茲因仲秋。

謹以庶品之儀致祭。配以

先賢孔氏。

先賢顏氏。

先賢曾氏。

先賢孔氏。

先賢孟孫氏。尚

饗。

傳心殿祝文。維光緒某年歲次干支。八月干支

朔越若干日干支。

皇帝遣某官某致祭。謹恭恭遇皇帝親詣行禮。於

皇師伏羲氏。

皇師神農氏。

皇師軒轅氏。

帝師陶唐氏。

帝師有虞氏。

王師夏禹王。

王師商湯王。

王師周文王。

王師周武王。

先聖周公。

先師孔子神位前曰。兩儀既開。開治統道。統之原。千

聖同歸。建作君作師之極。自上古鴻濛而降。迄

一中授受以來。

五帝開天。乘時而迭運。

三王治世。異尚而同功。制作大備於

元公。刪述集成於

宣聖。繼修明之後。仰溯傳心。綜道法之詳。緬惟典學。

美牆如見。會列聖於一堂。俎豆用馨。紹斯文於

萬禩。惟啟承之永賴。冀陟降之匪遙。肅薦明禋。

伏祈

歆格。尚

饗。

開帝廟祝文並後殿祝文。○維光緒某年。歲次干支。

二月干支朔。越若干日干支。

皇帝遣某官某致祭。謹案恭遇皇帝親詣行禮於

忠義神武靈佑仁勇威顯護國保民精誠綏靖翊贊

宣德關聖帝君曰。惟

神星日英靈。乾坤正氣。允文允武。紹聖學於千秋。至

大至剛。顯神威於六合。仰聲靈之赫濯。崇典禮

於馨香。茲當仲春用昭時享。惟祈

歆格。克鑒精虔。○維光緒某年。歲次干支。二月干

支朔。越若干日干支。

皇帝遣某官某致祭於

關帝之

曾祖光昭王。

祖裕昌王。

父成忠王曰。惟

王世澤覃麻。令儀裕後。靈鍾河嶽。篤生神武之英。誠

淵淵源。宜切尊崇之報。班爵超躬。桓而上。升香

肅俎豆之陳。茲際仲春爰修祀事。尚祈

昭鑒。式此必芬。

五月十三日致祭

開帝廟祝文並後殿祝文。○維光緒某年。歲次干支。

五月干支朔。越十三日干支。

皇帝遣某官某致祭於

忠義神武靈佑仁勇威顯護國保民精誠綏靖翊贊

宣德關聖帝君曰。惟

神九宇承麻。兩儀合撰。崧生嶽降。朔誕聖之靈辰。日

午天中。屆恢台之令序。聰明正直。壹者也。千秋

徵肝鬢之隆。威德大業至矣哉。六幕肅馨香之

薦。爰循懋典。式展明禋。芬苾時陳。精誠

鑒格。尚

饗。○維光緒某年。歲次干支。五月干支朔。越十三

日干支。

皇帝遣某官某致祭於

關帝之

曾祖光昭王。

祖裕昌王。

父成忠王曰。惟

王迪德承家。累仁昌後。崧生嶽降。識毓聖之有基。木

本水源。宜推恩之及遠。封爵特超於五等。馨香

永薦於千秋。除仲夏之屆時。命禮官而將事。惟祈

昭格。鑒此精虔。

文昌廟祝文並後殿祝文。○維光緒某年。歲次干支

二月干支朔。越若干日干支。

皇帝遣某官某致祭。謹案恭遇皇帝親詣行禮。於

文昌帝君曰。惟

神道闡苞符。性敦孝友。並行並育。德侔天地。以同流

乃聖乃神。教炳日星。而大顯仰鑒。觀之有赫。示

明德之惟馨。故當仲秋。用昭時享。惟

神敬格。克鑒精虔。○維光緒某年。歲次干支。二月干

支朔。越若干日干支。

皇帝遣某官某致祭於

文昌帝君之

前代曰。祭引先河之義。禮崇反本之思。矧夫世德彌

光。延賞斯及。祥鍾累代。炯列宿之精靈。化被千

秋。禱人文之主宰。是尊後殿。用答前麻。茲值仲

春。肅將時事。用申告潔。

神其格歆。

二月初三日致祭

文昌廟祝文並後殿祝文。○維光緒某年。歲次干支

二月干支朔。越三日干支。

皇帝遣某官某致祭於

文昌帝君曰。惟

神功參彙。龔合乾坤。溯誕降之靈辰。三台紀瑞。度

中和之令節。九宇承暉。若日月之有光明。闡大

文於孝友。如天地無不覆載。感至治於馨香。爰

舉上儀。敬陳芳薦。精禋罔斁。

神鑒式臨。尚

饗。○維光緒某年。歲次干支。二月干支朔。越三日

干支。

皇帝遣某官某致祭於

文昌帝君之

前代曰。惟

文昌帝君道備中和。神超亭毒。稟詒謀而允紹。欽敏

聖之有基。雲漢昭回。際嶽降松生之會。馨香感

格。興水源本本之思。式聲明禋。用光彝典。尚祈

神鑒。享此清芬。

先農壇祝文。○維光緒某年。歲次干支。三月干支朔

越若干日干支。



|   |                              |   |                              |   |                              |   |
|---|------------------------------|---|------------------------------|---|------------------------------|---|
| <p>事。爰申殷薦。特遣專官。<br/>神其鑒焉。○維光緒某年。歲次干支。某月干支。朔。越若干日干支。</p> | <p>皇帝遣某官某致祭於<br/>中嶽之神曰。惟</p> | <p>神位宅天中。德標峻極。陰陽合會。八表具瞻。茲以某事。爰申殷薦。特遣專官。<br/>神其鑒焉。○維光緒某年。歲次干支。某月干支。朔。越若干日干支。</p> | <p>皇帝遣某官某致祭於<br/>南嶽之神曰。惟</p> | <p>神軫翼分躔。朱明應位。功隆長養。永奠炎方。茲以某事。爰申殷薦。特遣專官。<br/>神其鑒焉。○維光緒某年。歲次干支。某月干支。朔。越若干日干支。</p> | <p>皇帝遣某官某致祭於<br/>北嶽之神曰。惟</p> | <p>神秀挺幽燕。靈承畢昴。朔方雄長。朔衛京畿。茲以某事。爰申殷薦。特遣專官。<br/>神其鑒焉。○維光緒某年。歲次干支。某月干支。朔。越若干日干支。</p> |
|---|------------------------------|---|------------------------------|---|------------------------------|---|

|   |   |                              |   |                              |   |                  |
|---|---|------------------------------|---|------------------------------|---|------------------|
| <p>若千日干支。<br/>皇帝遣某官某致祭於<br/>東鎮之神曰。惟</p> | <p>神虛危垂曜。泰岱分雄。表正青齊。發生品彙。茲以某事。爰申殷薦。特遣專官。<br/>神其鑒焉。○維光緒某年。歲次干支。某月干支。朔。越若干日干支。</p> | <p>皇帝遣某官某致祭於<br/>西鎮之神曰。惟</p> | <p>神西隴垂麻。玉峯競秀。伴尊二華。綏奠金方。茲以某事。爰申殷薦。特遣專官。<br/>神其鑒焉。○維光緒某年。歲次干支。某月干支。朔。越若干日干支。</p> | <p>皇帝遣某官某致祭於<br/>中鎮之神曰。惟</p> | <p>神天柱標奇。龍湫孕秀。分雄高室。樞紐寰中。茲以某事。爰申殷薦。特遣專官。<br/>神其鑒焉。○維光緒某年。歲次干支。某月干支。朔。越若干日干支。</p> | <p>皇帝遣某官某致祭於</p> |
|---|---|------------------------------|---|------------------------------|---|------------------|

續修四庫全書 史部 政書類

南鎮之神曰。惟

神靈毓防山。秀臨越水。海江襟帶。靜鎮南邦。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

北鎮之神曰。惟

神聳秀遼河。標雄長嶺。鍾祥積慶。拱衛留都。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

長白山之神曰。惟

神祥發地靈。運開天作。肇基王迹。屏翼神京。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

東海之神曰。惟

神潤被方瀛。波涵員嶠。萬川流注。百谷朝宗。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

西海之神曰。惟

神德配金方。靈昭兌澤。太皞施功。神州廣濟。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

南海之神曰。惟

神德協離宮。潤流南極。汪洋炎嶠。浩瀚無垠。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

北海之神曰。惟

神布濩北溟。涵濡坎德。滋生育物。澤普無方。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越



若干日干支。

皇帝遣某官某致祭於

河瀆之神曰。惟

神發源宿海。行派崑崙。環繞六州。潤逾千里。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

江瀆之神曰。惟

神岷麓分源。潯陽行派。周流潤化。水德靈長。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

淮瀆之神曰。惟

神桐柏疏源。江河利涉。旋樞地穴。通濟東南。茲以某

事。爰申殷薦。特遣專官。

神其鑒焉。○維光緒某年。歲次干支。某月干支。朔。越

若干日干支。

皇帝遣某官某致祭於

濟瀆之神曰。惟

神源分沈水。功截河流。潛伏地中。清而不濁。茲以某

事。爰申殷薦。特遣專官。

神其鑒焉。

興安大嶺祝文。○維光緒某年。歲次干支。某月干

支。朔。越若干日干支。

皇帝遣某官某致祭於

興安大嶺敦仁鎮遠之神曰。惟

神著靈土塞。奠位邊陲。岌堯獨冠乎諸山。形勝遂

標夫大嶺。出雲降雨。魏我壯沙磧之觀。疊嶂層

巒。雄秀互木蘭之野。命屬車而歲莅。拱衛爰昭。

稽祀典以司存。升香特舉。用彰翕應。式表懷柔。

萬壽節致祭

顯佑宮祝文。○維光緒某年。歲次干支。六月干支

朔。越二十八日干支。

皇帝遣某官某致祭於

北極佑聖真君曰。茲朕誕辰。惟

神永垂默佑。謹以茶果庶品之儀致祭。尚

饗。

大神廟祝文。○維光緒某年。歲次干支。六月干支

朔。越二十三日。干支。

皇帝遣某官某致祭於

司火之神曰。惟

神。令司赤帝。德炳離明。屆此良辰。爰修專祀。鑒茲

特典。綏我烝民。尚

饗。

先醫廟祝文。○維光緒某年。歲次干支。二月干支朔。

越若干日甲支。

皇帝遣某官某致祭於

太昊伏羲氏

炎帝神農氏

黃帝軒轅氏曰。古昔聖人。德澤深宏。創治醫藥。拯濟

斯世。仁壽庶民。茲當仲冬。謹以牲醴致祭。惟

神慈惠。蠲除疾疫。篤佑朕躬。致和天下。配以

句芒氏之神。

祝融氏之神。

風后氏之神。

力牧氏之神。尚

饗。

都城隍廟祝文。○維光緒某年。歲次干支。九月干

支朔。越若干日干支。

皇帝遣某官某致祭於

都城隍之神曰。惟

神正直。實贊靈化。捍禦之功。都邑所賴。祇嚴歲祀

用答

神庥。尚其歆茲。永福黎庶。尚

饗。

萬壽節致祭

都城隍廟祝文。○維光緒某年。歲次干支。六月干

支朔。越二十八日干支。

皇帝遣某官某致祭於

都城隍之神曰。茲朕誕辰。惟

神永垂護佑。謹以牲醴致祭。尚

饗。

萬壽節致祭

東嶽廟祝文。○維光緒某年。歲次干支。六月干支

朔。越二十六日干支。

皇帝遣某官某致祭於

東嶽泰山之神曰。茲朕誕辰。惟

神永垂默佑。謹以牲醴庶品之儀致祭。尚

饗。

黑龍潭

龍神廟祝文。維光緒某年。歲次干支。二月干支。

朔。越若干日干支。

皇帝遣某官某致祭於

昭靈沛澤龍王之神曰。惟

神澤潤生民。膏流甸服。雨暘時若。夙彰乎應之靈。

年穀順成。溥被綏豐之福。念

神庥之丕著。惟祀典之宜崇。茲值仲秋。用申時饗。

尚其歆格。鑒此精誠。尚

饗。

玉泉山

龍神祠祝文。維光緒某年。歲次干支。二月干支。

朔。越若干日干支。

皇帝遣某官某致祭於

惠濟慈佑靈護龍王之神曰。惟

神潤下流膏。應時澤物。珠泉湧地。毓靈脈於山林。

玉液成川。暢清流於畿甸。滋昉昉之繡壤。允資

灌注之功。通翼翼之漕艘。長助輓輸之利。聿昭

靈貺。宜奉明禋。蠲二仲以薦馨。潔粢表敬。永干

秋而崇報。備物明虔。

神式憑依。尚其歆格。

昆明湖

龍神祠祝文。維光緒某年。歲次干支。二月干支。

朔。越若干日干支。

皇帝遣某官某致祭於

安佑普濟沛澤廣生龍神曰。惟

神德隆潤下。秩視升中。周禁禁以滌洞。如臨左右。

濬神皋而灌注。莫測津涯。靈應常昭。虔忱夙展。

凡籲求乎甘霽。皆立霈於崇朝。

顯號優加。明禋特薦。沛然若江河莫禦。被澤無疆。

廣矣言天地之間。資生允賴。或源也。或委也。祭

川隆先後之文。有祈焉。有報焉。練日舉春秋之

典。煙凝棟宇。結彩霧以揚靈。雲擁幡幢。御長風

而來格。尚其歆享。鑒此苾芬。

惠濟祠祝文。維光緒某年。歲次干支。二月干支。

朔。越若干日干支。

皇帝遣某官某致祭於

天后之神曰。惟

神順體坤元。信孚坎習。炳英靈於海嶼。資保障於

河隄自淮塢崇建專祠。俾疆吏敬修祀典。屬以宣防廩念。楸樾制仿夫南邦。因之願禱輸忱。俎豆儀陳。夫上苑肆隨時而展禮。果比歲之蒙庥。宜肅明禮。用承渥貺。舉龍文於園籞。視水官而並薦馨香。溥嘉祉於寰區。偕河伯而同昭妥侑。鸞軒雲擁。九霄瞻靈旆之來。鯁壑波澄。三汎普安瀾之慶。式申虔悃。仰答

洪庥。謹告。

河神廟祝文。維光緒某年。歲次干支。二月干支。

朔。越若干日干支。

皇帝遣某官某致祭於

河神之靈曰。惟

神惠濟羣生。秩尊四瀆。表流謙以潤下。資上善以

朝宗。竹箭風馳。裕轉輸而通舟楫。桃花漲暖。利灌溉以殖田疇。前因特軫宣防。廟貌聿新於御苑。繼此頻申籲祝。汎期屢慶。夫安瀾允惟虔感之深。宜有明禋之奉。澄波順軌。遙連星宿之長源。展禮升香。爰著春秋之令典。出榮光而表瑞。用鞏金隄。結彩霧以揚靈。載歌玉醴。肅恭祀事。

侑答

神庥。謹

告。

礲神祝文。維光緒某年。歲次干支。九月干支朔。

皇帝遣某官某致祭於

神威無敵大將軍

神功將軍

制勝將軍

神威將軍之神曰。惟

神欽

天命而無私。助揚威武。有功國家。茲當季秋之時。特以

牲醴。遣官致祭。

神其鑒之尚

饗。

子母礲神祝文。維光緒某年。歲次干支。九月干支

朔。越若干日干支。

皇帝遣某官某致祭於

子母礲之神曰。惟

神欽

天命而無私。助揚威武。有功國家。茲當季秋之時。特以

牲醴遣官致祭。

神其鑒之。尚

饗。

昭忠祠祝文。維光緒某年。歲次干支。二月干

支朔。越若干日干支。

皇帝遣某官某

諭祭八旗直省盡節立功之和碩敬謹親王等之靈

曰。周禮有司勳之職。名勒旂常。祭法載勤事之文。

先生俎豆。蓋舍生取義。臣子抒報國之忱。而報德

酬庸。朝廷示作忠之典。英標如在。渥澤宜頒。爾和

碩敬謹親王等。丹心自勵。正氣挺生。果敢本於性

成。見危授命。忠誠矢於敵愾。視死如歸。生當開創

之年。執銳披堅。實賴干城之佐。運際承平之日。安

邊除暴。亦資禦侮之才。或陷陣以爭先。或守土而

盡職。或被誘不辱。迺授首以從容。或深入無援。遂

致身於倉卒。雖天戈所指。如振槁而摧枯。迺大義

為昭。可凌霄而貫日。仰惟

世宗憲皇帝軫懷曩烈。誕賁殊榮。命立專祠。俾膺特典。

王公將帥。躋正宇之輝煌。士卒偏裨。列兩廡而陪

侍。蓋所以表忠貞於既往。昭節義於無窮。朕洪紹

丕基。遵行常祀。功書竹帛。既揚久遠之芳徽。禮薦

牲牢。毋替春秋之血食。必芬在列。靈爽歆承。

賢良祠祝文。維光緒某年。歲次干支。二月干

支朔。越若干日干支。

皇帝遣某官某

諭祭賢良祠王大臣和碩怡賢親王大學士達海榜

式等之靈曰。功銘鐘鼎。尚書崇元祀之文。德冠巖

廊。周禮著大丞之典。蓋旂常載績。本臣子之素懷。

而俎豆薦馨。迺朝廷之崇報。爾和碩怡賢親王等。

望重親賢。粹鍾川嶽。竭忠誠而體國。著勳德於當

年。大學士達海榜式等。或當

列祖開基之日。佐命立功。或際熙朝極盛之時。宣猷贊

化。或驅除暴亂。定疆宇於域中。或震耀聲靈。收版

圖於海外。內則台星御月。奏亮工熙載之勳。外則

賜鉞授麾。襄阜物安民之治。老成謀國者。進黃髮

之嘉猷。清白持身者。表素絲之高節。純勤盡職。則

夙夜匪躬。密勿承休。則堂廉一德。仰惟

世宗憲皇帝追思前績。特煥褒綸。崇廟宇於神京。布几

筵而時祭。蓋以表揚既往。沛酬庸褒德之恩。激勸

將來。勵懷古欽風之志。朕寅承丕緒。嗣舉舊章。撫

節物以懷賢。潔牲牢而致饗。英靈如在。尚克敬承。  
雙忠祠祝文。○維光緒某年。歲次干支。二月干  
支朔。越若干日干支。

皇帝遣某官某

諭祭於襄烈伯傅清。壯果伯拉布敦之靈曰。臣子效  
匪躬之節。報禮斯隆。國家昭異數之恩。褒忠罔替。  
既旂常之永勒。宜俎豆之世延。倦撫流光。長懷往  
績。爾襄烈伯傅清。壯果伯拉布敦。共矢精誠。同宣  
義烈。捐生絕塞。已銘殊績於鐘鏞。晉爵崇階。用妥  
貞魂於廟食。茲當春秋仲。爰命祠官。載考彝章。率修  
秩祀。馨香申薦。閱日月以如新。竹帛揚芳。與山河  
而共久。爾靈不昧。尚克敬承。

睿忠親王祠祝文。○維光緒某年。歲次干支。二  
月干支朔。越若干日干支。

皇帝遣某官某

諭祭於睿忠親王之靈曰。惟王功懋造邦。忠能奉國。  
馳驅盡瘁。任隆則實冠親賢。篤葉盟忱。証辨而彌  
彰。精白既雪。貞心於百載。宜酬偉績於千秋。鏤簡  
鐫珉。追卹盡從渥典。雕筵翠俎。升馨用飭祠官。茲  
以仲春秋。持陳時薦。靈其來格。勿替敬承。

定南武壯王祠祝文。○維光緒某年。歲次干支。  
二月干支朔。越若干日干支。

皇帝遣某官某

諭祭於定南武壯王孔有德之靈曰。人臣盡忠仗節。  
矢天日而不渝。朝廷卹死酬勳。撫歲時而增感。爾  
定南武壯王孔有德。膚功早著。偉烈常存。茲當春秋  
之辰。益念忠良之績。特頒祭典。用慰幽靈。王如  
有知。尚克敬饗。

宏毅公祠祝文。○維光緒某年。歲次干支。二  
月干支朔。越若干日干支。

皇帝遣某官某

諭祭於宏毅公額亦都巴圖魯。公妻和碩公主。公妻  
一品夫人覺羅氏。公妻一品夫人通股氏。公妻一  
品夫人通股氏之靈曰。誼重酬庸。茂典聿加於勳  
舊。禮隆展祀。歲時宜備於馨香。爾宏毅公額亦都  
巴圖魯。開國名臣。從龍上佐。表成勞於鐘鼎。青史  
揚芬。紀偉績於旂常。豐碑示寵。既叨恩於廟食。更  
賜祭於專祠。式賁新綸。允符懿憲。時當春秋仲。用布  
几筵。靈如有知。尚其敬格。

恪僖公祠祝文。○維光緒某年。歲次干支。二  
月

千支朔越若干日千支。

皇帝遣某官某

諭祭於原任少保內大臣一等公謚恪僖遏必隆。公妻和碩格格。公妻多羅格格。公妻一品夫人巴雅拉氏。公妻一品夫人舒舒覺羅氏。原任領侍衛內大臣一等果毅公謚懋敬尹德。公妻一品夫人董氏。公妻一品夫人魏氏。公妻一品夫人高氏。原任太子太保戶部尚書一等果毅繼勇公謚襄壯阿里衮。公妻一品夫人瓜爾佳氏。公妻一品夫人李氏之祠曰。秩崇功於命祀。夙備彝章。昭美報於宗祊。優逾常格。緬翼子貽孫之克裕。宜同堂共享之兼隆。惟爾蓋臣。國之懿戚。紀勳勞於青簡。翊運名垂。推恩澤於

璇闈。專祠禮協。嗣以忠能繩武。酬庸展蠲潔之筵。更以績懋殫忱。教孝沛顯揚之綵。用表其表於奕葉。並依昭穆以垂馨。厚澤長留。再世之勤施允紹。明禋上達。一門之寵眷斯膺。茲以仲春。率頒嘉薦。靈其不昧。尚格歆承。

勤襄公祠祝文。○維光緒某年。歲次千支。二月。千支朔越若干日千支。

皇帝遣某官某

諭祭於勤襄公。公。公妻一品夫人塔他喇氏。公妻一品夫人溫都氏。端純公。公妻一品夫人赫舍哩氏之靈曰。崇功報德。禮首建於元臣。錫類推恩。諒尤敦於懿戚。考彝章而立廟。因時序以薦觴。惟爾一門。宣猷累葉。效忠貞而體國。名著旂常。秉孝義以型家。芳傳國史。望高閭閻。蔚為勳舊之宗。慶行庭幃。光啟

聖慈之範。茲當仲春。特遣專官。設奠几筵。靈其歆饗。

文襄公祠祝文。○維光緒某年。歲次千支。二月。千支朔越若干日千支。

皇帝遣某官某  
諭祭於文襄公。公。公妻一品夫人塔他喇氏。公妻一品夫人溫都氏。端純公。公妻一品夫人赫舍哩氏之靈曰。崇功報德。禮首建於元臣。錫類推恩。諒尤敦於懿戚。考彝章而立廟。因時序以薦觴。惟爾一門。宣猷累葉。效忠貞而體國。名著旂常。秉孝義以型家。芳傳國史。望高閭閻。蔚為勳舊之宗。慶行庭幃。光啟

文襄公祠祝文。○維光緒某年。歲次千支。二月。千支朔越若干日千支。

皇帝遣某官某

諭祭於原任太子太保內大臣議政大臣內務府總管一等男加一雲騎尉追封一等公諡恪僖哈什屯。公妻一品夫人覺羅氏。原任戶部尚書內務府總管一等男加一雲騎尉追封一等公諡敏果未恩翰。公妻一品夫人穆起覺羅氏。繼妻博爾濟吉特氏。原任一等男加一雲騎尉兼察哈爾總管追封一等公諡莊愨李榮保。公妻一品夫人覺羅氏。原任太保大學士一等忠勇公諡文忠追封郡王傅恆。公妻一品夫人追封福晉那拉氏之靈曰。情殷念舊。千秋之俎。豆攸光。義重酬庸。累世之簪纓咸列。考彝章而秩祀。因時序以申恩。惟爾一門。夙稱望族。祥延華緒。美早濟乎親賢。誼篤蓋臣。猷更宣夫忠勇。叢以師還。蜀塞持俾鼎建宗祠。溯家聲而源本無忘。崇國憲而馨香是報。迨軫遺徽於麟閣。彌懷盡瘁於靈俎。式慰英靈。妥續裳而教孝。垂休奕葉。釐瓚自以褒勳。凡此寵渥之頻加。悉由功名之自奮。毓

坤元而儼極。崇封已錫明綸。隨節候而肆筵。歲薦丕昭令典。茲當春秋仲。聿致常儀。尚克欽承。庶其敬受。

旌勇祠祝文。維光緒某年。歲次干支。二月干支朔。越若干日干支。

皇帝遣某官某

諭祭於原任雲貴總督將軍兵部尚書一等誠嘉毅勇公明瑞等之靈曰。戎行致果。英風永播於光猷。鉅典褒忠。靈祀聿標乎綽楔。惟折衝以並奮。斯妥侑之亘崇。用建朱甍。式彰丹悃。爾明瑞簪纓世胄。韜略雄才。蔥嶺雪山。早歲樹從戎之績。金符玉節。頻年行綏遠之謨。西陲久著夫威名。南土仍資其策馭。權兼九伐。並加司馬之官階。地控三宣。爰建將軍之幕府。瘴江築壘。擁楯先登。石壁橫梁。揚旌竟渡。堅推象陣。遂盡收蠻結之糧。影息蜂屯。更遠致波奄之使。佇看羆虎。早殄鯨鯢。猥因別隊之紆程。遂致大兵之乏援。轉戰經四五旬之久。懸軍歷數千里而遙。連營之士氣猶強。身親斷後。極微之將星忽落。計絕遙歸。惟時師武之臣。共勵疆場之節。爾都統札拉豐阿。護軍統領觀音保。總兵李全。王玉廷等。心甘鋒鏑。競效命以爭先。感動旌麾。遂捐身而不惜。分銳師於兩路。未竟成謀。媿毅烈於雙忠。宜隆秩祀。於戲。崔嵬棟栳。九章之賜服空懸。



穆肅几筵。奕世之垂名。勿替。雲臺煙閣。畫圖傳頌。爽之姿。電馬馳車。節鼓振精靈之氣。敬茲俎豆。貢爾鼎鐘。

獎忠祠祝文。維光緒某年。歲次干支。二月干支。朔。越若干日干支。

皇帝遣某官某

諭祭於太子太保武英殿大學士忠銳嘉勇貝子晉封郡王福康安之靈曰。朕惟功懋懋賞。春篤其於忠謨。恩贊贊襄。獎勤勞於祀典。心膂股肱之位。社稷銘勳。鹽梅舟楫之材。馨香食報。飾終示厚。已昭

殊錫之榮。豐祀酬庸。宜有加崇之禮。爾福康安忠誠秉性。敏練知機。名早冠於勳賢。幼即承夫誨育。惟乃父同心一德。世篤忠貞。暨爾身宣力四方。戎昭果毅。制節勵封疆之任。由秦蜀而莅閩粵滇黔。軍麾揚斧鉞之威。游桓信而褒忠銳嘉勇。少董金川之役。奪砦登碣。嗣提石堡之師。殲魁獲醜。蚺江偃靖。鯨波允息於臺灣。楮卡綏來。羊道遙通於藏衛。屢圖形於紫閣。籌運軍諮。更簡直於黃扉。給裹機務。屬有苗之弗辛。當我武之維揚。特任勦除。不辭勞瘁。蠢茲折首。最爾傾心。甫迅拔於山梁。遂邁

攻於菁穴。是念三驅之效。率我同仇。爰超五等之封。光於異姓。疊予以恩殊數異。因獎蓋臣。方期其年富力強。彌彰偉績。豈意勞因致疾。國爾忘身。運籌於病亟之時。齋志於功成之日。美克家之令子。能體父心。媿開國之勳臣。延封王爵。廟貌垂型於海嶠。草木咸名。忠魂增饗於家祠。必芬故薦。崇秩春秋之祀。懋旌夙夜之忱。定國以勞。酬功勿替。

獎忠祠祝文。維光緒某年。歲次干支。二月干支。朔。越若干日干支。

皇帝遣某官某

諭祭於太子太保領侍衛內大臣都統三等公額勒登保之靈曰。旂常紀績。衰蓋世之勳臣。俎豆酬庸。秩上公之祀典。時通肝膈。式格精靈。爾額勒登保賦質超桓。抒忱篤棗。起家甲士。早奮迹於戎行。效職辰垣。游遷班於宿衛。屢佐龍驤之略。力鞏長城。旋趨鶴禁之階。躬依近闈。繁旗率屬。許隨潛邸以宣勤。偉烈平苗。詔錫通侯而拜賜。逮乎驪山秉節。虎帳橫戈。聲吞蚊蚋之芒。風雲作氣。勢壓貔貅之隊。草木知名。屬搗穴以驅氛。凱唱競騰於三省。屆上

陵之歲禮。圭封特晉於重頌。方列五爵之先。適報大星之隕。賞延及世。典備易名。殊恩增歿後之榮。允垂竹帛。專祀美生前之報。用潔蘋蘩。茲以仲春。載申酬祭。於戲。百戰之雄風未沒。忍聽鼙鼓。以興思。九重之寵命維新。長奉瑀筵。而勿替。茂儀時舉。英爽來啟。

欽定大清會典事例卷一千六十六

太常寺

禮節 冬至日

南郊大祀禮節一

冬至日

南郊大祀禮節。先祀期五日。遣親王一人。詣犧牲所

恭代視牲。補服。過朝期則朝服。所牧豫設香案於庭中。

南嚮一。東西嚮各一。太常寺贊禮郎二人前引。

詣香案前北面。所牧立案右。牧人牽牛羊過案

前。導以旗仗。所牧跪告牲。次東嚮視鹿。西嚮視

豕。所牧跪告如前儀。畢。引由北門退。先三日昧

爽。太常寺進齋戒牌銅人。設黃案於

乾清門中門之左。太常寺卿率所屬咸補服。常朝

服。雨雪常服。恭奉齋戒牌在前。銅人在後。導以

御仗。入自西長安門。至

午門。徹仗。太常寺官十人前引。由中道入。進

太和門。

中左門。

後左門。侍衛二人引至

乾清門階下。太常寺官恭設於案。齋戒牌南嚮。銅

人西嚮。太常寺卿行一跪三叩禮退。

皇帝致齋於大內。

制辭於羣臣曰。某年月日冬至。朕恭祀

昊天上帝於圜丘。惟爾羣臣。其緇乃心。齊乃志。各揚其

職。敢或不共。國有常刑。欽哉。毋怠。文武衙署。恭書

制辭於版。安奉正堂。自員外郎騎都尉以上。咸齋於

公署。先二日。遣禮部尚書一人詣犧牲所省牲。

如視牲儀。是日昧爽。太常寺司祝恭送祝版於

內閣。授中書舍人安奉潔室。敬書祝辭於版。畢。

內閣典籍豫設黃案於政事堂正中。中書奉祝

版陳於案。南嚮。大學士詣案前立。北嚮。展祝文

敬書

御名畢。中書奉祝版仍安潔室。俟翼日授司祝。祀前

一日子初刻。宰人豫鑿坎於宰牲亭外牆東。廣

深二尺。太常寺官設香案於宰牲亭外。光祿寺

卿一人朝服。太常寺贊禮郎二人前引。詣香案

前北面立。三上香。遂及御史二人禮部司官二

人。咸朝服視宰。宰人以鸞刀割牲。以豆取毛血。

瘞於牆東之坎。是日五鼓。太常寺卿率屬潔鑪

壇上下。藉以椶薦。設

上帝神座於

圜丘第一成。南嚮。

列聖東西嚮。

四從神座於第二成。

大明東。

夜明西。

北斗七星。五星。二十八宿周天星辰。在

大明之次。

雲師雨師風伯雷師在

夜明之次。均施青幄。工部司官張

皇帝拜次於第二成午階上。張大次於外壇左門外

神路之東。太常寺典簿陳牲俎於

神廚。博士辨蓬豆登釧之實。登以太羹。釧以和羹。

簋以黍稷。簋以稻粱。蓬以形鹽。棗魚棗栗。榛棗

芡。鹿脯白餅。黑餅。糗餌粉養。豆以韭菹醢醢菁

蕈。鹿醢。芹蕈。兔醢。筍蕈。魚醢。脾析。豚拍。醢食。糝

食。以次展器於

神庫。昧爽。太常寺設黃案於

太和殿中

御座之南。設香亭於殿內左楹之東。設奉祝版亭奉

玉帛香亭於殿內右楹之西。太常寺贊禮讀祝

各官具玉帛於篚。儲香於盤。祇俟。

太和門外。太常寺卿率屬贊事殿內。屆時。太常寺

卿率欽天監博士二人至。

乾清門奏時。

皇帝龍袍袞服。乘輿出宮。前引後扈如常儀。至

太和殿北階降輿。

御殿。立左楹前。西嚮。記注官四人。立殿右門外東面。

司祝自內閣奉祝版入。

太和門中門。玉帛香隨入。前列提鑪二。太常寺贊

禮郎十人。導引升中階。至丹陛上。導引止。司祝

奉祝版。各官奉玉帛香進殿中門。以次陳於黃

案。三叩退。太常寺卿展祝文。贊禮郎布拜褥。

皇帝詣案前。次第恭閱畢。行一跪三拜禮。興復位立。

太常寺卿韜祝版。贊禮郎徹拜褥。司祝各官進

至案前三叩興。恭奉祝版玉帛香。依次設亭內

三叩退。司香官就香亭奉香盒立於亭東。司拜

褥官布拜褥於香亭前。立司香之右。太常寺

卿二人。恭導。

皇帝至香亭前立。司香官跪進香。

皇帝上香畢。行一跪三拜禮。興復位。司拜褥官徹拜

褥。司香官奉香盒置亭內退。鑾儀衛率校尉昇

亭。香亭在前。祝版亭玉帛香亭以次第由中道

出。前引如儀。太常寺卿跪奏禮成。

皇帝乘輿還宮。太常寺卿隨香亭送

南郊安奉。

神庫內。是日徹

乾清門齋戒牌銅人。恭送齋戒牌銅人於

齋宮。導引如儀。黎明。步軍統領飭所部清蹕除道。

自

大清門至

西天門。鑾儀衛官校陳設

大駕鹵簿。凡職事官均綠服。親軍護軍旗尉民尉

各服其服。辰刻。不陪祀王以下公以上。滿漢文

武百官咸朝服會

闕下。鴻臚寺序班序百官立位。左翼官於

闕左門南。西面。右翼官於

闕右門南。東面。均重行北上。恭候華蓋出

午門跪送。巳刻。太常寺卿赴

乾清門奏請詣

南郊齋宿。

皇帝龍袍袞服乘禮輿出至

太和門階下降輿。鑾儀衛進玉輦。掌鑾儀衛內大

臣一人跪奏請升輦。鑾儀使二人奉輦。扶輦官

四人納陛於輦前正中。陛凡五級。

皇帝升輦。駕士三十六人舉輦。

駕發警蹕。鑾儀使二人率官校夾輦而趨。

午門鳴鐘鼓。導迎樂前引不作。

駕出

午門。百官跪送。前引大臣十人。後扈大臣二人。暨

侍衛扈從諸臣親軍護軍旗尉民尉咸乘馬。由

正陽門至

西天門

御道左右途巷。皆設布幃。護軍統領率參領以下

官步軍統領率參將以下官。按班立於幃外。咸

辟除清蹕。所至不得謹諱。

駕至

南郊。由外垣西門入。至

昭亨門外

神路西。掌鑾儀衛內大臣一人跪奏請降輦。鑾儀

使奉輦。扶輦官納陛於輦前。如前儀。

皇帝降輦。前引大臣十人。右贊引左對引太常寺卿

二人。恭導

皇帝由外垣南左門入。至

皇穹宇。詣

上帝香案前立。司香太常寺少卿一人。跪進香。

皇帝跪。受香拱舉。仍授司香官。興。三上香畢。以次詣

列聖香案前。上香如儀。贊禮郎布拜褥。

皇帝行三跪九拜禮。兩廡

從位。遣分獻官上香行禮。右贊引左對引恭導

皇帝詣

園丘。升午階第一成。恭視

上帝位。

列聖配位。贊引官以次跪奏畢。暨對引官恭導

皇帝由內垣南左門出。至外垣左門外

神路西。升輦。皇帝如乘禮輿至詣齊宮。亦由是處升輿。輦仍擬詣

齊宮。陪祀王公百官綵服分班祇候

齊宮門外。

皇帝降輦。升禮輿入

齊宮。乃退。是夜嚴更宿衛。警蹕環巡。將事之夕。夜

分。太常寺卿率官屬入

壇。然蠟炬。明金鐙。積柴加燔牛於上。實以香。具器陳於案。各以其序。登居中。簋左簋右。遵從簋。豆從簋。俎在案前。第一成。

上帝幄內。積一。登一。簋二。簋二。遵十二。豆十二。金鑪一。

青鐙二。金鐙四。鑪瓶五事。爵整一。

列聖幄內。皆積一。登一。簋二。簋二。遵十二。豆十二。金鑪

一。青鐙金鐙各二。爵整一。幄南中少西設一案。

北嚮。供祝版。東設一案。西嚮。陳蒼璧一。郊祀制

幣十二。青。色。奉先制帛四。色。香盤五。尊五。匏爵十

二。壺一。爵一。實福酒。盤一。實胙肉。西設一案。東

嚮。陳奉先制帛四。色。香盤四。尊四。匏爵十二。凡

牲陳於俎。凡玉帛實於篚。凡尊實酒。承以舟。疏

布。冪勺具。第二成。

大明

夜明幄內。皆牛一。登一。簋二。簋二。遵十。豆十。琖二十。

鑪一。鐙四。各設一案。陳禮神制帛二。色。一。赤。尊

一。爵三。香盤一。俎篚冪勺具。

星辰

雲雨風雷幄內。皆牛一。羊一。豕一。登一。釧二。簋二。簋

二。遵十。豆十。琖三十。鑪一。鐙四。各設一案。一陳

禮神制帛十一。青。赤。黑。各一。白。七。一陳禮神制帛四。青。赤。黑。各一。白。七。

各一。爵三。香盤一。俎篚冪勺具。鑿儀衛冠軍使

設洗於壇左門外大次。樂部率太常寺協律郎

設中和韶樂於三成階下。金鑄鐘編鐘在東。玉

特磬編磬在西。皆懸以虞業。東應鼓一。祝一。麾

一。西敵一。東西分列琴十。瑟四。簫十。笛六。篪六。

排簫二。埙二。笙十。搏拊二。旌二。節二。干戚羽籥

各六十四。凡樂作止。舞進退。均協律郎執麾引

之。陳設畢。禮部侍郎一人。由西階升第一成

壇上。太常寺博士前引詣

上帝位前。省視玉帛盞盛。及遵豆登俎之實。以次詣

列聖位前。省盞畢。仍由西階降。至第二成

四從位前。周視如儀。行禮位。第一成午階上。為讀祝

受福胙

皇帝拜位。第二成黃幄次。為

皇帝行禮拜位。均北嚮。第三成階上。為陪祀王貝勒

拜位。階下。為貝子公拜位。均北嚮。左翼東階西

上。右翼西階東上。庭中夾甬道東西。為分獻官

拜位。外壇門外。為陪祀百官拜位。文五品武四

品以上。東西各五班。皆北面。重行具等。東位西

上。西位東上。執事位。第一成太常寺官二人。立午階上。

皇帝拜位前。一司拜牌。西面。一司拜褥。東面。司祝一人。立祝案西。東面。司香五人。司玉帛一人。司帛四人。司爵五人。序立東案之東。西面。司香四人。司帛四人。司爵四人。序立西案之西。東面。光祿寺卿二人。立東司香之後。西面。侍衛二人。立西司香之後。太常寺贊賜福胙一人。立西司爵之次。東面。侍儀禮部尚書一人。侍郎一人。立東案之南。西面。都察院左都御史一人。副都御史一人。樂部典樂一人。立西案之南。東面。均北上。第二成司拜牌拜褥官各一人。分立黃幄次東西。與第一成午階同。第三成階上。太常寺典儀一人。立於東階。西面。引王貝勒行禮鴻臚寺官二人。糾儀御史四人。禮部祠祭司官四人。分立拜位左右。均東西面。第三成階下。記注官四人。立於神道之西。東面。引貝子公行禮鴻臚寺官二人。分立拜位左右。東西面。司樂協律郎樂工。序立東西樂懸之次。北面。歌工立樂工之次。樂舞生文武八佾。分行序立。東在歌工之左。西在歌

工之右。皆東列西上。西列東上。外壇門外糾儀御史二人。禮部祠祭司官二人。立於從祀百官東班之東。御史二人。禮部祠祭司官二人。立於從祀百官西班之西。鴻臚寺序班東西各一人。立於糾儀官之次稍後。太常寺傳贊四人。二人循內壇牆立。二人循外壇牆立。掌燎官一人。率燎人立燎鑪之東南隅。祀日。日出前七刻。司祝詣神庫祝版案前。上香。行一跪三叩禮。恭奉祝版至壇。安於祝案。跪叩如初。退。禮部尚書率太常寺卿屬恭請。

神位。鑾儀衛冠軍使二人。率校尉豫設龍亭一於皇穹宇階下正中。南嚮。又設龍亭八於左右稍後。均南嚮。又設龍亭四於南。東西嚮。至時。太常寺官啟龕。禮部尚書詣皇穹宇各香案前三上香。退出門檻外。行三跪九叩禮。太常寺卿率屬分詣皇穹宇及兩廡。各行一跪三叩禮。先請四從神位。奉至丹墀東西嚮。次請列聖神位於殿內。東西嚮。俟請

上帝神位南嚮先行。乃奉

列聖神位以從。既出殿。奉

四從神位以從。依序奉安於龍亭內。各行一跪三叩

禮。校尉昇亭。太常寺官十人前引。禮部尚書從

由

圍丘北門入。至午階。亭止。

上帝居中。

列聖左右稍後。均南嚮。

從位再後。東西嚮。太常寺官詣各亭前跪三叩興。恭

請

上帝

列聖神位升午階。詣第一成。

四從神位升東西階。詣第二成。以次奉安於

神座。各行一跪三叩禮。退。太常寺卿赴

齋宮奏時。日出前請

駕詣

壇行禮。

皇帝御祭服。乘禮輿出

齋宮。鑾儀使進玉輦。註。皇帝出。齋宮於

齋宮門外。掌鑾儀衛內大臣一人。奏請

皇帝升輦。納陛奉輦如前儀。鑾儀衛校尉鳴

齋宮鐘。太常寺引駕官二人。前引大臣十人。提鑪

官執鐙官左右列行。後扈大臣二人及侍衛從

恭導

皇帝至外壇南門外

神路西。掌鑾儀衛內大臣一人。奏請

皇帝降輦。納陛扶輦如前儀。導駕官退。右贊引左對

引太常寺卿二人。恭導

皇帝詣大次少俟。太常寺贊禮郎引分獻官於外壇

右門外序立。鴻臚寺官引陪祀王公於外壇門

外侍衛後百官於行禮位後。按翼東西序立。祇

候。太常寺卿告奉安

神位畢。奏請行禮。

皇帝出大次。鑾儀衛雲麾使二人跪奉盥。冠軍使一

人跪奉帔巾。盥畢。司拜褥官豫布拜褥於第二

成拜次。退。贊引對引官恭導

皇帝由外壇南左門入。升午階。就第二成拜位北嚮

立。司拜牌官安拜牌。退。侍衛至內壇門外。前引

大臣執鐙官至三成階下。均止立。後扈大臣

隨侍。凡升壇隨侍均同。太常寺贊禮郎引分獻官入



|  |                |                                       |                                       |   |           |  |      |                |               |                    |                          |
|--|----------------|---------------------------------------|---------------------------------------|---|-----------|--|------|----------------|---------------|--------------------|--------------------------|
| 內壇右門至分獻拜位立。鴻臚寺官引諸王貝勒貝子公文武百官。均就拜位北面序立。典儀贊樂舞生登歌。執事官各共乃職。武舞執于殿進贊引奏就位。 | 皇帝就拜位立。典儀贊燔柴迎。 | 帝神乃燔柴。司香各奉香盤。由案南東西相嚮。行至左。右幄前止立。司樂贊舉迎。 | 帝神樂。奏始平之章。協律郎舉麾。工鼓祝。樂作。司上帝香一人。由左而北。司。 | 列聖香東位四人。從西位四人。由右而北。以次進至各神案前恭俟。司拜牌官起拜牌。 <small>凡升起拜牌。後同。</small> 贊引奏升。 | 壇。暨對引官恭導。 | 皇帝升第一成上。對引官至祝案前止立。 <small>凡升壇行禮。</small> 贊引恭導。 | 皇帝詣。 | 上帝案前。司香跪。贊引奏跪。 | 皇帝跪。奏上香。司香進香。 | 皇帝上炷香。次三上辦香。興。以次詣。 | 列聖香案前上香。儀同。贊引奏復位。暨對引官恭導。 |
|--|----------------|---------------------------------------|---------------------------------------|---|-----------|--|------|----------------|---------------|--------------------|--------------------------|

|   |  |                                    |       |          |                   |                  |                   |              |                     |                                     |  |
|---|--|------------------------------------|-------|----------|-------------------|------------------|-------------------|--------------|---------------------|-------------------------------------|--|
| 皇帝復第二成拜位立。司拜牌官安拜牌。 <small>凡復位則安拜牌。後同。</small> 贊引奏跪拜興。 | 皇帝行三跪九拜禮。傳贊贊跪叩興。王公百官均隨行禮。 <small>凡衆官行禮。皆傳贊。後同。</small> 協律郎偃麾。工夏鼓。樂止。 <small>凡偃麾。夏鼓。後同。</small> 典儀贊奠玉帛。左司玉帛官暨司帛官由東案奉篚。右司帛官由西案奉篚。以次進至。 | 神案前恭俟。如奉香儀。司樂贊舉奠玉帛樂。奏景平之章。樂作。贊引奏升。 | 壇。恭導。 | 上帝升第一成詣。 | 上帝位前立。司玉帛官跪。贊引奏跪。 | 皇帝跪。奏獻玉帛。司玉帛官進篚。 | 皇帝受篚。拱舉奠於案。興。以次詣。 | 列聖位前。司帛官跪進篚。 | 皇帝受篚。奠帛儀同。贊引奏復位。恭導。 | 皇帝復第二成拜位立。樂止。典儀贊進俎。司拜牌官起拜牌退。贊引對引恭導。 | 皇帝轉立拜位旁。西嚮。司拜牌官起拜牌。太常寺官引分獻官。鴻臚寺官引王公。各退避東西面立。 |
|---|--|------------------------------------|-------|----------|-------------------|------------------|-------------------|--------------|---------------------|-------------------------------------|--|

有司儲養於壺。恭執。太常寺官二人引至

壇階下止立。執壺官升午階。以次登

壇。過幄次。仍布拜褥。恭導

皇帝復位。王公及分獻官皆引復位。執壺官詣

上帝

列聖位前跪。拱舉興。以奠沃俎者三。退。由西階降。司樂

贊舉進俎樂。奏咸平之章。樂作。贊引奏升

壇。恭導

皇帝升第一成詣

上帝位前立。贊引奏跪。

皇帝跪。奏進俎。

皇帝拱舉進俎。興。以次詣

列聖位前進俎。儀同。贊引奏復位。恭導

皇帝復第二成拜位立。樂止。典儀贊行初獻禮。有司

揭尊畢。勺挹酒實爵。左右司爵執爵。以次進至

各

神案前恭俟。如奉香儀。司樂贊舉初獻樂。奏壽平之章。

樂作。司樂舉節。舞于咸之舞。凡舞以節領之。贊

引奏升

壇。恭導

皇帝詣第一成

上帝位前立。司爵跪。贊引奏跪。

皇帝跪。奏獻爵。司爵進爵。

皇帝受爵。奠於墊中。興。司拜牌拜褥官安拜牌布拜

褥於第一成。贊引奏詣讀祝位。恭導

皇帝詣讀祝拜位立。司祝至祝案前跪。三叩興。奉祝

版跪案左。樂暫止。贊引奏跪。

皇帝跪。羣臣皆跪。贊引贊讀祝。司祝讀祝。讀畢興。奉

祝版跪安

上帝位前籩內。三叩興。退。樂作。贊引奏拜興。

皇帝率羣臣行三拜禮。興。起拜褥。徹拜牌。贊引恭導

詣

列聖位前以次獻爵。儀同。贊禮部引

從位分獻官由東西階升。詣各

神位前。上香獻帛獻爵畢。贊引奏復位。恭導

皇帝復第二成拜位立。分獻官咸降階退。各復拜位

立。樂止。武功之舞退。文舞執羽籥進。典儀贊行

亞獻禮。司爵執爵以次進。司樂贊舉亞獻樂。奏

壽平之章。樂作。舞羽籥之舞。贊引奏升

壇。恭導

皇帝升第一成。以次奠爵於左。儀如初獻。贊引奏復位。恭導。

皇帝復位立。樂止。典儀贊行終獻禮。司爵執爵以進。司樂贊舉終獻樂。奏永平之章。樂作。每與亞贊同。贊引奏升。

壇。恭導。

皇帝升第一成。以次奠爵於右。儀如亞獻。贊引奏復位。恭導。

皇帝復位立。每獻分獻官詣從位獻爵。升降均如初。樂止。文德之舞退。既終獻。贊

禮部一人詣祝案前東面立。贊

賜福胙。光祿寺卿就東案奉福胙。至。

上帝位前拱舉。布拜褥安拜牌。如讀祝儀。贊引奏詣飲福受胙位。恭導。

皇帝詣第一成飲福受胙位立。光祿寺卿二人奉福胙。祇立。

皇帝拜位之右。侍衛二人進立於左。贊引奏跪。

皇帝跪。左右官咸跪。奏飲福酒。右官進福酒。皇帝受爵拱舉。授左官。贊引奏拜興。皇帝受胙拱舉。授左官。贊引奏拜興。

皇帝三拜興。贊引奏復位。恭導。

皇帝復第二成拜位立。贊引奏跪拜興。

皇帝率羣臣行三跪九拜禮。典儀贊徹饌。司樂贊舉

徹饌樂。奏熙平之章。樂作。司玉帛官詣

上帝位前跪叩興。奉蒼璧以退。樂止。典儀贊送

帝神。司樂贊舉送

帝神樂。奏清平之章。樂作。贊引奏跪拜興。

皇帝行三跪九拜禮。王公百官均隨行禮。樂止。典儀

贊奉祝帛饌恭送燎位。司祝司帛詣

神位前咸跪。司祝奉祝。司帛奉篚。皆三叩興。司香跪奉

香。司爵跪奉饌。興。以次恭送燎所。

皇帝轉立拜位旁。西嚮。起拜褥。分獻官王侯祝帛過。公避立如進俎時。

仍布拜褥。

皇帝復位立。

從位香帛饌。仍由東西階降送內壇東西門外燎所。

典儀贊望燎。司樂贊舉望燎樂。奏太平之章。樂

作。贊引奏詣望燎位。拜褥。恭導。

皇帝由內壇南左門出。詣望燎位望燎。分獻官各詣

東西門外望燎。贊引奏禮成。恭導。

皇帝入大次。樂止。大祀禮成。饗儀衛冠軍使率校尉

設龍亭一於

園丘午階下正中。龍亭八於左右稍後。均南嚮。龍亭四

於兩旁。東西嚮。太常寺卿率屬升

壇。詣各

神位前跪。三叩興。恭請安奉亭內。跪叩如初。鑿儀校昇

亭。依次行至

皇穹宇。

上帝居中。

列聖左右。均北嚮。

從位東西相嚮。以次

復御。禮部尚書上香行禮。儀並與迎

神同。

皇帝既還大次。更衣。至外壇

神路西。乘禮輿出

廣利門外。

大駕鹵簿前導。和聲署官贊奏樂。導迎樂作。奏祐

平之章。前部大樂舉樂。

皇帝回鑾。王公從。各官以次退。不陪祀。王公百官仍

朝服集

午門外跪迎。

午門鳴鐘。樂止。王公隨

駕入。至內金水橋。恭候

皇帝還宮。皆退。太常寺官徹

齋宮齋戒牌。銅人送寺。

欽定大清會典事例卷一千六十七

太常寺

禮節事終至日

南郊大祀禮節二 列聖

升配

南郊禮節

順治二年定

郊祀齋戒及設玉帛祝文香亭儀節。○十四年

論

南郊祀

天禮宜嚴重。其前祀五日。朕親詣視牲。祀前一日。朕親

宿齋宮。如遣官恭代亦著詣

壇齋宿視牲。永著為令。○乾隆七年奏准。向例於每月

朔望日奉祀官詣

皇穹宇上香行禮。嗣後每逢朔望前期一日。仍令看守

官啟

殿拂拭

神幟。屆期。太常寺堂官一員上香行禮。以昭誠敬。○十

二年奏准。

皇帝親閱蓬豆。或遣官視蓬豆。前期恭請

聖訓如奉

旨閱蓬豆。前期二日。太常寺進呈

皇帝御齋宮詣

皇穹宇上香行禮視

壇位蓬豆儀節。如奉

旨遣官視蓬豆。太常寺進呈

皇帝御齋宮詣

皇穹宇上香行禮視

壇位儀節。至遣官恭代。先期奏請承祭官恭視

壇位。並視蓬豆牲牢。○十三年大祀

圓丘。

親詣行禮。

諭朕敬

天尊

祖寅承法祀。

壇

廟祭器。率既稽考古典。親為釐定。命所司準式敬造。質

文有章。精潔告備。自今歲

圓丘大祀為始。灌獻陳列。悉用新成祭器。展虔敬焉。古

者崇郊饗。則備法駕乘玉輅。以稱鉅典。國朝定制。有

大駕鹵簿。行駕儀仗。其名參用宋明以來之舊。而旗

章麾蓋。視前倍闌。今為稍增益。更定大駕鹵簿為法

駕鹵簿。行駕儀仗為鑿駕鹵簿。行幸儀仗為騎駕鹵簿。合三者則為大駕鹵簿。

南郊用之。

方澤以下。皆用法駕鹵簿。五輅酌仿周官及唐宋遺制。金玉象革。各如其儀。乘用亦自今歲。

南郊始。光昭羽衛。用肅明禋。諭所司知之。○三十五年。諭朕祇肅明禋。恭遇

郊壇大祀。竭誠致慎。向於致祭

圓丘。先期敬宿齋宮。必躬詣

神位前。升香展禮。其省視籩豆。臨時由禮臣請旨。或循

例。遣官。或降旨親莅。而朕每親莅者多。今朕年屆六

旬。

郊祀大典。歲歲躬行。即將來晉袞日高。仍當弗懈。益虔

惟是儀文品節之間。略宜折衷至當。可以永遠率由。行之無斁。如先期赴

壇時。

神位前。允宜躬親展謁。其省視籩豆。應按例專遣臣工。莅事。不必更請旨。至赴

壇所經路道。向由昭亨門外降輦步入。第步履遙遠。當質明行事。轉恐失儀。嗣後應改由廣利門入。於向時

祭畢乘輦處降輦。○三十七年。大祀

圓丘。

高宗純皇帝先期莅

齋宮。乘步輦入自

西天門。由

齋宮南乘禮輿。至

神路西降輿。步入琉璃左門。詣

皇穹宇上香。禮成。仍於降輿處

御禮輿還

齋宮。

閱視

壇位。遣親王恭代行禮。祀日。

高宗純皇帝自

齋宮乘步輦。行至

神路西階下。幄次相對處降輦。升階。由

櫺星左門步入。禮成。仍於降輦處乘禮輿還宮。其行

禮時。

高宗純皇帝初升至二成拜位。立贊引奏升

壇。

高宗純皇帝升階上香畢。還至二成拜位。行迎

神禮典儀官贊奠玉帛。

高宗純皇帝升階行奠玉帛禮。還就讀祝位立。以次進

俎三獻及飲福受胙。禮成。仍還至二成拜位。行

謝

賜福胙及送

神禮。○四十年

諭。朕每遇

郊壇大祀。必親詣行禮。歷四十年如一日。弗敢稍有懈

弛。一切儀文典禮。悉本誠敬之心。仰期

昭格。凡諸升降拜獻。弗愆於儀。實有可以自信者。惟是

行禮時。諸皇子向不在陪祀之列。無由知朕恪恭將

事之忱。著於本年冬至

南郊。令諸皇子在旁侍立。敬謹觀瞻。祀事既歲。並令就

壇位前恭閱朕所獻之爵。皆安奉端正。無稍偏敬。俾共

體朕所以展精禋而答

鴻貺者。實在乎是。其敬承毋忽。○四十三年

諭。朕自踐阼以來。恭遇

郊壇大祀。一切儀文典禮。實本誠恪之心。敬謹將事。四

十年如一日。越歲庚子。朕春秋已屆七旬。雖自信精

力如舊。但迎

神獻爵。儀典繁重。若各

壇位前俱仍親詣。轉恐過疲生憊。於精意或有未孚。

正位上香獻爵。朕必恭晉申虔。至

列祖

列宗配位前上香。朕仍親詣。其獻帛爵諸禮。著自今年

南郊為始。令諸皇子代陳。○五十一年

諭。人君者

天之子。當以敬

天勤民為首務。方可以承

昊貺而迓

鴻庥。朕臨御五十一年。恭遇

郊壇大祀。無不祗肅躬親。冬至

南郊。親詣五十一次。上辛

祈穀。親詣四十九次。當臨祀時。一切儀文典禮。悉本誠

恪之心。躬申虔敬。以期

昭格。近來雖逾古稀。壹志明禮。益勤毋懈。是以仰蒙

上蒼鑒朕忱悃。得有期頤之壽。精神強固。猶日孜孜。萬

幾親理於

郊祀大典。俱能肅將禋獻。升降周旋。毋愆於儀。緬惟

上天如此。篤春。惟有益懋寅恭。朕世世子孫。續緒膺圖。

若能以朕之心為心。無刻不以敬

天為念。自亦必仰邀

昊穹春顧。錫以大年。實我大清億萬載無疆之祚也。向來致祭

郊壇於

壇之二成。設有幄次。以備拜跪行禮。迎

神。進爵供胙。上

壇行禮畢。仍回降至拜次。嗣因朕年屆八旬。將亞獻終獻。飲福受胙諸儀。改於

壇上讀祝。位次行禮。以節登降之勞。仍不致或愆儀節。

此朕因欲每次躬親祀事。是以稍從簡易。惟念將來朕春秋日高。恐步履或稍遜於前。意欲於

壇上讀祝。拜位。添設小幄次一分。俟朕年至八旬。即於

此內行禮。設遇風雪。亦可稍資蔽禦。如果仰邀

天眷。仍能精力如舊。至八旬而不衰。尚必照常行禮。所

有添設幄次。原可備而不用。著軍機大臣會同工部

太常寺。敬謹詳勘。將應添幄次尺寸。比二成之幄次

收小。酌擬呈覽。再行備辦。欽此。遵

旨。議定添設幄次。較二成原幄次收小。擇低。燙樣繪圖。

恭呈

御覽。得

旨。後交工部。敬謹成造收存。交太常寺。俟屆大祀前期。將應否安設之處。請

旨。遵行。奉

旨。添設拜次。照原有拜次。面寬。擇小。七尺。進深。擇小。二尺。頂高。低一尺五寸。用金黃色。餘依議。○嘉慶元年

冬至。

仁宗睿皇帝親祀

天於

圓丘。前一日詣

齋宮。

駕至

皇穹宇。上香。次視

壇位。又次。閱籩豆。並牲牢畢。還

齋宮。祭日。

仁宗睿皇帝自

齋宮乘輦。至外壇南門外

神路西降輦。由

樞星門左門升

壇行禮。三十七年。以前舊例。畢。出



昭亨門左門。乘禮輿還宮。○九年。大祀

圓丘。

仁宗睿皇帝由

昭亨門入。祭日禮成。出

廣利門。餘與嘉慶元年同。○十一年

諭。朕惟

郊壇大祀。典禮至重。每歲舉行

南郊

祈穀

常雩三大祀。前期詣宿齋宮。凡籩豆牲牢之屬。皆敬謹

省視。我

皇考高宗純皇帝敬

天以實。

躬親殷禮。一切儀文品節。悉經

裁定。昭垂。溯自乾隆七年。經禮臣議准。冬至前一日。

皇帝詣

圓丘視

壇位。分獻官分詣

神庫視籩豆。

神廚視牲牢。乾隆十二年。欽奉

聖諭。以先期祇請

神主陳設。省視復收。有違神道靜穆之義。應於前期一

日。恭詣

皇穹宇

皇乾殿。上香行禮。

命大學士等詳悉具儀以聞。維時定議。因將視籩豆一

節。或

親詣。或遣官之處。由太常寺臨期奏聞。請

旨。仰荷

允准。遵行。自是二十餘年。大率遣官閱視籩豆。次數居

多。亦間有

親詣閱視者。乾隆三十五年。復奉

聖諭。以

神位允宜躬親展謁。其省視籩豆。應按例專遣臣工。莅

事。不必再行請旨。仰見

折衷定制。專意明禮。與聖經籩豆司存之義。允協。朕續

承

統緒。敬恭匪懈。嗣後

郊壇三大祀。前期省視籩豆牲牢。均著按照乾隆七年

定例。遣官將事。該衙門臨期查照。奏請簡派。毋庸具

摺雙請。至恭詣

皇穹宇

皇乾殿上香後閱視

壇位仍欽遵

前典。親詣舉行。○十二年

諭。嗣後恭遇大祀

祈穀

常寧

圍丘閱視。蓮豆牲隻。親詣遣官。開次舉行。今歲

祈穀既經遣官。至

常寧再行親詣閱視。○又

諭。嗣後每遇大祀

天壇閱視。蓮豆牲隻。朕親詣一次。遣官一次。太常寺不

必再行具奏。臨期於儀注內將應行親詣遣官之處

夾片進呈。○十四年。

郊祀前一日。

仁宗睿皇帝詣

齋宮時。乘步輦進北首

外西天門。經神樂署前。入

廣利門內。至

壇之西南隅相對樹林處降輦。詣

皇穹宇點香視

壇位。蓮豆牲隻畢。以及祀日禮成後。均仍於

神路西階下鋪設椽薦處升輿。○又議准。嗣後恭

遇大祀視

天壇牲牢。照乾隆十三年之例。遣官恭代。○十九年

諭。嗣後親詣省視。蓮豆仍開次舉行。至二十三年時。著

太常寺將乾隆三十五年遣官省視。蓮豆之例。並尚

有更改之處。查明一併再行奏聞。○又

諭。此後冬至大祀。俱進內西天門。由齋宮前走三座門。

至原降輦處降輦。○二十年

諭。

南郊大祀。自本年冬至為始。所有降輿處所。著太常寺

敬謹相度。繪圖貼說具奏。欽此。遵

旨。議准。豫日

聖駕詣

壇點香時。乘步輦進

內西天門。由

齋宮前往

三座門。至

南極星門外

神路西階下海墁稍北鋪設椽薦處降輦詣

皇穹宇點香視

壇位畢。及祭日行禮禮成後均仍於降輦處升輿。○二

十四年。

仁宗睿皇帝聖壽六旬。

南郊大祀。閱視蓮豆牲隻均照乾隆三十五年之例。遣

官恭代。○二十五年。冬至大祀

園丘。

宣宗成皇帝豫日詣

壇乘步輦入

西天門。至

昭亨門外降輿。由

極星門至

皇穹宇點香畢。升

壇視

壇位。至

神庫視蓮豆。

神廚視牲隻。仍出

極星門。至極次斜對處升輿詣

齋宮。○道光四年

諭。冬至大祀。朕已降旨親詣行禮。近因感寒初愈。

郊壇典禮重大。若勉強從事。誠恐登降儀節稍愆。轉不

足以申誠敬。著瑞親王綿忻敬謹齋戒。恭代行禮。○

十年

諭。嗣後如遇恭祭

天壇之日。玉輦金輦俱著在天安門外豫備。○十九年。

宣宗成皇帝聖壽五旬有八。

天壇大祀。一切經由道路。均照嘉慶二十年成例。於

神路西階下海墁稍北金殿相對處降輿升輿。○

又

諭。所有閱視蓮豆牲隻前已降旨開次舉行。著太常寺

存記。至道光二十一年時。查照乾隆三十七年專遣

臣工視蓮豆牲隻遣員恭代視

壇位之例。查明具奏。○咸豐元年

諭。嗣後

壇

廟大祀。朕飲福受胙及謝福胙時。陪祀之王公百官。有

應由傳贊官傳贊隨從行禮之處。俱著恪守舊章。遵

行。如傳贊時有應行禮而不行禮者。或傳贊遲誤。即

著糾儀各衙門查明參奏。○八年

諭朕自上年秋間染患痲疾。一載以來。

郊壇大典。未能躬詣。每抱歉忱。本年冬至

圓丘大祀。業經降旨親詣行禮。茲據惠親王等合詞具

奏。以朕體雖愈。步履尚未如常。登降拜跪。恐多勉強。

籲請仍暫緩親詣。揆諸朕心。實有難安。該王大臣等

於召見時再三籲懇。因念

大禮攸關。設有愆儀。轉不足以昭誠敬。不得已勉從所

請。所有本年冬至

大祀。著派恭親王奕訢恭代行禮。並著在禁城內齋宿。

先期一日。詣

壇內齋宿。朕仍在宮內敬謹致齋。十八日親詣

大高殿行禮。以嚴對越。○九年

諭本年冬至

天壇大祀。業經降旨親詣行禮。一切典禮。並諭惠親王

等妥議具奏。旋經該王大臣等議請朕行三跪九拜

禮後。仍遣王恭代。朕思屆時仍欲勉行全禮。以昭誠

敬。是以未即降旨允准。乃自上月下旬偶感風寒。迄

今雖已就痊。而步履尚未如常。茲復據惠親王等合

詞籲懇。請朕暫緩親行。仍遣王恭代。揆諸朕昭事之

心。實有難安。惟念

大禮攸關。設有愆儀。轉不足以昭誠恪。不得已勉從所

請。本年冬至

圓丘大祀。著派恭親王奕訢恭代行禮。並著在紫禁城

內齋宿。先期一日。詣

壇內齋宿。朕即在宮內敬謹致齋。於二十八日仍親詣

天壇

皇穹宇行禮。以嚴對越。○同治十一年。冬至大祀

圓丘。

穆宗毅皇帝親詣行禮。儀與乾隆二十四年同。○光緒

十二年。冬至大祀

圓丘前一日

皇帝詣

齋宮。

駕至

昭亨門外降輦。

親詣

皇穹宇。上香。次視

壇位。又次

闕蓮豆。並牲牢畢。至

|                                  |
|----------------------------------|
| 齊宮祭日。                            |
| 皇帝自                              |
| 齊宮乘禮輿詣                           |
| 壇至神路西降輿贊引官對引官恭導                  |
| 皇帝至更衣幄次少候。俟奉安                    |
| 神位畢。                             |
| 皇帝由                              |
| 樞星門東門升                           |
| 壇行禮。 <small>禮節俱照舊例。</small> 禮畢。出 |
| 昭亨門東門乘禮輿還宮。                      |
| 因事祇告                             |
| 園丘禮節。由太常寺題請遣親王一人將事。及執事           |
| 官致齋一日。豫期翰林院具祝文。太常寺送內             |
| 閣恭書奉諸                            |
| 南郊神庫。潔備器陳。至日五鼓。設                 |
| 神座幄於                             |
| 園丘。陳鹿脯鹿醢兔醢棗榛葡萄桃實蓮實。鑪一。鐙六。        |
| 爵一。幄南中少西設一案。北嚮。供祝版。司祝            |
| 一人立於案西。東面。東設一案。西嚮。陳告祀制           |
| 帛一。香盤一。尊一。罍一。司香司帛司爵              |

|   |
|---|
| 各一人。立於案東。西面。糾儀御史二人。一東位                            |
| 西面。一西位。東面。太常寺典儀一人。立第二成                            |
| 午階上之東。掌燎立燎鑪東南隅。雞初鳴。遣官                             |
| 豫俟於   |
| 昭亨門外。贊引太常寺贊禮郎二人。豫俟於外壇南                            |
| 右門外。均朝服。黎明。太常寺卿率屬詣                                |
| 皇穹宇奉請   |
| 上帝神位入   |
| 壇。恭設座上如儀。遣官入                                      |
| 昭亨門右門。至外壇南右門。贊禮郎引入詣                               |
| 園丘。升西階。至第三成午階上。典儀贊就位。執事官各                         |
| 共乃職。贊禮郎引遣官就拜位北面立。典儀贊                              |
| 迎   |
| 神凡禮儀節次。皆 <small>神典儀唱贊後同。</small> 司香奉香。進至案前祇俟。贊禮郎贊 |
| 升   |
| 壇。引遣官升西階就香案前立。贊跪。遣官跪。贊上香。司                        |
| 香跪進香。遣官上炷香。次三上辦香。興贊復位                             |
| 引遣官自西階降。復位立。贊跪叩興。 <small>凡遣官升</small>             |
| <small>贊皆引。</small> 遣官三跪九叩興。贊行初獻禮。司帛奉             |
| 篚。司爵揭尊罍。勺挹酒實爵。以次進至案前祇                             |

俟遣官升

壇詣

神位前跪。司帛跪奉篚。遣官受篚拱舉。奠於案。司爵跪

奉爵。遣官受爵拱舉。奠於墊中。興贊讀祝。遣官

降自午階之左。至第二成當階北面跪。司祝詣

祝案前跪。三叩。奉祝版跪案左。讀祝畢。興奉安

神位前篚內。跪叩如初。退。遣官行三叩禮。興仍降西階

復位。次亞獻。獻爵於左。次三獻。獻爵於右。儀同。

贊送

神遣官行三跪九叩禮。興贊奉祝帛送燎。司祝奉祝。司

帛奉篚。皆三叩。司香奉香。以次降午階。遣官避

立西旁。俟過。復位。贊望燎。遣官降西階。出內壇

南右門。詣燎所望燎。贊禮郎告禮畢。引由外壇

南右門出。太常寺卿率屬恭請

上帝神位

復御如儀。各退。

列聖升配

南郊禮節。禮部具疏行欽天監。諏吉。工部於

昭亨門外擇潔地設黃幄。太常寺設香案於幄內。禮

工二部尚書。行三跪九叩禮。工部敬製

升配神位。既成。誦吉。鐫字。內閣翰林院朝服。敬書題字。

大學士滿漢各一人朝服視鐫。上香行禮如儀。

升祔

太廟禮成。誦

升配

圓丘吉日。以

聞飭諸司敬謹供備。視牲致齋。書祝版

閱祝版。視割牲儀。均與

圓丘大祀同。前二日。遣官各一人祇告

天

地

宗廟

社稷。如常告儀。前一日。太常寺卿率屬入

壇。潔蠲

壇上下。恭設

上帝青幄。暨

列聖配幄畢。乃恭設

升配青幄。實座几案如儀。鑿儀衛設龍亭黃蓋

御仗於

昭亨門外恭製

神位黃幄前。是日。

皇帝詣

南郊齋宿。鑾儀衛陳

大駕鹵簿。

午門鳴鐘鼓。樂陳而不作。不陪祀王公百官。朝服

跪送如常儀。

駕至

南郊降輦。贊引對引恭導

皇帝詣

皇穹宇。上香。行三拜禮。畢。恭導詣

圓丘。祇視

壇位。乃導出

昭亨門外。升輿詣

齋宮。大學士二人朝服。祇俟於恭製

神位黃幄前。太常寺官具鑪。燈。大學士入幄右門。詣案

前。上香。行三跪九叩禮。恭視工部以青飾

神位題字畢。禮部尚書詣案前。恭奉

神位奉安於黃案。上香。行禮如前儀。畢。各退。屆日昧爽。

太常寺卿入

壇。陳設祭器。樂部陳樂懸樂舞。工部官張大次。陪祀執

事各官朝服。豫集祇俟。均如

圓丘大祀儀。禮部太常寺官十人。前引

神位。恭俟於黃幄外。太常寺卿詣

齋宮奏時。

皇帝禮服出

齋宮乘輦。前引大臣十人。後扈大臣二人。隨侍如

儀。

皇帝由內西垣外至

昭亨門右降輦。盥手。鑾儀衛官跪奉盥奉巾。如儀。畢。

贊引對引恭導

皇帝入黃幄左門。詣

神位前行一跪三拜禮。興。進前跪。恭奉

神位興。由中門出。奉安

神位於龍亭。跪三拜興。避立道左。校尉昇亭。前列

御仗黃蓋。禮部太常寺官左右導引。前引大臣十

人。贊引對引太常寺卿二人。恭導

皇帝於亭後行。陪祀王以下內大臣侍衛於

昭亨門左門外跪迎。候過興。隨行。龍亭入

昭亨門左門。百官跪迎於次。候過。北面祇立。亭至內

壇左門外止。贊引對引恭導

皇帝詣亭前跪。三拜興。進前跪。恭奉

神位入內壇左門。至

圓丘三成階下。

御仗黃蓋退。前引大臣止立。贊引對引恭導

皇帝升

壇。太常寺司拜褥官。豫布

神位拜褥於正中。布

皇帝拜褥於稍後。贊引跪奏

廟謚皇帝祇見

皇天上帝。

皇帝恭奉

神位跪安於拜席。退就拜位。贊引奏拜興。

皇帝三跪九拜。恭代行祇見禮畢。贊引跪奏請

升座。

皇帝進前跪。恭奉

神位興。司拜褥官徹

神位拜褥。

皇帝詣

配幄前跪。奉安

神位於寶座。退。至幄外香案前。贊引奏拜興。

皇帝行一跪三拜禮。贊引對引恭導

皇帝詣二成拜位立。行禮儀節。均與

圓丘大祀同。祀畢。恭導

皇帝出

昭亨門左門。乘輿還宮。

大駕鹵簿前導。樂陳而不作。不陪祀王公百官。祇

俟迎

駕如前儀。太常寺官恭請

神位御

皇穹宇。上香行禮。均如

圓丘大祀儀。



欽定大清會典事例卷一千六十八

太常寺

禮節

節

祈穀禮節  
祈穀壇禮節  
大嘗禮節

列聖升配  
常寧禮

祈穀禮節。每歲孟春上辛先期五日。遣親王一人詣

犧牲所。恭代視牲。如

圓丘儀。先期三日。

皇帝齋於大內齋宮。王公百官各齋於次。儀與冬至

圓丘大祀同。誓戒

制辭曰。某年月日。上辛。朕恭祀

上帝於

祈年殿。為民祈穀。惟爾羣臣。其緇乃心。齊乃志。各揚其

職。敢或不共。國有常刑。欽哉。毋怠。書版恭奉。齊次

如式。省牲。書祝版。視割牲。儀與冬至

圓丘大祀同。祀前一日五鼓。太常寺卿率屬官潔蠲

祈年殿。藉以稷薦。設

上帝神座於殿中南嚮。設

列聖神座於左右東西嚮。所司張大次於

祈年門外

神路之東。陳牲俎於

神廚。展祭器於

神庫。如式。昧爽。

皇帝御太和殿。閱祝版。玉帛香。儀與

圓丘大祀同。厥明。步軍統領飭所部清蹕。鑾儀衛陳設

大駕。鹵簿於

午門外。陳玉輦於

太和門階下。諸司各共其事。已刻。

皇帝龍袍。袞服。乘輿出宮。至

太和門階下。降輿。鑾儀使扶輦。納陛。

皇帝升輦。警蹕導從。

午門鳴鐘鼓。不陪祀。王公百官朝服。跪送。並如

圓丘大祀儀。

駕詣

南郊。至

西天門內。至南轅城門外之南

神路。西降輦。納陛。如前儀。前引大臣贊引。對引。太

常寺卿恭導

皇帝由轅城左門

祈年左門入。詣

皇乾殿

神位前上香行禮。次詣

祈年殿恭視

壇位畢。遣官視籩豆牲牢。並同

圓丘大祀儀。畢。仍由

祈年門出升輦

禮案 皇帝由升輦處。如至 齊宮。則輦仍設。

齊宮。陪祀王公百官。綵服分班。祇立

齋宮門外。俟

皇帝降輦乘輿入宮。乃退。將事之夕。夜分。太常寺卿

率屬入

壇。然炬明鐙。積柴加燔牛於上。具器陳辨。簋籩豆登

俎之序。陳三案。一設

祈年殿中少西。供祝版。一東次西嚮。一西次東嚮。分奠

玉帛香尊爵壺盤福胙。惟

上帝前用告祀青帛一。餘與

圓丘大祀同。鑿儀衛設洗於南甌城門外之南

神路東大次。樂部率太常寺協律郎設中和韶樂

於丹陛上。分東西懸。陳樂舞於樂懸之次。五鼓

太常寺博士引禮部侍郎升西階。入

祈年殿右門。恭省玉帛盞盛。如

圓丘大祀儀。行禮位。

祈年殿南正中為

皇帝拜位。其前為讀祝受福胙位。北嚮。丹陛東西為

諸王貝勒貝子公陪祀拜位。左翼東階西上。右

翼西階東上。丹墀內東西為陪祀百官拜位。文

員外郎武騎都尉以上東西各五班。東位西上。

西位東上。重行異等。皆北面。執事位。太常寺司

拜牌拜褥官二人。分立門內

皇帝拜位左右。東西面。司祝一人。立祝案西。東面。司

香司玉帛司帛司爵贊賜福胙官奉福胙光祿

寺卿接福胙侍衛侍儀禮部尚書侍郎都察院

左都御史副都御史樂部典樂序立東西案之

次。東西面。太常寺典儀一人。立東檐下。西面。司

樂協律郎樂工歌工舞佾。序立丹陛上。東西樂

懸之次。北面。鴻臚寺鳴贊二人。分立東西階石

欄前。東西面。記注官四人。立西階下。東面。引禮

鴻臚寺序班四人。糾儀御史四人。禮部祠祭司

官四人。分立從祀王公百官拜位左右。均東西

面。掌燎官率燎人立燎爐之東南隅。並如

圓丘儀。祀日。日出前七刻。司祝恭奉祝版。至

祈年殿安於祝案如式。鑿儀衛官校豫設龍亭一於

皇乾殿階下正中。又設龍亭八於左右稍後。均南嚮。太

常寺官啟

神龕。禮部尚書上香行禮。太常寺卿率屬恭請

上帝神位

列聖神位。奉安龍亭內。前引後從昇行。至

祈年殿階下亭止。依序如初。北嚮。太常寺官詣亭前恭

請

神位。以次升中階入

祈年殿中門。奉安各

神座。一跪三叩。並如

皇穹宇奉請之儀。太常寺卿赴

齋宮。奉請

駕詣

祈年殿行禮。

皇帝御祭服乘輿出。鑾儀衛進玉輦於

齋宮門外。納陛奉輦。禮樂如常。則輦仍設。齋宮

皇帝升輦。鳴鐘。前列鑼。導引扈衛如常儀。至甌城

門外

神路西。鑾儀衛納陛奉輦如初。

皇帝降輦。詣大次少侯。陪祀王公於

祈年門外百官於丹墀。按翼東西序立。祇候。太常寺

卿告奉安

神位畢。奏請行禮。

皇帝出次。鑾儀衛官跪奉盥奉巾如儀。盥畢。司拜褥

官豫布拜褥於

祈年殿南拜位。贊引恭導

皇帝由甌門左門

祈年左門入。升東階。進

祈年殿東門。就拜位北嚮立。執鑼。鑼官止東階下。夾階

左右立。侍衛退至東西隅。僉立。前引內大臣止

檐下東西侍立。後扈大臣隨侍。鴻臚寺官引王

公百官均就拜位序立。典儀贊樂舞生登歌。執

事官各共乃職。武舞執干戚進。贊引奏就位。司

拜牌官跪安拜牌於拜褥退。典儀贊燔柴迎

帝神。左右司香奉香盤進。如祀

圖丘之儀。司樂贊舉迎

帝神樂。奏祈平之章。樂作。

皇帝詣

上帝位前跪上香。以次詣

列聖位前跪上香。畢。興復位。率羣臣行三跪九拜禮。樂

止。凡行禮進退皆贊皆引。陪祀官隨行。禮皆傳贊。詳見。國丘大祀儀。乃奠玉

帛。舉奠玉帛樂。奏綏平之章。樂作。司玉帛奉玉帛。司帛奉帛進。如奉香儀。以次至各案前跪。

皇帝詣

上帝位前跪奠玉帛。以次詣

列聖位前跪奠帛。畢。興復位。樂止。乃進俎。舉進俎樂。奏

萬平之章。樂作。有司執壺奠自中階升。進

祈年殿內。沃俎。

皇帝詣

上帝位前。以次詣

列聖位前跪進俎。興復位。樂止。行初獻禮。舉初獻樂。奏

寶平之章。樂作。舞干戚之舞。

皇帝詣

上帝位前。司爵跪奉爵。

皇帝跪獻爵。奠於墊中。興退詣讀祝拜位立。司祝至

祝案前跪。三叩興。奉祝版跪案左。樂暫止。

皇帝跪。羣臣皆跪。司祝讀祝。讀畢。興。奉祝版安於帛

篚內。跪叩如初。退。樂作。

皇帝率羣臣行三拜禮。興。以次詣

列聖位前跪獻爵儀同。興復位。樂止。武功之舞退。文舞

執羽籥進。行亞獻禮。舉亞獻樂。奏稷平之章。樂作。舞羽籥之舞。

皇帝詣

上帝位前。以次詣

列聖位前。跪奠爵於左。如初獻儀。興復位。樂止。行終獻

禮。舉終獻樂。奏瑞平之章。樂作。舞同。亞獻。

皇帝詣

上帝位前。以次詣

列聖位前。跪奠爵於右。如亞獻儀。興復位。樂止。文德之

舞退。太常寺官贊

賜福胙。

皇帝詣受福胙位。飲福受胙。如

國丘儀。復位。率羣臣行三跪九拜禮。乃徹饌。舉徹饌樂。

奏渥平之章。樂作。有司詣

上帝位前。跪叩興。奉蒼璧退。樂止。乃送

帝神。舉送

神樂。奏滋平之章。樂作。

皇帝率羣臣行三跪九拜禮。興。樂止。執事各官以次

詣

神位前。奉祝帛香饌恭送燎所。如

圓丘儀。舉望燎樂。奏殺平之章。樂作。恭導

皇帝由

祈年左門出。詣望燎位望燎。贊引奏禮成。引入大次。

樂止。鑾儀衛依次設龍亭於階下南嚮。太常寺

卿率屬恭請

神位。奉安亭內。以次昇行。復

御皇乾殿。禮部尚書上香行禮。並如奉請

神位之儀。

皇帝更衣。乃出次。至

神路西。乘禮輿出

西天門。

大駕鹵簿前導。導迎樂作。奏祐平之章。前部大樂

畢舉。

皇帝回鑾。王公從。陪祀官退。不陪祀王公百官朝服

跪迎如來儀。

午門鳴鐘。王公隨

駕入。至內金水橋。恭候

駕還宮。皆退。○順治十七年

論帝王奉

天子民。禮隆禋祀。享

帝大典。所關尤重。必儀物克備。乃足昭對越之誠。向來

郊祀。惟冬至用燔柴禮。

祈穀壇未經舉行。雖祀典原有差等。而同為祀

上帝典禮。不宜有異。嗣後

祈穀壇亦行燔柴。○康熙三十七年

論大祀

圓丘樂舞生班次與王等行禮之處相遠。觀瞻甚屬整

齊。惟

祈穀壇陪祀。王等向來序立於樂舞生之前。樂舞生或

因地狹而動不合禮。應將樂舞生移列於前。王等在

後行禮。爾等詳看議奏。欽此。遵

旨議定。量看

祈穀壇地面。自

大享殿後改祈年殿門檻南至臺階。縱六丈五尺。原設樂

舞生位。去石階一丈。今移於前。去石階二丈。其

餘二丈為諸王行禮之地。樂舞生去

大享殿門三丈有奇。前引大臣序立於檐下左右。與奏

樂處相去一丈餘。庶觀瞻整肅。而佾舞位次亦

不致以地狹越禮。○雍正九年奏准。正月十七

日

祈穀行禮時仍用綠貂朝服。○乾隆元年奏准。上辛恭

祀

上帝為民祈穀。其三獻仍令進爵官跪進於

皇帝恭候

親獻。○七年奏准。向例

大祀

天

地

祈穀如

皇帝親詣行禮於

皇帝詣各

神位前。上香後。東西兩門鐘始行點香。嗣後於請

神位時。兩門鐘司香官豫為點香薰

壇。點香畢。隨安鐘蓋。○三十七年。

高宗純皇帝親詣

祈穀前一日。乘輦至

齋宮。降輦乘禮輿。至西甌城左門。開降輿。步入琿

瑤左門。乾隆四十六年。改由詣

皇乾殿上香。禮成。仍於降輿處乘禮輿還

齋宮。祀日。有司先設幄次於

祈年門東間。

高宗純皇帝乘輦至甬道適中處。降輦乘禮輿。由新設

門入。至南甌城門外

神道西降輿。由甌城左門步入。就幄次。自

祈年左門入。禮成。於降輿處乘禮輿。○三十九年

祈穀。

諭。朕臨御以來。恆以敬

天報本為要。不敢稍有怠惰。凡

壇

廟大祀。必親詣行禮。自降輦以至禮成。必敬必誠。至三

十七年。朕年逾六旬。始敕大學士及禮部。將降輦步

行。遠近及升降之無關鉅典者。酌減一二。蓋欲稍減

步履之小節。善養精力。於大典益致恪恭。亦因朕年

逾六旬。始如此酌量節減。所以益矢誠敬也。萬世子

孫。其敬識朕意。設非年至六旬。一切典章。斷不可稍

減。儻蒙

上天垂佑。年逾六旬。方可遵朕現在所行儀制舉行。將

此永著為例。○嘉慶元年。

祈穀於

上帝祀前一日。

仁宗睿皇帝乘輦入

西天門。至甌城門南

神路西戲橋下降輦。贊引官恭導

仁宗睿皇帝由甌城左門入

祈年左門詣

皇乾殿上香。

親詣視

壇位。籩豆牲牢。祀日。

駕詣

壇。在戲橋下降輿。由甌城左門入

祈年左門。升正面東階。進

祈年殿左門。詣拜褥前立。行禮畢。仍由原進門出。至降

輦處乘禮輿。○五年

諭。明年正月初四日。上辛

祈穀。初三日。朕詣

壇齋宿。是日正值

皇考二周年忌辰。禮統於所尊。一切儀文。自應循照每

次宿

壇成例。惟大駕鹵簿。現值二十七月內。雖應照常陳列。

亦當稍有區別。因恭閱乾隆辛丑年

皇考御製詩集內有

世廟今朝值忌辰。鑾儀五輅例應陳之句。蓋緣正月初

八日。上辛。初七日

皇考詣

壇齋宿。正值

世祖忌辰。禮重明禋。是以鑾儀衛五輅。仍照例陳設。至

明年正月初三日。為

皇考二周年。時日過近。又與

世廟忌辰常例不同。所有應用服色禮儀。對越維虔。朕

自不敢稍有減省。而鹵簿則係為朕而設。若照舊陳

列。朕心究有不安。著傳知鑾儀衛。明年正月初三日

朕詣

壇時。不必陳設大駕鹵簿。不御禮輦。仍坐八人轎。至初

四日

祈穀禮成回宮時。仍照例陳設大駕鹵簿。俟二十七月

以後。或遇正月初四日。祭辛。初三日詣

壇齋宿。所有應用大駕鹵簿。恭照

皇考正月初七日詣

壇成例行。○又

諭。向來每遇

大祀宿

壇日期。隨從執事大小官員皆穿蟒袍一日。明歲上辛

祈穀。朕於正月初三日宿

壇。是日恭值

皇考高宗純皇帝二周年忌辰。例應素服。但

郊壇大祀。典禮最重。朕於恭閱祝版時。仍照向例御龍

袍龍褂。隨侍官員俱穿蟒袍補褂。到

壇恭詣

皇乾殿拈香。應行省視各典禮。俱御龍袍貂褂。其隨從

及在

壇內執事之大小官員。亦俱穿蟒袍貂褂補褂。俟朕至

齋宮後。大小官員俱不必穿蟒袍。仍穿貂褂補褂。挂

朝珠。是日

壇外並不陳設鹵簿大駕。所有

壇外執事官員。俱不必穿蟒袍補褂挂朝珠。此外無執

事之大小官員等。俱照常穿青褂。以昭誠敬而符禮

制。○二十年

祈穀大祀。

仁宗睿皇帝詣

壇時。乘步輦進

內西天門。至甬路中間稍北鋪設椽薦處降輦乘禮

輿。由新設門至南甌城門外西階下降輿。詣

皇乾殿點香視

壇位。籩豆畢。以及祭日行禮禮成後。均於降輿處升輿。

○道光元年。

祈穀大祀。

宣宗成皇帝豫日詣

壇進

西天門。至南甌城門外西階下降輿。步入南甌城門

東門。進

祈年門東門。由

祈年殿東進琉璃門東門。詣

皇乾殿點香畢。仍出琉璃門東門。由

祈年殿東階升

殿視

壇位畢。出東甌城門北門。至

神庫視籩豆

神廚視牲隻畢。進東甌城門北門。由

祈年門東門。出南甌城門東門。至原降輿處升輿還

齋宮。祭日。由



齋宮乘輿。至鋪設棧薦處降輿。詣幄次少候。出幄

次盥洗畢。進南轅城門東門

祈年門東門由

祈年殿正面東階升

殿行禮畢。仍由

祈年門東門出。詣望燎位望燎畢。至幄次更祭服。仍

於原降輿處升輿還宮。○十九年。

祈穀大祀。

宣宗成皇帝詣

壇時由

內西天門循甬路往北進新設門。至南轅城門外

神路西階下降輿。祭日及禮成後。均於此處降輿

升輿。○二十二年。

祈穀大祀。豫日。

宣宗成皇帝入

內西天門由

齋宮東北至西城門左門間降輿。步入琉璃左門。

詣

皇乾殿拈香。禮成。仍於降輿處升輿還

齋宮。祀日詣

壇於南城門外

神路西階上降輿升輿。○咸豐四年

諭。上年冬至

圓丘大祀。朕以偶患嚴疾。未能親詣行禮。私衷正深乾

惕。茲屆

祈穀大祀。自應敬謹舉行。度申忱悃。惟微疴尚未全除。

登降猶慮隕越。若仍遣官恭代。則大禮久曠。朕心益

覺難安。因命禮臣查照遺官分獻禮節。及經由道路。

先期具奏。原為暫省繁文。期於對越之時。倍加誠敬。

並非輕改舊章。著為成例。本日據宋晉奏。請停新議

仍遵

成憲一摺。是於朕權宜申敬之衷。尚未深喻。所有此次

親行禮節。仍著照該衙門所議行。俟朕躬步履如恆。

即當照常將事。大小臣工。當知朕應

天以實不以文之意也。○八年

諭。本月十四日

祈穀壇大祀。前經降旨朕親詣行禮。茲因嚴疾尚未如

常。恐升降拜跪。不足以昭誠敬。著派恭親王奕訢恭

代行禮。先期在紫禁城內齋宿。前一日詣

壇齋宿。屆時。朕仍在宮內敬謹致齋。

列聖升配

祈穀壇禮節。祀前諸儀並同。

圓丘。豫日。有司恭設。

升配寶座於

祈年殿。屆日。設龍亭黃蓋。

御仗於恭製。

神位黃幄前。導引如儀。

皇帝恭奉。

神位由左階升。入。

祈年左門奉安於

寶座。不再行。餘均與上辛

祈穀同。

常雩禮節。每歲孟夏

雩祀於

圓丘。儀與冬至

圓丘大祀同。誓戒

制辭曰。某年月日。朕恭祀

皇天上帝。祇秩

常雩。惟爾羣臣。其竭乃心。齊乃志。各揚其職。敢或不共。

國有常刑。欽哉母怠。祀日。迎。

帝神。奏霽平之章。奠玉帛。奏雲平之章。進俎。奏需平之

章。初獻。奏霖平之章。亞獻。奏露平之章。三獻。奏

霽平之章。徹饌。奏靈平之章。送。

帝神。奏霽平之章。望燎。奏需平之章。

回鑾。奏祐平之章。禮儀樂舞。並牲幣陳設器數。均與

冬至

圓丘大祀同。乾隆七年議准。每歲巳月。擇龍見日行

常雩禮祀。

皇天上帝於

圓丘奉

列聖配享。

四從壇從祀。前期奏請

皇帝親詣行禮。或遣親王將事。嘉慶十三年定。以

九年

諭

常雩之典。所以為百穀祈膏雨也。從前定議禮儀。悉照

恭祀

圓丘之制。朕思刻下畿輔雨澤愆期。此次舉行

雩祭。正望恩迫切之時。非每夏

常雩可比。其先期前詣齋宮。及祭畢回鑾。朕俱御常服。

不乘輦。不設鹵簿。不作樂。以示虔誠。祈禱為民請命之意。○三十八年

諭此次

常雩大祀。豫期詣

皇穹宇拈香。仰瞻

列祖神牌。見有字色模糊之處。諭交太常寺堂官查辦。

乃該堂官止將上年冬至祭祀時。恭請出龕入龕之

祀丞任策祥。送交刑部治罪。而刑部亦並未切實根

究。僅以任策祥照律問擬。顛預具奏。朕夙知

郊壇大典。非一祀丞專司其責。恭請

神牌。係奉爵贊禮郎之事。且其日即經德福奏稱向例

如是。何得僅諉之微末祀丞。而置贊禮郎於不問。必

係德福袒護滿員。希圖蒙混了事。因令軍機大臣詳

細查訊。始據德福稱恭請

神牌出龕入龕。係祀丞任策祥。其自供案請入亭內恭

拜至

壇及祭畢由

壇迎至供案。係贊禮郎珠通阿。是德福之意存袒庇。已

屬顯然。所有任策祥珠通阿一案。現據軍機大臣審

擬具奏。另降諭旨。將此通諭中外知之。○四十七年

諭

常雩大典。朕親詣行禮。凡執事諸臣。胥應共夫恪恭。一

切禮器。於朕未經齋宿之先。豫行派員周視。均宜敬

謹安設。誠以敬

天大典。小心昭事之忱。大小臣工。所當共懷。乃朕行禮

時。見

壇內懸挂天鐙。僅止二盞。更衣幄次所設坐褥。亦不整

齊。夫敬

天所以勤民。龍見而雩。典禮尤重。朕古稀之年。尚敬謹

為民請命。乃大小諸臣。疏忽若此。不得不嚴加懲創。

不能以己化人。實增慙懣。將此通諭中外知之。○嘉

慶十八年

諭。春秋傳稱龍見而雩。考古雩祀。權輿於此。乾隆七年。

議於孟夏龍見。擇日行

常雩禮。其義以蒼龍宿見東方。則為百穀祈膏雨。占星

之法。總以節候為準。非以孟夏朔日為斷也。比年欽

天監所擇日期。在立夏節前後不齊。殊於古義未協。

嗣後

常雩大祀。著欽天監定於立夏節後數日內。蠲吉行禮。

其立夏節如在三月以內。則擇於四月初行禮。著為

定例。

令其明年

常雩祀期著欽天監查明如原定在立夏節以前即改擇吉日奏准頒行。○十九年

諭此後

常雩大祀俱進

內西天門由齋宮前走三座門至原降輦處進輦。○

又

諭嗣後

常雩大祀所有太常寺一切執事官員樂舞三生廚役人等俱由

廣利門南角門出入所有陪祀文武大臣官員並各處匠役人等俱由

內西天門角門出入。○道光二十一年。

常雩大祀

宣宗成皇帝詣

壇時由

齋宮南樹林東行至鋪設椽薦處降輿步入琉璃

左門詣

皇穹宇拈香禮成於降輿處升輿詣

齋宮至詣

壇行禮時與乾隆三十七年同。○又奏准自本年常雩大祀起視

壇位遵豆牲隻統照乾隆三十五年成例。○咸豐四年

諭朕寅承大寶時以法

祖為念去歲冬至

南郊大祀未克躬親今正

祈穀又酌減儀文雖因骸疾未愈升降恐致失儀然漸

愧蒙衷實有不能以言喻者茲逢

雩祭屆期幸賴

天恩朕躬步履如常一切典禮仍應照舊舉行因思至

敬無文禮昭明訓前期詣

壇祇謁暨恭視

壇位典禮允宜遵循毋替益申嚴恪之誠其閱視遵豆

牲隻非關大典嗣後仍遣員閱視毋庸雙請祭日禮

成後仍在降輿處乘禮輦出

廣利門永為例

大雩禮節○既諏吉翰林院撰擬祝辭先期齋戒如常

禮齋之日禁斷屠宰祀前一日

皇帝御常服詣

太和殿視祝版執事官咸常服太常寺卿率屬入

增潔器陳備脯醢果實設

皇天上帝神座於

圓丘第一成南嚮設

四從神位於第二成東西嚮

皇帝詣

壇齋宿常服出宮乘騎不乘輦不設鹵簿不陳樂前引

後扈大臣侍衛咸常服導從

午門鳴鐘不陪祀王公百官常服跪送

駕至

南郊由外垣西門入至

昭亨門外

神路西降騎步行入

壇恭視

壇位上香行禮如儀祀日日出前七刻

皇帝雨冠素服步禱於

壇扈從官暨陪祀執事各官咸雨冠素服恭行

雩禮不燔柴不進俎不飲福受胙餘樂章樂舞及玉帛

器數悉與

常雩同

皇帝行三獻禮畢復位北嚮立協律郎引舞童十六

人衣元衣執羽翳進為八列典儀贊舞童歌詩贊引奏跪

皇帝跪羣臣皆跪舞童乃舞皇舞按節歌詩謹案乾隆二十

四年聖製雲漢詩八章歌畢引退贊引奏拜興

皇帝率羣臣行三拜禮興乃徹饌送

帝神望燎並如

常雩儀禮畢

皇帝還宮

午門鳴鐘不陪祀王公百官常服跪迎如初儀○

道光十二年京師亢旱六月二十八日

宣宗成皇帝敬舉

大雩典禮二十五日

駕還宮徹膳虔齋齋戒之日戴緯帽穿常服不挂朝珠

二十七日

閱視祝版騎馬詣

壇齋宿不乘禮輿戴雨纓帽穿青褂二十八日自

齋宮步詣

圓丘行禮禮成後穿常服不挂朝珠

欽定大清會典事例卷一千六十九

太常寺

禮節 夏至大祭 方澤禮節一

夏至大祭

方澤禮節。先祭期五日。遣親王一人詣犧牲所恭代

視牲儀與

南郊大祀同。先三日。

皇帝致齋於大內。頒

制辭於羣臣曰。某年月日夏至。朕恭祭

皇地祇於

方澤。惟爾羣臣。其蠲乃心。齊乃志。各揚其職。敢或不共。

國有常刑。欽哉。毋怠。陪祀王公百官各齋於公署。

省牲。書祝版。視割牲儀均與

南郊同。先一日五鼓。太常寺卿率屬潔蠲

壇上下。藉以椶薦。設

皇地祇神座於

方澤第一成。居中北嚮。

列聖東西嚮。

四從神於第二成。

五嶽東。

啟運

隆業

永寧三山從之。

五鎮西。

天柱

昌瑞二山從之。

四海在

五嶽之次。

四瀆在

五鎮之次。均用黃幄。工部官張

皇帝拜次於第二成子階上。張大次於外壇北門外

神路之東。太常寺典簿陳牲俎於

神廚。博士辨簋簠豆登鉶之實。以次展器於

神庫。是日昧爽。太常寺官設黃案於

中和殿中

御座之南。太常寺卿祇候贊事殿內。司祝由內閣奉

祝版暫奉於

太和殿內。初昕。太常寺卿率欽天監博士至

乾清門奏時。

皇帝龍袍袞服乘輿出宮。至

中和殿後降輿

御殿立左極前西嚮。記注官四人於殿右門夾極內外立。東面司祝由

太和殿奉祝版。前列提鑪二。太常寺贊禮郎十人引至

中和殿外階下止。司祝奉祝版由中階進殿中門。陳於案。三叩退。太常寺卿展祝文。贊禮郎布拜褥。

皇帝詣案前恭閱畢。行一跪三拜禮。興復位立。太常寺卿詣祝版。有司徹拜褥。司祝進至案前三叩。

恭奉祝版興。由殿中門出。太常寺卿跪奏禮成。皇帝還宮。太常寺官送祝版至

北郊奉安

神庫內。將事之夕。夜分。太常寺卿率官屬入

壇。然炬明鏡。具器陳於案。各以其序。第一成

皇地祇。內。犢一。登一。簋二。籩二。豆十二。金鑪一。

一。黃鐙金鐙各二。爵墊一。

列聖。內。皆積一。登一。簋各二。籩各二。豆各十二。金鑪一。

黃鐙金鐙各二。爵墊一。帷北中少西設一案。內嚮。供祝版。西設一案。東嚮。陳黃琮一。郊祀制帛

一。鮑奉先制帛四。鮑香盤四。尊四。鮑爵十二。壺

一。實福酒盤一。實胙肉。東設一案。西嚮。陳奉先

制帛四。鮑香盤三。尊三。鮑爵九。凡牲陳於俎。玉

帛實於篚。尊實酒承以舟。疏布冪勺具。第三成

四從神。內。皆牛一。羊一。豕一。登一。鉶一。簋各二。

籩豆各十。琖三十。鑪一。鐙四。各設一案。陳禮神

制帛各一。藏鎮色用青赤黃白黑。五色用黑。尊一。爵三。香盤一。俎篚勺冪具。饗儀

衛冠軍使設洗於外壝右門外大次。樂部率太

常寺協律郎設中和韶樂於二成階下。金罇鐘

編鐘在西。玉特磬編磬在東。西應鼓一。祝一。麾

一。東敵一。琴瑟笙簫篥。擗拊。節及羽籥

干戚之屬。東西以數分列。均與

南郊同。陳設畢。禮部侍郎一人由東階升第一成。太常

寺博士前引詣

皇地祇位前。省視玉帛。盞盛及登俎。籩豆之實。以次詣

列聖位前。省視畢。仍由東階降。至第二成

從神位前。周視均如儀。行禮位。第一成子階上。為讀

祝受福胙

皇帝拜位。第二成黃幄次為

皇帝拜位。第二成黃幄次為

皇帝行禮拜位。均南嚮。第二成階下為陪祀王貝勒貝子公拜位。左翼東位西上。右翼西位東上。庭中央甬道東西為分獻官拜位。外墻門外為陪祀百官拜位。文五品武四品官以上。東西各五班。均南面。重行異等。西位東上。東位西上。執事位。第一成太常寺官二人立。

皇帝拜位前。一司拜牌。東面。一司拜褥。東面。司祝一人。立祝案西。東面。司香三人。司玉帛一人。司帛二人。司爵三人。序立西案之西。東面。司香三人。司帛三人。司爵三人。序立東案之東。西面。光祿寺卿二人。立西司香之後。侍衛二人。立東司香之後。太常寺贊賜福胙一人。立西司爵之次。均南上。侍儀禮部尚書一人。侍郎一人。立東案之北。西面。都察院左都御史副都御史各一人。樂部典樂一人。立西案之北。東面。均南上。階下太常寺典儀一人。西立東面。第二成司拜牌拜褥官各一人。均立黃幄次之西。與第一成子階同。第二成階下記注官四人。東立西面。引王公行禮。鴻臚寺官二人。糾儀御史四人。禮部祠祭司官二人。分立拜位左右。均東西面。司樂協律郎

樂工。序立東西樂懸之次。歌工立樂工之次。樂舞生文武八佾。分行序立。西在歌工之右。東在歌工之左。皆西列東上。東列西上。太常寺傳贊四人。二人循內墻牆立。二人循外墻牆立。外墻門外糾儀御史四人。禮部祠祭司官四人。分立從祀百官之次。鴻臚寺序班東西各一人。立於糾儀官之次稍後。均東西面。掌瘞官一人。率瘞人立於瘞坎之西北隅。其日五鼓。步軍統領飭所部清蹕除道。自東華門至

北郊。鑿儀衛官校陳設。法駕由簿。凡執事官均綠服。親軍護軍旗尉民尉各服其服。不陪祀王以下。公以上。滿漢文武百官。朝服咸會。祇候送駕如儀。日出前六刻。太常寺卿赴乾清門奏時。

皇帝御祭服乘禮輿出宮。至太和門階下降輿。鑿儀衛進金輦。掌鑿儀衛內大臣一人。跪奏請

皇帝升輦。鑿儀使二人奉輦。扶輦官四人納陛於輦



前正中。

皇帝乘輦。駕士三十二人。舉輦。

駕發警蹕。鑾儀使二人率官校夾輦而趨。

午門鳴鐘鼓。

皇帝由協和門東華門出。導迎樂前引不作。左右途

巷皆設布幟。護軍統領步軍統領率弁校辟除

如詣

南郊儀。

駕至

北郊。由外垣西門入。至

方澤北門外。掌鑾儀衛內大臣一人。跪奏請

皇帝降輦。奉輦納陛如儀。前引內大臣十人。右贊引

左對引。太常寺卿二人。恭導

皇帝由外壇北右門至大次少俟。司祝詣

神庫恭請祝版。設於祝案。跪叩如儀。禮部尚書一

人率太常寺卿屬恭請

神位。鑾儀衛官校豫設鳳亭一於

皇祇室階下。正中北嚮。又設龍亭八於左右稍後。均北

嚮。又設龍亭四於北稍後。均東西嚮。至時。太常

寺官啟

神龕。禮部尚書詣

皇祇室各香案前。上香行禮如儀。太常寺卿率屬分詣

皇祇室及

從神位前。各行一跪三叩禮。先請

四從神位奉至丹墀東西嚮。次請

列聖神位於殿內東西嚮。俟請

皇地祇神位北嚮先行。乃奉

列聖神位以從。既出殿。乃奉

四從神位以從。依次奉安於亭內。跪叩如初。校尉昇

亭。太常寺官十人前引。禮部尚書從。由

方澤南門入。至子階亭止。

皇地祇居中。

列聖左右稍後。均北嚮。

從神位再後東西嚮。太常寺官詣各亭前跪三叩興

恭請

皇地祇

列聖神位升子階詣第一成。

四從神位升東西階詣第二成。以次奉安於

神座。各行一跪三叩禮。退。太常寺贊禮郎引分獻官於

外壇左門外序立。鴻臚寺官引陪祀王公於外

壇門外侍衛後百官於行禮位後按翼東西序立祇候。太常寺卿告奉安。

神位畢。奏請行禮。

皇帝出大次。鑾儀衛官跪奉盥奉巾如儀。盥畢。司拜禱官豫布拜褥於第二成拜次。退。贊引對引官恭導。

皇帝由外壇北右門入。升子階。就第二成拜位立。司拜牌官安拜牌。退。侍衛至內壇門外。前引內大臣執鑪。鑪官至第二成階下均止立。後扈大臣隨侍。凡升壇隨侍同。鴻臚寺官引階下王公咸就

拜位立。太常寺贊禮郎引分獻官入內壇左門。至分獻拜位立。鴻臚寺官引文武百官均就拜位序立。典儀贊樂舞生登歌。執事官各共乃職。武舞執干戚進。贊引奏就位。

皇帝就拜位立。典儀贊瘞毛血迎。

神。左右司香奉香盤。以次進香案前恭候。司樂贊舉迎神樂。奏中平之章。樂作。司拜牌官起拜牌。凡升壇皆先起拜牌。後贊引奏升。

壇暨對引官恭導。

皇帝詣第一成。對引官至北階上止立。凡升壇行禮皆同。

贊引恭導

皇帝詣

皇地祇香案前。司香跪。贊引奏跪。

皇帝跪。奏上香。司香進香。

皇帝上炷香。次三上瓣香。興。以次詣

列聖案上香儀同。贊引奏復位。暨對引官恭導。

皇帝復第二成拜位立。司拜牌官安拜牌。凡復位則安拜牌。後同。贊引奏跪拜興。

皇帝行三跪九拜禮。傳贊贊跪叩興。王公百官均隨行禮。凡眾官行禮均傳贊。後同。協律郎偃麾。工夏鼓樂止。凡樂偃麾。鼓執。以。典儀贊奠玉帛。左司玉帛官

暨司帛官由西案奉篚。右司帛官由東案奉篚。以次進至

神位前恭候。司樂贊舉奠帛樂。奏廣平之章。樂作。贊引奏升

壇恭導

皇帝詣

皇地祇位前。司玉帛官跪。贊引奏跪。

皇帝跪。奏奠玉帛。司玉帛官進篚。

皇帝受篚拱舉。奠於案。興。以次詣

列聖位前獻帛儀同贊引奏復位恭導

皇帝復第二成拜位立樂止典儀贊進俎司拜牌官起拜牌退贊引對引恭導

皇帝轉立拜位旁西嚮司拜牌官起拜牌太常寺官

引分獻官鴻臚寺官引王公各退避東西面立

有司儲羹於壺恭執太常寺官二人引至階下

止立執壺官升于階以次登

壇遇幄次仍布拜褥恭導

皇帝復位王公及分獻官皆引復位執壺官詣

皇地祇

列聖位前跪拱舉興以羹沃俎者三退由西階降司樂

贊舉進俎樂奏合平之章樂作贊引奏升

壇恭導

皇帝升第一成詣

皇地祇位前立贊引奏跪

皇帝跪奏進俎

皇帝拱舉進俎興以次詣

列聖位前進俎儀同贊引奏復位恭導

皇帝復第二成拜位立樂止典儀贊行初獻禮有司

揭尊罍勺挹酒實爵左右司爵執爵以次進至

各

神案前恭候司樂贊舉初獻樂奏大平之章樂作司樂

舉節舞千戚之舞凡舞以節領之贊引奏升

壇恭導

皇帝詣第一成

皇地祇位前司爵跪贊引奏跪

皇帝跪奏獻爵司爵進爵

皇帝受爵奠於墊中興第一成司拜牌官布拜

褥安拜牌贊引奏詣讀祝位

皇帝詣讀祝拜位立司祝至祝案前跪三叩興奉祝

祝版跪安

版跪案左樂暫止贊引奏跪

皇帝跪羣臣皆跪贊引贊讀祝司祝讀祝讀畢興奉

祝版跪安

皇地祇位前籥內三叩興退樂作贊引奏拜興

皇帝率羣臣行三拜禮興起拜褥徹拜牌贊引恭導

皇帝詣

列聖位前以次獻爵儀同贊禮郎引

從神位分獻官由東階升詣

從神位前上香獻帛獻爵畢贊引奏復位恭導

皇帝復第二成拜位立分獻官咸降階退各復拜位

立。樂止。武功之舞退。文舞執羽籥進。典儀贊行亞獻禮。司爵執爵以進。司樂奏舉亞獻樂。奏安平之章。樂作。舞羽籥之舞。贊引奏升

壇恭導

皇帝升第一成。以次奠爵於左。儀如初獻。贊引奏復位。

皇帝復位立。樂止。典儀贊行終獻禮。司爵執爵以進。司樂贊舉終獻樂。奏時平之章。樂作。贊與亞贊同。贊引奏升

壇恭導

皇帝升第一成。以次奠爵於右。儀與亞獻同。贊引奏復位。恭導

皇帝復位立。每獻分獻官詣從神位獻爵。升降如初。樂止。文德之舞退。贊禮郎一人詣祝案前東面立。贊

賜福胙。光祿寺卿就西案奉福胙至

皇地祇位前拱舉。退。布拜褥安拜牌。如讀祝儀。贊引奏詣飲福受胙位。恭導

皇帝詣第一成飲福受胙位立。光祿寺卿二人奉福胙。祇立

皇帝拜位之右。侍衛二人進立於左。贊引奏跪。

皇帝跪。左右官皆跪。奏飲福酒。右官進酒。

皇帝受爵拱舉。授左官。奏受胙。右官進胙。

皇帝受胙拱舉。授左官。贊引奏跪拜興。

皇帝三拜興。贊引奏復位。恭導

皇帝復第二成拜位立。贊引奏跪拜興。

皇帝率羣臣行三跪九拜禮。興。典儀贊徹饌。司樂贊

舉徹饌樂。奏貞平之章。樂作。司玉帛官詣

皇地祇位前跪叩興。奉黃琮以退。樂止。典儀贊送

神。司樂贊舉送

神樂。奏順平之章。樂作。贊引奏跪拜興。

皇帝率羣臣行三跪九拜禮。興。樂暫止。典儀贊奉祝

帛香饌恭送瘞所。司祝司帛詣

神位前咸跪。司祝奉祝。司帛奉篚。皆三叩興。司香跪奉

香。司爵跪奉饌。興。以次恭送瘞所。左右執事官

奉

列聖位前帛饌香恭送瘞所。

皇帝轉立拜位旁。西嚮。起拜褥。分獻官王公等避立

與進俎同。俟祝帛過仍布拜褥。

皇帝復位立。

從壇香帛饌。仍由東西階降送瘞所。典儀贊望瘞。樂

作。同送神樂章。贊引奏詣望瘞位。恭導

皇帝由內壇門出。詣望瘞位望瘞。分獻官各詣東西

門外望瘞。贊引奏禮成。恭導

皇帝入大次。樂止。鑾儀衛官率校尉設鳳亭一於

方澤子階下正中。龍亭八於左右稍後。均北面。龍亭四

於兩旁東西嚮。太常寺卿率屬升

壇。詣各

神位前跪。三叩興。恭請奉安亭內。跪叩如初。校尉昇亭

依次行。至

皇祇室。

皇地祇居中。

列聖左右均南嚮。

從神位東西相嚮。以次

復御。禮部尚書上香行禮。儀與請

神位同。

皇帝既還大次更衣。至外壇

神路西乘禮輿。出北門外。

法駕鹵簿前導。導迎樂作。奏祐平之章。

皇帝回鑾。王公從。各官以次退。不陪祀。王公百官仍

朝服祇候。

駕至跪迎。

午門鳴鐘。樂止。王公隨

駕入。至內金水橋。恭候

皇帝還宮。皆退。太常寺官徹

乾清門齋戒牌。銅人送寺。

欽定大清會典事例卷一千七十

太常寺

禮節夏至大祭 方澤禮節二 因事  
升配 方澤禮節 列聖

順治八年定

親祭

方澤飲福受胙如

圜丘儀。○乾隆七年議准。每夏至大祭。先期一日詣

壇齋宿。○又

諭。嗣後朕大祭

地於

方澤。既豫宿齋宮。其壇北門外幄次。不必張設。○九年

諭。夏至祭

方澤。朕先期一日詣壇齋宿。但彼處樹木新植。尚未成

陰。天氣炎熱。扈從人等不免有病暍者。今歲炎熱甚

於舊歲。此次不必前詣壇內齋宿。仍於宮內齋宮住

宿。嗣後遇親祭之年。該衙門兩請候旨。俟樹木成陰

後。仍照例齋宿壇內。此次前往致祭。正當祈雨之時。

不乘輦。不設鹵簿。著即傳諭各該衙門知之。○十一

年

諭。今歲夏至致祭

地壇齋宮樹木。漸次成陰。扈從人等已有憩息之所。况

逢時雨之後。天氣清涼。朕仍照原議。前往壇內齋宮

住宿。○十五年奏准。

方澤壇舊制。

正位牲俎設幄內。

配位牲俎半在幄內。半在幄外。體制不免參差。執事趨

蹕。亦覺太狹。嗣後將幄次縱橫尺寸收改。照

圜丘舊制。皆於幄次外設牲俎。○又奏。夏至致祭

地壇。

親詣行禮。恭奉

諭。旨在宮內齋宮齋戒。所有豫日恭視

壇位。例應奏請遣官恭代。至詣

皇祇室上香行禮。係

躬行特典。應否令遣官詣

皇祇室上香行禮。候

旨遵行。奉

旨。嗣後朕若不往齋宮齋戒。著仍照舊例辦理。○二十

四年。致祭

方澤。

高宗純皇帝在宮內齋宮齋宿。太常寺具奏請駕時刻奉

旨。著於日出前六刻。○三十二年。太常寺奏。向例致祭地壇。先期請

旨。若於

宮內齋宮齋宿。毋庸搭蓋涼棚。若詣

壇齋宿。飭內務府搭蓋涼棚。請

旨遵行。奉

旨。宮內齋宮齋宿。嗣後不必請旨。○三十六年。

高宗純皇帝親詣

方澤。由西門入。禮畢。仍由西門還宮。○三十七年。大祭

方澤。

高宗純皇帝初升至二成拜位立。贊引奏升

壇。

高宗純皇帝升階上香。還至二成拜位行迎

神禮。復升階行奠玉帛禮。還就一成讀祝位立。以次進

俎三獻及飲福受胙禮成。仍還至二成拜位。行

謝

賜福胙及送

神禮。○五十九年

論。乾隆四十五年。朕年已七旬。恐於秩祀大典。儀節有愆。始於

南郊大祀時。令諸皇子分詣

配位前奠帛。至

北郊儀注內升香奠帛。禮臣尚復沿照親行舊例具奏

夫

園丘

方澤。皆稱大祀。而

南郊配

天。典禮尤重。乃未經一律更定。自係彼時禮臣辦理遺

漏。此次大祀

方澤。

皇地祇位前香帛。朕親自供獻。

列祖

列宗配位前。宜如

南郊禮。朕自升香。其奠帛禮儀。亦遣諸皇子分獻。此非

朕怠於將事。緣

郊祀大典。務在精誠孚格。禮節無愆。方足以昭胙饗。况

朕春秋已八旬開四。距乾隆四十五年。又閱十有四

載。雖仰邀

載。雖仰邀

昊眷精神強固如常。然於登拜趨踰。究未免稍遜於昔。若

列祖

列宗配位前真帛一節。仍勉強將事。不特

南

北郊儀文軒輊。未協崇效卑法之義。且慮節文繁重。跪起維艱。或至遣官恭代。轉於

郊祀大典。未獲躬親。尤非盡誠昭事之道。朕自臨御以來。夙夜孜孜。惟以敬

天報本為念。

郊壇大祀。靡不劬恭欽承。茲因年壽已高。不得不酌減儀文。以冀升馨告備。是非敢自惜其勞。正所以要之於久。我世世子孫承禧行慶。如能似朕之年。躋上壽。實我國家無疆之祚。所有

郊祀經曲繁文。自不妨照所減禮儀。奉為法守。若未逾者。盡則於

園丘

方澤

宗

社大祀。仍應恪遵定制。肅奉明禋。儻或稍憚勤勞。老年

未屆。遽思節減。即非勵精昭格之義。我子孫其敬承無替。倍思虔恭。以迓億萬年無疆福祚。方無負朕諄切訓戒至意。○嘉慶元年夏至大祭

方澤

仁宗睿皇帝由

宮內乘禮輿出

太和門降禮輿。升金輦。至外垣西門。由中門入。至

方澤北門外

神路西降輦。行禮時。

仁宗睿皇帝由外壇北右門入。升

壇北階行禮。行禮儀節均照乾隆禮畢。出外壇北右門。三十七年以前舊例。

詣

齋宮更衣。○十四年

諭。朕每年夏至躬祀

方澤。太常寺所進儀注。俱入自

壇外西門。至北門外降輦。惟憶乾隆三十八年。朕隨侍

皇考高宗純皇帝詣

壇。係由外西門至內西門內降輦。其自北門外改至內

西門內之處。始於何年。著太常寺敬謹查明。詳晰具

奏。又



諭本年

霄壇大祀。朕欽遵乾隆二十五年

皇考高宗純皇帝舊制。改由北首外西天門進

廣利門內降輦詣

壇。因現屆

方澤大祀。特命太常寺一體詳查

皇考高宗純皇帝當日改由外西門內降輿之制。並將

步行遠近詳悉查丈奏聞。本日據太常寺奏。敬往

壇內相度地勢。詳悉丈量。

壇之內西門外降輿處起。至北極星門東門止。共計一

百一十丈。其北門外降輿處起。至北極星門東門止。

丈亦如之。是兩處步行遠近實屬無異。惟乘輿之路。

向由外西門轉至北門外。始行降輿。多行約二里許。

未免紆遠。於行禮時刻轉致耽延。本年朕春秋甫閱

五旬。未敢遽照

皇考高宗純皇帝進至內西門內降輿之例。著自此次

起。改於內西門外降輿。仍步行詣

壇。惟向來金殿係設於

神路之東。此後著該衙門查照舊制。改設於

神路之西。○十八年

諭本月二十四日夏至。朕親詣

方澤。恭薦明禋。並因天時久旱。默額

蕃釐。冀得甘霖。速霽。惠普廣生。二十六日圓明園附近

一帶。先得澍雨六寸。嗣據順天府奏報。京城地方。於

二十七日申刻以後。均得雨三寸。本日寅刻起。又獲

甘膏滂沛。密灑三時。入土深透。現在油雲布布。雨勢

仍未止息。仰惟

皇祇昭格。

靈貺渥施。朕心倍增感惕。恭查

皇考高宗純皇帝實錄。乾隆三十五年閏五月親詣

地壇行禮。甘雨優霑。

特遣莊親王永璠度申報祀。此次自應遵仿舊章。敬謹

祀謝。著派二阿哥即日進城。在

雍和宮齋宿。二十九日寅刻。恭詣

皇祇室。敬於

皇地祇神位

列聖神位前依次拈香。行祀謝禮。著太常寺派員導引。

敬謹豫備。○二十年

諭嘉慶十四年

方澤大祀。因乘輿由外西門轉至北門外降輿。路稍紆

遠。改於內西門外降輿。並降旨交軍機處存記。俟逾五年後題奏。再於內西門內酌量降輿處所。現屆

方澤大祀。相距已逾五年。恭查乾隆三十五年以後。

皇考高宗純皇帝聖壽六旬。恭祀

方澤。係於內西門內齋宮前甬道北降輿。朕此時春秋

五十有六。不敢遽行仿照。著太常寺敬謹相度。自內

西門外至齋宮前甬道北。酌定適中之地。鋪設椽薦。

以備降輿。欽此。遵

旨相度。自

壇內西門外至

齋宮前十字甬路。五十六丈。自十字甬路至外北

樞星東門。五十四丈。即在

齋宮前十字甬路適中之地。鋪設椽薦。以備降輿。

○道光元年

諭。五月二十三日

方澤大祀。

皇考仁宗睿皇帝升配

地壇於前一日閱視祝版畢。還宮辦事後。由東華門出

安定門。恭詣

皇祇室拈香。即至

仁宗睿皇帝神牌黃幄次行禮。仍進安定門。詣

雍和宮齋宿。嗣後

地壇大祀。俱照舊例在宮內齋宿。○十九年奏准。

方澤大祀。按照嘉慶二十年成例。由

外西門進

內西門至

齋宮南十字甬道適中之處降輿。○二十一年

諭。

方澤壇第一成拜位行禮。所有從前有無措搭幄次。著

查明具奏。欽此。遵

旨奏准。

方澤大祀升

壇禮節。與

圓丘壇同。援照乾隆年間於

圓丘壇第一成拜位安設小幄次一分成案。於

方澤壇第一成拜位。添設行禮小幄次一分。○是年。大

祀

方澤

宣宗成皇帝乘禮輿出

太和門。降輿升金輦。至

壇外圍西門。由中門入進

內西門。至

齊宮南鋪設棧薦處降輦。至更衣帷次少候。盥手

畢。由

極星東門升

壇北階行禮。禮成。至原降輦處乘禮輿。由

西天門還宮。咸豐三年

諭。本月十五日夏至

方澤大祀。前經降旨朕親詣行禮。茲因偶患痲疾。尚未

痊愈。恐登降拜跪。未能如常。不足以昭誠敬。著派恭

親王奕訢恭代行禮。

因事祇告

方澤禮節。太常寺奏請遣親王一人將事。及執事官

致齋一日。有司具祝文。潔備器陳。設

神座帷於

壇上。陳脯醢果實。鑪鑪爵。帷北中少西設一案。南嚮。

供祝版。西設一案。東嚮。陳尊爵香帛。與祇告

圓丘禮同。司香司帛司爵司祝各一人。立西案西。東面。

糾儀御史二人。東位西面。西位東面。太常寺典

儀一人。立第一成于階下。東面。掌瘞立瘞坎西

北隅。雞初鳴。遣官豫俟於

方澤北門外。贊禮郎二人。豫俟於外壇北左門外。均朝

服。太常寺卿率屬詣

皇祇室奉請

皇地祇神位恭設

神座如儀。遣官入自北門左門。至外壇北左門。贊禮郎

引入詣

方澤于階下。典儀贊就位。執事官各共乃職。贊禮郎引

遣官就拜位立。贊迎

神。贊禮郎贊跪叩興。遣官行三跪九叩禮。興。贊初獻。司

香奉香。司帛奉帛。司爵奉爵。以次進至案前祇

俟。贊禮郎贊升

壇。引遣官升西階。就香案前。凡遣官升階。皆跪上香。以

次詣

神位前跪。奠帛奠爵如儀。興。贊讀祝。遣官降于階之右。

至第二成當階南面跪。司祝讀祝如儀。退。遣官

行三叩禮。興。仍降西階復位。亞獻三獻。暨送

神望瘞。並與祇告

南郊同。禮畢。引遣官由外壇北左門出。太常寺卿率屬

恭請

皇地祇神位還御如儀各退。○嘉慶二十四年  
諭本月二十四日恭修

地壇

皇祇室內

高宗純皇帝神牌托座。行告祭禮。據監禮御史永明額  
等奏。終獻時恭詣

列聖神位前獻爵。贊引次序錯誤。成親王及太常寺堂  
官俱各自請治罪。告祭典禮重大。理應敬謹將事。乃  
於昭穆先後。次序有紊。其咎甚重。成親王自乾隆年  
間觀禮

壇

廟數十年來。屢充分獻陪祭差使。一應禮儀。久經熟諳  
於心。縱使贊引錯誤。自當即時指正。乃率依導引。行  
禮舛誤。按其咎辜。本應革去王爵。交宗人府治罪。但  
念此次初獻亞獻俱未錯誤。至終獻先西後東。應獻  
配位四案。經松筠向前阻止。成親王尚不自覺。為開始  
悟。係因年衰體弱。起跪更番。步履遲鈍。以致精神昏  
惰。尚為可原。且朕與成親王自幼最蒙

皇考鍾愛。同受

厚恩。况友于心合。此時實不忍遽褫其爵。實朕姑息之

處。成親王既身獲重懲。且年老多病。難以管理事務。  
所有各項差使。著全行革退。不必在內廷行走。或在  
城在園。均於邸第閉門思過。亦毋庸隨班上朝。仍罰  
親王半俸十年。照郡王食俸。至十年後方准開復。其  
子綿懃著革去內大臣。隨班上朝。在家侍父。太常寺  
堂官。於告祭大典。派禮儀生疏之員。承充贊引。殊屬  
疏懈。著交部嚴加議處。贊禮郎清安泰。著即革職鎖  
拏。交刑部治罪。○道光八年

諭京師入夏以來。雖時得雨澤。尚未透足。本月初十日  
方澤大祀。朕虔申祈禱。於禮成後。陰雲密布。自十一日  
戌刻起。至十二日丑刻止。時雨霑濡。疏密相間。已刻  
以後。更復大霽甘霖。入土極為深透。畿輔地方。皆得  
普律均霑。秋稼可期豐稔。此皆仰荷

洪慈垂佑。朕心實深寅感。著派定親王奕紹。於十五日  
恭詣

皇祇室。敬於

皇地祇神位

列聖神位前依次拈香。行祀謝禮。用答

靈貺。著太常寺敬謹豫備。

列聖升配

|       |                                |   |                                |                     |   |   |    |                   |               |                   |        |     |           |
|-------|--------------------------------|---|--------------------------------|---------------------|---|---|----|-------------------|---------------|-------------------|--------|-----|-----------|
| 方澤禮節。 | 制下。禮部具疏行欽天監。諏吉。工部於方澤北門外張黃幄。敬製。 | 升配神位。禮工二部尚書。上香行三跪九叩禮。既成。內閣翰林官朝服書字。大學士滿漢各一人朝服。視鷄。上香行禮各如儀。乃諏。 | 升配吉日。徧布諸司供備。致齋視牲書祝版。閱祝版。視割牲均與。 | 南郊升配儀同。前二日。遣官各一人祇告。 | 天 | 地 | 宗廟 | 社稷。如常告儀。前一日。有司豫設。 | 升配黃幄於壇上。參儀衛陳。 | 法駕鹵簿。設龍亭黃蓋。御仗於恭製。 | 神位黃幄前。 | 皇帝詣 | 雍和宮齋宿。周視。 |
|-------|--------------------------------|---|--------------------------------|---------------------|---|---|----|-------------------|---------------|-------------------|--------|-----|-----------|

|  |      |                   |                                      |                |          |      |  |  |  |  |  |  |  |
|--|------|-------------------|--------------------------------------|----------------|----------|------|--|--|--|--|--|--|--|
| 壇位。大學士恭視。工部以青飾神位。題字畢。禮部尚書奉安神位。並如儀。屆日。所司入壇陳設。 | 皇帝躬詣 | 方澤北門外黃幄次。奉請神位。祇見。 | 皇地祇。恭代行禮。乃奉安神位於配幄。率羣臣行禮。如夏至大祀方澤儀。禮成。 | 皇帝還宮。太常寺官恭請神位御 | 皇祇室。均如南郊 | 升配儀。 |  |  |  |  |  |  |  |
|--|------|-------------------|--------------------------------------|----------------|----------|------|--|--|--|--|--|--|--|

欽定大清會典事例卷一千七十一

太常寺

禮節時饗

太廟禮節一

時饗

太廟禮節。○祀前三日。禮部尚書一人。詣犧牲所視牲

如儀。是日昧爽。太常寺卿率屬。恭進齋戒牌銅

人於

乾清門。均如

郊祀儀。

皇帝乃齋於

大內齋宮。王公百官各齋於次。凡書祝版視割牲

儀均與

郊祀同。先一日昧爽。太常寺設黃案一於

中和殿

御座之南。太常寺卿率屬祇候贊事殿內。司祝由內

閣恭奉

後殿

中殿祝版。暫設

太和殿。初昕。太常寺卿至

乾清門奏時。

皇帝御衮服乘輿出宮。至

中和殿後降輿

御殿。立楹前西嚮。司祝由

太和殿恭奉祝版以次行。導引如儀。至

中和殿。奉

後殿祝版恭設案左。奉

中殿祝版恭設案右。三叩興退。太常寺卿二人展祝文。

贊禮郎布拜褥。

皇帝詣案前恭閱。行三拜禮畢。太常寺官恭送祝版

奉安

太廟神庫內。

駕還宮。屆期。太常寺卿率屬入

廟。潔錫殿內外。藉以被薦。恭設

後殿

列祖

列后神座於

寢室前。

肇祖原皇帝正中。

原皇后配。

興祖直皇帝左。

|             |
|-------------|
| 直皇后配。       |
| 景祖翼皇帝右。     |
| 翼皇后配。       |
| 顯祖宣皇帝次左。    |
| 宣皇后配。均南嚮。恭設 |
| 中殿          |
| 列聖          |
| 列后神座於       |
| 前殿。         |
| 太祖高皇帝正中。    |
| 孝慈高皇后配。     |
| 太宗文皇帝左。     |
| 孝端文皇后       |
| 孝莊文皇后配。     |
| 世祖章皇帝右。     |
| 孝惠章皇后       |
| 孝康章皇后配。皆南嚮。 |
| 聖祖仁皇帝東位西嚮。  |
| 孝誠仁皇后       |
| 孝昭仁皇后       |

|            |
|------------|
| 孝懿仁皇后      |
| 孝恭仁皇后配。    |
| 世宗憲皇帝西位東嚮。 |
| 孝敬憲皇后      |
| 孝聖憲皇后配。    |
| 高宗純皇帝東次西嚮。 |
| 孝賢純皇后      |
| 孝儀純皇后配。    |
| 仁宗睿皇帝西次東嚮。 |
| 孝淑睿皇后      |
| 孝和睿皇后配。    |
| 宣宗成皇帝東次西嚮。 |
| 孝穆成皇后      |
| 孝慎成皇后      |
| 孝全成皇后      |
| 孝靜成皇后配。    |
| 文宗顯皇帝西次東嚮。 |
| 孝德顯皇后      |
| 孝貞顯皇后配。    |
| 穆宗毅皇帝東次西嚮。 |

孝哲毅皇后配。展兩廡配饗。東通達郡王。次武功郡王。

武功郡王福晉。次慧哲郡王。慧哲郡王福晉。次

宣獻郡王。宣獻郡王福晉。次禮烈親王。次睿忠

親王。次鄭獻親王。次豫通親王。次武肅親王。次

克勤郡王。次怡賢親王。次超勇襄親王。策凌。均

西面。西信勇公費英東。次宏毅公額亦都。次武

勳王揚古利。次果毅公圖爾格。次雄勇公圖賴。

次忠達公。大學士圖海。次襄勤伯。大學士鄂爾

泰。次大學士張廷玉。次協辦大學士尚書公兆

惠。次大學士郡王銜傅恆。次大學士公阿桂。次

大學士郡王銜福康安。次科爾沁博多勒噶台

親王僧格林沁。均東面。將事之夕夜分。太常寺

卿率屬然炬明鐙。具器陳。

帝 后皆同案。每案牛一。羊一。豕一。簋二。籩二。饗十有二。豆

十有二。鑪一。鐙二。每位登一。鉶一。金七一。金箸

二。南設三案。一中少西供祝版。一東次西嚮。一

西次東嚮。分奠。

帝 后每案香盤一。每位奉先制帛一。白。尊一。玉爵三。

後殿

前殿同。

前殿東案。陳壺一。實福酒。盤一。實胙肉。東廡十二案。皆

牛一。羊一。豕一。簋二。籩二。饗十。豆十。每位鉶一。

西廡十三案。皆羊一。豕一。鉶一。簋一。籩一。饗四。

豆四。又各設案於南。東廡奠尊八。每案香盤一。

每位展親制帛一。鉶爵三。西廡奠尊八。每位報

功制帛一。鉶餘同東廡。凡牲。陳於俎。凡帛。實於

篚。凡尊。實酒承以舟。疏布罩勺具。工部官張黃

幄於戟門。鑿儀衛官設洗於幄外。樂部率太常

寺協律郎設中和韶樂於殿外階上。分東西懸。

陳武功文德二舞於樂懸之次。並如

郊祀儀。陳設畢。太常寺博士引禮部侍郎一人詣

後殿

前殿 神位前。省視牲帛。染盛及饗豆登鉶之實。畢。並詣東西

廡周視如儀。行禮位。

前殿門內正中。為

皇帝行禮拜位。北嚮。殿外階上東西。為王以下。公以

上拜位。階下甬道東西。為兩廡分獻官拜位。廟



庭東西。為百官拜位。文官郎中以上。武官參領。世爵輕車都尉以上。東西各五班。重行異等。均北面。東位西上。西位東上。執事位。司拜褥鑿儀衛官二人。分立於

皇帝拜位左右。太常寺司祝一人。立祝案西。東面。太常寺司香四人。宗室官司帛四人。司爵十二人。序立東案之東。西面。太常寺司香二人。宗室官司帛二人。司爵七人。序立西案之西。東面。均北上。光祿寺卿二人。立東司香之後。西面。侍衛二人。立西司香之後。太常寺贊賜福胙一人。立西

司爵之次。均東面北上。侍儀禮部尚書侍郎各一人。立東案之南。西面。都察院左都御史副都御史各一人。樂部典樂一人。立西案之南。東面。均北上。太常寺典儀一人。立殿東門外。西面。階上。東西糾儀御史二人。禮部祠祭司官二人。立於王公拜位之前。引王公行禮。鴻臚寺官二人。分立於糾儀官之次。均東西面。司樂協律郎樂工序立樂懸之次。歌工立樂工之次。樂舞生文武八佾。分行序立。東列歌工之左。西列歌工之右。北面。記注官四人。立西階下。東面北上。糾儀

御史四人。禮部祠祭司官二人。鴻臚寺官二人。分立於百官行禮位前。均東西面。掌燎官率燎人立燎鑪南。承祭

後殿官拜位。設於殿外階上。太常寺司祝一人。司香四人。覺羅官司帛四人。司爵八人。糾儀御史四人。以次序立於殿內。均東西面。太常寺典儀一人。立於殿門外之東。掌燎官立位同前。屆期五鼓。鑿儀衛陳

法駕函簿於  
午門外。陳金輦於

太和門外。陪祀王以下。公以上。按翼集廟街門外。候

駕至隨行。承祭

後殿官分獻官。均先俟於廟南門外。陪祀百官序立於廟庭左右。祇候。司祝二人詣

神庫祝案前。跪三叩興。恭奉祝版。先

後殿次

前殿。各奉安於祝案。跪叩如初。日出前四刻。公一人詣後殿香几前。上香。退。出殿右門外。就階上。正中行三跪

九叩禮。覺羅官分詣

後殿寢室前。跪三叩興。恭請四室

神位奉安於殿內

寶座。跪三叩興。退。王一人詣

中殿。上香行禮。如

後殿之儀。宗室官分詣

中殿寢室前。跪三叩興。恭請十室

神位。以次出殿中門。太常寺官十人前引。由

前殿北門入。循殿左轉至殿中。依序奉安於

寶座。跪三叩興。退。均就執事位。太常寺卿赴

乾清門奏時。

皇帝御祭服。乘禮輿出宮。至

太和門外降輿。乘金輦。鑾儀衛奉輦納陛。內大臣

侍衛前引。後扈如常儀。執鑪銜官左右列行。

午門嚴鼓。導迎樂陳而不作。不陪祀王公以下文

武各官。咸朝服跪送。太常寺贊禮郎豫引

後殿承祭官由右戟門入。至

後殿內垣門外東面立。

駕入

太廟街門左門。至

神路右降輦。納陛扶輦如前儀。右贊引左對引太

常寺卿二人恭導

皇帝至

太廟南門。入左門。詣戟門。幄次少俟。太常寺卿告奉安

神位畢。奏請行禮。

皇帝出次。盥。鑾儀衛官跪奉盥奉巾如儀。盥畢。入戟

門左門。司拜褥官豫布拜褥於殿門內正中。贊

引對引官恭導

皇帝升東階。進

前殿左門。就拜位前北嚮立。執鑪銜官止東階下。夾階

左右立。侍衛退至東西陞隅僉立。前引內大臣

止殿外檐下。東西侍立。後扈大臣隨侍。贊禮郎

二人引承祭

後殿官由內垣右門入。升自西階。至中階拜位前立。贊

禮郎東西各二人引分獻官。鴻臚寺官引陪祀

王公百官。均就拜位序立。典儀贊樂舞生登歌

執事官各共乃職。武舞執干戚進。贊引奏就位。

皇帝就位立。

後殿典儀贊執事官各共乃職。贊禮郎贊就位。承祭官

就位立。典儀贊迎

神。左右司香奉香盤。以次進至各案前恭候。司樂贊舉

|                          |                           |
|--------------------------|---------------------------|
| 迎                        | 神樂。奏貽平之章。樂作。贊引奏詣香案前。暨對引官恭 |
| 導                        | 皇帝詣                       |
| 太祖高皇帝香案前。對引官至祝案前止立。司香跪。贊 | 引奏跪。                      |
| 皇帝跪。奏上香。司香進香。            | 皇帝上炷香。三上辨香。興。以次詣          |
| 太宗文皇帝                    | 世祖章皇帝                     |
| 聖祖仁皇帝                    | 世宗憲皇帝                     |
| 高宗純皇帝                    | 仁宗睿皇帝                     |
| 宣宗成皇帝                    | 文宗顯皇帝                     |
| 穆宗毅皇帝香案前。上香儀同。贊引奏復位。暨對引官 | 恭導                        |
| 皇帝復位立。贊引奏跪拜興。            | 皇帝行三跪九拜禮。王公百官均隨行禮。樂止。初迎   |

|                           |                            |
|---------------------------|----------------------------|
| 神時。                       | 後殿典儀贊同。贊禮即贊詣香案前。贊跪。贊上香。引承  |
| 祭官詣                       | 肇祖原皇帝                      |
| 興祖直皇帝                     | 景祖翼皇帝                      |
| 顯祖宣皇帝香案前。以次跪上香畢。復位。行三跪九叩  | 禮如儀。典儀贊奠帛爵行初獻禮。司樂贊舉初       |
| 獻樂。奏救平之章。樂作。司樂舉節。舞干戚之舞。   | 有司揭尊罍。勺挹酒實爵。左右司帛司爵。以次      |
| 進至各                       | 神位前。司帛跪獻篚。奠於案。三叩興。司爵立獻爵。奠於 |
| 墊中。各退。樂暫止。司祝詣祝案前。跪三叩興。奉   | 祝版跪案左。贊引奏跪。                |
| 皇帝跪。羣臣皆跪。贊讀祝。司祝讀祝。讀畢興。奉祝版 | 跪安                         |
| 神位前篚內。三叩興。退。樂作。贊引奏拜興。     | 皇帝率羣臣行三拜禮。興。樂止。武功之舞退。文舞執   |
| 羽籥進。初奠帛爵時。                | 後殿典儀贊奠帛爵行初獻禮。有司揭尊罍。勺挹酒實    |

爵。左右司帛爵。以次進至各

神位前。真帛獻爵。儀同

前殿。司祝詣祝案前。跪三叩興。奉祝版。跪案左。贊禮郎

贊跪。承祭官跪。贊讀祝。讀畢興。奉祝版。跪安

神位前。篚內。三叩興。退。贊禮郎贊叩興。承祭官行三叩

禮興。

前殿。兩廡贊禮郎。引分獻官詣兩廡配饗位前。上香。執

事生。揭尊。冪。勺。挹酒。實爵。奉篚。奉爵。各分獻。退。

典儀贊行亞獻禮。司樂贊舉亞獻樂。奏敷平之

章。樂作。舞羽籥之舞。司爵詣各

神位前。獻爵於左。儀如初獻。

後殿。典儀同時贊行亞獻禮。司爵獻各

神位前。如

前殿之儀。兩廡分獻畢。樂止。典儀贊行終獻禮。司樂贊

舉終獻樂。奏紹平之章。樂作。司爵詣各

神位前。獻爵於右。儀如亞獻。

後殿。典儀同時贊行終獻禮。司爵獻爵各

神位前。如

前殿之儀。兩廡分獻畢。引分獻官退。復拜位立。樂止。文

德之舞退。太常寺贊禮郎一人。詣拜位前。西面

立。贊

賜福胙。光祿寺卿二人奉福胙詣

神位前。拱舉。退。祇立於

皇帝拜位之右。侍衛二人進立於左。贊引奏跪。

皇帝跪。左右官皆跪。奏飲福酒。右官進福酒。

皇帝受爵拱舉。授左官。奏受胙。右官進胙。

皇帝受胙拱舉。授左官。奏拜興。

皇帝三拜興。又奏跪拜興。

皇帝率羣臣行三跪九拜禮。興。典儀贊徹饌。司樂贊

舉徹饌樂。奏光平之章。樂作。徹畢。樂止。有司徹

後殿饌如儀。太常寺贊禮郎詣

神位前。跪奏禮畢。請

還寢室。三叩興。退。司樂贊舉

還宮樂。奏又平之章。樂作。贊引跪奏拜興。

皇帝率羣臣行三跪九拜禮。興。樂暫止。典儀贊奉祝

帛。送燎。司祝司帛詣

神位前。咸跪三叩。司祝奉祝。司帛奉篚。興。司香跪奉香。

興。以次恭送燎所。

皇帝轉立拜位旁。西嚮。司拜褥官徹拜褥。王公百官

退避。側立東西面。俟祝帛過。仍布拜褥。

皇帝復位立。

後殿贊禮即贊跪叩興。承祭官行三跪九叩禮。興。典儀

贊奉祝帛送燎。司祝奉祝。司帛奉篚。司香奉香。

恭送燎所。如

前殿之儀。執事生奉兩廡香帛焚燎。樂作。贊引奏禮成。

暨對引官恭導

皇帝自殿左門降東階。由東戟門出。贊禮即引承祭

後殿官退。王公二人。率宗室覺羅恭奉

後殿

前殿

神位還寢室。上香行禮。與請

神位儀同。禮成。

皇帝至

太廟南門外

神路右乘禮輿。導迎樂作。奏祐平之章。

午門鳴鐘。不陪祀王公百官咸朝服跪迎。王公隨

駕入。至內金水橋。恭候

皇帝還宮。皆退。太常寺官徹

乾清門齋戒牌銅人送寺。○順治元年定

太廟時饗。每歲孟春。於正月上旬卜日。孟夏孟秋孟冬。

於朔日行禮。禘祭於歲除行禮。孟春時饗。如遇

祈穀齋戒之期。

皇帝詣

太廟出入。導迎樂均設而不作。○三年定。時饗樂作於

廟門。○八年定。時饗奏樂於

殿內。文武佾舞全設。○又定。

親祭

太廟進胙肉福酒。如

圜丘大祀儀。○又定。凡祀

太廟齋戒三日。

皇帝親詣。或遣官恭代。俱於

太和殿設齋戒牌銅人。各衙門亦設齋戒牌。不理

刑名。若有緊急事務仍辦理。

大內及宗室並齋戒。官家不祀神。如

皇帝躬饗

太廟和碩親王以下。陪祀官以上。俱於家齋戒。如遣官

恭代。則

皇帝齋戒。和碩親王以下。輔國公以上。不必齋戒。陪

祀官齋戒如前。

欽定大清會典事例卷一千七十二

太常寺

禮節

時饗 太廟禮節

太廟禮節二

裕祭

康熙九年題准。

太廟東廡設太牢。○十年題准。每饗

太廟。後殿獻爵用覺羅官。

親詣致祭。

前殿獻爵用侍衛。○二十四年

諭。往見贊禮郎宣讀祝版。至朕名聲輒不揚。父前子名。

前經所載。朕對越之次。惟懼誠敬稍有未至。無以昭

格神靈。為子孫者通名於祖父。豈可涉於慢易。嗣後

俱應高聲朗讀。毋庸顧忌。○又

諭。前見

太廟致祭時。執事官奉福胙由兩

神位間趨走。於尊

祖敬

宗之意未協。對越

祖

宗。典禮甚鉅。惟嚴肅不懈。始可薦馨。在廟奔走之人。亦當誠敬將事。共襄大禮。不應稍有褻慢。且亞獻禮俱

唱為次獻。亦與漢文不符。爾等會同內閣禮部察例奏聞。欽此。遵

旨議定。嗣後執事各官。從外旁趨走。唱次獻改為亞獻

○二十五年議准。陪祀

太廟官員。俱不照加級。武官公以下。參領阿達哈番

以上。文官尚書以下。郎中以上。滿科道漢科掌

印給事中。綠營武官參將遊擊以上。令其陪祭。

有高聲喧語失儀者。監察御史。禮部官員即指

名題參。○雍正八年議准。時饗

太廟照祭

社稷壇之禮。於迎

神奏樂時詣

列聖位前跪上炷香。次三上辦香。兩廡分獻官上香。裕

祭皮

奉先殿

太廟後殿皆同儀。○十一年議准。

太廟

神牌。均照

奉先殿之制。供奉

寶座居中。請

神牌官員俱帶桶口並於

神牌之下。增用泥金托座。十二年定嗣後饗

太廟於迎

神奏樂時贊引官對引官恭

皇帝詣

太祖高皇帝神位前立。司香官奉香金跪於左。贊引官

奏跪

皇帝跪奏上香。

皇帝舉炷香上鎰內。又三上辦香。興。

列祖神位前亦如之。上香畢。奏復位。

皇帝復位立。樂止。其兩廡分獻官於上香時亦各詣

兩廡跪上香。裕祭及

太廟後殿

奉先殿儀亦如之。又定嗣後請

神牌俱用太常寺官。獻帛爵俱用侍衛。乾隆元年議

准

太廟奠帛獻爵。用宗室侍衛四十員。宗室將軍官二十

員。二年奏准

太廟祝版書

列聖尊益。香帛乃

神位前奠獻品物。其禮畢送往燎所時。應由中路行。與

祭祀各

郊壇典禮畫一。嗣後時饗

太廟饗儀衛司拜褥官設拜褥畢。照常退至尊案後立。

俟送祝帛時。

皇帝轉立東旁。即起拜褥。俟奉祝帛官由中路出。復

設拜褥。

皇帝復位。又奏准

太廟各香案前。增設燭臺一對。

中殿均用白蠟。祭祀時向有爵無墊。應於奠獻時增設

爵墊。以昭整肅。又定時饗

太廟。取司爵宗室官十九員。司帛宗室官五員。覺羅官

十二員。三年。增宗室將軍六員。九年議准

太廟後殿獻爵。用覺羅官二十四員。十三年議准時

饗

太廟陳設樂舞於

殿外丹陛兩旁。十四年議准

太廟

神牌。用宗室覺羅官恭奉。其上香行禮。令宗人府王公

暨朔望上香之王公內。每祭以二人將事。十

七年奏准時饗

太廟日遇雨雪。分獻官陪祀王公。仍遵二年

諭旨。於兩廡廊下戟門行禮。其陪祀百官。於左右門行

禮。又定。

太廟後殿時饗。增司帛覺羅官四員。三十九年定。

太廟時饗。取司帛爵宗室二十五員。覺羅官十六員。

嘉慶五年

諭。此次孟秋時饗

太廟。係派王恭代。所有齋戒陪祀之王公大臣官員。於

齋戒日期內。俱著穿石青褂。挂朝珠。不帶齋戒牌。初

一日祭期。穿補褂。挂朝珠。此後二十七個月內。逢齋戒

祭祀之期。俱照此例行。其齋戒期內。遇朔望。皆穿補

褂。挂朝珠。如祭日值朔望。禮畢後。仍穿補褂。挂朝珠。

其非朔望日。祭畢後。穿石青褂。挂朝珠。八年

諭。向來孟春

太廟時饗。係於正月上旬。諏吉舉行。非如夏秋冬之必

於孟月朔日。著有定期者可比。且較之

祈年祀典。定以辛日將事者。亦屬有閒。因思祭期若在

正月初四五十等日。則初三適當致齋之期。正值

皇考高宗純皇帝忌辰。朕若仍御青袍褂。則

廟祀為重。若竟御齋戒常服。朕心實切不安。即臣工等

常服將事。亦究有未協。禮緣義起。自當斟酌變通。嗣

後孟春時饗日期。總以正月初八初九初十等日內

擇吉舉行。著為令。二十年

諭。嗣後祭

太廟。所有落轎氈。在原鋪設。椽薦處所。稍東鋪設。二

十二年

諭。

壇

廟祀典重大。執事各員。應倍矢恪恭。期無愆忒。本月初

八日孟春時享

太廟。讀祝官桂芬。將二十二年誤讀為二十一年。有失

敬謹。應交刑部治罪。該堂官等。僅奏請將桂芬嚴加

議處。並自請議處。甚屬非是。桂芬著即革職。發往伊

犁。以示懲儆。舒甯。色克。精額。俱係贊禮郎出身。桂芬

讀祝錯誤。皆由伊等平日教習疏懈所致。伊二人均

著交部嚴加議處。成甯。管理太常寺。甫經數日。著交

部議處。至該衙門漢堂官。如儀文禮器。有舛誤之處。

自應一併交議。今讀祝係屬清語。漢人不能諳悉。韓

鼎。晉。楊。懌。曾。俱著免其議處。二十四年定。



太廟祭祀禮成後。太常寺堂官督同廳員率領廚役等

恭徹祭品祭器。如有閒雜人等混入並喧譁者。

立即查拏究辦。○又

諭。向來齋戒例不祀

神。本年孟春

太廟時饗。派二阿哥恭代行禮。初五日二阿哥入城齋

戒。二阿哥所。即不應舉行祭

神之禮。太常寺業經知照掌儀司。因掌儀司未經告知

司俎官。仍於初五日祭

神。司俎官係不知二阿哥於是日齋戒。其咎皆在掌儀

司。所有掌儀司承辦司員。著實降一級調用。不准抵

銷。英和蘇楞額和世泰禧恩常福。著罰俸一年。那彥

寶係管理二阿哥家務之員。著罰俸二年。亦俱不准

抵銷。二阿哥既入城齋戒。不先行飭知改期。亦屬疏

忽。著那彥寶前往傳旨申飭。○道光十年

諭。嗣後

太廟謝福胙。著照

社稷壇之禮。王公百官均隨行三跪九拜禮。贊引官奏

行三拜禮時。即著傳贊王公百官隨同行禮。○九年

諭。每年恭祭

太廟。祝文內敬書

列后徽號。向不恭讀。嗣後祝版除敬將

列后廟號尊益照常恭繕外。毋庸再書

徽號。以昭敬慎。○十三年

諭。七月初一日舉行孟秋時饗

太廟典禮。例遣親王恭代。所有在

廟承祭執事之人。自宜潔蠲將事。以肅明禮。况祭時朝

服樂章。一切如常。未便仍留長髮將事。現在派出承

祭之定親王奕紹。及

廟中執事官員。俱著於齋戒前一日先行薙髮。用申誠

敬。其陪祀各員。俱著毋庸薙髮。

裕祭

太廟禮節。○歲除前一日。奉

後殿

中殿

列聖

列后。合食

前殿。致齋視牲書祝版。視割牲祭前諸儀。並準時饗。先

一日。遣官各一人分詣

後殿

後殿

中殿以拾祭告。太常寺豫具祝版二。送內閣恭書。奉安太廟神庫。潔備器陳。屆期雞初鳴。太常寺卿率屬入廟。恭展

後殿

中殿神帳。每案薦鹿脯鹿醢。兔醢。棗。棗。葡萄。桃。實。蓮。實。

鐘。鐃。具。設案一於殿中少西。供祝版。司祝立於案西。東面。設案二於殿內左右。分奠香帛。尊爵。如常祭之數。司香司帛司爵。各立於案後。糾儀御史二人。立司爵之南。均東西面。太常寺典儀一人。立殿東檐下。西面。

後殿

中殿同。未明。遣官祇俟於街門內。贊引太常寺贊禮郎。

後殿

中殿各二人。豫俟於殿垣門外。均朝服。質明。遣官進廟。

南門及戟門。均由右門入。經庭西詣

後殿

中殿。贊禮郎引入。升自西階。至中階上拜位前北面立。

典儀贊執事官各共乃職。以下禮儀節次。皆與儀同。贊禮郎贊進。引遣官就拜位立。凡遣官進。行禮。皆贊引。

中殿。司香奉香盤。進至各香案

前恭候

後殿遣官詣

肇祖原皇帝香案前跪。司香跪奉香。遣官上炷香。三上

辦香。興。以次詣

興祖直皇帝

景祖翼皇帝

顯祖宣皇帝香案前。上香如前儀。畢。復位。贊跪叩興。行三

跪九叩禮

中殿遣官詣

太祖高皇帝香案前。跪上香。以次詣

太宗文皇帝

世祖章皇帝

聖祖仁皇帝

世宗憲皇帝

高宗純皇帝

仁宗睿皇帝

宣宗成皇帝

文宗顯皇帝

穆宗毅皇帝香案前。跪上香。畢。復位。行禮儀同。均出入殿

右門。司帛奉篚。司爵奉爵。詣

列聖案前行初獻禮。司帛跪獻篚。奠於案。三叩興。司爵

立獻爵。奠於墊中。各退。司祝詣祝案前跪。三叩

興。奉祝版跪案左。贊跪。遣官跪。司祝讀祝文。

後殿祝

中殿祝讀訖。興。奉祝版跪安。

神位前。三叩退。遣官三叩興。行亞獻禮。司爵詣

列聖案前獻爵於左。行三獻禮。司爵獻爵於右。均如初

儀。遣官行三跪九叩禮興。乃送燎。司祝司帛詣

神位前。成跪三叩。司祝奉祝。司帛奉篚。興。司香跪奉香。

興。以次恭送燎所。遣官避立拜位西。東面。俟過

復位。既送燎。贊禮畢。引遣官仍降西階退。

後殿

中殿同。是日。太常寺卿率屬潔蠲。

前殿。藉以椶薦。恭設

列聖

列后神座於殿內。

肇祖原皇帝居中。

原皇后配。

興祖直皇帝左。

直皇后配。

景祖翼皇帝右。

翼皇后配。

顯祖宣皇帝次左。

宣皇后配。

太祖高皇帝次右。

孝慈高皇后配。

太宗文皇帝次左。

孝端文皇后

孝莊文皇后配。

世祖章皇帝次右。

孝惠章皇后

孝康章皇后配。

聖祖仁皇帝東位西嚮。

孝誠仁皇后

孝昭仁皇后

孝懿仁皇后

孝恭仁皇后配。

世宗憲皇帝西位東嚮。

孝敬憲皇后

孝聖憲皇后配。

高宗純皇帝東次西嚮。

孝賢純皇后

孝儀純皇后配。

仁宗睿皇帝西次東嚮。

孝淑睿皇后

孝和睿皇后配。

宣宗成皇帝東次西嚮。

孝穆成皇后

孝慎成皇后

孝全成皇后

孝靜成皇后配。

文宗顯皇帝西次東嚮。

孝德顯皇后

孝貞顯皇后配。

穆宗毅皇帝東次西嚮。

孝哲毅皇后配。展兩廡配饗位。如時饗之儀。祭日。日出

前七刻。司祝一人恭奉祝版。安設於

前殿祝案上如儀。公一人率宗室官八人詣

後殿上香行禮。如時饗奉請

神位之儀。恭奉四室

帝

后神位。出中門降階。太常寺官十人前引。由內垣中門

循

中殿東出。王一人率宗室官十九人詣

中殿上香行禮儀同。恭奉十室

帝

后神位出寢室。俟

後殿神位升階。至

中殿神路中南嚮前行。

中殿神位乃以次隨行入

前殿。依序奉安於各

寶座如儀。退。迎

神。奏開平之章。初獻。奏肅平之章。亞獻。奏協平之章。終

獻。奏裕平之章。徹饌。奏誠平之章。

還宮。奏成平之章。其餘舞佾及牲帛器數。

皇帝行禮儀節。祝官陪位。均如時饗之儀。○順治八

年定。

太廟歲暮祭。大建於二十九日。小建於二十八日。○十

七年定。拾祭樂舞。設於殿外。○乾隆二年定。拾

祭



ZW 21101000693393

|                                  |
|----------------------------------|
| 太廟。取司爵宗室官二十七員。司帛宗室官九員。○三十七年歲暮禋祭。 |
| 高宗純皇帝親詣                          |
| 肇祖原皇帝位前上香。                       |
| 列祖                               |
| 列宗位前派                            |
| 皇子親王分詣。同時上香畢。仍各復其位。行禮如初儀。詣       |
| 廟時。                              |
| 高宗純皇帝乘輦。由                        |
| 闕左門入西北門。至                        |
| 太廟北門外降輦。乘禮轎。循東牆戟門外東階下降輿。步入左門。升階進 |
| 殿行禮。禮成升輿亦如之。○嘉慶二十年議准。歲暮禋祭。應將     |
| 後殿寶椅。恭移                          |
| 前殿安設。祭畢。仍請至                      |
| 後殿。其陳設安奉祭器。定例事隸太常寺。惟太常寺並無匠役。嗣後移請 |
| 寶椅。令工部製造庫直年司官。帶領食糧匠役。會同太         |

|  |
|--|
| 常寺。飭令該處太監。敬謹移請安設。○咸豐八年   |
| 諭。朕體自入冬以來。一切照常。惟右足尚覺無力。茲屆歲暮禋祭之期。若勉行全禮。恐登降拜跪。偶有愆儀。不足以昭儼恪。本月二十九日 |
| 太廟禋祭。著派恭親王奕訢恭代行禮。是日致祭之先。朕仍親詣                                   |
| 太廟行三跪九拜禮。以申誠敬。   |